

釋宗金書



禪宗全書

語錄部十四

(49)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠


開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓



一、天如惟則禪師語錄

二、千巖和尚語錄

三、無見先靚禪師語錄

四、南堂了菴欲禪師語錄

五、穆菴文康禪師語錄

六、平石砥禪師語錄

七、楚石禪師語錄

八、了堂惟一禪師語錄

九、萬峯和尚語錄



解題

編譯組

一、天如惟則禪師語錄：九卷。元·天如惟則撰。至正十四（一三五四）年刊行。又稱「天如和尚語錄」、「師子林天如和尚語錄」。集錄天如和尚之示衆、普說、升座、小參、法語、偈頌、佛事、佛祖讚、詩、序、說、記、銘、書問、祭文、宗乘、要義等。

二、千巖和尚語錄：一卷。元·千巖元長撰，嗣詔編。明萬曆四六（一六一八）年改刊。係中峰明本法嗣千巖元長的語錄。收錄師之上堂、小參、普說、法語、頌古、偈頌、讚、跋、佛事等。

三、無見先觀禪師語錄：二卷。元·無見先觀撰，智度等編。元·至正十七（一三五七）年序刊。又稱「天台無見觀禪師語錄一」、「妙明真覺無見觀和尚住華頂善興禪寺語錄」。無見先觀爲方山文寶之法嗣弟子，本書即其止住天台（浙江省）華頂善興禪寺之語錄。卷上收有示衆、小參、法語、頌古、真贊，卷下收有偈頌、山居詩、題跋、臨終遺誡、辭世偈。卷末附曇噩撰「無見觀和尚塔銘」。

四、南堂了菴欲禪師語錄：二十二卷。元·了菴清欲撰，一志等編。元·至正二十（一三六〇）年刊行。又稱「慈雲普濟禪師語錄」。係古林清茂法嗣了菴清欲的語錄。集錄師在開福、本覺、雲巖等禪寺的語錄，以及舉古、法語、普說、偈頌、謠、歌、十二時歌、四威儀、銘、

贊、題跋等。

三、穆菴文康禪師語錄：一卷。元·穆菴文康撰，清逸等編。又稱「穆菴和尚語錄」。爲臨濟宗了菴清欲法嗣——穆菴文康的語錄。收錄師在明嚴大梵、龍華寶乘、金山龍游等禪寺的開堂語、小參、上堂、秉拂、偈贊等。

六、平石砥禪師語錄：一卷。元·平石如砥撰，文昶等編。又稱「天童平石和尚語錄」。集錄平石和尚在保聖、定水、天童三禪寺的上堂、小參，以及真讚、偈頌等。

七、楚石禪師語錄：二十卷。元·楚石梵琦撰，祖光等編。明·萬曆十八（一五九〇）年刊行。又稱「佛日普照慧辯楚石禪師語錄」。係大慧宗杲下六世孫——楚石梵琦的語錄。收錄師在福臻、永祚、本覺等六寺的語錄，以及代別、秉拂小參、舉古、頌古、佛祖偈贊、法語、偈頌、雜著、水陸陞座等。

八、了堂惟一禪師語錄：四卷。元·了堂惟一撰，宗義等編。又稱「了堂和尚語錄」。爲竺源妙道法嗣了堂惟一的語錄。收錄師在延慶、曠度、天寧、天童等寺的語錄，以及頌古、讚語、自讚、偈頌、小佛事等。

九、萬峯和尚語錄：一卷。元·萬峰時軒撰，普壽編。集錄師之住蘭溪州嵩山聖壽禪寺語錄，以及頌古、法語、佛祖讚、警策、披衣歌、塔銘、傳等。

目次

解題

壹、天如惟則禪師語錄

序

原書目錄

卷一：示衆

普說

卷二：普說

升座

小參

卷三：法語

卷四：偈頌

卷五：佛事

自讚

一
三
五
六
一九
二七
三七
四九
五一
六九
八三
八六

佛祖讚	八八
詩	九〇
卷六：序	一〇〇
說	一〇八
記	一一三
銘	一一七
卷七：跋	一二二
疏	一二四
榜	一二七
書問	一三八
卷八：書問	一五四
祭文	一六二
卷九：宗乘要義	一七八
師子林菩提正宗寺記	一八一
貳、千巖和尚語錄	一八三
序	一八四
原書目錄	一八四
上堂	一八四

小參	二〇〇
普說	二〇三
法語	二一〇
頌古	二二一
偈頌	二二六
歌	二三四
讚跋	二三六
佛事	二四五
附錄	二四九
後跋	二五一
敕書	二五三
參、無見先觀禪師語錄	二五五
序	二五六
原書目錄	二五七
卷上：示衆	二五八
小參	二五八
法語	二五九
頌古	二六三

眞贊	二六六
自讚	二六七
卷下：偈頌	二六九
山居詩	二七三
題跋	二七九
臨終示衆	二八〇
遺誠	二八〇
附錄：塔銘	二八〇
跋	二八二
釋、南堂了菴欲禪師語錄	二八三
序	二八四
原書總目	二八五
卷一：住集慶路中山開福禪寺語上	二八六
卷二：住集慶路中山開福禪寺語下	二九三
卷三：住嘉興路本覺禪寺語上	二九九
卷四：住嘉興路本覺禪寺語中	三〇六
卷五：住嘉興路本覺禪寺語下	三一二
卷六：住平江路靈巖禪寺語上	三一八

卷七：住平江路靈巖禪寺語下	三二四
卷八：舉古上	三二八
卷九：舉古下	三三七
卷十：法語上	三四六
卷十一：法語下	三五一
卷十二：普說	三五六
卷十三：偈頌一	三六一
卷十四：偈頌二	三六九
卷十五：偈頌三	三七七
卷十六：偈頌四	三八四
卷十七：偈頌五	三九三
卷十八：偈	四〇〇
卷十九：謠	四〇九
歌	四一〇
十二時歌	四一一
四威儀	四一一
銘	四一二
卷二十：贊上	四一六

卷二十一：贊下……………四二四

卷二十二：題跋……………四三一

附錄……………四三七

恒、穆菴又康禪師語錄……………四三九

原書目次……………四四一

初住天台山明叡大覺禪寺語錄……………四四一

次住杭州龍華寶乘禪寺語錄……………四四三

次住鎮江金山龍游禪寺語錄……………四四五

兼禪……………四四七

偈贊……………四四九

附記……………四五一

陸、平石砥禪師語錄……………四五三

序……………四五四

原書目次……………四五四

初住慶元路保聖禪寺語錄……………四五四

定水禪寺語錄……………四五七

天童禪寺語錄……………四六二

眞讚……………四六九

偈頌.....四七一

跋.....四七八

柒、楚石禪師語錄.....四七九

字.....四八一

原書目錄.....四八三

卷一：住福臻禪寺語錄.....四八四

卷二：住海鹽州天寧永祚禪寺語錄上.....四八八

卷三：住海鹽州天寧永祚禪寺語錄下.....四九八

卷四：住杭州路鳳山大報國禪寺語錄.....五〇七

卷五：住嘉興路本覺寺語錄.....五一六

卷六：住嘉興路報恩光孝禪寺語錄.....五二九

卷七：再住海鹽州天寧永祚禪寺語錄.....五三六

卷八：代別.....五四三

卷九：秉拂小參.....五五八

卷十：舉古上.....五六七

卷十一：舉古下.....五七九

卷十二：頌古.....五九一

卷十三：佛祖偈贊上.....六〇五

卷十四：佛祖偈贊下.....六一四

卷十五：法語.....六二二

偈頌一.....六二三

卷十六：偈頌二.....六三三

卷十七：偈頌三.....六四四

卷十八：偈頌四.....六五六

卷十九：偈頌五.....六六六

卷二十：禪著.....六七七

水陸陞座.....六八一

行狀.....六八四

塔銘.....六八六

捌、了堂惟一禪師語錄.....六九一

原書總目.....六九二

卷一：初住慶元路延慶禪寺語錄.....六九二

台州路紫籙山廣度禪寺語錄.....六九五

卷二：慶元路天寧禪寺語錄.....七一二

天童禪寺語錄.....七二一

頌古.....七二六

讀經	七三〇
自讚	七三五
卷三：偈頌	七三六
小佛事	七五九
卷四：後錄	七六〇
玖、萬峯和堂語錄	七七一
序	七七三
生蘭溪州高僧聖壽禪師語錄	七七四
頌古	七八〇
法語	七八五
佛祖讚	七八八
警策、破衣歌	七九一
塔銘	七九二
傳	七九五
後跋	七九六
附出三文原頌	七九七
附刻東明寺虛白慧昌禪師塔銘	七九七

天如惟則禪師語錄

元・天如惟則
撰



師子林天如和尚語錄叙

世尊以正法眼藏付摩訶迦葉實令傳授是爲教外別傳之宗也二十八傳至菩提達磨向少林面壁安心其道始行于東土五傳至嶺南五傳至河北又六傳至湖南慈明圓公而益盛派衍枝分同一法印亦如貝玉金珠千奇萬異一一自內府流出者也慈明直下十傳至雪岩欽公將破沙盆一擊百雜碎痛棒熱喝用無疎親又二傳至普應國師本公坐斷天目山法性波瀾雷霆一世師往矣弟子之襲其風以弘其教者何往無之求其正宗一脈的的相承隨變隨機著著善應者惟師子林天如和尚是也余嘗核所聞於四方禪徒而希慕正音亦已久矣適可庭師來自林下以所携語錄見示余疾讀數則不覺終卷雖老眼昏花亦居然精采百倍若摩尼在室六憲明耀醍醐灌頂五內清涼其足以昭回季運力障狂瀾丕振國師之化爲百世光明幢者盡在是矣若其所謂如優曇花如鐵蒺藜如熱油鐺如吹毛劍又在觀是錄者自具隻眼余竊笑他日南歸猶當扶策一造林

間以慰傾渴

至正九年歲在己丑四月八日翰林學士賁善大夫知制誥同修國史長沙楊宗瑞拜序

天如禪師語錄序

昔中峰和尚倡道於杭之天目山學者雲集既委世三十年能任其付授之重守其責望之言蘊光鑒承久而愈章傑然而獨立者吾廬陵天如則禪師也禪師既承密印諸大方爭聘之遂隱于吳門師子林一室臥雲泊然無意於當世然四方之欲求其道者惟禪師是歸故其言不待結集而盛行於時其徒善遇廼刻之以傳噫正法眼藏唯微咲者得之教外無可別傳人心何勞直指曰別曰傳曰直指者蓋使其自得之也吾觀禪師之言如鳥飛空如月印水縱橫開合淺深俱應而超然無迹之可尋學者能因言以忘言不滯乎迹而得其指歸然後知其傑然而獨立者亦豈從人而得哉余嘗以事道出吳中仰禪師之高

風而未遑往見宜春詔詎師因遊五臺山蒙其書於
麝丘以示余乃得序其書而且以自慶夫法喜之遇
云

至正九年夏五月辛卯朔應奉翰林文字文林郎
同知制誥兼國史院編修官臨川危素序

天如禪師別錄序

天如禪師世居廬陵之永新爲名族予家湘之茶陵
去師所居僅二十餘里且累以婚媾相往來故早得
聞師名又辱與師之弟行遠遊故嘗得師所爲詩文
讀之當是時予方弱冠所以知者如是而止不知師
之道果何如也及蕩遊淮浙間往往聞師名日盛知
師之道益充業益廣其所需被者益衆於是始以未
及一見爲恨近來吳下席未暖卽造見師子林中當
是時師已棄絕筆墨不談文字不與人事相接無由
得見師之發揮傾寫乃從其徒得師曠昔應酬詩文
書翰別錄一編翻閱數過不忍去手蓋是編特其緒
餘耳微辭奧義固不在是然師之於人率隨機開示

在在呈露苟能由是而求之亦可以少窺師之爲道
矣況師所著楞嚴經會解與其精要語錄皆已刊布
讀者隨其所見而有得焉則師之爲道卽此而在又
何精粗本末之間哉予既早得聞師名晚乃得一見
今又得是編而竊窺之故述而爲之序

至正九年歲在己丑十有二月朔承務郎前江浙
等處儒學副提弟子李祁謹序

師子林別錄序

少林不立文字之學謂之直指得其指者雖三藏之
文亦糟粕耳況夫世之所謂文與詩乎然其學至三
祖乃有信心之銘至永嘉又有證道之歌此非自悖
其宗旨耶識者曰不悖也蓋有以助顯其直指之道
者也降是以往宗師提唱激揚不能無語矣從而源
遠流枝則曲學旁通之士相望以起其材忠穎拔發
而爲文爲詩者詩則詩矣文則文矣豈識者之所取
哉今師子林天如和尚得法於普應國師中峰本公
乃大鳴其道以正少林之宗而隨機泛應靡所不有

焉其徒集語錄之外以詩文爲別錄凡六卷余竊觀其立言寄意皆足以發明直指之道夫豈世之所謂詩與文哉今

天子卽位之初嘗有

旨賜國師語錄并其詩文刊版入藏並行于世而觀者頗有所疑焉故余因序天知禪師之別錄得據鄙見使疑者知有助顯之說云

至正己丑夏翰林待制奉議大夫兼國史院編脩官無學野人遠者圖拜手敘

師子林天知和尚語錄目錄

第一卷

示衆

普說

第二卷

普說

升座

小參

第三卷

法語

第四卷

偈頌

第五卷

佛事

佛祖讚

讚

詩

第六卷

序

說

記

銘

第七卷

跋

疏

榜

書問

第八卷

書問

祭文

第九卷

宗乘

要義

目錄終

示衆

師既不在山致無二堂入室等語然或因會
請益或同參激揚或時節應酬或與客道話
引證機緣或因事學古警發初學隨所聞而
錄之不擇大第總目之三示衆

舉世尊云吾有正法眼藏涅槃妙心付囑摩訶迦葉
黃令傳授師云今日不肯兒孫要問黃面老三者兩
件物你從那裏得來

諸方有海盡禪海并禪剎禪老僧底却是水上葫
蘆禪燭著便動搖著便轉活潑潑地無你奈何處昨
日一陽來復見說生根了也諸人爲我提起看
執法脩行如牛拽磨關西沒頭腦漢盡力道得一半
不執法脩如磨拽牛山僧忍俊不禁也只道得一半
休休以何法證以何法脩隨流認得性無喜亦無憂
不風流處也風流焉拈主丈云叵耐雲門大師又道
觀世音將錢買胡餅放下手却是饅頭卓主丈不因

夜來隔手見海門歌

有時佛出佛手有時放出驢脚踏有時拍禪床有時
擊香卓踏有時舌生毛唇生鬚三丈長年靠壁角臨
濟惡山裏孔一時穿却踏踏禪德向者三箇踏處認
得老僧請你喫無麵餅託

佛祖行不到處行取一步佛祖說不到處說取一句
百兼云一論是九里三論廿七里者箇是佛祖行不
到處老僧行到今日初三四月初四後月初五者箇
是佛祖說不到處老僧說到喝一喝事與有智人斯
罵莫與無智人說話

馬祖喝百丈黃蘗驚吐舌不共戴天警怨氣深入骨
雖然三度打臨濟明知彼此無干涉後來臨濟道箇
無多子始覺漆頭如鐵厥從此逢人喝人政是忍疼
不做向人却道著校拂又道再思一頓無人下手此
意誰曾識如今滿眼是兒孫箇箇會喝馬喝牛門庭
施設巨耐無人肯耳聾無人肯吐舌只有箇沒髻髮
底胡子路見不平火蛇燒面通身熱諸禪德屈屈
趙州道箇無字開口見心肝因甚諸人自生障礙時

有僧請益云。蠢動含靈皆有佛性。爲甚麼狗子獨無。師云。莫說狗子。直饒你問他。釋迦彌勒。還有佛性也。無他。也道無僧云。趙州禪在口唇邊。因甚只會道箇無字。師云。趙州見處。只到者裏。僧云。和尚不肯趙州。那師云。是僧云。趙州是古佛。和尚因甚不肯他。師云。趙州在那裏。隨後便喝。

南泉云。我十八上便解作活計。趙州云。我十八上便解破家散宅。師云。誰知南泉活計。政是破家散宅。底山僧。敢保老趙州不識。南泉窮徹。骨錯疑。活計是家私。却道解破家散宅。或者道。趙州不錯疑。却是和尚錯疑。山僧遂撫掌呵呵向他道。好好山僧錯疑也好。趙州不錯疑更好。

臨濟云。我者裏是活祖。師西來意。一切臨時要用。便用。師拈拂子搖曳示衆云。我者裏也是活底。要用便用。一切臨時且道。與臨濟底是同是別。擊一擊。擲下云。臨濟猶欠者一著在。

問話且止。直饒問似雲興。答如瓶瀉。只是關熱門庭。在你諸人分上。料掉沒交涉。豈不見道。言無展事句。

不投機承言者。喪滯句者。迷擬心。卽差動念。卽乖不撥。不動立地死漢。故我祖師門下。鷲齧相逢。無你轉身處。據令而行。無你開口處。跨一步去。鎖壁银山。眨得眼來。電光石火。三世諸佛現前也。只得望崖而退。若是箇生鐵鑄就底漢。等閑一擲。抹過太虛。直得南山鷲鼻吞却東海鯉魚。陝府鎮牛撞倒嘉州大衆。三界拘繫不得。千聖羅籠不住。從前萬別千差。當下七通人達。一一現成。一一圓妙。方信道達磨元是老臊胡。臨濟喚作白拈賊。雖然恁麼到。獅林門下更須朝打三千暮打八百。何故如此。卓主丈云。華岳連天秀。黃河徹底清。

直指人心。見性成佛。縱橫不是塵。撲落非他物。等是空拳。誑小兒。究竟誰曾辨端的。徒成一犬吠虎。千孫瞞賣。瞞到如今。轉見狼籍。只落得錦鯉尾巴焦烏龜眼睛。赤則上座眼底無筋腕。頭無力。朽索御六馬。明知六馬御不得。棒土塞孟津。明知孟津塞不得。也要敲東籬。打西壁。風角鳥占說黃道黑。惹得諸人氣不平。罵我假佛衣。竊佛食。是一枚無狀村夫。裨販如來。

之賊如今事不得已只得合掌低頭遙謝諸人曰我不敢輕於汝等汝等皆當作佛萬一不然老僧有箇師子林分付與將來彌勒任諸人夾路相逢一棒打與狗子喫遂拍掌呵呵大笑下座

雪峰輓毬禾山打鼓趙州道無雲門道普貼稗麻三斤庭前柏樹子古人垂示雖不同各各控你箇入處者裏還有證據也無有趙王因好劔合國人帶刀楚王好細腰宮人多餓死

一葉落天下秋一塵起太地收源頭截斷無涓滴萬派百川俱倒流時有僧問既是源頭截斷無涓滴那討萬派百川俱倒流來乃拍手笑而答之我是親見底你是卜度底

以拂子打圓相云十方三世一切佛盡在裏許跳不出汝等既是勇猛漢盡力打箇踉蹌跳看若跳得出堪與佛祖爲師亦與老僧爭氣不然老僧也只得墮在裏許

酸醃甕裏多蚊蚋破驢脊上足蒼蠅我者裏沒啞嗽沒栖泊有扇打有烟熏貪生怕死漢不用上吾門

琉璃光法王子云觀三千大千一世界內所有衆生如一器中貯百蚊蚋啾啾亂鳴於分寸中鼓發狂鬧逢佛未幾得無生忍老漢竊疑道大千世界衆生聖凡同處其聖位中有佛有菩薩有善知識或說教或說律或說禪各有師承各分主伴各各提唱各各發明乃至向上向下全提半提照用交參機境縱奪總是破執蕩迷革凡成聖之法因甚縝素不分一例比作蚊蚋一例喚作啾啾亂鳴鼓發狂鬧琉璃光得與麼生大我慢慢慢佛法慢慢諸賢聖慢慢未除如何亦得無生法忍疑而未決偶爾瞌睡夢見琉璃光變作忿怒夜叉形打我一棒云你不見教中道諸佛出世悉皆如影有所說法悉皆如響你將說底作實法會邪若作實法會卽是謗法若謗法卽謗佛若謗佛卽謗自己若謗自己卽謗大地衆生我底慢業可除你底謗罪難饒老漢方擬祇對被他一喝云你喚甚麼作佛喚甚麼作法喚甚麼作自己喚甚麼作衆生語未絕又一喝等閑遭者一棒兩喝不覺徧體汗流豁然眼醒親到不疑之地諸禪德如今汗過清涼也熨

斗煎茶進一杯

舉譬如牛過窓欄角四蹄都過了惟有尾巴過不得師云者箇是東山祖祖不了事處老漢參方三十年也有兩件不了底事是甚麼兩件事飢來要喫飯困來要打眠

舉南泉斬貓話乃呵呵大咲云南泉趙州人窮智短相識滿天下知心能幾人僧問南泉斬貓意作麼生答活底自活問趙州救得貓兒又作麼生答死底自死問斬底是邪救底是邪答斬底救底與貓兒都沒交涉僧云某甲不會答你若不會問取兩堂首座紙屏風上畫於菟兩眼通紅似火珠夜來突出一雙角闕殺楊岐三脚驢汝等諸人上床下地出門入戶各自照管窮性命

佛法本無玄妙只要汝諸人各各知道眼橫鼻直便休今我現前一衆有鼻皆直有眼皆橫面面相對那箇不知乃至晝見日夜見星飢喫飯冷添衣燈籠與霧柱交參厨庫與三門闌額者箇是你眼睛鼻孔裏事諸人總知獅子躡跳上三十三天築著帝釋鼻孔

獅子撲落地樣子成七片者箇是祖師拈弄底諸人也知知則許你知道還會得便休也未既是未得便休且莫等閑放過也須向冷地裏猛著精神自家摸索看忽然摸著鼻直眼橫却來露箇消息喝一喝老僧三十年妄談般若死後當墮無間地獄昨夜十方諸佛生大哀愍同時現前情願墮地獄代我受罪老僧厲聲向他道者箇是我壓視擦袴做得來自作自受底干你甚麼事諸佛擬議被我一喝倒退三千里諸佛出世爲一大事因緣欲以佛之知見開悟衆生山僧亦有一大事因緣欲以衆生知見開悟諸佛汝等還甘此話麼貪悲愚癡是我親莊嚴法報化三身衆生度盡恒沙佛諸佛何曾度一人生死事大諸禪德須是將生死兩字貼在額頭上始得有僧出云某甲不然只將不生不死四箇字貼在額頭上師召衆云者漢元來怕生死如何會得老僧禪遂拈拄杖趨出跛者命在杖濟者命在舟有來由沒來由一身還有一身愁謂僧門下奪食駝牛擬著眼看便與閉却戶

隔牆開口道便與雲却咽喉夜郎無月不點火露柱
從教撞破頭

江上漁翁得魚而喜相向而歌曰棟子花開石首來
填溝壑聚聚或堆丘公徒費釣竿餌日日海頭空手
回任公子聞之不覺手舞足蹈在吟不休諸禪德你
且道他吟箇甚麼

山僧自幼便知有參禪學道可惜不遇人教夾祥祥
弄了一二十年後來被中峯老師折挫一上又被燈
籠冷灰一上忽覺腦門熱發滿面慚愧乃自信參禪
學道是錯用心成佛作祖是錯用心從此一放放下
做箇無轉智無出豁漢喫粥喫飯過聽風聽雨眠如
今算來又過二三十年了往往被人問著無以藉口
依舊將參禪學道四箇字勤發曰僧曰俗精進修行
可謂自不修行令他修行無有是處自不精進令他
精進無有是處既無是處合請諸人處斷處斷得公
罰錢出院打殺也甘心處斷不公汝諸人性命却在
老僧手裏
工夫做到極則無把捉處譬如幸臣之家忽遭籍沒

父母兄弟妻子眷屬朋伴奴婢誅戮都盡一身萬里
居窮遠窮荒之地無一人相識無一人倚靠無一人
商量平生受用境界幾謀志氣一時喪盡當萬死一
生之際自作轉變忽然得箇頂天立地底活計方是
男兒大丈夫咄各自鼻孔各自出氣將謂人人似你
工夫做到轉身處不知不覺築著磕著者場痛快舉
似人不得譬如窮子久失慈母十字街頭忽然撞見
執手牽衣彼此雙淚如雨當此之時只合歡笑因甚
却哭不是苦心人不知

僧請益萬法歸一話師云青州布衫重七斤趙州無
一線遮身譬如起狗入窠巷轉過頭來亂咬人
青州布衫七斤重賊是臨時相鼓籠如今見賊不見
賊帶累平民搜地孔師子林下幸自太平不許瞎驢
趁隊哄

世尊一日升座衆纔集文殊白隨云諦觀法王法法
王法如是世尊便下座師云衆中商量道世尊升座
入林不動草文殊白隨入水不動波自然海晏河清
風行草偃乃搖手呵呵大咲云錯了也錯了也且道

是何道理掀翻海岳求知已撥轉乾坤致太平

不知不覺忽拶透大地山河顛倒走水底火發燒虛
空草木叢林盡作師子吼師云吾祖雪巖老和尚大
驚小怖好一場熱亂頭左右云此事還端的也無待
汝拶透來却向汝道

雲門云盡大地是箇解脫門枉作佛法會却何不見
山是山見水是水師云潦倒雲門前言不應後語如
今盡大地人見山何曾喚作水見水何曾喚作山既
不作佛法會又喚甚麼作解脫門我眼本正因師故
邪邪師過謬非衆生各喝一喝

東海鯉魚打一棒雨似盆傾意作麼生各請下一轉
語看良久自代云東海鯉魚打一棒雨似盆傾
臨濟云你一念心上清淨光是你屋裏法身佛你一
念心上無分別光是你屋裏報身佛你一念心上差
別光是你屋裏化身佛師云大小臨濟元來是箇弄
光影底我當時若見便與一喝喝住掀倒禪床非惟
坐斷渠儂舌頭亦免後代兒孫向光影裏作活計
慈悲不是佛忿怒不是魔明州布袋橫拖豎拖人人

自屎不覺臭淨潔地上政好放廁金窠草窠相去幾
何歲寒落葉無人掃一任門前堆積多

舉實公傳語南岳思大和尚何不下山教化衆生目
視雲漢作麼思大云三世諸佛被我一口吞却更有
甚麼衆生可化師云實公思大一人拖泥帶水一人
歛手縮脚餘六擔板遭人點檢召大衆云一大老即
今在山僧主丈頭上眉毛厮結共展神通還見麼拈
起一枝無孔笛臨風丁倒兩頭吹

天如老漢一箇呆僧爭奈諸人認他不著道他卓卓
巍巍他却巍巍苴苴道他巍巍苴苴他又卓卓巍巍
或時做知識模樣談玄說妙或時現三頭六臂發顯
發惡如是等處一一認他不著殊不知老漢不在諸
人眼睛裏却在諸人鼻孔裏諸人不信伸手摸看縱
饒摸他不著也摸著自家鼻孔

香嚴道一擊亡所知更不假脩持靈雲道自從一見
桃花後直至如今更不疑師云見桃擊竹悟天真莫
向燈籠說悟因忽爾被伊開口咲直教無地可容身
聖節示衆雲從龍風從虎坐人作而萬物觀古人恁

麼贊揚也只見得一半當知道聖中有聖主中有主
量括乾坤帶超今古且如何是超今古底句虛空可
量剎塵可數

新年示衆齋陳如坐堂禾山鼓打鼓牛尾巴說禪烏
柳標下語說禪云臘月三十昨日去正月初一今日
來下語云夜暗晝明去是誰去天高地闊來是誰來
獅林好箇上堂被他抄前說了只落得打箇問訊燒
香喫茶

結夏示衆今晨四月十五諸方浩浩譚禪不是結却
布袋便是同泛鐵船者裏隨緣度日誰能掘地覓天
饑來喫飯困來打眠只有一事不得向諸人道蜀
羅老子要打算飯錢

老僧夜半得一夢開得眼來無處說盡力叫無人應
盡力喝無人知當時諸人政在夢中今日諸人眼開
老僧却當說夢第一不許作說夢會第二不許作實
法會是什麼床下泥猫兒咬破鐵酸蝟
打鼓上堂入室靜坐舉揚般若提唱宗乘且拈過一
邊著老僧從早起下床屙屎送尿洗面漱口撥火燒

香和南問訊契粥契飯呼童掃落葉臨水看遊魚一
語一默一動一靜將諸人本命元辰恣意賣弄晝夜
六時未嘗間歇如今百億須彌山聚在諸人眼睛裏
百億香水海灌在諸人鼻孔中諸人猶來者裏嫌少在
臨濟云我在黃檗先師處喫六十痛棒如蒿枝拂相
似師云好箇頭皮癢骨不知痛痒底龜漢何似近代
兒孫箇箇皮下有血動著他絲毫不得也奇哉
即此用雖此用馬祖百丈少賣弄越格超宗有一機
說甚麼龍生龍鳳生鳳縱使掣開金殿鎖撞動玉樓
鍾也被端禪師道破弄到帝王前一場乾打闕到恁
麼時還有舉似處也無有金毛師子尾吒沙口縫未
開乾坤震動

知見無見斯即涅槃師云明眼人前三尺暗窺中無
主主無賓夜叉拈起吉檀蔴打落松梢月一輪
見見之時見非是見師云海底波斯失却金雙盲婆
子草中尋夜深摸得松毛刺走徧東村叫賣針
釋迦未生以前還有佛法也無達磨未來以前還有
禪道也無旁有僧云和尚說法說禪盡是偷竊古人

他人愛底我也愛他人怕底我也怕也曾怒罵他人也受他人怒罵他人敲鷄卵尋骨頭我也鑽虛空覓縫罅雖然百事雷同却有一般希差以手槌胸云莫道無相識相識滿天下

一手指天一手指地曰天上天下惟吾獨尊師召衆云者箇是誰語僧擬對薰拈主丈云莫謗佛良久云

莫謗老僧又良久云莫謗自己又良久卓主丈云三
段不同收歸上科

捨得赤窮活計與你一場富貴乃長嘯一聲云今人
少信龍王留取夜明珠乞兒留取破蒲袋

狗子佛性有狗子佛性無功德天與黑暗女一條主
丈兩人扶夜來齊發一唉唉道丹霞燒木佛院主僧
眉鬚毗

舉拂子云只者些子不直半錢指揮佛祖號令人天
即今分付諸人去也擲拂子喝一喝下座

臨江能藏主至示衆徑山龍王怒即好圓融珠機得
還他且免貪前失後掉臂出關清風滿袖換却世間
人眼睛自有臨江軍黑豆

金剛圈被人透了栗棘蓬被人吞了老倒楊岐伎倆
已盡天如則不然禪客相逢只消道箇許許多多
透不得吞不得

蘇州百萬倉前昨日三十輩枷頂扭手如柳穿魚
今朝米債已還各自歸家穩坐惟有長連床上客無
繩自縛苦憂煎禪債至今還未得不知何日是歸年

文殊普賢昨夜起佛見法見影向二鐵圍山古人用
處偏結有前無後我者裏家法又別直饒不起佛見
法見也須影向二鐵圍山何故賞則俱賞罰則俱罰
三界無安猶如火宅昨日傍州有信來一火洞然成
瓦礫誰知老僧者裏全身坐在火中四面熾然臭烟
熏煇諸人還能相救麼若救得賞你大白牛車若救
不得各家掃取門前雪

鎮州出大蘿蔔頭宣州出好花木瓜相國寺裏芭蕉
樹風吹雨打彷彿破袈裟諸方大有奇特事師子林
下無足誇地爐燒栴檀子蒿湯當點茶

老僧與諸人共一條性命生同生死同死樂同樂苦
同苦絲毫無間隔頃刻不相離雖然如是大事爲你
不得小事各自支當

棒如雨點喝似雷奔朝打三千暮打八百呵呵大笑
云他來自開我國晏然有般漢便道老和尚錯了也
鍾須鍾鳴鼓須鼓響無事無爲是金鎖難老僧直得
無言可對乃以手自擱口云只好喫現成粥飯什麼
人教你閑多管

如何是佛貳三斤如何是佛乾屎橛如何是佛殿裏底三文大光錢買一箇曲盤要在肚皮裏當下更不氣鮎魚上竹竿胡孫入布袋將僧面前一捏粉碎所以道不見一法即如來方得名爲觀自在

僧問投子同和尚云一大藏教還有奇特事也無同云有僧云如何是奇特事同云演出一大藏教雲巖新和尚云演入一大藏教大慧杲和尚云演出演入則不無二大老若論奇特事三生六十劫未夢見在師云秦林商量都道大慧不肯二老若作甚麼商量三生六十劫未夢見大慧在

單單提一箇無字如靠一座須彌山擊拂子云須彌山崩了也崩後如何看脚下

山中何所有嶺上多白雲阿呵呵箇是衆家之物誰敢私而有之雖然如是只可自怡悅不堪持贈君舉百丈野狐因緣師云前云不落後云不昧引得野狐隨羣逐隊喝當時若下得者一喝前後五百生一時粉碎

心是根法是塵兩種猶如鏡上痕召衆云心法既是

根塵且道鏡是何物擊拂子云打破來與汝相見

主人嫌客客亦去客嫌主人客亦去莫若隨家豐儉大家相聚喫甚麼盡何故曾爲浪子家無小使

釋迦老子推不開達磨大師趕不出引得一畝之地

三蛇九鼠豈道呼蛇易遣蛇難拍膝云有甚麼難家有白澤之圖必無如是妖怪

起滅了無根本大似渡中湯滾上頭攪水不如下頭退火者箇譬喻還當得參學事麼撫掌咲云若當得參學事飯頭火工悟道多時也

千尺絲綸不爲盲龜破簾千鈞強弩不爲鼯鼠發機獅子不食羶穢俊鷹不打臥兔從上尊宿都會恁麼說來老僧更說箇甚麼

殺人須用殺人刀活人須用活人劍古人用處固是老漢者裏不然活人須用殺人刀殺人須用活人劍伶俐諸僧一任疑著

靜時聒聒開時悄悄小中現大大中現小一莖草丈六金身丈六金身一莖草饒君百巧千奇不如因地一聲好喝一喝錯會不少

女子臨出嫁時治家作活之法一一請教父母惟有
生子善三才者能治家也書云三才者三才也
而後嫁者也誠哉近代宗門弟子則不然先學說生
然後學做佛事可不做得佛不可不會說生在我
開浴次示衆鴛鴦布衫都脫盡一絲不掛見全身人
門莫道無知識壁上燈籠解笑人

世尊昔日拈一枝花迦葉破顏微笑老僧今日拈一
炷香一衆低頭合掌今古事分明有何差異處因甚
世尊大驚小怪知道吾有正法眼藏涅槃妙心付囑
摩訶迦葉深淵潭上好不丈夫金也頭陀好不丈夫
遂我興及兒孫不能盡絕人事乃以手左右相揮云
聖茶去聖茶去

隔江招手橫江望見剎竿回去知有殺事便休何用
湯匙犯手却脫老百丈遭逢馬大師始則扭折鼻梁
次則耳聾三日枉討許多辛辣與遂喝一喝三馬大
師來也口是福門合取好

雪中客主煨芋作供次示衆懶殘捉我芋頭煨爇我
深居似大海有客無端來借問一花五葉幾時開燕

州采蘇州采門外雪我維微寺還他凍一回
杭州新到僧請益次示衆佛生下衣蓑沐秋晚賢聖
總伏刑法增嚴毗是何言歟四五百條花柳巷二三
千箇香竈樓你信誰道蘇州有常州有

僧問雲門如何是西來意門云長連床上有粥有飯
師云破脚大師只會現成受用不知稼穡艱難若問
老僧却向他道元日人日未有不陰料想今年桃李
實不如井底種林陰

人從江西來接得胡南狀告銀懷州牛喫禾益州馬
腹脹師子林下燒湯點茶開看茶童三馬九亂

佛來也請客門外那有閑房著白雲老僧者裏不是
不開門戶不容物蓋不欲與諸方攪行奪市你如今
口契諸方飯頭戴諸方屋呈佛子云惟有鼻孔眼睛
却在老僧者裏諸禪流莫妄疑疑著是非峰起差之
毫厘失之于里憐佛子下座

飛來峰頂猿不受人羈鎖我不敢望你息却喜風滅
却頭火但望你一飽忘百飢暫時無彼我識得淡中
滋味長酸梨不換頻婆果

舊同行至示衆透網金鱗何以不入好忽然會得箇入處不是同行也大難

有時句到意不到有時意到句不到有時同中有別別中有同有時似同非同似別非別所以道舉不顯即差互嫂嫂雖是大哥妻師姑却是女人做

昨夜曼殊偏言二大士評論佛法不已被我一喝云住住聽分付玉泉浩公著你在布衲帶上國清寺裏教你燒火掃地如今在我者裏橫草不拈豎草不捉喫了現成粥飯更要爭閑氣何不付思來處於是二大士一咲而解

見性成佛幾般多少人都道成佛要緊見性不要緊成佛念頭意見性念頭竟其奈轉轉轉轉轉急轉遲只貪飯好喫不信是米做山僧今日隨機應變爲他撥轉話頭改作見佛成性又不然改作成佛見性豈不快哉有箇漢却又罵我顛倒不順理遂款款向他道君不聞聖性無不通順逆皆方便也罵我不得也罵你不得且待明眼人斷

父母未生前與汝相見了也還識老僧麼識與不識

且過一邊眼目定動劈胸一拳

有箇漢識得破佛也不要做老僧大讓三拜爲他證明三世諸佛歷代祖師天下老和尚有口只堪掛壁江陵周善宗爲重建小飛虹橋示衆小飛虹在鄉林裏橋下竹風涼似水舊虹飛去新虹來我跨虹飛從此始諸人一任往還兩岸且無彼此腳踏實地如象王翻身一擲如師子

諸方尊宿垂手不同有門外垂手底有門裏垂手底或謂門外大著門裏大儉又謂門裏大著門外大儉一等是入草求人裏外未免相映相映且莫問且喚甚麼作門若道無門爲法門又喚甚麼作裏外學者用盡氣力賣圖省力用力圖省力錯了也不用力圖省力又錯了也且如何得不錯去不許夜行投明須到

諸人還知山僧立地處麼仰面是天堂低頭是地獄還知山僧落處麼水裏好打眠火裏好洗浴

國清寺裏炙茄次維那被拾得打一竹串維那叫云看者風顛漢拾得云蒼天蒼天寒山問云你打他作

麼拾得云費却多少鹽醬師云大樹大皮晏小樹小皮纏維那既受拾得點檢拾得也合受人點檢還知拾得合受點檢處麼試道看

納僧門下有收有放放也春潮帶雨晚來急收也野渡無人舟自橫不收不放時如何不是弄潮人休入洪波裏

玉龍攬海千江漲巡海夜叉鞭鐵棒驚起狹府鎮牛吞却嘉州大象汝諸人捏定死蛇頭不得動著動著便三十主丈

承言者喪火裏死水裏葬帶句者迷上脚土下脚泥不承言不帶句大江東流夕陽西去

蔣山藏主至示衆全提半提全藏半藏十寸是一尺十尺是一丈尺有尺形剪有剪樣拂子也用打圓相御標橫挑不顧人誌公豈是閑和尚

覲面來時如何分付與典座有漏箭籬無漏木杓小乘錢貫大乘井索學得者殺答話一日可答千萬轉轉轉不錯及手問著主人公却又不知下落靈龜只會靈他人未死遭人鑽出殼

施主做木龍成示衆生死與涅槃六六三十六無常等不來我且先瞑目諸禪德且道天如卽今是死是活死却活天如活却天如死佛佛受輪迴只爲著些子

依圓覺上期一百二十日掩室安居書偈於門示衆平地牢關立一重佛來無路得相逢分明只在尋常處如隔千峰與萬峰

道友曾贊之爲定水西原塔基示衆我與諸佛祖同樂亦同苦同死同時埋同坑無異土雖然怎麼就中也有些子不同處老僧今日預先分付下土掩壙時諸人著眼看伏死不伏埋從來是著漢

因事示衆以拂子擊禪床左邊云莫認錯莫認錯通身是病通身藥擊右邊云莫錯認莫錯認通身是藥通身病堅拂云如今藥病兩忘諸人還見麼三錢賣却黑撈波打瓦鼓唱村歌隨處薩婆訶擲拂子下座除夜示衆欲達佛性義當觀時節因緣舊時官歷賣不直錢師子林下別有說焉過得臘月三十日明朝決定是新年

普說

結夏前十日遠近禪侶共集立書記詎藏主請爲普說師三窟石取由敲水覓火諸方大有不甘底賣水向河頭教胡孫二新我者裏也曾笑人如今事不得已移高就低草木隨身逢場作戲若是久經行陣底不憑袖手旁觀出來遞相揷逼看僧問佛佛授手祖祖相傳畢竟傳箇甚麼師云期未跨門與你三十了也問達磨不來東土二祖不住西天還有爲人處也無師云有進云且如何是和尙爲人處師云浴院裏燈籠挨破半邊口進云莫便是學人轉身處麼師云上天無路入地無門進云今日多幸得聞師子吼也師便喝僧禮拜師云拜即三拜者一喝不曾倒地在那擊拂子召衆云聲前一路千聖不傳不難當處常湛然喝信手拈來萬化千變覓即知君不可見喝且道者兩喝是同是別若道同爭奈是兩喝若道別爭奈只一般者裏會去火燄不妨蚊蚋泊者裏不會藕絲牽動鍊崑崙你若是箇拗性漢不問會不會不問同不同將古人說底兩句山僧喝底兩喝同時聽在

他方界外却看無依道人弄出神頭鬼面有時吞却十方虛空教一切有情無情都無出頭分有時放出山河大地任他森羅萬象徧界縱橫到者裏喚作不離當處著雖然也不得喚作覓即知君不可見也不得分身兩處看也不得併作一處看也不得取不得舍不得不可得中只麼得還會麼惟證乃知難可測諸禪德三門下者一著子妙在自證自得其自證自得之妙乃是箇活脫無依底道理傳不得教不得學不得擬不得智如鷲子思量他不得辯如滿慈分別他不得自有宗門已來都道有參有學誰知道自證自得底與參學料掉沒交涉世之所謂學得底說得底盡是情識依通知見解會政是無量劫來生死根本縱饒你宿熏智種不被情識所遷生具正因不遭知解所障證認得個黨分明猶是死法望他活意萬里崖州盡理言之縱饒你學得契佛契祖說得契佛契祖倘未到活脫無依田地未免都是死法所以臨濟大師道我者裏是活祖師西來意要用便用一切臨時前輩大達之士得者些子活脫道理隨機應變

逆行順行諸語訛訛千奇萬怪謂之大用現前不存軌則直是無你湊泊處只如歸宗亦眼禪師一日剗草次有座主曾來參偶見一蛇師即勦斷之僧云久嚮歸宗元來只是箇龜行沙門宗云你龜我龜者箇公案叢林把做諸訛看殊不知歸宗老人坐在活脫無依處所以橫拈倒用一切自由你若未見此老落處安知此老用處既未知此老用處爭在你喚作諸訛又如丹霞和尚主一付院直雪寒乃取木佛一尊燒火向院主恠問之霞曰燒取舍利主云木佛那討舍利霞曰既無舍利更燒一尊主怒而詬之明日院主眉鬚墮落者箇公案更自諸訛據理論之安有我作他受之理既無此理畢竟如何湊泊後來真淨和尚住歸宗舉赤眼因緣乃云大眾只如赤眼斬蛇向其僧道你龜我龜且古人見處作麼生遂舉拂子云今日歸宗舉拂子與當時歸宗斬蛇是同是別良久云人人有箇天真物妙用縱橫總不知今日分明齊指出斬蛇舉拂更由誰者箇老真淨雖爲赤眼善巧外疎爭奈龜蛇添足顯見諸訛又舉丹霞燒木佛院

主眉鬚墮落舉拈拄丈云不是木佛便擲下云誰敢燒你擬即眉鬚墮落不擬又且如何遂高聲叫行者拈起拄丈此老可謂不惜自己眉鬚要與古人盡力包裹爭奈紙裏大蟲且道諸訛在甚麼處諸禪德要見丹霞亦眼橫拈倒用爲人處直須親到他活脫無依境界始得此話且止當知說箇活脫無依早是不得已向無名字中強安箇名字彼自證自得底他也不知是活脫境界隨機應變時他也不知是活脫妙用如今人問箇活脫名字便擬打箇蹊跳指東劃西胡揮亂雲將謂是活脫元來却是死法中之死法矣蓋此活脫境界本無定方所以指示人不得前輩得之者亦無定法所以準擬湊泊他不得只如俱胝和尚住庵時有一尼戴箇笠子來繞他三市三問云道得即放下笠子俱胝道不得尼便行俱胝云何不且住尼云道得即住俱胝又無語尼遂去俱胝深自愧歎後來舉似天龍和尚天龍曰你問我我與你道俱胝曰道得即放下笠子天龍遂豎起一指俱胝忽然大悟自此凡有所問只豎一指常自謂我得天

龍一指頭禪一生受用不盡俱胝身畔有一供過童子每遇人問他事他也學堅指祇對俱胝聞之乃潛一刀在袖中喚童子近來問云聞你也會佛法是否云是俱胝遂問如何是佛童子便堅起指頭俱胝即以刀斷其指童子叫喚走去俱胝復喚童子童子回頭俱胝再問如何是佛童子再將手起不見指頭忽然大悟諸禪德當初俱胝答尼話不得時不是不會佛法只是會得箇死法及見天龍堅指方悟得箇活脫底童子學堅指時也只學得箇死法及見無指頭方悟得箇活脫底取要言之俱胝因見指頭得箇活脫童子因不見指頭得箇活脫看他兩人得處自是兩般河曾有定法既無定法你且準擬向誰邊湊泊又如香嚴和尚昔在百丈會中問一答十問十答百後到潞山潞山向父母未生前拶他一語乃不能答既而徧搜平日所解所記竟無一語可酬遂求潞山說破山不肯說於是發憤盡棄所學直入南陽住菴一日因擲瓦礫擊竹作聲乃悟卽說頌曰一擊亡所知更不假脩持動容揚古路不墮悄然機云云諸禪

德香嚴在百丈潞山會中時不可謂之不會佛法只緣會得底也是死法直待盡情放下放下到亡所知處忽爾得箇活脫便解道動容揚古路不墮悄然機你看香嚴得處又與俱胝兩人不同此豈有定法而可湊泊者哉後人不曉將謂亡所知與枯木頑石相似便擬忘形死心去湊泊他如此湊泊政是能知所知熾然競起要到亡所知處驢年也未夢見在後來大慧和尚爲嫌學者妄擬湊泊皆是見境生情隨語生解欲救此病乃曰俱胝得處不在指頭上香嚴得處不在擊竹邊大慧此語恰似向走盤珠上撥一撥愈不容其湊泊矣此話且止當知說箇得字說箇悟字又比之如大醉忽醒大夢忽覺亦是不得已強立對待之名且如不飲酒人本自無醉何消說箇醒字眼若不睡諸夢自除何勞說箇覺字若是不迷不失底人向他說箇得字悟字堪作何用豈不見祖師道迷時只迷悟底悟時只悟迷底迷悟兩忘直下是甚麼既知此說便當知佛法二字總是不不得已假立對待名句表顯之談應病之藥耳你若坐在無依田地

既不見有凡夫衆生又不見有涅槃生死然則佛法
二字於你分上有何用處故南陽志國師云踏毗盧
頂上行說甚麼十身調御既知假立對待之說更當
知曰佛曰法曰衆生曰國土俱從無依建立是故臨
濟和尚云無依道人是諸佛之母佛從無依生若悟
無依佛亦無得所謂一刹那間遊履三眼國土入諸
佛世界入衆生世界入諸魔世界乃至遍入一切眞
俗淨穢等法界而不著不礙者總是自己無依道人
既弄神變遊戲三昧放去收來得大自在處也因甚
近時諸人拋却自己神通妙用却乃波波地向心外
求佛心外求法外求有相佛與你不相似心外本無
法求者轉非眞何況施箇死屍上人門戶求語言求
知解以爲參學苦哉屈哉祖師萬不得已向你道多
須眞參悟須實悟閻羅大王不怕多語此乃望你雖
却語言文字知見解會扣己自參以求自悟你既不
肯扣己自參以求自悟却更外邊運糞入甕滿一肚
皮自既不知臭穢又將吐出與人豈不是大苦大屈
者哉近代宗門稱參學者十箇五雙皆坐此病蓋由

最初不具眼目錯將表顯方便之談作實法會了不
覺全身坐在佛法知見解會之中引得心裏沸騰嗽
地口裏水漉漉地設立說妙說奇說怪非惟因此障
却空門亦且因此造無間業如來說爲眞可憐憫間
有一師學者能向者裏返省而知非幸而不遭佛法
知見解會所障却又坐在無佛法知見解會之中開
口動舌云雪山是山水是水天晴地乾雨落地濕如
何是佛殿裏底如何是道門外底一味平常蓋覆打
掃無事甲中平地死人死了活不得此亦名爲眞
可憐憫又有一種學者能向者裏返省前面二者俱
非二俱還離單持正念幸而做到身心寂滅前後際
斷一念萬年去却又坐在乾淨田地上自以爲究竟
於是祖師呵責之謂其被勝妙境界障住正悟不得
現前此亦名爲可憐憫者又有一種英俊上士能向
者裏透得過又能懸崖撒手絕後再甦實有所悟實
有所見祖師亦復呵之謂其坐在解脫深坑見地不
脫癡正知見纖毫未盡猶隔鐵圍雪巖和尚亦云政
恁麼時須見人坐在者裏或法塵盲枷瞎棒打得脫

要用使用無疎親。親師重重逼拶之意。無他。惟恐你凡情。雖盡。聖見未忘。不得活脫。無依田地。信知宗門下者。一著子大非容易。何況今時。有一種掠虛漢。不曾見好人。不曾做真實工夫。脚下浮逼逼地面。前黑漫漫地。便爾拍盲胡說亂道。於中亦有會見好人。曾做真實工夫底。或因志氣。決劣。不耐長遠。而自退者。或因障難折磨。不能堅忍。而自屈者。或因塵勞。覺息。便以爲是。而自誤者。或因得箇入頭。便以爲足。而自畫者。或因師家錯謬。隨邪倒見。而自陷者。或因叢林中。以名位相驕。勢利相勝。激發狂妄。而打失初心者。又或最初發心。半真半假。一半心要了生死。一半心要做善知識。急不能悟。而假稱悟者。此等皆非真正種草病。在好爲人師。急求恭敬。供養。從而學打口鼓。妄談般若。乃至用棒下喝。搥手豎拳。杜撰狂言。恠語。頌話。頭頭公案。說做處說悟。由用冬瓜印子。引惹一隊邪神野鬼。鬧熱門庭。弟子與師。魔魔相罵。甚至於捏合機緣。編入語錄。安排名字。補上祖圖。自謂賺得一切人。爭奈有箇無面目。漢不被你瞞。箇箇無聞。

鐵圍待你來供養。你在似者般盲盲相引。誤陷後昆底爭。恠得祖師道。就糞掃堆頭活埋。却千箇萬箇有甚罪過。山僧從小年來。聞有宗門下事也。學坐禪。情手不遇惡辣鉗。鎚未免也被一知半解所障。又被一種速求開悟底心。硬礙胸次。自不知其是病。及到天目。依附幻住老和尚。每每見他道老幻一生參禪。不得開悟。我心中竊有所疑。後來方知老和尚具大人相。不險不恠。不矜不誇。他平生不肯自說悟由。得處而又嚴約。參徒潛行密用者。意在使今時未得謂得。未證謂證。妄稱知識。誑譎閭閻之徒。知所羞愧。知所畏懼。此政是切教。今時墮邪之病。以爲後學掠虛之戒者也。宗師爲人處。局面時時新至此。老又是一番變局。豈常情所能測哉。山僧雖是依附多年。要且一法無所得。非但一法無所得。更且和我從前所學所解。底一時打失了。以是之故。自知恩大難酬。因而索性放下。山邊水邊。做一箇萎萎隨隨。無出豁漢。但是此者平生諱忌底約束。底不敢輕易動著。如是者二三十年矣。今日因人逼請。普說不覺。路見不平。嘔出。

許多狼藉大似風邪惡犬不顧好人一例狂吠若論糞掃堆頭活埋底少我一分不得今此現前一會禪德賴是純真潔白未中雜毒之士於我如上所說底不許記箇元字脚但當信取自家有箇活脫無依底活潑潑地無所滯礙雖無形狀無處所而能通貫十方徧入諸法一切神通三昧變現自在不少一絲毫六道神光晝夜未嘗間歇不用安排不容揀擇直下體取便是一念相應便是要得一念相應但放下世間出世間事休歇世間出世間心不得嫌事礙心不得將心避事你但一切時一切處於心無心於事無事自然左右逢原所以道直下便是天寬地平要用便用一切現成豈不省力豈不慶快平生萬一不然別無方便且只短中求長單單守取箇所參底話却不得別起第二念穿鑿註解不得聽其自然打歸懣懣袋裏去不得撐眉努目強著氣力剋時限日速求開悟不得特地寬展程期待其自悟不得於境緣紛亂處倉皇失措不得於境緣寂靜處放曠自如又不得盡依古人硬法度當知各人做處各各不同宜自

調停自作轉變要在歷歷常現前步步不相離忽然守到無滋味處無倚靠處無可奈何處如墮坑塹之中進不得退不得那時政是好消息也切須緊把繩頭拶將去拶到水窮山盡處自然有箇轉身時你若不能直下體取又不甘守箇無義味話急要說禪說道舍此真參別求佛法知見解會願作魔家眷屬此亦隨汝顛倒所致一任學取傳取一任高揮大抹只恐一氣不來打箇筋斗撞著閻鬚子不肯讓人情橫撐鐵面皮佛也救不得若是真正丈夫即今便合猛省珍重

冬至節覺義上人集諸禪友請普覺僧問如來一音說法衆生隨類各解未審和尚如何爲人師云蝦蟇蹀跳上天蚯蚓驚過東海進云恁麼則超佛越祖去也師云你向那裏見得進云今古應無墜分明在目前師云杜撰禪和退後一步僧云臨濟三問黃檗佛法的的大意三遭痛棒此意如何師云愁人莫向愁人說進云後被大愚點發却道元來黃檗佛法無多子此又如何師云愁人好向愁人說進云此是大愚

分上黃檗分上師云你且自道看僧云龍得水時增意氣虎逢山色長威憚師云此是黃檗分上大愚分上僧擬議師遂囑僧云臨濟兒孫天然有在便歸衆師乃云如來一音演說法衆生隨類各得解因其各解乃顯普解因其普解乃顯普說說若不普解亦不普是故說一字一字普說一句一句普說漸漸普說順順普說事事普說理理普說而默默普默而說說普山僧早刻承諸人啓請普說以借禪客所問略明普說之義此說且置只據目前孤明歷歷能聽普說底是誰能解普說底是誰合掌問訊底是誰低頭禮拜底是誰諸人各自點檢看你莫強支吾便道能聽能解底是我主人公我且問你主人公是長是短是大是小是甚面孔是甚模樣是在甚處安身立命直饒你知得分明見得分明說得分明我更問你能知能見主人公底是誰能說是我主人公底是誰你爭知說底見底如底和箇主人公都是假名字道是也不得道非也不得道亦是亦非也不得道非是非非也不得須是自悟始得豈不見祖師道卽心是佛

又道非心非佛又道不是心不是佛不是物你且道不是心不是佛不是物畢竟是箇甚麼者裏若非悟去便擬強說是我主人公得麼所以山僧往年淨慈寺結夏秉拂有僧出問不是心不是佛不是物是箇甚麼我乃隨口答云不是心不是佛不是物是箇甚麼僧云者箇是某甲問頭何不別道一句我又答云不是心不是佛不是物是箇甚麼別道了也僧問措我便喝復顧左右云主丈在不在主丈若在則上座自合喫三十當時與麼提掇可謂太煞直截者僧不警地也是箇瞎漢點檢將來總是殘羹餒飯不堪咬嚼如今在師子林中合爲諸人別作供養諸人既識師子林還識老僧麼老僧是箇無牙無爪底呆師子也不曾蹣跳也不曾哮吼多少人望風而退多少人過門不敢入或者疑信相半好惡相半贊毀相半老僧都不管只管閑閑地獨行獨坐怡然自咲自喜賴是無人識我若使人人識我我又堪作何用今日無端被汝諸人不顧身命撞在這裏相挨相拶所謂狹路相逢不容迴避若不將本分草料供養三十

年後也道曾見老僧來豈不遞相鈍置適來禪客道臨濟兒孫天然有在老僧亦道諸人入此門者都是臨濟兒孫切不得自生退屈彼既丈夫我寧不爾臨濟眼橫鼻直諸人鼻直眼橫覓一絲毫異相了不可得覓一絲毫同相亦不可得既是吾門種草誰管是異是同滅却正法眼藏扶起臨濟正宗且臨濟正宗作麼扶起扶起三立三要邪扶起四料揀邪扶起四賓主邪扶起四喝邪且喝是粥飯氣阿誰不會你看田夫使牛也喝祇候引馬也喝樵子見蛇也喝乞兒起狗也喝賭坊裏癩錢也喝使長罵奴婢也喝總是一等粥飯臭氣如何喚作臨濟正宗縱使道一喝分賓主照用一時行會得箇中意日午打三更者箇說話也只瞞得諸人瞞不得老僧諸人試驗看良久喝一喝云此喝未形以前賓主照用是有邪是無邪此喝既消之後照用賓主是無邪是有邪正當喝時主賓照用在喝裏邪在喝外邪在不裏不外邪又喝一喝云者一喝却將箇中意一時說破了也也只瞞得自己瞞不得諸人諸人也須日午打三更始得據老

僧與麼批判還扶得臨濟正宗起麼既扶不起敢保臨濟正宗決定不在照用處不在賓主處不在四喝處不在四料揀三立三要處總不在一切處既不在一切處畢竟在甚麼處只在諸人自己分上諸人當知自己分上一著子烜天赫地三世諸佛歷代祖師天下老和尚不敢正眼觀著只貴當人直下承當變了前輩專宿爲你不肯直下承當萬不得已曲垂方便教你參箇無義味話只如僧問趙州狗子還有佛性也無州云無是和盤托出你既不能領略萬不得已作死馬醫又教你單單提一箇無字先將四大五蘊六根六塵六識乃至目前所見山河大地明暗色空萬象森羅情無情等都盧併作一箇無字一提提起行也恁麼提坐也恁麼提睡夢也恁麼提起居飲食坐恁麼提綿綿密密提無間無斷提提教巍然一片針剗不入與銀山鐵壁相似忽爾不知不覺一拶透透自己一著子不待承當而自然分曉矣者一著子既分曉父母未生前面目也分曉四大分散後落處也分曉日用中事也分曉老僧舌頭瞞你處也

分曉從上佛祖千差萬別請此處也分曉既一一分曉即是扶起臨濟正宗底時節也當此之時世法佛法了無縫罅便見三玄三要四料葉四賓主四喝以至四大五蘊六根六塵六識山河大地萬象森羅無一法不是臨濟正宗不待扶而自起也然後剗除也得建立也得與三世諸佛把手共行也得教三世諸佛向我背後叉手也得是請我爲法王於法自在者也老僧今日事出急家門舌頭拖地衆中還有直下承當得底麼若有試呈伎倆看若無莫在老僧旁若無人開口說大妄語滅却正法眼藏去也阿呵阿且莫錯會好慕拈主文云毒藥醍醐醍醐毒藥錯與不錯吞却不如吐却卓主文下座

師子林天如和尚語錄卷一

師子林天如和尚語錄卷之二

小師 善遇 編

慧覺禪寺請普說師云格外一機一大藏經收不得向上一著千七百人說不到作家門下擒縱自如佛來祖來結舌有分衆中莫有超佛越祖底麼出來露箇消息看問答畢乃云邇來禪客問正法眼藏涅槃妙心山僧向他道唉殺狸奴白牯疑殺天下衲僧知他還會會也無諸禪德正法眼藏涅槃妙心三世諸佛不知有狸奴白牯却知有且道知有底是不知有底是知與不知且莫問有之一字向何處安著說無著處喚甚麼作正法眼藏涅槃妙心又喚甚麼作三覺諸佛狸奴白牯多少英靈漢向這裏覷捕不見摸索不著擬議不來挨拶不入若不胡麻斯撒便是渾侖吞棗後來臨濟大師見僧入門便喝德山見僧入門便棒這一棒一喝將正法眼藏涅槃妙心當場指出覷面提撕只圖易見易曉爭奈棒喝之間有縱有奪有照有用有生有殺有主有賓有時主賓各立有時賓主交參有時主賓互換有時賓主兩忘只因省

事成多事土上加泥又一重帶累靈門老子眼不計
見出來這靈門屬于誰跳上三十三天藥著奇得鼻
孔東海鯢魚打一霧雨似雲此等語言又將涅槃
妙心正法眼藏七花八裂分作註釋了也雖然註解
分明爭奈依前難會若無實法會靈門那能彌天若
不作實法會靈門靈門何處見為分明靈顯令所得
遲殊不知佛祖一機一言一句本無語言亦無
奇特又無深奧且無隱藏總是諸人日用常行底事
所謂三世諸佛但奴白枯者元來共一箇鼻孔出氣
這箇鼻孔在諸人分上現成元有底眼雖不見伸手
也會摸著何嘗有毫髮差殊你若自有主宰不教人
竊管取三世諸佛借你鼻孔出氣放去也由你收來
也由你左之右之無不由你你若自無主宰未免一
箇鼻孔反被他人穿却一動一靜總不自由放於佛
祖機緣觸處皆成障礙山僧意麼舉揚衆中還有不
被障礙者麼試更從頭舉看是拂子云靈門屬于即
此便是喝一喝云臨濟之喝現在這裏事主又云德
山之棒亦在這裏屬于棒喝一時見了圓了會了畢

竟正法眼藏是何聲響涅槃妙心是何面孔江北江
南問王老一狐疑了一狐疑不如割斷葛藤別通一
路去也以主丈劃一劃云諸禪德佛祖出世總不為
他事單單只為汝諸人各各自已即跟下有一段生
死大事不會了當由垂方便令汝了却何謂生死事
大生不知來處謂之生大死不知去處謂之死大如
是生死不是等閑戲論譬如箇縵天網子盡大地人
教他籠罩從古以來無有一人不被生死吞却且莫
說從古只說汝有生以來回思十年二十年前親戚
朋友道伴相知死却多多少少日身曰名與草木俱
腐和他大夜茫茫向何處安身立命良可惜哉且莫
說他人只說你自己現前四大色身妄認爲我從朝
三暮眼睛轉轉地口子吧吧地通身活潑潑地種種
資養他種種愛護他他却念念遷謝新新不住如火
成灰漸漸消殞不知不覺臘月三十日撞在面前當
此之特點檢平生所作所爲一點也用不著徒爾塵
勞哀哀識茫茫嚶嚶離波波掣掣成得箇甚麼
邊事只樂得手忙脚亂與落湯螃蟹相似悔也悔不

得了做也做不得了。嗚呼哀哉。嗚呼痛哉。縱觀你官高一品。富有萬鍾。功蓋乾坤。名喧朝野。三寸氣斷。一火洞然。收得一撮冷灰。埋向一堆黃土。日暮狐狸眼。塚上夜深兒女哭。燈前平生英雄豪傑。果安在哉。所以古人道。活計隨分做。生死如推磨。一口氣不來。總是他人箇誠。我是言也。又或一死之後。三二五日。形色變壞。臭穢逼人。雖有骨肉至親。亦不肯正眼觀著。平生恩愛情義。又安在哉。故我祖師道。一息不來。便同灰壤。前路茫茫。未知何往。只恁麼死了。燒了。早是可憐。何況更有前路茫茫。隨業受報。正是要緊事。在何謂隨業受報。汝平生所作。無不是業。纔有業。便有報。報之隨業。如影隨形。此身既死。一箇識神。或墮刀山。劍樹。爐炭。鑊湯。諸地獄中。受無量苦。又或墮入驢胎。馬腹。餓鬼道中。展轉輪迴。受苦無量。是故先師有云。茶傾三奠。復三奠。一箇獨體。燒不乾。業識又鑽皮袋去。鐵人閒也。骨毛寒。這箇是受報底境界。那箇是生死業根。業根者在汝。卽今一念間也。汝無始以來。因貪瞋癡。無明煩惱。妄想在心。觸境遇緣。隨聲逐色。

使得你七類八倒。無業不造。卽此便是生死業根者。也。思量生死事。鎮漢也。灰心。由是佛祖運大慈悲。興大哀憫。廣立言教。教你參禪學道。或教你提箇話頭。或教你念佛脩淨土。令汝掃除妄想。狂心。認取主人翁。識取本來面目。趁此眼光脚健。做箇洒洒落落。清淨解脫之士。臨命終時。得他受用。生死無礙。去來自由。這箇謂之了生脫死。底大丈夫也。由是觀之。諸佛諸祖。於人有大恩德者也。禪道佛法。於人有大靈驗者也。嗟乎。近來人心。懈怠。祖道荒涼。雖有參禪問道之士。而年久歲深。不獲靈驗者。其故何哉。略而論之。有三種病。第一。最初不遇真正善知識。與之開發指示。所以根脚不穩。密趣向不端正。做處有偏。枯見處有差錯。謂之打頭不遇作家。到底釀成骨董。第二。不能痛將生死事。大爲念。既無勇猛精進之工夫。又無久遠不退之志氣。一暴十寒。悠悠漾漾。不覺打在無事甲中。三二十年。如釘椿。搖撼如水。浸石頭。相似永無醒動底時節。第三。或於世間虛名浮利上。照不破。放不下。或於世間妄緣惡習上。坐不斷。擺不脫。每於

境風扇動世波搖撼處不覺和身親向業海中東飄西泊去了安得復有靈驗哉故曰參禪無秘訣只要生死切若是真正道流痛念生死者豈肯恁麼中道而廢必須打翻舊窠窟抖擻舊精神提起舊話頭奮發奮志願入頭不得處政要入頭割脚不得時政要割脚當信祖師道毫髮緊念三途業因警覺情生萬劫羶鎖參須真參悟須實悟闍羅大王不怕多語又當信祖師道雖念紛飛如何下手一箇話頭如鎖掃帚是也掃非也掃轉掃轉多轉多轉掃掃不得撲命掃忽然掃破太虛空萬別千差一落通諸祖德努力今生須了却莫教永劫受餘殃這箇是要緊話也又有出家在家諸佛子念佛情淨土者自疑念佛與參禪不同蓋不知參禪念佛不同而同也參禪爲了生死念佛亦爲了生死參禪者直指人心見性成佛念佛者達惟心淨土見本性彌陀既曰本性彌陀惟心淨土豈有不同者哉經云譬如大城外有四門隨方來者非止一路盡以入門雖異到城則同參禪念佛者亦各隨其根器所宜而已豈有異哉然而念佛之

中亦有靈驗不靈驗者何以故但以口念而心不念者不靈驗也口與心聲聲相應心與佛步步不離者有靈驗也如今有一種人手指數珠口稱佛號一箇妄想在心東走西走這箇是口念而心不念者徒費精神於事何益莫若以心憶佛以心念佛雖然口不出聲却是真念佛也豈不見經中道十方如來憐念衆生如母憶子衆生墮在生死海中如兒子流落他鄉外則佛如慈母常憶念之雖不開口向人說其憶念而其憶念之心自然切切無間斷也子若憶念其母與母心同則母子相見有日矣故又云若衆生心憶佛念佛現前當來必定見佛現前者現世也當來者來世也果能如是憶佛念佛敢保現世必定見佛也既曰現前見佛則與參禪悟道何所異哉幻住和尚有云參禪只爲明生死念佛惟圖了死生但向一邊挨得人兩條門路不多爭門路雖不多爭却不許互相兼帶參禪者單單只是參禪念佛者單單只是念佛若是話分兩頭彼此都無成就古人有箇喻子云譬如腳踏兩邊船這邊那邊都不著兩邊不著向

無妨照顧和身都陷却。記取記取勉之勉之。比丘。惟則學無所成。自救不了。茲蒙慧慶方丈若愚禪師及絕照講主。可庭藏主諸公。請爲四衆普說。既不容辭。勉強奉命。今此現前新學般若諸佛子。當信如上所說。皆是棒打石人頭。囑論實事。然所說者。不過痛喻生死事大。及參禪念佛兩種法門而已。念佛者。只是靠取阿彌陀佛四字話頭。別無他說。若是初心參禪者。恐未有下手處。未有趣向處。然此亦無他說。只是汝諸人。各有各箇本來面目。不曾認得。這箇本來面目。直下與諸佛同體。你十二時中。語默動靜。行住坐臥。莫不承他恩力。但於此密密體認。卽此便是下手處。卽此便是趣向處。也便須直下承當。切忌等閑蹉過。發大勇猛。起大精進。要在箭鋒相拄。機箭相投。古人云。一不做。二不休。一拳拳倒黃鶴樓。一踢踢翻鸚鵡洲。有意氣時添意氣。不風流處也風流。果有古人如是作略。則德山與臨濟與你是問。參釋迦與彌陀阿曾有兩箇。併將千七百則諸祖機緣與正法眼藏涅槃妙心。穿作一串。懸在一邊。然後獨步大方。普

告諸人。道丈夫自有通霄路。不向如來行處行。當此之時。則上座望風展拜。有分。其或未然。莫怪。壓良爲賤。再下一箇註脚。世事茫茫沒了期。自家活計。猛提撕。落湯螃蟹。人人見。投火飛蛾。箇箇知。病到始憐身。是苦死來。惟有業相隨。浮光幻影。須臾過。火急脩行。也是遲。如人上山。各自努力。普達寶立。副使脫鎖。爾副使買奴。海牙同知。花哥刺宣差。馮總管等。率衆官士大夫。來師子林。設齋請普說。師云。參禪是向上一著。要緊大事。此事曰。僧曰。俗人人有分。況是本來具足。全體現成。爭奈世間人。往往當面蹉過。不曾去理會。莫道不曾理會。問也不曾問著。正眼看來。誠可憐憫。今日諸公。既發此問。畢竟於此事上。有大因緣。然此事纔擬說著。便是生死岸頭。境界便是痛心苦口之語。望諸公洗心滌慮。聽之。思之。何謂參禪。是向上要緊大事。蓋爲要明心見性。了生脫死。生死未明。謂之大事。祖師道。參禪只爲了生死。生死不了。成徒勞。王右軍亦曰。死生亦大矣。豈不痛哉。只爲生死事大。故以參禪爲向上大事也。

何謂生死公等彼此有身在世此身既不是諸佛如來金剛不壞之身又不是純鋼打就生鐵鑄成底墨團之身乃是四大假合虛塵浮幻之身如水上泡如草頭露看看變白齒搖皮枯面皺老病無常朝不保暮既有生必有死既有死還復生但不知這回生死落在甚麼道中此爲可痛者也佛說三界如火宅六道如苦輪汝等從無量劫以至于今向三界火宅中東走西走不知求出路在六道苦輪裏東馳西騁無有暫停時若欲息苦輪出火宅須是了生死若欲了生死須是見佛性若欲見佛性須是大悟一回若欲大悟須是多禪是知無量法門參禪爲第一要緊也何謂無量法門開而言之有人萬四千種總而論之則有三宗曰教宗禪宗律宗也律者戒法也有在家白衣人戒法有出家比丘等戒法有小乘戒法有大乘戒法廣至三千威儀八萬細行皆是檢束身心防非止惡故名律宗也教者廣說大小頓漸脩證法門或說布施等六波羅蜜或說廣種福田或說廣脩德本等是教宗也若論禪宗却無許多事謂之不立文

字教外別傳直指人心見性成佛所以參禪者先將平生所學所記所見所聞所知所解盡情歸在一盤又將平生名聞利養之事恩愛貪欲之心盡情拈向一邊坐斷千差掃空萬慮單提正念勇往直前譬如百萬軍中單刀直入不顧危亡得失人我是非猛將性命交透佛祖牢關不歷階梯高登佛祖堂奧是謂禪宗也昔西天有一異見王嘗問波羅提尊者如何是佛尊者云見性是佛王云性在甚麼處尊者云性在作用處王曰作用凡有幾處出現尊者云八處出現王曰何謂八處尊者云在胎曰身處世曰人在眼曰見在耳曰聞在鼻嗅香在舌談論在手執捉在足運奔偏現則廣周沙界收攝則藏在一塵悟者謂之佛性迷者謂之精魂王問是言當下有省蓋悟者謂之佛性則見聞知覺所作所爲無非妙用既得妙用即出生死迷者謂之精魂則見聞知覺所作所爲無非業識既成業識即墮生死何謂之迷迷者不見佛性既不見佛性則雖有妙用而不得其用非惟不得其用亦且不知其妙只如眼耳鼻口謂之七竅鼻有

兩竅何不聞聲耳有兩孔何不聞香這些妙用早是不能窮究何況通身無主宰隨處有聲訛聞聲隨聲走見色隨色走既隨色聲安走便被妄境纏縛從此雜念紛飛妄想顛倒如是等業識塵勞名爲染習如是染習乃生死輪迴之根本也嗚呼同一佛性同一妙用毫釐有差天地懸隔然而迷悟無根妙在轉處是以古者英俊丈夫向這裏回光返照泝窮源有獲著便轉聞著便悟者有多積工夫久久而後悟者又有窮年竟歲從少至老而未能悟者此無他由染習之有輕重耳染習輕者其悟速染習重者其悟遲也試舉一二證之如昔者范冲左丞問曼禪師曰某甲不幸墮身於金紫行中去此事稍遠曼即呼左丞之名左丞隨應曼曰何遠之有范公躍然而喜再乞指示曼拊膝一下范擬議曼曰此事見則便見擬議即差范公遂豁然開悟此非染習輕而悟之速者乎又如唐之于頤相公問紫玉山通禪師曰如何是佛通即呼于頤之名于公隨應師曰即此便是更莫別求于公雖喜其言而未得開悟由是展轉咨參晝夜

不捨亦多時矣後來藥山和尚聞而歎曰可惜于家漢活埋在紫玉山中于頤聞之徑造藥山求決伏上問曰如何是佛藥山亦呼于頤頤亦隨應山曰是什麼于公始得大悟以于頤較范冲便見有遲速之異矣省悟既有遲速悟處亦有淺深如張無盡居士備參諸大老復參東林照覺和尚自謂脫略而禪宗緣無不透徹時爲江西運使按部至洪之分寧諸山迎謁之留坐逐一詢問惟兜率悅禪師居末位問至兜率諸山代曰兜率悅和上也無盡乃欣然曰吾在京師時嘗聞兜率頗善文章悅公正色厲聲曰某事畢傳之道說甚文章我若對相公說文章恰如相公對我說禪無盡驚異之及諸山退即命駕趨訪兜率夜話間悅問曰聞相公在東林時古今機緣無不透徹是否公曰然惟德山托鉢香嚴上樹二處有疑悅怒曰我將謂是箇人物元來如此若是此二處有疑則從前悟得底皆未是也且請出去遂閉却方丈門無盡在客軒一夜睡不著至五鼓忽有省即趨方丈扣門悅曰做甚麼公曰捉得賊也悅曰捉得賊賊在

甚麼處公無語悅曰未在且去公疑團愈熱在客軒中行坐俱不安方轉身欲上床忽爾脫然復走上方丈時悅公預知其來備香燭開門接見乃曰且喜相公大事了畢相視一咲而已方信禪師兩眼對兩眼不待開口而知方信宗門下悟處有淺深也如上所舉數人悟之遲速悟之淺深雖由染習之輕重然亦繫乎根器之有利鈍不同耳根器者論其宿種也宿於善種有所熏脩則根器聰利而速於悟也宿於善種無所熏脩則根器昏鈍而遲於悟也山僧往年在天目山中峰和尚侍傍見五六官客夜坐談道中有一人忽歎息曰出家兒十指不點水百事不干懷三條椽下七尺單前晝三夜三單提攜弄尙且十年二十年不得了悟我輩在仕塗中爲國宣勞爲民牧守十二時中無一餉靜定而欲了辦此事其可得哉和尚曰此說不然做官高低論根脚悟道遲速論根器譬如鄉里小兒要做官人從小習文書學吏業向司縣間做小吏起弄到老死攆不得九品八品如衆相公出身便是五品四品亦有白身便是三品者較之

小吏相去多少學道亦然何可以僧俗之異而自分難易邪當時在座聞者皆悅服以爲至理之言也今我副使諸公身歷憲臺法柄在手聲光赫赫震耀海內同來會中亦有據要路而握政綱者有入帥閫而持重鑒者有居幕府而司案牘者有任教官而爲文章伯者皆是宿生曾向吾門履踐故其正念炯然不爲富貴功名之所掩乃復相率過我師子林咨決禪宗向上一著此豈偶然者哉然我者裏別無指授之方但請各各參取箇無字話頭却不妨向出司按部蒞政牧民演武脩文處時時提擧密密覷捕忽然覷破話頭眼空天下肯復讓范仲于顛輩爲了事漢哉古人云爲治不在多言顧力行何如耳山僧今日已是言語太多言多去道轉遠若是解聽者只消向直截根源處會取且如何是直截根源處良久喝一喝下座

前州路馬跡山錢君祥請普說山河大地全露法王身草木叢林盡作師子吼與麼則十方諸佛相好光明遍塞虛空滿眼滿耳三乘教藏無量法門晝夜六

時熾然常說歌臺酒榭無非清淨講堂劍樹刀山總是寶花王座一處現身千處萬處一切處同時出現一處說法千處萬處一切處同時演說或於一身現多身或於多身現一身或以一法爲萬法或以萬法爲一法如帝網珠互相攝入如大圓鏡影像交參其中地位菩薩緣覺聲聞一切衆生情無情等各各同時成佛了也這箇雖是平實商量現成道理未明言外意疑殺天下人若據諸僧巴鼻向上提持坐斷千差路頭佛來也請居門外所以道不與萬法爲侶不與諸塵作對十方空索索全體露堂堂貪瞋癡從那裏得來戒定慧向何處安著恁麼見得便見無煩惱可除無善提可證無衆生可度無諸佛可成到這裏更擬爲人說法更擬教人參禪何異畫蛇添足取笑傍觀帶累老瞿曇面皮厚三寸其或未然山僧今日拖泥帶水瞞汝諸人去也大衆諸佛與衆生本來同一體只因迷與悟凡聖有差殊同體者同此心也迷而爲凡者迷此心也悟而爲聖者悟此心也故曰迷之則生死始悟之則輪迴息嗟乎衆生與佛本來同

體良由一悟一迷霄壤懸隔故我達磨大師不遠十萬里迢迢西來別立宗旨謂之參禪者要在直指其同體之心使其開悟而已耳自宗旨流東以來宗門弟子與國王大臣長者居士於此廓然領悟得大總持了生脫死者不可勝數矣間有士大夫疑而不信者此無他迷妄太深而信心未發耳殊不知佛說生老病死昭昭只在目前汝諸人試自點檢看從少至老從生至死與塵勞業識轉作一團打成一片畢竟如何結果畢竟有何了期那箇是迴頭一著那箇是轉身一步忽爾三寸氣消眼光落地百骸既散萬事俱休一箇遊魂隨業受報豈不是虛生浪死甘受輪迴者哉何不返觀前輩士大夫盡向宗門下悟明心地拶透禪關大有機緣大有榜樣試舉一二言之退食公堂自凭几不動不搖心似水露靈一聲透頂門驚起從前自家底此乃趙清獻公拶透禪關之語也公事之餘喜坐禪未曾將脇倒床眠雖然現出宰官相長老之名四海傳此乃馮給事學道用工之語也又如張子韶侍郎久參徑山大慧和尚每到徑山或

留一月兩月參隨雖久未得發明一日與大慧從容
論道論及儒家致知格物大慧咲之曰汝但知格物
未知物格子詔爭之大慧曰吾之所謂物格者有妙
理存焉非儒者之所能知也子詔疑之遂力請開示
大慧曰此難言也請以喻明之唐玄宗時有一官人
亡其名曾爲蜀中閬州太守頗有德政及罷任閬人
懷之塑其像立廟以祀之其人後與安祿山謀叛兵
陷京師玄宗西奔入蜀至閬州廟見其像怒之拔劍
斬其頭當此之時其人在長安軍中無故頭自墮地
此乃物格之妙也却不容擬議卜度但請就本參事
上參究待其開悟此理自明子詔愈疑之從此極力
提撕忽有省乃作偈曰子詔格物妙喜物格欲識一
貫兩箇伍伯大慧然之此乃是張侍郎發明已事之
機緣也其他如裴公美白樂天柳子厚張無盡楊大
年楊無爲富鄭公范文正公王荊公等皆是儒宗聖
賢弟子文章事業表表在人盡在宗門中明心見性
去也所以古人道佛法若無靈驗聖賢那肯歸依誠
哉是言也今者毗陵馬跡山君祥錢公宿熏善種生

具信根既能於禪禪州里間排難解紛施恩布惠遠
近靡不脫服之矣近年以來又能獨歷名山多見善
知識能行他人之所不能行能捨他人之所不能捨
非宿熏善種者能如是乎今復廣開法會率現前一
衆求開示參禪法門其亦無愧於古人矣夫參禪學
道本無他術只消痛念生死事發大勇猛心將自己
胸中妄想妄念惡知惡覺盡底掀翻一刀兩段直得
淨裸裸赤洒洒孤迥迥峭巍巍地然後將祖師一箇
公案猛提提起教他常光現前壁立千仞行也如是
坐也如是著衣喫飯也如是迎賓送客也如是今日
也如是明日也如是如是如是捱到結角羅紋處行
到水窮山盡時因地一聲豁然開悟卽此是發明大
事時也發明之後更須就作家爐鞴本分鉗鎚鍛鍊
一回無絲毫滲漏方許得解粘去縛既得解粘去縛
自然了生脫死既得了生脫死自然轉凡成聖既得
轉凡成聖如人到家家權在手堂上一呼堂下百諾
風行草偃水到渠成打開自己無盡寶藏取之無禁
用之不竭始信山河大地富陽全露法王身草木叢

林同時盡作師子吼橫說豎說無所說而不通逆行順行無所行而不到卷舒自在與奪自由乃至顯大神通示大妙用向一手端吐出大海水將一芥子納却須彌山總是尋常初非分外直下與諸佛祖同一證悟同一解說同一受用同一自在種種相好種種莊嚴種種福德種種智慧一一具足一一現成一一無差一一平等去也山僧如是舉揚大似預扇喜風貪前失後畫餅不充鑪說藥不療病也莫若且就脚跟下提取所參話認取主人公切不得隨境流轉向外馳求汝若一念回光主人公相去不遠汝若捨己外求轉不相應如今多說不知少說聽取一偈一念回光路不多外邊尋討轉蹉跎太湖三萬六千頃月在天心不在波

上海縣費府請就真如菴滿散藏經升座僧問始從鹿野苑終至跋提河於是二中間未嘗談一字還端的也無師云將謂聞梨忘却進云恁麼則世尊不說說迦葉不聞聞也師云一大藏經漫進云仁者見之謂之仁智者見之謂之智師云聞梨見之謂之甚麼

僧擬對師便喝僧云某甲有語在師云又道不說說不聞聞僧禮拜師乃召大眾云世尊不說說迦葉不聞聞好箇現成一大藏教徧滿恒沙界內散布百草頭邊夜暗盡明雲門雨施風起水涌鵲噪鵲鳴乃至牆壁瓦礫等二六時中熾然演說無間無斷無雜無壞各各有名有相有文有句或以一句演出千句萬句而不見其爲多或以萬句千句演入一句而不見其爲少所謂法無礙義無礙辭無礙樂說無礙總在裏許政不待世尊說說迦葉聞聞而情與無情隨類流通去也忽有箇無面目漢出來道是不是平等眞法界無佛無衆生本無法可說亦無法說者若言有佛可成是名謗佛有法可說是名謗法豈不見道實際理地不受一塵一切佛世界猶如虛空花若作有法會名爲邪見人山僧到這裏直是分疎不下道有也不得道無也不得道非有非無也不得直饒千佛出頭有口只堪掛壁呈主丈云低聲低聲釋迦老子來也現在主丈頭上判斷此事要知有法可說豈以主丈卓左邊云向這裏竊取要知無法可說麼卓

右邊云向這裏薦取要知非有非無法麼卓中間云向這裏薦取薦則便薦不許停思如其不然却請主丈子劃斷兩頭別通一路劃一劃云諸大德心外無別法法外無別心此心若迷則說有說無千差萬別此心若悟則說無說有事同一家不妨從理起事因事顯理有體亦有用論實不論虛只如陶氏悟心居士曩從佛法中來出世便有靈變近年以來嘗發一念直欲現寶王刹轉大法輪於是打開自己寶藏運出自己家珍建造真如蘭若示現一會靈山作種種莊嚴與種種供養乃復命僧將釋迦老子四十九年三百餘會所說之法從一字一句一卷一函以至一大藏盡底掀翻其中曰權曰實曰頓曰漸曰偏曰圓曰半曰滿曰信曰解曰悟曰證曰因果地位等無不宣揚如將這老子無量劫來所聚無量珍寶八字打開布施諸人去也是故地前地上諸菩薩二乘有學無學人承此法施各隨所脩行門向有餘無餘涅槃隨分證入諸大天龍夜叉八部盡法界內幽顯聖凡承此法施增長大威德守護正法輪今我現前一衆

或受持讀誦或隨喜見聞或供給走使奉事執役之人承此法施同發菩提心同入智慧海次則悟心居士父族陶氏母族童氏夫族費氏如是三族之中一切過化宗親旁及鄉黨鄰里與夫河沙佛子承此法施脫離生死苦輪超入如來境界然後居士得大總持得大受用業障報障煩惱障於此消除戒根定根智慧根於此增長正法眼藏於此發明涅槃妙心於此開悟從最初發念以來所趨所向所願所求於此皆得具足圓滿了也山僧今日高登此座舉揚最初一念功德證明末後一段風光敢保從今以去至于生死岸頭彈指圓成八萬門一超直入如來地分身徧界廣度衆生如是等事皆得具足圓滿無疑矣何以見得水須朝海去雲定覓山歸復舉西堂百丈南泉隨侍馬祖翫月因緣乃云馬祖道經入藏禪歸海大似一箇鐵渾金覓他縫罅不可得從人將謂經自是經禪自是禪往往錯會不少山僧今日也未免將錯就錯錯註解去只如古德有云入息不居陰界出息不涉塵勞常轉如是經百千萬億卷且道如是

之經卽今歸在何處當知此經不在別處卽在居士
提話頭做工夫處話頭工夫也不在別處卽在居士
日用中著衣喫飯折旋俯仰行住坐臥應事接物處
若向如是等處見得徹去方見馬大師舌頭落處山
僧既是漏逗說到這裏索性爲他搭箇冬瓜印子以
手拍禪床云日用工夫絕覆藏悟心言下好承當經
禪藏海俱拈却湧出心花照十方

松江呂子潤宅會諸山師德建七日華嚴勝會薦度
徐氏了心居士逐日請師升座提唱華嚴大意第一
日陞座僧問無邊剎境自他不隔毫端既有自他因
甚不隔師云懷州牛喫禾益州馬腹脹問十世古今
終始不離當念既有終始因甚不離師云天下覓醫
人灸猪左膊上進云此會翻宣教典毋勞說禪且望
禪師直談教義師云山僧何曾有兩箇舌頭問一眞
法界十種玄門還有自他終始也無師喝云那得許
多骨董來進云旣無許多骨董畢竟華嚴所說何義
師云說華嚴問離却法界玄門華嚴經還在甚處師
云現在諸人手裏進云與麼則見者聞者存者亡者

皆得信受奉行去也師云贈汝三文買草鞋僧禮拜
師乃云禮客問禪囑山僧直談教義山僧只有一
箇舌頭禪客却有兩片耳朵如今曲順人情舉些現
成說話大衆一眞法界無邊世界以俱收十種玄門
無量法門而總攝卽事卽理卽性卽相卽俗卽眞卽
因卽果卽主卽伴卽聖卽凡卽正卽依卽多卽一如
帝網珠重重顯現如香水海處處含容非神通使然
乃法爾如是迷之者觸途成滯悟之者當處全彰這
箇是華嚴圓頓稱性之談也華嚴者吾世尊七處九
會所談之經也七處九會者最初菩提場第二普光
明殿第三切利天第四夜摩天第五兜率天第六他
化天第七第八重會普光明殿第九逝多林也第一
會說如來依報正報第二會說十信第三會說十住
第四會說十行第五會說十回向第六會說十地第
七會說等覺妙覺如上七會並是次第而說謂之行
布法門第八及第九兩會普賢雲興二百問普賢觀
瀉二千闡凡說一法則一切法總在裏許謂之圓融
法門行布如桃花李花先花後果圓融如蓮花花果

同時圓融又有二義一因該果二果散因源因該果海者舉十信時十住十行十回向十地等覺妙覺都在裏許果徹因源者舉等覺妙覺時十地十回向十行十住十信亦都在裏許所以道行布則教相差別圓融則性相無礙相是卽性之相故行布不礙圓融性是卽相之性故圓融不礙行布圓融不礙行布故則一爲無量行布不礙圓融故則無量爲一無量爲一則融通隱隱一爲無量則涉入重重如是九會之經共成八十卷也然此八十卷經分作四分謂之信解行證也最初有十一卷爲衆生開發信門其次有四十一卷爲衆生開發解門又其次有七卷爲衆生開發行門又其次有二十一卷爲衆生開發證門一部大經不出信解行證之四分四分所詮之義不出五周六相十立門四法界也由信而解由解而行由行而證斯一經本末之大旨也一經大旨既已昭然然則前所謂迷之者觸途成滯此義何耶此卽當時二乘在座有耳不聞圓頓教有眼不見舍那身者是也悟之者當處全彰此又何義耶此卽現前諸山

大德爲徐氏子心居士指示十種立門顯揚一眞法界者是也豈不見道華藏世界所有塵一一塵中見法界諸人還見麼拂子左擊云十種立門開了也右擊云一眞法界現了也恁麼見得便見盡虛空徧法界無盡光明功德藏身現在這裏佛刹微塵數菩薩海會亦在者裏佛刹微塵數諸善知識天龍八部亦在者裏佛刹微塵數寶座寶床寶網寶帳寶樹寶蓮寶華寶繖絡亦在者裏佛刹微塵數香嚴雲花嚴雲燈嚴雲摩尼雲師子幢雲亦在者裏問也在者裏答也在者裏圓融也在者裏行布也在這裏信也在者裏解也在者裏行也在者裏證也在者裏彌勒彈指開樓閣門也在者裏文殊伸手摩善財頂也在者裏乃至五周六相十立門四法界都在者裏此豈不是當處全彰者哉我今更爲諸人向親切簡要處總而收之擊拂云世尊七處我者裏只一處世尊九會我者裏只一會世尊說經八十卷我者裏只一句諸人且道是那一句遂高聲云了心復卓主文云了則了矣畢竟諸人向何處與居士相見聽取一偈了心心

了無心當處全彰義轉深瀝漬變爲華藏海覺華
開偏雜花林

第二日升座毗盧華藏莊嚴海偏在一切處大方廣
佛華嚴經偏該一切法華藏海既偏一切處且道牛
欄馬廄酒肆淫坊劍樹刀山鑊湯爐炭等處惡境界
又向何處安著既無安著處便將爐炭鑊湯刀山劍
樹換作華藏海得麼便將淫坊酒肆馬廄牛欄換作
華藏海得麼若不換作華藏海則不可謂之偏在一
切處也華嚴經既該一切法且道神號鬼哭水響風
聲犬吠鷄啼驢鳴馬叫等處惡聲又向何處分別
既無分別處便將馬叫驢鳴鷄啼犬吠喚作華嚴經
得麼便將風聲水響鬼哭神號喚作華嚴經得麼若
不喚作華嚴經則不可謂之偏該一切法也靈利丈
夫英俊上士向者裏指點不出分疎不過山僧今日
爲諸人指點去也無量無數浮檀香水海無量無數
世界輪圍山無量無數解脫菩提場無量無數摩尼
寶光聚無量無數宮殿樓閣雲無量無數蓮華師子
座無量無數變化莊嚴身無量無數國城善知識整

拂云卽今在拂子頭上同時顯露了也教主遮那金
口所說普賢願王菩薩所說文殊大智菩薩所說七
處九會諸菩薩當會所說四十一位法身大士一切
大心衆生天龍阿脩羅等衆會所說地神說水神說
大神說風神說山神林神樹神道場神等所說乃至
雲臺說寶網說塵說刹說熾然說卓主丈云卽今向
主丈脚底同時舉揚了也且道主丈拂子因甚如此
奇特若知他奇特處便知他變現融通處若知他變
現融通處便知他偏在一切處偏該一切法也怎麼
知得方知神號鬼哭水響風聲犬吠鷄啼驢鳴馬叫
等無一法不是華嚴經也牛欄馬廄酒肆淫坊劍樹
刀山鑊湯爐炭等無一處不是華藏海也此心未了
則名相萬殊此心既了則體用一致了心三昧能知
是不是了心人不知復卓主丈下座

第三日升座知識五十三員在你眉毛眼睫上大經
八十一卷在你鼻孔口唇邊你若要向眉毛眼睫上
求則千里萬里難過了也你若要向鼻孔口唇邊討
則千差萬差打失了也豈不見道有大經卷在一塵

中有一智人破此微塵出大經卷若見得者箇大經那八十一卷都或開故紙又不見道真善知識不離自家道在已求不從他覓若見得者箇知識那五十三員總是路旁人你若未能怎麼承當却又不許等閑放過八十一卷有始有終政好從頭讀去五十三員有前有後不妨逐位參來所以經中道善知識者長諸善根譬如雪山長諸藥草善知識者是功德處譬如大海出生衆寶善知識者不染世法譬如蓮華不著於水善知識者不受諸惡譬如大海不宿死屍善知識者照明法界譬如盛日照四天下善知識者長善養身譬如父母養育兒子又云見善知識心不散亂見善知識破障礙山見善知識入大悲海救護衆生見善知識得智慧光普照法界見善知識普能觀見十方佛海見善知識得見諸佛轉於法輪又云由親近善知識能勇猛勤修一切智道由親近善知識能速疾出生諸大願海由親近善知識能代一切衆生受無量苦由親近善知識能於一教裏中說法豎偏法界由親近善知識於念念中行菩薩行究竟

安住一切智地由親近善知識而能偏往十方國土善哉善哉善知識者乃有如是之利益哉雖然如是要見善知識須有大因緣有因緣者千里相逢無因緣者當面錯過優鉢曇花容易見大善知識最難逢此語豈欺人哉唯此徐氏居士宿有大因緣多見善知識且如山僧固無長處居士也曾納香問道求語策進來如今四大幻身雖曰已死而其求語問道之心昭昭靈靈明明了了兩根對兩眼何曾有死生適來所謂真善知識不離自家既見外邊知識來參取自家知識去居士還會麼茫茫烟水百餘城誰肯隨人背後行脚未跨門相見了到家元不涉途程第四日升座若人欲了知三世一切佛應觀法界性一切惟心進世出世間聖凡境界只此一偈包括無餘所言法界者有四聖法界有六凡法界四聖六凡合成十法界也四聖者諸佛菩薩緣覺聲聞也六凡者天人畜羅畜生餓鬼地獄也如是十法界本無自體本無自性亦無自種亦無自根皆惟一心之所造也所言心者如太虛空本來清淨本來廓徹無方無

所無狀無形不滅不生不動不變不知何故而言法界。惟心造哉。原夫此心雖曰不變而亦隨緣以其隨緣故曰能造。隨緣者或因一念瞥生或因外境相觸內外感觸故曰因緣。纔有因緣便成法界。且以譬喻明之心如水也。法界如波也。當其水體本靜未有感觸之時湛湛澄澄不搖不動。及其偶遭風觸則千波萬浪隨其所觸而生焉。故曰水能造波波因水而有也。心能造法界法界因心而有也。然則一乘任運萬德莊嚴者諸佛之法界也。圓脩六度總攝萬行者菩薩之法界也。見局因緣證偏空理者緣覺之法界也。功成四諦歸小涅槃者聲聞之法界也。廣脩戒善作有漏因者天道之法界也。愛染不息雜諸善緣者人道之法界也。純執勝心常懷瞋闕者脩羅之法界也。愛見爲根慳貪爲業者餓鬼之法界也。欲貪不息癡想橫生者畜生之法界也。造十習因受六交報者地獄之法界也。若以廣而論之則二十重華藏世界海依此心而變造也。無邊香水海依此心而流注也。大小鐵圍山依此心而安住也。日月星辰依此心而運

行也。諸寶行樹依此心而生長也。諸大蓮花依此心而開敷也。一切衆生之所迷迷此心也。三乘賢聖之所悟悟此心也。一大藏教之所開導開導此心也。歷代宗師之所指示指示此心也。三觀者觀此心也。單傳者傳此心也。累劫而脩脩此心也。歷位而證證此心也。良由此心隨緣變造故有種種之法界也。若能一心不生了悟了證則種種法界隨其所了而空也是故十習既斷六交不生地獄之心了也。欲貪既斷癡想不生畜生之心了也。愛見既斷慳貪不生餓鬼之心了也。勝心既斷瞋闕不生脩羅之心了也。愛染既斷正念現前人道之心了也。捨有漏因脩無漏業天道之心了也。不執四諦不守真空聲聞之心了也。不局因緣回心入大緣覺之心了也。六度功成頓超地位菩薩之心了也。圓滿菩提歸無所得諸佛之心了也。今我了心居士平生參究此心誓求了悟其於六凡法界之中必已了悟而無所疑矣。且道四聖法界之中所了之心落在甚麼界。喝一喝下座。

第五日升座。若人欲識佛境界當淨其意如虛空遠。

離妄想及諸取令心所向皆無疑何謂佛境界耶空有迭彰理事無礙一多相即小大互容夫是之謂佛境界也由是觀之一塵一毛皆佛境界一沙一滴皆佛境界一四天下一大千世界乃至佛刹微塵數華藏海皆佛境界也爭奈汝諸人舉手所指縱目所觀高而蓋者謂之天下而載者謂之地運而行者謂之日月列而布者謂之星辰靜而住者謂之山動而流者謂之水有情者謂之人無情者謂之物森羅者謂之萬象却將真佛境界當面諱却豈不大可憐哉此無他只是汝諸人意根下不曾清淨故有種種妄想既有妄想乃有分別既有分別乃拘名相既爲名相所拘於是見天只是天見地只是地見山水只是山水見人物只是人物矣又於名相之中妄生種種取著或取著山或取著水或取著人或取著物又於取著之中妄生種種障礙或被色礙或被聲礙或被山水人物萬象森羅之所障礙既是所向皆礙要見佛境界驢年更驢年雖然如是汝若端的要見也不難但將種種妄想種種取著種種障礙和盤撥轉直教

意根下清淨如虛空向頂門上豁開正眼洞照世間然後天也是佛境界地也是佛境界日月星辰也是佛境界山川人物也是佛境界一塵一毛一沙一滴乃至佛刹微塵數世界海無住而非佛境界也當此之時和箇妄想取著障礙直下皆是佛境界也如是境界也非有也非空也非理也非事也非一也非多也非小也非大也非迷也非悟也非脩他非證喚作佛境界也得不得喚作佛境界也得如是微妙不可說如是圓融不可說如是自在不可說如是無礙不可說如是證悟不可說如是解脫不可說如是功德不可說如是利益不可說是名不可說又不可說之佛境界也恁麼則徐氏某人平生所聞是佛境界平生所見是佛境界平生所樂是佛境界平生所參是佛境界且道於佛境界還曾親到也無若也未到更聽從頭說破若人欲識佛境界頭上安頭當淨其意如虛空誰曾染汙遠離妄想及諸取撥波求水令心所向皆無礙滿目青山蒼枯主文云說破了也不得錯會車一卓下座

第六日升座世尊昔在摩竭陀國阿蘭若法菩提場
中初成正覺智入三世悉皆平等其身充滿一切世
間其音普順十方國土譬如虛空具含衆像於諸境
界無所分別此是大開一口吞盡十方世界了也又
復歎曰奇哉我今普見一切衆生具有如來智慧德
相但以妄想執著而不證得此又將菩提場中所證
所得底盡情分付諸人了也汝諸人現在菩提場中
人人頭戴虛空箇箇腳踏實地而不成正覺者何耶
妄想執著未除也菩提大心未發也迷則菩提爲妄
想悟則妄想爲菩提梵語菩提此翻曰覺欲成正覺
者須發菩提心故經云菩提心者猶如種子能生一
切諸佛法故菩提心者猶如大地能持一切諸世間
故菩提心者猶如淨水能洗一切煩惱垢故菩提心
者猶如大風普於世間無所礙故菩提心者猶如大
車普能運載諸菩薩故菩提心者猶如大道普令得
入大智城故菩提心者猶如舍宅安隱一切諸衆生
故菩提心者猶如園林於中游戲受法樂故菩提心
者猶如慈父訓導一切諸菩薩故菩提心者猶如慈

母生長一切諸菩薩故菩提心者猶如蓮華不染一
切世間法故菩提心者猶如良藥能治一切煩惱病
故菩提心者如如意珠周給一切諸貧乏故菩提心
者如如意樹能雨一切莊嚴具故菩提心者如大施
會能滿一切衆生心故菩提心者如佛支提一切世
間應供養故善哉菩提心乃有如是之功德也既發
菩提心當脩菩薩行行若不脩心成虛發豈不見善
財童子每參知識必曰我已先發阿耨多羅三藐三
菩提心而我未知云何學菩薩行脩菩薩道我聞聖
者善能誘誨願爲我說此乃善財發心脩行之樣子
也由是而知雖有多聞若不脩行與不聞等如人說
食終不能飽故經云如人說美饍自餓而不食於法
不脩行多聞亦如是如人善方藥自疾不能救於法
不脩行多聞亦如是如人數他寶自無半錢分於法
不脩行多聞亦如是如響奏音樂悅彼不自聞於法
不脩行多聞亦如是如盲繪衆像示彼不自見於法
不脩行多聞亦如是譬如海船師而於海中死於法
不脩行多聞亦如是惟我某人則不然一生所發都

是菩提心一生所脩都是菩薩行妄想執著念念遠離智慧德相時時體究其於當來世中蒙佛授記坐道場成正覺決定少他一分不得且道有何憑據鄭主丈下座

第七日滿散華嚴會升座僧問一法若有毗盧墮在凡夫萬法若無普賢失其境界畢竟如何和會師云你在那裏見他斯闢來進云爭奈前話何師便喝僧云某甲到者裏有耳如聾有眼如盲師云更要和會箇甚麼僧良久云某甲會也師云你作麼生會僧云性空即是佛不可得思量師又喝云三十年後思量者一喝在乃云遮那淨法身藏在一毛孔裏普賢行願海散在百草頭邊雖在一毛孔分明拄地撐天雖在百草頭畢竟掃蹤滅跡低聲低聲遮那與普賢來也諸人要見一毛孔麼卓主丈云橫亘十方豎窮三際諸人要見百草頭麼擊拂子云石火電光不容眨眼有時一毛孔重重吞却百草頭有時百草頭各各現出諸毛孔有時一毛孔即是百草頭有時百草頭即是一毛孔直得遮那普賢轉作一片使無邊開士

大地衆生討頭不著挨身不入用力不到割脚不牢既無定體亦無定名有時喚作一真法界有時喚作大光明藏有時喚作法菩提場有時喚作妙莊嚴域有時喚作六相義有時喚作十玄門有時喚作一心三觀有時喚作直指單傳有時喚作故家田地有時喚作向上牢關或號金剛圈或名鐵酸餡或稱暗號子或曰本來人乃至用之爲棒變之爲喝放去收來千差萬別及乎盡底掀翻從頭勘破元來只是一箇自己這箇自己在天同天在地同地在人同人在物同物於自己分上或說本具或說本空或說悟迷或說脩證引起許多閑絡索春色無高下花枝自短長只如徐氏了心居士宿有資熏不肯昧却自己所以一出母胎便自靈利雖現女人身同行世間事其不昧者終自了然指囷捐金不待勸而行矣誦經解義豈待教而通乎又能痛念死生大事力參無字話頭日用工夫心不間自己面目念念究明壽至五十八年臨終端坐而逝既有賢夫賢子爲之廣作佛事又有孝女孝婿爲之翻閱大經向普賢行願海中滿

注八功德水就遮那淨法身上莊嚴萬行因華居士
自己一著可謂美矣。蓋如今滿世間人皆不知有
自己一著以其不知故不肯信以其不信故不能行
只在富貴功名中酒色財氣上乾弄一生有何成就
去死日不遠猶自不回頭豈不哀哉痛哉又有一等
雖信自己雖曰參禪學道而用心不切不能勇猛精
進也要口頭胡說亂道臘月三十日到來十箇有五
雙虛生喪死其親居上得無愧於心乎山僧六七
日間將一把龜毛拂子脫翻華嚴海曲順孝家之情敲
箇座主模樣牽經引教切切怛怛要與居士發揚自
己一著而今看來發揚也發揚不著贊歎也贊歎不
及徒爾閑言長語弄成滿地葛藤且請主文子出來
自家收拾去也以主文畫一畫記得善財童子參
徧南方五十三員善知識末後遇普賢菩薩教發十
種願王引導往生樂土喚作一生參學事畢大小善
財參方無眼目走得脚生瘡帶累後來人長年在途
路爭似徐氏了心不出門庭徧參知識不離華藏海
親見安樂邦不待往生何煩引導敢保善財童子羨

慕不及也諸人還會麼婆婆安養路無差了得心源
共一家坐看重重香水海紫金光照白蓮花
華亭夏監蓮宅滿散機筵請升座師云覺性如虛空
地獄天堂自何而有佛身徧法界傍生鬼趣那裏得
來任他滿眼橫陳總被當頭覷破閻羅老子與菩提
達磨鼻孔連鼻孔衆生與釋迦牟尼眉毛點結若
會者箇道理便見無造罪者無受罪者亦無斷罪者
亦無微罪者一切處或等正覺一切時轉大法輪若
也未會却聽山僧重下註腳諸法從心生諸法從心
滅無有一生不從吾心而起滅者也何者謂之法世
間萬物人間萬事皆法也以萬物言之則天地山川
昆蟲草木但是有形有像有色有聲者皆謂之法以
萬事言之則諸人從生至老日用之中所作所爲或
善或惡亦皆謂之法也何者謂之心心在諸人分上
喚作自己又喚作主人公十二時受他主使一切處
聽他差排頂天立地也是他負海擎山也是他使汝
開口動舌也是他使汝舉足動步也是他此心最廣
最微最靈最妙千變萬化不可思議遠則充塞天地

近則常在目前爭奈視之不見聽之不聞蓄意求之轉求轉遠顏子有云仰之彌高鑽之彌堅瞻之在前忽焉在後也是者箇道理當其一念未生之際一真無妄之時皎皎然如古鏡之光明無染無汙昭昭然如止水之澄湛不動不搖胡來胡現漢來漢現照天照地鑑古鑑今無一絲毫隱蔽無一絲毫障礙者箇是諸佛諸祖境界及乎一念發生諸妄交擾如風動塵飛止遏不得如崖崩石裂把捉不牢如狂象無鉤牽挽不住如猖猴得樹呼喚不回如石火電光如神出鬼沒無你著眼處若是大智慧底人乘回天轉地之機用攫霧擎雲之手一把把住一坐坐斷放開也由我捏聚也由我者箇是諸佛諸祖妙用處其餘凡夫衆生勤不破把不住未免隨他七顛八倒七縱八橫去也孟子云出入無時莫知其鄉放辟邪侈無不爲已便是者箇道理從此便有三障何謂三障業障報障煩惱障是也何謂煩惱障一念發生諸妄交擾者是也才有煩惱便有業障何謂業障殺生偷盜邪淫妄語綺語兩舌惡口貪欲瞋恚愚癡等是也才有

業障便有報障何謂報障墮生遭王難死墮地獄餓鬼畜生三塗苦海之中受苦受罪者是也如此三障鉤鎖連環相牽不斷故謂之輪迴也當此之時皎皎光明之古鏡變而爲塵垢矣昭昭澄湛之止水結而爲寒水矣既爲塵垢則無鑑照之功既爲寒水則無應現之用矣然則三障本無因一念妄生而有地獄本空從一念妄興而造所以道諸法從心生諸罪從心起也由是吾佛吾祖以大願力誓度苦海衆生廣開懺悔之門特立懺悔之法使諸衆生生大怖畏生大慚愧依此法門發露懺悔妄業既消妄心既滅三障永除一真獨露便可與佛祖同一境界如以妙藥磨去塵垢而重顯古鏡之光如藉杲日銷鑠寒水而復還止水之體所以道諸法從心滅諸罪從心亡也其理昭然如此而世間之人間有不信者第一不信有地獄苦報之事第二不信有懺悔之法殊不知上所言之三障分明現在目前且以世間之法言之即今朝廷張官置吏以治天下而世有兇狠強暴縱心作惡之徒或犯五逆十惡奸盜詐僞等官設牢獄枷鎖

答杖徒流以究治之重則明正典刑籍沒家產以懲戒之縱心作惡等卽煩惱障也奸盜詐僞等卽業障也牢獄枷鎖等卽報障也陽間事既如此地獄可不信哉何況陽間尙可行財計騙用情隱蔽地獄則善惡影響毫髮不容其私可不畏哉其不信懺悔之法者今亦以世間之法言之世有過犯者官許發露首告首告者與免本罪此非懺悔之法乎何況懺悔之法承吾佛之大恩力既拔其苦復與其樂輕則生天重則生於佛國較之與免本罪何止霄壤懸殊由是而知懺悔法門大有利益於人不可不信也且如某人衣冠禮樂之臣族詩書文物之名家自先世以來廣行孝義多積陰德以惠其子孫然則平生既無重大之業矣今日又承孝屬代爲熏修懺法作種種佛事則又何罪而不滅何業而不消何福而不生何善而不長其所以隨佛往生者決定無疑矣其所以徹見本來面目者決定無疑矣山僧不曉詞冗重宜一偈以印之銷水爲水水如常古鏡妍磨再發光風不動兮塵不起本來面目露堂堂

十
七

徐氏大夜小參僧問德山道今夜小參不答話問話者三十棒意作麼生師云我者裏不打禪客有問卽答僧云無法可說是名說法又作麼生師拈棒僧便走師云做賊人心虛乃云諸佛不會說法舌頭才動平地是風波諸祖不會答禪口縫才開滿眼是荊棘若道有說有聞固是敲空作響若道無問無答又成掩耳偷鈴恁麼則銀山鐵壁不恁麼則鐵壁銀山恁麼不恁麼脚底有牢關山僧今日路見不平也要別通消息以拂子作打開勢云銀山鐵壁八字打開了也掣拂子云脚底牢關一掣粉碎了也政好縱步於一毫端上壁開太華放出黃河露身於萬象光中倒握須彌吸乾東海使臨濟德山眉毛上出一口氣使摩迦彌勒鼻孔裏放三寸光然後向他不會答禪處答一語向他不會說法處說一句卓主丈云答了也說了也當知此法不可思議能大能小能有能無能悟能迷能凡能聖是故諸人得之靈於萬物具乎五常十大夫得之脩身齊家治國平天下聖天子得之奄有四海協和萬邦阿羅漢得之具五神通證四

果位辟支迦得之出無佛世度有緣人諸菩薩得之行願相資智慧雙運佛世尊得之演說一大藏教化度九界衆生至如天台宗師談具談卽談空假中或談折攝二門四種淨土皆此法也華嚴宗師說毗盧性海說普賢行門說理法界事法界理事無礙法界事事無礙法界亦此法也達磨一宗說不立文字直指人心或說佛祖命燈或說本來面目總不外乎此法也恁麼則含吐十虛該羅萬有口口道著步步踏著因甚麼百姓日用而不知飯籬邊坐却嫌飢不知者且莫說只如古今以來多少聰明之士知有此法者却向文字上講明義理中尋究講也講得明究也究得到爭奈文字自是文字義理自是義理與你自家了無交涉說時似悟對境還迷蓋爲但能致知而不能力行也書曰非知之艱行之惟艱祖師道說得一丈不如行取一尺說得一尺不如行取一寸若不力行決無受用既無受用未免愈紛紛是非擾擾顛倒錯亂不得自由向醉鄉夢境裏轉過一生就利鎖名疆中擔閣一世前途生死輪迴且請自作自受

去也此說且止只如吾宗門下眞參實學之士晝三夜三用盡伎倆尚且不奈何如水上捺葫蘆如釘椿搖撼如走馬看花如按牛喫草也要橫說豎說東提西提到底半青半黃不能大了大當見人道箇諸佛不會說法諸祖不會答禪便乃七上八下處斷不定豈不大可憐哉若是了心底人如久客到家如推門落臼任你說禪說教談有談空八面收來一串穿却不遭諸佛舌頭瞞說與不說都是法不向諸祖口邊討答與不答都是禪拈主丈云者箇是主丈那箇是心那箇是了若道有心可了是名常見若道無心可了是名斷見若道非了非不了亦不了總不出斷常諸見遂擲下云若向這裏離四句絕百非領略得去却許與諸佛祖平等受用何故千峰勢到巖邊住萬派聲歸海上消復舉成都善女人范縣君曾參昭覺圓悟和上令看不是心不是佛不是物是箇甚麼縣君久而不悟乃號哭而告圓悟曰話頭稍長難於參究和上有何方便使我易會圓悟曰但看是箇甚麼縣君自此稍覺省力未幾果有開悟乃曰元

來恁麼近那師云縣君費盡苦工夫不知元來恁麼
近何似徐氏自幼便知有此事所以一生履踐真實
及乎臨終恬然坐逝較之縣君省力多少山僧今夜
快便難逢當場爲之證據心了卽了心休卽休體雖
常住用乃周流瀟灑松風出萬壑杲杲春日行滄洲
太平氣象一網俱收了心境界只是南北東西得
自由

師子林天和尚語錄卷之二

師子林天和尚語錄卷之三

小師 善遇 編

法語

示用菴照上人

佛法偏在一切處一切處不容尋討舉足下足菩提
場認得分明還不是滿眼滿耳處沒蹤沒由沒蹤沒
由處滿眼滿耳古人此等語言大似一手搥一手搥
待汝自家營地慶快平生奈何千萬人中求一箇半

箇觀體承當了不可得此無他欲明怎麼事須是恁
麼人若是越格丈夫有移天關轉地軸手段就銀
山鑛壁裏點開達磨眼睛向石火電光中爍破瞿曇
面目拈起龜毛拂子吞却百億蘇迷盧倒轉兎角杖
頭傾出無邊香水海有時遇賤卽貴迦葉糞掃衣價
直百千萬有時遇貴卽賤輪王寶中寶不直半文錢
到者裏方有少分相應既得相應方知三世諸佛歷
代祖師與自己同一處安身立命既知佛祖落處方
知佛祖用處既知佛祖用處方知宗門下神出鬼沒
敲東擊西以句刻句以機奪機設平地牢關布幔天
網子如金翅壁海如香象截流如師子教兒懸崖一
拶乃至打草驚蛇賺款結案盡是將自得不傳之妙
轉作爲人方便信手拈來當頭覷破似空合空無一
毫滲漏如鏡照鏡無半點諸訛如巨靈壁破太華山
腕頭不費纖毫力始可稱爲撲空如來藏拶碎祖師
關底越格大丈夫也是則固是只如臨濟大師道有
時先照後用有時先用後照有時照用同時有時照
用不同時此四句中有一句指鹿爲馬有一句按牛

契草有一句鬼門上貼卦有一句口縫未開說破了也你還作麼生定當若也定當不出切忌運命香案辜負先德埋沒已靈且將如上許多閑絡索拈向一邊只就本參事上密切體究一切時一切處猛著精彩看他是箇甚麼道理閑忙靜鬧動轉施爲畢竟誰恩力政當體究之時不得墮古人窠臼不得受諸聖羅籠不得避喧求靜不得捨事就理前輩云死水浸石頭鬼窟作活計緣木求魚撥皮覓水乃學者之大病也須是具辨龍蛇之眼毫髮不受人瞞用擒虎兇之手斯須不容放過勤辨既明把捉既定却不妨向塵勞世網中大抹高揮纖然作用亦不妨向語言文字上東咬西嚼傳唱敷揚著著是你得力時頭頭有箇出身路豈不見這大道只在目前要且目前雖觀欲識大道真體不離聲色言語怎麼捉摸得行挨拶得去忽然洗面摸著鼻孔當知照用四句空拳嚇小兒臨濟大師在汝脚跟下蹲坐吳門用菴照上人志明大法初苦參出紙求語不覺引起葛藤紙長未盡復說三偈以盡之一是句亦剗非亦剗臨濟

滅却正法眼拍盲曾築大愚拳不識睦州會稽板二老婆心是葛藤窠佛法從來也沒多一捏虛空成粉碎眼前留得舊山河三眞照無私用不虧同時先後不同時鬼家活計掀翻了氣殺曹州小厮兒

示能大拙長老蜀中歸山

拙到無可拙處謂之大拙纖毫拙不盡者到不得大拙田地此之大拙却非大巧若拙之拙亦非巧盡拙出之拙且非百不能百不會之拙仍非奴郎不辨菽麥不分之拙又非掘地覓天敲冰取火之拙者也今時大方宗匠爲師爲徒者一箇箇具大智慧具大機變拙之一字素不願聞若望其一到大拙田地盡恒沙劫不可得矣且莫說今時只如從上諸佛也到不得歷代諸祖也到不得天下老和尚也到不得凡諸學佛之流要悟禪悟道底盡其智能竭其伎倆都到不得則上座作此等批判具此等見解莫說到不得夢也夢不見在如今大拙能長老若必欲名實相應親到者箇田地須是先將諸佛諸祖併許多到不得底老凍餒凍作一束送向千山萬山青松白雲半間

草屋之下深深掘箇地爐就冷灰底一窩埋却莫留絲毫影跡莫露絲毫氣息却不妨向冷灰之上燒糞火煨芋頭飢則噉教飽飽則信步行健則盤膝坐困則伸脚眠擇取一生殘性命只恁麼絕學無爲將將去拙去拙來拙到無可拙處忽然蹉跎踏翻冷灰觸著佛祖鼻孔同時打箇噴嚏起來道如今埋沒我不得也那時曰巧曰拙未免掩口一笑亦未免遙向三千里外痛罵老拙一頓在

示如維那

苦樂逆順道在其中此乃龍門和尚赤心赤膽痛爲學人警策之語也蓋世間逆緣非苦即樂非順即逆盡大地人遭他籠罩無出頭分故學道之士往往因此四種退失初心喪壞法體者亦不多矣原夫曰苦曰逆只是箇不如意底境界能使人起憎起厭起怨起惡如值冤讐多方迴避如遭繫縛百計求脫引發種種煩惱將一片道心等閑颺却曰樂曰順只是箇如意底因緣能使人起愛起貪起染起著如嗜醇酒不覺沉醉如貪宴寢不覺睡著轉入轉深將一

片道心等閑忘却却不知樂是苦因順爲逆本四者相依互爲出沒皆世相變遷之常事耳不應遇順樂則生欣逢逆苦則反欣爲怨怨欣取舍鉤鎖連環道念何從而在哉當思樂緣苦境亦不偶然總是宿業所招繫乎定分不容苟求而得苟避而免也又當思遇苦遇樂雖屬定分然亦浮幻不實暫有還無以智眼觀之妄起妄滅如樹頭風如谷中響如空裏華耳於吾道何所礙焉間有知是世相知爲定分知屬浮幻底向現時冷處也說得圓融盡有主宰及乎真境現前依舊分疎不下攔撥不行總而言之只是見地未徹割脚未隱道念輕微故爾道念者何了生死明大法之念也其實實以是念橫在胷次間者如握金剛王寶劍萬丈寒光威凜凜地望來凡來恨不得一揮百雜碎當此之時處佛國天堂不見其相樂居魔宮虎穴不見其逆苦又有甚麼利便不利便如意不如意處可得而分別哉近時參玄上士雖於逆順門頭具得隻眼又或被一種虛名聲聞學解當頭瞞却殊不知此等作爲也是道在其中始得苟非道在其

中直饒學解過人聲名蓋世亦未免遭先聖呵斥以爲癡狂外邊走埋沒祖師心可不畏乎莫若昇絕外緣單存正念拈取窮微骨告到底守牢微於萬人之下更拈取唇生機舌生毛一丁不識百事不能只恁麼捱將去異時驚忽向垃圾堆頭拈出一句半句驚天地其聲名腥膻自不容其掩矣倘或不然則衣前被苦樂逆順穿却鼻孔去也其中何道在之有哉

示樂真居士秋同知

吾憐世尊之道如日之在中天光無私照照無不覩初非恠詭僻異之術亦非險峻幽深之事蓋其立言垂化原始要終無非教人爲善而已爲善者何治心而已治心者何捨邪從正而已心也者從古逮今聖凡貴賤一切生靈之所共稟者也充而論之天地以之而建立陰陽以之而運行風雨晦明以之而變化草木萬類以之而發生其於人也在眼爲見在耳爲聞在鼻爲嗅在舌爲嘗乃至俯仰折旋行住坐臥一靜一動一語一默喜怒哀樂之情取舍向背之行皆心之所爲也窮其神妙如經所謂現寶利於毛端

轉法輪於大千於方外納須彌於芥中百千三昧羅不由之而變現也心體本一惟於應事接物之際或失主宰遂有邪正真妄之分焉真心者何本來清淨無所汙染本來解脫無所繫礙妙應隨緣縱橫自在之謂也妄心者何由迷真覺隨念變遷識想紛飛根塵膠擾而顛倒錯亂離所不至之謂也譬若鏡焉本體明淨胡來胡現漢來漢現妍媸萬態毫髮無差或不能護其本真而汙以妄垢日積日厚則本明本淨者隱矣既有妄心則所趨所爲悉名妄業既有妄業則有妄報業報相隨若形影之不相離然則三塗五苦生死輪迴不可得而免矣究其背真向妄一至于此倘無法則其害何窮是故吾佛思所以治之演出一大藏教曲垂種種方便者皆去妄就真之法也亦磨鏡之方藥焉使其日治日磨垢盡明現而後已苟知治心如治鏡則人皆可使爲聖賢之歸使人人爲聖賢之歸則吾佛治心之道豈惟詭僻異之術險峻幽深之事哉世之昧者或主乎先入之言局於一偏之見不能刮目佛書留心佛道既不知

信而反見謗是愈盲者之謗日孰能加損於無私之
照哉自佛法流東以來受其惠者盈天下爾後時殊
事異法久弊生依文解義者多力行脩治者少是以
達磨一來掃空陳弊直指人心不立文字貴在機先
言外脫體承當謂之教外別傳蓋其省要痛快者也
自此別傳之宗布滿海內而名公鉅儒亦皆幡然從
之如裴相國張相國白侍郎柳刺史楊內翰楊次公
趙清獻公富鄭公黃太史蘇翰林輩皆不離富貴功
名文章事業而能發明直指之道氣吞佛祖覺感乾
坤豈非一生取辦而千古慶快者哉今讀平西村狄
相公亦深信吾宗者泰定乙丑丙寅間余寓吳門幻
住菴西村丁母憂廬墓於閭闔外其孝行盛稱于時
余嘗爲撰廬墓序多引儒典之言而西村以佛法見
問余乃許之曰他日爲西村言之未晚也由是燕鴻
南北曠不相聞者十有六年矣近余重到幻住而西
村亦自京還年登五十富貴方來忽出長紙二幅求
語進道舉向來相許之言似索余之宿逋也然我宗
無語句亦無一法與人惟在乎自參自悟自得耳其

自參自悟之方先須照破世間虛名浮利恩愛豪華
萬境萬緣同一夢幻次須痛念流光如箭時不待人
生死岸頭無本可據然後將宗門中省要處念念提
撕政當提撕之時於脩身齊家聽訟治獄禮樂刑政
之宣行案牘簡書之酬酢總不相妨總是下手得力
處果能如是功不浪施念無處棄驚忽剖破藩籬摸
著佛祖巴鼻豈復讓於裴張蘇黃輩哉今西村之索
我者我已償其逋矣發明直指之道吾亦有望於西
村他日重逢吾將索公之逋也公當力行之深造之

示真殿主

僧問趙州如何是佛州云殿裏底此一轉語輕若遊
空絲不費纖毫氣力快若吹毛劔掃空萬別千差從
上佛祖到者裏石火電光把捉不住正法眼藏到者
裏瓦解冰消提掇不起十方空索索一法不當情無
粘不解而無縛不除矣近代學語之流不識古人舌
頭落處見他道箇殿裏底便乃橫生擬議或謂佛是
觸目現成有情無情同一覺體或謂佛是惟心所造
木雕泥塑能顯法身或謂此是傍邊指點聲前意外

別露真機或謂此是格外提持即相離相而非離非
即點檢將來都是錯會既是錯會未免粘上會粘縛
上加縛帶累古德靈妙之言翻成戲論豈不是屈事
直饒離却如上錯會別資一路意解得行爭奈遇緣
觸境依舊透脫不過此無他只是自己分上不曾透
頂透底脫略一回大似隔靴抓痒於事何濟如今要
脫略一回也無難事只消就本參親切處猛著精神
橫看豎看忽爾看破方知殿裏底話乃至如上四種
橫議一切處瞞你不得了也吳興真禪人頭石和尚
之子掛錫大乘禪主之巖其爲衆爲己之心打成
一片誠慕道禪子也傳頭石之命過余求語於是示
以前說而奉饒一偈云如何是佛殿裏底三世如來
眼花起燈籠露柱咲顏開咲破虚空半邊聲

示蜀中衆講主

卽文字之謂教離文字之謂禪禪非外教而禪教非
外禪而教教乃有文字之禪禪乃無文字之教曰禪
曰教名異實同蓋同一治心之善權方便耳佛說一
切法爲度一切心我無一切心何用一切法亦如醫

方萬品爲病證萬差而設苟去其病則溫涼虛實之
劑何所施焉彼未達方便之理者乃各私其所宗教
則以記持誦習依文解義爲尚禪則以拍盲枯坐不
涉義路爲高各執一是彼此相非苟非徹悟自心親
見佛祖善權之意者其是非何自而息哉昔德山和
尚以曉敏智辯講貫金剛奧義氣吞江海及手出峽
初見龍潭遽云龍又不現潭又不見早已摸索不著
矣至夜多次滅紙燭處打失眼睛始肯道窮諸玄辯
若一毫置於太虛揭世樞機似一滴投於巨壑由是
拈一條白棒打風打雨此豈記持誦習依文解義之
境界也哉又如圓悟和尚早味禪旨眼空諸方萬里
南來諸大老莫不歎異而首肯之既而見東山演祖
備呈所解祖曰動上座你說底是法座頭禪濟不得
事圓悟不肯其說拂袖便行後至金山寺於熱病中
檢點平生所解底並無得力處乃自省悔再參東山
因聞頰呼小玉之語有疑未幾聞鷄聲廓爾脫略始
悟前非此又豈拍盲枯坐者所能至是哉夫此二老
其初也自謂凌厲快鷗不受羅籠賴遇本色宗匠以

惡辣手與之揭開頂門正眼然後如象王擺脫羈鎖海上橫行如摩龍奮迅于九霄雲布雨等若遊戲當是時也心法雙泯藥病兩忘佛來祖來退步有分向何教禪之足論哉蜀中果講主前二大老之里人也舍教而禪篤志于進天目夏罷將理歸楫求語爲別舉此似之脫或勇憤不禁脚蹉手跌獨翻醜頑堆踏斷三巴路圓悟德山亦當望塵而拜爾其勉之

示豈藏主

佛祖無上妙道初非強生節目且非異端捏怪又非甚高難行之事只是你日用常行見成受用底強而名之喚作自性天真佛又喚作自己主人公近而言之你一切時一切處用釋迦老子眼睛耳朵見色聞聲用達磨大師舌根鼻孔出言吐氣極而論之十方諸佛諸祖各各亦窮性命盡在你掌握之中担聚放開無不由你你若果有者箇操略管取諸佛諸祖向你面前納款有分就你手裏乞命無由你若未具超宗越格底眼目又無縛虎擎龍底手段未免一切處一切時見色被色礙聞聲被聲礙以至出言吐氣皆

是白日青天開眼竊語是放圓覺經云由有無始本起無明生已主宰一切衆生生無慧目身心等性皆是無明誠我是言也既自失其主宰又且聽命於無明由是不能轉物爲物所轉一箇娘生調護被他穿却一條死活命根被他管却你却甘心向黑暗稠林中粘手綴脚無自由分就滔天苦海裏頭出頭沒無解脫期教中說爲真可憐惡勢他古佛世尊不忍坐視拖泥帶水多設方便爲你解粘去縛下而諸祖不惜眉毛示汝一機一境一挨一拶如擊石火如閃電光如疾談過風如奔流度刃如金剛圈如鐵酸鉗百種千般一一控你箇出身之路你若箇箇頭頭漢攪著便轉如師子兒向萬仞懸崖一拶便解翻身哮吼一聲百獸腦裂始有少分稍僧氣槩豈不見臨濟大師三度問黃檗佛法的大意三遭痛棒後被大愚點著不覺打破漆桶却道元來黃檗佛法無多子者箇便是一拶翻身底樣子從此海上橫行作陰涼樹子蓋覆天下兒孫後來白雲端和尙云一拳拳倒黃鸝樓一踢踢翻鸚鵡洲有意氣時添意氣不風

流處也風流者箇是通身痛快不忝爲臨濟兒孫衣
鉢子吾受業師孫豈藏主動志參禪果能奮發勇往
莫道白雲臨濟當知達磨大師釋迦老子盡在你脚
尖頭切忌等閑蹉過

示大休永菴主

大休大歇乃佛祖力行親到之處謂之大寂滅海謂
之實際理地謂之絕學無爲閑道人皆大休之異名
也如是大休在手悟證却非說了便休古者謂不學
佛法惟務休心休得一分心學得一分佛法休心至
于究竟即是學佛法至于究竟然則佛法別無可學
惟以休心爲學也原夫諸佛衆生同具大心之體偏
周沙界無動無遷如太虛空具含萬象曰祖曰佛雖
不由之而建立其孰能休之哉今夫所謂休者虛妄
攀緣輪迴生死之心耳曠古迄今馳求不息如燈螢
螢似水涓涓此心不休則悟證之理絕矣休心之法
須具頂門正眼照破塵勞業識然後盡情放下乃至
放下又放下和箇放下也放下縱使根塵同消勞慮
永息廓爾悟徹全體現前此猶是小休小歇之地直

待掀翻窠臼掃絕階梯迷悟兩忘與奪自在不守一
途方便轉身異類中行熾然作用而靡涉思惟不動
真機而圓應法界夫如是始有大休分華亭永上人
天目斷崖和尚之徒也既以大休爲號直須名也大
休實也大休說也大休行也大休念念休步步休得
休便休一休永休永休須是永大休不至大休暫不
休

示壽上人

一大藏教掛網張風千七百則掉棒打月者箇說話
爲學者覷面全提最爲的當倘非性燥褻僧打破羂
生羂蓋向無依倚處著得隻眼者到者裏承當不得
未免返被葛藤教網纏繞脚跟觸途成滯或將心意
纖領取一知半解粘皮綴骨障自悟門謂之難毒入
心如遭魔魅所覷又如認賊爲子既爲魔賊之所覷
持乃向六根門頭弄光弄影口裏邪言崇語惱亂好
人他日三寸氣消非持似落湯螃蟹要且闍家老漢
打算飯錢毫釐不肯放過在且如宗門垂手機用不
同其最痛快最直截者無如臨濟德山臨濟見僧入

門便喝德山見僧入門便棒政是盡底掀翻和盤托出向他未喝未棒已前直下頭路早是劒去久矣何況當面蹉過却來背地擲量將一棒一喝喚作門庭施設又喚作隨機應用又喚作一期方便塞斷學者喉吻似此要見臨濟德山非但三生六十劫却且使二老聞之飽胸有分矣大抵學者當以生死未了爲要緊大事其餘惡知惡解如經蠱毒之鄉水也莫沾他一滴只就所參話上徹頭徹尾打成一片雖在廣衆中龍蛇混處魔佛交參戰咲怒罵逆順縱橫著著有箇轉身處驚忽黑漆桶子連底脫去等閑開口動舌盡天蓋地總是自己胸襟流出却將一大藏教千七百則點檢佛祖敗闕方是衲僧奇特處豈肯墮他途轍效今時衲僧者哉廣德東山書上人鏡山和尚之孫也倘依吾說而力行之則異時大振乃祖家聲爲不難矣

示權藏主

古德云參禪須是起疑情大疑大悟小疑小悟不疑不悟然此疑情初無指授亦無方便安排做作等事

只爲自己生死未明廣劫至今展轉流浪生既不知來處死又不知去處此豈不是真切起疑情處乎從上佛祖雖不參公案話頭惟切切於生死事上疑著疑之不已自然情念消心路絕知解泯能所忘不覺不知忽然明得便是打破疑團透脫生死底時節也近代宗師爲見學者不守正念不具正信反於生死之疑不真不切由是教參話頭責令放捨一切見聞覺知乃至世出世間諸緣雜務單單起大疑情參去離話頭外別無生死雖生死外別無話頭話頭既透生死亦明然則從上佛祖因疑生死悟道近代學人因疑話頭悟道所疑雖似不同而所悟之道無不同也今之參禪不靈驗者病在不起疑情處疑情不起病在生死不切處因此不疑不切遂與話頭日疎日遠矣且如兜率道撥草瞻風只圖見性即今上人性在甚處無見得性要脫生死眼光落地作麼生脫脫得生死要知落處四大分離向甚處去如上三關還曾一一透得也無若也未透未免虛生浪死果能於此透得無一絲毫滯礙乃至參底疑底透底和箇話

頭打歸自己更無一法當情亦無一法爲了爲不了
方許親到不疑之地

示定上人

納僧自己衣單下一著十包括天地而貫古今雖曰
昭昭在前無一絲毫漏過爭奈湊泊他不得們摸他
不著所以三世諸佛費盡口業橫說豎說不定整
代諸祖用盡工夫逆行順行行不定佛祖既定不得
未免誤賺學者心路轉多話頭轉離千差萬別由此
而生永無定當之日矣考天佛祖之意豈肯特地轉
人盡爲者一著子不受人差排不受人指註你要緣
麼他却不要麼你不不要麼他却不要麼雖有百千神通
要定定不得故其所說所行不過一期方便萬不得已
已而然耳然則諸佛言教諸祖機緣施布世間總是
鬼神茶飯在學者自己分上有何交涉哉金鑒定上
人負大丈夫志誓欲定當者一著子其志誠可嘉也
且佛祖說底行底猶自用不著何況近時藥林近時
宗師近時榜樣與夫山野之語其可取而用哉你若
果有丈夫志氣要定也不難但將定音至今閑雜骨

董盡情掃向一壁捏定拳頭咬定牙關立定脚頭畢
畢靠定自己向頂門上突出金剛正眼把他定不得
底通上放下密密觀捕忽然被你覷破當知佛祖說
底行底總是自家活計由我橫拈倒用說定也得說
不定也得我爲法王於法自在豈不是真大丈夫龍
了大丈夫事而出頭拔萃者哉你若雖却自己別靠
一著以求解會漸漸不敢相許

示記譚人

祖師道多須具多悟須實悟闍羅大王不怕多語又
云喜聲緊念三途業因警濁衛生萬劫羈鎖此已是
痛心苦口血面滴地爲你說警策了也又何待別有
所求哉蓋參禪要了生死要脫三界輪迴要透諸祖
玄關然後逆行順化接物利生此豈等閑細事所以
須具參而實悟也你若參而不真悟而不實未免大
開兩眼坐在鬼窟裏引起一種邪見邪解說黃道黑
非唯謗正法輪亦且於生死輪迴根本上愈深愈重
愈無解脫之時矣若是實悟底人如魚飲水如啞子
得夢呈似人不得說向人不得如斬一握絲一斬一

切斷又如十字街頭撞著親爺相似一見便見一識便識豈待開口問人然後定其是否哉今之學者但患其不真參毋患其不實悟設或久參而不獲悟者但使其真參之心愈真愈實愈久愈不退轉自然有箇消息來也善記禪者以見解差別來求警策我有四句你且牢牢記取參教透了悟教圓佛祖拈他向一邊莫學渠農味因果妄談般若罪彌天

示心源聚維那

識心達本源放號爲沙門吾佛垂訓垂誠簡要切當雖一大藏教泛引曲喻瀾翻潮湧浩無邊涯究其指歸未有外乎此者也既爲佛之徒心苟不識源苟不達能不愧於沙門之號乎性爲心之源心爲法之源歷觀諸器世間高下洪纖之萬物苦樂逆順之萬事善惡無記之萬念無一法不自心源變現譬若爲江爲河爲湖爲海皆謂之水而世豈有無源之水哉心源本空萬法妄變故學者因念慮事物積妄成迷內外交奔流蕩忘返求其知有心源者鮮矣夫欲識達心源別無奇術惟於念慮洵湧之際用錢流機富頭

坐斷向事物蔽交之時具透關眼徹底照破後嗣見心源如口唇邊摸得鼻孔自然穩當不礙別人矣政當恁麼時前無釋迦後無彌勒上無攀仰下絕已躬喚作心源早是箇虛空更言識達何異重加五影明眼人前不直三昧尚有三言三昧

示信維那

僧問歸宗如何是佛歸宗云向你道你還信否僧云和尚重言焉敢不信歸宗云即你便是僧云如何保任歸宗云一霧在目空花亂墜者僧可謂具大信力纔聞舉著便乃直下承當得大受用去也今時學者根器不齊於即你便是之談人人知得人人解得人人說得只是承當不得及乎教他提話頭話頭提不起教他做工工夫夫做不上病勢轉深藥頭轉不靈驗此無他正信之心不真不切故爾信爲根本一切佛法由此發生信爲門戶一切聖賢由此趣入謂信者何信有三種第一須信自己與諸佛諸祖本同一體一切現成若非語證一回只是箇迷妄凡夫生死岸頭決定不了第二須信佛祖留下一言半句灼然

有箇悟處。若非真參究。勇猛精進。決定無自悟之理。第三須信世間名利妄想。攀緣。政是障道之本。若非和座掀翻。掃蕩。滅跡。決定無參學之分。有能如是信得穩穩當當。如一座鐵山。相似一切妄想。緣。妄。境。穿鑿不入。搖撼不動。管取日用自然得力。而發明大事。有日矣。

示孫養拙居士

養拙居士。置身於諸緣膠擾之間。用心於八面應酬之祭。其正念不爲物轉。日究楞嚴圓覺二經。而以下義爲問。了義者。非偏小權宜之教。乃爲圓頓上機。稱性而說。推窮妄想。開示真心。極盡根源。發揚妙奧。一法無餘之謂也。楞嚴云。一切衆生。從無始來。生死相續。皆由不知常住真心。性淨明體。用諸妄想。此想不眞。故有輪轉。蓋妄想乃輪轉生死之根本。亦名攀緣心。亦名顛倒想。如是妄想。只在諸人六根門頭。情境交接之處。且如眼之見色。隨色起想。耳之聞聲。隨聲起想。皆由迷却常住真心。隨境而轉。境順則愛。境逆則憎。由愛起貪。由憎起瞋。由此妄貪妄瞋。熏成妄業。

由此妄業。招感妄報。遂於三界之內。七趣之中。妄妄相因。妄生妄死。上從無始劫。來下入盡未來際。妄受輪轉。無有了期。故吾佛七處徵心者。徵此妄想之心也。八還辨見者。辨此妄想之見也。已而多方引喻種種發明。自五陰六入十二處十八界。至于七大廣破。因緣自然生滅等法。無非銷其妄想。示其真心。必欲衆生返妄歸眞。頓悟佛性。而後已然。眞妄同源。初無二體。特因迷到。而有分別。迷則依眞起妄。如結水以成冰。悟則返妄歸眞。猶消冰而爲水也。圓覺云。一切衆生。種種幻化。皆生如來圓覺妙心。猶如空花。從空而有。幻花雖滅。空性不壞。衆生幻心。還依幻滅。諸幻盡滅。覺心不動。其序亦云。迷之則生死始悟之則輪迴息。二經所談同一了義。同一指趣。其要在乎悟心耳。故凡學道之士。須求正悟。倘得正悟。即妄皆眞。獨處融通。隨機解脫。盡虛空徧法界。山川草木。日月雲霧。萬法縱然。法法皆楞嚴之妙體也。聲色麁中。是非海裏。愛憎任性。取捨隨緣。萬念交馳。念念皆圓覺之妙心也。回觀二經微言奧義。以及一大藏教諸祖禪。

詮所有礙膺之事可一咲而釋之矣況爾養拙二字亦一返妄歸真之方也誠能去巧用拙存養功深則正悟之期可坐而待也山僧不惜舌長重說一偈以爲懸記圓覺楞嚴示密因道人養拙契天真礙無礙境俱超越不歷僧祇獲法身

示性空達禪人

妙圓覺性本自空寂平等清淨廓若太虛非體狀可以指陳非方所可以趣向非門路可以進入非五彩可以描摹寥寥乎無一物之可取焉蕩乎無一法之可施超越古今離諸生滅莫可得而形容思議之也由業之所感緣之所會從畢竟無成畢竟有一物既立萬法隨生自是萬境發現萬象橫陳大地山河微塵刹土靡不有焉其所有者非覺性之本有乃情識與緣業交遘而妄有也妄有者如夢幻影響如陽燄空花充塞世間亂生亂滅以目前觀之不可謂無究其始終則非實有也蓋情識從覺性轉變而生情識如形緣業如影情識一生緣業即現未有形而不現影者未有影而不隨形者吾之覺性雖能變現情識

而不與情識俱變故曰覺性如虛空平等不動轉亦如大圓鏡體本淨本空而妍醜諸像隨至而彰雖諸像有妍醜有去來而鏡體未嘗隨其妍醜去來夫是之謂性空也故十方如來體此性空成無上覺一切菩薩依此性空圓脩聖道無邊衆生迷此性空沉墜生死於生死中種種憎愛種種執著從情識而起緣業從緣業而動情識互相膠擾返覆纏綿積生積劫三界往還而不知有性空之解脫也於是諸佛菩薩世起而救之形於語言現於行事推明緣業於塵勞煩惱之中開示情識於見聞覺知之頃令其即妄明真共達性空之理耳能達是理者當機活脫正念炳然於法於塵無染無著不離覺知聞見轉而爲清淨智觀不舍煩惱塵勞發而爲神妙功用審如是則吾性空之道將與諸佛菩薩觀體無別矣豈止於能達而已哉

示西資會道友

淨土惟心心外無土此惟心之土其東無東其西無西四維上下含攝無餘所謂十方微塵佛刹者吾淨

土中之刹也。三世恒沙諸佛者。吾淨土中之佛也。極樂世界彌陀世尊亦吾淨土中之一刹一佛而已。諸法不有之謂淨。諸法不無之謂土。卽眞卽俗。非一非多。用常繁。與體自清淨。染而非染。脩而非脩。本無心念之可繫往而非往。生而非生。亦何方所之可指哉。由衆生不達惟心局乎現量。機根不等。證悟懸殊。故於一淨土中。標列四種。曰常寂光曰實報曰方便曰同居。同居又二。曰穢曰淨。常寂爲總。餘土爲別。常寂則一餘土則多。彼彌陀極樂則又同居淨土之一耳。而釋迦世尊獨指彼佛爲繫念之主。偏指彼土爲往生之方者。以彌陀願重。偏接娑婆衆生。亦令衆生繫心一處。想念易成。近則可感同居淨報。遠則可爲上三土之因也。由是一代時教中。丁寧指示。勤任者不知凡幾矣。如引六方諸佛。廣長舌贊。則證其往生之信也。如寶積經中。印許淨飯王及七萬釋種同生極樂。則示其往生之驗也。又如華嚴末會。普賢勸進善財及海會大衆。以大願王道歸安養。至如觀佛三昧經。文殊自敘宿因。謂得念佛三昧。常生淨土。則又主

伴助。揚弘其往生之教也。此皆信解圓宗之衆。超登地位之人。尚願託生彼國。然則中根下器。容不信且慕乎東土。自匡廬遠公及天台智者。歷代聖師。得承是教。自行化他。曰僧曰俗。往生證驗者。傳記紛然。不可得而勝數矣。惟禪學之士。間有疑焉。故永明壽禪師。稟單傳直指之道。而亦兼以淨土化人。乃作四料揀。揭其略曰。有禪無淨土。十人九蹉路。無禪有淨土。萬脩萬人去。此豈自貶其禪耶。蓋隨機設化。或抑或揚。亦且更禪者知淨土之不必疑也。至若天衣懷真。歌了死心。新長蘆。蹟圓照。本諸大禪老。兼行淨土之化。不約而同。是皆善達惟心。不局乎禪者也。今晦室彭公。於天目西菴。月建西資會。會諸禪侶。舉百丈茶毗十念之規。並廣爲三時繫念佛事。斯蓋得於永明諸老之意者歟。徑山元叟和尚。中竺一溪諸公。各贈言以贊之余。不獲辭遂引惟心之說。以相證云。

示蜀仲翔居士

物有同類而不同。其分者本乎一定之天也。大鵬一舉九萬里。翔翺雲漢之表。視九州爲隘。而斥鷃之飛

不遇尋丈翱翔乎蓬蒿之間而已亦各極其力各盡其分耳在人亦然其富貴貧賤窮達得喪之分定于天毫髮不容其損益也味是分者或求榮而舍辱趨利而避害下則攀緣其上近則覬覦其遠至於勞心焦思有終其生而不得遂其志者非惟不遂其志亦且增其業本也以是知天定之分非天定也乃吾業力所致而定也業力感於前定分應於後業猶因也分猶果也由其業力之萬差故分之優劣豈得而同哉業感之分固不能同其妙圓真覺之道則未嘗不同也夫道也者包天地亘古今聖凡愚智靡不具有反而求之無所不達彼達道者盡其性以安其分處卑汙貧賤恬如也無能移其守視富貴聲利澹如也無所動其心既不爲物欲之所誘故不爲業力之所牽逍遙乎萬物之初翱翔乎三界之外氣類不足以拘之勢分不足以齊之翔雲漢而隘九州者又焉足以知此哉

示止照長老

由澄諸念靜慧發生諸如來心於中顯現是語也止

照之謂歟夫萬法同歸之性海體合聲消常澄常湛或受動於八境之風則情濤譏浪洶涌萬端非止無以澄其澄湛其湛也一性圓彰之法界見亡物泯常顯常明稍蒙昏於二障之塵則惑霧迷雲交參萬態非照無以顯其顯明其明也群動既息一波不生萬象昭然無雜無礙則照不離乎止中重昏既清一翳不起十方廓爾無動無搖則止不居乎照外止猶定也照猶慧也以止而照定爲慧之發以照而止慧爲定之依慧發不枯止足以資照之用定依不乏照足以成止之功止止而遺其照或墮爲沉空滯寂之非照照而遺其止或流爲察覺審觀之弊蓋止固止乎動亦乃動之根故遺照之止非墮空寂則散亂生焉照固照乎昏亦乃昏之本故遺止之照非流覺觀則沉迷現矣是故止照相須無容其偏廢也然則是止也非本具之止依動靜以彰其功是照也非自由之照假昏明以顯其用既未離乎功用豈得謂之真止真照者哉若夫止功不立照用俱忘然後即動即靜爲真照之止即昏即明爲真止之照真照之止混乎

動靜則百千諸佛入正定於情濤議浪之間而不害其爲體合聲消者也。眞止之照融乎昏明則八萬行門昭正智於惑霧迷雲之際而不礙其爲見亡物泯者也。至是則諸念不澄而澄靜慧不生而生諸如來心不現而現矣。雖欲以太虛之體千日之光喻之者又何翅霄壤也哉。曲江真相鑑長老以止照須余語樂論及此鑑其擇焉。

示曹妙淨居士問二教戒殺因緣

戒殺者勸人莫殺物命也。物在性命不可殺也。報償之理如影隨形。殺之必受其報也。裴公美曰：血氣之屬必有知。凡有知者必同體。張橫渠曰：民吾同胞。物吾與也。歷觀古君子之言，蓋謂物之與人同稟靈知之性也。物雖不若人之最靈，然其愛身惜命之情畏死貪生之念，則與人無少異也。靈知既同，情念又同，故謂之同體也。故謂之吾與也。吾與者，吾齊輩也。既爲同體之齊輩，其可殺而食之乎？奈何最靈之人不能禁口腹之欲，不能推同體之思，不顧其愛身之情，不憐其畏死之念，往往故殺而食之，殺彼之身以養

我身，害彼之命，以活我命，仁恕之心果安在哉？孔子曰：山梁雌雉，時哉！時哉！子路共之三嗅，而作朱晦菴引邢氏註曰：時哉，言雉之飲啄得其時，子路不達以爲時物而共食之。孔子不食三嗅，其氣而起。孔子之不食者，蓋有所不忍也。孟子曰：見其生，不忍見其死，聞其聲，不忍食其肉，肉尚不忍食，死尚不忍見其能忍於故殺之乎？孔孟聖賢也，聖賢仁恕之心於斯見矣。老子曰：馳騁田獵，令人心發狂；又曰：射飛逐走，發矜驚，恣縱暴殺，傷非理烹宰如是等罪，司命隨其輕重奪其紀筭，筭盡則死死有餘責，乃殃及子孫。凡孔老二教之聖賢立法化世，雖曰不同，而好生惡殺之言無不同也。至如吾佛世尊，則又以業報因果生死輪迴之事詳示而嚴戒之。佛之教曰：造業爲因，受報爲果，死死生生，隨業受報，互相酬償，如輪之回轉也。其言十善則以不殺生爲最先，其言十惡則以殺生爲最重。殺生之業，死墮地獄，地獄罪畢復墮餓鬼，餓鬼罪畢復墮畜生，於畜生中，方還宿報殺害者，還其殺害食瞰者，還其食瞰還報，既畢縱得人身，或短命

或多病乃至盲聾瘡癰疥癩癰疽種種不如意事是皆殺業之餘報也故經云假使百千劫所作業不亡因緣會遇時果報還自受此理昭然可鑒佛語豈欺人哉又曰若殺物命即如殺佛蓋諸佛菩薩誓度衆生以誓願力隨類化身故羽毛鱗甲之中皆有菩薩聖賢之身也何況一切生靈皆具佛性汝若殺之即是殺佛殺聖賢也又曰若害物命即如害父母眷屬何以言之汝從久遠劫來受無量無數生死每一受生皆有父母兄弟姊妹眷屬此無量無數之父母眷屬輪迴於生死之中未能解脫或作大身衆生或作小身衆生水陸飛行滿眼皆是改頭換面各不相識汝若害之即是害父母眷屬也縱不自殺而令人代殺是亦令人以害吾眷屬也哀哉痛哉既告以殺業輪迴之報又喻以聖賢眷屬之身可謂示之詳而戒之嚴矣達是理者佛言可不信乎信是言者物命其可殺乎凡今之人或於血肉之食未能頓斷者且食三淨之肉漸制其情漸減其業也三淨者吾佛所謂不見殺不聞殺不疑爲我殺如是三種名爲淨肉權

許食之此乃爲迷情太重貪欲太深者曲垂方便之言耳其餘或在家或出家稱爲聖賢之弟子者當推仁恕之心當起慈悲之念血肉之食理宜頓絕殺害之業理宜頓斷然後可以頓空罪報頓脫輪迴而頓造佛祖聖賢之域也古德云凡欲殺生者當作自身觀自身不可殺物命無兩般戒之哉戒之哉物命決不可殺也

示慈護侍者

師子無法教兒直向懸崖一拶要從拶處翻身死活不容眼眨此數語可喻吾宗參學之法也從上尊宿以峻機密用垂手接人往往絕其門路去其窠臼不容湊泊不許躋攀又如推落千丈井中不假寸繩令他自出何嘗有一法與人學者能如是自參自究自死自活方許他做得半箇參方問道底真正種草舍此之外或以和會機緣引人落草或以穿鑿知解瞞人眼睛甚至半青半黃打入魔家眷屬古人道醍醐上味爲世所珍遇斯等人釀成毒藥此宗門之大患學者當深防而嚴戒者也余受業寺師孫慈護侍者

來師子林隨群逐隊將一年忽浩然有歸志出是關求策勵之語因引前喻復示之偈曰老古雖沒頭腦一味隨人顛倒也不會打草驚蛇也不會按牛喫草師子林中師子兒大者大兮小者小趨之不去招不來增亦非多減非少我無一法教渠教是外邊之繞待渠萬仞懸崖自解飄身便了地黑天昏吼一聲珊瑚枝上日杲杲

示同參

道有同學禪有同參同參底是禪同學底是道且道先師意是多是別文字失於學問參究缺於悟明且道先師此語是褒是貶世尊三昧迦葉不知迦葉三昧阿難不知且道則上座鼻孔是橫是直生不知來處死不知去處且道生死是何物受生死底是何人宗師家沒奈何說箇生死早是無事生事又說參禪學道分明剗肉醫瘡指望你靈機自發自討箇轉身路你既自無機變未免累他傷鋒犯手有時打破乞兒飯碗有時見你瞌睡送箇枕頭有時用錐錐你有時用鈎鈎你有時以楔出楔有時以毒攻毒有時將

烏豆換你眼睛有時用砒礪活你性命盡是應變神機何曾有定法要在學者自識病根自知變證自生轉智自得妙用善於用者老鼠屎勝過龍肝不善用者師子乳不如驢尿所以道燒却醫書方做得盧醫扁鵲因甚學者不參言外活意往往說生死著生死說禪道著禪道說參學著參學說佛祖著佛祖恰似箇藕膠團子東粘西惹轉不乾淨宗師到此弓折箭盡却說達磨是老臊胡釋迦老子是乾屎橛十二分教是拭瘡疣紙別無禪道可學有可學者盡落邪魔外道不如無事好學者聞之又向無事處墮坑落壑左也不得右也不得只道前長短焉知地不平老漢一生參學遭却多少誤賺曾經巴峽猿啼苦聽著驢鳴也斷腸今日沒興撞著你又來說生說死說迷說悟且如演若達多迷頭狂走迷時頭本不失悟時頭非外得一悟一迷與頭有甚交涉當知此事如太虛空絲毫增減他不得生死迷悟與他有甚相干縱饒你實證實悟倘絲毫證悟之見未忘政是地獄種子先師意未夢見在若遇咬猪狗底手脚痛棒打折你

驢腰不爲過分你如今要會先師意有甚麼難但將
生死迷悟等三澹兩桶酸臭惡水盡底傾灑不留涓
滴然後痛加漚采直下點檢看一動一靜一語一默
一條性命畢竟在甚麼人手裏忤忤者裏却不是戲
處點檢不出痛疼打折你驢腰點檢得出痛疼打折
你驢腰雖此二句別有消息痛疼打折你驢腰爲甚
如此爲你未會先師意在且道先師意畢竟作麼生
咄

師子林天和尚語錄卷之三

師子林天和尚語錄卷之四

小師 善遇 編

偈頌

閑人好歌

有客爲愛閑人好冷眼看人忙未了自言構得閑家
珍受用一生閑不少羈馭影子能幾何去日已遠來
無多利門名路苦不徹誰識我有閑婆婆閑來佛也

無心做禪板蒲團何用過沙鍋水暖沸松澗燭黃白
雲松粉和諸方浩浩誇談玄我已洗耳寒山泉只貪
夢裏好說夢睡著不怕三千年別有一閑不知此不
遭十二時辰使伸拳放出虛空華獨碎涅槃與生死
便能翻地求青天遙撈佛祖成風顛驢胎馬腹撞頭
入劍樹鐵網橫身眠唉他枯坐忘昏曉外似閑閑中
擾擾都緣不奈枯牛何驚鼻牽來還入草寧知絕處
有生機靜却喧喧閑悄悄有時圓鏡裏藏形帝釋散
花無處討有時鬧市裏挨肩鏡壁銀山但靠倒箇是
吾儂格外閑雖此別求吾未保廬陵亦有閑道人通
身自被閑圍繞等閑一語忽相投爲伊歌作閑人好
絕照講主秉教參禪

經有經師論有論師大唐國裏無禪師古人一擲一
掌血是痛是癢誰曾知當時德山好箇漢明眼人前
三尺暗紙燈滅處喪精魂經論把作冤讐看豈不見
曹溪賺殺老永嘉破家散宅尋生涯葛藤露布擺不
脫入海依前去算沙禪與經論果何物有師無師誰
辨的草鞋跟底金剛圈佛來祖來跳不出絕照座主

生緣古剎無佛無祖海上橫行有時問禪却答教徹
骨窮來思古嘗有時問教却答禪三箇胡孫夜簸錢
有時又向諸人道教禪總是閑之繞待我吹起殘紙
燈照看龍潭德山面皮厚多少

送翠巖藏主

一大藏教是切脚那字何曾切得著向他問處一默
酬總是賴頑憊憊休既非一默又非語只貴點頭自
相許點頭自許也不然擔板禪和見一邊這邊那邊
不恰好若未到家俱不了翠巖禪者不受人瞞離却
這箇別著眼看見成句子非心境門近洪崖千尺井
非境非心作麼參石橋分水繞松杉便恁麼去或粘
縛不恁麼去難湊泊何如警轉一機放教磊磊落落
是甚麼西山走入滕王閣

贈天台宗無礙辨師

盡十方是箇自己獨露堂堂無可比恒河沙劫只在
一彈指間三世如來只在一毛孔裏等閑眨得眼來
早是白雲萬里地自地天自天山自山水自水本具
者誰變造者誰你不似渠渠不似你曰心曰佛曰衆

生萬別千差從此始累及黃面瞿曇只管粘頭綴尾
說實說權指事指理引得龍猛老漢論假論空達磨
大師分皮分髓無端好肉剜成瘡白日青天眼花起
疑團楞老鉤鎖連環誤賺來學胡躋亂攀進一步銀
山鐵壁退一步鐵壁銀山不進不退平地牢關若是
箇定動納借豈肯似瞎驢趁隊如來禪與祖師祖信
手拈來百雜碎理也無礙事也無礙諦境也無礙觀
智也無礙乃至辭無礙義無礙千差萬別俱無礙無
礙之無亦復無是名絕待真無礙到與麼時更須點
檢王老師領下眉毛在不在若於絕待處承當行人
猶在千峯外

存心室歌

心不可存可存非心虛空背上釘木楔婆竭龍王痛
不禁心無定所操之則存蚊蚋吸乾東海水藕絲牽
動鍊崑崙格外之存不如是放之不行把不住一身
普現一切身一處普攝一切處少林直指熱碗鳴二
祖求安捏恠生牛頭觀底是何物打失自家雙眼睛
道人作室天目頂以境示心心示境心境雙存人不

知如井觀驢觀井火聚刀林正法幢魔宮鬼國菩
提場紛飛妄想入正定離情變作膺檀香存與不存
無不可業生心佛全包裹客來更擬定請訛拈起橘
皮喚作火耳裏著水裏裏著得沙莫問是不是莫
問差不差有佛無佛莫亂走也莫將身藏北斗萬仞
崖頭撒手時聽取一聲師子吼

送安上人歸廬陵跨牛菴

廬陵米作麼價鄉人張空四天下若喚作禪機鑽頭
無縫罅若不喚作禪機早是這龜或卦兩頭坐斷解
承當許你跨牛頭倒跨你是廬陵人我說廬陵話若
言老漢有鄉情三千里外遭人罵

題了堂禪師松風堂圖

松而不風聲不吐風而不松不成語謂渠有情渠不
知謂渠無情渠不許聲不孤起從緣生聞不自顯因
其聲聲聞究竟本同體物我孰辨情無情龍吟枯木
怒潮走萬鶴起舞仙珂鳴夜肅師行響金鎖壯士劒
吼神鬼驚或言入耳便心閑或言靜聽聲愈好靜喧
戰作兩頭機等是這處性頭倒了堂松風獨不同松

堂攝歸圖畫中畫堂盡松默無語來者撥草徒瞻風
風無形狀誰曾識聲相本空無起滅無起滅處眼能
聞閑却一雙新卷葉

靈溪歌

靈源浩渺無東西九洲之深比不齊乘機乘勢忽發
動流出一派爲靈溪靈溪西來十萬里決石排山誰
敢攔奔湍泛濫過曹溪十八灘頭俱漲起靈溪之湛
也如含古鏡之光照人面目難覆藏靈溪之鳴也如
聚萬鼓之發喧轟海嶽聲浪浪德山之棒震風雨激
濁揚清未輟許臨濟之喝驚雷霆逐浪隨波成錯舉
偃溪入處非真聞虎溪舌相尤妄傳古渡打濕洞山
脚淺灘驟却華亭船大地羣靈遍生漚滅三世諸佛
頭出頭沒急流勇退無先機淹浸何止千七百或謂
溪無靈溪之惡毒難具陳或謂溪有靈溪之妙用如
有神溪靈不靈吾不可以智知而識識君其問取松
江江上靈溪源上人

題金上人血書華嚴

遮那身住虛空土垃圾堆頭寶光聚普賢行海知識

門萬派百川同一源七起九會因行掉臂四分五局
看樓打樓理說割說雖然說真佛現前難辨所海水
爲墨須彌華從古至今書不得彼上人者則展神通
了知行而不礙則融攝遮那身土於十指頭上含普
賢境界於一毛孔中針鋒一劑文彩露血滴滿地談
圓宗紫雲行空現纓閣雨染雜花春樹紅五十三人
口掛壁風前疑殺善財童

懶牛歌

懶牛一生願入肯自是天然懶標格堂堂露地三十
年頭角輝燦人未識既不入桃林羣隊又豈受馮山
鞭策犯人苗隊久無心鼻孔撐天穿不待春山蒼蒼
水茫茫烟莎露草春蹄香渴飲飢食隨分納卷桐聲
外眠斜陽抖擻渾身空索索珍寶大車難繫縛三界
無家何用歸不王識路誤成錯五千四百八軸閑繩
頭惹著絲毫不自由一千七百箇未了漢牽犁拽把
何時休人言懶是偷安計我懶豈容人妄疑有時力
挽不回有時爽來自起獨碎微塵利土欄欄無門踏
驢祖父田園虛空底底政恁麼時不妨寄語老東山

送道林訓書記

南廬頭沒伎倆疑香洞山三頭奉印來註解趙州婆
道有道無爭個強殊不知萬法根源只在一毫端上
一毫端上見根源猶是衆盲問摸象所以馬大師一
扭扭折百丈鼻梁一踏踏倒水潦和尚又道自從翻
亂後三十年不少鹽醬全數是散全散是散當時若
會這一機莫道老慈明佛地難近傍山僧與麼指點
黃龍敢問道林書記是贊是勸若也離素不行拂耳
聽脚生緣更下一分供養更思曹山之響震雷而
可庭歌
可師立處一庭雪金剛脚履凍裂現心不得便
安致保老兄猶未徹是到相洞可起疑案認得光林
已盡未明光境俱亡話至底通天香香裏刺有可
非此類以可爲疑無向背萬象交參齊點頭誰道我
宗無肯意有時捏聚輪圓山浮幢王利手可攀佛佛
祖祖落階級豈在道遺著無開有時放開空索索計
方洞然無壁落堂上一呼入空關舞弄多神龜應

黃葉飄飄砧杵中。路廊浩浩。鳴松風。生臺得飯鳥聲。
樂。一一代我談心。宗令人未信。吾言直門戶。萬差難。
可測。虛空落地。已多時。枯樹子不肯。成佛却請盤龍。
詎可。延爲他。露箇真消息。

中洲歌

我聞毗盧華嚴海。海面湧出蓮華王。華中持地若洲。
渾其地堅厚。皆主剛洲中。復現海無數。海復現華。若
雲布。一一華持地。若洲各有刹。種依洲住。種中現刹。
數復多。刹刹相依。如蜜窠。一刹一佛。一衆會。各現相。
好光交羅。又聞有說。不如此。於諸法相俱。無取大海。
吞在一毛頭。諸佛安身無處所。若執有相。非作家天。
地之隔。毫厘差。海洲海本非實。一切世界猶空華。
又聞非空亦非有。拈得鼻孔失却口。盡在當人一念。
間。二由一。有一莫守。楚土有海。禪家流因海得號。爲
中洲。我持如上三種義。試問中洲會也。不中洲曰。恁
麼也不得不恁麼。也不得恁麼。不恁麼。總不得仰天。
一唉。忽忘言。雲盡湘潭暮山出。

金陵行

有一句。最捏住山。國故國。周遭在。有一句。最透達潮。
打空城。寂寞回山。是山水。是水平地。無端骨堆起水。
非水山。非山五花。描子身。無斑。請僧格外。有一著道。
是道非都刻却。也解。學空塞空。也解。將錯就錯。漢來。
現漢。胡來。現胡。釋迦彌勒。猶是他奴。鉢袋。傾出四大。
海草鞋。踢倒須彌盧。非心非境。非三昧。絕。照。講。師。知。
此意。棲。彌。教。窟。與。禪。窠。却。道。古。人。都。未。會。第一要問。
牛頭。融。第二要問。鷹。巢。翳。杖。頭。關。起。金剛。鑽。奮。迅。勢。
若龍翔。空我似大虫。看水磨。又如牛。向窓欄。過。雖然。
脚債。還未清。學得蘇州。呆打坐。這箇。這箇。及那箇。與。
麼。與。麼。不與。麼。待。君。勸。辨。歸。來。一一爲吾說破。

吳門清上人遊天台

石橋那畔有一路。只在轉身下床處。虛空踏得脚跟。
牢。橋流水流誰暇。顧華頂峯前。有一關。只在推門落。
白。閨門裏。門外總莫問。但見滿目皆青山。衲僧能舍。
亦能取。大地撮來。無寸土。有時百億闍浮提。放開只。
在秋毫許。此話雖靈信者難。今人不。受古人瞞。山高。
水深。路長短。親到一回心。始安瀑龍吼。空山欲動萬。

雷急鼓鼙相送浪花飛上蒸餅峯六月陰崖雪霜凍
雲鎖通玄路不通國師去後無遺蹤頭陀坐石盡難
就明月在泉烟在松半千尊者何由見陽燄空花是
宮殿點茶莫認茶中花花前認取娘生面與闍政在
下山時山水絲毫不可移離間難見得消息誰去誰
來應自知有問石橋亡恙不那時切忌輕開口又問
華頂今如何掉臂便行莫回首若問靈巖與虎丘不
妨向道蘇州有

送淨慈別流涇藏主歸湖南爲乃師鎮牛和

尚建塔銘

我也不會說禪釘椿搖撼三十年禪也不會我說赤
眼烏龜喚作鰲依稀南海老波斯牙齒生來半邊缺
拍盲爛嚼虛空渣吐作炎天三尺雪洞山麻三斤雲
門乾屎橛拈來一處看不覺腦門裂何似別流機更
別鎮牛之子金駢脅蹉跎踏驪西子湖拔出生尼藏
中楔三世諸佛被渠橫吞口縫纔開雷奔電掣此行
歸去靈雲山要向懸崖峭壁上踏出先師金剛眼瞞
却把觸骸都屏疊臨行求我下轉語我無語千里萬

里一條鎖

無文奎藏主

喫粥了洗鉢孟去趙州死句是活句向他開口處承
當者曾道悟何曾悟箇事本非悟得又非直下現成
如密有祇綿有刺動著絲毫即禍生一大藏教臭肉
爛鮮千七百則烏焉成馬仰山解用藤條總是之手
也者我一手擲一手擡放之不去收不來且無一法
繫綴汝待汝他時眼自開眼開提起無文印萬象森
羅都印定印破空王鎖面皮三世如來從乞命歸去
橫推六字峰納在螻蛄眼睫中拈一莖草打噴嚏萬
壑凜凜生清風有問吾儂著落向道無你摸索龍王
吞却夜明珠海底泥牛鬪折角

無等功藏主

開口咬著舌洗面摸著鼻明明百草頭明明祖師意
當年黃檗有眼睛六十痛棒打臨濟打得臨濟掣風
顛逢人吐出粥飯氣大愚喚作老婆心喪盡衲僧窮
活計擊著南邊勸北邊張公喫酒李公醉若是英靈
大丈夫豈肯問人求解會陽燄空花撮聚來一捏虛

空如粉碎却向自己胸中流出蓋天蓋地有時越格
示一機說得蔡林成鼎沸疾黎觀作百花綵橫枯倒
用如遊戲是名無等等功勳亦名無等等三昧直饒
還磨再來賣弄百千鬼伎只消搖手向他道老兄老
兄那裏泊

希雲悅藏主

雲峰之悅眼見鬼精魂落在桶裏指點他人藥汞
銀破補自家提不起希雲雖與悅同名娘生鼻直雙
眼橫頂天立地作活計一步不肯隨他行曾向獅巖
遭一拶機前學得翻身法倒握主文江東西拍盲撞
倒張三八石耳峰連馬耳峰三喚如雷聽若聾海藏
摩尼都漫撒龍翔獨撥僧中龍此行會我吳門路狹
路相逢沒回互掛起風霜鏡面皮爲他勸辨同參句
塞却現成途轍樓空舊日生涯也解虎空揣出骨見
佛見祖如冤家斬新號令超今古別有一機須薦取
揭翻狗紙熱油鐺打作蔡林塗毒鼓

寂上人遊五臺

寂而常照而常寂百億毛頭師子師子毛頭百億

我真文殊無是文殊舉著當機不薦目前遠隔程途
只如僧問臺山路婆子向道薰直去趙州勘破沒來
由古今疑殺人無數上人此去免不留下勸文殊并
趙州肩橫柳棟健如虎破納價重千金裘清涼石上
雲似水六月寒風水骨髓隨身光裏見文殊隨人拜
倒隨人起前三三與後三三見了文殊政好參若遇
善財莫相喚牛頭自北馬頭南

用邵菴處學士韻送楚石首座

道人途路即家舍也曾三處度殘夏邵菴居士識此
機唉他坐破蒲團者大千捏聚一毛端萬斛驪珠恣
揮洒鐵蛇橫路斷人行破山怒雷吼春夜曾是毗耶
詐病來現陰非取前非舍世人言下探淺深兔子渡
河疑象馬自稱瞎漢眼生花佛亦被他瞞了也渠儂
用處楚石知此去重登梵寒厦眉間拈出金剛王截
斷舊時長腳話

贈洞山藏主

東山道箇鉢囉囉渾侖吞却一大藏雲門颺下一片
柴生鎖鍊難近傍誰知弄到如今釀成不了公案

俊快稍僧當斷即斷會得最初一機便是末後一段
沒諸訛處却諸訛殺活臨機無傍鑿豈不見慈明激
發南廬頭只消洞山三顧棒

次蓬字韻

道林書記與立卓峰二三禪友用蓬字韻一再唱和
既已成卷復於余言有所須隨喜兩蓬聊當行驢
船子不具眼度水尋魚蹤所盡釣竿竹踏飄波面蓬
近年有錦鯉不落盡壘中華開龍門浪點額成點胸
回頭唉我懶坐殺殘興融問我舊行路漿水錢誰供
我聚百千海毛吞廓有容勞汝探深淺從西復過東
古人用棒喝掛角羊無蹤如經惡毒海觸棒隨驚蓬
觀面一蹉過躲跟窠臼中漆桶既不快換手徒罷胸
道林脫教網氣壓生肇融徵我棒喝話尿腸無可供
老大會魔說人情無少容北斗面南看瞿耶尼在東
用月江和尚韻送一如藏主
昨夜西風撼門扇鄒峰關樞深難見後二十載公月
翁爲渠和白重推轉一如振錫嘗造門栗棘使解渾
命吞持猛虎鬚打踣跳就地踏飄風水輪去年喝石

巖前路拈出東山切脚句萬丈龍淵徹底乾構取
珠下山去鉢袋中藏盡毒孟氣吞佛祖誠非虛重來
江上見松月下視龍象皆黔驢老駝之屈爲其子落
草之談不成語問蜀同風話寂靈此去逢人莫輕舉

送法眷顧菴歸禾山白雲峰

坐臥非禪禪非坐臥口縫未開早成話墮六字峰頭
有一機祖父不曾輕說破累吾與汝向外馳求有佛
無佛都走過二十年間兩相見查查牙牙俱老大汝
既知水漲船高我亦道飯是米做諸方浩浩今何爲
轉大法輪水推磨水銀不敵阿魏真巴歌將作陽春
和若之何兮爭奈何政與麼時堪作麼白雲峰下汝
當掃跡歸來師子林中吾亦橫身打坐莫隨祖父脚
跟賣弄陳年滯貨豈不見道吾舞笏禾山打鼓盡是
勾賊破家燒香惹禍三世諸佛一口吞千人萬人箇
半箇

歸善室歌

太湖山上君祥錢作歸善室栖吾禪入門一見眼卓
朝坐久稍覺身安便人言善惡本無性取捨悉由情

變遷捨惡取善曰歸善惡去惡存德是偏善歸德善
善亦捨歸至無歸性始圓亦如設藥以治病病止藥
除神自全山僧用處不如此善惡取捨無擇焉見佛
不欣魔不厭出生入死皆隨緣主人共我室中坐我
坐既倦還復眠興來曳杖出門去摩挲老眼湖山顛
湖山倒壓天在水天水月光相連仰觀俯察天地
闊萬象歷歷森吾前初遊湖山共一室又疑一室容
大千大千廓爾偏法界偏界甚昏俱了然佛法無所
用其設祖燈無所施其傳兩岸中流人不見山前閑
却過湖船

送玉禪首座禮祖

達磨未來那一著獨露乾坤空索索無端覓心又覓
罪重重鑽破靈龜殼君不見破頭山下栽松鑿鑿入
禍胎湯醜惡至今濁港水橫流兩岸行人難湊泊又
不見黃梅夜半神鬼喧墜腰石在無人傳後來喚作
鍊酸餒滿世有口誰能吞何況牛頭之融鶴林之素
橫出一枝閑露布亂拋無孔生鍊鎚擊碎虛空重鎚
鎚承虎接響熾然異同正法既掃土滿眼皆魔宗君

亦浩氣如秋虹早曾撈到雙蛾峰此行爲我拔魔壘
手握主文猶憐龍海門一關攔不住雷電鼓舞號天
風石頭城外打踣跳怒浪捲起長江空不然劃斷淮
山路轉身直上匡廬去坐看銀河落九天南山起雲
北山雨

托鉢歌

衲僧家無活計又無祖父閑田地靠箇隨身黑鉢孟
飢來喫飯困來睡古佛棄却金輪王領徒乞食遊城
隍兜羅綿手捧鉢出千二百衆生威光鉢孟喚作多
寶藏逐日生涯無限量現成受用學無爲佛與兒孫
爲榜樣鉢孟喚作長熟莊古佛化飯吾化糧化糧隨
意作粥飯雨濕風寒都不妨鉢孟只是一張口其量
不過容一斗有時吞却太虛空千倉萬倉無路走夜
半曾將付老盧黃梅一衆驚相呼曹溪降得惡龍住
拍拍正令行江湖趙州喫粥洗鉢去禪者疑團頓開
悟德山托鉢下堂來會得巖頭末後句維摩取鉢來
上方飯顆如珠爭輝煌百萬大士同一飽毛孔七日
猶生香鉢孟靈妙說不盡佛祖似他延慧命持來折

我憐慢幢發汝施心生正信今年施了又明年年年
來結飯僧緣我圖成道故持鉢道成爲汝增福田此
事有因還有果施少施多無不可你若慳囊不肯開
是你無緣錯過我我不作化疏亦不持飯糲聊將佛
祖求道意寫作長篇托鉢歌有人指我歌中病唉我
未空文字性言多道遠佛難成鉢孟何用重安柄我
唉諸人病更多鉢孟無柄却諸訛若還摸得柄在手
成佛何消一剎那

勸世十首

有生有死大家知知不回頭也是癡傀儡一棚看不
厭可憐終有散場時
驢事未了馬事到鉤鎖連環沒斷頭只管今朝又明
日等閑蹉過一生休
蛭蝦負我長嫌少老鼠搬金不怕多只道臨終將得
去臨終却不奈他何
病來便作死承當箇是單傳秘密方你若目前無主
宰落湯螃蟹沒商量
得休休去休休放去收來總自由畢竟勞生非久

計休將妄想掛心頭
脩行如買世間物肯破慳囊事即圓只把口頭閑議
論恰如著價未還錢
不知那箇是我性反覆看渠渠是誰薦地相逢親識
破如魚飲水自家知
工夫一步緊一步鍊鑄牢關也拶開父母未生前面
目還他親見一回來
密意從來在汝邊通身都是祖師禪自家寤處忽抓
著海底蝦蟆飛上天
一念不生成正覺古人開口見心肝機先若解事當
得快便何消指一彈

吳門送牧幻藏主之江陵十首

會得雲門六不收行藏無處覓縱由姑蘇城外聞鐘
意却在江陵石馬頭
八角磨盤生鏽鏽秋毫才動泰山傾那吒費盡腕頭
力攔不住時須放行
蘇州有與常州有湘北湘南誰道無酒好不論深巷
裏醋酸何必大葫蘆

龍潭滅燭口唇焦南嶽磨磚臂骨勞牧幻道人閑不
做江陵水長看船高

牧真牧幻絕商量滿把摩尼解放光拈却盤山光境
話佳聲從此播諸方

丈六金身一莖草一莖草上現瓊樓陳年公案忍靈
驗頑石聞風也點頭

三世如來一口吞古人事出急家門却將教化衆生
事千載相傳累子孫

白蓮峰與白蓮橋幾度交參話寂寥一句現成會舉
似鍊牛背上刮龜毛

碧眼相看兩不疑尿腸抖擻見家私臨行縱有堪持
贈也是重添眼上眉

不是冤家不聚頭行人莫與路爲讐淡交雖似水無
力却也能勝萬斛舟

山居雜言十首

拈得尖頭小屋兒諸方公舉兩無疑有時地黑天昏
去也被雲來奪住持

佛法文章一字無柴床對客觴盧都胸中流出蓋天

地老倒岩頭牙齒疎

憶在蘇堤過六橋小番羅帽被風飄滿頭帶得湖山
雪幾度驕陽曬不消

齒搖面皺髮星星眼裏青黃不覺停有箇不隨他變
底鄉談依舊是廬陵

剗草分明錯用心殿前回首翠林林工夫用在皮膚
上根脚誰曾見淺深

髮生道我法財寬白紙相呈請破怪誰信山僧空好
看剃頭錢是別人還

語言學解弄狐疑莫費光陰強記持多少英靈被埋
沒白頭忘却出家時

野牛浪蕩本無家纔擬關欄事轉差徧界是國王水
草任他隨分納些些

賓中主即主中賓逆順縱橫莫認真狹路相逢解回
互關監政好惹閑人

鼻孔裏有三寸氣眉毛下有三寸光好箇西來祖師
意問人都是錯商量

能上人回廬山省師

舊日廬山舊眼看阿師有甚不平安放蠅莫打紙窓
破風雨落花春政寒

夢菴

三世如來眼未醒昏沉妄想立門庭客來不把拳頭
整寐語從他隔壁聽

玉圃

鑿開頑璞得荳子瓊樹瑤花種滿林却埃祇園布金
處近年荒草沒頭深

天目純上人歸萬峰菴

瓦鼎煎茶燕芋頭萬峰茅屋記同遊開門起出睡魔
去放入松蘿月一鉤

枯木岩前舊路頭松花滿地沒人收
蔡林佛法無多

子倒壘烏藤歸去休

福首座禮文殊

文殊相見福城東有語須防是脫空
會道南方有知識百城走殺善財童

靈頭陀住五臺

都道文殊在五臺幾人親到却空回
頭陀主丈有靈

變爲我一肩挑取來

古關

二千年外立宗風把定禪門第一重
千七百人拚命撐至今歸路不曾通

觀上人禮補陀

補陀巖畔去何求不見觀音誓不休
見了觀音當自疾元來胡餅是饅頭

隆上人回廬陵

青原老漢得人情慣用危機辨
粥僧米價至今無倒斷相逢莫說是廬陵

無言演上人閱華嚴

了心非法法非參勘破南方五十三烟水
百城知已少低頭各自打鄉談

保寧鎮舟首座歸新羅

保寧有箇金剛鑽首座傳來用處多
變作無毛生鎮鷄鎮舟載取過新羅

空菴

裏許洞然無一物能合法界也
虛傳趙州不具機前

眼被箇拳頭礙却船

贈劉鶴心

會讀能消多少書，取聰穎子却如愚。丈夫莫被聰明使，能使聰明是丈夫。

盡大地人都病瘥，從生至死不曾閑。一年一度發寒熱，汝瘥明年五十番。

向聞遇風影盡湖，大舟欲沒神鬼呼。驚魂脫死亂不定，一夜白却三牙鬚。

如海

比似滄溟納衆流，滄溟元不是同儔。世間何物能相似，惟有虚空似一漚。

古耕

威音王世舉荒丘，留與兒孫種復收。今代未知誰佃法，教人空手把鋤頭。

贈費子開并別

費子潤者松江上海縣人也。其父謙甫嘗被盜，里有念佛婆子累受謙甫周急之惠。一日持金珠來賣，乃甫被盜之物。甫莫厚隱而不問。家有寵妾謂婆曰：汝

賣賊賊事發不汝果乎？婆始悟且懼，遂自刎而死。未幾妾有娠，將誕之夕夢刎婆入臥內，妾叱之，婆曰：吾與謙甫有宿緣，當爲作子。過五年汝當償吾命。及覺而誕子潤，是也。生五年其母果卒。子潤今四十餘歲矣，生而頸有刎跡，不胎以手按之，則鮮血津津而出。至今猶然。余目擊之，其事怪甚，因述三偈以贈，令知報償之說不誣，而業力有不可思議者也。

婆子前身子潤知，報緣影響巧相隨。皮囊脫換名生死，能死能生箇是誰？

誰死誰生認不真，胞胎出入豈由人。寂憐業力難思議，刎跡相傳到後身。

出胞胎又入胞胎，百劫千生與麼來。誰解觸體前照破，塵塵眼在頂門開。

禪人以偈見呈索和凡三首

紙上傳來說得親，飄腔易調轉尖新。是人愛聽人言語，言語從來賺殺人。

長篇禪偈短篇詩，我又如何敢措詞。倒腹傾腸無點墨，看人文字眼如眉。

說甚全潮與一漚定盤星在秤無鈎陳年滯貨誰曾問羊店即今懸狗頭

送徑山闍首座歸住盤龍且勉其復出

夢升兜率在凌霄夢覺和光把手招井底蓬壺飛一點龍峰增起插天高

換一機來答問漚秤鎚落井也教浮盤龍三十六盤路須信盤盤有轉頭

贈海上人

掛角羚羊跡已懸追風良馬不容鞭脚頭脚尾忽蹉過又隔途程萬八千直下承當也不難通身憂快始心閑衲僧行履如遊戲平地何曾有嶮關

示天目同參五首

天目元無道可傳神頭鬼面認難全先師不具參方眼見得師翁鼻半邊

曲陸彎闌不是禪單傳直指也徒然古人一度被蛇咬三二十年疑井圈

波斯臘月嚼寒冰灼艾眉間救齒疼今日思量當日

錯病源不在灸瘡痕

爛葛藤窠滿道途諸方邪法愈難扶熱油鎗子掀翻看火性如今尙有無

燈籠一咲口喃喃露柱橫吞師子巖接得當時第三句老僧許你是同參

水西原十首并引

至正丙戌余年六十又一縉白諸禪友念余不知老之將至乃裏錢買山六七畝於虎丘之南二里許爲余作歸藏之計云今年丁亥秋九月戊申作門于水際榜曰水西原廿一日庚申預定葬所穴而贊之徒僧善遇手刻于石納諸穴以志之曰師子林開山老人之壽藏也穴之上覆大石以爲塔之基河西大師峻南獻巧以圖塔樣高丈許塔之正體南爲門而洞其中以安無量壽佛佛高一尺有六寸紫石琢而黃金塗使天人鬼神知所敬仰十一月九日塔按圖而告成前爲軒似舟扁曰山舟皆諸友之力成之也立卓峰買舟載余往觀之舟自半塘而西過金氏園覺菴又西過掠象寺不遠水忽盡而舟及門矣入山行

數百步路轉而折，萬松間一塔出焉。於是或循塔而行，或乘高而望，或倚松而立，或踞石而坐，或語或默，皆作已滅度想。既而復自念曰：生本無生，吾其果有滅耶？滅既無滅，吾其果歸乎？此耶不覺，隨意顛倒，衝口而發，說十偈以紀之。噫！古人有自祭者有自狀其行者，有自銘其塔者，皆足以傳誦於人而垂化於世也。余敢望於古人，誠自警自計而已。

大千世界水西原，百億須彌是土墳。無位真人埋不定，又添一穴累兒孫。

業債如山不可摧，當死隨業受輪迴。是誰望我先成佛，平地無端起骨堆。

胡孫樹上掛心肝，弄鬼精魂有兩般。未死先埋留活路，龍睛虎眼不能看。

仙人禮骨鬼鞭屍，恩怨難忘合共知。珍重娘生皮袋，子是吾弟子是吾師。

鐵鏝隨身不露蹤，虛空掘窟葬虛空。虛空一夜生頭角，穿破白雲千萬重。

兒童好看活屍死，行去扛來喚不膺。喚不膺時當自

悟活時元是假精靈

鑽天鷄子落黃泉，脫殼烏龜飛上天。半死道人渾不

管，自敲瓦礫算流年。

曾從演若學狂來，老大新添一種呆。生死海中狂不

盡，安排狂上涅槃臺。

山似排班水似朝，萬松繞座似兒曹。相看一念萬年

去，老子門庭未寂寥。

地涌浮圖未足誇，風流須出當行家。髑髏眼裏春風

動，徧界吹開五葉花。

師子林天和尚語錄卷之四

師子林天和尚語錄卷之五

小師 善遇 編

佛事

宗上座鎖龜台州人

燈籠松壁上天台，且道明甚麼。宗旨宗上座死却活

句活却死句，佛祖牢關鎖你不住。

護法堂火

說法堂至宮護法第一座師尊是法尊是法初後
雖如句絕百非烈燄堆中更發輝

龍上座火

施箭死屍來鼻孔不對口能將兩隻一飯跳不出斗
擲火三如今跳出了也水底火發燒盡三焚滅盡在
師子吼

段惡走長老中路難言新舊時

道惡惡惡石霜知工真苦久段惡移時歸天目家
富小兒竊雖然一神恩情爭一宗兩家微細無會三苦
不是定動著放路相逢放身下通

依維那火

以火打圓相云雲峰破補羅依維那者當以火打敗
云一聲百難碎且這是甚麼生大具三生空具火

淨首座火

清淨妙法身本來無出沒以火指范三香首座不是
心不是佛不是物假名無位真人喚作焚師表率劫
火洞然燒他不得

殿部手火

天童家三不殿部手兩箇燈盡兩山知事得人直是
一三燈板要見殿部手燈板處處要元柴頂上火通紅
現一擊鐘三隻眼

大上座火

盡大地是箇大上座盡大地是箇死獨體盡大地是
箇無縫塔且這門從那裏入喝一喝

鐵窗座火

看問劫劫可殺不可殺新劫滿兒可讀不可讀忽然
讀設變行墨竟是何道理火燒南海波斯寶

瑞監寺火

燄天盡地一著子盡底漏由盛不起眉毛乾上火星
飛騰放但幾與生元舉火云諸人還見麼我見燈明
佛本光瑞如此

聽上座湯桶火

去聽聽明苦口良藥認僧有病在膏肓鎖新咽喉吞
不落聽上座汝今藥病兩事一三香却吐却
文監寺起齋

不立文字不涉程途政與麼時如何是文監寺出門
句子一不得有二不得無到跨楊岐三脚貓

龍上座火

死水不藏龍汝還會也未汝若會試入火光三昧

雲壑石萬戶起骨

生則封侯策戰功死當廟食顯神聰無骨云更從者
裏翻身去佛國塵塵有路通某人英勇無敵沉靜有
謀武略文韜自任絲絲之馮異忠肝義膽每懷赤璧
之用瑜朋友推其賢士卒感其惠率

王命剪除搖搖奮不顧身握兵權威震荒聞者喪
氣奏凱始傳於天上歸途忽厭於人間清湘院前打
翻筋斗去吳松江上迎得骨函歸天地爲之改容山
川爲之墮泪功既成矣死何憾焉合國稱爲大丈夫
三十四年從教似夢傳家賴有奇男子百千萬世可
以流芳到者裏益著精神別通消息裂開煩惱網擊
破死生關幻形幻影有去有來似浮雲之出壑真性
眞明不遷不變如皎月之當空卽此是自己根源卽
此是故家田地卽此是安身立命處卽此是成佛作

祖時是則固是且道卽今起骨還有祥瑞也無有昨
夜天風攪雪花爲公洒掃西歸路

居竹曹公掩壙

脫得生死要知落處落處既分明從空放下放下
後如何天開地闢見全身玉鳳夜栖無影樹某人梅
渚參軍之子守齋教授之孫遠則武惠王以來歷代
傳青史近則文恭公而下滿門無白丁人皆羨其盛
哉公不以爲榮也小試教率之任厭吳江楓冷而拂
袖便歸繼承省儉之招愛蒸溪竹居而掉頭弗起素
行富貴富貴不淫無意功名功名自至左干戈右狙
豆固未忘曹氏家聲朝詩酒暮琴書且願效晉人風
度亦嘗割股和羹以療大父之病亦嘗解衣推食以
供寒士之需其待朋友也切切惻惻其待宗黨也磊
磊落落儒學子弟仰之爲文章鉅公集賢縉紳號之
以清逸處士平生萬事已足末後一機更高頂門露
金剛眼睛著著見古人關捩筆底現法華寶藏頭頭
顯自己家珍文字語言一無所礙涅槃生死兩不相
妨從前只道出來出來速出來速出來苦哉三界火宅到此

方知歸去歸去好歸去儼然一會靈山既曰知歸爭
奈有箇將不去底既將不去合與覆藏既曰覆藏有
何證據撒土三化城寶所無分別寸土元來是寸金

自讚

小師善遇請

初參慧力海印雙學得面南看北斗及來天目見幻
翁唉破燈籠半邊口高懸鉢袋三十年下視萬峯如
培塿諸方拖拽不肯動也不教人隨我走如今面目
露堂堂試問諸人相似否雷厲風飛見得親滿林盡
作師子吼此話既行又何待三十年後

無上人請

焦敗種草惡毒根苗佛也不要做呵佛祖如何冤賊
院也不要住避院子如避差徭見人脩行却會冷唉
受人供養不叫難消如今畫影圖形諸方皆認得向
後猶枷帶鎖那箇肯相饒說知有罪只得依條願將
口歇供成了準蕭闍羅王取招

大拙能長老請

臨濟喝得口破德山棒得手酸打草驚蛇大巧大拙

證龜作蟹至易至難師子林下漢都沒許多般三世
諸佛一口吞却兩眼照人肝膽寒

江西護侍者請

西江一吸無涓滴天目踏翻無影跡全身坐斷師子
林甕來佛來俱莫測描不得畫不得大用現前無軌
則若言此是則天如頂上眼睛添一隻

卓峯立書記請

菩提蘭若樹此樹爲樹王我來樹下坐因樹成道場
冬取暖夏取涼禪道佛法非所長掾天鼻孔有覺觸
校校葉葉旃檀香

道及隋志義請

樹爲寶蓋石爲床獨占虛空作法堂祖父家傳親切
句不曾漏泄到諸方

貫之曾教授請東白

道是天如早成差誤道非天如又難遮護大圓鏡裏
轉頭看萬象光中全體露或問一以貫之又問一歸
何處向道東方既白時金鷄飛上珊瑚樹

徒弟某人請

雷燈珠三禪人請

不打諸方爛葛藤不將名字掛傳燈菩提樹下盤陀
石白髮蒼頭箇老僧

似天如不似天如似與不似無親
疎鼻頭有竅眼有珠爲佛爲魔都是渠

西川如山眞講主請

談經口似懸河，答話機如掣電。諸方皆有作爲，箇漢獨無靈變。長松偃蹇，翠垂雲帷。石坡陀青潑潑，閑拈麈尾。坐如山，百億毛頭師子現。

范氏淨心居士請

趙州勘破臺山婆沒謂訛處有諸訛圓悟激發范縣
君話頭少處路頭多淨心盡我供養我且道趙州圓

悟意旨如何這裏下得一轉語許你燒香供養他

飯店蘇居士請

老子一生無背面逆行順化者方便三家村裏持鉢歸十字街頭開飯店是聖是凡人莫辨

泉州蔡國祥居士請

瞎驢趁隊出廬陵天目山頭中毒深滅却臨濟正法
眼變他百丈古叅林蝦蟆口吐一輪月師子毛生萬
兩金此話即今瞞不得泉南佛國有知音

雲南尊講主請像在林屋之間

關市山林異，方人物煨燂羹。銚筒閑窩塞，戶填門皆。
上客問梅閣裏著，馬祖勸辦參。徒指栢軒中，容趙州。
放開鋪席老胡多，意氣大坐立雪堂。呆漢少機鋒，安。
居臥雲室。從來無法與人，自也不願做佛扶持。向上。
宗乘賴有許多知識，無端再現身。外身兩主如何同。
住得送他無佛處，稱尊贈以一把龜毛拂。

高麗國古道長老請名達行

者漢拍言無見解到處不曾輕納敗平生獨恨老中
峯屈我低頭禮三拜觸著無明劈面揮家傳陷虎機

猶在目視雲漢三十年黃金未肯和沙賣如今坐在
閻閻城盡底抖擻禪布袋不問南來與北來逢人便
請還禪債說甚麼千聖不傳說甚麼漆桶不快堂堂
古道大家行傳語諸方休捏怪

臨濟寺的首座請

有問如何是佛向道頭上插筆從古幾緣千七百今
代又添者一則者一則的中的人面俱收群機自息
奪人奪境喝如雷臨濟未是白拈賊

高昌國無敵長老請名勝壇

生廬陵不知米價飢把心肝樹頭掛登天目偏體汗
流鶻鼻布衫都脫卸喉鶴灘頭蘸筆鋒義海掃空閑
話欄師子林裏開禪窩七佛呼來同結夏不將正眼
視諸方一任諸方爭怒罵以無所爭爲勝幢是名無
敵於天下

鎮州秦上人請

擔板漢沒思筭既不諳古佛家風又未了先師公案
棄却鎮州蘿蔔頭收取秦時轆轤鑽只據一偏不容
再勘讚他做靈利衲僧疑信相半罵他做籠侗禪和

是否難判明知自體本天真假名字在人呼喚忽然
喚作三脚驢也胡亂

讚佛祖

出山佛

入山又出山入靜還思動衆生成道多時佛法一毫
無用阿呵呵如今冷地思量枉受六年飢凍

空魚籃觀音

錦鱗賣盡手頭輕撈籠江湖尚有情回首長沙沙上
路腥風吹作夜潮聲

獨坐觀音

鸚鵡淨瓶無著處善財龍女不相隨寥寥獨坐閑如
我政是衆生界盡時

達磨二

西來沒行市跨水復逢羊直指少方便剝肉要醫瘡
答梁武帝然無聖灸瘢上重添艾炷許神光汝得吾
隨喪車後高掛藥囊盡道熊耳峰埋沒他不得誰知
這老漢都念未能忘賴有後人爭氣家醜不使外揚
滅却正法眼藏一任山高水長

師子林中立雪堂裏佛也不著因甚著你不重你面
壁八九年不重你西來十萬里只重你心直口直不
顧帝王情眼高氣高不失宗師體坐斷天下人舌頭
一花五葉香風起

布袋第一脚

主丈橫拖布袋斜倚當來下生都道是你十字街頭
等箇人伸脚元在縮脚裏

寒山教習帶書卷子

轉掃轉多須放下自舒自卷看教親通身是箇無師
智不比誦書忘帶人

拾得樵案簡拾來詩

隨時拾得隨時用裏許空空實不空本是願王無盡
藏向人只說榮華簡

寒拾同軸

曾共豐干枕虎眠又對趙州學牛關喚作文殊與普
賢稱僧領下雙眉皺

朝陽

破處補教完工夫做成片紅日上三竿爲君通一線

對月

要了末後句點畫甚分明莫因天上月打失雙眼睛
鬼扶過海羅漢

肩背相挨航一葦親於海者難爲水龍王開富我開
費不費一錢能使鬼

僧繇畫寶公

鷹隼大士面兜搜變現千差畫不侔近世宗師好顯
色却無梁武詔僧繇

應菴禪師

用虎口奪食之機恣行五逆展蛇頭措癢之手觸撥
諸方海湧峰前干戈卸却金輪峰頂妖恠潛藏視妙
喜甘露門兩強不下通楊岐正法脉五世其昌碧桃
帶雨春風濕吹作優曇徧界香

高峰和尚

黃金眼睛生鎖面三尺竹篋如掣電坐斷高峯立死
關爲人都道無方便有方便千聞不如一見

中峰和尚

這老漢無榜樣主張大幻法門滅却現成公案祖意

教意絲毫不許搏量山居水居影響那容近傍以絕
言之言而演說喧轟白晝之雷霆住無位之位而獨
尊奔走諸方之龍象際遇

聖天子稱爲普應國師引得大地人隨處燒香供養
斷崖和尚

寂初一機撞破縵天網末後一著踏翻載月船大地
山河雪消去西天目頂浪滔天

天台智者大師辯無礙請

堯眉舜目禹背湯肩談性具於百界千如水是波波
是水顯相常於一心三觀拳爲拳掌爲拳示聖賢同
體之身不妨描貌肆佛祖無礙之辯亦可宣傳若論
其親見一會靈山儼然未散吾無得而稱焉

法眼本存
高道及著名

師子林天知和尚語錄

小師 善遇 編

詩

懶雲窩

異哉雲兮變化不可測而浩蕩不可羈其靜似懶其

動非懶動靜若有神所司我觀臥雲於三千九百丈
之天目兮東西二浙一白如海莫得其端倪又觀行
雲於四萬八千丈之天台兮捲海而起勢若萬馬爭
奔馳或聚或散山顛水湄遊僊翔鸞千恠萬奇方其
舒而行也天地爲窩量體隘及其卷而藏也離婁莫
觀其毫絲西瑛公子作雲窩懶雲二字文其媚眼空
湖海臥丘壑習懶擬與雲相期我訪懶雲主整觀懶
雲詩不知西瑛爲懶雲耶懶雲爲西瑛耶但覺秋陽
射窗戶四壁光陸離重爲告曰瑛兮雲兮至人不泥
手跡而能與物推移風雷吼百谷蛟龍舞天池亦將
乘其勢以濟其時卷舒動靜吾以無心而應之懶與
非懶吾何知

筆策引

西瑛懶雲窩距余禪室半里許時相過從吹筆策以
爲供復於余言有所需乃賦長歌以贈
西瑛爲我吹筆策發我十年夢相憶錢唐月夜鳳凰
山曾聽酸齋吹鐵笛初吹一曲江風生餘響入樹秋
鳴咽再吹一曲江潮驚愁雲忽低霜月黑坐中聽者

六七入半是江湖未歸客歡者狂歌繞樹行悲者垂
頭泪沾膝我時奪却酸齋苗欽襟共坐松根石脫路
悲歡萬念消悟聲無性聞無跡西瑛筆策且莫吹筆
策從古稱悲栗悲歡茫茫寒天地人情所感無今昔
山僧尚賴雙耳頑請爲西瑛吐智聰聲聞相觸妄情
生聞盡聲亡情自釋盡聞莫謂聞無聲機動竊鳴無
間隔亡聲莫謂聲無聞去來歷歷明喧寂吹者之妙
余莫知聞者之悟公莫測公歸宴坐懶雲窩心空自
有真消息

補之梅

人皆謂補之畫梅宮苑梅千樹萬樹潑散瓊瑤堆天
香國艷發乎本然之富貴非比疎枝冷蕊困蠻烟墨
雨之摧頽畫成曾獻羣仙府求者黃金賤如土仲謙
山翁何處得兩株照耀林壑見者驚相呼一若羅浮
山下水南之獨樹氣條無數華無數一若成都十丈
偃蹇之臥龍身隔重雲尾梢露玉甲鱗鱗水底明水
面鴛鴦啼落英上有飛來雙白鷺疑是雪坡天夜晴
山翁有時坐梅間搖塵拂寒日清輝射窓壁恍忽天

人爲法來滿林新雨花痕籍吾然後知補之能爲梅
寫真海華又爲翁傳神翁比梅華更清絕眼光燦破
珊瑚月

東坡竹

人皆謂東坡畫竹翰林竹千竿萬竿解散琅玕束渭
川淇澳出乎浩蕩之習中非比寸土寸金不許破培
前之苔綠暮年建筆尤可憐世有一二非真傳仲謙
山翁何處得四幅妙壓與可不敢誇先鞭雨者帶霧
和烟空濛翠欲滴似隔西湖見山色雪者堆鹽積玉
勢重如崩山強項暫低腰未折風者飄飄鳳尾搖耳
邊彷彿聲蕭蕭晴者扶疎淨如洗亭亭玉立千雲霄
山翁有時坐竹間觀笋稚老嫩生成非造次兒孫環
列奉清歡俯仰折旋無不似吾然後知東坡能作此
君圖此君又似翁之徒吾道蔡林有生意一日眼前
何可無

贈衛學古携墨入京

松江學古衛先生家世業儒兼精製墨人謂學古得
其傳而尤精余嘗求驗其墨信人言之不誣故作短

歌美之意其大有得於墨也

吾聞李超之墨不易求建隆天子掠聚如山丘汴京
僧寺用爲漆庫藏一掃難再收又聞潘谷之墨若圭
璧蓬萊宮人玩未休大風捲土入沙漠歲久物化無
能留衛君學古得古法潘李之外非其儔授書鋒
東高閣烟至坐擁緇衣裘月涼深夜杵膠熟翠餅入
麝龍紋浮馬肝石上吐雲霧一點落紙光欲流玉堂
操觚諸公藉子爲不朽

金闕待貢子亦藉是爲豪遊世人知好不知買曾有
造物知相酬造物果爾知相酬誰復羨之香太守松
滋侯

送月維那歸鄉就寄哭師省母一書

鍾鳴南山兮日上西湖行子叫船催寫書書成滿紙
如塗烏近日哭師雙眼枯去心一動難須與我以魂
夢隨程途五月六月能來無

海風吹雲兮海天半赤越岸千峰萬峰出潮頭直到
富陽城送上巖灘只頃刻過時莫訪陳蒲鞋我是三
吳未歸客

故家西村北倚門白髮無朝夕故業西村西夜雨高
堂有靈骨相尋時莫匆匆天涯一字良難得重來時
莫匆匆天涯一字良難得

贈道林訓上人

角鷹一側目所視無窮蒼臂攫索能非所長良馬一
振鬣所向無窮荒內閑待秣安可常丈夫心膽塞天
地身與世道爲低昂況從世外發高趣蓬蒿豈足誇
翺翔我儻古道爾荆棘歲晚孤毛爭跳梁今年識君
咎水旁愛君駿氣如鷹揚願君莫如我學步成踉蹌
願君莫如我用拙甘六藏茅舍深居已無馬師問梅
子木葉蔽膝尚有懶瓚知南陽九峯之外天花寒
海欲花春在霜裏來拂袖謝丘壑闊視四海皆吾鄉
我有解纜歌一章如擊瓦缶無宮商吳松江上爲君
歌一發怒潮卷雪天風狂

吳松江觀潮

吳松江水急如箭昔見畫圖今識面百川應命爭先
移東注海門如赴戰海波怒發驅潮頭戰退吳松水
倒流江湖一日兩相闕萬古不決猶寇讐江水清兮

潮水濁江水不似潮水惡。潮推出海中。洲堆積江面。成山丘。官憂水害。雖疏鑿。橫江四關。同時作。潮來下。開潮平。開關內不通。潮往回。潮波怒。急捲底去。開門。又見江波怒。開上盤渦。萬陣分開下。狂瀾萬騎奔。萬雷吼。千萬鼓。發石走沙。飛亂戈甲。黃河衝破華山根。健瀑聲開青玉峽。人言水性險。且凶。不知水與人情。同情。濤識浪怒。且憤。不在江潮。在方寸水險。尚可避。人險終難知。人爭額額。晝夜水爭。尚有潮平時。

贈鍊師樓半雲

樓師作室名半雲。人謂室與雲平分。吾知樓師不如此。室與半雲。寓言耳。半雲之室。如太虛。我與萬物爲同居。半雲爲物。半雲我物。我半雲。無不可以我之靜。應物之動。我得物體。物備吾用。是吾與真宰者同遊。不逐世態爲浮休。試往觀乎歌臺舞榭。曾不異乎玄圃滄洲。苟捨是而求入半雲之室。半雲爲之橫點頭。

城南樓

城南樹尾花風晴。城南樹下漁舟行。隔溪竹屋數家酒。矮籬路轉人縱橫。仙山石洞在眼底。塔竿倒影滄

波。明相期待渡日。已晚坐看平野青。烟生。

送甘茂實入京三首

君莫羨天馬駒。亦有汗血牽鹽車。君莫笑涸轍魚海。翻會與蛟龍居。丈夫出處繫元運。豈必似東門瓜圃。南陽草廬。君家太白山之東。晝梁烟雨春濛濛。上淮肥兮度五嶺。鬼門銅柱悲途窮。歸來江南六七郡。被劍落落。隨群公讀書。汝上少閑日。結屋潁水多秋風。父骨未藏母亦老。布衣塵土行人同。時乎時乎子豈終不遇乎。

君亦善河洛書。點畫萬象知盈虛。君亦善長行歌。勢壓李賀。款東坡。朝吞雲氣。嚙沆瀣。夜坐北斗窺銀河。千金入手弄瓦礫。萬語出口翻春波。平生一醉動三日。仙徒將種疑曾識。幾回夢得仲連與公瑾。並馳鐵騶隨天蹕。爛柯碁洞賓墨能事。相逢俱辟易。林兮林兮子豈終不用兮。

我不願送君行。愛君筆硯傾平生。我不願留君住。男兒四十當強仕。盛時天下文軌同。萬國軒裳滿都市。願君走馬燕山頭。一語動世旋封侯。風葉兮颺颺江

波兮悠悠丈夫萬里更萬里一飲百斗空難愁去兮
去兮子豈非丈夫兮

遊三相臺示甘楊諸友二首臺乃姚崇牛僧
孺劉沆讀書處也

我登三相臺南望雙巖峰俯視下界如凌空開元老
樹可百丈斷崖盡日呼顚風甘耶華果學獨掛揚子
枕石飛泉中垂藤離地坐我穩祖跳長嘯如乘龍鳴
呼昔人不再得臺上土花幾秋已前身不與後身期
白雲豈識蘿衣客安得近代顏輝來畫我石上驚風
雷

我聞楚公讀書處手新雲根種落藟金魚五馬隨飛
烟朝市憂更樹如故如今豈無嘔血看長檠亦有揮
金登要路致身未穩華髮生誰信有情難久住吾爲
子簪瑤花繞樹長歌白日斜吾爲子題落葉點荒
墟舊風物賴君聞此心眼開少年一去無重來

贈奕士高顯卿

吾將爲顯卿歌顯卿去兮吾奈何商山不可招兮象
山不可鑄當代如卿亦難遇不須殺活談兵圍我以

氣色觀神機秋鷹失兎草奔動新道夜雪行人稀丹
還金鼎會龍虎海國破浪孤蓬歸太初一黑盪壑裏
萬化白戰搏空起何曾一路無死生觀者紛紛少知
此吾有劉君甘君在且豪爽未過子兮材情高一展
綽綽試國手翻視機杼復何有西來訪古崑崙丘援
劍夜舞呼蒼龍登白鶴兮問王氣汗漫長歌紫芝曲
嗚呼顯卿兮安得聞此歌共吟人閒殘局多

和送梁壽川之任南康醫教

君不見眼前病瘳無全人又不見杏林種雨年年新
豈知梁君小試醫國手飄飄捧檄行青春行行東向
廬江路星渚風烟彭蠡樹雙池香瀑九江晴五老聞
鐘亂山喜我憐民物瘡痍深養生未必非其心元陽
扶植起枯朽一草已足酬千金莫辭印綬非君意虎
溪未許陶公醉會看採藥上蓬萊長裾曳破燕山翠

真州送別悅希雲

長淮岸岸飄風沙浪吹出青蘆芽我行送君君送
我唉語在眼心天涯三界如夢宅四大如漚花東來
西去問歸路不知何處真吾家

欲別不別重相携別思已逐寒雪飛雲一去不可
得千村萬落明斜暉回頭望吳山滿目青依依亦如
送我望我去立盡風烟未忍歸

年時度雪西峯顚蒲團永夜青燈前坐談生死念如
水鏡石未比肝腸堅人事有遷謝散聚終隨綠山川
可棄友可別初心未可輕相捐

藜羹爛飯山人祿望重身榮未爲福詞章滿世金滿
床業累轉深心轉俗一息微如絲寧肯長相續觸體
只有抔土緣莫把殘生妄馳逐

乾坤旅舍暫時住脚跟不受鈍鐮鐫我持天目黃精
苗歸種鄉山寂深處苔石晝眠雲松爐夜煨芋他年
有約未相忘相尋試舉同參句

送止照歸古洪曲江

莫雲飛上錢王臺亂峰蘸碧湖光開六橋秋色看政
好之子不肯重裴回百年萬事烟雨過鄉井一念終
難灰浩歌歸去送歸去夢斷楚水何時來
鑾江鎮上雙江洲大船解纜荒洲頭掛帆蔽空槌鼓
發白浪卷雪風蕭颼故山三日忽到眼恍忽天上飛

驀向來歸興有如此今日送子心悠悠
抖擻天目蒲花團團壓翠水霜寒豪來意氣隘湖
海歸思浩蕩如奔湍障陰樓殿曲江曲聽鐘聽雨吟
燈殘此時會有會心處傾倒客路情懷看

獅王一去挽不回秋滿巖谷天風哀龍困象數亦多
士濟濟孰視宗綱頽誰能共掃松下屋黃精黃獨連
門栽霜林月上芋香起指點深機寒爐灰
世緣味美如飲醇飲之不覺酣且沉整囊一換即非
我知有幾許閑光陰男兒自負鐵肝膽萬變未肯忘
初心天涯相送復相贈苦口一語如千金

入仙洞山

入山隱隱如聞雷山鷄角角隨人飛松風洗我市喧
耳松露洒我青蘿衣平生結習重幽賞會景會物情
依依誰能歌紫芝我當歌采薇招呼雲外青鸞歸

松陵晚渡圖

夕陽兮在春歲將晏兮江空平沙古樹兮蕭蕭朔風
高人曳禪策兮招短篷賦歸來兮青山碧雲之故宮
畫者觀者咸謂之松陵晚渡吾獨念楚山萬里峭拔

而春容初若揚。闌在盡見。蘆草雲昇之五老。又若洞庭南岸。望道林嶽麓之羣峰。嗚呼。吾豈無青山碧雲之故宮。浩歌歸去兮。吾誰同。

上海舟中卽事

烏溪出關催雙櫓。急趁回潮下黃浦。午前期到上洋城。生怕潮來近。亭午夜潮已落岸。瘦高風卷浪花翻。雪灘渡頭趁渡人。如鷄水行泥行亦良苦。西岸衝波遠入村。東岸湧沙作林。團岸上居民無定蹤。賴恠潮行無定所。吾年五十遊上洋。今歲重來五十五。豈無玉雪美少年。向來一揖成千古。亦有鴟張萬石家。勢去一朝無寸土。噫吁嘻。人生幻化若浮雲。變谷變遷何足數。

遊宜興張公洞。洞門自山頂直下。乘火橫入。行稍遠。乃有隙光投光而出。卽山下平地矣。蓬萊滄洲何必遠。在海桃源武夷何必深。在山張公古洞仙一國。只在人世非人間。頂門梯空直下幾千尺。恍疑犯死投龍關。陰崖石髓不知何代凍。作玉磊魄瑤芝瓊筍。拔地爭巋。顏上如帝網之交羅兮。寶幢

珠蓋冰雪老下若鯨鯢之怒鬪。兮銀濤鼓舞潮牙翻。參差鬼物列萬恠。泥田藥竈鈿花斑。山童秉火急指點。尋幽探蹟心轉頭。路窮稍稍隙光發。忽脫混沌歸塵寰。岩呼谷應寒竊起。鳳簫玉珮鳴珊珊。我思身無生無意。換仙骨亦無養生事。底用丹九還了知。心外無別法。遇緣乘興聊躋攀。安得勞生離世網。暫息一念觀循環。又安得掃空八萬劫。解脫仙與佛。入生入死隨吾閑。

示友人三首

塵網苦多累。暫閑如脫羈。胡爲塵外跡。而乃東西馳。聚談每倉卒。既遠飄多思。眼前失真宰。身外何求知。百骸如僕馬。勢合聊相隨。隨氣運忽遷。謝一散無重期。來日不可待。去日不可追。靜緣當自保。世故方無涯。逝水不復返。黃葉無重榮。萬物有終極。浮生欲何成。愛緣一染指。智慮常縱橫。寧知昨日事。轉眼多變更。聖人示欲器。稍滿還復傾。及時不自惜。時去空傷情。蕭蕭牆頭樹。靡靡牆下草。繁茂曾幾何。已復見枯槁。人生無根源。身世難醜好。自從墮地來。萬念日紛擾。

運化潛消磨容鬢不知老如何百年間樂意常自少
君看古來人心事誰獨了

登西林

沉鬱難自居偶思散遐曠主文登西林新嵯倚脩竹
崖上蕤花開飛禽自相逐睡下清川流水光泛嘉木
四月風雨多平野一時綠長嘯白日低烟雲起空谷
俯視萬化間勞生亦何足

夜坐聞蛩

山人坐樹陰樹轉月當午江市夜猶喧笙歌雜砧杵
寒蛩亦何情唧唧如共語前聲稍悲悽後聲轉哀苦
人心汝莫知汝語人莫取萬類各有私悲歡豈同趣
茫茫元化中同一風氣使何如悟天真隨分樂生死

遊茅山雲林清遠之館

華陽有客似重來新見雲林別館開寒日半巖松鶴
起腥風萬壑雨龍回琴床流露滋瑤草丹鼎飛春上
玉梅居者未知清且遠人間咫尺望蓬萊

次韻送古潛縣宰

解印還歸意若何山人長憶舊相過詞鋒稍見禪機

孰案牘不如吟卷多花雨聽鶯春滿酒柳風立馬月
搖波賞心樂事皆勳業留與溪翁溪女歌

漕運萬戶某脫險于海因和韻唁之

語未開辰已改顏向來海運歷多艱連橋影落蛟涎
窟孤枕魂飛鬼骨山巨匪劍龍驚怒吼傳家珠虎幸
生還黃金任積高於斗不博休官一日閑

徑山送瓊上人歸吳門

吳門長想是吾州城北城南半舊遊佛塔分隸林野
寺客帆飛繞市河樓送君忽覺襟期動老我難忘脚
債酬七十二峰看橘柚買舟重約太湖秋

送時無擇維那歸閩

百計歸離禁生緣樂未窮聽鐘榔葉雨欹枕蕊花風
客久聞音化交深楚俗通片帆明日遠雲斷海天空

重登秋月樓

病力難新雨登樓看夕陽岸移江市遠洲接柘園長
村晚烟催暝水陰雲送涼客中情味熟隨地得相忘

送鄉僧昱曉林四首

海雨吹花雪作堆那時敲我竹門開自憐水國三千

里也有鄉僧問路來

風沙風葉攪征衣今日江頭送汝歸西望故鄉何處
是楚天漠漠片雲飛

鄉夢鄉愁我已疎十年不見故鄉書兒時聚首人如
王老大不知今有無

鄉人問我幾時還向道如今又入山一箇蒲團半間
屋吳松江上九峯間

登茅山天市壇四首

天市危闌倚碧空兩京山水見冥蒙東來十日風霜
路只在寒風一抹中

白雲剪作瑤壇雪寒旭蒸開玉洞花山北山南看更
好炊烟朶朶是仙家

一片松林又一宮開門面面看茅峰意行恍忽廬山
路歸飯僧分上下鐘

郭仙清夜扣舷時萬籟秋笙月一池千載誰傳靈鳳
曲羽童吟作步虛詞

一峯雲外菴和韻四景

碧虹分兩半山橋橋下春雷卷怒濤老衲定回推戶

看隔溪開盡野櫻桃

竹屋茶香滿潤烟綠杉深處響流泉目前有法誰能
說落日微風一樹蟬

平田水語稻花香半解蘿衣受晚涼景物雙清秋致
好亂山雲外又斜陽

納被蒙頭宿火紅雪寒愁聽上方鐘開門忽恠山爲
海萬疊銀濤露一峯

湖村菴卽事三首

日度斜塘水氣香石橋高柳對柴門霜風攪樹葉如
雨忽見一帆來遠村

竹根吠犬隔溪西湖鴈聲高木葉飛近聽始知雙鷺
響一燈浮水夜船歸

開渠築岸護低田坐聽隣翁說去年賣却犁鋤買漁
網兒童蕩槳到床前

訪仙洞山舟次大溪口

窈窕仙家何處尋夕陽明滅亂雲深大溪嶺斷青山
合一路風帆入樹林

贈弟仁遠入京并引

始余別家時仁遠從弟年纔十七今將四十矣鬢髯
戟張言論有遠志以湘南教官滿考乘風爲

上國遊纖舟維揚迂道來徑山相尋梅雨中禪榻共

燈數夕既行贈偈四章以紀別思以戒其速歸

虬鬚鏡面岸綸巾膽氣靈豪語逼人二十三年不相

見却疑年少是前身

雨嶂烟巒翠欲流天開圖畫萬山頭凌霄閣上凭闌

意留與他年說舊遊

白雲峯在夕陽邊目送吳雲入楚天汝到燕山却回

首三千里外又三千

錦袍花映鳳池明玉珮光搖紫府青富貴著人如醉

夢倚門慈母眼長醒

曉行吳松江

朔風吹面雪花深船渡水河似轉林却憶蒙頭茅屋

下地爐一暖直千金

水轉沙涂又一灣迎船孤塔出烟嵐長江一道橫風

起兩岸爭飛上下帆

師子林卽景十六首

鳥啼花咲屋西東栢子烟青芋火紅人道我居城市

裏我疑身在萬山中

萬竿綠玉繞禪房頭角森森筍穉長坐起自携藤七

尺穿林絡繹似巡堂

素壁光搖眼倍明隔簾風樹弄新晴樹根蛙鼓鳴殘

雨恍惚南山水樂聲

指栢軒中六七僧坐忘忽恠異香生推窓日色暖如

火薔薇花開雪一棚

相君來扣少林宗官從盈門隘不通散入鳳亭竹環

處石床分坐遠飛虹亭名栢鳳猶名小飛虹

半簷落日晒寒衣一鉢香羹野蕨肥春雨春烟二三

子水西原上種松歸

鴉鵲爭巢似憤兵怒鳴死鬪亂縱橫可憐踏壞杪羅

樹滿地落花無路行

道人肩水灌畦蔬托鉢船歸粟有餘飽飯禪和無一

事繞池分食餒遊魚

臥雲室冷睡魔醒殘漏聲促五更一夢又如過一

世東方日出是來生

西隣母鶴唳無休鶴意吾知爲主憂養得鶴成騎鶴
去揚州未必勝蘇州

竈兒深夜誦蓮華月度牆西檐影斜經罷曉鐘聲忽
動汲泉自試兩前茶

林下禪關盡日開放人來看臥龍梅山僅莫獸門庭
開不是愛閑人不來

斜梅勢壓石闌干花似垂頭照影看白晝雲陰天欲
雪半池星斗逼人寒

雪深三尺閉柴荆歲晚無心打葛藤立雪堂前人
不見秀雪峯似白頭僧

有客來求警策歌歌成歛念入禪那茶童催我下樓
去樓下新來客更多

語默無心道自隆目前誰解顯吾宗長長短短象牙
竹恹恹奇奇師子峰

師子林天如和尚語錄卷之五

師子林天如和尚語錄卷之六

小師 善遇 編

序

照堂長老義感集序

余友照堂寂長老至元丁丑三月廿一日卒于吳門
之能仁菴其行義感於人人哀之不能已發而爲詩
若辭散漫於三吳林壑間天台竹居可西堂哀而集
之目之曰義感過松江請於余曰詩辭無以見出處
授受之詳公與照堂同參天目幸詳之使觀者有所
考余曰照堂高昌名族之裔也其宗姻鄉黨之士去
故國而布列于大朝都邑者皆達官其俗尚佛教好
施與又好引援進取以相榮蓋去國已遠見鄉人雖
疎亦親故彼氏之爲沙門者往往得厚施或得厚名
位而照堂一無取焉唯道是嗜凡顯密二宗大鑒實
之士悉從事之盡其學未厭其志延祐間南來天目
扣直指之學于幻住先師曰有深造遂眷眷不忍棄
去草衣蒲履冰檠相持者有年逮先師告寂始北歸
諸達官嚮其道爭羅致之然猶兢兢潔已非誠求道

者不與語非其人不與交與交必議其義嘗以幻住
廣錄三十卷進

上覽之大悅賜入藏證光師曰普應國師既開闢
往復或其事復入天目願守國師之塔以老焉及有
疾同居者強其出山就藥遂終于吳門云余所知者
止此其他非所詳雖然即是集而求之足以見照堂
之素蓄足以見交際之深情又足以見竹居之尚義
凡足以稱於人傳於世激厲乎時輩者盡在是矣又
奚必他詳哉

銅佛贊頌序

至正甲申夏錢唐照菴炬菩薩大會縑素于寶石山
作佛事者四十八日以慶銅彌陀佛及觀音勢至像
成亦以張其化使益廣而益遠也原其造像之始約
化四十八人各施銅錢一而念佛千聲以爲例如是
四十八人人各轉化四十八人遞遞轉化積四百八
十萬錢治以範佛佛身長一丈六尺二大士稱之相
好纖悉具備既又梯山以登之營大殿以安奉之乃
有今會於是四方士頌贊交集謂其可贊者有三錢

唐佛剎巨細千萬計而未始有銅像一也募施之法
取少而化實異乎常二也合衆善以爲會高下之機
普攝三也錄頌或卷待余序余於三者之外容有說
焉初像之未成也全佛是銅及其既成也全銅是佛
曰佛曰銅二名一體蓋佛不自佛從緣而生也推緣
生而類通之令悟世間萬物物物皆佛也此外復有
說焉凡一人一念之興一錢之施則其全體銅像已
隨念而應之矣一念既爾多念亦然然則應念而成
之佛又何止四百八十萬哉此外猶有說焉以多人
念佛之心展轉流布自今世後世以達乎無窮則佛
隨而應之亦復如是而無窮也積應之廣既如是豈
應之遠又如是其數量可思議哉是由照菴宗性具
之學而得其有將使人人同悟是心作佛是心是佛
之說以至重重無盡互互無礙曰理曰事周法界無
一而非佛故其一機之發一像之成遂能致廣遠之
化者如是以余知照菴之化如是故序其贊頌之卷
如是

道林訓上人遊方序

士有受道之器者不可不爲大方遊遊足實所聞以致其道道成矣又足致美名厚位推己有以公乎衆此古今類然不則沒種鄉壘襲染庸下既無自以聞道能保不毀不喪其所有器哉以是知遊無負於士也然又有老於遊卒陷異學事口耳飾倨傲視其中闕然或多財以樹名附勢以苟位至危身搶攘反以貽鄉井笑者非遊咎也求道之志不確也以不確志激窮達之不平遂不急於道而急於名位而大方兩黜陟者既不能緩其所急又不能急其所不急故不容不謹時尙之獎獎豈今爲然古有之惟確乎志者知名位不足急而得其所急得其所急則不足急者隨之或道與時戾不幸而不達則又推己不達之達與古爲徒爲物作則其在名位之有無哉故士非器則已是其器必確其志庶有以驗夫遊之不吾負也華亭訓上人字道林器宏而材瞻其狀偉然足以致道致達者將有行植錫而未發若於余言有所疑乃盡言以告曰余覩今之在位者登明選公皆急於得士以嗣其道執肯以非道遇子顧子之所急者何如

耳

送才侍者歸華師序

吾氏爲出世之學必遠父母而從師受業焉師者曠之培之務材其或以爲繼述之託至恩深愛視父母無間然其徒或翩然去之歷參大方千萬里未嘗以爲遠少而出衰白而未歸未嘗以爲久視受業如旅邸視其師猶衆人雖老病且死不暇顧世俗觀之悖本絕義甚矣而其心以爲未始悖絕者蓋有志於別傳之道也使誠無愧乎道足以成已成物聯芳拂祖曰師曰親將被其益於無窮之世較里巷相守以養老奉襄爲報者不霄壤乎故爲之師者其意亦曰吾徒之在方外所從必名宿所友必端人所學所詣縱未足追躋先宗豈不足豐才茂德顯芳譽以爲故家之光否歟歲計之旦旦望之扶藹忍死庶幾見之或不幸不見而死而其望之者未肯俱死也然則爲之徒者苟不能以其師之心爲心徒碌碌羣居相習流下於道無足取者豈不相負也哉番易才侍者參方歲久將歸葬其師求余言余之師死且葬久

矣而米若才之能歸也故書所不忍言與不忍不言者以爲之贈

血書法華經序

法華者吾自心之法華也外自心以求法華無有也迦文一代時教若播百穀而獲在法華由其以佛知見開悟衆生歸於授記作佛而後已授記之說不同有本有跡跡則爲諸聲聞開權顯實本則爲諸大會開近而顯遠譬猶抹諸世界以爲微塵以塵爲劫以劫計其成佛已來之壽命至于後際而未窮其間說法授記者可勝計哉其遠雖若此然亦未離乎數量也究夫曰生曰佛曰悟曰迷曰近遠始終之數量其在吾之自心特一念隨緣所現之影響耳是故一念之橫山毫海墨不足以書其少分一念之歛針竅毛孔函之而有餘所謂非思量分別之所能解深固幽遠無人能到者其旨在此陋庸之士足以語此哉可庭詎藏主受業袁州盤龍山顯慶禪寺早挾策爲四方遊至順癸酉寺厄于火其師雲峰峙禪師奮力興復今又七年矣可庭寓吳門得受業書遂刺指血書

法華經凡七卷復於是經一字一拜助其師禱于佛速寺之完令法久住其用心亦勤矣經成擬奉以還持示余余稽顙稱贊且語之曰經不云乎若佛滅後聞是經典有能自書若教人書則爲已起僧坊作諸殿堂園林浴池經行窟窟一切樂具充滿其中又云衆生見劫盡大火所燒時我此土安隱天人常充滿由是觀之一毛之孔一縷之血一點一畫之布置可以展化權可以樹幢刹可以現諸佛之本光乃至寶所之歸輪王警珠之賜靈山一會之未散若天若人奉宮殿床座花香幡蓋以供養之悉在乎此子誠知此則吾自心法華之說亦當有以驗乎此矣

錢王銅塔詩卷序

奇貴惟古之物必見重於人然所重有不同或以娛玩或以先世之遺又或取以爲進脩之法觀其所重其賢否善惡可知也禾輿春野先生吳越錢氏之後有堂曰慈壽以奉其先世忠懿王所造銅塔而旦夕跪稽頌禱微福以壽其母母今年八十又四無恙大夫士爲詩若文網美之余爲序其由曰昔西城阿育

王嘗作寶塔八萬四千貯釋迦佛舍利散之四方使
天人龍鬼藉是以爲善其在東土者有五今四明常
寧之類是已故忠懿得以效之其高尺許而其形與
數皆知之散之宗黨僧舍今慈壽堂之類是已以阿
育之聖明能不寶其寶而以爲塔者蓋知推善及人
爲至寶也若忠懿之聚銅能鑿其爲盤爲柱爲駝爲
臺之非善而以爲塔是得阿育之心也至若春野克
重先世之道不憚娛玩之癖而又拳拳于善以感其
朋遊是又得忠懿之心者歟夫塔由舍利而作舍利
豈外物哉吾佛推廣其善以極乎大備之驗者也大
備之驗佛豈得而私之乃人人之所能爲而固有者
余願春野因塔以思舍利因舍利以思已固有進而
脩之擴而充之以驗夫大備之極斯又懿有之所未
至者也春野學瞻才敏爲君子儒旣不效儒之排佛
而且事之故敢貢進脩之說以終其序云

湛碧軒序

龍溪定光寺在豫章城南四十里余友悅希雲故業
也寺有池池上萬竹玉立其師古道太公即池爲軒

清甚希雲得奎章學士虞公大書湛碧以爲扁諸名
士亦想像而詠歌之將持以歸重會余於吳余語之
曰若知湛碧之說乎水止而澄曰湛水竹交映曰碧
碧不害其湛有而不有也湛不礙其碧不有而有也
或不幸風動波興涼汗雜入則湛碧逝矣吾心亦然
諸塵消落當念澈然者湛也具含一切法性如隨色
摩尼者碧也居是軒者啓窓憑闌因境會心則湛碧
在我而不在彼矣然必深造而安居之然後知在彼
有待而在我者無所待也誠無待矣則雖境風交扇
情波怒搖吾湛碧自若也充是以周流異域混入異
類無適而非湛碧也曩吾與子同參天目而最相知
所謂在我者時至焉而居之未安別又十七年疑湛
碧遠子曰遠今幸子知歸矣歸求而得之有以驗吾
言矣

千溪易名記後序

劍林慧公易其寺之名千步爲千溪余固得其易之
之說矣蓋寺之地廣步不啻千而以千步名不稱
實故以溪易之然則溪果千邪溪苟不干則實又不

稱其名矣夫不稱一也名不稱則易實不稱則不易安乎余又察其步溪無病而病在乎千步既鄙千之少溪復愧千之多必併千易之然後爲安也千之步不獲易於昔而待易於今溪之千不獲易於今則必待易於其後與其待後之易孰若盡善於公之手乎然易步以溪累公千萬言與玉堂諸公之鉅軸亦既勤且勞矣今復易千何余言之不憚煩也哉剛易千之義諸公未嘗言之獨余言之余言未足徵也公請決諸升陰降陽者云

五百尊者名號序

世尊初以三乘誘引衆生聲聞乘其一也聲聞見苦斷集脩道證滅有四果四向之殊而以出三界爲極證也雖曰出三界其實不離三界特以見思惑斷諸有結空不隨三界惑結受生故謂之出三界也三界雖出所證雖極然猶未知所以求佛道而度衆生授諸大乘政墮偏小故世尊復假彈斥使其回心至法華開權顯實有汝等所行是菩薩道以佛道聲令一切聞等語始得授記始契如來之本懷今夫所謂五

百尊者隱顯於石橋方廣者疑皆得記之儔也吳門雲隱菴清上人嘗覽勝于天台石橋復集五百名號爲卷于其菴以備誦禮求叙其由於卷端余忝習禪於教莫之者向祖爲小大之辨者意令學佛之流直趣上乘毋循偏小之轍耳然世尊初則誘引次而彈斥終乃開顯其化之序若此今余作是說者於世尊反耶合耶機應隨宜行者自擇

送德藏主序

人莫不知學而莫知所以求道學不至乎道非學也有世間之道有出世之道出世之道又有小有大有淺有深有權有實苟不至乎究竟之極非吾所謂道也故學者不患不詣其極患其志之不逮耳志逮矣又患不得其所師得師矣或未至所詣而中道相失則必轉而他求他求而未至則又轉轉而他求焉是以古之人無常師無定方不至乎道不已今夫困一隅而局於一師之所得者可謂求道哉清江靈峰寺德藏主溫恪粹美有大志早從孤雲高公通內外學輩類推服秦定甲子余自集雲將復歸天目過清江

別孤雲而始識之孤雲卒德東遊侍竺田翁於澹湖翁未幾遷冷泉亦卒德遂謁金陵諸大老而司藏於鍾山所從所得日益不少矣伯生學士虞公嘗見而奇之昔孤雲字之曰吾心虞公謂吾心似犯竺田諱乃大書道林以易之今年秋入浙訪余松江萬竹間考始識至今十有四年矣扣其學則非昔人矣而猶戚戚以憂其所未至訴師友之乖喪痛蔡社之搖落詢所往所至於余余曰子可謂善求道矣今子字道林以道爲林何往而非蔡社以林喻道何道不備於子矣子返而求之有餘師

首楞嚴經會解序

首楞嚴經者諸佛之慧命衆生之達道教網之宏綱禪門之要關也世尊成道以來五時設化無非爲一大事因緣求其總攝化機直指心體發宣真勝義性簡定真實圓通使人轉物同如來彈指超無學者無尚楞嚴矣釋其名則一切事究竟堅固即所謂徹法底源無動無壞而如來密因菩薩萬行靡不資始乎此而歸極乎此耳考其所詮則談圓理以明眞性開

圓行以示眞脩其性也體用雙彰其修也果因一契原始要終了義之說也良由諸修行人背眞向妄不成無上菩提或愛念小乘得少爲足或欲漏不除蓄聞或過故阿難以多聞邪染爲緣浚發大教而世尊首告之曰一切衆生生死相續皆由不知常住眞心性淨明體用諸妄想此想不眞故有輪轉又曰有三摩提名大佛頂首楞嚴王具足萬行十方如來一門超出妙莊嚴路斯一經理行之大本也歟由是破七處攀緣別二種根本因見顯心因心顯見雖心見互顯而正顯在心如以盲人矚暗喻見非眼屈指飛光驗見不動印觀河之非變比垂手之無遺辨於八還擇於諸物非舒無縮無是無非使悟淨圓眞心妄爲色空及聞見耳既悟妄爲尙疑混濫故又破自然因緣示見見之非見合別業同分指見妄之所生且以一人例多人以一國例諸國總顯器界根身同一妄耳自淺而深自狹而廣雖多方顯妄而所顯惟眞則又舉陰入處界廣及七大融會入於如來藏性使悟物我同根是非一體妄無自性全體卽是凡十界依

正之相皆循業發現而已既悟即真尙迷循發故又答山河大地之難深窮生起之由譬虛空不拒諸相發揮顯真妙覺明圓照法界一多互應小大相容即體即用非俗非真至於離即離非是即非即則藏心妙性不涉名言矣復引照鏡狂走喻妄無因結責多聞勸脩無漏通而言之皆圓理也理解雖圓非行莫證故又明二決定義初審因地發心伏斷無明爲脩行之要次審煩惱根本意擇圓根爲發行之由於是定六根優劣令一門深入擊鐘驗常緝巾示結陳二十五聖所證法門勸選耳根爲初心方便而又教以攝心軌則安立道場遂聞四重律儀頂光神呪通而言之皆圓行也乃至由三增進成就五十五位眞菩提路雖談證位未盡行因下而戒業習於七趣情想防禪定於五陰魔邪無非行門之事必期於圓滿菩提歸無所得始得名爲究竟堅固之證也然則究竟堅固之理立究竟堅固之行脩究竟堅固之行證究竟堅固之理楞嚴教旨大抵如是是知教行理三悉號楞嚴了義之說莫此加矣科經者合理行爲正

宗雖正宗爲五分一見道二脩道三證果四結經五助道謂見道而後脩道脩道而後證果此常途之序固爾究論上根脩證如發明藏性之後謂不歷僧祇獲法身證入華屋之前謂疑惑銷除心悟實相之頓又豈局於常哉大哉教乎夫欲發眞歸元明心見性者於此宜盡心焉然是經無教不收無機不攝或言偏意圓或名同體異味劣之士有所不達弘經者思所以達之從而爲之解自唐而宋解者凡十餘家始余見長水瑋師孤山圓師溫陵環師之說又閱吳興岳師之集併得資中沈眞際節樞李敏輿福懋諸師之意無不大同惟所見或各從一長乃不能不小異致使行者泣岐莫辨良導則不達之患不在彼而在乎此矣今余曾諸家要解以通大途異不公乎衆者節之異而互通者互存之互爲激揚者審其的據而取之間有隱略乖隔處則又附己意目爲補註若合殊流同歸于海故謂之會解噫道本無言非言不顯佛不得已而言矣言有不達道無以明則諸師之言亦不容其自己也言既多而不同去道轉遠則會解

者又豈容其自己哉解既會矣庶幾覽者因會解以知人之言因人言以知佛之言佛言知矣究竟堅固者得矣曰行曰理曰教曰禪曰達道曰慧命皆刺語矣況所謂解與會哉時至正二年壬午佛成道日述於姑蘇城中之師子林

說

石菴說

松陵砥知客以石菴號徵余說余恠而問之大隨木菴荆木爲菴也石頭草菴結草爲菴也子之石菴何謂耶坐列頭石如生公之講臺耶疊萬石爲環堵如石樓石堂石軒之類耶就石山而鑿開之爲棟爲宇爲柱爲壁爲戶爲牖爲床座器物皆石耶愛其堅頑非若草木之易壞耶然則攻堅鑿頑其成不難於草木耶不然則神力運爲若飲光入定之石室耶又不然則天造地設若空生宴坐之巖屋耶砥咲而答曰石菴豈若是哉吾習華嚴教觀今吾石菴法界之異稱也菴而石理法界也石而菴事法界也石卽菴菴卽石理事無礙法界也隨所有物無一物而非石菴

事事無礙法界也法界之言既彰則總別異同成壞之義存焉達是義者指一塵一沙爲石菴非袂也十方虛空爲石菴非廣也離羣而索居非一也三世如來無邊開士下至仙人鬼畜林林然其間非多也其一多相融質狹自在既非造作神力之所能致又非飲光空生之所能知石頭大隨可同年而語哉余聞而驚且喜遂筆是對以爲石菴說焉

誠菴說

誠也者信之極也信而至於誠則大本有所立而道可成矣誠之極爲至真爲至純爲至常也真之至故無妄純之至故無雜常之至故不息無妄者誠之存乎理體也無雜者誠之形乎事相也不息者誠之應乎妙用也以其理體之誠故大而天地細而塵毛罔不由之而建立以其事相之誠故虛空法界萬象森羅交互而不礙以其妙用之誠故幻化往來始終生滅變現而無窮於是吾佛世尊體是誠而成等正覺十方菩薩推是誠於六度萬行其世間法曰脩齊平治亦以意誠爲大本也至是而誠之爲義也博矣今

以誠爲菴則微塵刹海曰聖曰凡同一門而出處也以菴爲誠則舉土誅茅運薪汲水豎拳豎指之類皆自性天真之道用也然則誠菴之稱亦豈易得者哉信上人其勉語

雲海說

余嘗從幻住翁徙倚于獅巖之立玉亭是時也夏氣清和朝陽如月俯視臥雲一碧如海遠近數峰出雲上如落帽如浮履如虛舟縱施于銀濤之間相與歎曰異哉雲海也未幾卷地以起若萬騎長驅復變而爲奇峰爲玉樹爲遊龍舞鳳又未幾欲覓絲毫不可得矣有客移進而言曰今吾觀雲海之幻始知萬物之多天地之廣皆一雲海耳翁曰子知幻之爲幻而未知非幻之幻知非幻之幻而未知所以爲非幻者且聚而爲海者雲也變而爲多物者亦雲也其所以爲雲者何物邪客罔對退而賦雲海一章余嘗永歌而和之極一時領悟之勝也嗟乎時異事殊翁往矣余與客亦四方矣知余心之所感者幾何人矣高昌沙門有字雲海者解后吳臺求一言以訂其字因惻

然引聲以告之曰嵯峨萬仞兮西峯金毛一躑岩穴空天荒地老影迹絕于崖萬壑悲秋風向來謾走東西覓芒鞋踏斷無消息歲晏江空道路寒孤兔縱橫滿荆棘誰能爲我重登萬仞之嵯峨松根共掃苔花石煨芋爐兮霜葉之烟沸凡鐘兮雪眼之泉招海雲於四野誦雲海之陳篇海爲雲兮退藏于我室雲爲海兮遍覆乎山川道人晴雨總不管坐看雲海變化而升遷佛法爛却不怕三千年

斷崖說

裂破虛空之謂斷壁立萬仞之謂崖飛鳥不敢度歸雲不能栖觀者駭目聞者酸心此則巨靈擡手擘太華俱胝一喝開石巖之類是也一念不起之謂斷卓爾獨存之謂崖掃除見解直示根源通一線如陷虎機截羣疑若吹毛劍毫厘有差天地懸隔此則臨濟德山棒喝之機是也絕學無爲之謂斷躋攀無路之謂崖拶破死關透縵天網如師子子自解翻身不施棒喝機緣不墮語言塗轍使德山臨濟湊泊無由巨靈俱胝瞻望不及此又天目斷崖翁之妙用是也翁

嘗舉斷崖之義以難余余將推是義以解之言至是發遽起而却曰謗我也罵我也請止而勿言遂止

清隱說

昔者有客過余而言曰塵汗之膠膠人境之擾擾何時已耶僕將遠累染跡交游以求清隱之歸可乎因問之何謂清隱曰孤峯獨宿茅舍深居一棹烟波萬松雲屋非古人之清隱乎余曰噫子泥其迹耳余所聞者異乎是請試論之有真空之清隱有幻有之情隱有絕待之清隱真空者不與諸塵作對不與萬法爲侶眞如淨境界一泯未嘗存也幻有者譬諸鏡像水月像之在鏡外累不足以干之清也即鏡求像像不可取隱也水月亦然斯二者雖無所著然猶有所待也絕待者空而不空不空而有而不有不有而有清隱在其中矣子如知此則同流合汙未嘗非清也儼臨萬衆未嘗非隱也是之清隱尚不泥乎空有況其跡乎客曰旨哉清隱吾聞命矣謝而退今海鹽志禪人以清隱需余文余絕意文字久矣因舉昔之語客者語之

高泉說

余與訓道林游冷泉道經玉泉觀魚山雨忽至遂入靈峯寺寺僧彌上人字高泉留坐嚙雲深處引紙索高泉說因與議曰泉之在山者爲奇在山而高出者尤奇高出而能流通足以惠世澤物者爲全奇然在山之泉固多而求其全奇者常少冷泉玉泉非不奇也不幸而不高入西湖以載歌舞瀦方池以泳鱗鬣斯豈足以盡其用哉谷簾之在匡廬非不高矣而陸子謂其宜茶釀泉之出琅琊非不高矣而歐陽公謂其宜酒飛流直下三千尺李謫仙狀高泉之形勢也溪澗豈能留得住唐先德指高泉之趣向也此二者一投于江一達于海皆未足以全其奇也吾氏法華有謂鑿原求水者則又託高泉以喻求道之方而非實有其泉也今子高泉於是數者奚取焉彌曰乃所願則在鑿原也於是道林欣然語余全奇在是矣請書以遺之

絕聽說

吾里人聞書記以絕聽爲別稱庚辰秋會于徑山請

爲著語余曰此方眞教體清淨在音聞聽也其可絕
乎衆生迷本聞循聲故流轉聽也其可不絕乎蓋聖
人以音顯理俾聞者思而脩之徒音聞而不務思脩
則迷本循聲其過非小是有絕聽之義焉絕聽之義
有淺有深其淺在脩其深在性脩有功用而性無功
用也若夫旋聞脫聲忘言入理一根返源六用休復
斯則絕聽在脩非若丹霞掩耳於戒百丈被喝而羣
之絕聽也根塵斷銷空覺圓淨刹利塵塵皆吾妙性
而塵說刹說無一聲不由性動無能聽者無所聽者
斯則吾性本然自絕之聽豈若跌牛不怕獅吼石女
不受雷驚之無情絕聽哉雖然余又聞之昔大樹緊
那羅王絃歌一奏震撼大千須彌爲之涌沒然則無
情亦能聽邪無情能聽其將何自而絕邪此非余敢
僭言須當人自著一語

英山說

山類人其氣質容表萬異或性或奇或嵌乖凹凸擁
腫瘠削各隨所稟而然耳以容表言之草木不生者
曰童山生而無穢者曰荒山有佳木異卉暢茂而泉

幽石奇者曰秀曰華華而秀世或稱爲英山也英之
稟乎天者其質必深厚其氣必豐盈然後有以致之
也山固類人而亦有所不能類者人有脩學之力存
養之功充道德於其內則見乎外者眸面盎背而又
文章刑義日益著顯是能自致其英者也苟不思自
致而日戕其所稟則曰荒曰童者至焉是皆人而天
也豈山之事哉宜與秀上人聞是說乃再拜請曰愚
號英山是有訓焉幸惠愚以自儆敢爲之書

無念說

雲居思菴主以無念字義質於余余謂無念有三怒
雷震地山嶽驚泥牛之耳不掩白刃揮空鬼神泣木
馬之睛不搖此頑冥之無念也萬仞崖頭撒手銅沙
灘裏盛油把定要津風高水急掃除行迹路絕門懸
此坐斷攀緣之無念也一心不生萬法俱息前後際
斷生死情忘此心空之無念也如是三者子將何所
居思曰不然吾一念之間具含法界非心空也萬有
交參羣機並起非坐斷也木馬舞三臺泥牛闌入海
非頑冥也如月影之落江海淺深一無所擇如蓮花

之出水泥垢淨二俱不著寂而常照作而不爲以是爲無念可乎余乃豎拳示之復展手示之思罔措一咲而去

春谷說

道之在人猶春之在谷也然世有議鄙行次律寒谷回春者或曰人心之所惑或曰天時之偶然惟天與人莫之辨又議寸土含春性則曰谷吾體也春吾用也又議陽氣發來無硬地則曰春爲體也谷爲用也惟體與用亦莫之辨余嘗有偈云有脚陽和而地行空山習習暖風生不知裏許誰能聽呼一聲來應一聲議者又曰此一多相即小大相容之春谷也如是春谷在一沙一石一草一木則草木沙石皆一春谷也充而至一國則一國春谷也偏而至於微塵刹土則微塵刹土爲一春谷也其相即相容之義愈莫能辨也武林和維那字春谷余爲之泛舉若此和其辨之

文江說

廬陵東下水曰文江深廣而寬平行四十里不屈

折其上流則章貢二水出十八灘與永新太和諸州水會悍怒鬪激勢不可禦主是而始解瀾波游揚不疾不徐有自得之貌夫是之謂文江也父老相傳古之相地者識曰文江深秀必世有道德之師忠良之士出焉余嘗考自唐而宋禪林宗匠有青原思士有歐陽文忠公宋末則有文文山數百年間如是而已何深秀之識不多驗耶然道德忠良之性根於人其誰不有異僧偉士亦何代而不生向之所云特舉其傑出而名世者耳湖之道場山郁藏主與余同生廬陵而自號文江當蔡社搖落之秋異鄉解后因復舉文江之識以相屬云

東洲說

中吳有號東洲者海上人也余嘗詰之曰環須彌山有四大洲其東曰勝身南曰瞻部而瞻部一洲西東廣二十八萬里計其間隔越而爲小洲者不知其凡幾也故洲之在東而國名震旦者是又南洲之東洲也今汝居是而以是爲號乎曰否乃復詰曰積水之謂海海中可居之謂洲當壽山浪屋瀾漫洶湧之際

而能使齊者得其所託居者得其所安則洲之於海
爲惠多矣以人心險之其境風濤浪交而爾鼓而春
撞激射之情漂蕩淪溺之勢險迫憂苦甚可具狀必
有善齊者濟之使得其所然後憂者以寧苦者以樂
險艱困迫之患無自而至矣今吾佛吾祖之教自西
而東即其所安以濟之其爲惠也不既多乎然則汝
之名非積水之海也自心之海也汝之號非撈身囊
日之東洲也自心之東洲也汝之志必將思以自濟
然後思以濟人以此之義而號東洲乎海曰唯余嘉
其志故錄是說以贈之令勿忘其所唯者焉

記

吳郡慧慶禪寺記

姑蘇城西五里許松林柳徑暎帶如畫百重閣寶殿
飛出林杪與西山爭高者慧慶禪寺也寺視他剎雖
不古而化聲藉藉縉白歸之如市者普菴禪師之化
也初普菴振化於袁之南泉山道場之盛甲天下沒
世雖久揚揚有靈凡官民旱潦病橫與夫拘忌營構
之事咸禱之厥應如響

皇元加禮大德慧慶禪師歲時香幣與民施交委食
無寸壤所定常數千人江湖淮漢之間其化殆遍獨
未至於吳其至有待於時邪亦必待人而後行邪延
祐甲寅春南康無瑕沙門宗忍訪道至吳門誦寒山
夜鐘江風漁火之句惻然有感于中乃謀結菴以延
游錫旦以奉禪師郡人金國寶首率財營地相其成
戶履日滿日持鉢以餉之閭閻驛道濱長河民苦泥
塗忍棄衆以鑿之橋之圯者新之凡利人之事靡不
爲爲必激發於普菴江艘海舶有獲冥應而脫風濤
者至則拜普菴爲更生由是施者翕然遂建無量壽
閣以祠佛及五百尊者像閣後爲普光明殿普菴之
像居焉殿後爲大莊嚴閣像盧舍那佛及五十三參
敬其下爲演法之堂繕治万殷而忍告寂實至順庚
午七月一日也其徒法智繼其志夙夜靡懈規制日
益增廣元統二年奉

帝師法旨賜以今額衆以寺未具體成願輸力於是
此丘法旛營三門達信營觀音殿蜀人楊善卿作外
門疊石岸河以接通衢松江府判官澤之曹公作輪

藏之殿宣讓王施銀鈔五千緡助建栖僧之堂從而
鐘之樓香積之厨旃檀林車堂行堂兩廡方丈皆
以衆力次第成復創塔院於寺南之蓮華峰榜曰歸
眞中爲三塔同室異龕僧俗皆得以藏焉寺之體至
是具矣智請於余曰先師遺誠在延接凡百仰于施
甲乙度徒而繼席者從衆所推不以其次進法智非
才不足以繼幸而有成普菴之賜也懼來者昧其本
願爲我記之余謂世尊以正法眼藏涅槃妙心付摩
訶迦葉凡廿八傳至達磨又十傳至臨濟臨濟十三
傳爲普菴普菴以臨濟峻機大用陶鍊學徒不歷階
梯深達佛祖堂奧此其化之大本者也彼災救患
應禱於有爲功用者餘事也今慧慶有其居矣有其
衆矣當務大本以率以訓使人人發眞歸元同悟普
菴之自性然後隨方建化各顯自性之普菴上以壽
聖躬下以福黎庶則異時宗嗣之昌法幢之固化聲
之大豈如是而已哉

善惠菴施茶田記

吾佛之致滿足菩提者以其不捨一法以其無一法

非濟人之行也故凡學佛之徒見一行足以濟人必
勇爲之然行有鉅細濟人有緩急架舟梁樹宮刹捨
頭目髓腦其行固大矣有以一勺之湯一啖之茶活
人於道路者功或倍之是蓋濟其急也吳郡閭關西
潁河爲路負者戴者轡者轆者奔蟻縱橫於臂交趾
接之衝每歲夏秋暑酷行塵燄飛河波沸騰焦渴瘡
痛枕藉而渴死者有之至大戊申善惠菴沙門慧持
請于有力者作亭菴外鑿井其下歲募茗藥及是時
汲清美香手給其施由是德其惠者不可勝紀延祐
間持沒善達繼焉迄今二十年矣忽語人曰吾鉢求
黍乞勞不敢恤嗣吾來者或憚其煩而廢之將若何
於是有感其言者欣然相率施以田若干且議曰田
籍于菴米別貯毋公私互蓋歲會其餘積以備旱潦
如是則用有恒產雖通千載無足慮屬余又記諸余
曰噫自濟易濟人難濟人者推己之餘易求諸人難
求人以濟人者暫易持久難今夫以茶湯濟人雖一
至微事然平生扣謁瑣屑志不少衰既能守鮮終之
戒又擊擊爲悠久謀苟非眞學佛知見其肯以無厭

之勞不報之施累其身復累其後於無窮世乎後之覽者知濟人之行不可不爲知滿覺之道一法不可捨必有感於此而奮發於此故不辭爲之記

普應國師舍利塔記

至治癸亥秋先師中峰和尚寂于西天目山之師子巖弟子建塔于巖之西奉全身葬焉天曆二年奎章閣學士虞集奉勅爲塔銘名其塔曰法雲元統甲戌今上皇帝賜號普應國師并賜語錄入藏勅藝文監丞揭傒斯爲之序其道行機辯宗法授受出處建化之跡累朝錫寶之重槩見于銘與序矣是年之冬杭州七寶山雲居禪菴別爲塔一咸用藏遺髮舍利即塔爲祠嚴肖像以供事之住菴沙門指月謀記其由於石謁余曰初國師不願處俗父母患之鄰有故宋宮人楊氏妙錫奉老子之教爲女冠職師非凡器乃喻其父母令出家及祝髮又助僧牒衣具而求其所祝之髮少許貯以香函供之淨室越數年有舍利生於髮久而益多積至五十餘顆五色晶瑩觀者駭異楊自是易所學以學佛既老遂以舍利

靈雲鎮牛和尚行業記

託雲居蓋有意焉且雲居之創也叨國師化力未有以報願因楊氏之遺以紀靈瑞以告夫菴之子孫云余謂國師紹臨濟垂絕之宗大唱其道普應羣機薄海內外風馳霆震自吾徒以及異教上而王公士夫下而街童寵婦均佩其化相率躋于聖賢之域其應之普之大若此若楊氏以信慕之機而獲舍利斯特冥應之一小驗耳烏足記哉規月之意將使來者觀小驗以發其大機是又不容其不記也

靈雲鎮牛和尚行業記

師諱持定號鎮牛生於吉安之太和州礪溪王氏故宋尚書戶部侍郎鄭贊九世孫也自幼絕羣茹荼苦剛立有塵外志而世緣奪之咸淳庚午時年三十有一謁永新西峯寺肯菴勤禪師剪髮聞別傳之旨情累釋然尋依仰山雪巖和尚居槽廠服杜多行嚴示衆有云兄弟家做工夫若也七日夜一念無間眼不交眨無箇入處所取老僧頭做俗屎杓師默有所領勵精奮發嚴令爲衆持淨衆患痢委身事之未幾師亦有疾疾革醫謂不可乃取一觸桶就屏處危坐其上

藥粥漿飲一皆禁絕。單持正念，目不交睫者。七日。第七日夜將半，忽覺山河大地草木叢林徧界如雪。天明月下堂堂一身乾坤包不得。久之如聞擊木聲。驚醒徧體汗流。其疾亦愈。踴躍自慶不已。實癸酉年六月廿四日也。且詣方丈。舉似叢叢。公案詰之。酬答無帶。復示偈曰：昭昭靈靈是什麼。記得眼來已蹉過。則邊等子。放光明直下。元來只是我。至元戊寅命爲僧。付衣偈曰：無相泥田衣。我今付與女。悟明心地後。如龍吐甘雨。自是隨大僧。歸堂脇不沾席者。又六年。一日聞上堂。舉亡僧死了。燒了。向甚麼處去。自代云：山河及大地。全露法王身。言下延僧擲鉢。身如踴高丈許。衆退。即詣方丈曰：適來和尚擲鉢。般若驚得法堂前石。師子咲。舞不已。叢云：試道看。師云：劫外春回萬物枯。山河大地一羣無法身。超出如何。舉咲。劍西天碧眼胡。嚴嚴面前卓子云：山河大地一塵無。這箇是什麼。師作揪倒勢。叢咲曰：一彩兩賽。及入室。問曰：親切處。道將一句來。師云：不道。叢云：爲什麼。不道。師拈起手中香合子云：這箇得來不直半文錢。叢云：多

口漢巡堂次師以緒被裹身而睡。嚴召至。方丈厲聲曰：我巡堂汝打睡。若道得。即放過。汝若道不得。趨汝下山。師隨口答云：鎮牛無力。懶耕田。帶索和犁就雪眠。大地白銀。都蓋覆。德山無處下金鞭。叢曰：好箇鎮牛也。因以爲號。一時行輩靡不推服。至元廿五年戊子。游方至衡陽之鄰縣。過桃源山。愛其幽深。乃有栖。遂意。山舊有寨。頭悍之徒。負其險而聚保之。及遭兵變。遣該就藉蛇虎鬼魅。縱橫出沒。往往爲民害。行者。稟稟畏避。師束甫爲廬。與二三禪徒居之。兩霧晦冥之夕。鬼獸圍繞。繞呼。師舉迷悟因緣。說之。授以戒法。羣徒遂息。鄰人素昧禪學。聞者驚異。縣達魯花赤伯顏公。縣尹陳公。首相率入山拜跪問道。從而賣豪暴慢之士。皆屈膝執弟子禮。四方禪笠踵至。廬無以容。桂芳尹公。施地廣其基。德祥段公。父子倡衆以建寺。捨田以飯僧。寺成。榜曰：靈雲衆。益至。師者鼓伐鐘升堂入室。大唱雪叢之道。其說法也不尚奇峻。務直截提警而已。其行百丈禪規也不及浮繁。懼廢學者之工程。耳其勳衆也不事虛語。以身率之。勇於進而悟

機將發者必晝夜陪坐以守待之及乎勘辨印可則
痛捧熱喝無少假借其真切爲人也如此貧者助其
浣綬病者手餉羹藥雖庸夫愚婦必隨機導誘各遂
其所求作屋寺西曰西菴後爲普濟塔拾林野遺骸
聚藏焉鄉鄰死無所歸者皆得以歸之其弘慈利物
又如此大德壬寅冬手書長偈示衆其末曰塵世非
久日銷月磨桃源一脈三十年後流出一枝無孔笛
吹起太平歌明年春將示寂待僧求別衆語師曰吾
別衆久矣恬然坐逝遺命火葬衆弗忍函全身於陶
具迎奉于西菴越三年啓視坐如生爪髮俱長秦定
甲子塔于寺北三十里曰沙潭師生於嘉熙四年庚
子八月十一日寂於大德七年癸卯正月十五日壽
六十有四僧臘二十有六度徒弟正悟等八十餘人
嗣法匡徒者洪之般若世誠瑞之南山志清潭之皇
慶克紹白鹿思念韶之南華智規江陵之資壽福越
也師與陡崖戒公魯山慧公生同里剪髮剃髮同師
同得法爲法昆季陡崖開山於永新之六字峰距靈
雲二百里化風交扇衲子奔趨往還時號二甘露門

也師歿迄今已三十六年其徒智逕走江浙將求當
世名公銘其塔會余華亭示語錄一卷及出處顛末
命述其行余謝且遜曰陡崖和尚吾受業祖也師吾
叔祖也尊卑之分懸殊何敢聞命逕公曰先世行業
子孫顯揚之禮也不可辭於是焚香頓首受而述之
如前三

銘

上天竺寺如菴法師塔銘

錢唐上天竺寺爲天台教宗凡其宗之講學規制與
夫稟法爲大名德師表者悉繇之而出有事於會同
迎謁則位在禪律諸宗之上又有觀音大士揚靈以
振其化是爲江南第一勝道場非道德才智之師不
稱其位近代若如菴法師者厥惟稱哉如菴華亭人
受業化城永壽寺今化城住山景福其高弟也遣其
孫師訓來曰先師處方外五十餘年四會說法至于
上竺乃復歸受業而終顧尙有意於其子孫邠襄奉
粗畢惟塔未銘幸賜一言以銘之余閱其狀師名淨
眞字如菴族沈氏母朱夢明月從海而升墮于懷覺

而有娠生而瑞光滿室誠者奇之曰此兒非凡器夢月升海者海月師師之再來耶九歲依化戒明靜法師志公出家授以法華經耳成誦十六篇僧受具博究諸乘宿慧頓發毅然以性學自許首謁雲夢法師澤公於黃陂及遷延慶遷演福皆從之典賓綱衆服勞既久惟心法未盡底蘊時無極法師度公化聲大振遂造其室朝夕咨扣盡其學衆咸望謂大教之託在是矣雲夢卒師塘權公繼其席權師爲第二座大德間出主海鹽德藏說法爲度公嗣時寺幾廢師奮力扶樹衆之散者聚田之奪者歸仍刻已諸書法華期微事迄于今翕然至治改元遷華亭起承復捐長資募構萬佛閣泰定乙丑行省丞相脫離公兼視宣政院事畢住下天竺上章以營構未備辭而疏幣交至強其行詣大方麟鳳爭願出席下居七年講貫不倦得旨決者衆矣寺之門舊臨開湖之南逼於臺巖下之遷迂且小師命關之高其門大書佛國山以揭之至順辛未上竺湛堂澄公以老乞閑舉師爲代官命率諸山迎居之先是師以疾晝寢夢白衣大士

持金瓶水灌其口曰汝勿憂非久當愈因扣以未來休咎復云汝却後二年當避喧於大樹之下夢覺疾果愈竊自疑避喧樹下非入滅之識乎暨至上竺見寢堂西偏有大樹堂有扁曰靜處始悟前夢由是大開法會去來會學常數千人帝師聞而嘉之賜以金紋之衣佛心弘辯之號平章同同憲使鄧公諸達官皆折節從之游時謂辯才法師後未之多見也師臨衆簡嚴不妄言疾每夙興默課法華暑寒不輟輪帖彌應運嘗若不經意人得片紙半楮輒秘之癸酉冬預知時至不以諭衆命扁舟亟歸受業未幾示微疾留偈而逝十月二十二日也閣維得舍利五色舌根頂骨不壞越二年乙亥十月某日奉遺詔於祖藏之側而塔焉世壽七十有二僧臘五十有六嗣法若干人徒弟若干人乃爲之銘曰天台鉅宗天竺盛集匪伊人兮孰造其極異哉如菴應化歸測海月辯才誰今誰昔號號法雷果果慧日何燭非幽何啓非蟄歸藏故丘是訓是式子孫繼之有永無數

兩岸中流

浦東西林海會寺鐘銘

五金入爐金性融體成大器流注空脫略模範超神功鑿之百尺凌蒼穹雲林之西雲浦東朝陽夜月天曠麗華鯨怒吼奔象龍聲撼教海喧譁襄醉夢者醒積者聰酸楚是停塞者通聖賢海會吾道隆施福山積民物豐八荒萬歲歌堯風

聽松樓銘

受業觀山寺有樓曰聽松吾系中和請銘爲之銘曰曾樓在山情竊在松玄洲夜瑟華岳秋鍾客有善聽燕坐其中善聽維何匪羣匪聰聲性本寂起滅無從一根既拔六用俱空空有不二心法互融如是聽者入妙圓通

龍濟禪寺友雲禪師塔銘

臨濟正脉自楊岐至圓悟大慧而愈昌既而大慧諸子橫翔捷出其最超絕者曰佛照佛照諸子最顯者曰妙峯凡一門數世雄據大方化聲交振而四海雷奔盛矣哉當是時獨友雲整禪師密領妙峰之言退

而韜晦于荒寂之濱刻苦以厲行乃若追復大梅懶瓚之遺風者何邪或者議曰夫名位化權之顯赫由時緣際會之偶然不可強也然亦有所本焉道德本也化權末也惟友雲思後之來者務齊其末而不揣其本於是去華就實躬行以範之故其所尚也高古其自律自奉也謹嚴而簡淡其垂示機語也不險不峻而痛切肺腑凡所以抑揚化法激寤來學使厚其本者切莫大乎此矣余少時聞是言輒知慕敬及長拜禪師遺像于螺山求其言之詳而莫之考中抱缺如閱今四十年矣螺山宇郁藏主師之孫也慨禪師之塔未有銘訪余吳門師子林求爲文以銘之遂欣然讀其狀師諱宗整友雲其自號也俗廬發王氏宋嘉定戊辰八月三十日生自幼喜學禪坐世網不能羈年十二從寶壽院海室涼公出家授以經誦如素習十九薙髮受具二十二參方夏坐青原山冬上表之集雲又二年由廬阜而淮而浙聞妙峰和尚闡化靈隱往依之峰峻拒以驗其志久乃得參堂勇憤自誓越三白如一日端平乙未佛涅槃日妙峰上堂

姑丈云釋迦老子來也諸人還見麼微妙淨法身
具相三十二散下主丈云你諸人不會入涅槃去也
師於言下豁然有所契悟矣後辭以歸峰識其意乃
囑曰梁山裏結箇茅菴去淳祐癸卯登吉水之東山
佛頂峰門蘿披榛得脩山主古寺基掃虎狼狐兔之
跡以居焉木食澗飲夙夜危坐或雪寒無宿火啖昌
歎數寸度曰嘗口占以自遣云山僧有分住烟蘿無
米無錢莫管他水以琉璃山似玉眼前盡有許來多
繼是稍疏泉壑荒爲田以自給春水樵汲皆躬爲之
久則爲法而問學者至焉頂慢闡提之服其化者至
焉輸財輸粟爲僧而堂爲佛而殿者至焉日闢曰葺
不數年轟然一藝席矣因襲舊名榜之曰龍濟清涼
禪寺云石屏廬和尚自浙歸妙峰寄法衣竹笠并其
肖像以付師峰自題其像曰妙峰孤頂草鞋離橫按
竹笠三尺鎖只許佛頂龍濟知父子不傳真秘訣其
付授之的是矣師嘗書門以示來參曰除却眼耳
鼻舌身意那箇是你自己若也追得許你親見龍濟
來其或未然且居門外雪巖和尚見而問曰曾接得

幾人師曰山僧從來不會按牛頭喫草有因歲暮而
問曰臘月三十日到來時如何師曰門前無索債人
其語似平易而意已切至人有醉心浮華習爲狂妄
或穿鑿機緣謬稱證悟者一見則魂消意解蓋師之
冷澀實確足以感人者率如此也郡東螺湖橋廢師
因父老之懇募架石以易之仍結菴以待雲水螺山
道場是也忽示疾復歸佛頂縹白隨之者數百人既
集衆囑後事復彈指一聲云只此是別衆語也侍僧
請留頃不答至夜漏將二鼓遽索筆書云一燈在望
更無言說大地平沉虛空迸裂遂泊然而寂時至元
丁亥七月二十七日也住世八十歲僧夏六十有一
度徒繼武等若干人以八月一日塔全身于峰之顛
云余於是從容語都曰末法精進幢天下思見久矣
惜余不能文姑述其槩而繫之以詞以俟夫後之作
者焉詞曰

濟北之道痛快活脫大用現前機先一喝子孫嗣之
化有隆汗惟其道用隱顯不殊伊昔妙喜象龍濟濟
一傳再傳妙峰崛起迨茲友雲雅趣高深大梅懶瓚

千載同心末習競逐波頭闌到不有斯人孰識古道
佛頂叢叢遺蹤絕攀巖然一塔下瞰群山金剛眼睛
如鏡照像啓之者誰一燈在望勒銘螺岡用顯其光
妙峰一咏吾將見其復昌

師子林天和尙語錄卷之六

師子林天和尙語錄卷之七

小誦 姜遇 編

跋

跋護法論

果曰竄乎中天通天下等受其照惟翳膜在眼者不
及見既不見故生疑既生疑故謗且謗矣明眼者笑
而憐之憐其自謗自毀於日何加損焉世之人迷妄
覆心未由醒悟反致疑謗於佛法者蓋類此也昔無
盡相國張公作是書今漢陽耕野劉居士復刊以傳
謂之護法論所謂護法者非護佛法也護世人疑謗
之心也所謂論者非論也滅翳之神藥剝膜之金鍼

也能服膺是說者雖生盲亦當瞭然

跋梵行品

身無所取法無所住梵行其可得耶一切佛法疾得
現前梵行果不可得耶了知境界如幻如夢梵行果
有耶知一切法卽心自性梵行果無耶當時法慧菩
薩遭正念一問擬轉鼻梁正念天子被法慈一答塞
斷喉吻二三十年與奪未決邇者華亭祚上人求吾
友良毒海書梵行一品而誦之倘能向未展卷前揭
開頂門正眼照破得失有無非但成就慧身不由他
悟亦且使古人鼻裏喚裏各各出一口氣

跋寶上人送行詩軸

雖文字之學一變而爲語言再變而爲音韻又變而
至於詩極矣蜀中寶上人南詢將歸詩以贐者凡三
十五人或大軸應蜀至浙萬里出而求者此歟得而
歸者此耶雖然余又聞圓悟見東山時聞擊小艷詩
半絕有省以半絕較是軸何啻百倍然則寶所聞過
於圓悟者遠矣又豈容槩作詩會

跋 嚴和尚主丈歌

曾大父嚴翁和尚居大仰時嘗將主丈子鞭龍建象
又嘗爲主丈子作歌紀其功烈沒後三十年松雪居士
見而書之今遠山首座得而傳之歌則任書任傳
主丈子却是吾家舊物不許諸人動著

跋幻住和尚法語三

延祐己未秋幻住師迫於漕王之命引起一路葛藤
余與愚谷俱在聽列越五年師沒聽者如失栖之鳥
隨風西東今又十三年存者無幾矣忽愚谷訪余九
峯間相見如隔世閱是軸如夢語故述一偈以寓所
感云幻師開口示心肝流落叢林作語看我亦當時
曾錯會至今聞著鼻頭酸

從古以來被箇禪字惱殺天下宗師走殺天下學者
未透者被禪礙已透者被禪縛近年禪社不古宗師
學者相逢未嘗避口道著及觀幻住老人之偈有云
門前剝得一堆禪此語是褒耶是貶耶諫禪人既愛
之且請自道一句看

老幻住三則沒人情話一如塗毒鼓一如吹毛劍一
如養由基箭鼓聲中掩耳劍刃上翻身箭鋒頭嚼鐵

總是稍僧餘事就中別有一機却難迴避且道是那
一機樹頭飛起楊州鶴

跋錢舜舉食葉蜚圖

蠶以繭化亦以繭累方其食葉之際思累乎思化乎
大地一葉也黑頭皆蠶也日累日化非余所知且不
知其以何爲繭也一食一眠當自猛省

跋莊子畫像讚軸

翹翹招招飄飄蕭蕭子昂筆下有莊子展兩手兮遊
逍遙于于喁喁刁刁調調諸公言下有莊子集衆妙
兮或牛腰噫吁嚱當時若會展手意風一息兮萬籟
聲消

跋文殊問疾圖

通身是病通身是藥老倒維摩自無發落被人逼得
口生膠却賴文殊添註脚誰知不二門語默皆成錯
展開圖畫咲相看傀儡一棚無絳索

跋補陀頌軸

聞所聞盡覺所覺空空所空滅寂滅現前這箇是圓
通大士全體出現處懺堂喜維那親到補陀親見大

士面目未審這箇那箇同耶別耶同也好別也好同別俱非了了春光如夢過無蹤滿地落花人未掃

跋普說二

但有言說都無實義承言者要帶句者迷觀佛祖訓誠若此言句於人奚益哉余因若愚長老率衆勸請普說不容推避如虫禦木偶爾成文何嘗有實言實句實義者哉今若愚摺紙爲梵夾復命寫出又有所不容推避者既談於口復書於手雖非要譽亦孔之醜

如上許多閑言長語蓋一時迫於初機所請不得已而應之耳希雲既親見親聞自當相與掩醜何乃置此於行囊中是欲故揚之耶前途或遇作家奪異炎火痛罵一上政是切心爲我者也希雲却不得面熟

跋墨書華嚴經

華藏世界海微塵數佛刹盡在普賢大士一毛孔中出現如今諸佛刹海乃至天人衆會宮殿床座雲臺寶網一切受用莊嚴等事却在夏居士一毫頭上出現所現底既在目前能現底還在甚處於此著得隻

眼方許諸人與居士相見亦許居士與普賢相見

跋海粟學士吟卷

識道先師曾和海粟梅詩一百首海粟梅詩自吟未了未了先和有甚頭腦先師無此語莫謗先師好

跋高昌公子按樂圖

聲不在絃亦不在指絃指相因聲生如子惟吾端卿深得妙理指絃與聲豈以相示盡聲維何非商非徵聲而非聲其聲無已能以眼聞滿眼皆是不是知音徒勞側耳

疏

淨慈懶翁住靈隱方外交疏

惠遠送脩靜過虎溪神交方外妙喜招子韶來徑場機契室中悠悠古人實勞我思濟濟多士復見此老某人通身手眼貼骨爪牙斥宗教似是之非得佛心不傳之妙一筆萬言雄辯仲靈覺範愕于前五年三跨大方寶掌承明證乎其後利器別於盤錯先鞭範以驅驅登見山堂誦東澗詩脩乃祖盛時之舊好湘冷泉水洗許由耳振先民絕世之高風三轉法輪

一貫吾道

育王先藏主住常州文明諸山疏

祖師說禪多見舉常州有宗唱復古一變自橫川來子孫能大其家幸相當授之位某人登鳳臺而擇木蔑視烏窠布毛棲龍藏以得珠光奪鄧峰舍利翔千仞兮久矣覽三過而下之得來既高用處自別橫按玉欄具震威在一喝之先豎起金剛幢決勝於千里之外願觀盛作以杜諸隣

蘊首座住大慈賢首教寺江湖疏

僧省有資相輕重若持諸衡教苑無棄材大小各稱其位如證維華而頓爾富貴若決縣水而沛然流通某人早入報恩之門慣看賓客晚分光福之座轉教學徒當仁不讓於師應世莫尊乎道毋守小節試與大慈豎赤幟以摧邪招白龍而聽法彈冠結綬肯隨流俗以論交戴笠乘車且願相逢而下揖

普照智講主住崇壽天台教寺山門疏

天風吹去寶花聚新雨尤奇海月飛上珊瑚枝大光普照此楊林之有待若祇樹之重榮某人道重雲間

宗非山外權實之智不二如珠走盤空假之觀即中猶鏡照像當躡禮尊者鷄鶩化跡毋懷辯都師龍象故家彼座此座不動而升遊戲去來無礙小乘大乘隨宜而說兼但對帶何妨坐道場佛法現前滿我願衆望亦足

薦叢潛首座住練塘淨慧諸山疏

古人著草鞋住院進退常綽綽然此道如竿木隨身用舍活鍛鐵地公論既大行矣吾黨忍安眠哉某人瀑布掛長川東海亦梢躍出柴片落平地南山白額驚翻與其壓班於崑阜之陽曷若出世於練湖之上據方丈室牆壁瓦礫總是禪機登四顧亭草木叢林盡作獅吼去其積弊慰我同寅

寶光隆講主住寶幢江湖疏

說經猶海納萬派華嚴宜檀圓宗登地如城有四門寶幢最爲捷徑行由位顯道在人弘某人所得既親其傳亦別金獅章廣陳法喻風雷動口角之玄談銅龜塔倒蘆虛空星斗露筆端之文彩幸膺公選合就喬遷前路匪遙毋戀覺城東際狂瀾既倒當思砥柱

中流

華亭縣勸齊飢民疏

官與民爲牧壬其牧者以時牧之人無食曰饑視其饑則猶曰饑也蓋今夏入淹於泛蓋故凶年不免於死亡傾薄率惠而不周勸大家濟之必衆大焉皆能有養可憐其父子弟兄嫂嬾尙且知忍況與爾隣里鄉黨念彼體膚之親爲誰倉粟之充受田百畝聚粟一家無貧者安有富者獻米五千分錢十萬豈今人不及古人憫窮無告當惻然見義不爲無勇也

松江縣龍塘重建馬橋疏

龍塘有若蛟龍壺渡舟屢厄於風濤馬橋曾過驪馬車趨柱久沉於泥滓此兩縣官民共由之道亦四方商旅所出之途諸公運思濟之心揮多金如土塊小子効作輿之力求大木或與梁行將見長虹臥波誰復問驚潮拍岸東望烏溪西望鶴谷三食而返猶杳然南通鯨海北通燕都萬里之行從此始

浴院化柴疏

浴鼓雷轟熱鍋下更須添火化機風動施場裏普請

搬柴有能以雲門拋一片來方許會雪竇龜林話
水光中照破妄緣影子徹骨清涼肉團上摸著無位
真人通身爽快

天目山化僧堂疏

作堂爲我吾僧天下記永安之故事立地要人成佛
山中紹臨濟之正宗就懸崖掃去劫灰向關市推開
施藏聽香殿擲瓦礫總是家珍看趙州拽木頭便成
鋪席托鉢待魚鯨互吼下床與龍象交參過禪板來
過蒲團來著著得知落處見燈籠矣見露柱矣重重
打破疑團此話既行何事不辦

子庭柏首座別浙西朋舊歸四明多寶寺疏

過錢唐三十年敢道泊紅水淺望太白五百里終憐
隔岸山多也曾將庭前柏樹描寫示人長自謂紙上
寫藤卷舒在我脚債之償既盡鄉情之感難忘疎蒲
鞋眼空天下熱僧誰能及者馬竊箕氣鼓溪邊婆子
我則不然謝行驢於諸公賦歸來兮多寶

小廬山翻蓋佛殿疏

小廬山有大奇特禪淨土同此熏脩大雄殿非小因

緣佛聖人得他受用歲久漏透時當掀翻遇騎鶴客
解纏腰之錢吾事濟矣此牧牛兒捨蓋頭之笠歌功
懋哉

白鶴觀金書道德經建立帝殿疏

白鶴橫江東來此地卜神仙之宅青牛度關西去今
吾傳道德之經謀將募金以代墨卿藉是構殿以福
玄帝諸賢一諾二美俱成瑤壇展卷燦星華鸞鳳交
飛而光搖紫府早霧拂簷垂斗兩龜蛇合兆而氣轉
洪鈞簡在帝心介爾景福

榜

真如菴悟心居士看藏經榜

經律論會歸一藏海由深廣而水乃混融諸緣度分
授三乘法自短長而春無高下結集見五時之規範
流通爲萬代之舟梁君看信手拈來無非至寶誰謂
從門入者不是家珍在總持曰妙曰玄其功德難思
難議說說是悟心之方便慶慶顯即相之真如要從
言外知歸試向目前薦取文彩全彰而一字不立信
吾宗無法與人神光獨露而萬象交參盡大地同時

成佛

費府六七薦母誦華嚴經榜

浮幢王華藏海十方諸佛剎剎交光阿蘭若菩提場
一切衆生時時成道金剛聖普華於大地寶網珠合
攝於自心念吾母之捐軀今晨六七知游魂之託質
何許三千宣七處九會稱性之談演四分五周列科
之義伊蒲饌香浮甘露華林春動慈風當淨其意
如虛空遠離妄想願回大心入法界啓悟真機秉善
財童子之利根獲摩耶夫人之深證理即事事即理
而事理無礙正現依依現正而依正同源末參入普
賢行願門融會五十三人之見解正念往彌陀安養
剎橫超十萬億土之途程觀無量光受當來記

法華經會榜

如來教網將收照眉毫於萬八千士弟子信根既熟
翻口歎於四十二年爲明大事因緣故現本光祥瑞
表人人之性具彰佛佛之道同妙豈容言談九旬而
莫及法非易解融入教以同歸蓮標攝果在因華譬
施因爲果由是三周圓演從而七喻備陳若醍醐之

注心乳酪二酥忘其味矣。齋珠之入手金銀七寶
奚足珍焉。雖開本跡之二門終顯權實之一致。高山
幽谷日當亭午而等被照明。敗種焦芽歲遇有秋而
咸蒙刈穫。念斯要不堪久默在今時合共弘傳誦者
聽者結願流通開之示之隨機悟入是滅度非滅度
塵塵現寶塔全身即見聞難見聞法法顯靈山一會
梁武機曾無遮榜

一路涅槃門本無身心受生死十方世界性皆以愛
欲或輪迴由一念之自差。歷萬苦而莫息今則示諸
嚴悔止黑風而業海波平。濟劉鐵虛沾甘露而寒林
春動切忌等閑蹉過勢須勇猛提斷落盡空微手
懸崖上立踏躑躅窠窟分身異類中行

師子林天和尚語錄

小師 善遇 編

書問上

答義海禪友

自斷截大木既拔群栖既舉隨所飄而西東不復集

矣余亦追蹤獅子主華亭。延緣既久新識日多。惟十
年前山中故人相尋者絕少。忽小靈山安友石來始
見若不相識。詢其名乃喜且驚。復出足下書又增驚
喜。問某人某人則皆爲古人矣。遂又爲之歎且悲也。
歲月幾何少者長老者亡。吾與公年相若而幸未死
則又拓落阻絕一見良難。翻思天目雲門草屋間拾
枯松挑野菜羹泉坐石笑傲人世。夜則青燈對床深
入禪定。悠然道聚之樂。今如夢如響不可得而追矣。
審足下爲鄉井留涉世緣而不染此所謂佛法世法
打成一片。礙無礙境迥然超越。豈小力量者所能及
耶。又審令徒遠歸則受業之擔可息肩矣。但未知義
海何時能扣吾門。使吾喜且驚乎。世緣雖曰不礙終
以機置爲高古者云。出得荊棘林還你是好手。敢恃
道術相忘。臨書三編

又

余向謂九峰地僻可以避喧絕緣。奈何住久緣熟。主
有以銀鐲見招者。良費推托。故自新年以來掩關謝
俗不與諸人交接。雖兩屢足下扣門而不致延納。始

答劉鶴翁

答無際藏主

— 129 —

明者無足以取數無名位者不足以借重眷系之在
事者則又不當爲凡此三者吾身備之況數年以來
杜門守靜文字應酬一皆禁絕果何所知何所見而
敢當此責哉今靈隱和尚一代匠目公幸入其室宜
以扣之去取必得其當併求數語於卷端則異時傳
之諸方可塞疑議之口石刻之文亦當求之於當代
士大夫庶幾有光于前而取信於後云

與中菴長老

此一見歡如平生以同參政語言無所忌憚不知見
信見疑爲何如邪別時承問楞嚴謂於先師或問處
有疑今就所疑處略加勾提指其捷要矣先師嘗有
云教乃即文字之禪禪乃離文字之教惟教與禪名
二而體一也吾謂足下先須向一門超出掉臂橫行
無絲髮滯礙乃至塵勞起處海印發光然後即文字
離文字皆有超然獨脫分以足下俊邁之資決不肯
輕易湊泊近來世道多艱住院者困於院住菴者困
於菴惟足下主一大方未嘗經意而百順滿前此皆
宿福所鍾不可不自憂也然福爲進道之資其分有

盡可恬然坐享以待其盡乎今夏既一衆相依凡所
謂衆進勇往攻苦食淡者皆當以身先之期必至於
獨脫超然不疑之地而後已庶幾佛惠命之燈未
燼而愈明相傳而益廣始可驗無所忌憚之言不爲
無益於同參也

答雪岡長老

客華亭五六年間佳譽匪一朝夕恨不及造見然亦
豈待造門而後爲見哉十月十二吳江會彩山知客
得所惠書審報國營構一新以往持事舉及區區知
感知愧此特雪岡誤於采聽而不加察故錯舉至是
耳方叢社荒蓼之秋厚自奉者何限求其傾已棄
選佛場思與十方禪衲共者誠不易得非宿秉願力
樹情進幢不足以致此寺之成既不易主之者尤不
易蓋欲行古法於新寺以爲悠久或規苟非其人
不惟敗事亦有以負創始之盛心豈易事耶某佛法未
夢見世法更疎離群索居日趨僻鄙既無力量以處
衆又安能以身率衆哉以故決不敢拜命之辱望即
改舉毋復遲疑異時方丈得人當圖走慶并致不恭

之謝云

與海鏡長老

夏五圓侍者遠來適余有他行不得從容延奉爲久
事先幻師沒又十二年矣承其蔭享其賜者何往無
之能不忘所自思致其道德聲光於無窮世者遠有
照堂近有海鏡數公而已廣錄據鄧見勘校似無大
誤未審別遇老成重與細論否松江僻遠往來者稀
絕音耗又數月刊板成者不知幾何惜不得親預點
對賴足下臨事好謀意度周密所作必精敏無遺憾
矣刊畢先望印寄一部更正刀誤然後廣行乍寒順
保不悉

答頌石和尚

四方宗唱不古懂懂禪笠惟報國是趨歲作一造化
境樹林水石宛然有古道顏色因竊自慶曰熱油鑪
下火種尙存吾宗未至寂寥也又竊自慰曰天龍手
眼不差推吾法兄一來則雲岡父子向之怒我堅却
者今當知所感於我矣風雨留丈函三日留有供行
有贐禮意有不能忘者別後擬尺札致謝或謂飛錫

在杭故未遣形山來乃承示教則致謝之機又落第
二徒增愧感而已寺記之喻非敢與聞別雲岡以願
力建法幢其豐功茂績耀當世而垂永久者何在碑
刻之有無哉然往者嘗聞面命今書又謂磐石以待
似不容以非才辭旦夕當紀實以呈以聽可不

答形山首座

大雨雪雹之夜得高人在山山房夜無寒色至今禪
榻青燈恍焉如對忘其別已半月餘也碑文既不獲
辭且承雲岡之命併用拙字今率爾撰寫以納千佛
閣等來狀謂雲岡已資爲之今不欲顯言之者蓋有
二意焉一者全寺之功皆歸雲岡若獨指一閣則其
功有限矣二者既言已資恐後來難塞浮議之吻況
文中有一節云計雲岡所得無幾而所用若此之廣
而無窮豈有他術哉蓋兼而有謀才稱厥習又能刻
已以附益之耳此數語包含已資盡在其中天下後
世作者見之朗然方丈現在閣之東文不言東而言
後者爲他日張本也字有筆力不到處更煩布置蓋
近者文成之時適有徑山書記數客至雨窓下逼我

落筆天時人事之乖不無老草失意處也足下才識
深遠用事精密應笑鄙言之瑣瑣然歎其甚者必不
厭其瑣瑣也

與道林書記

近承過我而不少留經載間絕之懷令重遷化之致
皆未能委悉致問至今悵然竊思如菴大法師攝性
具宗綱居崇極之位化聲始盛而忽寂學者默望然
末後光明不以耀方外而以示子孫者非特見故山
緣重亦以見繼述之重不苟託也有子如此有孫如
此橫翔捷出踵武可期如菴之死爲不死矣余於法
師締交未深而於足下諸公辱愛非淺表延慰拜當
在人先屬有不出之戒心跡相左嘗擬寄祭莫微義
又自思其不虔故屢遣屢止此特世情往反虛禮義
禪假螢燭之助哉惟高識遠見必能察其至敬至望
之心也無念爾祖聿脩厥德爲子誦之鼓余望之

又

書來知尙留故山殊慰所望音玄沙不出飛鶯嶺汾
陽足跡半天下出處雖不同而道聲德華喧耀千載

一也蓋出處在手時緣道德在手已朝方之內外豈
足議哉如幾子荷一笠皇皇數千里栖輒大方之門
者有年今而草屋半間落視胡海者又有年矣其敦
與時緣力爭哉藝社蕭條舊交搖落眼前相知相銜
惟足下耳相距半舍許朝往暮還忽然平地上踴破
脚指預笑不成哭不是道德時緣一時裂下却罵老
汾陽會邇求遠此吾所謂慰所望者

與禾山崇首座

余居新十八九年諸法眷無一人至者及前歲留侍
者來余適深閉禪窗杜絕人事故未能一見而故家
故業消息皆隔聞知今壽侍者會間能言汝之勤勞
歷職兩序處衆以和無敗事無犯分人不非議而且
稱道之此可喜也永新諸老不知余心乃欲舉禾山
之鼓以累我汝豈不知余者何乃亦在扛鼓之列使
余解打鼓汝能安坐而靜聽乎即請放下話頭爲余
歷告諸山毋煩重舉世故無窮人生有限今彼此四
五十歲浮光幻影變在目前汝既是山中勤奮已有
一間閑房燒香煮茶靜中觀幻當自得一種真趣復

當別有好消息來也

與石崖菴主

長夏絕往來不能一字奉問七月間杭有火至湧金門或謂火止柳洲寺八月旦雲居僧至始言積慶亦被延燎吾謂公肺肝俱痛無可奈何然天地間萬物變幻者理之常也數之定也石崖達士以道眼洞觀理數亦足以不動其心然或猶有可喜者焉物不壞則無以見其成器不斃則無以召其新蓋此精靈當必更新於石崖之手也且公之志慮足以應不測之變才智足以有爲而有成又或先幻師之冥祐諸檀之外資不幸中有大幸皆未可料自今而始壁不固者牆之基之未平未滿者平而滿之屋不在多在乎濟用池南可以植竹屋後可以蒔蔬大小伸縮隨意展施規模景物咸勝於舊此非可喜而可慶者歟余往還湖山間十有五年相識雖多其憂患相關惟公而已今火中既不能相救火後又不能相助憂患相關之謂何有哉諒相知有素必能深鑑其情而不責其世禮也

答鍾桃翁

曩歸省不數日再出今又十年故山松栢屢形遠夢癸酉春三月望菴來獲領教帖捧玩不忍釋手時翁年七十有五詢虛菴所見言貌則曰聲撼風霆氣沮金石因竊自謂吾宗典刑後進之矜式老夫慙遺之意未已也承問參禪指訣此乃大丈夫末梢一段要緊事自有天地以來擾擾勞生茫茫業識或住塵空相尋乎無窮士大夫能痛快領悟得其指歸者白樂天蘇東坡楊無爲諸賢是已吾叔翁能盡掃群疑薦信斯旨則先鞭角勇豈讓楊蘇輩哉所云指訣者禪非世間之學故無指亦無訣也先師亦云參禪無秘訣只要生死切若生死之念痛切則三昧自然現前生死不切雖有百千指訣皆成戲具前輩尊宿無奈士大夫之不切何於是說機緣說譬喻說警策說疑情說下手做工夫皆一期方便之語不得已而然者今已別幅條陳倘一過目而深思之猛省之驟其要而痛策之指訣在其中矣種種桃翁序記等喻分卑未敢著語異時或可暫歸當逐一侍教小弟中行懼孤

不自振尚賴推轂子之愛扶植之護成之此某三千里外未能絕俗之心也西望拳拳

答天目逆流和尚

昔幻翁爲大雄山人作活埋記指世尊掩室歆光入定爲喻而深有發明時余目擊操觚頗味其旨幾欲以身試之而無其所如負宿願今年春始得塞壩戶牖依圓覺上期之限以酬之適六環飛下天目率山中龍象過余而不及會語分明只在尋常處如隔千峰與萬峰之句而去未幾斷崖和尚示寂訃音遠至余亦難所聞中夏出靜始知則奔赴祭葬之禮者已後時矣因自啓掩室固佳担惟亦不少既絕客又關禮不亦世相之罵門乎遂疑佛祖處之必自別又疑幻翁記之或未詳由是疑團不決顏甲不解者凡兩月忽起宗侍者持所賜書與崖翁遺囑之惠偕來書不以罵而以贊以羨從而疑塊俱解謹西向熏香頓首祇承外仍約秋涼一造峰頂先拜法雲之塔致掩室安居之謝然後次第展拜一以謝方丈一以謝雲深老人

答大拙首座

自舞馬之變至叢上吾焦腑如被焚者數月又念東岡幻廬金膝踞踞之地萋萋荒草誠可寒心歲晚泰侍者來聞山中諸老日就拮据又聞大拙棄篋西來爲東岡訊希吾然後幡然自慶曰幻廬有人矣獅殿與可待矣余小隱九峰間雖無參謁之勞而應接亦不少何當從君於頭陀松下誦白雲酌流水以終殘年爲快也

又

記鶴灘大浸未退時有客隔水呼船過余萬竹間傳周子之所惠佳什及大拙高和良佩啓發歎後眷奉一書爲謝今記之隔年事也樂翁至始知未達因思癸亥春過小廬山阻大雪三日未及會干之及其入山又交臂相失至一書亦未果遠世事相違每如此可笑也今正覺招隱之疏復辱干之過量題品所謂西江十八灘不供猛吸南溟九萬里猶屈壯圖去就之間盛衰收寄者何從得此語哉區區之離天目忽十年承足下與樂翁屢舉葉落歸根之話實護我心

然平生所至雖與俗溪水不識俗溪杓乃正覺以杓
柄見招非其招也倘諸公無固必容我兩峰之間最
上巖下曳一主丈白眼看青天此則不敢辭也然去
就亦自有時姑俟之

答弟行遠

壬申七月十二日得辛未冬觀山所遣之書報吾宗
死者獨多爲可傷然少者老者死理之必然夫誰
能免其遭時之難易逆順涉世之苦樂修短是亦現
業所招或宿業所感孰能致力於其間哉惟吾所謂
可傷者虛生浪死耳且如先人一生世網中勞形役
心殆無虛日何嘗有一刻一息之頃念及來業來報
邊事吾忝學禪不能使父母發明生死大事成就道
業此爲可愧然竊觀二老恐非禪學機器猶發藥不
對病則反病於藥矣故甲子秋之歸嘗以繫念法門
爲當機對證之良方也爾後日遷月化其操舍勤怠
及臨終得力與否皆非吾所能知今幸老母尚壽而
歲將七十餘矣何此又不容不再告者繫念之法
不拘行住坐臥不必出聲損氣惟務至誠默想默念

念念相繼心無間斷敢許現生肉眼便能見佛或見
光明或承摩頂等事又豈定在臨終時哉此是一種
捷徑法門至簡至要極靈極驗故先德有云不信佛
言何言可信不生淨土何土可生倘使得生淨土見
佛聞法不患大事之不明生死之不了道業之不成
矣其或不然則虛生浪死苦趣其能免邪請觀諸已
死者平生所積無一物可將平生所爲無一事可靠
平生所養子孫無一人可以相代長夜茫茫遊魂靡
託其可傷者不在茲乎煩吾弟具以前說詳告慈母
切不可謂以雜務關其懷抱須日夕曲施巧便令得專
心致慮倚靠者一著子如照夜之炬如過海之舟不
可須臾離也誠能如此預備行纏功無虛棄則汝事
親之孝莫大於是矣

又

茫茫水國中宗遠劉君忽至相見恍不相識十五年
之別三千里外來彼此老朽可憐也收吾弟書報老
母安健此爲第一喜汝能盡歡菽水又一喜也越十
日寶塔主亦自仰山來又收前歲所答之書二書所

報及宗遠話間鄉中境況蕭索槩可見矣今夏浙西有水蘇湖杭秀之田盡在淹沒而松江爲獨甚松江二縣惟華亭素稱富饒福善之邦每歲官糧自該八十餘萬石今乃一槩入水鄉村不可居者散而之四方城中地稍卑者例遭沉浸官率有力之家繞城作塼晝夜車戽市民始得安居余之隱所在城北距城二里許居址林園雖高而繞圍沃壤悉變爲湖帆船往來宛有西湖孤山風致但以波濤春撞四望可畏故亦徙而避之入城寓居者凡數月宗遠當時尚在寓所九月半水勢稍平復還舊隱自余來華亭今十載嘗見已巳大旱庚午大水辛未饑疫民度苦劫以來疲困凋殘六七年尙未甦醒不幸今戊寅之水其毒尤酷漳人之閩兩浙間軍馬經過處鷄犬不得寧輒徭縱橫民亦良苦來歲豐凶安危俱未可卜是蓋同業所感爲之奈何茲因來書以鄉中境況相告故復舉浙中境況以相酬令知獲湯無冷處然亦有同劫不同受者惟當守分隨緣脩身俟命而已耳此外却有一種上雲說話乃是舊時公案未見證據不容

不再論舉者吾母於禪門直指之道既不能湊泊舊嘗勸其精進念佛特未見其成功尙不見其成功唐勞何益當痛念人生七十古來稀今已七十五六造物相待盡自不薄又當照破世間總是一場夢事苦也是夢樂也是夢富也是夢貧也是夢莫被夢境所惑起心造業誤賺平生試觀宗黨親隣死却多少他也勞勞擾擾波波掣掣一生做夢成得甚麼邊事前夢未了後夢又來莫教打箇筋斗夢向三途苦趣中去者傷生受不可說也當此之時親父親母救你不得的子的孫替你不得舉眼看來有誰可靠惟有樂邦之佛能救度汝能攝受汝能保護汝能成就汝切須越此眼光脚健全身倚靠求哀乞憐夙夕懇禱不可斯須放捨你若靠他不穩未免等閑蹉過後悔難追當念發生如草上露水上漚風中燭石中火變滅無常匪朝即夕不可不上緊也此事非特吾母可行凡諸見者聞者皆當遍相勸諫同使發心亦是一種大方便事宗遠屢勸吾歸吾於鄉念無他惟省母未忘省母無他惟欲勸其努力進修耳倘吾弟深鑑吾

答雲西曹道錄

答元實孫教授

與訓書記

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

答悟心居士

Step 4

又况續劫以來被塵勞煩惱重重纏縛所以世緣太熱佛法太生今日幸將生處放教熱熱處處放教生是須償發一種不顧身命底志氣向世緣世念最熱處一刀兩段連根剗除世念既空則佛法正念自我片段矣降此以往若必欲別求方便却望於治家辦事之外待人接物之餘深夜未睡之時清晨初起之際將俗務家權盡情撥退單單提起本參話頭抖擻精神使之綿綿密密無絲毫間斷話頭既無間斷雜念自然不生雜念不生即成片段要於片段之中覓一毫動相靜相俱不可得久之忽然觸發和箇片段盡底掀翻便是了悟時也古人云參禪無期限但以悟心爲期既悟其心則千經萬論總是閑家具矣今居士既稱悟心當因悟心之名以求悟心之實也

師子林天和尚語錄卷之七

師子林天和尚語錄卷之八

小師 黃遇 編

答木林和尚

別時別處猶昨夢不可記每念同參幾何死者過半存者東飄西泊落落晨星惟足下燕坐深山道俗歸化余嘗謂法雲一宗未必便掃土者此也比辱教汗麈尾連幅鋪叙二十年間往復離合之緣而過分贊美似非家裏人說話余敢當此哉承索會解楞嚴此則劣者不了之公案也未償之宿債也昔幻住老人語余曰楞嚴一經禪者多取以爲準的吾嘗就徵心辨見處略加指點而全經大旨尙欠發明云云又命足下取武昌魏靜復所寄新刊小本經一帙付余余亦默領其意當時此一段話獨足下與聞之余謂足下忘之矣今忽見案是代老人刷舊遲邪催宿通邪使余愧悚不已然草創之本成已多年特未暇刪改故亦未敢以寄勢須會面當持以共讀云

與義海都正

江西受業二僧歲旦日至謂吾母年七十八望歸省

傳族黨諸弟兄親隣朋友法屬勸歸之書堆滿几華
亭諸公雖甚欲留吾留而不可因得乘輿一動及至
杭適遭寇敗一路班師擾攘咸謂不可進遲延久之
立卓峰又領徑山書託之職念其二十載死生憂
患之伴一旦棄之不惜改止西江之行登山相守秋
未決意來訪復因他事左牽右蘇從而遷延不及見
吾義海也世態如蒼蒼著著是變所在羣林不堪措足
惟欲向青山碧雲有水有竹處尋箇放蒲團位蘇人
知余心懼余他適徧城裏城外爲尋之皆未敢輕就
蓋亦有歸省之約未酬意擬輕包暫歸而即出却來
杭蘇山水間倚松結茅相招義海柴床地爐煨芋酌
水相娛以送殘年此余念平生不可忘之道義而欲
挽足下盡未來際常爲法侶之願也然行止去就俱
未有的期茲因天目人回先布此意山川之遠歲月
之多問訊之踈想念之切與夫顏鬢衰朽故舊凋殘
法社荒寒人情變遷之感凡縷縷欲言者皆在書外
與物外長老

頃嘗共絕際翁扣關丈室寒爐夜燈煮茶聽雪曰主

曰賓同人物外機境今思之十五年前陳迹也眼中
故人十喪八九世習日移愈移愈下惟老師坐斷荆
溪照了諸相視隨波逐流之輩果何如哉區區託隱
啜鶴灘頭者十有二稔澤國渺茫雖欲奉一狀不可
得也今夏偶出遇徑而止九月會無礙居士詢道履
而未詳十月抵吳門借幻室一榻爲度寒計因希雲
藏主來始得還是緒也希雲別余十七載相見如隔
生其受業有藏無經得得來扣蔣公大長者求四大
部以榮其歸頃老師爲之宛曲導請使法寶流布於
大江之西則蔣氏法施之福物外成美之功希雲得
法之喜皆當與經同爲不朽者也助人求法諒不避
言

答友雲長老

舊游張公洞宿留金鵝峰聞保安伊邇而未及到蓋
古寺殘僧相知者少耳江山有待得足下一來寺之
興復可想見矣近代諸方建葺務以勢利修華相勝
鮮克以行道接納爲心保社之衰病政在此吾意友
雲力弘祖道推誠以待請子必自有神物助化使應

者雲合響應又豈在言語間哉余所寓半間草屋窮
被蒙頭其疑真積灰埋筆硯者深數寸矣源西江來
承委撰疏投我以雙墨乃守待三日不容辭於是取
之以數語耳

答梅孝子

久矣絕聞問忽得孝感詩文玩讀不能已聞者惻然
有感欣然相傳遠邇暗暗羨宇宙間誰無父母凡
爲人子者誰不思孝求其動天地感鬼神見解於人
而人所敬服可以裨教化可以激流俗者一代之間
曾幾人哉足下孝心純至故感靈異如此非特延母
之壽其或增自己之福致子孫之顯皆未可量也承
索鄙作聊奉短序一章繫之卷末末由增對以寫我
心不置錫類之辭爲君三誦

答別流藏主

避影林壑間今十年絕交文字亦已久矣比承下顧
以鏡牛師叔翁行述見喻萬不獲辭瞻其實以爲求
銘之藉手耳政恐不直大方捱鼻一笑古愚來乃枉
書以言謝何至是哉竊謂老和尚飛聲八極取信千

載者固不在文字間此輩孝子顧蘇之心不忍不爲
者以足下用心之誠若此其所激發者何限亦何事
而不集然世改日變時不待人惟勉之速之是所願
也秋涼披錫必動未知再見何處何時臨緒悵悵

又

己卯春松江遂別明年余亦別松江度夏雙徑又明
年客吳門幻住會臨川楚石首座謂與足下解逅於
虞公之門因舉塔銘一二語復舉虞公問先有鏡耶
先有牛邪足下答云先師親見仰山來虞笑曰吾試
爲汝模畫之余聞是語嘗有頌曰鏡牛誰後復難先
口未開時欠一拳好本弄成模畫去牽掣拽把錯流
傳所恨未見其詳今壬午七月二十六日承書及新
抄全文讀之欣躍不已以靈雲老和尚眞證實悟之
道簡編不待書金石不待勒而其昭晰堅確舉天下
後世孰得而磨涅之哉然虞公爲當代董狐得其髓
分發揮數語非特塔銘取重蓋亦有補於化道也觀
其筆底餘波激揚吾宗盛衰之迹有總有別或引或
却明敲暗鑿次第歸重於靈雲老人然後假老人榜

機杼樂來學吾以是知此老眼空諸方舌頭拖地是亦吾門中在家說法之一善知識也刻而傳之使聞者有所感發其於化道之補豈小小者哉望速成之復示石本則幸甚松江地卑多水不復往矣今吳郡東河有地數畝古樹竹石如山中幽僻可愛遂以衆施之力得之就樹下作小屋數間正月作二月成三月入居之已過一夏又秋矣二時粥飯仰給於施不足則持鉢以補之諸方公選私舉一皆謝絕日與同志之士收拾天目山蘿蔔頭莧菜根東咬西嚼聊以自娛其不甘枯淡者過吾門而不敢入也自己卯至是凡四年出處趨向如是而已其他不足言

答費總管

雲間歸時假道海上適騎從他出不及晤言以慰契濶得敏之西英數客共坐雪洞之中周遊梅圃荷堤滿眼皆主人風度雖不見猶見也比屢惠問良佩撫存而浮蹤以無住而住栖隱闔閭城古檜高竹長夏如秋何時得公過我淨洗人間箏笛耳偷半日閑說方外話亦一佳會也世味如酒能使人既醉且狂倘

於未飲之先或半酣之際冷眼觀破事不悟醉者狂者之可憐哉

答可庭藏主

幾年風雪中蒙稱枯坐有時恍忽江陵入我清夢有時大開兩眼如見江陵點檢將來初非人境遷訖又非意想變造蓋只爲江陵有未歸之客耳因自笑參方三十餘年視明晝散聚之緣如飛花落絮無絲毫滯情與足下相識最晚相交又最淺何獨若此之爭我蓋亦以道義之懷相知頗至相念頗真相託者頗多而相聚之日獨少故乃爾耳自五月別至十月凡三度遣書臘月頭來輪知兩書已到惟第三書未達卽日想亦達矣書中所報師子林禪室之營稍見就緒者大槩務從苟簡以圖速辦而已此外未辦固多姑待他日每思三界往還同一旅邸勞生擾擾有甚了期而況二三子相依相從所圖何事惟欲與之靜心寧處豈忍使其困於土木間哉奈何邇來時有信墓之士相率相過請法請戒而室隘無足容二三子又動東偏別築之念既未有獨力任辦又不欲苟

求人倘非足下與謀吾未保其能辦茲事吳門諸道友每會必曰可庭別時謂江陵之事一語可決約在歲盡必再到吳可庭信士也義士也安有如此信義之士而肯妄語失約今之過期而不到者過在無歸之書也余意則曰築室之謀固可寬道聚之念爲最急以故今度之書專爲催歸而發今書既發則諸友之望曰急而余之開眼作夢又有甚於前所云者矣足下其能忍於不重信義不急道聚而爲江陵人淹之客乎

又

癸未十月末得所寄書殊慰想渴荆南人境事物歷歷如在眼前兩浙高下皆熟連三載無水旱憂視他處氣象頗殊林下一鉢亦隨分隨量而已八月復到上洋慶贊新佛受薄施歸門外檜行之側各作矮墻墻開二小門入東西圃小池四岸疊以疊石而青石蓋之繞池石闌之外作小街道池南種竹數箇池北撤去舊籬古柏臨池如蓋樹下洒掃列瓦鼓爲數客坐處禪餘飯罷盡有負喧散步之所矣此等皆瑣瑣

數事何足言者蓋足下嘗同經始一木一石皆知來歷故今日瑣瑣工役亦必具報云爾此來百務俱寂與衆宴默同處俯仰攀緣悉非吾事門巷憶憶氣味不相入者亦不敢扣吾關也況自四月以來文字應酬一皆杜絕嘗謂近時學者不肯向無依倚處著工夫不肯就最險峻處放身命往往挨籬傍壁猶自不能動步病在一知半解粘手綴脚所以不得獨脫自由何況宗師家不以本分草料待人偶爾狹路相逢便牽引爛葛藤窠沒頭罩却彼此纏繞無出頭分先幻翕痛嫌此樊故一世費盡口業以言遣言大似蠶龜曳尾無可奈何以區區視古人奚止天地懸隔今之所以杜絕應酬者且圖自家省緣亦免引入入草筆更及此不自顧其醜也十一月西山間有願聞法要者倡率成會余懼其勢擾乃往就之山東西遠邇數百人一時皆發道意由是盤桓六七日方歸此類應酬又在杜絕之外惟足下知余意也

與普達實立副使

偈仄禪窩嘗尋繡衣臨賁龍梅皎柏至今燁然有光

當時小軒中爐香共坐語及肺腑卽知是佛法中再來人也第以榮任日迫不得續奉清談舟行之日又不及追送江許負此缺然近會明德教授審知憲政揚揚聲撼荆楚楚人何多幸哉且屢書賜問自慚無似之人遠勞垂念何感如之惟公素稟清明如止水如懸鏡事物之來固不受絲髮之蔽尙望於應接紛擾之際毋起厭煩之心當念唐之裴公美宋之張無盡諸公皆不離功名富貴不舍政事文章而能成就佛祖無上妙道者也故龐老有云日用事無別惟吾自偶諸此其力行親到之驗而有是語然則擾擾塵緣政者佛法妙用處也茲因附書上謝故替言及之然非知言則不敢僭也

答白楊絕照和尚

先白楊順禪師數語示衆而天下學者家驗戶知視汗牛充棟之文不足多也閱今二百餘年復得和尚振耀于茲山非特作興其遺業亦乃鼓勇參徒力踐其遺示以今視昔豈二人哉余雖不獲親奉追拂而幸得與令徒卓峰遊故亦時時得舉此話以私相慶

耳今夏四月華侍者來承手畢并細葛之貺且感且愧及觀與令徒促歸之書因自念先師化去久矣雖無所省然亦惻然動念從而推已之念力勉其一歸乃令徒正色對余曰吾師住白楊昔之示衆卽吾之家訓也所謂染緣易就道業難成者政患學者率易湊泊或自畫於中道小成而不能深詣遠造也世之常情孰不畏難而好易此吾所以甘就難處東挨西拶縱使終其身晦韜困滯吾心無愧焉無憾焉今家書促吾歸者乃所以策吾進也吾能確守家訓不移初心圖遠大之効以爲師恩之報則雖數十年之別數千里之遠而未嘗一日不在吾師之側又何待友門問訊然後爲歸省者哉其對余者如此若其父子之間真情密語當必詳具他書非余得以盡知者也高帽一頂聊答先施未卜趨參望臨汝玉立諸峰如在天外

與卓峰書記甲申二月小孤山舟中發

雖姑蘇日閭關楓橋一路不忍別又同舟相送九十里宿無錫明日遂分以二十六年之道聚流行坎止

頃刻未嘗離死生相託休戚相關股肱骨肉之親不足云喻乃一旦有數千里之別況此行是歸鄉省母母子弟兄恩義之極格老病死葬變故之牽纏種種落井之說從古有焉又況長江天塹風濤之險惡轉面隔生之慮彼此胸中有之語在唇吻而不忍發倘非廣達之懷處斷素定者其孰能堪此哉分之日待君祥父子不到或謂在毗陵遂追暮呼小艇夜行達日追及之毗陵相知相聞者皆有請不暇赴止受曹士美一飯而行夜過奔牛越二日渡大江抵瓜州熊氏園卉石亭榭亦荒荒淮鄉之所僅有者明日鑿江登錢子明大舟一倉三榻琴書筆硯滿前君祥寄長紙二幅求寫今春曾說因舟候風連日不發得滿填其紙以答之忽大風起舟人櫓鼓歌呼一日走數百里不減舊時天上飛驢驢之喻也自是或逆或順然亦無日不張帆不數日已過小孤海門關矣晚泊關外乃自喜曰長江險惡已落吾後矣廬山面目明發可相見矣但恨子明之舟移武昌而不至湖口政擬投江州附船天賜其便適有廬陵大舟同泊遂欣然

移行李就之復自喜曰到家消息在是矣水光月涼夜不能寐因思足下必爲吾憂而莫知吾喜吾反憂汝之憂而莫由汝解問子明歸期則曰歸在余先遂挑燈作書詳具行程託以報平安也櫻殿曾解想已入梓幸夙夜靡懈以促其成遇徒之寫道林之磨勘應念百千萬本由此本出必各盡手眼神通以致其精敏也錢塘炬菩薩四十八日大會已許其五月初旬說法滿散此約決不可爽矣鄉關轉身之計吾亦籌之熟矣今度舟還必由常山小溪以達錢塘穩且順矣秤鎚落井之疑轉面隔生之慮是書既到可一笑而釋諸

答景深夏處士

庚辰二月別令府謙齋公意謂非久即相見奈何行止不自由者若此今年省母西江往復八千里歸則令府仙矣死生契濶之感可勝言哉區區瓣香致慰敢後於人而賤體以暑途感冒抱病者兩月是以七月末先遣徒下代達此情期以體力稍蘇即當躬晤苦次今辱書乃知襄事告嚴而有秉薪拖土之命夫

復何辭惟招而後行愈重吾愧矣

答妙空居士禿魯平章

師子林發地結茆屢枉惠顧草樹竹石精采百倍傳徒匪材荷玉成之賜石郝二侯復領外護之職秋七月承通至行院公文八月承寄所刊傳大士頌又見爲法流通之心以居士內懷菩薩願外現宰官身往往有氣陵佛祖底作略如此根機如此力量要到佛祖不到之地亦何難哉特以工用未深而情累未忘耳茲審榮佩新除總提憲綱而風厲上下此雖居士平日常行之事然浙右之民引領而望者亦已久矣今幸慰其所望靡不以手加額私相稱慶惟山僧之意則不然尙望居士由今以去毋忘大法之念於未了未徹處時時溫省而力攻之忽爾時至緣熟公事私畢世法佛法一了一切了然後總提吾道之紀綱風厲三界之群有此則宗門與天下之士同一引領而稱慶者也地遠天寒未能候謁公務之隙以道自強

又

兩載不得相見懸懸此情比聞高踞臺端虎視諸道其凜然肅然者不令而行矣林下一鉢生涯之外宴默安居外惱不至皆餘光之所照映其敢一日忘邪竊嘗謂當今貴公子身處顯位而信慕佛法者固有之求知居士不肯以少自足直欲親到大休大歇之地者幾何人設蓋於般若台上夙有緣契以故世出世間昭昭不自昧也抑嘗聞之大休大歇之地不在荒閑寂寞之濱政在功名事業熾然作用處所以道百務紛紛萬緣擾擾著著有個出身路倘能於緣務紛擾中熾然作用處著得眼出得身譬如百鍊精金癱撲不碎得其全體大用應變無窮較之守荒閑寂寞而局於一知半解者天地相遠矣古人云幻緣即實相煩惱即菩提妙在一翻翻轉直下便是不遇盤根錯節何以別利器不因塵勞業識何以顯佛祖之妙用如昔者趙清獻公退食公堂凭几之次忽然識得自家底張丞相在兜率山中一挨一拶一夜睡不著打破平日疑團范左丞因圓通長老呼其名一呼一諾之頃認得自己面目前輩往往如此就塵緣俗

務中了辦大事又何待致仕休官向水邊林下閑居
獨處然後爲參學哉今余親居士趣向之高遠根器
之深厚識見之弘博與前輩何異何則敢望於公事
之餘以醒眼看破醉夢急著精采加鞭進步爲佛祖
出一口氣此天下之至望者也

又

七八月間審聞獨坐中書堂化聲震動大江之右未
幾又聞擁萬騎南征掃寇穴吾祖云奮大勇猛如
一人與萬人敵手握金剛王寶劍全殺全活坐致太
平此皆平昔慣聞之話今幸試而行之已見靈驗矣
異時如法華所云用賢聖軍與五陰諸魔共戰破魔
網出三界有大功勳得受輪王警裏寶珠者在居士
分上皆不難矣茲承寄音敢此奉答未由會面無任
馳情此話且止且道五陰諸魔卽今在甚麼處若言
他是魔自己亦非佛若言他是佛自己却成魔政當
佛魔兩立人境交參畢竟誰是自己又若人境俱奪
佛魔兩忘自己還在甚麼處參

與受業寺昱藏主

向者之歸徧擾上下諸寮臨別又各有所將曲盡未
忘之情雖所不至因思甲子再出甲申再歸纔二十
年而山中眷屬消忘殆盡存者相見如再世世相遷
流不容貶眼更二十年相見當又何如哉噫業風業
火夙夜交煎十個五雙半斤八兩惟英俊之士不昧
己靈者於此當發深省別後四月十八抵姑胥護侍
者相隨師子林住方熟忽龍山雪庭來引動鄉念不
可留矣因其歸顧無以爲法眷意適楞嚴會解刊成
聊寄一部留之觀山公界披閱此經直指人心備談
禪旨故禪者視如契券二十年前余嘗受先幻翁囑
累之命不敢違至近年始成之學者不可不細讀讀
之不可不深思思之不可不力行既讀既思而不行
則白紙黑字而已

答道場竺遠和尚

昔圓鑑老人大唱慧朗之道追蹤正續老祖於五髻
峰頭誠一世之龍門也出其門者固多惟和尚以疾
足高才駸駸步武其故家青氍毹必不久屬他人矣某
忝聯眷系而焦敗無似老懶相持故不敢僭妄攀附

由是走賀之禮貢問之狀皆不敢輕舉近在吳城營小窩爲老病計日與竹石輩周旋笑傲不覺避喧求靜之毒愈中愈深矣隱首座來自凡下辱二教增重愧悚因其再參布下忱如此惟大法在任毋倦應接是禱

答盤龍雲峰和尚

泰定改元余歸自浙嘗造集雲關非久復出所願龍峰萬松巖提出沒雲漢間而跣足困頓可望不可即始信三十六盤天上去豈尋常步驟所可及哉仰惟老師紹古佛之門風化洽中外者三三十載四方才俊咸願處席下至若掃劫灰蕩腐壘飛樓湧殿現於指顧之頃不思議解脫神力殆不是過人境之勝若此獨余負瞻拜之欠中抱梗焉近數載得與上足可庭周旋吳會爾汝討論間時時及家訓一二深有起余繼是復得無禪笑如二士相尋乎寂寞之濱雖未識公而識公諸子向之梗焉者日益消矣唉如自雙徑重來出所賜教并白苧兩端愧感交集不審何從而辱此大法垂絕之秋尙幸老師宗綱在握學者日

望其未倦又聞有爲笑如舉古潭返錫之話者此則父子一家機軸放行把住各適其宜非他人之所能知者也因其歸乃敦貢數字西望邇風不勝悚仄

答江陵性海長老

往者可庭會間嘗談及性海能疏引南泉道脉布衍于荆南不待募而施者畢至無所勞而有作皆成余恨留滯三吳末由一見嘗謂普庵老人古佛應世於達本情亡知心體合處示其悟迹遠嗣臨濟正宗近則以牧庵爲父佛眼爲祖承祖父遺風用寬平慈忍化物使學者如駕舟於恬風靜浪間不犯驚險坐達彼岸此其垂手大機用也若夫救災恤難應禱隨緣者皆餘事耳海內之士受其賜者固多而知其垂手者獨少亦嘗疑弘化者密其傳而不務速說也歟惟吾性海常力弘大機使學者向情亡體合處親見老人面目斯法門之厚幸者也

與希雲長老

辛巳姑蘇之會之別客櫓低回彼此不盡意甲申歸省廬陵道經洪都問足下出處不得詳又以同舟牽

掣不自由故不能物色一見近聞說法東山美髯籍籍而數千里外一書問賀無端便乃爾遲也足下平生屬精于學天不負才使得展其志試所學於出世不早不晚之年雖六藏嚴整與世相遺者亦爲之助喜百倍也昔鑾江送別五偈今二十三年忘之矣惟末後二句尙時時差口道著獨不知足下頗能紬繹之乎院子無大小衆無多寡當力任古道先之率之進止崇卑一付定分慎莫循時輩患得失之途轍也余老未死豈無再會之日以傾倒所欲言哉豐城眞相長老住後嘗有書來昨已答附新淦僧還偶會更煩道訊

與龍翔曇芳和尚

追憶鍾山方丈累日奉慈諭今已四五閱矣比審携鍾山登徑塢挾徑塢歸龍河又援雙峨置於五髻之間去來來腕頭不費絲毫力此皆曠古異聞也某數年來移步舍入中吳盤旋草樹之底而大方黜陟之事耳目不到是故輿從往還吳門皆不及奔走送迎者非敢慢也蓋無所預聞也高明之見寬弘之量

必照而恕之或謂龍河之雄鷲視率陀天報境不殊昔笑隱翁竭力營之今曇翁高造而安居之異時狹外院以歸內院促補處之佛下生而身與交代亦豈費腕頭力哉呵呵參晤末由臨風無任傾向

答載之蕭萬戶

夏初栖鳳亭前屢尋敲門看修竹每羨韜略兼濟將種之眞才也方勦名鼎翼之日而能與林下野逸相尋非世味澹泊者不足以語此旌麾去吳閭洞壑關謂必振旅南行辱書之來乃尙留天台山水間未舍苔臥綠沉之樂何哉天生英雄當念爲時而出方外高談他日相逢未晚也

答太府監梁烈帖木兒

臥龍梅邊話別已月餘京口人來再領手帖謂即日渡江北歸矣遙想神物護持驛車安健歸覲清光慶賞交集其到家之樂何樂如之獨未審本參事上能念念著到否念念相應否能致其自慶自賞之樂否邪以足下居王孫公子之貴負英靈聰辯之資而能折節相從究心此事非宿植德本而何然此

事妙在力行知而不行行而不力終無到家之理近時宰官士大夫學佛法者往往以聰明穿鑿情識領攬得一知半解自以爲是殊不知政是迷妄根本惟足下才思不群志趣遠大終不墮此等窠臼故余之所望足下者親證親悟親到法王家與佛祖把手並行推恩群有而後已豈肯侶淺根劣器隨流掠虛之習者哉茲因馮總管別余入京乃得答此以致力行之勉云

答湛書記

七月廿五日早粥罷立卓峰送天台僧泰出門余方飛虹橋上解衣燕坐詎可庭自掃池上落葉忽然叫報有新事帶露木犀開數枝於是移瓦鼓子環樹而坐呼山僮小鬟汲冰壺井花烹武寧伊山喻子德磨頭茶賞之以鼻香爲綠深入無著無礙自在遊戲閑不徹三昧未幾鄉人施惠林來扣關二三子曰這場窮快活莫使他儂知遂散去延之入戶卽日恭惟後道湛書記傳語送丘仲榮扇一把又出白紙一張求法語我無語亦無法只有些兒窮快活不堪持贈君

答汴京月堂明戒師

霜風吼寒落葉滿路忽宣城謝法主來得書審別後尙留江左擬來歲借座黃教開壇放戒謬承見招爲衆普說以發明直指之道且謂憲府衆官主盟斯會者咸望振錫一來已議移文勸請此行不可得而辭也竊嘗謂登壇受具乃諸宗頓漸大小之機共由之轍惜壇場廢久學者無所持循此話果行末法受賜多矣惟普說之命則區區不敢與聞究論吾宗本以單傳心印直接上根道箇直指早是曲了豈容復有言說哉其後根器不齊宗師垂手處不得已曲施巧便如黃檗痛棒臨濟臨濟見僧便喝此棒喝之機非三藏之所能收非識情之所能測而三千威儀八萬細行以至五時之教却盡在棒喝之中其捷要者若此而無能領荷於是曲順來機始有請益之說旣而曲順之至又有大請益而謂之普說者豈得已哉然此普說非真正宗師不敢說是其師矣無其機不說有其機矣非信樂憤悱之切不說必若渴饑之極然後飲之食之則聽者有領悟之益說者無失言之過

否則門庭施設以圖炫耀觀瞻作者之不許也若某者自知無法可說亦非說法之師沙鍋煮黃菜箕踞看白雲昨嘗兩辱隆訪其冷淡退縮家風公所親見此豈赴遠招臨廣衆而普說者哉抑嘗聞禪心爲戒擬心即犯月堂以此開示聽徒令於擬處處處見徹根源則直指在是矣抑又聞廣教乃黃檗禪林今雖易講而禪額仍舊來者升堂入室目擊道存無往而非禪言又何待他求普說哉幸體此情毋煩再命萬一不然却煩轉命於大方之家容我不動跬步遙瞻戒光此則真受其賜者也

答仲溫副使病中疑問

北行別余之日官從林立辟然春姿獨足下頗有晦色竊謂去家劇愛無惟其然詰朝得報登舟忽疾作遂艤留關外既而留三日病不退遂不果行竊疑行與既阻病勢必增復自解曰仲溫達士也坎止流行素善處置況近年篤志聞道今父子兄弟別而復聚諸良醫爭願納誠以取効非久必平復豈料淹淹一至于此可恠也足下才德粹美秉清要之權者十餘

任矣忠孝兩全朝野交頌民無貴賤老少被其澤霽其風者咸不願其一日去官及聞有疾恨不能以身代之其得人之感戴慕望者若此勳業方興乃縮縮退避以究吾宗別傳之學每語人曰某之精神夢想無日不在師子林下今病既劇復取余向來勉勵激策切要之語書而揭之憲壁梁柱几榻屏帳之間使其坐立臥起俯仰皆在眼中旦夕二僮奉藥粥外使嬖雜喧一皆屏絕此尤見處置有方而操守有力豈常流所可擬哉昨暮令尊平章公來再三致懇謂足下欲邀余一會余既久不出山且知病中亦厭喧雜縱草草一會奚益遂託平章公致意云不會最親切今晨繼領來命陳所疑問者凡數條因得徹見足下之底蘊而有以發余之所當告者焉

來問諸經教中或說空或說有或說不空不有何者爲的義邪當知吾佛常依二諦說法法說隨機小守一途方便若彼衆生爲名相所迷而著於有者說空以破之或不著有而復著於空者說有以奪之偏空偏有固非實法不有不空亦非了義若夫直示一心

妙圓性體應以四義明之。四義者：當處即空、全體即有、非空非有、即空即有是也。空則不動不變，不立一法，有則隨緣變現，諸法宛然是以楞嚴經云：「非一切法，即一切法。」離即離非，是即非即，非一切法者，空也。即一切法者，有也。離即是即，等者配彼第三、第四義也。以真俗中道三諦配之，真諦空也，俗諦有也，中道諦非真非俗，即真即俗，同彼雙離空有，雙即空有者，也。應知離即不二，一四互融，舉其一則四義具焉。言其四則其體惟一，此乃人人本具之性理也。嘗試研而究之，前二義則空有對待，尚涉名言後之二義，則不容分別而不可湊泊矣。不容分別則言語道斷，不可湊泊則心行處滅，心行處滅則不可思矣。言語道斷則不可議矣。是即一真法界如來藏心，不可思議之妙者也。如是妙理悟而證之者，爲聖人迷而背之者，爲凡夫。爲聖人者，德相圓融，應化無礙，爲凡夫者，識情用事，顛倒何窮。於是聖人惑之思啓，其悟以革其迷，乃依本具之性理，以起修法而謂之教令。依修法以立觀行，觀行成則如理而證，證其本具之理體。

而已耳。修法固多，且以空假中三觀論之。空觀觀真諦，假觀觀俗諦，中觀觀中諦。而中觀有雙遮空假雙照空假之二義也。遮照相須一心，三觀觀智諦理理智一如是名性修不二圓妙之教法也。原夫別傳之學雖曰教外然亦未嘗外乎教理，特其功用趣向之稍別耳。如昔者僧問禪師曰：「道以有心而求，可邪？曰：不也以無心而求，可邪？曰：不也以亦有亦無之心而求，可邪？曰：不也以非有非無之心而求，可邪？曰：不也如是四答，味其言外之旨，則與性理四義教法四義豁然契合矣。但禪者雖其名言泯其行相，不涉義路直截根源，務令識謝情消，忘心頓證而有一超直入如來地之說，豈非圓妙之法者哉？降此以往，曰空曰有，總是隨宜說法，故教外之傳要在忘知解絕思惟超情見離能所，獨弄單提，眞參實悟，斷不許其粘枝帶葉障自悟門。苟不如此，任將性理之文廣資談辯，如談美食終不療饑，非惟不療其饑，亦且愈增其熾然之饑火也。吾仲溫脚跟下自有一條通天活路，只消蕩直向前，更不必問其何者爲的義也。

來問禪學之流有一聞而頓悟者有久參久修而不獲悟證者其所聞所參之法有難易者耶又有謂時節既至其理自彰然則不勞參學但待其悟時之自至耶余嘗聞教中道凡夫賢聖人平等無高下惟在心垢滅取證如反掌觀其反掌之喻則取證容易論其心垢則非修不滅只者滅之一字易在剎那而難在累劫也當知法無難易難易在人在人者何由其汗染有厚薄修治有勤怠垢滅有頓漸是改悟證有難易而時節有遲速遠近之不同也所云時至理彰者是其參修功行既成則心垢既滅之時至而悟證之理自彰也非曰不參不修而有自悟之時至也以耕者譬之有種時有熟時有脫時種而至於熟熟而至於脫是其工作收成之時至也不種而望其熟不熟而望其脫其可得乎人徒見其一聞頓悟之易而不知其未悟之先其功行亦未嘗不難也人徒畏其久參久修之難而不知其總是刮磨心垢功不浪施之時也儒典亦云先難而後獲苟不從事乎難而妄希其易則易者終不可得而難者愈覺其難矣是猶

惰農廢種而妄希熟脫不亦難乎望足下莫問心垢染行之厚薄莫計悟證時節之遲速但就所參處加功進行頓而造次必於是先辦一種耐勤苦之心甘守其難不圖速効則其頓悟之易不期至而驚然至矣所以道不因汗馬奔馳力安得全收蓋代功來問病是衆生良藥吾已識其內病矣病知前路貴種少吾亦深知而猛省矣奈何四大痛苦百憂現前雖曰堅持正念時加猛省或稍失照顧則被渠攪擾其將何策以排遣之余詳足下所謂識病者不過識其狂妄顛倒爲內病耳謂深知者不過知其道業資糧之未充耳此知此識固佳爭奈未除我相我相未除病根未拔則四大苦憂之境安有排遣之分哉應知我本非我生本無生身屬不淨身如幻化不淨者如經云此身非旃檀亦復非蓮華糞穢所長養但從尿道出從生至死曰裏曰外皆不淨也其初生時不應生取一枚心死底及其死時也只死却一枚本非我底生則爲漏囊囊徒爾遭其負累死則如朽敗木於我果何有哉幻化者如經云妄認四大爲自身相

六塵緣影爲自心相譬彼病目見空中華空實無華病者妄執能作如是觀者內外諸病皆空夫是之謂安閑法也祖師云老僧自有安閑法八苦交煎總不妨八苦者生老病死愛別離怨憎會求不得五陰盛是也病特八苦中之一苦耳八苦交煎既不妨則可謂深得其安閑法矣然猶法在苦外對待未忘更須撥轉目前關樞別顯格外真機回顧八苦之境總是安閑法方許藥病兩忘親到縱橫無礙解脫處也來問圭峰云散亂隨情轉臨終被業牽醒悟不由情臨終能轉業古來了達之士固知落處分明然其坐脫立亡之際亦豈無處置之方如某者向道既晚情業未空倘無所醒悟又無所處置臨終何所持耶余聞生死岸頭事不是臨期處置底古德云預前若打不徹臘月三十日到來管取手忙脚亂所以古人盡是預前打徹其於未徹以前則不容不處置凡參方問法下手做工夫皆處置也既徹已後生死涅槃視如昨夢隨緣消舊業任運過時光世緣既盡攜手便行無所用其處置矣如興化和尚一日鳴鐘集衆問

曰還識老僧麼衆無對鄧下拐子端坐而逝汾陽禪師因府尹李侯遣使請住院師辭以老病不出山使者強其往師曰必欲往則先後行使者許之師令饌飯且假裝曰吾先行矣停筇而化揚州陳尚書請孚上座講涅槃經孚揮尺一下云如是我聞乃召尚書尚書應諾孚云一時佛在遂安然脫去歸宗宣禪師因郡守責其不禮以非法窘之宣馳書與南昌尉郭功甫曰某尚有六年世緣未盡今日不奈抑逼何欲託生君家望君相照乃化去功甫與師厚善得書驚喜不以示其妻妻中夜夢宣入臥內不覺失聲云此不是和尚來處甫問其故妻答所見甫乃呼燈以書示之果有娠及生即名宣老人扣之記問如昔逮三歲白雲端禪師往驗之宣望見便呼云師姪來也端問云與和尚相別幾年宣屈指曰四年也甚處相別曰白蓮莊忽門外推車過端云什麼聲宣便作推車勢端云過後如何宣曰平地一條溝後果六周無疾而化似此等來去自由不可測度豈是臨期處置者乎今足下病既至此別無所持請將大小家務盡情

撥置并將自己身命盡情放捨任他成佛作祖也得
永墮惡道也得一切得失是非付之不問却單單時
取箇本參公案絲毫不容其走漏生與同生死與同
死忽爾懸崖撒手絕後再延却不妨轉一機來為汝
別通消息

答夏景深萬竹山房招隱啓

偶地安居柳刺史識江華風度半山招隱王荊公結
鍾阜禪交何幸相遭自慚未繼某人學詩學禮素有
真傳潤屋潤身視如常事黃夏千間庇士吾已見其
胸襟義方三世教人孰不感其惠澤此邦家之望也
豈閭里之榮哉詎期雲水之蹤與承顧念爲卜林泉
之築許以栖遲錦綫藕瓣下臨禪板蒲團催動過竹
院偷閑半日古人憐醉夢之無厭炙福皮共語深更
令我喜叨陪之有分

答石萬戶請爲父起骨啓發於戎事

星隕石而死諸葛英雄之淚滿襟馬踏地而墜夏侯
忠烈之名動世寂寥千載今見而翁變化一機合資
吾法某人堂堂將種咄咄父風書連屋樹拂雲千金

之子總能文矣勞滿床印如斗萬石之君奚足道哉
奈何志學之盛年當此送終之大事佳城見白日合
一郡盡傷心素縻預米幡來四方觀其有禮乃待
著語愛方啓行玉芝瑤草芙蓉城未是大休歇處金
池寶樹蓮華國爲歌歸去來辭率此占酬倚須造謝

祭文

祭天目幻住和尚

濟北陰涼大樹歷世久兮向衰至老雪而復盛盛三
傳而至師師秉大用應變隨宜化聲入達雷震風馳
念余所出同本異支棄家忘返五載于茲叢嚴天目
既高且危石枯松老嵐蒸霧炊嘗自謂孤雲野鶴何
天不飛清水白米何處無之何不舍是而他適乃復
守荒寒而自怡師即凹凸示之坦夷以瞬揚爲捧喝
以談笑爲針錐爲人切處知者自知如反攻之藥如
變局之棋屈強兵於不戰起絕命於懸絲去歲壬戌
多士來歸援余首衆衆駭且疑授黑氈之三尺警龍
象以鞭答尙賴護傳枝之弱羽亦猶試反躑之狡倪
師忽余棄余將孰依惟忍死以承命誓潛行而密施

奈有言責勢不獲辭鼓喉舌於棧輪代多士吐哀而
訴悲貌太虛之妍醜酌滄海之盈虧知師者誰知余
者誰倘不任力行以圖報縱眼枯腸斷兮何裨

祭父

維至順二年七月七日出家男某寓華亭得弟中行
書知先考某人以是年四月初五沒于江西廬陵之
故家越六日爲七月十三始克就所寓會諸僧作佛
事設位致祭陳情以昭告曰不肖之罪有三此平生
不欲言而今之不容不言者也早捐世業不待父母
之命毀形而僧一也既業於僧復飄然遠遊以累父
母之懷二也遊既遠且不能以時致父及聞訃又不
能匍匐歸葬三也嗚呼不肖嘗讀世書稍諳時議其
果忍於是哉蓋由慕出世之法有大利於父母故從
其大者忘其世之所謂孝也父云死矣脩阻奈何惟
當勉事吾法以盡吾心父有靈死而不死苟沾吾
法之利則知不肖之不孝非不孝也乃酌杯水訴情
以文萬里咫尺靈其鑑之

祭九峰壽首座

臨終有偈云七十二年這邊那邊喫十方
飯參達磨禪今朝一躑躑身去笑破傍觀
觜半邊

吾天目正宗之道固非文字之所能詮在當機脫略
乎生死乃因言語以驗其真傳如吾九峰之末後句
子亦足以振後而光前今吾招萬家以共聽爲君下
註脚而重宣七十二年赤脚波斯算卦錢這邊那邊
被挑日月透金圈喫十方飯陳年佛法從教爛參達
磨禪正法眼藏野狐涎今朝一躑躑身去腕頭迸斷
娘生袴笑破傍觀觜半邊若是同參則不然爲甚麼
不然蒼天蒼天

祭松江喜菩薩

道不同不相爲謀心相知者千里相求公始會吾於
獅巖多士同參之室吾已識公敦重木訥誠輔道之
良儔獅吼既寂巖壑驚秋多士若鳳麟之散漫諸方
魄鍊網之難收公操鋤斧於華亭蒲葦之隙吾乃聞
公喚菩薩子踵芳躅於金牛祖道日喪俗習日浮慨
同參之零落懷乘桴以海游公適移文以招隱吾亦

乘輿采船子機杼之遺謳就蠅廬以容膝做象骨而低頭刮眼且以相視嘔心肝以相酬豈無故山可以懷首丘豈無大方可以營菟裘胡為乎至是而淹留吾由感公忘年重義致交道之綢繆公且聚群材樹廣利鬼輪神運淵挾林搜疲奔命於東酬西醉罔晝夜額額而忘休人或思其積勞以致疾吾復愛公忘身利衆行廣而化周病魔忽作神劑莫投目不勝舉氣不禁抽尚指揮其職務戒群工之是填人或慮其臨變而失守吾愈驗公操持素定瀕死而無憂體雖生滅數踰短脩露法身於萬象消覺海之一漚人或勸其千古之永訣吾獨見公面目現在絕來去之蹤由收彼涕眶禁彼哀喉歌吾楚些薦吾茗蕕吾其爲公盡情於世禮公毋謂吾劒去而刺舟

祭良毒海

兄我異鄉而視兄猶股肱者同參之義也吁嗟兄兮才足以濟用緣足以展化志足以任大法也昔幻翁之坐天目化機四出紛然百爲兄服其勞衆賴以逸逮翁寂而塔也饗有堂瞻有壤兄任其責衆藉以安

此兄之材緣足以盡兄之分矣至如遁迹池山單提獨弄養痾卜鳩密鍊潛鞭此兄之志有進而進不容自已者胡爲乎若是而已焉彼蒼者天與人必全既優其材復多其緣獨齋其壽以奪其志者何哉嗚呼萬事落葉兮百年願波兄不我待兮我將奈何送兄兮山之阿去日短兮來日多兄之志兮不可磨九峰插天兮青義表

斷崖翁祭幻住和尚代

先師門戶壁立千仞惟我與兄剛犯巖峻割脚死關驪身白刃妙契玄同兄呼弟應自是以來東西奔命我職化權兄持正令三二十年家聲始振奈何委而棄之獨棄化以歸手盡宗風既寒祖燈將燼願兄既去而復來爲法道同扶於末運毋厭難度之衆生堅坐不起於那伽大定

扶桑國衆僧祭代

余家海東兮扶桑望中國兮水天渺茫惟師道化之無方兮殊邦異域咸仰其光故余慕真燈之一見兮向鯨濤萬頃寄命于風檣天與不死獲拜猊床沾法

爾之露霖息外走之癡狂既而世故之果兀倚師如
勇將之幢夫何法運之不昌乃不整遺於法王使遠
人有身而無託胡不先師而殞亡矢詞熏香有涕其
勞于以嗟旅途之寂寞于以勸藥社之淒涼

先師將殯之夕率衆法眷歌此章再祭

三十年間師子竝希聲震動乎大千餘音一夜變爲
哭天地草木同悽然秋空蕭蕭下黃葉殿泉瑟瑟聲
嗚咽我之哀兮無奈何寒濕抖落千峰月山蒼蒼兮
水泱泱堂堂面目何曾藏酸心酸淚忍不得看水看
山成斷腸天台南嶽師莫住夜摩觀史師莫留茫茫
苦海風浪惡衆生日夜懷慈舟

祭如山首座

君大江之西素稱法窟而匡山番水之間英材尤盛
數十年來諸大老飛烟過雨後進者無所矜式雲顏
波瀾叢社蕭然維公鍾秀峙之氣負穎脫之資透網
東湖問津西浙造衲翁之堂奧承幻住之爐鎚者於
茲有年矣其憂道也屢空不辭其語人也寸長不隱
蓋公有志於遠大而人亦以遠大望於公也天巧其

逢一肺疾見攻而竟爾不起群飛刺天鸞鶴墮羽曼
草蔽野芝蘭不春可不爲之傷乎傷哉

祭陸提舉

世波洶湧公其中流之砥柱乎寒士風雨公其廣廈
之棟梁乎里閭雪霜公其梓桑之喬木乎僧園斤斧
公其佛法之堅城乎已乎已乎梁摧柱折木壞城毀
不可得而見乎天地黯黯山川愁余聞而未識者亦
將感歎而號呼況平生托其護而受其施者乎

祭杲山首座

生死如幻其誰不知知幻卽離死何足悲惟其有所
感於人者人不得不悲而哀之嗟余杲山鍊石之姿
聖脊梁危坐一室五十年寒暑不移富豪擲多金以
施而掉頭不納凜然薄俗之風規宰臣虐大利以招
而掩耳不聽歸然末法之刑儀求如兄兮當代曾幾
忽失兄兮高蹤莫追世衰道喪朴散醇醴吾不爲兄
悲兮悲誰吾不爲兄哀兮哀誰

祭遼東深不真代

我關之西兄遼之東馬牛之風不及舟車之迹不通

由南來兮見知識參同堂兮入同室以燕趙齊魯雲
南薊北之士爲一鄉兮相友相扶誼如肉骨古銅兮
一孟莊廉兮一榮破訥兮一衣并一身而爲四物兄
之於世澹然棄之固無足惜惟存者之無聊乃相向
而失色客路兮士曠人稀鄉音兮海斷天隔道寧懸
絕兮業流灣環少壯幾時兮死生瞬息念無常不與
人期非獨爲吾兄而慘塞

祭某官

脩短不齊一歸乎盡縱天地之大亦不免也惟其人
而有以異於人者雖盡不盡脩短奚足議哉如公之
年未及知命聲名昭于時恩澤布于下視富貴爲倘
來處生死如寤寐窮神致化與道爲徒斯其可以盡
乎而又抱勞有傳才俊滿眼此天之所以報公亦不
薄矣然則公之短非短也公之亡非亡也惟我林谷
辱知已多猶恨遇公之晚而失公之速雖曰失公公
未嘗失又將見繼繼承承於公之子孫也

祭鳳德輝代

下丹鳳於千仞兮覽德之輝巢鷦鷯於深林兮一技

相依惟君慕盤隱之李愿兮非徒愛其泉甘而土肥
蓋嘗學逃禪於蘇晉兮退藏就空寂而發揮遂開小
逕以連松路兮時復扣竹房於翠微誠諸郎以繼其
志兮且助揚於化機方擅陰之日厚兮胡遽此而相
違噫吁嘻鷦鷯之失護兮鷹隼飛鳳縹緲而逝兮何
當歸望雲翼之不可附兮徒惆悵於荒庭古竹之寒
暉

祭明誠處士

公將爲處士兮爲閭里之輝光公將不爲處士兮爲
邦國之禎祥樂天知命於誠之明兮妙大用而無方
窮理盡性於明之誠兮應萬變而有常謂其生之榮
兮富既壽而且康謂其死無憾兮森芝蘭玉樹以流
芳謂其不亡兮迷影像於荒唐謂其果亡兮體偏在
而不藏俎白雲於天目之顛兮逗明月於莫湖之旁
誰謂公之不吾享兮吾其見公於天光野色之蒼茫

祭大慶長老代

鏡錫響空雲雷奔走萬壑千巖作師子吼師之應公
選慰輿情而來吾大慶也妬慢委心勢權屈膝禪笠

滿門子等盈室師之折貴宦走學徒而盛吾大慶也
廣堂輩輩兩廡翼翼像設莊嚴錯落金碧師之傾三
囊掃劫灰而成吾大慶也推枕方丈裹藥行李西向
秦溪片帆秋水師之抱微痾懷舊隱而去吾大慶也
登林度澗載瞻載思忽報以訃林號澗悲此則大慶
夙夜望師而師之永訣於大慶者也烏序

法眷祭毒海代

遺囑撒骨有偈云太湖三萬六千頃中有
浮圖絕正偏今日遺骸歸去也碧天連水
水連天

昔幻住翁高蹈天目室無寄簪門不措足指我所師
爲兄法屬誼重股肱情逾骨肉二十年中上下游從
肺肝相示甘苦是同癸亥之哭眼枯泪空兩蟻零亂
爾西我東世紛掣肘幻廬莫守堂堂西峰不忍遽首
九華之山兄遁其間扶服千里抱病以還因循二年
有懷隔絕一旦書來囑以遺骨太湖三萬六千頃我
之恨兮不能洗碧天連水水連天我之淚兮多於水
兩序祭某人住持代

襄林之有職司猶郡邑之有吏曹也職司之待住持
猶吏曹之待牧守也或怨或怒或感或慕視上之賢
否爲何如耳師自吳而來越吳士攀轅感慨而激烈
師自越以還吳越人遮道戀慕而嗟呼師化事之將
畢入三昧於無聲天地爲之黯慘猿鶴爲之哀鳴師
平昔行深而化密非吾徒可得而窺測以去來之跡
而觀之其道德不言而可知虛空爲口雷霆爲舌不
足以殫師之盛業海水爲墨須彌爲碑不足以絕余
之去思

江湖祭悟庵菩薩代

宗綱墜矣魔說熾然噪狐狸於象數舞魃魃於龍圖
吳包楚笠水際山顛佳士耻齊竽之謠吹諸方喜陳
榻之高懸惟師秉天目之鉶斧乃大開宿覺以延賢
其分衛也也以之爲丹陽負米之具其思濟也也以之爲
華亭載月之船既息我勞復安我禪何禪栖之未穩
倏化迹之云遷悲夫盛衰有數聚散隨緣今吾率雲
水而莫別主賓如驛舍之離筵雲焉水焉聽吾所遇
而休焉

祭母代

坤厚載育不可度思母氏劬勞恩或過之立身揚名
事塋以禮子之報之盡分乃已絜我有母充全母義
秉是懿德生于宋衰際時孔艱海桑烟雨綢繆拮据
不遑寧處以慈以仁以儉以真創業樹家睦親善隣
子女成立生植蕃息匪承母恩曷有今日我以懦庸
弗振于宗顯揚有媿甘旨靡供母壽遽終子分未盡
殞可贖兮敢愛其命母覺真機佛乘是依西有樂國
相期以歸我不敢死忍茲哀苦誓將遵脩以盡孝慕
慕豈終身報圖永古孰知我心皇天后土

祭鳳凰山主代

吾哀世相兮輪雲海桑吾哀叢社兮斧斤雪霜吾哀
吾徒假衣服以裨欺劫奪兮猶捕蟬忘雀之螳螂寄
幻身於夢宅曾誰悟其無常既無常之未悟沉復悟
其死而不亡唯兄悟無常於夢幻早游心于圓覺之
場惟兄痛末法之流弊佩西傳密印而不顯其光開
一方之化境見二子之聯芳其不亡者在是縱萬死
兮何傷山兮蒼蒼如飛鳳凰法身常住遍界莫藏吾

猶爲兄無龜而痛哀者哀眷誼之荒涼

祭了心居士

心可了耶視之不見而探之莫窮心不可了耶堂堂
獨露而法法混融心非了而了非心耶猶迷者向西
而覓東心卽了而了卽心耶惟悟者密契而冥同如
眼對眼如鏡照鏡如水投水如空合空故居士得了
心之三昧乃不爲世網之羅籠其御下也慈其事上
也恭其奉已也儉其待人也豐給僧之餉嚴佛之宮
雖世出世間熾然其作用視之若遊戲之神通始余
以數千里外之遊謁憩禪藤於吳松江上之青峰聽
江湖議在家而問道靡不羨潤齋之呂公又聞呂公
之得賢配疑老龐夫婦再世而相逢比余因識潤齋
而遂識居士致禮問法殷勤盡見其心胸茲焉已矣
復見無從現女人身以化俗耶人固罔知其來處捨
是身而復現他身耶人亦罔究其行蹤今余所以祭
了心而吊潤齋者庶幾見方外之流風

祭照庵山主代

西山照庵余弟余兄以道以義託交死生生死之變

太虛流電所託忽空孰忍聞見作哭西山餘哀尙存
今哭照庵黯然銷魂照庵之照如日杲杲六戶洞開
群幽頓曉照庵之庵法界包含十方圓現萬象同參
照庵之歿猶動而息風止波停性海澄寂生既無累
死奚足憐余所憐者道與義焉

祭史氏安人

惟史與夏名家世姻夏而三世路義宅仁由安人之
善贊佐故令德昭昭而日新敬以睦族惠以恤隣有
子有孫如鳳如麟由安人之善教育故美譽洋洋而
在人前歲慶古稀之壽壽日遇生年之戊辰人皆謂
期頤之有兆歲寒見松柏之方春胡乃至是而遽往
恍兮若御風而出塵由安人早厭其塵累故超然向
覺海而問津視去來之變化如拳掌之屈伸既了生
而達死是將返妄而歸真惟其平生推誠以待物曾
不間乎踈親故今者踈親不間相與悽惋而沾巾

祭海道萬戶某相公

公如天人世家高昌爲秦國公之賢嗣生而見堆笏
之滿床材俊而敏氣正而剛盛德日積令聞日章試

歷監于大郡於前烈而有光志勳業於昭代如杜如
房留精神於內典如裴如張廊廟期之爲柱石佛法
倚之爲金湯謬余一裙裾遁空荒管沾餘潤林壑清
涼撫民謠於石刻蔭濃綠於甘棠記頃者謁公於漕
府公語余浮海之相羊鼓一槳而雷吼風萬舶而龍
驤翫海市於紫雲之氣斥鯨鰲於黑水之洋指點張
皇叫呼嗟訝至今聞者神思飛揚何大星之遽隕駭
愁視於蒼黃悲哉公將悟身世之漚花兮厭利祿之
沈穢駕玄鶴於仙列兮驂赤虬於帝傍追之不可及
兮哀之徒傷若鍊雪於甘冷兮些招魂於渺茫公其
有知而來享兮見交情生死之未忘

歸子林天如和尚語錄卷之八

師子林天如和尚語錄卷之九

小師 善遇 編

師之語錄向已刊行矣此集乃刊後續編其間開示宗乘者十有六段答淨土脩法之問者二十六章今並錄以傳意在廣被機宜各隨所取於是離爲二卷而別目之一曰宗乘要義一曰淨土或問而又總名之曰刺語集焉刺語者非舊刊未盡之謂也乃欲覽者得其旨於語言之外也

宗乘要義

師因衆請開示五家宗旨升座僧問禪門一派分爲五宗其間還有優劣也無師云五五二十五進云臨濟宗下偏地是兒孫畢竟他有何長處師云細魚咬斷鸚鵡脚白鷺驚飛上樹梢僧云涅槃心易曉差別智難明五宗異同請師開示師云退身三步僧作禮師乃云觀面相呈一著子語默難依聲色不到非離非在無欠無餘雖曰頭頭上明物物上顯爭奈取捨不得肯觸俱非如大火聚烈燄亘天不許正眼觀著

觀著卽燎却面門如吹毛劍寒光逼人誰敢絲毫動著動著卽喪身失命惟有沒量大人一昧天真自在無思無爲不識囊中有天子不治不亂不聞塞外有將軍天自清地自寧鳥自飛兔自走葉落花開神歌鬼舞盡十方利海微塵共一箇太平風月無端被黃面老漢撞出頭來剛道爲物垂慈指出許多名相喚作心喚作法喚作佛喚作一切衆生一波動萬波隨將本來一段好風光盡情抖亂了也者老漢明知是錯左不得右不得無可奈何弄到拈花微笑達磨西來展轉拖泥帶水將錯就錯去也且達磨所傳單單只是以心印心之一法耳後來流布既廣支爲五宗而宗各有旨究其指歸則不離乎一法所以古德云萬派千流皆渤澥七金五嶽總須彌若以正眼看來一法猶是假名五宗復何本據大槩是師家垂手處不得已放開一路曲順機宜既涉乎語言作用則未免各立門庭不別而別矣前輩尊宿多曾辨來謂臨濟宗棒喝交馳雷奔電激奪人奪境照用並行或於一喝之中自具三玄三要二主二賓妙在打破維籠

撲空窠窟被人喚作白拈賊殺人_一不眨眼者此也_二爲
仰宗父慈子孝上令下從暗合機輪混融境致大約
忘機得體舉緣明用如撼茶樹推木枕插歛立舉歛
行之類是也曹洞宗就語接人隨機應物示以偏正
五位功勳五位五臣五位王子五位辨明體用掃蕩
情塵使其物我雙忘人法俱泯而已法眼宗聞聲悟
道見色明心句裏藏鋒言中有響往往隨順器根調
停化法亦猶相體裁衣對病施藥者耳雲門宗格外
縱擒言前定奪稱提三句關鍵拈掇一字機鋒截斷
衆流聖凡無路人咸謂其孤危峻峻難乎湊泊非上
根利器不足以窺其彷彿故曰臨濟痛快爲仰謹嚴
曹洞細密法眼詳明而雲門高古也或者謂五家宗
派盛衰不齊蓋由師家機用死活之不等耳後人因
此一語遂將五宗言句逐一揀擇謂某深某淺某異
某同某死某活自以爲能具擇法眼而不知其錯中
之錯矣誤賺江湖求劍客刻舟痕上亂針錐豈不見
牛之鼻繩馬之口索繫驢之橛搭象之鈎此皆世間
調伏之具不得已隨其所宜而用之驢牛象馬倘馴

良繩索橛鈎皆棄物却來棄物上分揀死活同異豈
不謬哉殊不知宗師家一言一句多是看孔著楔何
嘗有意於死活曰死曰活盡在學人分上學人見處
用處死則俱死活則俱活不達此理者偏重活句譬
如慣弄活蛇有何奇特死蛇弄得活方是作家多少
人向活句下活了要死死不得反不如死句下死了
却有箇活時縱是死句下活得活句下死得乃至有
句無句死活自由也只在他人腳根下盤旋未是超
宗種草不見道機前有路擬向即乖句下無私動成
窠臼你若解向者裏和座推離不留朕迹自家別有
一路生機敢保五家宗師鼻孔被汝一串穿却且如
臨濟示衆云一句中具三玄一玄中具三要又道第
一句中薦得堪與佛祖爲師第二句中薦得堪與人
天爲師第三句中薦得自救不了及乎僧問如何是
第一句却道三要印開朱點窄未容擬議主賓分平
生捋虎鬚底膽志白拈賊底手脚一時俱露也會得
者箇便會爲山問仰山即今事且置古來事作麼生
仰山叉手近前爲曰猶是即今事古來事作麼生仰

退後立爲曰汝屈我我屈汝仰山便禮拜父子一唱一調伎倆已盡會得者箇便會洞山與秦首座冬節喫果子次乃問有一物上拄天下拄地黑似漆常在動用中動用中收不得且道過在甚麼處秦云過在動用中洞喚侍者覆退果卓彼此一場敗闕會得者箇便會法眼問修山主毫厘有差天地懸隔汝作麼生會修云毫厘有差天地懸隔法眼曰恁麼會又爭得修云和尚如何眼曰毫厘有差天地懸隔修便禮拜將謂有多少諸訛會得者箇便會雲門示衆云函蓋乾坤句目機銖兩而不涉萬緣汝作麼生承當衆無對自代云一簇破三關盡道雲門氣宇如王必有過格底聲調元來也是打鼓弄琵琶如上五家拈弄底皆略舉其一端用有萬殊體無二致恁麼見得便見一切異同之法一切死活之機到你透脫分上事同一家竟一絲毫差別了不可得具此見者名爲透關眼具此眼者灼見五宗別而不別盡大地人惑汝不得也既是五家關鍵被汝逐一透了更須會取老僧拈弄底始得遂以拂子柄打箇圓相於中畫一畫

隨時道箇露字就喝一喝却云者箇是五家同時機用不先不後觀作一團就中依舊有同有異有深有淺有死有活有痛快有謹嚴有細密有詳明有高古你作麼生分揀分揀不出擇法眼還在甚麼處當知具擇法眼不如具透關眼具透關眼不如具超宗眼能具超宗眼目方見從上來不別而別別而不別如許多曲曲直直總是劍爲不平離寶匣豈得已哉諸禪德從前別與不別會與不會底普請拈過一邊即今有箇觀面相呈一著子要汝諸人直下了取古者道本無迷悟人只要今日了不了目前萬般差別你若目前了得方信萬般差別即是觀面相呈一著子觀面相呈一著子即是空劫以前事空劫以前事即是沒量大人沒量大人即是你你到者箇田地方是千了百當底時節方自見釋迦與達磨無地可容身更說甚麼雲門臨濟擊拂子云吽吽直饒你甚麼千了百當爭奈金剛王未歸寶匣在鄺拂子下座釋迦如來降誕之日緇白禪友集會請世說師拈主丈示衆云頂門上有一竅露堂堂無所覆藏脚根下

有一機活鑼鑼無所滯礙遂卓一下云十方諸佛皆從這裏降生又卓一下云一大藏教盡從這裏演出橫拈倒用總自由放去收來無不可大衆諸佛世出了也諸佛既出世主丈子合入涅槃主丈子既世出諸佛却當滅度還委悉麼只如教中道身口意清淨名爲佛出世芭蕉和尚云你有主丈子我與你主丈子山僧云美食不中飽人食身口意不淨名爲佛滅度芭蕉云你無主丈子我奪你主丈子山僧云待他瞋睡送箇枕頭教中恁麼道芭蕉恁麼道山僧又恁麼道還諦當也無如其未委且請主丈子靠向一壁聽山僧平實商量諸禪德佛出世佛滅度身口意清淨則且置其不清淨者何謂耶記得祖師道一切善惡都莫思量自然得入清淨心體維華經云一切衆生具有如來智慧德相但以妄想執著而不證得即此善惡思量妄想執著名爲不清淨也妄想者何即汝諸人日用之中內無主宰恣縱虛妄浮心胡思亂想是也或想五欲因緣或想自他受用或思善或思惡或又隨聲逐色左攀右緣以其情緒多端亂起亂

滅如塵如沙如烟如霧把你身口意根重重汙染求一須與清淨不可得也所以云心想如猿猴無有暫停時一切業障海皆從妄想生因其妄想無暫停是故身口意不淨因其身口意不淨是故妄造諸惡業因其妄造諸惡業是故流轉諸惡趣因其流轉諸惡趣是故生死如輪迴流窮源悉由一念妄想而起於是吾宗門下貴向根源起處一截截斷自然海宴河清如昔者黃梅會中明上座爲追衣鉢至大庾嶺頭偶於提不起處狂心折伏老盧遂語之曰不思善不思惡政恁麼時如何是明上座本來面目明於言下豁焉開悟便見十方清淨無佛無衆生亦無身口意更討甚麼涅槃生死始自信出世不出世總是假名字本無佛涅槃亦無涅槃佛後來學者既不能似此披襟領荷宗師家乃別轉一機以棒喝用事學者又不能痛快承當於是復轉一機示之以無義味話喻若渾侖鐵酸餒要領須一咬百難碎又如橫握金剛王觸目不容存一法學者於此不得其妙或執藥成病或強生枝節或久久沒奈何向閑田地上不

復拈起於是又轉一機方與說箇生死無常喚作警策所謂無常殺鬼念念不停無常老病不與人期無常若也黃昏至終不留君到一更當信黃泉無老少當知定數不能逃當思日月似擲梭當念死生在呼吸如遭水火所逼如被冤賊所追如久困於獄囚如墮千尺井底念念求救念念求出又謂當勤精進如救頭然譬如頭上被火燒然則其速救之心不待勸而自發亦不暇思量擬議乃至饑不暇食渴不暇飲雖有大賓至門不暇迎接縱遇君主顧問不暇應酬直饒刀鋸在前鼎鑊在後魔鬼在傍悉不暇顧頃刻不容其少停呼吸不容其自安矣取喻至此豈非痛切之警策者乎然此等警策已是下梢一著大似頭牛鈍馬助之鞭策而已鞭策而又不行宗師伎倆盡矣今夫有志之士奮欲直截根源親見本來面目與諸佛把臂並行也須是你自家做箇轉變始得早刻諸禪侶共集師子林請爲普說開示方便當知方便盡在汝邊老僧開示處別無方便縱有方便也是我底在汝分上總用不著莫道我說底用不著縱使你

將芭蕉主丈子橫挑一大藏教及十方諸佛一肩擔荷繞須彌山走百千匝歸來依舊水連天碧豈不見黃蘗示衆云這些關捩子甚是容易自是你不肯去下死志做工夫只管道難了又難好教你知那得樹上自生底木杓你也須自去做箇轉變始得又云塵勞永脫事非常緊把繩頭做一場不是一番寒徹骨爭得梅花撲鼻香黃蘗此語可謂十分切當而今看來也是過後死語不足以活人山僧別用一機爲他翻款諸人試聽取良久云要得梅花香撲鼻還他徹骨一番寒喝一喝下座

中峰和尚忌日泉南菩薩戒弟子蔡普明設齋倡率四衆請爲普說師云祖意教意宗通說通接竹點月持索捕風何似山形主丈子憐似虎活如龍三十年前曾在天目山裏吸乾大海水撞倒須彌峰然後打箇踉蹌跳藏在無陰陽地中天上天下竟無蹤咩咩誰道竟無蹤卽今覲面相逢驀呈主丈云莫便是這箇麼依稀相似彷彿不同衆中若有傍不甘底不妨奪取卽作兩橛免向人前賣脫空若無其人放過一著

留與夜行迷路者。橫挑日月作燈籠。卓主丈召衆云。今日八月十四是普應國師中峰和尚涅槃之辰。衆中多有是他弟子。會得他開發來底。惟其後一輩人。未見未聞。未得其來歷底。試聽略舉這老和尚錢塘人氏。年二十四登天目山。依高峰和尚出家。究明生死大事。事既明。宿慧頓發。遂將所得法轉化一切人。是爲臨濟派下第十八代傳法宗師也。觀其三十年作師子吼。橫說豎說。言滿天下者。本無他意。只爲諸人自己。因根下有箇生死大事。不曾明了。不惜口業。勸汝了却。如今涅槃已來。又將三十年矣。而我師子林年年此日。爲設高座。張其遺像。會諸人瞻禮一番者。亦無他意。蓋欲諸人舊曾見他底。再見如故。重發道心。今之新見新聞底。亦使同發道心了却。生死事大。若不會此意。不發道心。是你蹉過善知識。是你不知生死事大也。道你不知已是。屈你生死事。那箇不知有生決定有死死後決定隨業受報。何況眼前常見他人死了。燒了。古教云。我見他人死。我心熱如火。不是熱他人。看看又到。我似此等說話。那箇

不得知。知則固知。只是不肯修行。道你不肯修行。也是屈你。現前諸大德多是久歷江湖。飽參知識。下手做工夫來底。只是未到千了百當田地。過在甚麼處。過在不勇猛。不精進。不堅固。不久長。暫時發肯心。未幾又退了。所以道佛法無多子。久長難得人學。道如初作佛有餘。始終不變。真大丈夫。如今能有幾人。始終不變。往往十箇五雙。都是退道心。底考其退道心底。因緣蓋亦各有所累。而然也。所累者何。有三種累。第一無間。僧俗男女。各各爲身口所累。其次有眷屬者。爲眷屬所累。有家火者。爲家火所累。這三種累。累殺天下人。盡天下人。遭這三種累。忙了一世。開了一世。苦了一世。乾弄了一世。空過了一世。何況又因這三種累。起了無量貪瞋癡。造了無量大小惡業。由此業報墮落三塗八難苦海之中。生死輪迴。受了無量苦惱。不得解脫。雖遭無量苦惱。只是始終不醒。其不醒者。因其不悟。故也不悟者。何不悟其身體眷屬家火。皆不是你底。如今向道身體不是你底。你尚未信。山僧索性爲你從頭說破。你最初來母腹中投胎之

時單單只是一箇識神何曾有身體來此箇身體乃是父母赤白和合結成底一塊頭肉本無知覺不知痛不知痒不知冷不知熱不知饑不知飽不知苦不知樂因你一箇識神著在這一塊頭肉之中從此知痛痒知冷熱知饑飽知苦樂及乎出胎之後索性認著喚作我身向道身非我有決不肯信由是佛祖講之又苦口向你道此非汝身此是精血結成底臭皮袋不屬你管不由你差排以至生老病死皆不由你處分何以知其然耶且如你最初投胎之後住母胎中七日一變次第生長曰五臟六腑百骸九竅四肢六根筋骨皮肉漸漸成形乃至出胎皆是業風所吹業力所使你是不知不覺何曾由你差排既生之後長養至三四十歲他便髮白齒搖面黃肌瘦漸漸變來漸漸老來老相現前從而病到病既到死便來如此等變壞一一不由你你本不願如此爭奈管他不下論你從生至死向這臭皮袋上用多少恩愛情義種種保養他種種護惜他種種醫治安排他他却忘恩負義如此得人憎何況更有得人憎處只如盛

夏炎蒸之月有一壯健好漢忽於黃昏之際得箇急證死了死到二更半夜時分便覺臭穢逼人近傍不得急急用棺材盛却蓋却等不到鐘鳴天曉急急扛出燒了纔是至親至愛底眷屬也不容停留矣以此觀之昨日晚間猶是一箇健漢今日起便做一撮骨灰知他一箇識神又向何處去了如此急變並不

由你既是你身體合當由你管既不由你管如何妄認他是你身徒爾遭他所累退却道心你之眷屬亦然彼此施箇臭皮袋彼此不自由彼此管不下無常到來彼此替代不得平日眼前彼此被一種恩情纏繞喚作眷屬眼光一閉之後彼此不相識了如何妄認他爲眷屬遭他所累退却道心你之家火亦然眼光脚健之時計較經營慳吝守護將謂百千萬年得他受用誰知一氣不來一毫也將不去如何妄認是你家火遭他所累退却道心計得許多生受其誰使之然耶今日諸人既聞此話便合回光照破痛自醒悟於此三種累上莫認著莫戀著莫貪著安其定分任運過時却須撥轉念頭向生死事上奮發勇猛精

進討箇分曉。近時衆中愚昧者多。往往以狹劣心生斷滅見。將謂離此三種之外。則空無所依。所以目前拚捨不下。豈不思悉達太子生在王宮。身具三十二相。以尊貴種族爲眷屬。以富有天下爲家火較之。諸人多少來去而悉達太子都無戀著。一旦棄恩割愛。斷髮毀形。遁入雪山深處。勞其筋骨。餓其體膚。苦行六年。以求佛道道成之後。果報隨之。遂於華嚴會中百寶莊嚴座上。現起尊特。自他受用。無盡功德藏身者。是其報身也。四十一位。位位各有無量微塵數法身。大士圍繞參隨者。是其眷屬也。重重無盡。互互無礙。無邊華藏海世界者。是其報土也。以果推因。因其早有醒悟。發大勇猛。棄却三種業累。勤苦修行。故能感此三種殊勝果報。使其在王宮之時。貪戀目前。拚捨不下。安得有如是殊勝莊嚴之果報哉。此事人人有分。人人可爲。拚得便做得。不少一絲毫怕落空者。當於此而深省焉。則上座因先師忌辰。衆請普說辭。不獲已。借先師座爲衆舉揚。自愧匪才。既不能拈頌。古今機緣。提持向上綱要。却乃嘮嘮切切說出許多。

淺陋庸腐之語。玷辱先師。取笑作者。雖然若是作者。應不見笑。一曲村田樂。悲歡各自聞。

復舉楊岐會和尚爲慈明追忌。因緣乃云。大小楊岐與兩堂首座互相捏。惟不達時宜。大似飯飽弄匙筯。師子林則不然。野菜黃蘗家常茶飯。一則爲先師應箇時節。一則使諸人知箇時節。且道知箇甚麼時節。無口蝦蟇飛上天。波旬起舞。亦堪憐。神光獨耀誰曾見。夜近中秋月政圓。

衆建法華勝會。滿散請普說師召衆云。諸法實相義已爲汝等說。這箇是白月燈明。如來瞞汝諸人處。諸人還知麼。且據目前所見。天地日月草木叢林昆虫鳥獸萬象森羅。此等是諸法那箇是實相實相者。離言說相。離思惟相。離名字相。離能所相。既離諸相。其義作麼生說。雖云古佛隨機。舌頭無骨。點檢將來。食前失後。帶累釋家老子盡力爲他。飄欵出來。道箇諸法寂滅相。不可以言宣。既不可以言宣。七軸雄文。道箇甚麼。前佛後佛互相抑揚。互有短長。分疎不遍。我這裏政要提舉。如來藏勸破如來禪。且看拂子有何。

伎倆呈拂云卽此是實相擊拂云卽此是言宣甚麼
會得許你將一莖草作丈六金身將丈六金身作一
莖草逆順自由縱橫自在既有如是見解當知草芥
人畜天地山河法皆名實相谷響溪聲鷄啼犬吠
頭頭總是言宣此所謂相而無相無相而相言而無
言無言而言之第一義諦也諸佛於此成道轉法輪
諸天於此散花與供養釋迦分身於此來集多寶佛
塔於此出興權實於此開顯本跡於此發明群兒於
此登寶車窮子於此獲寶藏高原於此得水醉客於
此得珠無量損生菩薩諸大聲聞弟子小善人天畜
生龍女邪見妙莊嚴王惡逆提婆達多下及天龍八
部人與非人但聞法華一偈一句一念隨喜者各各
於此授記去也大衆如上所學如來禪瞞汝不得了
也只如梁武帝問達磨祖師如何是聖諦第一義祖
云廓然無聖帝曰對朕者誰祖云不識且道此意如
何能大師曰心迷法華轉心悟轉法華此意又如何
要不被祖師禪瞞也須勘破一回始得
茫哥刺宣差相公請普說師云道無言說法無形狀

有說是謗無言是誑敢問諸禪流作麼生定當舉拂
子示衆云曲順來機事無一向今辰乃是菩薩戒弟
子茫哥刺室利宜差相公爲亡父翰林承旨學士衆
兒赤相公諱曰營齋延集諸山師德特命山僧舉揚
法要冀其父親於冥冥之中因一言半句見徹生死
根源得箇解脫自在安身立命處此其請普說之來
意也以世法論之生事以禮死葬以禮以時思之以
時祭之孝子奉親之常情如是而已今某官必欲乃
父相公洞悟自心優入聖賢之域則又超出常情者
遠矣愚者或議曰人既死矣能聽法者誰歟蓋不知
死則死矣有不死者存其承旨相公之昭昭靈靈能
鑒能覺者何嘗有幽明之隔死生之間哉以至聖推
之生本不死死亦非死生死去來本無自性亦無實
法特由循業發現而有虛妄之相耳所以教中道因
緣和合虛妄有生因緣別離虛妄名滅原其受生之
初因父母已三緣會遇謂之交遘發生吸引同業從
而地水火風四大和合於是乎有身當此之際其昭
昭靈靈能鑒能覺者存乎其間矣既有身相乃有六

根就其身而推之外則髮毛爪齒內則肝膽腸胃內
外中間三十六物本無見聞亦無知覺因我六根與
彼六塵相爲對待從而眼色和合虛妄有見耳聲和
合虛妄有聞鼻香和合虛妄有嗅舌味和合虛妄有
嘗身觸和合虛妄有覺意法和合虛妄有知此見聞
嘗嗅覺知謂之六識而本無自性乃因昭昭靈靈鑒
覺之物發現於根塵之中而妄有之也從此便有種
種分別種種憶想種種染著種種攀緣內則隨情變
遷外則逐境流轉情識交感展轉發生起種種虛妄
之惑造種種虛妄之業其三界二十五有之中苦樂
升沉生死輪迴之報由是而無窮矣其四大幻身則
念念遷謝少而老老而病病而死死亦四大分散而
已其昭昭靈靈者何嘗有死哉古佛云身從無相中
受生猶如幻出諸形象幻人心識本來無罪福皆空
無所住是故有志之士才聞此話便能於六根六塵
六識之中照破虛妄和合生死了知情境惡業如幻
如夢如影如響亦如變化既能如此照破則不復隨
他顛倒而有返妄歸真之分矣難得如此又未免認

著箇昭昭靈靈喚作自己保之守之如護命根絲毫
拚捨不得乃不知三界二十五有之窠窟生死輪迴
之根本實存乎此故祖師呵之云學道之人不識真
只爲從前認識神無量劫來生死本癡人喚作本來
人須是猛拚性命撒手懸崖直下抖擻窠窟剝絕根
本待其一念不生前後際斷方許認得本地風光見
得本來面目既見自己本來面目即見諸佛諸祖本
來面目既見佛祖本來面目即見一切衆生本來面
目與自己非一非二無別無異共亦不離離亦不分
譬如千燈光照一室其光徧滿無壞無雜既到者箇
境界猶疑聖見未忘聖見未忘未爲究竟更須打箇
踉跳抹過上頭關踏著佛祖行不到處始是究竟不
疑之地若到究竟不疑之地生也生你不得死也死
你不得苦也苦你不得樂也樂你不得順也順你不
得逆也逆你不得也無佛也無祖也無一切衆生無
凡無聖無淨無穢無真無俗一切皆無是謂萬法一
如無動無變之大自在也體雖不變用乃隨緣譬如
虛空體非群相而不拒彼諸相發揮由是不變隨緣

故能爲佛爲祖爲一切衆生情無情等乃至爲生死
爲涅槃爲凡爲聖爲淨爲穢雖雖然有爲而全體寂
滅是謂緣起無生無著無礙之大自在也既到者裏
方信祖師道釋迦彌勒猶是他奴又豈過分事哉喝
一喝且莫錯會好山僧年老成魔隨人顛倒引出繞
地葛藤通相纏縛罪犯彌天若遇著箇無面目漢便
好掀倒禪床痛毆一頓亦使諸人知道強中更有強
中手佛法何曾滯一邊衆中還有這箇人麼如無則
山僧向灸瘢上重添艾柱一與承旨相公據款結案
許其脫死超生得大受用一與現前大衆掾頭撮尾
截斷葛藤根解却彼此纏縛黏主丈云生如寄死
如歸未契吾宗向上機離四句絕百非僞防語默涉
離微大力量人元不動從教鬼走與鳥飛生來死去
渾閑事大似著衣還脫衣卓主丈下座

佛數內廣額兒放下屠刀喝一喝云未在未在豈不
見瞎驢擔板滅却臨濟正法眼開遮持犯沒相干是
佛是魔俱一剎靈利漢這裏會去無縛無脫貪瞋癡
無路入來戒定慧無處安著方許你事事無礙得大
自在手把猪頭口誦淨戒你若纖毫未盡如隔鐵圍
擬心動念戒體即虧戒器不完妄希勝妙不墮闍提
即落魔道貪觀天上月失却掌中撓波羅夷罪不相
饒諸禪德戒爲六度之尤鋒萬行之基址諸佛成道
之本菩薩現行之法佛說無量法門百千妙義要其
指歸無非戒定慧故曰攝心爲戒因戒生定因定發
慧是則名爲三無漏學三學之中戒是當頭第一件
事然我菩薩大戒却非今佛創說乃從上諸佛之本
戒佛佛傳誦而已蓋諸佛昔在菩薩位中因行此戒
位滿成佛及成佛時最初即誦此戒令諸菩薩知所
修學非若聲聞等戒因事漸制者也是故盧舍那世
尊方坐蓮華臺即誦菩薩戒傳與千百億釋迦千百
億釋迦各坐菩提樹半月半月自誦此戒令諸菩薩
各各傳誦至一切有情皆許稟受如經云國王王

子百官宰相比丘比丘尼十八梵天六欲天子庶民黃門姪男姪女奴婢八部鬼神金剛神畜生乃至變化人但解法師語盡受戒皆名第一清淨者上而諸大菩薩下而穢惡卑賤之流聖凡大小一網俱收可謂廣大之法門也或謂菩薩十重戒中首陳殺盜姪妄夫殺盜姪妄乃大小諸乘通稟之戒也如在家下愚所稟八關齋戒近事佛法所稟優婆塞戒出家初學所稟沙彌十戒聲聞羅漢所稟蕭聚等戒一一皆以殺盜姪妄爲根本所稟之戒既同則何自而分小大耶殊不知戒無大小小大在機蓋由其發心立願之不同遂有大小諸乘之異也且如菩薩發心稟戒乃以三聚爲宗佛果爲趣三聚者第一攝律儀戒發廣大心誓斷一切惡第二攝善法戒發廣大心誓修一切善第三饒益有情戒發廣大心誓度一切衆生故其所稟十重等戒非惟斷惡且務修善凡所斷惡修善皆以度生爲先務也其所發四弘誓願雖自己煩惱未斷法門未學佛道未成亦必以度生爲第一誓願也故經云自未得度先度人者菩薩發心發

是心者乃於一切時一切處慈悲一切衆生憐愍一切衆生愛念一切衆生敬重一切衆生救護一切衆生勸發一切衆生誘導一切衆生教化一切衆生攝受一切衆生乃至成就度脫一切衆生直欲令其登無上覺而後已也其所發心非惟廣大且復以久遠自誓誓曰從今身至佛身盡未來際世世常行菩薩道也以其能發如此廣大之心是謂菩薩心也依此心而發行是名菩薩行也用此心而持戒是爲最上大乘菩薩戒也況謂恒沙戒品圓三聚而統收萬行因門惟一念而具足今夫以三聚爲宗者有理有事事防三聚使惡止而善行理御一心令惑亡而智立惡止善行則業障可破惑亡智立則惑障永離業障破則福圓惑障離則慧滿此乃離二障成二嚴而得爲究竟之宗趣也細而論之由宗三聚增長三學成就三賢十聖等位究竟令得三德三身無礙佛果也三德三身者一律儀雖過以顯斷德法身二攝修萬善以成智德報身三饒益有情以成恩德化身也教中有云初修大乘行菩薩戒者雖未成佛而先獲五

種功德八種殊勝其所利益不可思議故雖姪男姪女奴婢畜生等卑汙薄賤之器或發大心求受菩薩戒者此心足以契諸佛之本懷足以合菩薩之本願是以一念之間即感十方諸佛之所加被一切菩薩之所攝持八部天龍之所守護諸類鬼神之所敬仰以其一發大心稍沾戒益究竟必得成佛果故其或宿業不亡或因犯戒有過設墮地獄受罪輕微亦由上感加被之恩下承敬仰之力重罪既可減輕而惡道亦可速出也以喻言之如田野之家寒賤之子忽爾因緣際遇稍沾國王寵顧之恩一旦便有氣勢而彼久歷仕途官長吏卒皆當刮目相待不敢慢而侮之偶有過犯拘繫在官則其重罪減輕而禁囚速出者勢之必然也以是而知發心稟戒多種不同而其感果亦乃迥異此豈聲聞人天等戒可同年而語哉故凡出家在家曰男曰女無問貴賤賢愚皆當聽受菩薩大戒縱使在纏在難障重迷深不能如法受持者亦可許其隨量稟承或隨喜聽誦結般若緣下菩提種其菩提大心種子納在八識田中從生至生不

壞不失褻忽獨境遇緣終有發現時也所以道坐受立破僭勝不受戒者寧可受而有犯不可不受而無犯有犯名菩薩有戒可犯故無犯名外道無戒可犯故菩薩花雖萎猶勝一切花破戒諸比丘猶勝於外道蓋以外道刑見不受佛戒永沉惡道無有出期破戒比丘大心未失縱生惡趣皆為惡趣中王一念回光即得解脫是故古德云破戒受罪終登解脫之場不受不破永墮泥犁之苦瓔珞經云若一切衆生不受菩薩戒者不名有情識者畜生無異不名爲人常離三寶海名爲邪見名爲外道智論云譬如無足欲行無翅欲飛無船欲渡是不可得若無淨戒欲求妙果亦復如是若人棄捨此戒雖山居苦行食果服藥與禽獸無異遺教經云汝等比丘於我滅後當尊重珍敬波羅提木叉如暗遇明如貧得寶當知此則是汝等大師若我住世無異此也吾佛世尊於此戒法痛切勸諭者既如此殷勤付囑者又如此可謂切要矣嗟乎世尊滅度已來二千三百餘年矣如今政是五濁惡世末法之秋衆生根器輕浮無正知見況值

賢聖隱伏邪法增熾賢聖既已隱伏則菩薩大戒誰是諸佛慧命法門正脉却乃無人演說正法既無人說邪師得以縱橫說邪法行邪道示邪見傳邪解惑亂愚蒙通相魔魅縱有聰利根機邪正不能自辨亦不免隨邪入邪毀謗正法雖曰邪師過謬非衆生各爭奈一言引衆盲相牽入火坑此爲大可哀痛者也近代天目山高峰中峰和尚父子相承乃是達磨正宗臨濟正派單提向上直指人心然每遇學者登門必先使其立誓受戒此乃知時別宜隨機應變發明佛佛相傳之意力救今時墮邪之病而大開甘露門者也則上座忝紹遺風不敢廢墜今此現前一衆皆具正信正解宿於佛法有大因緣故能來我師子林中如渴思飲如饑思食特發菩提大心聽受菩薩大戒此非小可事也當生希有心當作難遭想當知成佛作祖決定有分既知有分不可遷延當念念護持謹潔無犯時時策勵勇猛精修假使熱鐵輪於我頂上旋終不以此苦退失菩提心亦如度海須到岸登山須到頂也其有久參夙學單提向上一著者既知

三聚爲所宗亦應知妙在用處政當斷惡修善饒益衆生之時莫作斷修饒益之想亦莫作善惡衆生之想要於善惡衆生境上無著無礙於斷修饒益事上無取無捨不著有爲不住無爲雖知諸法本空而不作空想雖泛應群機而全心無寄是名無止無作無持無犯理事一如之自性戒也誠能如此奉戒則可與單提向上一著照用雙行而互相策發去也亦猶夏馬之遇康莊復加鞭策勇往無前忽爾踏著故家田地地方自信不歷僧祇獲法身一超直入如來地先聖之言不汝欺也到與麼時更須知有末後句在且如何是末後句夜叉打落珊瑚枝海底泥牛脚月走杭州淨慈禪寺結夏節秉拂問答畢乃云有法可說是名謗法無法可說亦名謗法不見一法是大過患若見一法亦是過患怎麼也不得不怎麼也不得怎麼不怎麼總不得三世諸佛歷代祖師到者裏結舌有分只如道法非見聞覺知不離見聞覺知豎拂云還見麼擊拂云還聞麼既聞了既見了畢竟是有法耶是無法耶喝一喝這裏是甚麼境界說有說無納

僧家向銀山鐵壁裏突出金剛眼睛。徹見佛祖肝腸。無絲毫滲漏。和他命根一撈。撈斷然後全主。全賓全殺。全活。越動南山白額。吞却無毛大蟲。不妨鼻孔裏。聽聲眉毛上吐氣。恁麼也得。不恁麼也得。恁麼不恁麼總得。是謂我爲法王。於法自在。說甚安居。禁足。尅期取證。大好無繩自縛去也。者箇猶是作用邊事。若曰真正舉揚。且待上方丈子出來。露箇消息。卓主丈云。驚群須是英靈漢。敵勝還他獅子兒。

喜見禪庵浴佛日。滿散藏經。升座。周徧十方。是箇大光明藏。衆生成道多時。森羅萬象。常轉微妙法輪。諸佛叉手有分。所以道始從鹿野苑。終至跋提河平地。無風輒白波。於是二中間。未嘗談一字。有一字也。無著處。恁麼舉揚。猶是壓良爲賤。有首無尾。底說話者。裏却不然。要向權實雙行。體用兼濟處。請主丈子出來。別道一句。以主文劃一劃云。釋迦如來四十九年。三百餘會。以一圓音。隨機演唱。或漸或頓。或顯或密。日半日滿。日偏日圓。略而集之。五千餘卷。廣而計之。恒河沙數。雖云數等。恒沙却在一微塵裏。今乃有一

智慧之人。破此微塵。出大經卷。有耳皆聞。有眼皆見。所見者何。見三世諸佛。如是出世。如是成道。如是說法。如是度人。又見一切衆生。讀者誦者。受者持者。如饑得食。如裸得衣。如渡得船。如病得藥。當此時節。各發菩提心。乘此因緣。同達佛性。義政所謂欲達佛性。義當觀時節。因緣時節。既至。其理自彰。是則固是。且道。卽今收經散席。是何時節。因緣優鉢花開。劫外春釋迦老子再出世也。以何爲驗。九天香雨。飛甘露。李心齋學士建梵刹。設僧齋。印施金剛經圓滿請升座。師云。一毫端現寶王刹。微塵裏轉大法輪。黃面漢眼空四海。氣蓋諸方。放兩拋三。瞋恚賣峭。祖師巴鼻。則不然。一毫端現金剛圈。盡大地人透不過。微塵裏轉鐵酸船。盡大地人吞不下。據實論來。也是敲空作響。爭知道十方刹土。無盡虚空。悉在一毫端。現三世諸佛。十二類生。盡在微塵裏。轉敢問微塵。一毫是箇甚麼。低聲低聲。心齋居士。總不論這箇。却向土木場中。現寶王刹。荆棘林裏。轉大法輪。又向印板文上。脫出一字一句。皆是金剛圈。香積厨內。運來一粒一團。

無非鐵酸餽汝等諸人透也透了吞也吞了且心齋
事無虛設用有恒心畢竟如何贊歎拍禪床云過去
心不可得現在心不可得未來心不可得

示衆大道只在目前要且目前難觀欲識大道真體
不離色聲言語古人怎麼舉揚雖則盡情分付爭奈
承言者喪滯句者迷謂言非道重重鎖壁銀山謂道
是言忽忽電光石火進步既乖退步尤錯不進不退
自沉自埋所以向上全提當機直指不存一法不受
一塵無萬行可修無三界可出無衆生可度無諸佛
可成卽之如火輪不容湊泊嬰之如吹毛劒孰敢
承當大徹大悟對境還迷有見有聞觸塗成滯聲色
之前領略已落二機語言之後搏量早遲八刻與麼
則四十九年演說百千三昧流通天雨四花地搖六
動檢點將來總是色聲言語畢竟以何爲道若也坐
斷要津別通消息點出人天眼目洞照佛祖心肝如
香象之渡河截流而過類金毛之出窟反擲自由頭
頭上明是體卽是用物物上顯見色便見心與麼則
山光水影悉露真機馬叫驢鳴咸宜至理舉手所指

縱目所觀聲色語言無往而非道也然後轉山河爲
自己與衆生觀體混融轉自己歸山河與諸佛體緣
應現大衆卽今諸佛衆生山河自己同時變作拂子
去也急著眼看遂擲下拂子

示衆山河及大地全露法王身草木與叢林盡作師
子吼舉足下足入門出門這邊那邊築著磕著好箇
現成境界若到禪僧面前一點也用不著所以道語
若迅雷不容掩耳機如掣電豈許停思八臂那吒搆
不來千眼大悲觀不破捏得虛空粉碎依然逼塞乾
坤萬里不掛片雲青天政好喫棒千差坐斷諸佛乞
命無由一線放開衆生感佛有分這裏領略得去方
許慶快平生其或未然爲汝別下註脚咄

示衆法無定相隨念變遷佛無定形隨機應化有時
三世諸佛說法萬象森羅側耳聞有時萬象森羅說
法三世諸佛立地聽有時都不恁麼單單一箇無位
真人占斷十方世界要教萬象森羅無容身之地三
世諸佛無開口之分這箇境界卽今現在目前山僧
路見不平爲他剗却拈拄杖云看看無位真人墮地

來也。擲主丈下座。

浴佛日示衆梅雨弄晴。梅風吹濕。悉達太子生也。示拂云。現在拂子頭上。目顧四方。周行七步。惱亂天下人。盡從今日起。吓吓莫道世無雲門。無人敢欺你。惡水驚頭。澆杓柄在老僧手裏。

結夏示衆。護生須是殺。罪犯彌天殺盡始安居。狼藉不少。惟有生菰。帶功不浪施。掃蕩葛藤。露布任諸人。坐臥縱橫。十二箇時辰。使教顛倒走。與麼則剋期取證。有何消息。薰風自南來。殿閣生微涼。

解夏示衆。以主丈擊禪床云。圓覺伽藍一擊百雜碎。也。四月十五結本無結。七月十五解亦非解。西天人驗蠟人。冰自成多事。東土人驗鐵彈子。慣弄虛頭。我者裏一味朴實。你有主丈子。與你主丈子。你無主丈子。奪你主丈子。

僧請決擇禪病。師云。我有箇秘方。極其簡易。只教你放身捨命。大死一回。若得大死一回。一切病根自絕。然後打箇踉蹌跳。依舊做箇活人。那時却許你將此已驗之方。徧醫天下禪病去也。僧擬議。師乃喝云。貪生。

怕死漢者裏無你立分出去。

師子林天和尙語錄終

師子林菩提正宗寺記 依石本錄出

翰林學士承旨 光祿大夫知制誥兼脩

國史廬陵歐陽玄撰

奉訓大夫兵部員外郎臨川危素書

宣文閣授經郎儒林郎兼經筵譯文官金

華王餘慶篆

姑蘇城中有林曰師子。有寺曰菩提。正宗天如禪師。惟則之門人。爲其師創造者也。林有竹萬箇。竹下多怪石。有狀如後院者。故名師子林。且師得法普應國師中峰本公。中峰倡道天目山之師子岩。又以識其授受之原也。寺名菩提。正宗者。

帝師法旨。與以是額也。其地本前代貴家別業。至正二年壬午。師之門人相率出貲買地。結屋以居。其師而擇勝于斯焉。因地之隆阜者。命之曰山。因山有石。

而崛起者命之曰峰曰含輝曰吐月曰立玉曰昂霄者皆峰也其中最高狀如後院是所謂師子峰其磨有文以識其名也立玉峰之前有舊屋遺墟容石磴可坐六七人即其地作栖鳳亭昂霄峰之前因地窪下濬爲澗作石梁跨之曰小飛虹他石或跂或蹲狀猱狔者不一林之名亦以其多也寺左右前後竹與石居地太半故作屋不多然而崇佛之祠止僧之舍延賓之館香積之厨出納之所悉如森林規制外門扁曰菩提蘭若安禪之室曰臥雲傳法之堂曰立雪庭書有柏者曰騰蛟今日指柏之軒有梅者曰臥龍今日問梅之閣竹間結茅曰禪窩即方丈也上肖七佛下施禪坐間列八鏡光相互攝期以普利見聞者也大槩林之占勝其位置雖出於天成其經營實由乎智巧究其所以然亦師之願力所成就也師每說法參問多至數百隨其悟解開導誘掖有所質疑剖析至當莫不虛往實歸至於安衆必擇法器不泛然以容擅施與贊視師意嚮亦不强委師取共具財足卽止諸行省平章若河南之圖魯江浙之道童江西

之賈住行宣政院使若岳叔本肅政使者若普達實立禪額問道執弟子禮彌恭旁觀異之師法施平等官資崇庫若罔知也寺成之十三年宜春比丘嗣談以臨川比丘克立所撰事狀來京師謁余爲記余聞師之名起敬日久既抵其事狀述寺之勝槩而記之其師子名義則必有以復於其師與友也古有師子音佛有師子武佛言佛之威德能制諸魔也又言師子乳一滴可進驢乳百斛言佛法之真實能破諸妄也又若文殊之學得於智普賢之學得於行智之勇猛精進莫師子若故文殊之好樂在師子行之謹審靜重莫象若故普賢之好樂在象後之肖二菩薩者以之莫詰所從也今天目之所謂岩姑蘇之所謂林其取義必居一于是矣豈獨以山石肖貌言之乎雖然物有禁格而後有伏降有比擬而後有眞實孰若物我兩忘形勢俱泯以師子還師子以石還石以林還林然後佛自還佛法自還法菩薩自還菩薩哉論至於是師必有以警策其徒矣余聞師所說法不設厓險不輕撿揚不自陳銜悟解緣由以啓學人捷

出蹊徑其爲學平實縝密鞭辟近裏一時諸方之作
見乍聞而張礫旁午未證未得而棒喝生風者聞師
所言皆噤故自中峰以來臨濟一宗化機局段爲之
一變焉師舊多論建有楞嚴會解若干卷有語錄別
錄刺語若干卷行于世近乃一掃空言不尚文字於
談之請立之狀余之記能無倚于茲乎師俗姓譚氏
吉之永新人江浙諸名山屢請主席堅卻不受遁跡
松江之九峰間十有二年道價日振

帝師與以佛心普濟文慧大辯禪師之號兼與金闕
僧伽梨衣至正十四年甲午五月癸未廬陵歐陽玄
記

千巖和尚語錄

元
•
嗣 千巖元長
詔
編 撰

千巖禪師語錄序

往予家居時嘗謁千巖禪師於烏傷伏龍山當是時
遐邇學子望風奔湊曾未幾何化荒墟爲樓觀易寥
空爲金碧鐘鼓之聲上徹霄漢嗚呼何其能也蓋禪
師之不能爲能不用爲用芳蘭生於深谷而馨香遠
聞蒼壁韞于玄璞而光輝外發禪師處於遐壤而人
競從之有道之士其果有異於庸常者歟且禪師在
時其弟子嗣詔嘗錄其語鏤梓以傳予嘗獲觀之其
敷宣大法如雲雷迭興而九龍噴雨也如大醫王制
藥隨證而愈疾也如摩醯三眼光明洞照而無不至

序

千巖語錄

二

也由是知禪師之道不實不虛不有不無不中不邊
在普應之門蓋亦鏗然有聲者也以能以用窺禪師
者抑亦未矣禪師旣入寂兵燹方張所謂語錄者皆
爲煨燼經今十有餘年矣一庵鄰上人自幼侍禪師
與聞其道乃以舊本重刻不遠一千餘里來徵予序
予謂禪師之道見於言讀其言自可知其道又何以
序文爲然稽之古德其語存于今者多名縉紳爲題
辭不若是固不足以表正宗之所寄第予也非人惡
足爲禪師之重輕以禪師與余交也因不辭而爲之
書雖然禪師之道不落有無中邊虛實者固不可以

語言文字求也欲求禪師之道其亦得魚兔而忘蹄

筌者乎禪師行業予嘗爲撰塔上之銘茲不書上人
方閱三藏諸經連年不自休今又孜孜而爲是圖亦
可謂不悖其師者也

洪武九年秋八月二十五日翰林學士承旨嘉議大
夫知

制誥兼修

國史兼太子贊善大夫金華宋濂謹序

序

千巖語錄

二

千巖和尚語錄

目錄

上堂

小參

普說

法語

頌古

偈頌

讚跋

佛事

目錄

千巖語錄

附錄

千巖和尚語錄

參學比丘 嗣詔 錄

轉轍道人 大參 重校

上堂轉山河國土歸自己則易轉自己歸山河國土則難拈了也父母未生前道將一句來

雙林玉溪和尚至上堂天上無彌勒地下無彌勒千

門萬戶開輪槌只一擊下座

上堂還識老僧麼心地自閑閑萬般空擾擾門前流

水忙屋上青山老若是箇中人道

上堂舉燒庵婆話頌曰供他死漢亦徒勞發我無明

上堂

千巖語錄

把火燒若是久經行陣者不妨一箭落雙鵬

上堂教中道一切賢聖皆以無為法而有差別世尊

有兩個舌頭無明只有一箇舌頭一切賢聖皆以無

為法而無差別

上堂洪波浩渺白浪滔天老僧沒頭浸命苦懸絲汝

諸人莫有相救者麼若有救得大家相聚喫葶藶救

不得汝往西秦我之東魯

上堂大火聚焰焰光裏許不容蚊蚋藏一燒燒盡三

千界巍巍獨坐法中王大眾不是心不是佛不是物

是甚麼

上堂帝網之珠光相羅碎啄之機聲聲相和閉門造車出門合轍爲甚馬大師一喝百丈却耳聾三日請訛在甚麼處

上堂趙州道箇無字雲門道普汝諸人悟不悟莫賴預休莽鹵以拄杖卓一下下座

上堂拈起須彌槌打破虛空鼓驚得鼉鼻蛇咬殺白水拈從教血濺梵天紅夜半日輪正當午靠拄杖云是法住法位世間相常住下座

結夏上堂諸方今日結夏千巖今日結舌良久云是則是別以手捫口云又成多說下座

上堂

千巖語錄

三

示衆今朝初一上殿已畢喝囉但那西方日出

示衆卽心卽佛汝得吾皮非心非佛汝得吾肉

不是心不是佛不是物汝得吾骨得髓響三段不

上堂今朝三月五山鳥自啼花自吐泥團土塊解翻身爲甚諸

人都不會良久云雪峰毬毬禾山打鼓

示衆今朝又是六月十三日了也看看解夏又在目

前未審諸人水牯牛還牧得熟也未蠟人如水雪相

似也未若也未 各自照管莫恁老僧不說

示衆我無佛法也無禪暮雨初晴四月天要會西來

祖師意一池蛙鼓正闌闌

千巖和尚語錄

示衆舉僧問仰山云法身還解說法也無山云我說

不得別有一人說得僧云說底人在甚麼處山推出枕

子爲山問云寂子用劍刃上事師云爲山滿面埃塵

仰山通身泥水有問無明法身還解說法也無劈脊

便打說底人在甚麼處去去西天路迢迢十萬程

示衆昨日兩軍出陣兩刃交鋒未見輸贏難分勝負

老僧只管看忍俊不禁未免借鄧隱峰底錫杖子出

來搖一搖抵要諸人息戰息戰後如何熏風自南來

殿閣生微涼

上堂師指香爐云大衆香爐與諸人說法了也便下

上堂

千巖語錄

三

座

示衆雲門大師道扇子踈跳上三十三天築着帝釋

真孔東海鯉魚打一棒雨似盆傾雲門祇解瞻前不

能顧後遂以扇子擊禪床云扇子踈跳入一十八重

地獄築着閻羅王鼻孔閻羅王惡發道你喫了現成

粥飯日夜鼓兩片皮妄談般若合喫我手中鐵棒被

山僧一喝却入扇子裏去也諸人還見麼若見拈取

扇子來不見炎炎暑天用箇甚麼

上堂月頭初一月尾三十釋迦老子拈美不出是箇

甚麼六月山深日正長道人行處不尋常團團圍繞

青松樹殿閣無風也自涼

上堂聞聲悟道見色明心觀音菩薩將錢買胡餅放下手却是饅頭大小雲門只在聲色裏頭出頭沒無明則不然拈拄杖卓一下喝一喝下座

示衆舉龍牙云天下名山到因脚辛苦年深與襪着如今老大不能行手裏把箇破木杓五祖演和尚云脚也不能着草鞋手也不能把木杓端坐受供養施主常安樂師云盡大地是一隻破艸鞋盡大地是箇破木杓要把便把要着便着佛祖何曾摸得着示衆說了也且道說箇甚麼便下座

上堂

十歲語錄

四

示衆舉睦州問一秀才云先輩蘊何事業秀才云會二十四家書州以拄杖點云會麼秀才云不會州云永字八法也不識說甚麼會二十四家書師云智過於師方堪傳授睦州手忙脚亂俗氣不除秀才只解順來休論八法諸人還知這一點落處麼不可以智知不可以識識萬論千經從此出

示衆大眾現成公案昨月初一今朝初二

上堂大眾又是九月半也生死事大無常迅速計甚閑工夫說長腳話看看閻羅老子請老僧齋也諸人各自照管鉢盂匙筯好喝一喝下座

上堂大眾佛之一字吾不喜聞況說出許多閑言長語教壞人家男女好與三十棒何故蚊虻遭扇打只爲口傷人久立

示衆舉僧問趙州大地無塵掃箇甚麼州云掃外來底若是無明只向他道掃裏頭底大眾趙州底是無明底是

示衆舉雪竇云三分光陰二早過靈臺一點不揩磨貪生逐日區區去喚不迴頭爭奈何師云三分光陰卽不問且道靈臺一點是揩磨卽不揩磨耶衆無語師云歸堂喫茶

上堂

十歲語錄

五

示衆舉巖賓國王斬師子尊者頭王臂自落雪竇云作家君王天然有在黃龍新云黃龍要問雪竇既是作家君王因甚臂落大慧云孟八郎漢又恁麼去師云一人無却臂一人無了頭二俱誇好手何處不風流

示衆今朝正是三月三釋迦老子露尊顏樹上桃花開爛熳堦前紅雨點班班下座

示衆良久云大眾會麼會則事同一家不會則萬別千差臨濟和尚道我在黃蘗處喫六十痛棒如蒿枝拂相似如今思量一頓喫不知誰爲下手時有僧出

云某甲下手臨濟度杖與之僧擬接濟便打看它的
的顯示這些子無你諸人近傍處豈常情之所能測
老僧尋常痛罵罵你痛棒打你你不作無明會便作
佛法會又何曾夢見我先祖門風所以古人云臨濟
之道將墜于地痛哉痛哉正與麼時合作麼生超羣
湏是英靈漢敵勝還他師子兒

示衆舉德山托鉢因緣拈云末後句子德山巖頭雪
峰總跳不出乃喝一喝云大丈夫當爲真王何以假
爲

示衆當臺明鏡鑑在何人露刃吹毛逢它敵者從上

上堂

千巖語錄

六

的的相承以來無有不同者心肝五臟也全眉毛鼻
孔也全眼睛舌頭也同三百六十骨節也同八萬四
千毫竅也同一處同處處同只有些子不同諸人還
檢點得出麼阿呵呵縱饒滄海變終不與君通

示衆大眾還知老僧落處麼如釣魚放生

端午上堂夏日喫麥粥頭頂茅草屋東司雨淋淋無
處可下足中有老頭陀豈可稱尊宿可憐諸禪和剛
要相攢簇雖然無受用且喜相和畦健者共成疔病
者奉水菽今朝端午節無酒又無肉擎出一杯茶滿
泛菖蒲玉且道成得甚麼事人情若好喫水也甜

示衆老僧如胡孫種樹種了便拔看大眾生根也未
衆無語師代云根生也

示衆舉魯祖面壁南泉背上撫一掌公案師云南泉
何必稱兩字名當時更與兩掌非惟坐斷魯祖舌頭
且教後代兒孫免得做摸打樣

示衆舉臨濟如蒿枝拂相似公案雪竇云臨濟放處
大危收來太速松源拈拄杖云臨濟據令而行不知
孤負黃檗雪竇盡力擔荷也只見得一邊且道薦福
節文在甚麼處擲下拄杖師云二尊宿一人聾雙耳
朵一人瞎隻眼睛猜不惟孤負臨濟亦乃喪我兒孫無

上堂

千巖語錄

七

明今日路見不平且要與渠雪屈良久云不得動着
動着打折你驢腰

持法衣上堂陳年布襪破毵毵新製金襴天上來
得虛空無少賸山河朵朵笑顏開

示衆舉五祖演和尚云四五百碩麥二三千碩稻好
箇休糧方耆婆不得妙師云管取有錢常住不無演
祖若是將無作有拔食作富湏還無明始得米不糞
一粒菜不栽一莖任渠來住者喫得飽彭亨

示衆老僧今日口啞不能與諸人說得

示衆舉盤山云心月孤圓光吞萬象光非照境境亦

非存光境俱亡復是何物洞山云光境未亡復是何物師云光境不亡復是何物

示衆大衆拄杖不在且作別時來

雙林友雲和尚至上堂云路逢道伴交肩過一生參學事畢且道以何爲驗拈拄杖卓一下云空手把鋤頭

上堂以拂子打圓相云從上以來只傳者一箇冬瓜印子印破汝等諸人面門印空印水印泥一一無差高低普印麻三斤乾屎橛新婦騎驢阿家牽蝦蟆跨跳上天蚯蚓驀過東海印到彌勒下生也無箇了日

上堂

千巖語錄

八

畢竟如何喝一喝下座

義烏縣尹周剛善至上堂拈拄杖云大衆見麼釋文公來也卓一卓云先以定動後以智拔便下座

龜峰道源和尚至上堂作家相見不在形言擊鼓升堂聊陳供養供養我龜峰和尚降尊就卑昔應庵敘謝大慧末句云虛空可量風可繫無能盡說佛功德卽今下座同大衆拜請和尚尊慈開示

示衆舉世尊謂迦葉曰吾有正法眼藏分付與汝頌曰世尊拈華迦葉微笑賣與買人不要不要

示衆舉梵志詩云梵志身死去魂魄見閻老讀盡百

王書不免被捶拷風穴云一稱南無佛皆已成佛道師云只是現成話風穴用恰好

示衆云佛祖巴鼻衲僧巴鼻討甚巴鼻咄一一向胸襟中流出將來蓋天蓋地

示衆舉仰山道悟卽不無爭奈落在第二頭米胡深肯之師云如鏡鑑像像不來時鏡將何鑑如水融水水歸源後水復何融只如仰山米胡二老宿與麼道還有爲人處也無若把半斤稱八兩依然錯認定盤星喝一喝

示衆舉仰山四藤條公案頌云集雲峰下四藤條虎

上堂

千巖語錄

九

驟龍奔海岳搖選佛若無如是眼如何留得到今朝示衆大衆無明這裏只使無明且無佛法與你一棒大煞慈悲與你一喝十分直截你若作棒喝商量便千里萬里也久立

示衆舉法華舉和尚云釋迦不出世達磨不西來佛法遍天下談玄口不開無明則不然釋迦太饒舌達磨太孤絕諸方明眼人敢保猶未徹

示衆舉傳大士云夜夜抱佛眠朝朝還共起坐鎮相隨語默同居止分毫不相離如形影相似欲識佛去處只這語聲是玄沙云大小傳大士只認得箇昭

昭靈靈洞山聰云且道納僧家日裏還曾睡也無保
寧勇頌云要眠時即眠要起時即起水洗面皮光啜
茶濕却黃大海紅塵生平地波濤起呵呵呵呵哩
哩哩離哩師云三尊宿大似徐六擔板傅大士又俗
氣未除若論向上宗乘總欠悟在且道無明具甚麼
眼目不見道直須揮劍若不揮劍漁父棲巢
示衆師云有事出來問無事便歇去無人出師便下
座

示衆舉伏牛在禪師爲馬祖馳書上忠國師國師問
馬祖師如何示徒云卽心是佛國云是甚麼語話又

上堂

千巖語錄

十一

問更有甚言句云非心非佛或云不是心不是佛不
是物國云猶較些子伏牛却問未審和尚此間如何
示徒國云三點如流水曲似刈禾鎌師云伏牛當時
見國師恁麼道只向道是甚麼語話不惟坐斷國師
舌頭且與馬大師出得一口氣

示衆拈拄杖云古佛過去久矣汝諸人更要第二杓
惡水那卓拄杖下座

示衆舉保寧勇和尚云一是一二是三是四是
四數目甚分明上下依資次依資次有何事以拄杖
劃一劃云大衆一時亂却六十甲子了也無明則不

然一是二是三是四是四不作方便亦無漸次且作
麼生是威音王以前底事拈拄杖卓一卓云又是從
頭起

示衆云真空絕朕猶有真空大道無名箇名大道所
以靈龜曳尾拂跡跡生釋迦彌勒尚帶半途文殊普
賢皆須喫棒汝諸人與麼參請無明與麼提唱還有
過也無良久云盡力跳不出

示衆云不道無只是少所以達磨面壁於少林釋迦
掩室於摩竭也雖然如是要見德山臨濟則未可在
何故棒打石人頭曝曬論實事

上堂

千巖語錄

十二

示衆黃葉任隨流水去白雲從便入山來寥寥巖畔
三間屋兩片柴門竟日閑

示衆云貴羅廬陵米大做鐵酸餡普請諸禪流堂中
自吞嚼呵呵聊表殷勤莫嫌冷淡

示衆狂心不息雖天上亦不稱意便成佛亦是虛頭
狂心一息便是佛也不要更說甚麼天堂地獄汝
諸人還息麼

示衆舉石門聰和尚云十五日已前諸佛生十五日
已後諸佛滅十五日已前你不得離我這裏我有鈞
鈞你十五日已後你不得住我這裏我有錐錐你且

道正當十五日用鉤卽是用錐卽是遂有頌云正當十五日鉤錐一時息更擬問如何回頭日又出大慧和尚云恢張三玄三要扶豎臨濟正宗湏是恁麼人始得雖然如是雲門則不然十五日已前諸佛本不曾生十五日已後諸佛本不曾滅十五日已前你若離我這裏我也不用鉤鉤你一任橫擔拄杖緊峭草鞋十五日已後你若住我這裏我也不用錐錐你一任拘折拄杖高挂鉢囊且道正當十五日合作麼生乃云十五日前後鉤錐徒爾爲今朝是十五正好用鉤錐且作麼生用路逢死蛇莫打殺無底籃子盛將

上堂

千巖語錄

十三

歸師云二大老把手上高山爭奈傍觀者哂且道無明有甚長處十五日已前諸佛生以不生生爲生十五日已後諸佛滅以不滅滅爲滅十五日已前你若住我這裏我却用錐錐你直湏屍橫萬里血濺梵天十五日已後你若離我這裏我却用鉤鉤你直湏直毛斷結鼻孔相拄所以道十五日前後鉤錐常在手正當十五日大家要知有一任面南看北斗艸木叢林師子吼

示衆云今朝臘月二十五雲門一曲曾無譜爭似無明調轉高等閑唱出千山舞大地爲琴虛空爲鼓拍

拍相隨聲聲相助汝諸人湏聽取白雪陽春何足數箇中端的孰知音寥寥永夜松風度示衆云是法非思量分別之所能解釋迦老子云我於三七日思惟如是事喚作不思量得麼達磨大師云汝得吾髓喚作不分別得麼喚作相逢盡道休官去林下何曾見一人

上堂

千巖語錄

十三

倚樹樹倒藤枯響

示衆舉五祖演舉雲門云古佛與露柱相交是第幾機自云南山起雲北山下雨演云大小雲門元來小膽四面則不然古佛與露柱相交是第四機師云無明敢道大小四面更是小膽不然何故道面皮厚三寸出語成不遜好將臨濟棒一日打三頓有問古佛與露柱相交是第幾機第一機我爲法王於法自在示衆舉道吾禪師云高不在絕頂富不在福嚴樂不在天堂豈不在地獄相識滿天下知心能幾人大慧拈云徑山則不然高在絕頂富在福嚴樂在天堂豈

在地獄誰知席帽下元是昔愁人師云絕頂高高未
是高天堂地獄亦徒勞若論生死輪迴事今日明朝
與昨宵

示衆簷頭雨滴滴屋頭山寂寂西來祖師意大地人
誰識正當與麼時不費纖毫力分付與東風隨處生
顏色

示衆舉香巖端禪師云語是謗默是誑語默向上有
事在老僧口門窄不能爲汝說松源岳云香巖與麼
道是說不說良久云喫茶去師云香巖是謗松源是
誑語默向上有甚麼事無明口如巨海徹底波瀾

上堂

千巖錄

十四

上堂掃茅建梵剎猶是時人功幹十方無壁落四面
亦無門這裏個儻分明許你蓋天蓋地不然歸堂
參取露柱擊拂子下座

示衆舉文殊普賢起佛見法見世尊威神貶向二鐵
圍山師拈云大衆不起佛見法見還免得貶向鐵圍
山麼世尊也是憐兒不覺醒

冬至上堂六陰已極一陽生佛道還同世道亨唯有
祖師門下客依前日午打三更

示衆莊子能齊物千巖無物齊饑來喫麥粥衣垢洗
清溪

初祖忌示衆九年面壁坐斷天下人舌頭隻履西歸
喪却自家窮性命吾本來茲土又喪不盡也傳法救
迷情又坐不斷也既坐不斷喪不盡畢竟作麼生一
花開五葉結果自然成

示衆江月照松風吹面面青山展笑眉經有經師論
有論師莫恠老僧無法說勞汝諸人立片時

示衆云一切世界中有以音聲爲佛事有以光明爲
佛事有以飲食爲佛事有以莊嚴爲佛事是人行邪
道不能見如來如來者無所從來亦無所去諸仁者
且道如來卽今在甚麼處

上堂

千巖錄

五

示衆蓬頭垢面箇頭陀天下禪和不奈何便是佛來
須喫棒如今年老却成魔喝一喝

示衆大衆一喝分賓主照用一時行要會箇中意日
午打三更諸禪德臨濟大師四稜塌地了也乃喝一
喝且道那箇是賓那箇是主那箇是照那箇是用又
喝只這是賓只這是主只這是照只這是用又喝且
不是賓且不是主且不是照且不是用是箇甚麼又
喝云進前求解會特地斬精靈

示衆龍門水急一句截流茅屋風高千山起浪三世
諸佛望風結舌六代祖師頌有分天下老和尚仰

羨仰羨是汝諸人既到這裏作麼生與無明相見驀拈拄杖云與麼與麼人境俱奪不與麼不與麼照用同時卓一下云龍生金鳳子衝破琉璃喝一喝杭州天龍禪寺新建僧堂請上堂聖人在上天下太平我爲法王於法自在衆中莫有金毛師子麼試出來啐吼看僧問從上諸聖所傳何事師云本來無一物赫赫動乾坤進云昔日世尊周遊諸國今日和尚獨踞峯頭還有爲人處也無師云有進云如何是和尙爲人處師云老鼠喫猫飯進云學人不曾師云枕子撲落地打破常住塼進云天龍新建僧堂施主入

上堂

十嚴語錄

去

山設齋請和尚就彼開堂和尚還去麼師云你試定當看進云與麼則和尚性命落在學人手裏師云海東果子樹頭心僧禮拜師云又道老僧性命在你手裏豎拂子召大衆云本來無一物赫赫動乾坤擬議不來時迢迢十萬里無明這裏只有一口劍劍下有分身之意亦有出身之路你若向活鱖鱖處着到我便教你性命不存你若在淨躰躰處坐地我便教你雲生脚下直湏人境俱奪殺活同時自然海晏河清日上下何故宏開選佛場空心便作狀元郎傳來只箇無文印桂子香中舉手忙乃喝云文生也汝諸

人是拖白是末名是頭名良久云龍生金鳳子衝破琉璃 復云茲承天龍禪寺無用貴首座偕生首座入山設齋依襯持大道平長老香請曰今春蒙松江蔡媽媽李氏淨心施財建新僧堂完備請和尚向彼中開堂說法與淨心相見師曰諾於是搥鼓陞堂集衆而告之曰無明以十方世界作一箇僧堂行與諸人同行坐與諸人全坐乃至語默動靜折旋俯仰未嘗與諸人有絲毫間隔所以雪峯云僧堂前與汝相見了也汝若頂門具眼便見無明與淨心在僧堂前相見汝若更道在天龍僧堂前相見在伏龍僧堂

上堂

十嚴語錄

去

前相見我也知你是箇瞎漢不惜眉毛復示一頌處世界無所着圓陀陀光燦燦大中大窄中窄李氏淨心雖女流宛有丈夫之作畧針鋒上柱湏彌盧微塵中現寶王刹天龍道用不盡添得伏龍背地晒赤肉團上壁立千仞呵呵哩哩羅東家作牛西家作馬納僧鼻孔一時穿眼光燦破四天下復召大衆云是甚麼示衆舉白雲端和尚云古人留下一言半句未透時鐵壁相似一日覷透方知自己便作鐵壁如今作麼生鐵壁鐵壁師喝一喝云用鐵壁作麼

示衆舉舍利弗問須菩提夢中說六波羅蜜與覺時同別須菩提云此義幽深吾不能說此會有彌勒大士汝往彼問師別須菩提云寐語作麼

因高麗自悟禪人請祖衣上堂捧衣云大衆零零落落有些些覲面相呈見也麼不是春山雲片片分明秋雨後蕉芭箇是高峯老師翁天目山頭一生受用不盡底虎跑寶舟貴首座以我在杭州居山囑與奉持已三十年矣今日伏龍山中二三百兄弟莫有擔荷得底麼有則師子一滴乳無則且聽悟禪人請歸高麗金剛山供養令合國人知待彌勒下生不妨兩

上堂

千巖語錄

六

手分付所以道衣以表信可力爭耶阿難問迦葉云師兄世尊傳金襴外別傳何物迦葉召阿難阿難應諾迦葉云倒却門前刹竿着我道迦葉要做阿難師兄未得在何也待他道世尊傳金襴外別傳何物但召一聲待他開口劈脊便打不惟扶豎得祖上門風亦且與天下衲子作個榜樣

示衆舉調達誘佛生身陷地獄佛令阿難傳旨汝在獄中安否達云我雖在獄中如受四禪天樂又令阿難問汝還求出否達云我待世尊來便出阿難云世尊是三界大師豈有入地獄分達云我豈有出地獄

分師云臨危不悚真大丈夫

示衆舉盤山云似地擎山不知山之孤峻如石含玉不知玉之無瑕若能如是是真出家大慧云若能如是捏目生花師云若能如是不名出家

示衆舉僧問趙州承聞和尚親見南泉是否州云鎮州出大蘿蔔頭又僧問萬法歸一一歸何處云我在青州做一領布衫重七斤舜老夫云鎮州蘿蔔大青州布衫重要會箇中意難向五更啼師云久響雲居元來只隨人脚跟轉若是無明但云鎮州蘿蔔大青州布衫重要會箇中意虛空剎窟籠

上堂

千巖語錄

五

示衆舉盤山云向上一路千聖不傳慈明云向上一路千聖不然大慧云向上一路熱碗鳴聲師云向上一路在你脚底

曹居士請升座婺州信士曹仁卿同合宅貴眷就寺設齋俵觀請老僧升座說法老僧曰諾會麼盡大地是箇老僧盡大地是箇法座更教老僧升甚麼座說甚麼法記得五六年前行橋時已曾到宅叨齋受觀今日山中三四百衆喫齋受觀人人歡歡喜喜只者歡歡喜喜增仁卿多少福田長仁卿多少壽量適來長老已爲仁卿向法座上舉揚老僧只喫齋受觀便

了不用爲蛇畫足自然水到渠成豈不見五祖演和尚云端坐受供養施王常安樂趙州云老僧在者理坐地更說什麼佛法無明有條攀條無條攀例忽有箇漢出來道和尚你坐地分賊他日作箇什麼填還施主去只向道不作牛兮定作驢因甚如此大丈夫異類中行不是差事

示衆汝諸人只是不肯信自己是佛所以向外馳求無箇放身命處如今聽我說法時中禮佛看經坐禪持戒作福便是向外馳求也何況貪名逐利淫聲愛色而不喚作向外馳求耶要得不向外馳求便請迴

上堂

千巖語錄

三

光一照和自己也無自己既無便無我無你無佛無衆生無禪無戒無罪無福無名利無聲色無生無死空勞勞地無一物爲障爲碍然後隨緣應用任運過時天上人間無不自在臨濟云汝但歇得念念馳求心便與釋迦老子不別不是誑汝汝須信得及始是祖師西來也只得箇指路底人汝諸人只是行路底若要火急到家不勞動步若也茫茫這般走轉走轉遠何故賺却路頭不見道十方薄伽梵一路涅槃門且道路頭在什麼處以拄杖劃一劃云在這裡多少直截

因蔣居士施鉢孟上堂僧問大庾嶺頭一箇鉢孟明上座爲甚提不起師云用力太多進云今日蔣居士施鉢孟五百付爲甚人人提將去師云不費纖毫力進云用力底是不用力底是師云分身兩處看僧提再進語師云問話且止況此事不在語言文字上何謂也盡十方世界是箇鉢孟三世諸佛在裏許轉大法輪歷代祖師天下老和尚乃至一切有情無情總在裏許頭出頭沒汝等禪和家還跳得出麼若跳得出須爾南畔把手同行若跳不出長連床上喫粥喫飯茲承常州直心居士同令弟月堂居士委宏都寺

上堂

千巖語錄

三

送鉢孟五百副齋米五十石及臘資種種供養登山儀散衆請升於此座舉唱如前舉唱若舉鉢三十二號果係提鉢人分上丁無交涉未免舉一兩則古話也要諸人咬嚼僧問揚岐天得一清地得一寧衲僧得一堪作什麼岐云鉢孟口向天有問無明只向道披毛戴角又僧問洞山時時勤拂拭勿使惹塵埃爲甚不得衣鉢山云直饒道本來無一物也不合得他衣鉢雪竇云他既不受是眼將來底必應是瞎還見祖師衣鉢麼若於此入門便乃兩手分付非唯大庾嶺頭一人提不起設使合國人來

且緩緩將去師云洞山太尊貴生雪竇太慳吝生無明這裏則不然將來底是眼不受底是瞎禪和家箇箇腕頭有力不怕提不起不怕將不去何處更覓祖師卽今兩手分付大衆無明與麼批判且道與古人相去多少還有證明者麼若證明得居士功不浪施若證明不得無明不惜眉毛復成一頰以拂子打圓相云大衆見麼大地渾侖黑漆鉢吞吐虛空口門澗白飯山堆疊疊來死人吃了都教活畢竟此功歸阿誰常州在家蔣菩薩老僧也只得一分大家有眼何曾帶分付囊藏又展開千古萬古阿剌剌

上堂

三嚴語錄

三

示衆舉祖師云父母非我親誰是最親者諸佛非我道誰是最道者雲蓋本云父母非我親無有不親者諸佛非我道無有不道者祖師得第一句雲蓋得第二句有人添得一句許伊鼎分三足無明則不然父母非我親我亦非親者諸佛非我道道亦非我者祖師也不得第一句雲蓋也不得第二句無明碎身如微塵何止頭破作七分

上堂僧問如何是第一句師云有口如啞進云如何是第二句師云有眼如盲進云如何是第三句師云棒折也未放你在師乃擲下拂子云此是老僧第二

千巖和尚語錄

何如何是第一句便下座

示衆舉僧問投子不斷煩惱而入涅槃時如何于作色云這箇師僧如發業殺人師別云夜夜一覺眠朝朝三頓飽

上堂僧問如何是祖師西來意師云野馬入牛欄進云達磨未來時如何師云在西天進云來後如何師云在東土問如何是佛師云今日好雨進云如何是道師云此去義烏不遠師乃云一塵起大地收卓拄杖釋迦老子在汝諸人脚底達磨大師穿過諸人鼻孔還知麼若知蝦蟆口裏道將一句來若不知老僧

上堂

三嚴語錄

三

今日失利

謝首座上堂舉五祖演和尚云槌碎蟠桃核得見其仁將斷驪龍鬚得遇其實雖然如是未是好手爭如我伏龍山中天章首座也不槌碎蟠桃核頭頭應用皆仁也不將斷驪龍鬚處處全彰其實呼釋迦彌勒爲竈下之奴拈丈六金身作一莖之艸吹毛一拂血濺梵天珊瑚樹林紅日杲杲雖然如是也只得一半下座

示衆僧問如何是實中實師云當胸叉手問他人進云如何是實中主師云堂上坐來日正午進云如何

是主中賓師云有時歡喜有時嗔進云如何是主中
主師云橫按鎧鉞無佛祖師乃云無明不會禪問着
口便啞嗔者從他嗔罵者從他罵好事不出門惡事
傳天下咄

東陽陳君采至示衆舉白雲端因郭功父到云夜來
作得箇山偈說向大衆請舉似諸方非唯謝功父大
儒且要天下有鼻孔衲僧脫却貼肉汗衫乃云上大
人丘乙已化三千七十士尔小生八九子佳作仁可
知禮也師云白雲固是作家爐鞴功父亦是煅了精
金檢點將來也好與三十棒何故一箇不合將常住

上堂

千巖語錄

三

物作私已人情一箇攻乎異端斯害也已要脫他天
下衲僧貼肉汗衫倒添了百二十斤黃金鎖甲如何
有箇洒洒落落時節無明茅庵之下君采大儒訪及
我也不統夜思量作箇山偈我也不擊鼓敘謝廣演
條章只有一味杜田禪自然兩眼對兩眼如何是杜
田禪喝一喝云朕聞上古其風朴畧一日新到三人
來參師云三人同行必有一智智不到處道將一句
來僧無語師云智不在言第二箇如何又無語師云
第三箇添桶道看又無語師云却是老僧罪過且坐
喫茶

示衆僧問如何是大安樂底人師云劍樹刀山中坐
鑊湯爐炭裏安身進云行何方便到此田地師云一
物亦不爲進云古人一曲如何唱師云五音六律和
不得進云伏龍一曲又何如師云萬像森羅齊拍手
進云一種沒絃琴准師彈得妙乃作舞而去師乃云
世尊拈花眼裏撒沙迦葉微笑全身落艸達磨面壁
皇天咎屈二祖安心老鼠居金德山行棒莽莽蕩蕩
臨濟下喝契鹽止渴瀉山水拈泥裏洗土仰山挿鋤
性命難逃俱抵豎指是何道理雪峯觀毬老不知羞
石鞏張弓誑譁盲聾趙州勘婆大有論訛立沙未徹

上堂

千巖語錄

三

話作兩般這一隊不唧啾老東隱生前鹵莽死後瞞
預罪犯彌天觸觸徧野無明忍俊不禁與渠一坑埋
却拈拄杖卓一下云直得十方世界風凜凜地法堂
前何止草深一丈汝諸人且道向甚麼處出氣良久
云擬心奏泊二鐵圍山放之自然七穿八穴卓一下
因寄符施法被上堂春雲乍卷春雨初晴花紅柳綠
水碧山青紫燕黃鸝深談實相叢林草木盡作琴聲
突出釋迦鼻孔豁開達磨眼睛只如今日齊郡夫人
張氏德真所施一片法被上有一卷心經喚作一卷
心經又是一片法被喚作一片法被又是一卷心經

金酸酸錦層層結角羅紋重重寶印縱橫十字朵朵珠璣莊嚴既妙德相彌增一一從夫人心中流出一於諸佛分上圓明老僧受了諸人無分諸人受了老僧無分不如打歸常住千年萬歲耀真燈耀真燈復何憑有時挂向華王座也勝諸方黑漆屏

上堂青天白日起一片烏雲轟一箇霹靂下一陣大雨平地水高三尺五尺有者道龍王變化有者道陰陽氣合有者道人物業感有者道法爾如然有者道總不與麼是皆剗度如來境界如取螢火燒須彌山畢竟如何烹佛煉祖大鉗鎚要與楊岐作頭底喝一

上堂

千巖和尚語錄

三

喝下座

上堂僧問如何是奪人不奪境師云日照山河影動搖進云如何是奪境不奪人師云背水陣圓增勇健進云如何是人境俱奪師云任是鋒刀常坦坦假饒毒藥也閑閑進云如何是人境俱不奪師云野老不知堯舜力蓼蓂打鼓祭江神僧禮拜師乃云有麝自然香何用當風立

上堂僧問如何是露地白牛師云草裏臥進云甚麼人騎得師云無髭鬚胡子進云三身中那一身說法師云賣油婆子水梳頭進云德山棒臨濟喝意旨如

何師云惡人先做大進云如何是和尚家風師云無力豎拳頭乃拈拄杖云舉不顧卽差互卓一下擬思量何却悟下座

上堂舉僧問首山一毫未發時如何山云路逢穿耳客發後如何山云不用更遲疑師云無明則不然有問一毫未發時如何云不逢穿耳客發後如何云多遇刻舟人

因僧來參乃問甚處人僧云浙西師云此間無飯喫來作什麼僧云來求和尚佛法師喚僧近前僧近前師打一拳云會麼僧云不會師云呆子拳頭也不識

上堂

千巖和尚語錄

三

因衆看經次師舉起經云這是甚麼經衆無對師代云序品第一良久云會麼向下文長

上堂僧問達磨面壁意旨如何師云有口開不得進云人天交接不得相見如何是相見底事師云煙熏黑漆桶進云浩浩塵中如何辨主師舉拳示之進云辨後如何問云你主在甚麼處僧禮拜師乃云秋風涼秋夜長未歸客思故鄉大衆如何是你故鄉曷幸然家裡坐不用咎思量

上堂九月九家家盡飲茱萸酒堪笑山居道者家兩枚豆粽塞却口大寒酸無可有八角磨盤空裡走鄧

有些兒勝俗人日日面南看北斗

上堂舉楊岐云天得一以清地得一以寧君王得一以治天下衲僧得一堪作甚麼良久云鉢孟口向天師云大小楊岐熟處難忘衲僧得一且作麼生以拄杖卓一下喝一喝下座

示衆不是心不是佛不是物是何物拈拄杖云崑崙扶起瞎波斯一槌擊碎黃金骨卓一下

上堂鼓聲纔動大衆雲臻法座高登主賓互換箇箇頂天立地人人鼻孔遼天不問如何若何自然現成受用不見道百味珍羞無過一飽下座

上堂

千巖語錄

三

師因俗官見猫兒問云猫兒喫肉否師云不喫肉只喫老鼠官云善知識如何容得他師云教官人莫來不得

上堂僧問釋迦彌勒猶是他奴未審他是阿誰師云糞掃堆頭生苕帚進云學人不曾師云問取淨頭進云大悲千手眼那箇是正眼師云點進云如何是最初一句師云如是我聞進云此是第二句師云信受奉行僧禮拜師乃云諸佛諸祖只是你諸人自己若信得及無明縱有百千大棒也打不着有百千舌頭也讚歎不及何故不見道第一句中薦得堪與佛祖

爲師如或未然十二時中也須回光返照看不是心不是佛不是物是甚麼狗子還有佛性也無無是甚麼如何是佛麻三斤是甚麼

上堂僧問如何是南宗北宗師云東瓜直籠侗瓠子曲彎彎進云學人不曾師云喫了東瓜喫瓠子進云如何是第一句師云老僧道不得進云和尚爲甚道不得師云道得是第二句僧禮拜師乃云是法住法位世間相常住山是山水是水僧是僧俗是俗盡乾坤大地無絲毫過患德山臨濟門下又且不然畢竟如何剛然愛結死冤家擲瞎頂門三隻眼

上堂

千巖語錄

三

上堂老僧有口道不得乃合掌云汝等皆當作佛便下座

示衆眨上眉毛蹉過伊大開兩眼復名誰滿天滿地無人識百草頭邊活祖師

示衆吾本來茲土傳法救迷情著甚死急直饒二祖得髓兒孫徧天下還免得隻履西歸也無所以無明也不把你諸人爲事諸人也不把無明爲事思量總是空歸氣何不留將暖肚皮

示衆拈拂子云老僧有一句子說與諸人看擲拂子便下座

示衆舉益州通禪師問夾山云目前無法意在目前不是目前法非耳目之所到豈不是和尚語山云是這乃掀到禪床叉手而立夾山打一棒師云山打一棒是目前法不是目前法掀到禪床是會夾山意不會夾山意諸禪德道道得許你入阿字法門示衆舉巖頭渡婆子拋兒子公案師云這婆子自底性命要且捨不得巖頭不合激發他殺了一箇兒子據令而行各與七十棒諸禪德若謂不公却請斷看示衆今朝十五槌鐘打鼓咄哉老僧泥裏洗土上堂主人翁錯惺惺著錯他時後日不受人謾錯且

上堂

千巖語錄

手

道瑞巖錯千巖錯錯錯

客至上堂披衣登法座道者是高僧將謂多奇特元來百不能西風吹細雨落葉滿空庭有客來相訪青山自送迎

浴佛上堂摩耶今日產嬰孩剛道天宮降下來不是雞窠生鳳卵分明象子出驢胎無明果向空中結三毒華從火裡開堪嘆禍根深不拔叢林一歲一番災御香至上堂御香來自九重天一縷烟雲遍大千林下野人何以報祝延聖壽萬斯年

檀越樓清翁一得建山門塑金剛開光明示衆以筆

點一點云這一箇莫道不曾相識好又點一點云這一箇却卽是樓一得外護山門內承佛記金剛正體洞徹十虛大用現前威而不猛有爲界中不壞無爲之相無爲界上不宰有爲之功爾能借我神通我亦助君精彩所以道眼眼相覷面面相對灼然不在筆尖頭自有光明動天地

上堂

千巖語錄

手

若要分明更下注脚作福者作福造罪者造罪張公喫酒李公醉總不干無明一星子事乃呵呵大笑日本祖能首座請衣上堂舉石門聰和尚云西天二十八祖盡得傳衣付法唐土六祖之後得道者多只傳其法不傳其衣無明則不然衣以表法故謂之法衣人能宏道哉謂之法身無處不徧無處不明故謂之法眼高峯老祖法衣一頂今春對衆請與高麗國金剛山供養去也幻住先師法衣一頂我得來三十年矣如今大拙首座又要請歸供養雖然如是從上諸祖各各有三十棒分無明亦有三十棒分衆中莫

有下得這般毒手者麼有則出來下手看如無他時
後日不得向背地裏苦叫屈擊拂子下座

小叅

杭州天龍禪寺慶讚佛閣僧堂小叅拈拂子云大眾
我有一問在你諸人處你諸人莫有將我問來問我
者麼僧問如何是和尚問處師云問處也不知進云
古人道問在答處答在問處此意如何師云三十棒
付在來日進云天龍長老爲淨心鑒義入山設齋儀
覲未審有何福報師云三尺一丈六僧禮拜師云因
我得禮你師乃豎拂子云森羅及萬像一法之所印
是大神咒是大明咒是無上咒是無等等咒三世諸
佛說也說不到歷代祖師傳也傳不來唯是上上根

小叅

千巖語錄

二

器頂額上豁開正眼脚跟下一覷覷透盡十方世界
無有一人不是自己無有一物不在自己光明裏如
千日並照罄無側影若是尋光弄影展轉沒交涉直
饒萬里不掛片雲青天也須契棒教中道若以色見
我以音聲求我是人行邪道不能見如來復豎拂子
云大眾見麼要且不是色喝一喝云聞麼要且不是
聲旣不是聲又不是色旣不是見又不是聞喚甚麼
作邪道又喚甚麼作如來泥團土塊眼睛開如如狗
子何曾佛性無雖然道箇如如早是變了也且道變
作甚麼以拂子劃一劃云上劃不長下劃不短

杭州無用貴長老與無明云松江淨心比丘尼爲天龍起蓋佛閣僧堂明樓法堂東淨西菴種種緣事今夏畢工另備物料到山設齋俵觀請和尚升座舉揚正法眼藏涅槃妙心追嚴幻居士蔡公及孟賓學錄同登寶所兼報四恩三有普令法界之內血氣之屬知有我宗門中超生越死一段奇特大事所謂奇特大事者不是你小智小德凡愚小可之事何故見底大便知底大知底大便說底大說底大便做底大做底大便成底大成底大無有不大家人中則爲大人賢中則爲大賢聖中則爲大聖如天普蓋如地普擎

小參

千巖語錄

三

如虛空普包虛空普包萬物而無能包之心此事能包虛空亦無能包之相所以道空生大覺中如海一漚發只要你諸人直下信得及覩得透便與釋迦老子不別元來自己分上有這一段奇特大事可以超生越死可以超凡越聖可以超佛越祖臨濟云你一念清淨光是你屋裏法身佛巖頭云一一從自己胸襟中流出蓋天蓋地去幻住和尚云父母未生前那箇是本來面目你若見得本來面目自然生本不生死本不死常于日用中轉不可測底機輪自然活轉轉地雖在聲色中不爲聲色所惑雖處萬法中不爲

萬法所移雖居三界中洞明三界二十五有善惡果報苦樂業緣而無纖毫執着亦無纖毫所礙不彈指便入毘盧大莊嚴樓閣之中現不可說重重樓閣一一樓閣中現不可說重重境界一一境界中現不可說重重莊嚴須彌盧爲之床座香水海爲之屎坑一一屎坑中蛆虫皆現大人之相一一床座中有大善知識此文殊爲奴以普賢爲婢行捧行喝接上上大機至於種種說法種種利生無一塵不是道場無一法不是佛事交光相羅如帝珠網互相攝入互相顯現一一出生重重無盡有般般漢便道此是表顯之

小參

千巖語錄

三

說和尚莫錯又有般道金屑雖貴落眼成翳癡人不可與你說夢你這裏信得及皆吾心之常分初不假於他術苟有纖毫信之不及及之不盡便爲滲漏便成滯碍如何能拈一莖草作丈六金身插一莖草而建梵剎向一莖草上現瓊樓玉殿耶白雲端和尚云若端的得一回汗出便向一莖草上現出瓊樓玉殿若未端的得一回汗出縱有瓊樓玉殿却被一莖草蓋却作麼生得一回汗出去自有一雙窮相手不曾容易舞三臺後來大慧和尚拈云一莖草上現瓊樓玉殿決定可信瓊樓玉殿被一莖草蓋却莫被他熱

晴徑山與麼道與已得一回汗出者說若未得一回汗出不得疑着夫調善知識者是大因緣解粘去縛蓋是尋常奪食驅耕還它斂手白雲張千鈞之弩豈爲鼯鼠發機大慧垂四海之鈞只要禪龍上釣且道無明者裏作麼生既有一雙窮相手不妨容易舞三臺久立珍重

東陽法界寺小叅世尊乞食入於王城千巖下山游於此地衆中莫有共相證據者麼問答不錄拈拄杖云大衆見麼喝一喝云大衆聞麼聞聲悟道見色明心汝諸人總見總聞作麼生是你明底心悟底道若識得

小叅

十嚴語錄

四

無明拄杖子便識得自已主人翁既識得自已主人翁又喚甚麼作明底心悟底道良久顧視左右云但以假名字引導一切人茲者承萬里山召予一衆午齋令陞此座舉唱宗乘開發未悟汝諸人各各有一對眼睛烏律律地有一雙耳朵虛靈靈地肚饑便要喫飯內逼便要屙屎豈不是你諸人底喫飯屙屎佛眼裏放光照見山河大地耳裏放光照見一切音聲復拈拄杖云豈不是色是佛色喝一喝云豈不是聲是佛聲這裏明得悟得喫法界山王午齋不曾咬破一粒米如或未聽取一頌雙塔崔嵬聳碧空東陽

獨此梵王宮義烏有箇無明老拄杖携來見王翁作麼生是實主互換底句子卓拄杖一下下座

檀越樓子賢薦母請對靈小叅拈瓶中花云大衆見麼會麼世尊拈起一枝花迦葉便乃微微而笑老僧拈起一枝花衆中莫有微笑者麼問答不錄復云舉一不得舉二放過一着落在第二世尊拈花迦葉微笑已是第二頭第三首老僧與麼提唱大衆與麼儼諦且道明得甚麼事不見道吾有正法眼藏涅槃妙心分付于汝汝當流布無令斷絕只如今日故檀越老安人李氏娘子五七之辰他令嗣子賢子潤子瑞及諸

小叅

十嚴語錄

五

孫闍宅貴眷設齋供養佛僧請無明升于此座舉揚正法眼藏涅槃妙心老安人涅槃與諸佛涅槃同耶不同耶若言同諸佛是黃金丈六之身老安人是父母所生之身法身色身本無二相正與麼時作麼生道得諦當一句道得不惟老安人便登佛位亦令現前一種若見若聞同成正覺如或未然無明又打葛藤瞞你諸人去也復拈花云妙性圓明離諸名相本來無有世界衆生因妄有生因生有滅生滅名妄滅妄名真無明手中一枝花真耶妄耶生耶滅耶有耶無耶衆生耶世界耶名相耶妙性耶釋迦老子卽今

在者一枝花上於一花中現百千萬葉於一一葉中現百千萬世界于一世界中現百千萬佛身於一一佛身中現百千萬種光明於一一光明中現百千萬種相好令百千萬種衆生有眼者見有耳者聞有身者知有心者覺所謂見聞知覺無障礙聲香味觸常三昧一切衆生既如是十方諸佛亦如是生底檀越亦如是死底檀越亦如是無明老漢亦如是現前大衆亦如是如是之法如是如是是不是強爲法如是故所以雲門大師云聞聲悟道見色明心觀音菩薩將錢買胡餅放下手却是饅頭你若識得雲門底胡

小參

千巖語錄

六

餅便是今日契底饅頭麥裡有麵米裡有飯不出門見天下不動步游十方不彈指開彌勒重重樓閣之門不開口常轉如是經百千萬億卷正法眼藏兩手分付涅槃妙心更非別人只如僧問馬祖如何是佛祖云卽心是佛其僧言下大悟便信自心是佛六根門中塵塵是佛之光明萬法境上種種是佛之妙用生本不生死本不死所以老僧道檀越老安人卽今已成佛蔭庇諸兒孫倍增無量福畢竟以何爲據復拈花云一花一國一如來無影枝頭葉葉開徧界光明遮不得黃金地上玉樓臺下座

普說

除夜普說召大衆云還會得臘月三十日事麼會得臘月三十日事便透得箇趙州無字透得趙州個無字便會得老僧意會得老僧意便知未開口時與你普說了也更擬事持語言形於紙墨明眼人前一場笑具信知此事不在文字語言上一大藏教圓說偏說顯說密說說天下老和尚橫說豎說向上向下說諸子百家千說萬說日上下夜暗晝明山高水深風動雲起若聞若見萬法縱然塵說刹說虛空說國土說熾然說無間歇何曾無語言文字來因甚二祖三

普說

千巖語錄

二

拜達摩謂之得髓師資會遇冥然契合以至六祖不會德山棒臨濟喝曾祖面壁傳也傳不得說也說不得故云教外別傳之旨何不直下與麼會去與麼休歇去與麼省力去却外求許多拉圾築在肚皮裏增長無明茲培業識牽入生死海裡浮沉未有了日所以道普者不說說者不普僧問趙州狗子還有佛性也無州云無只這一箇無字不是有無之無不是無無之無不是亦有亦無之無不是非有非無之無如今人根器薄劣隨語生解多執已見見有執有見無執無道有着有道無着無道亦有亦無着亦有亦無

道非有非無着非有非無西天九十六種外道有無二見爲其根本此方亦然先聖慈悲之故破你執拔你見截你四路葛藤只要你親證親悟透頂透底做箇洒洒落落無事人除非不動動如獅王哮吼一聲壁立萬仞老僧早年參數員尊宿多教提無字話有者道問在答處答在問處狗子無佛性有業識無業識有佛性既有有無又有問答要見趙州遠之遠矣又有道如一口劍相似擬議則傷鋒犯手不擬議則喪身失命復引五祖演和尚頌證云趙州露刃劍寒霜光燄燄更擬問如何分身作兩段大慧和尚云參

普說

千巖語錄

三

學人向露刃劍上着得隻眼便是千了百當五祖大慧則是你則未是又有道如一座須彌山相似須彌山生佛未具已前一着子也緊緊靠着不得放捨復引雪巖和尚云單單提一箇無字如靠一座須彌山爲證一座山又有箇人靠如何喚作生佛未具已前一着子也又有教人閉眉合眼做死模樣將箇無字頂在額上或放鼻尖上或頓面前或向赤肉團上上度或向心意裏妄想搏量認得些子光影便爲極則密室傳授遞相印證人邪見稠林作魔家眷屬又有喻如鐵掃帚掃盡昏散朗如虛空此是應病與藥病

去藥存藥返爲病如上所明各各自謂宗門中爪牙檢點將來不出四句所攝斷人命根要且未在上見中峰老和尚於別不花平章府中請益無字話歸靈隱不出僧堂者三年十二時中只在個無字看到一日在望亭聞鶻聲忽得箇歡喜處因陳所見和尚畧不肯遂發憤歸受業夜臥聞聞老鼠翻飯碗墮地喜不自勝達旦亟往見老和尚和尚見來便云趙州因甚道箇無字云老鼠與備飯云未在更道云和碗也打破老和尚乃笑不復詰後拜辭囑云汝宜隱遁巖谷不可隨世流布特節若至其理自彰二十年來

普說

千巖語錄

三

縛茅株守似箇死漢自救不了敢言爲人山中百餘人兄弟遠從千里萬里地却師長父母來此相聚誠不易得年窮歲盡火冷灰寒廢寢忘食不爲別事已透關者不在叮嚀未透關者切須子細出息不保入息今朝不保來朝言鋒若差鄉關萬里死生事大各自努力珍重

僧問世尊拈花迦葉微笑達磨面壁二祖安心祖祖傳來者一句師今端的付何人師云未到你在進云師子窟中師子旃檀林裏旃檀爲甚未到學人師云二絲頭上三千界進云不是心不是佛不是物是箇

甚麼師云你道是箇甚麼進云未審向上還有事也無師云有進云如何是向上事師云不是心不是佛不是物僧禮拜師乃舉起拂子云一句中具三玄一句中具三要所以道第一句中薦得甚與佛祖爲師只這一句子流出百千萬億句句中具不可說不可說妙義寬一絲毫妙義了不可得百千萬億句收入這一句句中顯不可說不可說形相寬一絲毫形相亦不可得譬如虛空具含衆像於諸境界無所分別又如虛空入諸國土於諸國土而無所入復舉拂子召大衆云見麼不是心不是佛不是物是箇甚麼喝

音說

千巖語錄

四

一喝云大衆聞麼不是心不是佛不是物是箇甚麼只此見聞非見聞無餘聲色可呈君是中若了俱無事體用何妨分不分若分色見聲求是行邪道若不分顛頂佛性儻侗真如到這裏湏是出格過量底人始得還委悉麼直透萬里關不住青霄內謝辭不錄復云山中草創所在若要講諸方叢林禮數也講未得今夏雖有三四百兄弟也有數間屋子長老首座有工夫請自去講老僧只是聖壽寺一箇園頭二十年庵居一味社田頭佛法把鉏頭時刻草擇菜時燒火時掃地時喫粥喫飯時阿屎送尿時未嘗不與諸

人眉毛厮結性命相負的的舉揚又要打大鼓升法座做模打樣作甚麼適來禪客與麼問老僧與麼答如此問答如此激揚汝諸人這一句子還分曉也未若分曉父母未生前面目亦分曉父母未生前面目分曉四大分散後底事亦分曉四大分散後事分曉卽今日用事亦分曉卽今日用事分曉一動一靜一語一默一起一倒一生一死生也與麼死也與麼生死中有佛則不迷生死死中無佛則無生死死與麼則無有不分曉底時節所以道十方世界是箇老僧盡十方世界是箇法座盡十方世界是箇院子盡十

音說

千巖語錄

五

方世界是你諸人自己盡十方世界只是這一句子這一句子明得無有不明底句子這一句子透得無有不透底道理前故云湏出格過量底人始得大衆要識出格過量人麼舉起拂子云釋迦老子來也天上天下唯吾獨尊作麼生說箇未出母胎度人已畢底道理不是心不是佛不是物是箇甚麼末上謂迦葉云吾有正法眼藏涅槃妙心分付於汝汝當流布無令斷絕不是心不是佛不是物是箇甚麼自是一犬吠虛千棗哩實阿難便問迦葉云世尊傳金襴外別傳何物好樣不相學迦葉召阿難阿難應諾自是

一條筋迎葉云倒却門前刹竿着費力不少至于西天四七東土二三遁相出興千變萬化只宗這一句子只扶豎這一句子只顯示這一句子而已豈不見箇嶽讓和尚得這一句子於六祖大師便云說似一物則不中修證則不無染汚則不可祖云只此不染汚是諸佛之護念汝既如是吾亦如是師云好箇東瓜印子搭着搭不着未免遁相鈍置馬大師得這一句子於南嶽便云自從胡亂後三十年不少鹽醬破鹽脊上足蒼蠅因僧問離四句絕百非請師直指西來意祖云我今日勞倦不能與汝說問取智藏去僧

普說

千巖語錄

六

問藏藏云我今日頭疼不能與汝說問取海兄去僧問海海云我到這裡却不曾僧回舉似祖祖云藏頭白海頭黑師云離四句絕百非馬駒踏殺天下人元來答者話不得非父不生其子一箇頭疼一箇不會藏頭白海頭黑也是賊過後張弓百丈和尚得這一句子於馬祖因再叅侍立次祖以目視繩床角拂子丈云卽此用離此用祖云你後開兩片皮將何爲人丈取拂子豎起祖云卽此用離此用丈掛拂子於舊處祖震威一喝丈大悟直得三日耳聾師云大眾百丈是喝前悟喝後悟悟前聾悟後聾定當得出卽此

用離此用定當不出莫看繩床角頭且看老僧手裏底得與麼搖搖曳曳無風荷葉動決定有魚行黃蘗運和尚得這一句子於百丈一日示衆云汝等諸人盡是噇酒糟漢與麼行脚何處有今日還知大唐國裡無禪師麼有僧出云只如諸方匡徒領衆又且如何藥云不道無禪只是無師師云黃蘗只知大唐國裡無禪師不知我如今大元國裡箇箇是禪師是講師律師有般漢便道與匡徒領衆者何異只向道不道無師只是無禪臨濟大師得這一句子於黃蘗示衆云我於先師處喫六十棒如蒿枝拂相似如今再

普說

千巖語錄

七

思一頓喫不知誰爲下手有僧出云某甲下手濟度棒與之僧擬接濟便打師云好笑你自心中急他人未肯恁若是箇漢當時便與掀倒禪床攔胸一踏拄杖子只得兩手分付不見道老鼠養兒公屋棟龍生龍今鳳生鳳興化獎和尚得這一句子於臨濟於大覺棒頭悟得先師在黃蘗處喫棒底意旨乃示衆云今日不用如何若何便請單刀直入興化爲汝證據時有旻德長老拜起便喝化亦喝德又喝化又喝德禮拜歸衆化云若是別人三十棒一棒也較不得何故爲他旻德會一喝不作一喝用師云陣雲動地而

來雪亦挨身而入鐵旗鐵鼓未爲好手全殺全活方見作家較他登九龍御輦而被烹失千里烏騅而自刎者蓋相萬萬劍戟盡爲農器用馬牛歸放華山陽何以見得王登寶殿野老謳歌南院顚和尚得這一句子於興化因僧問赤肉團上壁立千仞豈不是和尚語院云是僧便掀倒禪床院云看這瞎漢亂做僧擬議院便打師云手裏棒折那如師子捉象亦全其力捉兔亦全其力又僧問從上諸聖向甚處去院云不上天堂便入地獄僧云和尚潭院云還知寶應老漢落處麼僧擬議院以拂子打云令合是汝行又打

普說

千巖和尚

八

一拂子後來雪竇道令既自行且拂子不知來處雪竇道箇瞎且又雪上加霜大慧云權衡臨濟三玄三要還他南院始得雪竇爲甚道拂子不知來處妙喜道箇瞎且要兩得相見師云雪竇扶弱大慧扶強無明也只道箇瞎且要瞎一切人眼何謂不上天堂便入地獄風穴沼和尚得這一句子於南院上堂有云若立一塵家國興盛野老嘔噀不立一塵家國喪亡野老安貼於此明得闍黎無分全是老僧於此不明老僧卽是闍黎闍黎與老僧亦能悟却天下人亦能迷却天下人要識闍黎麼左邊拍云這裏是要識老

僧麼右邊拍云這裡是師云無明則不然若立一塵君君臣臣父父子子不立一塵此間無老僧目前無闍黎兩順風調雨清海晏於此明得古佛與露柱交叅占波共新羅鬬額於此不明眼裏看得百億須彌山耳裏着得百億香水海首山念和尚得這一句於風穴拈竹篋云汝諸人喚作竹篋則觸不喚作竹篋則背且道喚作甚麼時葉縣省和尚在座下便近前製得拘作兩概擲下云是甚麼山云瞎縣便禮拜師云一挨一撥一縱一奪宗門中謂之爪牙亦謂之巴鼻豈盲龜跛驢之事二尊宿一人高高山頂立不露

普說

千巖和尚

九

頂一人深深海底行不濕脚拘竹篋作兩概且置首山道箇瞎意作麼生只許老胡知不許老胡會汾陽昭和尙得這一句子於首山示衆云識得拄杖子行脚事畢師乃豎起拂子云識得無明拂子更買草鞋行脚三十年慈明和尚得這一句子於汾陽向方丈內安一盆水上置一口鉢下置草鞋膝上橫按拄杖有人入門便指擬議便打應庵云我當時若見便去左耳邊低聲下一轉語待他貪觀天上却與一指擬議把鉢便斬師云轉見誚訛不妨疑着應庵老人耳邊下一轉語知他說箇甚麼我當時若見把鉢便斬

因甚如此鵲蚌相持俱落漁人之手楊岐會和尚得這一句子於慈明僧問如何是佛岐云三脚驢子美蹄行師云住院屋壁疎疎滿牀堆雪珠踢出金圈栗棘嚇倒百丈野狐三脚驢三脚驢差異畜生天下無白雲端和尚得這一句子於楊岐因僧問一喝分賓主照用一時行去此二途請師別道雲便喝僧云從來疑着和尚雲便打僧云作家宗師雲云也不消得僧禮拜師云衆中一喝多有商量喝牛便行喝馬便住喝人惡發喝佛慈悲這僧道從來疑着和尚是肯語是不肯語白雲便打是賞伊是罰伊選佛若無如是

普說

十嚴語錄

十

眼假饒千載亦奚爲五祖演和尚得這一句子於白雲結夏示衆云無可管顧諸人今日作一家譙遂擡手云囉囉招囉囉搖囉囉送莫恁空疎伏惟珍重師云一箇鐵酸餡百味具足知他祭了多少閒神野鬼直饒一咬百雜碎到這裏急湏吐却佛果勤和尚得這一句子於五祖因僧問一大藏教阿那箇是頭果云如是我聞僧云此是阿難底如何是和尚底果云我使得甚快師云只欠作云何梵在虎丘隆祖得這一句子於佛果果室中問祖云見見之時見非是見見猶離見見不能及舉參示之云見麼祖云見果云

頭上安頭祖於是悟入便禮拜果云見箇甚麼祖云竹密不妨流水過師云象王回旋師子返擲不用纖毫氣力不留些子痕跡是則是父子投機啐啄同時只恐學語之流不作平實會便作活脫會畢竟如何識取鉤頭意莫認定盤星又示衆云凡有展托盡落今時不展不托墮坑落壑直饒風吹不入水灑不着檢點將來自救不了不見道寒潭月影靜夜鐘聲隨扣擊以無虧觸波瀾而不散猶是生死岸頭事拈拄杖云劃一劃劃斷主法師多年葛藤點頭石不覺撫掌大笑且道笑箇甚麼腦後見腮莫與往來師亦呵

普說

十嚴語錄

十

呵笑云笑湏三十年三三九十年且道笑箇甚麼笑你腦後見腮應庵和尚得這一句子於隆祖據室云現成公案坐斷諸訛錯下註脚槌折你腰擡起便行必死之疾要湏英俊別有生涯忽遇衝雲俊鵬來時如何漫天網子百千重師云驅耕奪食手段羅龍打鳳門庭漫天網子百千重這老兒已是通身泥水衝雲俊鵬走向甚處去也不消一撥去死十分密庵和尚得這一句子於應庵應庵室中問云如何是正法眼密云破沙盆師云僧問雲門如何是正法眼普擊床左邊云過這邊着僧問風穴如何是正法眼

大云瞻擊床右邊云過這邊着復打一圓相云破沙
盆吞乾坤七華人裂渾渾淪淪颺在拉圾堆頭千金
難買擊在諸佛掌內不直分文打鐘打鼓普請看盛
羹盛飯養兒孫好大哥破庵和尚得這一句子於密
庵上堂有云不是心不是佛不是物恐後不禁爲諸
人作箇撒脫拄杖卓一下云流水暗消溪畔石勸人
除却是非難師云雲浮世間無根得活火燒海底有
種香萌不與凡聖同纏束土來作甚麼不與萬法爲
侶西江吸盡何爲既無彼此之分寧有古今之異塵
塵爾刹刹爾縱縱然靈靈然若作佛法商量未免披

普說

千巖語錄

十三

毛戴用若作世諦流布依舊前三後三所以道流水
暗消溪畔石勸人除却是非難難難蟻蟻搖撼萬重
山無寧和尚得這一句子於破庵有時上堂云名不
得狀不得取不得捨不得只麼得且道得箇甚麼三
人證龜成鼈師云二從一有一亦莫守既是名不得
狀不得爲甚證龜成鼈咄殺人刀活人劍雪巖和尚
得這一句子於無準尋常只把這一句齋弄外集中
有送人偈云現成句子輕拈出不落平平仄仄中只
恐累君行李重預先題在石屏風師云我當時若在
座下但云集雲峰下四條藤巴落平平仄仄仄仄平

平况是槌鐘擊鼓鵲噪鴉鳴森羅萬象水綠山青未
開口未動念文彩全彰五音迭奏直得觸目無滯達
得名身句子一切法空山河大地是身身亦不可得
喚作三昧性海俱備僧是無風匝匝之波更須知有
向上一竅又寄竹篋與高峰老祖偈云上大今已無
人雪巖可知禮也一條黑漆竹篋分付原妙持者師
云今付真錯麼錯則不名仰山不錯則天目山在萬
山之頂高峰老祖得這一句子於仰山嘗云不識巖
頭密啓處剛言悟得仰山禪師云大妄語成入無間
獄密啓處既不識仰山禪如何悟又有真贊示幻住

普說

千巖語錄

十三

和尚云我相不思議佛眼莫能視獨許不肯兒得我
半邊鼻師云垂釣四海只釣寧龍智過於師方堪傳
授且道傳授箇甚麼打失半邊鼻換得一隻眼幻住
和尚得這一句子於高峰老祖示衆舉大梅問馬祖
如何是佛祖云卽心是佛常公問是語當下如十日
並照情雲識霧應念廓清直往大梅山一任非心非
佛師云無明在衆時有般兄弟聚頭喧喧妄議云中
峰和尚只說得心性禪義理禪拖泥帶水老婆禪與
他打在大梅大珠永明明教慈受隊裡去唯古林和
尚序一花五葉之書則云闢義學之見封發正宗之

玄關其言富其理妙非雜文字言說捨名相空諦斷
葛藤露布碎聖凡窠臼者未易窺其彷彿虛谷和尚
則云中峰禪師徹法源底廓同太虛百千無量妙義
皆從性海中汨汨流出自然超宗越格破胎息妄傳
正合圓悟祖師意闢義解流謂從信心銘起亦古人
未論至此師云三段不同收歸上科又於信心銘中
舉到得失是非一時放却處闕云咄說有可放也合
喫棒說無可放也合喫棒何故則為伊脫得失是非
未得在師云三祖大師非老幻住與麼發明幾乎一
生受屈驚枯拄杖云這箇喚作拄杖子便不是一句

千巖語錄

十五

千巖喚作一句子便不是拄杖子纔有所是便有所
非纔有所得便有所失得失是非既免不得這一句
子如何免得以拄杖劃一劃云三世諸佛歷代祖師
天下老和尚總取向無上國裡去也即今莫有旁不
甘底出來把老僧拖下師杯欄檻一頓與這一隊老
漢出一口氣不妨做渠直下兒孫如有與無明相見
如無無明倒行此令去也乃喝一喝拈拄杖下座一
時起散大眾

法語

示瑛禪人

參禪人做工夫無別事只要知箇本命元辰下落處
知得自已辨得他人山河大地世出世間一一盡知
下落瞞你一星子不得喚作智眼洞明心行處滅然
後回身轉步建大法幢現出三頭六臂七縱八橫拈
一莖草作丈六金身拈丈六金身作一莖草用殺得
人活得人金剛王寶劍寒凜凜地喚作臨濟下兒孫
不為分外若但各字出家各字行脚不信好人說不
知祖師巴鼻不到諸佛田地不做真實工夫一法不

法語

千巖語錄

二

明目前萬法悉不明了光陰迅速空然白首眼光落
地時將甚麼子教他生死瑛上人可畏可畏快湏打
併從前業識歇去許多打之邊着些精彩提箇萬法
歸一一歸何處話忽然一踏踏着一觀觀破元來青
州布衫便是川露直底屎布裙

示司禪人

人人盡有這箇月幾回圓今幾回缺明時暗相在其
中暗時明相何曾滅看他巉桂影婆娑姿直透碧潭光
皎潔正好供養與修行不出如今底時節濠州滿月
上人信有我宗見性成佛之旨春間到茅庵請益叅

箇話頭決要今生悟得自已分上灼然有這一段了
生達死底大事因緣老僧向他道我底說話恰如一
箇指頭于相似爲你要見天上月所以指箇水中月
影子示汝頭上自有箇真月也釋迦老子也與麼道
我說修多羅教如標月指當觀月輪莫觀吾指你如
今若只愛我言語便是看我底指頭要且不知月在
甚麼處你要識真月麼只你問我話底是只你舉話
頭底是只你未舉話頭時來問我底是但與麼同光
返照去忽然與所叅話頭無二無別方信通身是一
輪清淨寶月圓滿無缺晝夜放八萬四千圓滿淨光

法語

二疊語錄

三

照天照地盤山云心月孤圓光吞萬象光非照境境
亦非存光境雙忘復是何物洞山云光境未忘復是
何物老僧云光境不忘復是何物你且道三箇老漢
那箇堪爲汝師須具眼始得

示賑上人

海東賑上人爲清拙和尚侍者自謂不能盡其師之
道焚舟西登海岸首禮請徑山諸大老復探水於伏
龍山頂兩呈偈語且有自遠趨風之辭予不之答又
乞一言而爲洞徹向上的的相承底一段大事不得
已而謂之曰汝還知大唐國裏無禪師麼汝師爲天

下之師何謂無師汝師傳我佛我祖不傳之道何謂
無道決欲盡師之道求之於人不若求之於已直下
休去歇去一念萬年千萬里無寸草處去古廟裏香
爐去到大歇大休田地返觀從前學得底記得底說
得底做得底總是聰明知解人我業識生死根本到
這裏身心廓如太虛覓佛祖禪道了不可得覓人我
業識是非生死若知解纖毫形相皆不可得然後爲
一切人師也在我我爲法王於法自在不見道智過
於師方堪傳授只如汝師說底與無明同耶不同耶
若直須如箇戴角蛇捕翅虎破鏡鳥啼母不是差事

法語

二疊語錄

三

示嵩上人

赤梢鯉魚橫海而來動便波濤洶湧雷電喧轟風雲
四起龍罩不肯住呼喚不回頭所謂漫天鐵網透過
不難一竅穿通玲瓏八面及乎撞着一枚臭鼈鷺子
牛脚跡水因甚向裏面淹殺喪却一條窮性命喝當
時若下得這一喝死得天下人活得天下人不惟與
臨濟出得一口氣從上老東牕一任吞吐日本嵩上
人清拙老人入室之子今冬山中道聚標此紙云大
唐音響未能通雖聽法雷如耳聾末後云須彌爲筆
寫虛空果能耳聾不通音響則不繆爲清拙之子又

何待無明操湏彌筆寫出許多不材不淨恣意啗啞而墮於羣狐羣隊無箇出頭時節所以先聖云如今有一等不識好惡禿奴向教乘中取意度商量成於義句如將屎塊子自口含了却吐與人又云我被先師一喝直得三日耳聾雖然我也無量罪過汝也無量罪過

示濟禪人

泰禪人湏叅活句莫叅死句何謂活句只如僧問趙州狗子還有佛性也無州云無又問一切衆生皆有佛性因甚狗子無佛性州云他有業識在這便是活

法語

卷四

四

何這僧向活句上問趙州又向活句上答你如今要這一則公案分曉只就每日業識紛飛處看業識與麼紛飛如何是無業識田地佛性現成如何得見佛性與佛祖一般如人學射久久方中所謂得之於心應之於手却不可滯在有上滯在有上便同衆生又不可滯在無上教中謂之相違又不可滯在非有非無上教中謂之戲論總不落階級不涉廉纖著著有出身之路始到得活句邊猶未取得老趙州性命在且道老趙州性命作麼生取不見五祖演和尚云趙州露刃劍寒霜光焰焰更擬問如何分身作兩段你

且道是死句是活句叅

示潤禪人

去年與予同棲巖穴卓卓然以此事爲務不與羣兒伍決欲了這一場公案問他今日工夫如何不答又問他父母未生前甚麼處與老僧同住來或豎拳或一笑或不語掉臂便行一日老僧同石門和尚在火爐頭閑坐見他來問訊便問他不去僧堂裏做工夫來這裏做甚麼借石門癢和子連打數下他微微而笑無些子怒色彼時責無用在嘉禾一日請假去相訪一別十餘箇月日每每寄果物來老僧深喜之不

法語

千巖語錄

五

是喜他遠寄物來然喜怒人之常情只如父母未生以前身已尚無喜怒從甚處安着你若道卽今底便是未生前底未生前底便是死了燒了底正是顛顛佛性龍洞真如直湏劍刃上翻身鉢盂中走馬始得不見古人道懸崖撒手自肯承當絕後再甦欺君不得這一着子不是小可事是無大得大一大事所謂生死事大無常迅速今日不了萬劫餘殃上人決要了此事時歸來一日與汝三百下癢和子休恠

示悟侍者

先聖云悟是第二頭又有云湏妙悟始得又有云悟

後須遇人始得參禪參便了又要遇人作甚麼殊不知涅槃心易曉差別智難明只如每日肚裏須喫飯方飽你喫飯還療得我饑麼眼裏觀色山不可喚作水耳裏聞聲聲生聲滅於耳有干涉無若云有干涉則墮戲論若云無干涉則墮相違直須離四句絕百非入得一切透得一切猶是教乘邊事未是衲僧本分事莫聲是佛聲色是佛色是麼莫未上船時已喫三十棒是麼若恁麼商量要見無明且居門外總不與麼畢竟如何有眼如盲有口如啞日本悟侍者謂鄉音不辨特此乞形紙墨以疏其意不審侍者是悟

法語

千巖語錄

六

了問悟前問不前不後問老僧答汝了也併却咽喉唇吻致將一問來

示懋禪人

諸佛出世祖師西來不過與人做箇證明底而已且證明箇甚麼懋禪人今夏道聚山中秋歸受業方回乃出紙覓長語警策做工夫要透脫生死此事你須自下手脚直做到直截不疑之地方能透得生死方見諸佛諸祖心髓方知老僧屋裏底事所謂啐地折曝地斷絕後再甦頂門眼活一口金剛寶劍亘古亘今擒縱在我不由別人真大自在大解脫大丈夫也

若不與麼隨羣逐隊今日三明日四未曾得箇念頭暫時停息如一鍋沸湯相似自也下手脚不得教別人如何下得手脚煎得乾無滴水却是箇好底時節恐你又不肯信却又去別處尋水來攪轉見郎當正是半前不後底溫湯將來何用如今決飲了此事緊咬齒關硬着脊骨把趙州狗子無佛性話一提提將去生死心絕語言道斷因地一聲不待老僧與汝證明汝自知之

示壽禪人

德壽禪人久於山中相聚晝則作一切務夜則消息

法語

千巖語錄

七

不眠蓋圖出生死大苦海到佛祖安樂田地也果欲到佛祖田地須悟萬法歸一一歸何處話與父母未生前話狗子無佛性話不是心不是佛不是物話無絲毫疑滯無些子差錯盡平生力量一味捱將去捱到露布極伎倆盡命根斷便是到佛祖田地也雖然更須知有臨濟三頓痛棒底道理且道無明門下又作麼生咄且待別時來

示成禪人

德成禪人四年在山中結緣去年化僧堂席今年又化僧堂帳衆僧坐臥食息於其中無有一人不仰仰

羨羨你結緣種德則不無只如萬法歸一一歸何處話且道與你途中生生受受登壇施門有逆有順即今歸到山中與衆人眉毛厮結鼻孔相拄至於着衣喫飯屙屎送尿或語或默或忙或閑同耶不同耶若道同趙州爲甚道我在青州做一領布衫重七斤若道不同衆人盡見你化席化帳雖然你更化一領漫天帳一領無縫席與老僧方答汝話有者便道和尚滿口道了滿幅寫了又道未答話在咄不見道成家容易破家難南泉云我十八上便解作活計趙州云我十八上便解破家散宅神仙妙訣父子不傳

法語

十嚴語錄

八

示顯侍者

汝欲遊方禮祖師徒勞走得脚生胝要須坐斷毘盧頂一任小慈妨大慈慈顯上人叢林英俊之流乃乞語參方禮祖扣問父母未前一段奇特大事所以云要須坐斷毘盧頂至如文殊普賢釋迦彌勒臨濟德山是甚破草鞋要用便用要置便置我爲法王於法自在雖然你須是到這般田地有這般作畧是這般種草具這般眼目得這般機用方可這般底却不可學如今人撥無因果步步行有口口談空造地獄業騰月三十日到來一場敗闕却恠無明不得何故

佛法無多千久長難得人勉之

示朱德珪居士

萬法歸一一歸何處這八箇字子是天目高峯老祖自證自悟之後又將這八箇字子教四海學者各各令其自證自悟當自證自悟處處却不可作自證自悟之見又不可帶在無證無悟處如今多有人不肯信他只爲不曾做這般真實工夫所以不能到他田地雖曰參學往往於萬法上得些入頭處於一法上又打失了於一法上得些入頭處於萬法上又打失了所以不能如我祖師到證悟處所謂毫釐有差天地

法語

十嚴語錄

九

懸隔松江信士朱德珪雖居塵俗之中而知有出塵技俗一着子日用十二時中參箇萬法歸一一歸何處話自證自悟則未可相許然根本既正枝葉自不生更頂着精彩徹底信自心是一法心生則種種法生心滅則種種法滅生滅既滅則寂滅之相現前寂滅相現前之時亦不起現前之見正與麼時一法萬法瞞你不得豈不是塵俗中自證自悟底大丈夫也

示張德亨

爲了自己一件公案山僧權作書吏搭箇檢目穿箇長詞未要呈廳上底先請通父押過通父你還押得

麼且作如何舉筆且作如何下手且道是真是偽是
可得是不可得你莫道不曾見箇元告人又無甚麼
詞語又無甚麼來歷如何教我押過情知通父到這
裏喚作無闢頭公案所以押不得無明呈一箇有闢
頭公案昔日裴休丞相捧一尊佛於黃藥面前云請
師安名藥召裴休休應諾藥云爲汝安名竟休言下
大悟通父要悟得此公案但向裴休悟處子細參究
忽然裴休撞在面前莫道只押過便是判斷也判斷
得且道合得多少罪犯

示圭講主

法語

千巖語錄

十一

懷州牛喫禾益州馬腹脹天下覓醫人灸猪左膊上
此箇頌流落叢林往往作佛法商量蹉過杜順和尚
無明也有箇頌且於佛法全無交涉云天子手中曰
圭諸侯手中曰笏宗師手中喚作甚麼喚作岡中玉
雖得一場榮則却一雙足不喚作岡中玉鐵作面皮
金作骨眉毛落盡不留莖鼻孔依前高突兀華嚴教
寺玉岡講主與無明雖未識面已嘗於贈宋雪山偈
中得其蘊矣知其是箇中人若不是箇中人如何肯
信無明遠遠寄香及此紙乞疏教外別傳之旨然而
教外無禪禪外無教非離言教而別有所傳謂迥異

言教傳不可傳之至妙耳至於至妙處說也說不得
如何傳授得須當人親證親悟始得清凉云說悟則
不可示人說理則非證不了且證悟之理亦是對未
悟者權立箇方便不作方便亦無漸次方到得事事
無碍法界如盛宗三大四法界總一經大綱如綱目
自張故能行布圓融醍醐毒藥箇是玉岡尋常布施
人底不可擔水河頭賣也且道吾臨濟三玄三要四
料揀一喝入五教之旨與三大四法界一部大經之
旨同耶異耶異若異於同全非諸佛意男子身中入
定時女子身中不留意不留意法法明明無理事信

法語

千巖語錄

十二

哉

示周禪人

古來行脚高士動經千里萬里涉艱履險不懼危亡
得失遇真正宗匠才放包至于出一叢林入一保社
必欲洞明已躬下一着子徹頭徹底無絲毫過患無
絲毫走作然後一一決擇明白要且不在明白處坐
地拈出來得人憎得人怕見他眼目定動底便與一
拶倘不識痛癢復示一言半句兩眼對兩眼底不可
放過十年二十年相處如一日相似知其不是箇中
人路上買飯喫徒而之他永不要見面何以故結朋

頂勝一似我不如無白雲端和尚云悟了須遇人始得若不遇人如箇無尾胡孫弄出來人便笑如今諸方覓箇叅禪底萬中無一莫說悟底更要遇人在輕輕道着他你未便乃面青面赤嗔心憤憤讚他好箇禪和便無着歡喜處且道你好在甚處這般底打殺了千千萬萬箇爲宗門中除害却有甚罪過你須看前輩樣子具驗人眼目蘊成佛作祖底氣槩奮這般作畧便從這裏做將去一一從胸襟流出來蓋天蓋地明取古人語去卽心卽佛非心非佛且置不問不是心不是佛不是物是甚麼咄更是箇甚麼

法語

千巖語錄

十三

示涇禪人

涇濁渭清水性是一如何有清有濁不見祖師道人根有利鈍道無南北祖元涇禪人道聚山中叅徇子無佛性話觀其行住坐臥語默動靜着着在話頭上着到真本分衲子也一日忽請曰拜求和尚居山法語予惡發罵云你便不本分也盡十方世界是箇山盡十方世界是箇無字何不在無字上討箇分曉若在無字上討得分曉千七百則公案三乘十二分教是註解無字底閑言語諸佛諸祖是受無字光影底漢你通身遍身是一箇無字行也是他坐也是他至

於語默動止去來生死覓他了不可得于不可得處豈不是無字全體僧問臨濟忽遇出格人來師如何接濟云我便全體作用玄沙云十方世界是摩訶般若光光未發時尚無佛無衆生名山河大地洪纖長短一切形相何處有耶上人會麼會也跳無字出不會也跳無字不出你若道和尚還跳得出麼老僧也跳不出我若跳得更不打許多葛藤雖然你且向這葛藤跳看

示雕佛匠

海鹽鄭仁甫爲山中大殿火燄完備衆目聳觀以爲

法語

千巖語錄

十三

有優填匠氏之作衆口讚美以爲世之羣工不可及其精巧矣仁甫欣然持此卷求予語以旌其能以信諸方之任用者予曰汝藝精到不患人之不汝用也予語拙安能益汝巧耶雖然汝只能雕得丈六色身底火燄不能雕得虛空身底火燄何故教中道佛身充滿於法界汝之火燄幾何大又云佛眞法身猶若虛空汝之火燄亦在其中還能雕得這箇佛身麼若能雕得這箇佛身便能雕得這箇火燄若能雕得這箇火燄便能大中現小小中現大於一毫端現寶王刹坐微塵裏轉大法輪三尺旃檀像卽是丈六身丈

六身卽是無量身祖師云火燄與三世諸佛說法三世諸佛立地聽說法聽說法我不問汝汝且道三世諸佛卽今在甚麼處你試下手看下手便恁麼離將去做將去無有不圓成底時節畢竟如何拈來三寸鐵徧界是黃金

示春講主

慧春講主你旣說道不理會得知不理會得底是誰道不理會得底又是誰只這便是生死兩重牢關你卽今向理會不得處理會得去生死大事一時了畢若更理會不得但於一切時一切處將狗子無佛性

法語

千巖語錄

十四

話叅取去且作如何叅狗子還有佛性也無一切衆生皆有佛性趙州因甚道無你若捉得趙州敗從上諸佛諸祖天下老和尚總被你一時捉敗趙州是唐時人過去已許多年他底面孔是長是短你還識他麼端的要捉敗他如捉賊相似湏知他在甚麼處安歇然後下手脚賊賊分明不勘自敗若不見他面孔返被他攪炒不得靜辦這一場公案如何結斷任你講得一大藏教如何出得趙州一箇無字一法無萬法皆無和這無字亦無正與麼時上至無量劫下至未來際總不出這箇時節自然活潑潑地虛靈靈地

千巖和尚語錄

便是清淨法身佛不待靜而自安不待動而常用便是千百億化身佛事上建立也得理上剷除也得我爲法王於法自在說一切法於法無碍名爲講師立一切法於法無碍名爲律師空一切法於法無碍名爲禪師雖然更湏知有法身上毘盧師始得咄咄咄沒處去這箇說話莫道你理會不得便是無明也理會不得何故你是趙州人我是泐間人

示祿禪人

你旣要了這一件大事把從前知見解會束作一團拋向他方世界如鴈月扇子相似永不得拈着永不

法語

千巖語錄

十五

得顧着一切放下便如死人一般木石一般只於行住坐臥語默動靜上床下地喫粥喫飯屙屎送尿時單單提箇話頭與之厮捱捱到極處不見有佛祖玄妙不見有世界縱橫不見有話頭可提不見有提話頭者經云見見之時見非是見見猶離見見不能及正與麼時也只是工夫純一處更湏保養聖胎自然會回機轉位如大死人却活於頂門上迸出一隻眼方到得無明門下見得無明面孔是長是短是濶是狹然後上無星秤子等將來是幾斤是幾兩鎔瓶盤釵釧爲一塊金亦得將一塊金爲瓶盤釵釧亦得入

水入泥入染入淨入佛入魔亦得然亦未可順汝意在頂入無明室朝打三千暮打八百打得皮穿骨爛痛不可忍現出三頭六臂倒要吞却無明那時無明性命在汝手裏要殺要活要收要放總得所謂智過於師方堪傳授此非細事不可忽

示首仁大師

秘密一宗顯諸佛不傳之旨闡上上大乘之教故能入凡入聖入一切國土而無所入於諸境界亦無所碍辟如虛空竟虛空之量了不可得知虛空空羣相有猶有靈知只成知解宗徒謂了了常知欲言之不

法語

千巖集

六

可及便爲要妙殊不知之一字衆禍之門直饒離文字相離心緣相語默不到動靜兩忘照用雙遣人境俱奪猶是法身邊事雲門云法身有三種病二種光光不透脫其病轉多杜順云法身流轉五道名曰眾生便是這箇道理你若打理窟不破事上便不明事上既不明諸法皆有滯諸法既有滯持咒觀想皆是虛妄生起根本喚作法身佛得麼喚作無等等咒得麼喚作大慈悲大忿怒大解脫大自在得麼且道如今作麼生你但無事於心無心於事自然虛而靈寂而妙若有毫髮許本末言之者皆爲自欺隨緣着

衣契飯任運快樂無憂不與凡聖同纏超然名之曰祖如上說底卽非密也密在汝邊已是說了無明門下頂契棒始得何故大事爲你不得小事自家支當

示達兒麻失刺大師

達兒麻失刺乞予語警策予曰時熱寫便手汗說便口乾不要問着問着打折你驢腰你便道拈棒用力多信手寫一張愈見法施之普雲門普趙州無德山棒臨濟喝與你尋常想底佛持底咒同耶不同耶同則禪分五宗教分五教不同則總是釋迦老子兒孫何有彼此之異到這裏具眼始得若不具眼師家學

法語

千巖集

七

者皆爲瞎漢無明常云說底顯箇不說底秘密作用處表箇無作用處思議境示箇不思議境不是秘密只是顯密不二顯中顯密中密何如將箇五香五葉五身五智五佛而能匹配只如經中所謂酒肉精血便利不淨之物作法食敢種種受用只是要你轉自己底智身佛降伏諸魔與夫邪神惡鬼滅盡許多貪瞋癡業識住於禪定不壞假名而談實相不壞世間法而成出世間法耳若是祖師門下何曾夢見你決要作吾家種草佛來祖來盡與斬爲三段自餘是甚麼破草鞋是甚麼臭皮襪莫見與麼說便撥無因果

行殺盜淫妄喚作事事無碍而生遭憲網死陷泥犁頭出頭沒無有了日先聖云本無迷悟人只要今日了了得趙州無字無有了底只這一箇無字是斷生死命根底刀子通身是刃觸著者皆死若善操持天下無敵且道柄霸在甚麼人手裏擬議不來時千里萬里去也勉勉

示李丹霞道安

昔日丹霞騎却聖僧項祖師見之曰我子天然霞禮拜曰謝師安名李道安汝俗號丹霞爲祖師爲汝安名耶祖師卽今在甚麼箇事不是說了便休說到

法語

三藏語錄

太

行到猶是半提若是全提頂親見祖師始得

示杞侍者持鉢

你做老僧侍者須當效古之作毋墮今時網子裏開酒麵店俵湯果錢沽名網利昧却出家本志造生死業作邪魔魍魎見解而自甘虛喪者也然效古尚恐法執未忘我見猶存墮在法身邊不能明大法具大眼目興大悲智廓大機用開大爐鞴運大鉗鎚鍛聖鎔凡烹佛煉祖而爲德山臨濟的子親孫况墮今時者耶豈不見阿難侍佛二十年築一肚皮殘羹餽飯打箇噴嚏聞者謂爲青蓮花香見者謂爲日月朗耀

千巖和尚語錄

及乎結集之時被大衆擯在門外若不入靜三昧四稜塌地一回如何放得電光唱如是我聞爲佛真子耶洛浦爲臨濟侍者自謂天下無敵及乎撞着夾山鑿甕沒頭浸殺從前英特之氣其何在耶老僧亦曾做靈隱侍者來逞聰明說道理爭人我講是非冷地看來生死岸頭一點子也用不着居山三十年且道成得箇甚麼事今夏三四百人相聚噓了施主飯住了施主屋不曾見一箇驢叫狗叫與佛祖出一口氣秋來雖然東去西去來年老僧若活在此又來作臭肉上青蠅奈何奈何汝旣爲吾侍者代吾之勞效阿

法語

三藏語錄

尤

難持鉢去若墮夾山鑿甕裏悟得臨濟一喝也是閑家具不見古者云大事爲你不得小事自家支當

示和藏主

道佛一字漱口三年記着一字生死根本藏主兩字也大難承當釋迦老子方做得箇藏主達磨大師要且只識得箇主藏裏底未會用在自餘之輩不言可知只如昔有僧問藏主字藏主良久你且道是識字良久不識字良久若識字良久五千四十八卷皆爲剩語若不識字良久如何喚作藏主耶到這裏具眼始得

示茂藏主

以字不成八字不是一大藏不淨紙此間無我目前無你大地無塵西來無意因甚五祖道鉢囉娘趙州道庭前栢樹子無明道又是從頭起呵呵呵呵囉囉哩囉哩

示德都寺

祖師西來觀我震旦有大乘根器直指此心便是佛其時三宗競演俱涉心思口議問及聖諦乃云不識有箇斷臂阿師又謂之了了常知欲言之不可得一大火虛千像哩實突出馬駒踏殺天下人三脚跛驢

法語

十義語錄

三

吞栗棘蓬透金剛圈爲天下法明德都寺汝夫欲做他種草湏吞得栗棘蓬透得金剛圈始得且道二六時中四威儀內擬吞栗棘蓬又被牙齒礙擬透金剛圈又被一莖草絆脚果然吞得透得一莖草枯作丈六金身現出瓊樓玉殿牙齒縫裏放出八萬四千種光明照見大地衆生一時成佛豈不是奇特大丈夫也

示然藏主

德然上人你忝我老石屋和尚指示道但於十二時中放下全身坐斷至人公不起第二念可謂是的

法語

十義語錄

三

從祖佛相傳不可傳不可授不可說底意旨矣只如你全身放得下麼一箇臭皮袋子幾時要粥飯吃不吃則肚饑過不得如何全身放下一法如是萬法亦然自己如是衆人亦然佛祖聖賢如是凡夫亦然一切衆生亦然正放下時身在甚麼處放不下時你在甚麼處放得下不曾放下放不下何用放下人境俱空凡聖俱泯又何處現釋迦老子與石屋和尚又向何處參父母未生前面目又向何處求無明法語又向何處入彌勒樓閣會得赤肉團上有一箇無位真人能分許多位次眼頭觀色不爲色所迷耳頭聽聲不爲聲所惑世間色見聲求是行邪道若行見聞覺知是則見聞覺知非求法也求底是心見聞覺知是心佛是不是心不是佛不是物一拿打碎虛空骨森羅萬象眼睛開鼻孔何妨高突兀然藏主你如今既爲頭首以字不成八字不是適來對衆喝我一喝三十年後有人勸你在

示樓子賢

吾祖師西來別無妙訣單單只指出你自己一片現成田地是成佛之本出生無限妙法所以道百千法門同歸方寸河沙妙德總在心源直下會得已涉支

離更擬如何若何轉求轉遠子賢汝爲吾清翁長子
修身正心齊家治世之法活輓輓地十二時中未覺
欠少只這無欠少處便是吾佛祖傳不得底妙心這
些子要在你知得下落作得主識得破把得定不被
許多聲色不實底境界奪將去能奪諸境界佛云若
能轉物卽同如來便是這箇道理我語說不盡且載
斷葛藤

示馬道常

二十餘年住伏龍一茅庵對兩三峰近來老病唯貪
睡覺起東方日已紅東陽馬道常我家裏事你不可

法語

千巖叢

三

撥行奪市昔老龐叅石頭悟得日用事無別後叅馬
大師悟得不與萬法爲侶將百萬家私沉於水裏情
願賣依籬於市而給口體共子女說無巴鼻話眼空
天下諸大老罵盡許多蚊蝥蠅蠶雖天龍香象亦皆
歛衽嘗云吾非賢聖了事凡夫眞俗流中是箇成佛
作祖底漢恐你學他不得若學得豈不偉歟

頌古

世尊纔生下一手指天一手指地云天上天下唯
吾獨尊雲門云我當時若見一棒打殺與狗子契
貴圖天下太平頌曰

結得冤讐報得恩高提鐵棒打雲門二千二百餘年
後不謂如今有子孫

世尊未離兜率已降王宮未出母胎度人已畢

日出天歡喜雲生地起愁如何人不老得似水長流
世尊拈花迦葉微笑

命根欲斷氣未斷正是臨行撒手時家活不須分付

頌古

千巖叢

二

得棺材頭哭有親兒

維摩詰問文殊師利何等是菩薩入不二法門文
殊師利曰如我意者於一切法無言無說無示無

識離諸問答是爲入不二法門於是文殊師利問
維摩詰我等各自說已仁者當說何等入不二法
門

門

鐵笛橫吹宇宙清蝦蟆蚯蚓解翻身相知不在千盃
酒一盞清茶也醉人

女子出定話

邪法靈驗正法難扶潦倒瞿曇好不丈夫

達磨見武帝

出門便遇打頭風不許難邊泊短蓬何似海天空闊
處一絲牽動碧潭龍

馬祖三十年不曾少醢醬

老牛舐犢馬駒踏人寰中天子塞外將軍

馬祖日面佛月面佛

明來暗去太無端煉得通紅鐵一團百億須彌頭上
轉炎天飛作雪花寒

南泉參百丈涅槃和尚丈問從上諸聖還有不爲
人說底法麼泉云有丈云作麼生是不爲人說底

頌古

千巖語錄

三

法泉云不是心不是佛不是物丈云說了也泉云
某甲只與麼和尚作麼生丈云我又不是善知識
爭知有說不說泉云某甲不會丈云我太煞爲汝
說也

一個拽來還拽去一人牽去又牽來深山一段無根
樹直至如今鋸不開

陸巨大夫與南泉語話次夫云肇法師道天地同
根萬物一體也甚奇恠南泉指庭前花召大夫云
時人見此一株花如夢相似

巢知風穴知雨磁石吸針潮漲醋汝等諸人莫莽鹵

虎之缺兮馬之馵東西如何密相付

藥山一日齋時自打鼓高沙彌捧鉢作舞入堂山
拋下鼓椎云是第幾和彌云是第二和山云如何
是第一和彌就桶內舀一杓飯便去

寶美小孩兒伎倆竿頭却解倒翻身堂中坐地應無
分只是逢場作戲人

百丈僧問如何是奇特事丈云獨坐大雄峰僧禮
拜丈便打

巍巍獨坐大雄峰個是無牙老大虫佛到也須遭一
口普天匝地起腥風

頌古

千巖語錄

三

德山到瀉山挾複子於法堂上從東過西從西過
東顧視云無無便出至門首却云也不得草草重
具威儀再入相見才跨方丈便提起坐具云和尚
瀉山擬取拂子德山便喝拂袖而出瀉山至晚問
首座今日新到在不首座云當時背却法堂着草
鞋出去了也瀉山云此子已後向孤峰頂上盤結
草庵呵佛罵祖去在

衝開巨浪百千重透網金鱗氣勢雄江上漁翁空眼
熱不知拄杖化爲龍
臨濟問黃檗佛法與六十棒至大愚處桑拳

雷轟電掣雨傾盆風捲波濤透海門脫殼烏龜頭戴
角只將一滴潤乾坤

臨濟侍德山坐次山云今日因濟云寐語作麼山
擬拈棒濟便掀倒禪牀

西方舶王眼睛赤南海波斯鼻孔龕拚得滿船無價
寶博他一顆夜明珠

定上座問臨濟如何是佛法大意濟下繩牀擒住
與一掌便托開定佇立旁僧云定上座何不禮拜
定方禮忽然大悟

靈龜曳尾跡紛紛攪得滄江徹底渾若不藍田射石

頌古

千巖錄

四

虎幾乎悞殺李將軍

東寺問仰山鎮海明珠

廣南鎮海珠分文也不直撞着瞎波斯更問作何色
當下一槌百雜碎瀉仰之宗未墜地

香巖上樹

虛空無壁落四面亦無門日月照不到別是一乾坤

趙州青州布衫重七斤

嶺雪片片如飛絮拈作青衫出當家後代只食斤兩
重洞山貼秤又稱麻

趙州僧問黑豆未生芽時如何州云好合醬

黑豆好合醬半斤還八兩可憐破沙盆喚作正法眼
趙州僧問承聞和尚親見南泉是不州云鎮州出
大蘿蔔頭

天上無雙月人間只一僧鎮州蘿蔔大何處不聞名
趙州僧問至道無難唯嫌揀擇州云天上天下唯
我獨尊僧云此猶是揀擇州云田庫奴甚麼處是
揀擇僧無語

人頑似鐵官法如爐禾熟登場不納租米裏有虫麥
裏有楚田庫奴至道無難會也麼

趙州僧問如何是趙州州云東門南門西門北門

頌古

千巖錄

五

東西南北是門頭問趙州今答趙州三四百條花柳
巷二三千處管絃樓

憲宗迎佛舍利現五色光百辟皆賀唯韓愈端立
帝問百僚皆賀卿爲甚不賀師代云臣已賀了愈
云臣曾看佛書來佛光非青黃赤白等相此是龍
神荷助之光帝云如何是佛光愈無對師代云陛
下問處便是

此光不是佛光羣臣莫我敬王陛下問處便是管取
龍顏大喜休擬議擬議白雲萬里

洞山僧問如何是佛山云麻三斤

秤頭有紐秤尾無星一個錘推上推下兩片皮說重說輕若是牙郎主人豈定道麻三斤

木平問洛浦一漚未發時如何浦云移舟諸水脉舉棹別波瀾平不契復問蟠龍龍云移舟不別水舉棹卽迷源平大悟雲峰悅云木平於洛浦言下悟去猶較些子可惜向蟠龍死水中淹殺如何活水不藏龍情願淹他死水中提起當年鼈鼉看不堪惆悵動悲風

投子指菴前一片石謂雪峰云三世諸佛總在裏許峰云還有不在裏許者麼子云不快添桶

頌古

千巖語錄

六

不快添桶團圞無縫一擔兩頭中間最重堪笑翁翁只賣油勘破須還老趙州

巖頭銅沙羅裏滿盛油

暉天露乃七星流擬欲擡眸斬却頭平地死人無數數銅沙羅裏滿盛油

子胡看狗

見有人來便咬殺帶牌惡犬甚淨穉是渠佛性都無了情願輪迴墮畜生

三聖問雪峰透網金鱗未審何以爲食峰云待汝出網來向汝道聖云一千五百人善知識話頭也

不識峰云老僧住持事繁

透網金鱗衝浪來龍門萬仞碧崔嵬不遭點額還燒尾閃電光中吼怒雷

雲門示衆云聞聲悟道見色明心觀世音菩薩將錢買胡餅放下手元來却是饅頭

雲門氣宇如王偏要剝肉作瘡觀音菩薩買胡餅也是雪上加霜

雲門示衆云乾坤之內宇宙之間中有一寶秘在形山枯燈籠來佛殿裏將山門向燈籠上

無明有一寶青黃赤白皁深山開鋪席鬧市沿門叫

頌古

千巖語錄

七

賣與世間人可憐都不要黑漆皮燈籠撞着呵呵笑雲門僧問如何是清淨法身門云花藥欄僧云便與麼去時如何門云金毛師子

花藥欄淨法身金毛師子玉麒麟舌頭無骨饒陽老那個師僧眼有筋

雲門僧問如何是一代時教門云對一說

對一說八十翁翁嚼生鐵咬却舌流出血萬象光中寒凜冽明眼禪和總不知剛把烏龜喚作鰲

雲門僧問不是目前機亦非目前事時如何門云

倒一說

百億山河皆帝闕
今日月一雙眸
不知那個無思
笑獨據毘盧頂上頭

雲門僧問如何是法身門云六不收

六不收一牽牽倒黃鶴樓
題詩崔顥今何在
萬古長江空自流

翠巖叅禪師夏末示衆云一夏已來爲兄弟說話
看翠巖眉毛在麼
保福云作賊人心虛
長慶云生也雲門云關

翠巖打失兩莖眉
屋裏人家便得知
痛處一錐猶自可
那堪更下頂門槌

頌古

千巖錄

八

香林遠禪師僧問如何是祖師西來意
遠云坐久成勞

動便遭人檢點
坐久却又成勞
古今公議凡聖難逃
大地山河一片雪
日炙風吹竟不消

陳操尚書看資福福見來便畫一圓相
操云弟子恁麼來
早是不着便更畫圓相
資福便掩却門

吾家密事俗人知
月蝕盧仝便有詩
只爲慎初兼護末
不知失却兩莖眉

多福僧問如何是多福
一叢竹福云一莖兩莖斜
僧云學人不會福云三莖四莖曲

僧問多福一叢竹
我道千巖一樹松
巨靈擡手無多子
分破華山千萬重

佛燈珣勘金陵俞道婆

識得孃孃便問命
親生終是眼頭乖
人家男女河沙數
更有誰來慰老懷

五祖演垂語云釋迦彌勒猶是他奴
且道他是阿誰

後園蘿蔔種竈下
火柴頭尿窖蛆
虫子呵呵笑不休

北禪烹露地白牛分歲

且喜今年田稻熟
村歌社舞樂雞豚
斜陽影裡人皆

頌古

千巖錄

九

醉扶得翁歸是阿孫

和梁山和尚十牛頌

尋牛 暫時不在急須尋
莫待渠儂入草深
滿目青山無別跡
只消回首一沉吟

見跡 也知隔遠苦無多
只管貪程作甚麼
蹄踏蹄今皆連臂
明明此物更非他

覓牛 臨風忽叫鶻和聲
擡起頭來雙眼青
業債知他填未足
歸耕隴畝望秋成

得牛 如今處處得逢渠
帶水拖泥不用除
總是國王田地
上何妨村草步頭居

牧牛 百草頭邊百億身如何得不犯纖塵裏繩拽
轉從頭看誰是牛兮誰是人

騎牛到家 露地橫眠已到家不騎泥像學丹霞尾
巴搖動三千界還作宗門中爪牙

忘牛存人 無牛得看只看山一個翁翁閒更閒喜
有白雲相伴住溪邊茅屋兩三間

人牛俱亡 皮毛筋骨蕩然空好手毋勞游外通正
眼瞻驢邊滅却更將何物顯真宗

返本還源 現成公案孰施功耳不言兮眼不聾一
一音聲諸色相分明黑白間青紅

頌古

千巖語錄

十

入鄽垂手 殺人便解活人來鬣領何妨又吒頭甘
作畜生行異類重重關鎖盡衝開

偈頌

答頌石和尚

一絕師絃四海秋千巖萬壑冷聽聽如今不用龍筋
續突出虛空有石頭 棒頭活弄鐵牛機臨濟聞風
也皺眉未藝持來香一瓣鼻端無竅已先知 佛法
從教爛便休多年紙被自蒙頭生涯只有數株芋熟
在山中亦懶收

贈憲司張大使 眼光爍破人肝膽掛起峻嶒鐵面
皮萬事一公都了辦驚天動地丈夫兒

送成首座 未罵一聲先喝我當時實主歷然分如

偈頌

千巖語錄

二

今相送出門去彼此渾無半點恩

寄絕照昶長老 見說明州鯨鯨菜醃夜船多趣海潮
還何時滿載千巖月萬壑清風恣一食

示傳維那 祖道昭昭在目前絲毫已隔路三千自
家桶底一翻脫肯信西來別有傳

示常上人 將謂平常心是道誰知猶隔萬重關看
他破宅能容易何似成家作活難

送巖維那 峰頂雪晴春尚寒芳苞老朽懶相看禪
和若是英靈底何必溪頭望剎竿

示榮上人 要明父母未生前放下身心仔細參我

也別無奇特處二三十載住茅庵

示勝禪人 時把吹毛利劍揮工夫無一暫停時殺

教生死魔軍盡報道儂家戰勝歸

送全上人 全然不識自觀音訪我伏龍山更深四

月初頭三月盡黃鶯啼過綠楊陰

示亮維那 無明佛法無多子一味砒霜藥殺人待

汝棺材瞪得眼却教劍刃上翻身

送印上人 我祖西來傳一印風行水上日行空要

知文彩全彰處問取諸方老東牒

送謹侍者游方 侍者果然叅得禪頭陀不用豎空

偈頌

千巖錄

二

牽諸方門戶透不過鐵壁銀山在面前

授知客 授受莫言無害子七花八裂破沙盆祖翁

不解收將去未免餘殃累子孫

答本空和尚 懊悔當初入此門至今無物獻家尊

伯勞破鏡渾相似翻笑飛蝗多子孫 雷聲未歇電

光隨雪片飛空幾箇知凜凜吹毛全殺活太平寰宇

斬頑癡

昶首座 瞻驢種草自猙獰頭角纔生話已行甘露

堂前轟一喝青天岌岌大江橫

示曇侍者 幾回禮拜又和南箇事惟憑慶喜誥二

十年來身畔立何曾辜負老瞿曇

示琛上人 大道本來平坦坦祖師密意自深深只

將兩個指頭于法眼親承地藏珠

勤禪人 佛祖盡從勤苦得未曾一法懶中來我今

只麼閑閑地終日談玄口不開

示珍淨人 休將瓦礫當家珍大寶元來在汝身七

百高僧無處覓黃梅一鉢重千鈞

送滿禪人 滿肚學來無用處心空及第較些些今

朝一宿龍峰頂明日臺山大會齋

送淙侍者 侍者親從淨社來老拳不妄與人開汝

偈頌

千巖錄

三

吾甚處相孤負且向諸方問一回

昌上人 峰頂高寒雪未開上人恐凍爲何來齊腰

不用庭前立待得天晴暖自回

示子知客 平高就下老無明烏豆換他人眼睛喚

汝將茶來喫了十分懺懺却惺惺

示裕禪人 昔年曾喫石溪拳今日重添巖上禪兩

處成龍一滴水從教平地浪滔天

新禪人 門前古路滑如苔汝是何人敢入來重賞

更須三百棒青山自解笑顏開

祖禪人 西來祖意沒星兒正是虛空落地時我也

示重示汝各家留取兩莖眉

登禪人 佛祖階梯信步登千巖堂與未曾升骨頭

換却來相見方信此間無老僧

送人禮補陀 觀音和你甚冤家涉水登山去討他

三十二身巖上現頭陀切莫眼睛花

辭石溪請 出世宗師萬萬千只餘迦葉守枯禪老

僧若也隨流去孤負山居三十年 茆菴長是病羸

垂說與閭家老子知兩碗粥延三十氣看來也是不

多時

示經禪人 紹續湏還是個人嘉禾只有老雲門當

偈頌

千巖語錄

四

時雙脚撥得折不到如今無子孫

示方知客 順風把舵未爲難逆水行舟險似山檣

棹不施人到岸山橫秋水月彎彎

送宣禪人 適來一見便和南百十餘城已遍參謝

子遠來無可待低頭且自入茆菴

送信禪人還里 十萬里來傳一信一千七百箇封

皮到家的的無文字問你展開知不知

示堅上人 汝來到此五千里我住峰頭三十年不

隔絲毫相見了方知教外別無禪

示達禪人 達得名身與句身更湏超越本來人趙

州一領布衫子因甚秤來重七斤

示倡上人 祖師個個是優倡平本隨身弄一場妙

舞只知誇好手旁觀應恨曲聲長

圓上人 圓殺闍黎得幾時痛加一拶早傷慈懸崖

壁立三千丈踈跳還他師子兒

示遠上人 清遠親從高頂來又言曾上帝師臺我

今顯示汝密意終日談玄口不開

答泉首座 湏菩提在巖中坐也被天花惑亂心深

水取魚皆信命不曾將酒祭江神

日本義上人 萬里鯨波一策遊萬峰頂上泊孤舟

偈頌

千巖語錄

五

夜深來下蒼龍窟不奪驪珠死不休

示珪禪人 白圭之玷尚堪磨磨爾情生垢轉多活

佛現前湏打殺方能親見老頭陀

送興上人 纔興一念便多端無位真人赤肉團更

擬諸方探深淺那知脚下黑漫漫

示常禪人 卽心卽佛錯承當非佛非心亂度量荷

葉爲衣松葉食阿誰不是大梅常

送琇侍者 謝爾遠來求法語火鉢三下當人情明

朝冷處重知痛却罵千巖手太輕

示興上人 興我宗與滅吾宗隔壁如何口款同未

入門來三十棒灼然再犯不相容

更裁縫匠 四面好山花簇簇一條溪水綠層層大

夫出手加針線做領青衫與老僧

示薛道仁 塵勞中事萬千般攪得身心火一團已

眼不開看不透灼然處處被他瞞

示妙成 火宅塵勞何日了本來面目要分明昔

自已非他物一切時中總現成

謝谷居士齋 細抹將來百味周飽他牛馬一千頭

豈無業力醉居士香稻雲垂萬頃秋

示券福人 佛祖傳來真契券不曾差錯一絲頭現

偈頌

千巖語錄

六

成 到閑田地分付兒孫仔細收

送苑關藏主禮補陀 大藏是何閑故紙潮音是甚

碗鳴聲苑關透過透不過莫道曾來見老僧

送淨慈新藏主 無端觸我無明發擊碎如來藏裡

珠拋向六橋烟柳外從教光彩落江湖

示秀講主 秀也黃梅第一僧豈無佛法繼傳燈只

知身是菩提樹不覺衣盂付老能

解夏留衆 山田疊疊稻高低山北山南水滿溪此

去不愁無飯喫大家相聚莫東西

送本首座之杭州 此去錢塘三百里腳頭不動到

其中只將一隻人天眼照破湖山千萬重

示國清清侍者 文殊貶向鐵圍山不用門前指一

彈試問國清清侍者豐干何似老千巖

示聞上人 三十五年空過了如何父母未生前即

今若不知端的這話更參三十年

示桃溪周自律 佛戒持身為自律更須參我祖師

禪桃溪溪上花開也翻笑靈雲三十年

示守明道士 九十七個徒自誇槌殺佛來方作家

天上蟾蜍御月走其餘是甚臭蝦蟆

客仲石和尚 古人箇箇淩淩今日天寧却較些

偈頌

千巖語錄

七

象步截流連底過却憐龜尾拂泥沙 千巖說話少

機關碁遇仙人更是難一着不能全殺活幾乎輸了

爛柯仙

送日本透侍者 明得已躬生苑事祖師公案透何

難拈來一隻蓬蒿箭射入千山與萬山

示珍上人叅方 從門入不是家珍須要文頭開眼

晴江西湖南與麼去雨餘疊疊亂山青

示巽上人 巽爲風也震爲雷乾轉坤旋萬象開未

兆形名前一着問渠端的是何來

寄萬峰蔚首坐 鬱鬱黃花滿目秋白雲端坐碧峰

頭無賓主自輕拈出一喝千江水逆流
送登州智首坐 一喝兩喝三四喝喝得虛空雙耳
聾百獸聞之皆腦裂瞎驢從此振家風
寄高麗雲宰相 將相兼明文武才赤心片片奉君
來更須知有通天竅頂額摩醯正眼開
方誠翁生日 日暖風和二月春鳥啼花笑慶生辰
吾儂示汝長生法無相身中有相身
示高麗尼妙華 佛性本無男女相世間禮法有尊
卑單提一口吹毛劍拶透吾宗向上機
僧問萬法歸一話乃說偈示云 萬法歸一一何歸

偈頌

千巖語錄

八

活捉清風細剝皮更把虛空敲出髓森羅萬象血淋
漓
送玉泉昱維那 八十斤刀手裏輪一聲槌下進三
軍沙場血戰緣何事直要生擒老布毘
寄左吉平章 本是靈山會上人如今權現宰官身
好將金鼎調羹手撥轉如來正法輪
示徐了庵居士 問渠佛作如何念拜起呈予紙一
張胸次不留元字脚看來猶是錯商量
示任真牧 禾邊緊把繩頭拽草裏重携拄杖行放
去收來純熟了荒田犁把任縱橫

寄楊質菴 質菴狗子咬殺虎山墊牛兒瞎似驢擺
尾搖頭無兩樣世間龍象未如渠
示楊居士及妻黃氏德徽 祖師公案叅教徹見色
聞聲不用盲夫婦唱隨能事畢團圓正好話無生
慶雲滿長老 六十痛棒蒿枝拂一喝須教三日聾
戴角擎頭行異類卽今誰肯滅吾宗
示永嘉聞禪人 昨夜茅菴親一宿今朝速返意如
何頭陀大有過人慢不起禪床問永嘉
示華藏藏主 信脚踏翻華藏海不妨看月到雙溪
山形杖子秋來瘦又欲穿雲過浙西

偈頌

千巖語錄

九

示育王殿主 八萬四千真舍利等閒撮向指尖頭
亡郎隻手長加額一片光明夜不收
龍藏王 龍藏團團轉未休兄兼甘露滴深秋一絲
牽動滔天海不怕鯨鼈不上鉤
送何鑄鐘 天下有名何鑄鐘遠來相訪老巖翁吾
家火冷永生也且趁諸方爐鞴紅
示慧禪人 我也出身徒弟院不修智慧逞聰明如
今知得都無用終日茅菴樂太平
示應維那 應用門頭都打透發揮向上祖師機看
渠無甚閒家具絕後光前只一槌

東隱 一自金烏出海中三更早是一輪紅何須更
學西山亮直到如今不見蹤
雨耕 滴滴之聲未肯休雲垂大壑水盈壩從教笠
重蓑衣濕我且扶犁痛打牛
無菴 誰曾架此三間屋又是何人借住來只把虛
空爲壁落從教門戶潑天開
諾菴 自喚一聲還自應知伊未是到家時如今門
戶天然別未到家時也許伊
古松 劫初無地着靈根直下誰知有茯苓子落叢
林茂大樹萬年不改四時青

偈頌

千巖語錄

十

大徹 虛空寬廓猶嫌小透底何妨透頂頭吾祖口
門端的窄過牕之後更無牛
雲海 一片飛來點太清彌漫萬頃覆滄溟瞥然又
是從龍去深夜澄澄浸月明
古田 空劫已前無界至憑誰契券力番耕拋來一
粒無情種香稻如今徧界生
退菴 如何推不向前行住箇茅堂自暢情好個省
緣安樂法門前一任綠苔生

送樓國潤

江南春色濃於酒江北春風醉花柳深山角落枯石

頭春雨碧苔三寸厚金烏飛玉兔走龍蛇驚起春雷
吼牛不行引其前馬不進鞭其後豈有人而不知有
七尺堂堂美丈夫慎勿蓬然成白首
登靈和尚山居偈寶藏王求和
因僧問我西來意我話山居三十年火裏芋香留客
共擔頭柴重倩人肩困眠峰頂難磨石渴飲松根不
老泉真正舉揚無別事草深一丈法堂前
和韻題布衲和尚墨蹟後
休論南岳與天台師子親從窟裏來大冶精金無變
色深山巨木有全材骨堆法海肉猶暖語落禪叢眼

偈頌

千巖語錄

十一

自開翻憶閣維相送日石頭路上滑於苔
次月江和尚韻送何山首座
金輪王子萬人朝正令喧轟動次寥黃蘗謾誇三頓
棒集雲休說四藤條曾分猛虎口中肉慣奪毒蛇頭
上標此去西江俱吸盡歸來漲起浙江潮
絕照昶菴主
昔日曾居老觀巖如今又住伏龍山等閒識得菴中
至正好提持向上關一百十城能事畢二千餘載古
風還鐵枷荷負休嫌重你若忙時我便閒
謝宣州亭上人惠木瓜

世上久無真木瓜宣州毒種又抽芽樹頭結就團團
果葉底開來灼灼花味惡頓甦諸佛病香清常滿道
人家千巖嚼月和雲燕直得水霜透齒牙

法弟修山主

寂菴十二三年別今日何如舊時節鬢鬢俱成斑白
翁江山休語東西浙半間茅屋冷如水一片梅花心
似鐵柴床坐久竟忘眠夜深月照千山雪

送心知客

上人驚湖作知客職滿江湖徧行脚一條拄杖黑鬚
波雙眼射人光閃爍殷勤踏上伏龍山恰好頭陀相

喝頌

三嚴語錄

三

撞着不須更話坐禪銘何必更求無病藥一杯茶罷
笑呵呵嚙了是誰曾吐却

送何山維那

維那職在何山做當時事還記得麼堂前鐵鏡甚分
明袖裡金槌曾打破說甚雪峰桶箍管甚西來達磨
釋迦彌勒是他奴文殊普賢無處坐相逢喪盡目前
機溪上好山青朵朵

送昇維那

道人來自凌霄頂生鐵秤鎚浮古井拈來便好提綱
宗神機落落皆相應笑我茅菴孤迥迥惟我通身渾

是病被殺不換七斤衫賤賣麻皮饒貼秤機來只煮
芋頭噉爭似諸方好胡餅千年桃樹花一開萬里神
駒須一騁踏殺天下人不用償他命吸盡西江水且
無涓滴刺莫教撞着惡冤家却道侬子有佛性

送先上人還里

祖師箇箇埋荒草末後句子不肯道岳聾又用黑頭
法惑亂兒孫徧尋討徧尋討添煩惱執之失度太無
端放之自然豈不好秋風涼秋月皎分明唱出還鄉
調若謂生緣在括蒼依然蹉過無明老

示理侍者

偈頌

三嚴語錄

三

伏虎巖前虎生兒墮地便有食牛氣或隨豹變變於
時或效人班班在裏磨牙鼓蕩峰頭雲攫爪逆踐龍
門水更當戴角復捕翅吞却金毛師子子

示瑞禪人

衲僧家休擬議等閒吸盡西江水江北江南任意遊
肯落他家羅網裡通身是偏身是眉毛尖上清風起
永雪堆中吐一花誰道優曇不爲瑞

示蔣道晟

荆溪居士蔣月堂超出昔年之老龐老龐只欲誇清
譽家財都把沉湘江有男不婚女不嫁漉漓換米塞

饑瘡爭如居士大奉行不壞世相談真常堂上事兄
如事父堂下諸子刻戒行打開自己無盡藏扶起未
世光明幢齋僧供佛齋貧病并修寺宇及橋梁又造
一萬菩薩像手持萬朵金蓮香彌陀山寺新建閣遣
人擎送入清涼又造鉢盂五百副遠餉餘飯來東方
無明隨例得一分五百羅漢龍象讓普令聞見主權
喜凡曰遠近皆稱揚世去佛法成一片不出居士毛
孔光願以此光施一切光光交照日月長四海清平
萬民樂永延聖人壽無疆

送果禪人參無見和尚

喝頌

三教錄

五

大唐國裡無禪師趙州狗子無佛性一千七百爛葛
藤總是鉢盂重着柄衲僧唯貴眼目正一句全提佛
祖令試看華王舉似時杲杲日輪懸古鏡

山中偶作

青山堆裏結茅廬隨分生涯自有餘松帶雨栽根易
活草無人刻蔓難圖清泉白石柴床座紫芋黃精瓦
鉢盂道者家風只如此不消更做別工夫
過得一日是一日誰管明年與後年恍惚大千俱壞
後分明父母未生前青山疊疊茅菴外黃葉飄飄松
徑邊有客過門休問話老僧不會祖師禪

地爐黃獨終無味屋角青松未有花紅葉不題流水
去春山多少好人家 多年布衲烟熏破縱有工夫
懶去縫昨夜將來胡亂着通身依舊暖烘烘 粥罷
行來坐看山誰人得似老僧閒農家去辦黃昏飯隱
隱青山出樹間 石上打眠還打坐松間行去又行
來白雲影裏山無數杜宇聲中花正開 溪流一帶
疑清碧四面青山擁翠藍若問頭陀誰是伴前三三
又後三三 梅杏纍纍滿樹頭從人摘去不爲偷青
松菴住青山裏溪水門前日夜流 冬瓜棚外種葫
蘆茄子更栽千百株九丈舌頭三百口且同一夏住

喝頌

三教錄

五

茅廬 麥壠風清梅雨住種瓜栽茄人無數聞鼓聲
歸喫飯來鋤頭倒挂門前樹 萬般世事一場空開
眼明明在夢中堪笑嶺雲閒不得幾回飛去爲從龍
玉從石裏鑿將開金自沙中淘得來便轉衆生成
佛去當臺明鏡已塵埃 臭穢身中清淨身誰云無
我亦無人古今天地長如此諸佛衆生不隔塵 四
五月裏竹葉落萬木青青梅子黃冷地看他生死事
如何空過好時光

四威儀 四首

山中行一條拄杖任縱橫劃斷門前泥水路千峰頂

上浪花生 山中住松竹森森崖石露眼界清虛即
便休擬欲更尋何處去 山中坐說甚西來胡達磨
古今天地一禪床驢年得會蒲團破 山中臥抖擻
起來無什麼何更夢遊梵率天眼合眼開誰是我
警世

百年只是暫時間莫把光陰當等閒努力修行成佛
易今生蹉過出頭難無常忽到教誰替有債元來用
自還若要經聞老案直須參透祖師關
佛祖興慈爲阿誰恰如父母愛嬰兒頻頻呼喚情何
切每每拋離夜不歸四面火來終喪命一條路直在

問頭

三巖語錄

夫

忘機分明示汝安心法使得人間十二時
金烏東上月沉西生走人間事不齊口裏吐將三十
氣山頭添得一堆泥塵緣擾擾誰先覺業識茫茫路
轉迷要脫輪迴無別法祖師公案好提撕
眨眼光陰不暫留莫因名利苦馳求終成白骨堆青
草難把黃金換黑頭死後空懷千古恨生前誰肯一
時休聖賢都是凡夫做何不依他樣子修

知足歌

知足菴中無不足說甚東西與南北自家珍重用無
窮除外其餘都不欲自從知足便歸來今日與君歌
一曲行知足象王步步蓮花感住知足一莖草上黃
金屋坐知足笑他兀兀如枯木卧知足梵率陀天清
夢熟衣知足青州布衫七筋足食知足一鉢擎來香
積國財知足大地撮來一粒粟朝知足今暮知足萬
象森羅花簇簇春鳥啼幽谷夏風涼拂拂秋月明
秋氣肅冬擁爐今燒榾柮有時東壁挂葫蘆不用
州討蘿蔔鎔將耳朶看桃花眼裏分明聞擊竹者般

歌

三巖語錄

十七

知足幾人知無憂無喜亦無辱人間生死夢一回世
事輸贏棋一局假饒弄到帝王前也是一場乾蹉踉
我笑世人不知足頭白蒿蒿心尚毒一朝卧病叫爺
娘眼兒落地如吹燭前程惟有業隨身閻羅老子難
計囑也不要你金也不要你玉也不要你文章與官
祿也不顧你僧也不顧你俗也不要你田園併眷屬
祇問平生知足不知足不知足業鏡高懸難隱伏寒
時請向鑊湯遊困則教歸爐炭宿薰裏長年養臭身
案頭又挂新鮮肉者箇喚作鬼喚作畜喚作獄若知
足決然不受他拘束玉殿珠樓任意生香風微動蓮

池浴者箇喚作天喚作仙喚作佛卻將知足化羣生
令他箇箇來相逐忽然有箇田八叔高聲喚我罵瞎
禿本來無一物那更有罪福討甚閑工夫口裏水漉
漉何不騎頭水拈牛溪東放溪西牧踏常住地吃常
住穀芳草連天不舉頭款乃一聲山水綠饒你與麼
道也出不得者知足

快活歌

快活快活真快活住菴道人活潑潑雖然茅屋只三
間日月常閑天地闊青嶂後碧岩前不在山林不市
廛截斷紅塵無半點何須更討四禪天或栽竹或栽

歌

千巖語錄

大

松乘時消遣自家工不是山僧愛瀟灑爲憐松竹引
清風渴有泉飢有飯今日明朝如此慣但只隨緣過
便休一箇皮囊何足患蔬爲肉茶爲酒白雲來往爲
知友大家吃得飽膨脝直得虛空開笑口一爐香一
卷經常將此意奉君親慚愧出家無一事知恩方是
報恩人出家人真箇好天上人間何處討自從知足
與知休不知何物名煩惱有時笑有時歌細語麤聲
誰管他發越胃中無限意佛祖由來沒奈何要眠眠
要坐坐竹几蒲團破幾箇休言我不是公卿多少公
卿不如我要行行要住住七尺烏藤手中挂水邊林

下恣遨遊兩腳何曾移一步不圖利不求名只將富
貴等浮雲看他塵世紛紛者當甚農家腳後跟不食
生不畏死生死明明只是前程拋卻任縱橫擺手
便行且無罪不問道不參禪十二時中自坦然不但
日日是好日亦乃年年是好年六通說阿羅漢快
活休誇自在仙我快活能剔脫大丈夫兒消一撥有
人如我快活者同到菴中叫快活快活快活真快活
莫學時人受塵縛

歌

千巖語錄

五

讀跋

出山相

饑寒難忍道難求又去人間賣口頭不得面皮黃似
蠟如何遮得這場羞
入未爲難出始難當初何似莫居山如今是什麼時
節又要將頭入鬧籃

讚觀音

巖上抱膝坐且道看甚麼重重世界淡雲中寒月一
輪俱燦破

佛法水中月清波無透路證得圓通時與汝一轉語

讀跋

千巖語錄

二

有照有用亦慈亦智通身徧身是不是不是

三教

這三箇無孔鑊鎚定盤星上等將來固有些子輕重
總撇在大洋海裡更無一箇沉浮休休從教六耳共
同謀不是冤家不聚頭

維摩

欺凌諸聖辱先賢酬對何人敢近前不是一番遭病
打口頭安得會無言

達磨

你也不識我也不識謾自孤坐九年肚裏叅天荆棘

賺他立雪齊腰畢竟安心未得兒孫各有好生涯春

風滿地花狼藉

行十萬里坐八九年不與諸塵作對不與千聖同纏
欄空搭箇無文印是汝禪流作麼傳

問着便道不識看你其奇特若無斷臂神光空自
九年面壁雪裏花開大地春葉葉枝枝到今日

五祖

拋下栽松鈍鑊頭師還許我再來不看看大樹成林
去蔭覆兒孫卒未休

六祖

讀跋

千巖語錄

二

有偈言無物三更却付衣暗中些子事天下有人知

船子

意在目前目前無法一句合頭語萬劫繫驢極住不
住而非身談不談而非舌師資會遇今以冤報冤性
命相負今以楔出楔江波釣盡今兩岸蘆花船子踏
翻今一天明月

布袋

靠着布袋微微笑半似癡憨半似顛看你這般無去
就當來成佛待驢年

寒山

一句子寫不出拖下紙把住筆我今助汝腕頭力動
着晴天風雨疾

觀面相逢笑未休現成句子筆尖頭書來字字磨今
古只恐芭蕉不耐秋

拾得

一箇帚拈在手大地塵日日有轉掃轉多轉不休放
下自然清宇宙

十方世界海中沙諸佛衆生眼裏花一箇竹筒些子
大如何盛得許多查

總軸羅漢

讀跋

千巖詩集

三

這一隊漢向溪山竹樹間各各恁是神通自謂得其
三昧若到無明門下乳口小兒喫棒未得不見道神
通妙用不如你說法須還老比丘

朝陽

東補西補針鋒不露一線纔通日輪當午

對月

千說萬說是第二月老眼昏花不如且歇

絕學和尚

據曲綠床提長柄拂用鐵牛機碎千聖骨亦名叢林
瞎禿亦名絕學古佛

高峰和尚中峰和尚并自三像

師翁死處關而透却天下人先師活活句而走却天
下人所以天下人仰之如日月聽之如雷霆無明小
斯兒死關不死活句不活其敢待坐盤陀石上惑亂
天下人耶咄也惟天下人既剝不得

中峰和尚

道大德備喧天震地大小大國師未曾求後可謂王
出窟得大自在金翅不飛成騰四海天是之謂臨濟
第十九世

中峰和尚與師共證

讀跋

千巖詩集

四

無孔鐵鎚上牢漆桶一檐檐來頭輕尾重只要有人
能賣美誰云兩箇多無用

稚都寺請讀師相

楊岐十八年我亦十八年汝亦十八年那箇在後那
箇在前新婦騎驢阿家牽伏龍山色青於天

清都寺請讀

讀也讀不得罵也罵不得臨濟下兒孫那有這箇賊

蘇州開都寺請讀

徹翁山中相見恰似巖翁舊臉眉毛鼻孔一般踐眼
銅睛難辨苦非宿世冤家定是多生法眷有些不同

你西我東蘇州歎子婺州蠻儂松根拄杖活如龍卓
破楊岐栗棘蓬

德一侍者請讚

禪不叅道不悟豎大慢幢說大妄語無明三毒當慈
悲大用現前無佛祖

德然藏王請讚

德兮無德然兮不然僧來便棒佛來便拳慈悲沒些
子毒害有萬千道非道禪非禪我任松菴汝松隱要
悟更叅三十年

德猷菴王請讚

讚跋

十嚴語錄

五

恣逞無明三毒結盡生死冤讐且非後人榜樣豈爲
上古徽猷鍊繩牽挽不回頭鼻孔遶天老瞎牛

金剛吉院使請讚

金剛大士身永永無有壞證得虛空法示等虛空界

德胄首座請讚

生大我慢說大脫空殺人不用劍血濺梵天紅佛祖
到來須乞命茅菴別自展家風

德瞻侍者請讚

這箇漢無背面明眼人看不見一絲頭上定請訛稟
德金剛王寶劍

茲茂藏王請讚

佛來也一棒祖來也一棒這箇老禿奴真箇是無狀
如何做得人榜樣

如寶藏王請讚

咬牙曝曝胡打亂打猛虎當軒誰是敵者德山臨濟
俱擒下

道明藏王請讚

爲人爲徹棒棒見血烹佛陳祖斬釘截鐵年來潦倒
大郎當老婆禪對俗人說石上種油麻一花開五葉
德久侍者請讚

讚跋

十嚴語錄

六

這漢別無奇特只是口快心直三十年一箇茅菴四
十年一文不蓄撞着惡冤家啐啄同時失金剛與泥
人揩背一擦骨出

德觀菴王請讚

六十拄杖蒿枝拂萬象森羅痛徹骨泥團土塊笑眉
眉一對眼睛烏律律不是心不是佛不是物是何物
志敬維那請讚

德又瞎耳又聾佛法不會世法不通肚腸窄狹毫髮

不容箇般喚作尊宿滅却臨濟正宗

德智知客請讚

這箇真難描摸有時善有時惡善時佛也不如惡處
虎頭戴角雖然七縱八橫未免千差萬錯鏤床坐斷
伏龍峰棒打石人鳴曝曝

德謙知客請讚

眉毛卓朔鼻孔吒沙無手行拳能打難防之賊有鉤
不紐誰稱貼秤之麻阿呵呵會也麼從來貧徹骨不
比有錢家

德讓禪人請讚

一床杜田全無軌則換轉面皮爺也不識鏡棒胡揮
打驢脊

讀跋

千巖語錄

七

淳侍者請讚

山蠻杜拘別無花巧有來問禪不棒便拳如何稱得
善知識分明是箇露面賊

慈壽菴王請讚

你如要學安心法一箇胡孫湏打殺總持無物可當
情體若虛空何豁達且道阿誰作證茅菴六月雪花
飛千古松根盤石磴

真空菴王請讚

拄杖不拈拈拂子一頭白髮坐柴床若論佛祖門中
事昨夜三更月到牕

寧府張氏德真請讚

此間無我目前無你當軒者誰拄杖拂子
禪人請讚

不依本分居山也要做摸打樣繩床角靠却拄杖拂
子頭龜毛數文說大脫空起大妄想佛來祖來或拳
或掌教人只管長無明如何不是無明長
不是心不是佛不是物是什麼咄字經三寫烏焉成
馬

德然藏王請讚天龍無用和尚像

我住伏龍你住天龍彼此老大鬚髮蓬蓬當軒踞坐

讀跋

千巖語錄

八

半啞半聾鼻孔全然不是眉毛些子相同更有一般
謾不得鄉談難改婺州儂

題華嚴經

有底喚作閻羅王面前免鏤棒底赦書有底喚作博
粥飯底閑言語有底喚作拭不淨底故紙有底喚作
三六四法界雖然如是未出常情你比丘還知麼父
母所生口說底只是小本華嚴若是大本華嚴從上
佛祖也說不得他既說不得你又如何書得你既書
不得我又如何題得既題不得書不得說不得不可
只與麼干休盡底掀翻香水海沒頭浸殺老瞿曇且

道向什麼處放渠吐氣咄

跋銀書華嚴經

宜興蔣道昌銀書華嚴大經報父母恩普令有情無情同時成佛你信得及麼若信得及真箇成佛有餘所以道一念普觀無量劫無去無來亦無住如是了知三世事超諸方便成十力與麼則不勞引紙運筆文彩全彰莫不與毘盧爲父法身爲母釋迦彌勒文殊普賢諸法王子善惡知識皆是我家兒孫奴婢邊事呼來喚去也由我牽來踢去也由我初不假於它術至於一字一句一塵一毛一動一靜一語一默皆

讀跋

二巖語錄

九

從法界中流將出來看經須具看經眼書經須具書經手手眼相資全體全用你若道多書得兩行多看得一卷有多功德功德雖有非真何也淨智妙圓體自空寂如是功德不以世求懷州牛喫禾益州馬腹脹天下覓醫人灸猪左膊上杜順法師將心肝五臟傾在你懷裏了也且作如何會若作經會則謗禪若作禪會則謗經若作一團則龍舁畢竟作麼生龍生金鳳子衝破碧琉璃雖然也須親證親悟始得

跋般若關

釋迦老子蕩相之旨與吾達磨不立文字之宗無二

無別雖然一人向虛空剗窟籠一人向海底鉞紅塵冷地看來二俱不了既是二俱不了未免殃及兒孫普鳳城雪月大師大隱者以玄奘所譯般若大本六百卷中撮難信解品通爲一關字才三紙乃括盡一百單三卷之文關一字則字字俱通關一句則句句皆徹如鉤鎖連環不斷又如源泉混混無窮所謂般若關三昧海者斯之謂歟予也舊所未聞茲獲親覩且命別轉一機爲將來學者與此經作屈曲帶莫屈曲了也且道是誰屈曲須具透關眼方爲過量人

跋法華經

讀跋

二巖語錄

十

是法非思量分別之所能解若有知解能所之心則是生身佛爲門外三車及愚妄衆生說此經也報化非真佛亦非說法者宋普誠你得到恒所書是經請予著語是知解能所心請耶非知解能所心請耶是無明現生身佛法身佛說法耶非生身佛法身佛說法耶這裏具眼方曰持經如其不然且自笑沙數寶驀忽數出自家寶始信予言不汝欺也

跋楞嚴經

婺州信女盛道廣命工刊楞嚴經板復印經散施所願故男徐道儀故女福八道姑不歷僧祇而獲法身

請予著一語爲證予曰汝知麼釋迦老子只參得些子老婆禪要且出三界二十五有未得在阿難溺摩登之室披毛戴角拖泥帶水大丈夫漢蓋是尋常支殊走上走下傳言送語只做得箇通事人這公案一向未得勦絕汝是他家種草與他刻却豈不知恩報恩今乃抄其元款穿長詞入舊卷開板曉諭諸人轉見外揚家醜無明要斷不平之事一時喚來一道行遣各各與三十大棒教他叫箇快活快活何也脫三界獄天日開明

跋血書梵網經

讀跋

三嚴錄

三

佛觀世界猶如網孔有世界便有衆生有衆生便有佛有佛便有戒有戒便有破犯智慧上人你還知身是世界麼心是衆生佛麼戒是持破處處若無身是誰持犯血從何來經是誰書佛是誰做不見道一花一國一釋迦無明則不然一佛一字一滴血

示能上人書經

釋迦老子若不會說這幾句兒閑言語粥飯也無喫處能上人你也只要博些粥飯喫又將他底閑言語謾在紙上予乃信雪峰之言不謬

跋鐵山和尚示行長老語

鐵山和尚一條硬脊骨均不折親承仰山慧朗老人之記爲高麗一國之師登其門升其堂無慮億萬計入其室嗣其家唯無意行長老一人或謂砥礪情深全身落草曲釣釣魚鰲直釣釣鯢鯨予則曰國師無此語莫謗國師好不然且聽諸方尊宿斷看

跋鐵山和尚示亭上人語

丈夫漢戒不持禪不叅上刀山入火鑊蓋是家常茶飯鐵山和尚一國之師乃謂閻羅王要打美他飯錢雖則養子之緣其奈老婆太甚亭上人你且道鐵山和尚說底是無明說底是毫釐有差天地懸隔

讀跋

三嚴錄

三

跋澤山和尚示海禪人語

汝若向語言文字上見澤山和尚帶累無明入拔舌地獄直饒句句道得完全猶隔海在何故蚍蜉撼樹金翅吞龍

跋覺菴和尚示機藏王語

覺菴老人主承天時有華嚴講王挾上命將易爲講肆覺菴曰汝能說禪吾從汝易吾不能說教汝易吾從於是搥鼓升堂以一喝入五教顯示吾宗于聖頂額一著子講王泣下再拜乞懺罪而退信知大法不明則邪正不辨爐鞴不熱則頑鑽不鎔今觀所示機

藏王法語置百億須彌盧於室中擲三千大千世界於方外此老人之游亦耳券侍者汝不聞乎嗟過嗟臍空嘆

跋北磻和尚題梁太子釣臺

佛法之妙禪道之要非語言三昧不足以垂世立教大慧再傳而北磻老人出沒其源疏其派令四方學者沛然而歸如水赴海所謂波瀾闊法性寬戶門大者是也雖當時諸大老亦皆望洋向若而嘆故我圓照老人云棄儒服着佛衣恣儒舌說佛非顧令諸方堂堂據尊宿之位觀茲遺墨以之而然可乎不可乎

讀跋

千巖語錄

三

跋癡絕和尚答啓霞書

老癡絕鉞面具凜如水霜道德昭著於世如日星不可掩不知啓霞何如人乃云六年相處一旦分違不勝於邑大似年老心孤未免隨邪逐惡胡亂搭箇冬瓜印子當時是箇漢寄三十棒來打不可也道但退却靈隱寺便了竺初首座你既要學他樣子作麼生爲渠雪屈

跋無門和尚語

無門和尚末後句子分付與無菴保相可謂同條生同條死也有者便道無門死時無菴尚未死如何說

得作同條即咄非汝境界

跋瑞上人所藏雪巖和尚真蹟

盡大地是箇無字明眼衲僧跳不出惠朗老人爲機藏王書此三篇太煞老婆通身泥水瑞上人汝於甚處得來

跋佛鑒和尚示順上人語

語如鉄釘眼如銅鈴鼻如鷹觜牙如劍樹此佛鑒老人之爲人無你諸人近傍處今觀如維那得所示順上人法偈與昔年面目無異疎然伏讀而敬畏爾其傳爲家訓毋忽

讀跋

千巖語錄

四

跋雪巖和尚示然書記語

惠朗老人道黃面漢老仲尼目卽在上座脚底澄維那你且道在誰脚底可山脚底諸人脚底道在可山脚底可山已死道在諸人脚底諸人不知道在你脚底你又不曾親見惠朗待汝親見惠朗來無明却與一轉語

跋月庭和尚語

忠廿八提唱得與麼高手段得與麼辣禪和子爲甚只傳他頌做得好咄莫將耳朵當眼睛湏把眼睛爲耳朵

跋中峰和尚示久藏王語

曹溪一滴水渴殺淹殺多少人且道曾活得幾箇來老幻住喻道如湧泉說道理則不無倒岳傾湫則未在不見僧問趙州古澗寒泉時如何云苦飲者如何云死均禪人你道趙州道箇死是殺人耶活人耶叅跋中峰示典講王語

明月之珠非寶也語言文字非寶也寶者寶其人耳老幻住道德爛若日星一語落叢林人皆以爲寶敬觀垂示雲南興雲谷之語不過一期方便佛法興道業成未是未生前事滅佛法壞道業未生前面目將

讀跋

千巖語錄

五

親見之雖然二者皆不可不寶也

跋龜峰和尚語

佛鑒老人流大仰之毒毒死衲僧無數活於句中妙於格外唯道元和尚一人眼裏有珠底試將他崇寧龜峰二會語咬嚼看驀忽嚼着自然不疑天下老和尚底舌頭

跋晦機虛谷幻住墨蹟

佛鑒嘗云汝等後生那裏知得我入衆時晦機和尚已傾寮舍矣後住淨慈徑山大宏祖道予住仰山三

千巖和尚語錄

法式佛智亦云你禪和子還知麼大慧說禪之後當今爲幻住一人吾輩有所不及石門文藏主出云三尊宿墨蹟敬題昔日親聞語于後如曰不然諸方必有批判

題趙學士贊幻住和尚真

驛侍郎之於大顛裴相國之於黃蘗趙學士之於幻住咸謂師資會遇名相若道相若作宗門中爪牙爲古今人標格殊不知正是一盲引衆盲滅却吾千聖不傳底頂額一着

通祀侍者求君采陳先生寫師音說

讀跋

千巖語錄

五

君采老先生你措大而人于異端好與三十棒一棒也不較良杞上人你起無根之謗而外揚家醜好與三十棒一棒也不較若更道此棒和尚先喫某甲後喫正是當斷不斷雖如是且喜有箇推托處老僧年邁無錢贖銅明眼人見此也只一笑而釋

跋石溪松雲閣三教總目

見到說到行到猶是到到未是不到到雖是不到到未是不到到何也世尊四十九年噉了現成閑飯簸這兩片皮說是說非說長說短說出許多閑言長語滿世界狼狼藉藉末後知非無惜慚惶處乃云始

從鹿野苑終至跋提河我於二中間未嘗談一字敗也敗也老子亦云道可道非常道名可名非常名亦言也既非常名言之何用死也死也孔子亦云亂之所由生言語以爲階乃欲無言謂天何言露也露也你看他這三箇漢如同一片淨潔地上撒屎撒尿了有底將灰土蓋却有底將糞箕苕帚掃却有底將水洗却你任如何只是臭氣還在引得許多蠅蚋蚤虫蠅蟻蚤虱之類競來咂啗各成窠窟頭出頭沒脫離無田秦坑之永平火之三武滅之愈熾愈盛雲門殺之德山罵之臨濟喝之而彌高彌大樹繞藤纏至

讀版

三巖錄

七

今無箇合殺石溪本空禪師膏巨靈壁大華之手用芥子納須彌之機建一閻闢曰松雲繪佛祖三教聖賢諸師形像於其上及取其書悉藏其中無彼此之分絕人我等見真顯圓融廣大法門耳或謂辨魔揀異宗門眼目秤斤定兩向上鉗鎚豈可雷同事頂戴別師曰會麼瓶盤釵釧一金毒藥醍醐一味其人不覺手舞足蹈而歌曰松雲萬朵兮溪山盤盤松風一曲兮溪月團團水崖笋出炎天雪寒眼睛只在眉毛上分付渠儂仔細看

題樓國禎觀生堂詩卷

起膏肓必死之疾者非心眼精明則不可樓國禎其心眼精明者歟不然何扁其所居室爲觀生耶生生之義且道與長生無生之言同耶不同耶觀則同不觀則不同幸毋忽

版

三巖錄

八

佛事

婺州通濟橋成請行橋

大衆會麼風清月明地平天成廉訪司相公洎文武官員已爲諸人說法了也西峰雙林及諸尊宿已爲諸人說法了也只將萬萬歲石橋上祝吾皇萬萬歲怎麼則統十方世界是一座通濟橋不獨通濟婺州一城人通濟天下人去也巍巍功業千古不磨汝諸人人人常光現前箇箇壁立千仞釋迦不前彌勒不後行不行到不到要且不干別人事老僧到來也只因齋慶讚何故當空架起蒼龍脊不怕雙溪水流急

佛事

千巖語錄

二

踏上高高高處看東西有路通南北南北既通東西有路作麼生是諸人最初一步喝看脚下行至橋那邊復云婺州橋是趙州橋今日大家行一遭不獨度驢并度馬人人平步上青霄

爲樓清翁入壙

天公豈可没人情雨雪堆中揀得晴修福自然招福報生前死後顯光明大衆還見面前一片田地麼這是我清翁老人親手做得來底生也受用不盡死也受用不盡傳之子子孫孫亦復受用不盡現前諸人若能見樣學樣各請歸家做取這一片田地好不

千巖和尚語錄

佛事

千巖語錄

三

山僧更爲鋪花錦上世有英傑積善種德一句合頭千車共轍即日恭惟故我檀越清翁老朝奉智者國師種族義烏縣裏老成人八十四年生本不生行而能說說而行八十四年死死亦不死子又生孫孫又子三年之喪孝也今日之葬禮也天之清翁之清矣隣上清釋梵之宮地之厚德之厚焉廓心地真常之境泥埵頭突出鼻孔羈轡中豁開眼睛觀色即空成大智不住生死觀空即色成大悲不住涅槃既不住涅槃又不住生死即今清翁老人全身奉重一句作麼生道以土撒云靈棺可掩名難掩路上行人人口似

碑只此告違伏惟珍重

爲樓文翁入壙

生死世之常消長天之道人爲萬物靈一老一不老恭惟故檀越文翁提舉樓公尊靈富壽雙全各行兼至八十五年前未有父母所生皮袋子八十五年後父母所生皮袋子終歸土裏八十五年中有見聞知覺有喜怒哀樂別尊卑分善惡事上種種有條理上頭頭無錯爲井邑之老成成兒孫之家活聖世現長者之身人中奮大夫之作皆從皮袋子主人公做將出來如今主人公拋了皮袋子盛在棺材裏且道與

父母未生前面目同耶不同耶一卽三三卽一千變萬化從中出金烏夜夜徹天飛朝朝湧起團團日世尊云身相屬四大心性歸六塵四大體各離誰爲和各者老檀越這箇猶是生死岸頭事超生脫死一句又且如何拈土云大地都盧土一撮一撮土中天地濶天地只是一靈棺一對眼睛活潑潑回頭撞着自家底明月清風安可比耀古騰今只這是老人年尊伏惟安置

祭樓清翁文

嗚呼坐死哀樂雖古之大聖人亦不能免或謂佛以

佛事

千巖錄

三

寂滅爲樂尚有哀耶曰從衆以盡養生送死之道今日臨吾檀越之喪也吾何爲而不哀尚饗

祭樓文翁文

嗚呼翁之生也壽八十五以德爲先福以夙植兒孫滿前越蔭蔭予二十八年翁之死也予何賴焉十月既望合門忝眷聲哽咽淚漣漣奉靈棺塋于東塘之原予也追思舊面曷以相哀告虔臨擎茗雪爐熏栢烟效蔬食菜羹之祭陳于尊靈之前靈兮如在眉目儼然身重濁兮必歸于地心輕清兮必歸於天有生死兮無生死無變遷兮有變遷來兮影搖竹里團團

之月逝今波澄梅溪浩浩之泉嗚呼哀哉伏惟尚饗

祭樓玉汝文

生而知者心死而知者心形有死生而心無死生故云知也先生屢顧草廬握手論文至情深義篤處必剗破藩籬深入佛祖闢與視貧富如昨夢一死生爲虛幻嘗聞病革之際語其僧孫德亨曰山上和尚知我病麼予乃益知先生謂予知心予亦謂先生心心相知未嘗斯須間斷也先生生予亦生先生老予亦老先生病予亦病先生死予亦死還知有不死者麼先生之道傳之子孫先生之文垂之金石旣曰相知

佛事

千巖錄

四

多言何益尚饗

尺牘

答無用貴長老

可上人至承以出世天龍惠書及信物并入院小叅佛事足見不忘四十年道舊之義茅菴對衆披讀無不欣慶所謂一佛出世千佛共贊也然住院初無大小要在至人何如耳無用旣爲一方主人便與前來獨居時不同何以故古之叅禪辦道之士或獨居或處衆單單以生死兩箇字爲急務如救頭然打破漆桶之後日夕磨礪身心一如蕩然無纖毫過患久久

不可掩其光明自然敗露不得已被人掇在這座子上坐地以其得處穩密用處諦當一動一靜一語一默皆可與人作箇樣子故有住持之說夫住持者住於不可住之地持其不可持之法利濟一切傳之無窮豈小根劣器之所能真世間大力量大丈夫大善知識所以有眼者見有耳者聞猶國之有君家之有父君聖而臣賢父慈而子孝衆人以一人爲之主一人以衆人爲之賓賓主歷然風行草偃不言而治蓋本於斯况頂額具大眼目辨龍蛇別虎兇啓大爐轉運大鉗鎚鎔凡聖烹佛祖向千箇萬箇中點一箇

佛事

千巖錄

五

出來作靈山正傳爲少林種草如燈照燈如水與水故有法嗣之說豈有今之紛紛者以勢利相傾人我相勝詐僞相欺狠戾相奪甚至詞訟相加毒害相殺往往白衣面前搖尾乞憐鍊面活閻羅王手中乞命如斯之輩似粟如麻作地獄業名地獄查喚作住持得麼喚作法嗣得麼苦哉屈哉百丈臨濟一宗掃地盡矣清涼天台南山慈恩之道其如何哉正此之際釋迦老子便出頭來也救不得了也無用你又如何救得只如天龍請你作長老不過要你弄幾塊木頭粧幾箇泥塊而已若要大統宗綱重光祖曰古人自

有樣子無明自救不了且不曾住人院子又不曾作一日主人三十年只是茅廬客居二十年伏龍山中只是一箇團頭道者耳豈堪爲無用之師若準來書所云得不遭人恠笑彼此老大相見未期草草奉復萬萬爲衆竭力珍重

答景濂宋公書

前日承一宿山中談話半更今日有書來報云云無明讀一過不覺失笑笑箇什麼笑笑景濂坐井觀天又如貧兒拾得錫說與人要作銀子賣只是自不識貨教別人不識貨則不可何以故景濂每嘗在塵勞聲

佛事

千巖錄

六

色境界中覷得爛骨地熟了思量計較文字語言美聰明業識多了乍聞吾輩說一箇放下可以做寂靜工夫透脫生死得此事入手暫時起一念厭離之心退步靜坐回頭乃見無思量無語言處便錯認作法身喻如玲瓏八面臆喻如須彌山言說不得這箇只是暫時岐路如何便罵得佛贊得祖贊得無明耶贊罵憎愛心不除但增長我見我見未忘目前只見別人過失不知自家過失要成辦透脫生死大事難矣景濂果欲辦這件事只向無思量無言語處便好仔細推窮不用說向人驀忽命根斷偷心絕絕後更甦

歎君不得却來求印可亦不遲

士林中來者無不盛談左右乃間氣所生文章學問絕出爲制東羣儒之冠且尤深於內典欣羨無已承敘自幼讀佛書領其要旨出入有無空假中中至於中且不有有無何在二復斯言此今之士夫執有執無離邊離中分彼此儒釋之異如左右儒釋一貫者能有幾人人言爲不虛矣張無盡云余因學佛然後知儒古德云居無爲界中而不斷滅有爲之法居有爲界中而不分別無爲之相暗合道妙不易不易審如是則有爲底便是無爲底左右已百了千當何處

佛事

千巖語錄

七

更有身心之處未祛事物之來未息又何處更有真真工夫可做而後出離有爲了生死大事耶左右與山野交二十年會或劇談別或寄語未有如此書之至誠也人天之際唯誠明文之道亦誠而已只如左君未動念未操紙拂紙水陳一言及寫在紙上了是有爲是無爲是生是死是生死法是出生死法這些字直是誑訛故孔子謂子路曰未知生焉知死孔子底說話莫道子路不知落處盡大地人都不知落處豈不見黃山谷訪死心和尚死心云聞公會禪諸方皆印可是否山谷云不敢死心云我有一問問公公

試答看彼此燒作一堆灰特在甚處相見山谷茫然後叅晦堂示吾無隱乎爾一言聞桂花香打破漆桶與孔揀天大丈夫欲成辦箇事自有箇般時節山谷雖是一塊精金湏入死心晦堂作家爐鞴惡辣鉗鎚始得這一隊漢若到無明門下更湏一一勘過何也不是美潮人休入洪波裏山野如是杜撰左右以爲如何左右以至誠而來山野不可不至誠而答垂簾且截斷葛藤

佛事

千巖語錄

八

千巖語錄

附錄

佛慧圓明廣照無邊普利大禪師塔銘

少林氏之道十一傳至慧照大師而別爲一宗設三玄門演暢宗乘權實兼行照用雙至四方從者雷動海湧逮乎宋季其道寔微惠朗欽公起而任之豎大法幢屹然爲東南之標準廣濟妙公親承法印據師子巖建立苑闢鮮有升其門者唯智覺本公深造闡與以大辯才通博無礙慈澤普茲遍一切處其入室弟子以十數計若今佛慧圓明廣照無邊普利大禪師則其一人也師諱元長字無明一號千巖越之蕭

附錄

千巖語錄

二

山縣許賢鄉人族姓董氏世以書詩爲業父諱九鼎母何氏晚而生師欲棄之嫂謝氏鞠以爲子七歲卽就外傳諸書經目輒成誦出入蹈矩循獲有若成人其父喜曰是子當以文行亢吾宗乎師之諸父墨芳學佛於富陽法門院欲乞師爲嗣謝氏不從未幾師遘疾甚華謝氏禱于觀音大士曰佛幸我慈俾此兒不死令服洒掃役終身禱已師汗下而愈遂使從芳游時師年始十七益求良師友摩切九流百氏之言已而曰此非出世法也復從授經師學法華經至藥王品旣問曰藥王旣然二臂曷爲復現本身耶授經

附錄

千巖語錄

三

師異之年十九薙髮受具戒走武林習律於靈芝寺律師問曰八法往來片無乖角何謂也師曰胡不問第九法乎律師曰問律而答以禪真大乘法器也會行丞相府飯僧師隨衆入本公亦在座遙見師卽呼謂曰汝日用何如師曰唯念佛耳公曰佛今何在師方擬議公厲聲叱之師遂胡跪作禮求示法要公以狗子無佛性之語授之繼往縛菰靈隱山中雪庭傳公召師掌內記師下筆成章五采交粲見者嘆服俄棄歸法門隨順世緣殆將十載一旦忽喟然曰生平氣志充塞乾坤乃今作糞裏醯雞耶復造靈隱跣跣

危坐脇不沾席者三年因往望亭聞鵲聲有省亟見本公具陳悟因公復斥之師憤然來歸夜將寂忽鼠翻食猫之器墮地有聲恍然開悟覺身躍起數丈如蟬蛻汗濁之中浮游玄間上天下地一時清朗被衣待旦復往質於公公問曰趙州何故云無師曰鼠食猫飯公曰未也師曰飯器破矣公曰破後云何曰築碎方斃公乃微笑祝師曰汝宜善自護持棲遯巖穴時節若至其理自彰師旣受付囑乃隱天龍之東庵耽悅禪味不與外緣有一蛇日來環繞坐下師爲說三歸五戒蛇矯首低昂作拜勢而去師自是聲光日

頤笑隱新公方至中竺法席力薦起之江浙行省丞相脫歡公時領宣政院事亦遣使迫師出世師皆不聽居亡何諸名山爭相勸請師度不為時所容與弟子希昇杖錫踰濤江而東至烏傷之伏龍山見山形如青蓮華乃卓錫巖際誓曰山若有水吾將止焉俄山泉溢出作白乳色師遂依大樹以居實泰定丁卯冬十月也初伏龍山有禪寺號聖壽其廢已久當師入山時鄉民咸夢有異僧來遂相率登巉巖披叢草以訪焉見師晏坐不動各持食飲之物獻之邑大姓樓君如浚樓君一得各為伐木構精廬以安師尋因

附錄

千巖語錄

三

舊號建大伽藍重樓傑閣端門廣術輝映林谷內而齊魯燕趙秦隴閩蜀外而日本三韓人香羅甸交趾流球莫不奔走膜拜咨決心學留者恒數百人至有求道之切斷臂師前以見志者師各隨其根性而為說法譬如一雨所施小大根莖悉獲沾潤王公大臣嚮師之道如仰日月名傾朝廷三遣重臣降名香以寵嘉之江淮雄藩若宣讓王則下令加護其教若鎮南王則親書寺額賜僧伽袈衣及普應妙智弘辯禪師之號帝師亦再降旨俾勢家無有所侵凌仍更號曰佛慧圓鑒大元普濟大禪師資政院又為啓于東

朝命朝臣製今號并金襴法衣以賜焉至正丁酉夏六月十四日師示微疾索浴更衣會眾書偈云平生睡舌今日敗關一句轟天正法眼滅遂投筆而逝春秋七十四夏五十六是日午時其弟子德亨德馨等用陶器函蓋奉全身瘞于青松庵悲慟哀戀聲撼巖壑太師中書右丞相脫脫公建大壽元忠國寺為皇太子祝釐之地欲奏起師為住持適有自江南來者言師示寂乃止師疎眉秀目豐頤美髯才思英發超越醜夷頃刻千偈包含無邊妙義得其片言皆珍襲寶護唯謹語錄若干卷和智覺擬寒山詩若干首皆

附錄

千巖語錄

四

刻梓行于叢林世之論者謂師踐履真實談辯迅利或無愧於智覺云廉初任伏龍山見師師吐言如奔雷時廉方尚氣頗欲屈之相與詰難數千言不契而退越二年又往見焉師問曰聞君閱盡一大藏教有諸廉曰然曰君耳聞乎抑目觀也曰亦目觀爾曰使目之能觀者君謂誰耶廉揚眉向之於是相視一笑自時厥後知師之道超出有無實非凡情之可窺則因締為方外之交垂三十年其激揚義諦往來尺牘之在篋笥者墨尚濕也雖纏於世相不能有所證入而相知最深銘非廉為而孰宜為之銘曰

天目巖巖中設死關豈無來者望門而還言言智覺
仗劍深入師子長號百獸咸蟄伊誰嗣之惟千巖師
彼頑者鼠愛契我機一錫行雲趣藏空谷明珠自護
不受人觸世雖不聞靈蛇先知矯首聽法爲說三歸
我將辭名文彩或露足踏飛濤一夕東度龍峰鬱環
如青蓮華我棲其間指樹爲家北之所形孰曰無象
有來梵梵且醴且餉化彼草莽爲梵王宮金銀琉璃
絢爛太空四方風動無不稽首師我檀度願垂攝受
羣聾正酣晝夜沉冥法音方震萬耳皆驚璨璨珠幾
噴落人世神鬼莫窺天龍交衛有寵自天錫予便蕃

附錄

千巖語錄

五

金衣寶熏耀於祇園外護之嚴罔敢干令慧照之宗
於斯爲盛乘化而逝人天慕哀妙相如如初無去來
既無去來何有增減太史勒銘以昭玄範金華宋濂
撰

題千巖和尚語錄後

生擒猛虎活捉靈龍實施妙用遊戲神通若向此錄
上領會千巖萬壑蹉過伏龍峯至正丙戌開盤日淨
慈處林敬跋

言乃載道之器道本無言因言顯道雖欲忘言其可
乎千巖和尚以身爲舌塵說利說熾然說吾未見其
有言也此話大行何待三十年設至正七禩丁亥季
春前住天童佛海老人
時年八十

予少游禪林間聞

千巖禪師居婺之伏龍山其道大行四衆歸之當元

後跋

千巖語錄

一

之盛時庵居知識在天目則中峯本公華頂則無見
觀公屹然法幢東西角立伏龍雖晚出而與天目華
頂並高矣今讀師之語錄簡古超邁無非開示學者
讀之盡卷如入居藥之肆觀其諸異藥品皆可已人
之疾如游香積世界聞其衆妙香氣皆可止人之饑
是錄行世人得而誦之則沉痾虛腹孰有不脫然而
起充然而足者乎因其徒德隣之請故書之如此洪
武七年佛涅槃日天界住山宗泐謹題


攜李叡仲懸法名大
系第玄煩別號較縣
道人賦性甚燥因自呼
為性燥漢性燥漢、
火赤星、別無解衣

後跋

二

食好投法海中願
薦宗親望彼岸

弟曆戊午臘月八日跋



敕書

皇帝敕諭朕惟迦文啓教妙覺之理獨隆法相歸空
 菩提之心最上慧舟匪隔澤雨無偏顯究竟以開
 祇衆真常而濟俗漸積勝業咸由淺以及深澡練
 精明要藉微而爲著制行務期於證道先除五欲
 之萌皈誠必本於明心用釋六情之網脫遺塵境
 瞻企法門克衍宗傳斯稱開士咨爾禪僧性聰戒
 律清嚴規模淳樸跡超俗外恒持不染之心理寄
 忘言了悟無生之旨遊方無住演法有年脫萬機
 之餘間觀釋典念含生昧覺多因自失其本嗣果

法苑珠林

卷一百一十五

一

定慧齊修亦可各還其固有然必求諸漏俱盡始
 堪進悟夫宗乘抑能知五蘊皆空方可皈依於法
 寶聞爾久參覺性堪表梵群於是引至禁林召開
 覺路爾則欽承朕命克廣善因不兢不浮無榮無
 慮宜宣正義允弗滯於迷途弘闡清規信無慚於
 福地全護珠之念惟在精勤探捨筏之微漸空執
 着法性昭其本具妙心示以歸源實與空凡惟希
 登岸誠可以悟真如之諦而邁天第之禪者也是
 用封爾爲明覺禪師錫之敕印於戲務期解脫永
 乘不退之輪益懋修行丕闡有緣之果荷茲新諭

迦爾後圖欽哉

敕命

順治拾陸年 月

日

之寶

法苑珠林

卷一百一十五

一

無見先覩禪師語錄

元

無見先覩
智度

撰
等編

天台無見親禪師語錄序

宗門嫡派祇論真實不論隱顯真得正法眼常作人
天師者雖埋踪剝影而千載清光自然迸現玉潤山
輝珠藏川媚神物呵護不可得而埋沒也遠磨西來
至曹溪祖而別爲五臨濟正傳至無準範而別爲二
斷橋倫與雪巖欽其雙鸞並擊兩翼偕馳者也後來
一翔一集一躍一潛總在大機大用不可思議中增
當佛祖慧命豈假聲施炬赫與世法角門庭哉無見
親和尚爲斷橋嫡骨嫡髓兒孫而介菴進和尚則無
見之十三世墜地獅孫也此錄自元丁酉歷明迄今
丁酉恰二百年而嚮來藏之名山傳之其人者忽從
龍宮海藏推出俾金明介和尚得拂拭而光大之亦
大奇特因緣矣天台自智者大師以至大寂高菴諸
名宿卓拔華頂響振諸方而無見和尚乃能於高寒
孤僻之地展一坐具閱盡四十春秋足跡不離戶限
而道價洋溢奔走歸依拈提開示悉從一毛頭現寶
王刹微塵裏轉大法輪稱性而談機鋒鋒峻峻視世間
語言文字逼塞虛空者何啻千里萬里哉紀實誠頌

具在金華黃晉卿學士序國清靈臺大師塔銘雙徑
元雙端禪師跋中足當千秋攷證也順治丁酉季
中幹日國子司業前戊辰二甲進士虞部郎副廷尉
曹溪弟子福徵禪李道一居士場菴譚貞默聚談撰
無見親禪師語錄序

天台之華頂峯有大比丘居焉曰無見親禪師禪師
之道上承臨濟之正傳者也蓋自菩提達磨以摩訶
迦葉所得無上正法至于東土直接上根其後支分
爲二而心印獨傳於曹溪派別爲五而宗風大振於
臨濟其得人之衆莫臨濟一宗爲盛焉七傳至於楊
岐白雲五祖圓悟誠所謂不立一法根源直截使人
明心見性以成佛者矣悟之傳有虎丘隆公大慧杲
公者卓然樹立教道於故宋南渡之初東南禪門之
盛遂冠絕於一時而隆之傳爲應菴華公密菴傑公
破菴先公及無準範公凡四世範公之傳則有新橋
倫公雪岩欽公當宋之季年宗開耆宿相繼遷謝而
二公獨唱道東南以振揚宗風爲已任可謂禪門之

柱石矣。倫公之傳爲方山寶公。而禪師則得法於寶公。故其門庭嚴峻。機關警捷。無忝於乃祖。其居華頂四十寒暑。苦行堅守。足跡未嘗下山。不起于座。而道價之重。傾動遠邇。此其爲道。豈非有光于臨濟之正傳者耶。初欽公之傳爲高峯。妙公中峯。本公而妙公晏坐天目山。設死關以待學者。終其身亦不下山。其與禪師實法門叔侄行。故其爲道若出一揆。入國朝以來。能使臨濟之法復大振於東南者。本公及禪師而已。可謂盛哉。禪師沒既久。弟子道昌集其語錄。將刊梓以行。來請予爲序。予於禪師之道。其微奧高遠者。誠非所能知。輒述其源流之所自。書于首簡。庶使覽者目擊而道存。則思過半矣。至正十七年歲在丁酉二月甲子。中奉大夫前翰林侍講學士知制誥同修國史同知 經筵事黃潛撰

與譚祭酒書

無見和尚語錄得其殘蠹之餘。輯爲二卷。梓行。俾閱者非徒追配古德。益見祖大坐華頂四十年足

不越閭而道風彌播。傾動寰宇。元主賜號終其山于中。應機垂示。開鑒眼目之奧。旨進不敢私特揭出。以公諸天下。煩居士送入楞嚴經坊。以便請看幸甚

無見和尚語錄目錄

序文黃文獻公撰

卷上

示衆

小參

法語

頌古

眞贊

卷下

偈頌

山居詩

題跋

臨終遺誠

辭世偈

附

塔銘國清曇鑑撰

跋

妙明真覺無見觀和尚住華頂善興禪寺語錄卷上

處州福林禪院嗣法門人智度等編

嘉興金明寺第十三代孫悟進重梓

示衆風冷冷日果果。薔薇花開滿路香。池塘一夜生春草。堪悲堪咲老瞿曇。四十九年說不到。呵呵呵。拍禪床下座。

示衆若論此事三世諸佛一大藏教詮註不及天下老和尚拈提不起。直饒有傾湫之辨。倒嶽之機。一點也用不著。諸仁者。饑則喫飯。困則打眠。熱則乘涼。寒則向火。一一天真。一一明妙。何得踢步向前。論禪論道。誤將魚目爲珠。錯認橋皮作火。不見道大機須透徹。大用須直截。不識東家孔丘。却向他邦尋禮樂。卓拄杖云。錯復舉龐居士問馬大師。不與萬法爲侶者。是什麼人。馬祖云。待汝一口吸盡西江水。却向汝道。士有省。師頌云。一口吸盡西江水。鷗鷺啼在落花裏。縱饒直下便承當。何啻白雲千萬里。曳拄杖下座。小參臨濟入門便喝。德山入門便棒。亂世英雄。雪老低頭歸菴。麻谷携鋤入園。太平好賊。所以道。句中不

停。意。意中不停。句。意。句不同。倫。且作麼生會。直饒向劍刃上翻身。冰鏡上走馬。也是無風匝匝之波。不見雲門道。盡乾坤大地。無絲毫過患。猶是轉句。不見一法。始是半提。更須知有全提底。且作麼生是全提底。擊拂子云。自出洞來無敵手。得饒人處且饒人。復舉臨濟問德山。示衆云。道得也。三十棒。道不得也。三十棒。濟令侍者去問。爲什麼道得也。三十棒。道不得也。三十棒。他若打你。接住送。一送。看他如何。侍者至彼。理前問。德山便打。侍者接住送。一送。德山便歸方丈。侍者回舉似臨濟。濟云。我從來疑著者。漢雖然如是。汝還見德山麼。侍者擬議。濟便打。師云。釣之。鴛鴦爲鷺。鼠發機。奔流度刃。疾。發過風。則不無二老。仔細檢點。將來三十棒。只合自喫。何故將頭不猛。累及三軍。擊拂子下座。

小參過云。諸如來斯門已成就。夢裏求形水中捉月。現在諸菩薩。今各入圓明。浦得老鼠打破油甕。未來修學人。當依如是法。彼自無瘡。勿傷之也。無計較中。翻成計較。無途轍中。翻成途轍。殊不知屠坊酒肆全

彰古佛家風。開市紅塵。顯出祖師巴鼻。若也舉一明三目機。銖兩何啻白雲萬里。腹華開華。落任風吹。自有清香滿天地。復舉雪峯示衆云。三世諸佛。向火燄上轉大法輪。立沙云。近日官令稍嚴。峯云。作麼生。沙云。不許攪行奪市。雪峯不覺吐舌。雲門云。火燄爲三世諸佛說法。三世諸佛立地聽師。云。雪峯父子將謂播揚大教。殊不知馳騁機解。銜羅見聞。雲門忍俊不禁。道個火燄爲三世諸佛說法。且道畢竟說什麼法。離婁明未徹。師曠聽非聰。便下座。

白雲度參問。西來密意未審如何。師云。待娑羅峰點頭。卽向汝道。度以手搖曳擬答。師便喝。度云。娑羅峰頂白浪滔天。花開芒種後。葉落立秋前。師云。我家無殘羹剩飯也。度云。此非殘羹剩飯。而何。師領之。

法語

示徐提點

信是道元功德母。長養一切諸善根。先學曲垂方便。出一言半句。無非應病與藥。又何嘗以實法繫綴於人。迷則千差萬別。悟則事同一家。蓋因積劫以來。無

明煩惱所覆。不能洞徹見源。豈可汨沒塵勞。虛喪光陰。一念稍有差別。墮在三惡道中。其時追悔。嗟臍無及矣。古之有志於道者。巖居穴處。草衣木食。遇聲遇色。如石上栽花。見名見利。似眼中著屑。今人多爲聰明利智所使。廣學多聞。以資談柄。如蠶作繭。自纏自縛。不能忘其筌蹄。誠可憐憫。呆菴提點篤志此道。棄名利如弊屣。甘淡薄如頭陀。噫。天下無二道。聖人無二心。豈可自暴自棄。甘受輪轉。須是盡底放下。世緣頓忘。人我猛著。精彩密密參究。自然與道相應。李遵勗云。參禪須是鐵漢。著手心頭。便判直取無上菩提。一切是非莫管。

示蕭元帥

無上妙道。人人本具。蓋因積劫以來。妄想執著。未能頓明本地風光。大力量人。當用真實工夫。學古人話頭。於一切處。密密提撕。心心無間。豁然打破。疑情始有自由分。若是半疑半信。卒難擔得。正如關羽於百萬軍中。取顏良首。相似不畏前境。決勝千里。豈不快哉。今時士大夫。沒溺文字語言。不下真實工夫。若欲

洞徹生死根源。當如實而參。如實而悟。便可與佛祖把手共行。示現宰官身而爲說法矣。

示刪朝奉

我佛世尊爲一切衆生作大醫王。經云。我如良醫。知病設藥。服與不服。非醫咎也。一大藏教五千四十八卷。皆治世藥方也。將謂應病與藥。殊不知藥多病甚。後代祖師不能與之除去病源。却於灸瘕瘡上。重加艾炷。或云直指人心。見性成佛。或云卽心卽佛。非心非佛。或擬議便喝。或開口便打。根性不等。用藥非一。消則成醒。醒不消。成毒藥。病去藥存。是亦病也。玄沙示衆云。汝等盡道接物利生。忽遇三種病人。作麼生接。患盲者。拈繩豎拂他。又不見患聾者。語言三昧。他又聞患啞者。教他說。又說不得。若接此三種人。不得佛法。無靈驗。有僧請益雲門。門云。汝禮拜著。僧拜起。門以拄杖挫僧。退後。汝不是患盲麼。門又喚僧近前。汝不是患聾麼。門云。還會麼。僧云。不會。門云。汝不是患啞麼。其僧言下契悟。雲門大師慣用此藥。要且只能殺人。不能活人。何故。上等醫人。非藥爲藥。中等

醫人以藥爲藥。下等醫人藥成非藥。且道阿魏因甚。麼無真水銀。因甚。麼無假甘草。得恁麼甜。黃連得恁麼苦。若是具眼道流。不向舌根薦取。鹽糖桂山先生。素蘊儒業。又得盧扁之妙。常以濟物爲懷。特承遠訪。扣問入道之要。直欲洞徹生死根源。因舉五祖演和尚云。釋迦彌勒。猶是他奴。且道他是阿誰。但於二六時中。密密參究。久久純熟。豁然噴地一下。如病得汗。豈不快哉。

示直翁徐居士

長夏獲以同居岩間。松下一語一默。喜不自勝。且道與古人夏中不聞正。因兩字是同是別。請直翁下一轉語。機先著眼。未是俊流。昔汾陽昭禪師參七十餘員。善知識後。見首山問。百丈卷席意旨如何。山云。龍袖拂開全體現。汾陽又問師意如何。山云。象王行處。絕狐踪。汾陽於此大悟。禮拜起云。萬古碧潭空界月。再三撈攪始應知。傍有僧云。汝見甚麼道理。便乃自肯。汾陽云。正是我放身捨命處。看他古人終不肯自小。結果參禪。縱有所省。若不見人。謂之擬禪。悟迹不

除翻成籠檻一切處爲之禁制。坐在勝妙界中。前輩謂之鴟臭布衫。最難卸却。更宜審諦。第一不得向黑山下鬼窟裏作活計。第二不得向急水上打毬子。四威義內急切用工。雖然。破面門元來只是舊時人。更無絲毫爲障爲碍。言多道遠。勉之。

示覺空菴主

覺所覺空空。覺極圓聞。所聞盡盡聞。不住恁麼見得。早涉途程。不見道情。存聖量。猶涉客塵。已見未忘。還同滲漏。豈可論心。論性講禪。講道以當宗乘。古之有志於道者。名利不干懷。財寶不爲念。大忘人世草衣木食。以實參實悟爲期。若是口裏水。渡渡地。惟增業識耳。檢點將來。成得甚麼邊事。聰明不敵生。死乾慧。豈免輪迴。圓通菴主。篤志於道。真末世光明幢也。但聰敏太過。坐在勝妙界中。見聞不脫。如水中月。一日需語爲警策。吁。白雲山頂相見了也。圓通菴中相見了也。更有甚麼相孤負處。又欲拈秃筆塗白紙耶。

示玳禪人

昔日雪峰多苦行。不辭九到與三登。幡然有意思。前

古一策春風下碧層。三山玳禪人。同住峰頂。將欲遍參出紙求語。古德云。識得拄杖子。一生參學事畢。且道。這個是拄杖子。那個是參學事。若也道得。未具參學眼。在若道不得。亦未具參學眼。在。

示尼無瑕

昔大慧和尚會中。妙聰禪人。幼年打硬修行。曾在徑山度夏。一日。大慧上堂。舉石頭示藥山。恁麼也不得不恁麼。也不得。恁麼不恁麼。總不得。妙總於此。有省。大慧舉岩頭打渡。逢婆子話詰之。妙總頌云。一葉扁舟。泛渺茫。呈曉舞棹。別宮商。雲山海月。俱拋却。贏得莊周蝶夢。長看他得底人。著著自有出身之路。豈肯死於語下乎。靖山禪士。孜孜爲道。遠扣峰頂。袖紙乞語。況余藏拙深雲。初未曾與人道。個不字。憫其情切。因書妙總見大慧。因緣果能如實。而參到大安樂之地。雖百千妙總。亦在下風矣。就書一偈。以勉清標。不讓末山。尼純淨無瑕。亦未奇。噴地一聲。眞慶快英雄。眞個丈夫兒。

示自省新戒

高庵和尚云。父母養汝身。師友成汝志。無饑寒之迫。無征役之勞。於此不情進。或辦道業。他日何面目見父母師友乎。此語可與日月爭光。蓋出家非圖清閒。取快活也。難行能行。難學能學。難忍能忍。難捨能捨。於一切處。舉古人話頭。密密參究。以悟爲則。又不得將心待悟。四恩難報。信施難消。時光迅速。慎勿虛度。

示道昌禪人

古人正因出家。正因行脚。爲生死不明。爲斷煩惱。出三界。續佛慧命。非求安逸也。非求溫飽也。非求蝸角利名也。遠矚離俗。超越淤泥。山林岩穴。一心精進。或辦道業。聞善謙禪師示衆云。思量分別決定。不是見聞覺知決定。不是行住坐臥決定。不是問答語言決定。不是且絕此四個路頭。却提起趙州個無字。自然管取呵呵咲去。與夫浮辭。盡說不伴矣。勉之。

示宗本新戒

古惠云。養子不須教。落賺自然會。其可教者。語言糟粕耳。治心須求妙悟。其妙悟之心。在乎勇猛精進。拶透向上關。根子實不在語言文字也。縱有明師密授。

不如心之自得。故曰得之於心。觸遇緣不謀而應。雖然。猶恐坐在勝妙岸中。更復三日。竿頭進步得大自在。可也不得大愚辭歸。宗欽往諸方學五味禪去。宗云。我客裏有一味禪。爲甚不學。愚云。如何是和尙。一味禪。宗更打憨云。腹我會也。我會也。宗又打着他。古人門風高峻。手段惡辣。與天婆婆和和者。何曾天淵之隔。且道大愚畢竟會個甚麼者。裏道得也。三十棒道不得也。三十棒得汝異日。歸來助下拔本。

示徒妙理參方

黃龍禪師云。父嚴則子敬。今日之規訓。後日之模範也。樞之煦之。春夏所以生育也。霜之雪之。秋冬所以成熟也。吾欲無言可乎。出家當以戒行爲先。戒是正順。解脫之本。戒爲入道之門。若無戒行。善哉不生。佛祖語言。可不慎哉。但於一切處。一切時。舉古人話頭。密密參究。豁然噴地一下。始有少分相應。庶不孤出家行脚之本志。因書偈以勉教理。精通驢繫。徹祖關。透徹烏棲。蘊二途。不涉超詣。見方禪出家大丈夫。

示仁禪人

參禪學道要在志之堅確。把做無繫得緊一件事。痛加煅煉。驀然萬個崖頭撒手。放身捨命一番。延得。若是顚顚預預。今日三明日四。虛度光陰。大不濟事。不見玄沙云。我立地待汝。擢取如今不擢取。更待何時。毋得自輕而退屈。古德云。昨夜又殊普賢起。佛見法見。各與三十拄杖。貶向二藏園山。憶切忌認驢鞍橋。作阿爺下頷。

示顚禪人

古云道本無言。因言顯道。又云語不離窠臼。焉能出蓋纏。大丈夫如倚天長劍。寧平不可干犯。始有自由分。祖師方便如大火聚。近之則喪身失命。若是忍而解慮而知。則千里萬里矣。蒲田顚禪人欲瞻禮補陀。出紙求語。吁。同堂喫飯。同牀打睡。問訊起居。俯仰折旋。一一天真有甚麼相。孤負處。因書四句以勉之。頭頭物物顯真常。卽是圓通徧十方。四萬八千峰頂上。寒梅樹樹噴清香。

是身壽命如駒過隙。奚暇閒情。安爲雜事。果於二六時中。閑裏底靜。中明靜裏底閑。中薦驀然噴地一下。

則參學事畢矣

頌古

世尊拈花

禾黍不陽艷。競栽桃李春。翻令力耕者。半作賣花人。

那吒太子

鄭清五蘊吞。十方平分風月已乖張。陽春雪曲知音少。打瓦鑽龜護度量。

達磨門人各言所得

甜瓜生苦瓠。美棗多荊棘。利旁固有刀。貪人還自賊。

六祖風幡

不是風幡不是心。紫荊樹上結林檎。高山流水尋常事。不是子期誰賞音。

百丈野狐

不落不昧強名。摸那箇男兒。是丈夫。夜靜虛堂人寂寂。一輪明月照平湖。

南泉斬猫

狸奴提起太生。彈擬議停機。隨見坑。最好一刀分兩段。免教千古競頭爭。

頭戴草鞋便出去。趙州何事太匆匆。沾衣欲濕杏花
雨。吹面不寒楊柳風。

不是心。不是佛。不是物。

頂門豎。亞摩醯。眼肘後。斜懸奪命符。堪笑東村王大
姐。却來壁上畫葫蘆。

陸亘大夫問南泉。天地與我同根。

天地同根。物同體。尋言逐句太縝密。牡丹花發如春
夢。會得依然在半途。

庭前栢樹子。

謾將庭栢示來僧。見得分明未十成。偏愛暮雲歸未
合。遠山無限碧層層。

僧問投子和尚。住此山有何境界。子云了角。

女子白頭絲。

了角女子白頭絲。四海禪流知不知。一旦風雷化龍
去。刻舟求劍太愚癡。

趙州狗子佛性。

狗子佛性。秉劍行令。擬議停機。喪身失命。

瀉山與仰山摘茶。

子衫不見。只聞聲。體用全彰。撼樹鳴黃鸝。枝上千般
語。不是謳歌。不是經。

趙州青州布衫。

無絃琴。別曲穴。鼻針穿。線西風一陣來。落葉兩三片。

僧問法眼。如何是曹源。一滴水。眼云是曹源。

一滴水。紹國師於言下大悟。

曹源一滴。混涇清。打碎焦磚。連底冰。鸚鵡故鄉歸不
得。大都言語太分明。

僧問首山。如何是佛。

新婦騎驢阿家牽。太虛空中生閃電。策策無柄。燒香
風。撼動落花飛片片。

五祖示衆。釋迦彌勒。猶是他奴。且道他是阿

誰。便下座。

雨洗淡紅桃。毒嫩風吹淺碧柳。絲輕縱。饒曠劫生前
會。也是空花。瞞眼睛。

俱胝豎指。

一生受用不盡底。單單嚇得小孩兒。金華峰頂團團
月。仔細看來似舊時。

僧問首山學人到寶山空手回時如何山云

家家門前火把子

家家門前火把子也是盲人撞瞎虎畫棟朝飛南浦
雲朱簾暮捲西山雨

德山托鉢

紅蓼汀洲一笛風暮雲滅盡水吞空可憐無限深秋
意祇在沙鷗冷眼中

黃龍三關

我手何似佛手人前剛要揚家醜雨打梨花蝶蝶飛
風吹柳絮毛毵走

我脚何似驢脚瘡病不假驢鞍藥堪吟靈山老古錘
無端拋下個木杓

人人有個生緣三個胡孫夜簸錢風送水聲來枕畔
月移松影到床前

僧問石頭徹禪師如何是教外別傳一句徹

云東村王老夜煨錢

東村王老夜燒錢脫殼烏龜飛上天盡道草生芒種
後誰知葉落立秋前

犀牛扇子

國師無故索犀牛侍者連忙呈破扇聖人不聽天上
雷却向雲中看閃電

良遂參麻谷

上門上戶苦辛參携鑊入園亦未甘十二本經幾賺
却誰知又被谷師瞞

石頭馳書

寧可永劫受沈淪不從諸聖求解脫南嶽峰頭太險
生上天下地一隻鶴

女子出定

青山不動勢崔嵬百鳥逢春盡夜啼公子不知時節
換玉鞭揚起過山西

馬祖踏倒水潦

一脚踏倒太無情秋月寒潭徹底清試問慣諸途路
者長安去此幾多程

青原參六祖

聖諦不爲何堵級風吹不入雨不濕縱饒脫體便承
當也是餬餅裏覓汁

長慶門靈雲如何是佛法大意答云驢事未了馬事到來

驢事未了馬事來喜得陽春大地回惟有嶺梅先漏泄一枝獨向雪中開

僧問石霜如何是和尙深深處霜云無鬚鎖子兩頭搖

無鬚鎖子兩頭搖六月雲深雪未消萬國峰頭獨足立不妨提起活人刀

馬祖問野鴨

飄然野鴨過長空逐浪隨波不見蹤忽爾鼻頭知痛癢大雄峰頂喪家風

臨濟囑三聖

瞎驢滅却正法眼當頭切忌錯商量天荒地老無人會優鉢羅華遍界香

百丈再參

振威一喝虛空釘橛三日耳聾弄巧成拙僧問百丈如何是奇特事

獨坐大雄峰烟雲千萬重鳥啼花自咲何處不春風

趙州訪二菴主

道贊

出山相

六世苦行一廬一麥。識得面皮黃。凍得眼睛白。夜半親明星。無端揚醜態。累及後代兒孫。個個無繩自縛。鬚頭跳足出山來。一任天下人貶刺。

觀音大士

寶月光中慈悲相好。白水鰲鞦絲場。曼曼普與衆生。除熱惱。無煩惱。處討煩惱。

善財

百城烟水無知識。辛苦參尋去復來。是處春山春水綠。不勞彈指闍門開。

達磨祖師

直指人心見性成佛。誑譚閻闍未有了日。一華五葉成狼籍。

折蘆渡江平地荊棘。心不負人面無慚色。

寒山

心似秋月話作兩撇石壁題詩弄巧成拙

拾得

捱墨作戲無可不可閻丘老人當面錯過

三教圖

視不見我擔之在前法身無爲不墮諸數會得三家
村裏事隨機變開門戶陳年葛藤齊割却杲杲日
輪正卓午

馬大師

卽心卽佛揚聲止響非心非佛露柱抽骨出八十餘
員知識個個口裏水漉漉誰云踏殺天下人六六元
來三十六

韶國師

心外無法滿目青山冬瓜直備侗瓠子曲灣灣枯曹
源一滴之水破清涼惟識之關隨機應用顯綱宗承
言滯句管窺斑四萬八千峯頂上一輪秋月對慈顏

無準和尚

者個儂儂果難名模非但嘉苴且是惡辣誰知正法
眼藏向這瞎驢滅却落賺後代兒孫敲打虛空鳴曝

曝咄

斷橋和尚

南山白額虎踞地大哮吼虛空弄爪牙佛祖皆罔措
陳年莧菜根毒氣多遍布破家散宅者競趨塗毒鼓
松山風撼碧濤寒眼裏聞聲爲舉似

自讚

窄菴首座請

髮頭破衲百醜千拙種豈不生苗栽蔬根倒茁勿逢
穿耳客機先還漏泄眉間掛劍時對面成途轍窄則
遍寥沉寬則不容針寒山撫掌唉呵呵老倒豐干太
饒舌

錦江樸書記請

眞形無形眞相無相不依本分打機畫樣振轉鐵面
皮虛空敲作響看你這般伎倆宜乎貶向錦江之上

無文綺藏主請

一樹青松一輪明月佛法下衰出這妖孽妄言綺語
話作兩撇髮頭破衲坐磐陀誰知弄巧翻成拙明眼
人前唉不徹

昌禪人請

觀面相呈更無回互。振威一喝。千聖罔措。青山滿目。無今古。

海會寺印空長老請

萬峯頂走馬。大海中觀毬。面目如親。薦鐵船水上浮。

壽寮元請

髮頭破納一村僧。火種刀耕住碧層。年老成魔無足恠。呵風罵雨得人憎。

范居士請

描也描不成。畫也畫不就。拈起黑漆竹筵。直得移星換斗。堪悲堪笑。老維摩一點彌人太多口。

有道潘學士請

以我爲隱乎。吾無隱乎爾。面目太分明。認著還不是。阿呵呵囉囉哩。柳栗橫肩不顧人。月明又渡坦溪水。

心海湧首座請

長松樹下坐磐陀。石這般伎倆。對面不識。當陽一喝。太虛霹靂波。翻浪涌。未爲奇生。鐵蒺藜當面擲。

遠禪人請

耳朶兩片皮。鼻孔向下垂。一省明妙。觀面莫遲疑。長松樹頂月光輝。

自省新戒請

父子不傳之妙。豈可打模畫樣。若是跨竈兒孫。終不如盲摸象。不見臨濟參黃蘗。臨機進前。劈口掌者裏。酌然能猛省。鼻孔元來搭唇上。

道源新戒請

影直影端。源深流長。描摹逼真也。只尋常若是克家。種草當陽。掀倒禪床。本來面目。無遮覆。颯颯松風爲舉揚。

朴侍者請

身從無相中受生。猶如幻出。諸形像大朴未分。形名未兆。早是起模畫樣。又豈可夢裏求。形水中捉月耶。咄。

顯禪人請

通身無影像。徧界絕行蹤。面目如親薦。長松撼碧空。妙明真覺。無見觀和尚住華頂。善與禪寺語錄卷上。

妙明真覺無見親和尚住華頂善興禪寺語錄卷下

處州福林禪院嗣瀟門人智度等編

嘉興金明寺第十三代孫悟進重梓

偈頌

示坦禪人

大道坦然不可依倚。大道虛曠寧存規矩。休執文字。勿滯妙理。水月非喻。鏡像莫比。寂靜忘心。坐鬼窟裏。向外馳求。白雲萬里。參玄上士。興決烈志。坐臥經行。密提祖意。心心無間。念念不異。異見狐疑。自暴自棄。打破漆桶。有何諱忌。截普賢脛。斷文殊臂。得大安樂。自在游戲。慎勿掠虛。欺誑巧僞。一翳在眼。空花亂墜。止止不須說。妙法難思議。溪邊白鷺鷥。飛上長松樹。

示文禪人

秋露滴禪衣。秋風翻木葉。拈起鐵蒺藜。舉步自超越。爲言西峯來。披雲扣岩穴。問訊了喫茶。一一皆明徹。胡爲更覓語。對面成途轍。幽鳥隔窻啼。長松掛新月。

示永嘉圓首座

覺海性澄圓。慎勿從他覓。烟水百城南。遍參善知識。相別已十年。尋訪千岑碧。凜凜冰雪中。坐對松根石。一喝分賓主。青天盡露體。應笑老癡癡。彈指超彌勒。

呈万山和尚

佛出現於世。爲一大事故。開示正知見。利鈍悉皆度。偉哉天人師。參徒競趨慕。不涉思惟中。白雲千萬里。曲開方便門。示我轉身句。明朝雨脚收。卷襦便歸去。瓦鉢煮黃精。地爐煨紫芋。

示山禪人

與汝拄杖子。虛空裏釘橛。奪却拄杖子。大海中捉月。提起殺活劍。弄巧翻成拙。寒山與拾得。撫掌笑不輟。奇哉妙蓮花。出水常清潔。胡爲乃不然。行汗空言說。邪師過謬多。滔滔說甄別。縱饒玄會得。猶是眼中屑。不經大爐鞴。焉能抽釘楔。沃洲山上人。遠來扣岩穴。有大丈夫志。作事頗決烈。單万巴豆子。盡底爲傾泄。通身冷汗流。再甦方奇絕。應病故與藥。不盡閒施設。橋梁波提側。耳聽舜若多。神驚吐舌。

示贊禪人

雪老低頭歸菴。麻谷携鋤入園。一對無孔鐵鎚。剛要掘地。竟天縱。饒機先著眼。已隔三千大千。若還句下承當。如蠶作繭。自纏猛虎。不食鴟鴞。俊鷹不打死。鵝一。二天真明。妙千聖亦莫能傳。奮然如桶脫底。始信吾不虛言。風送水聲來枕畔。日移松影到簷前。

示可西堂

居山二十年。自得山中趣。山鳥白晝啼。山花開滿路。木屐印蒼苔。蘿龕鎖寒霧。鐵錫與銅瓶。長年掛枯樹。山高分外寒。紙衣鋪艾絮。携籃挑笋芽。開畚種紫芋。上人如不忘。伴我峯頭住。

示興禪人

無端一念。瞥然興好。似浮雲點太清。萬疊台山親到。頂桃花爛漫。雨初晴。

示顯殿主

蜂房蟻穴。光明藏綠水。青山正覺場。叉手進前休擬議。頭頭物物。顯真常。

成知客之淨慈

不逼生蠶繭。不成丈夫立。志要堅貞。南屏山裏參尊。

宿慧日煌煌。照世明。

示文雅那

我儂忍饑。尚不暇奚暇。爲汝說佛法。萬峯頂上雨初晴。松杉翠滴蒼苔滑。

答劉知州

目擊道存真。慶快心如水。月照何窮。蒙頭跣足寒山子。珍重閭丘慎覓蹤。

與克密釋兒宣差

宿雨初收暑氣清。御烟新染葛衣輕。大千沙界同文軌。鐘產寶良輔。聖明。

贈南明趙青山學士

春深相與登華頂。扣問葛洪舊丹井。六合茫茫人未知。月瀉千峯萬峯影。

示瓚禪人

生平自咲百無能。破衲蒙頭住碧層。壁角落頭生掃帚。弗曾拈起當烏藤。

示海禪人

寶陀岩畔海濤濶。滑石橋邊差路多。聞說爭如親見。

好一聲幽鳥出烟蘿

示日本陳禪人

未跨船舷三十棒。現成句子切須參。華峯四萬八千丈。流水松風爲指南。

示玄禪人

水河發燄非爲妙。枯木生華亦未奇。對坐松根無別語。臺畔祇看白雲飛。

贈劉星士

白雲紅葉擁柴門。且捲星書坐石根。禍福盡從心召得。無心禍福不須論。

示安禪人

好個安心法。常陽妙不傳。誰知潭底月。元在屋頭天。

示何大夫鑄鐘

大冶爐中煅出來。頑銅鈍鐵總良材。清聲遠播三千界。擾擾勞生眼豁開。

送西臺常御史

腰佩黃金已退藏。苦心剋志扣諸方。華峯頂上曾親到。雲自閒閒水自忙。

答東嶼和尚

三世如來一口吞。陳言冷語不須論。三錢買個黃砂鉢。埋向爐邊煮菜根。

答潤潤出院使

異寵恩光下日邊。方袍新染御爐烟。雲中老衲將何報。一炷清香禮佛前。

示常禪人

平常心是道。舉步入荒草。要知端的意。一老一不老。

禮方山和尚塔

雲巒竄下禮慈容。誨語如同一日中。佇立塔前泥半掩。湖光黯黯雨濛濛。

韶國師受業

心外無法揚家醜。滿目青山途路長。四百餘年行道地。遶蒼栢子散清香。

法身頌

急水灘頭鳥作窠。槃陀石上種油麻。虛空踴跳須彌舞。鐵樹風前自放華。

新成東淨

淨頭新構欲如何。努力須還者一肩。若是等閒蹲坐去。空添臭氣上身多。

窄菴

藕絲絮裏乾坤濶。芥納須彌世界寬。有指有拳機用別。柴門常掩白雲間。

懶牛

不是無心耕石田。鼻繩繫斷已多年。橫眠三界乾坤窄。堪笑梁山寫不全。

懶菴

日上三竿猶未起。人來也弗整拳頭。銜花百鳥無消息。一曲松風瀉碧流。

無文

素甘質朴欲何爲。草座麻衣合自宜。胸次不留元字脚。一拳打碎五須彌。

信菴

蕭然桶底脫。決定更無疑。獨坐茅簷下。拳頭接上機。

月潭

一輪常皎潔。冷浸碧波心。無物能堪比。清光照古今。

四威儀

山中行。紅菊花開錦一棚。幽鳥鳴。試問禪流作麼生。山中住。獨扇柴門亦懶拄。雙老鳥。每日飛來又飛去。山中坐。松根塊石每苔裏。舉頭看。應笑白雲閒似我。山中臥。藁薦年深都抖擻。寒夜長。煨取柴頭三兩個。

十二時歌

平旦寅。究明祖意莫因循。著衣喫飯尋常事。大死一回方始親。日出卯。世智聰明誇善巧。煮沙安得會成糜。盡餅從來不能飽。食時辰。取相修行徒苦辛。洗面忽然摸著鼻。元來只是舊時人。禺中已。碧眼胡僧。陷指秘魔手裏擎。木叉道。吾座上執笏舞。日南午。大地撮來無寸土。無毛鷄子。撥天飛。焦尾大蟲吞却虎。日昃未。剖露西來第一義。文殊不是七佛師。釋迦豈受燃燈記。哺時申。見得分明亦未親。若也從門而入。須知不是自家珍。日入酉。對人懶得開鼻孔。老鼠成羣偷芋栗。床頭打翻破瓦缶。黃昏戌。又見月從峯頂出。石上松根。獨自行風吹露滴。麻衣濕。人定亥。山靈杜伽全不改。一拳打碎五

須彌信脚踏翻四大海。夜半子不惜爲君重舉似。
趙州使得十二時。却破十二時辰使。鷄鳴丑茅簷。
不掃青苔厚。紛紛黃葉墜。岩前片片白雲生。谷口。

言語機關句

我有一言千聖不傳。阿難合掌迦葉擎拳。
我有一語切忌錯舉。昨日好風今日好雨。
我有一機分明示伊。若也不會。鋸解秤鎚。
我有一關會也大難。風號萬壑。雪覆千山。
我有一句非思非慮。瓦銚煎茶。地爐煨芋。

山居詩

一樹青松一抹烟。一輪明月一泓泉。丹青若寫歸圖。
畫添個頭陀坐石邊。
莊生有意能齊物。我也無心與物齊。獨坐蒲團春月。
暖一聲幽鳥隔窻啼。
鴈聲歷歷冷雲邊。補得裙成袴又穿。紅日西斜松影。
轉蒲鞋移晒屋簷前。
山寮也作裝寒計。牕紙重糊分外牢。乾燥竹柴成把。
縛夜深逐個取來燒。

三間茅屋青松下。四壁重泥好置身。經又不管禪不。
坐。瓦爐終日自生煙。
偶挑野菜過坑西。嫩草齊腰路欲迷。春雨弄晴春日。
淡。杜鵑啼住竹雞啼。

山房寂寂坐深夜。一點寒燈半結花。老鼠成羣偷芋。
栗。床頭打倒破砂鍋。

白雲常鎖千峯頂。立處高兮住處孤。掘地倦來眠一。
覺。鋤頭常枕撈珊瑚。

蟄處雲深活計疎。從他得失與榮枯。開畬舉地閒消。
遣。佛法身心半點無。

蘿蔔收來爛熟蒸。晒乾香軟勝黃精。二時塞却饑瘡。
了。誰管簷前雪霰聲。

和永明禪師韻

高束瓶盂住翠微。從教世態自隆夷。深明吾祖單傳。
旨。閒擬寒山出格詩。啼渴野猿窺澗水。聚羣林鳥折。
霜。枝賞音百舌陽春調。千載悠悠一子期。
機智無勢較淺深。青山有路可追尋。聽教兩鬢莖莖。
白。消盡平生種種心。今古桑田多變易。朝昏烏兔自。

昇沉齋餘洗鉢歸來久飽飯安眠不解襟

到家舊路須忘却未到家時路覺遙每見落花隨逝水
咲看枯木上凌霄千尋學海空奇浪一片心田長
異苗搆得芽菴可容膝虛窗不礙四山朝

卓錫無地可言窮年老幽棲心轉慵情識頓忘齊榻
木色香不壞賞遊蜂千山草木歸春綠一幅丹青古
意濃檢點庵前舊行路啣花麋鹿久無蹤

林泉寂寞難招伴世路縈紆必假媒捉月騎鯨狂未
息凌雲跨鶴志須提慧光自我性天朗花種從人心
地開雙足跣趺香草軟此身知是幾生來

陰極陽生陽復陰萬機不昧去來今雜花遍界衆生
念羣月澄潭諸佛心透臘寒梅香吐玉迎春晴柳影
搖金了無淨穢分方所禽鳥時時演妙音

法法圓融妙莫論無餘無欠衆中尊雨滋白石生雲
母露引青苔上臺門欄裏木芽清有味頻燒栢子澹
無言相逢禪客祇禪指古佛家風喜復存

爛堆黃葉買山居無德於人且自於可喜身爲林下
客從教塵積案頭書死生二事歸呼吸眞妄雙緣已

斷除當日遠公修白業區區結社在匡廬

片懷澹淨白雲鄉堪咲勞生日日忙海島定無延壽
藥仙家空有化金方中天星斗明寒水極目烟雲暗
入荒寂寂柴床孤定起一聲清磬覺天長

松蘿爲蓋屋頭青慣下生臺鳥不驚雲片自開還自
合客情無送亦無迎春回大地羣芳嫩水漲前溪兩
岸平割愛段形今已矣是誰來涉世間情

袈裟不展任灰塵二十年來罷問津天外難窮千里
思雲中自老一生身羣峯雨後重添翠幽谷華開晚
見春寄語東村王大老今年貧勝去年貧

晨鍾殷殷出林巒又起人間事萬端今日住來山水
窟昔年曾向畫圖看青松萬本花無數紅日三竿露
未乾但得此心平似地任他鹿馬路欺瞞

誰將心識苦評論今古茯苓松樹根道絕修時方合
道恩無報處始知恩長年褐布衣三事靜夜青天月
一痕百億恒河沙數佛不消一口渾崙吞

同人訪我喜盈眉夜坐沉沉月影微不是半生消積
習那能一語便投機燈挑餘燼紅英落火撥浮灰白

雪飛誰肯深山話。客取明朝未可即言歸。

夜驚千聲月未央。不知消盡篆文香。斷檠東海靜中
闌。一枕南河夢裏忙。自覺婆娑光影短。憶歸清泰念
頭長。寶幢珠網重重護。種種莊嚴不可量。

三合聊資六尺軀。過天名利任他圖。自從念斷諸緣
息。誰管山平萬象枯。水鳥引雛沿澗走。樵童尋伴隔
林呼。有心固必夷齊輩。千古首陽成餓夫。

清冷雲中到者稀。郭然物我自同歸。桃紅李白資眞
諦。燕語鶯啼闌妙機。新水漲溪魚影密。宿雲歸洞日
光微。祇將一默酬知已。是不是。否。非。非。

世路從茲不轉頭。髮鬆寒拾我同儔。玄珠自是無心
得。點慧徒然盡力求。困臥饑飡消歲月。花開葉落認
春秋。可憐貪利貪名者。一個狂心百樣憂。

法門無量愧無成。玉兔金烏尺又盈。對境時時消妄
念。有身日日厭浮生。山深樹密招提靜。路轉溪回路
杳橫。像教顛危在今日。更誰來話道中情。

烟霞鎖翠接天濃。疑與人間路不通。寂爾忘言超物
外。怡然適性樂其中。祖燈燦燦眞堪續。教網重重未

易寧霜欲一盤溪月白。此情非異亦非同。

老我林泉喜陪佳。曾將行李客京華。塵緣此去終無
慮。生計年來漸有涯。夾徑長高烏竹筍。滿池開遍白
蓮花。日沉歸鳥翻身急。獨倚柴門看落霞。

鳥不嘶。花事悄然一輪白。日掛青天戒規末。學論持
犯道合中。庸絕正偏。凝碧寒泉甜似蜜。揉藍細草軟
如氈。下方寒暑多遷變。門外青松知幾年。

褒貶春秋自魯丘。賢才不肖筆端收。人亡金谷貪方
急。路極烏江心未休。青塚霜凝千古怨。後庭華落幾
多愁。莫來笑我論時事。偶把浮言對俗儔。

不用尋幽遠色經。遁形何事要馳名。過山明月元無
意。出岫浮雲豈有情。覽鏡滿頭霜雪白。看經兩眼眩
花生。燒殘檟櫓和衣睡。一覺起來天大明。

春暮山深花木香。咿鳴桐角隔村鄉。晴潭波暖魚遊
躍。古樹枝高蔓引長。終日獨看松頂鶴。百年誰悟草
頭霜。閒思往古英雄事。總屬人間夢一場。

愛欲沉迷顯異殊。未蠲諸漏總凡夫。四生有想情多
惑。萬事無心貴一愚。秦世長城空萬里。漢宮細柳謾

千株時中若欲知三業畢目類看地獄圖

佛祖遺風亦懶追。千差萬別亦忘之。休言已得未爲得。不立長期與短期。來水咸歸東畔海。靈芳先發向陽枝。八紘雲淨天如洗。一句明明舉向誰。

暗室清天了。了然全歸寂滅樂。三禪可憐俗子求長壽。却問仙翁學妙玄。陋巷簞瓢閒境界。畫堂歌管業因緣。一溪流水年年綠。只麼如如敬聖賢。

茫茫三界轉車輪。隨力資持養幻身。數頓辛癢經宿火。一瓶茶羹去年春。深棲禪定蒲龕穩。重寫經題貝葉新。羅什廣翻三藏教。清名高譽藹姚秦。

方便門開悟有由。衣珠未顯可言休。磨龍得角真堪羨。鑽隧逢烟正好求。數片山雲沉晚照。一潭野水泛輕鷗。世間不見蓬萊客。海上空聞有寶洲。

置身高在半雲霄。回首下方人境遙。蓮漏水澄蟾影墮。石樓風細磬聲消。夙緣會遇非今日。往事思量似昨朝。一味埋頭且憨睡。世人嫌我太清寥。

枕石眠雲仰看松。從來佛法自流東。閒情祇把詩消遣。妙道難將理性窮。依約天花飛木末。丁寧簷鐵響

空中寄言役役。閻浮客莫用機心。觀業風

著意馳求。萬里遙得來。元不隔絲毫。法門廣大含藏有。祖道衰微賴我曹。宗立五家元氣在。航浮一葦浪頭高。參玄未具超宗眼。渾似夜行披錦袍。

一嘯風生拍手歸。答人相答樂熙怡。細看秋月寒山句。祇有天台拾得知。境入靜時山始好。橋逢斷處路方危。窮通已定宜安分。不見當年薦福碑。

雲林一入不知年。深羨孤標出世賢。雲葉亂堆簷外地。源華輕弄水中天。柴門長掩綠無客。紙閣重開爲惜烟。短髮任從頭上白。寒溫動靜體安然。

等觀塵世一蘊蘊。名上凌烟不足圖。馬爲路遙知力乏。草因霜重見心枯。渴來任掬清泉飲。客至曾無熱炙呼。獨倚柴門發清嘯。歸雲歸與應真俱。

山寒終日懶開門。至理深明不用論。落落明珠還合浦。滔滔逝水絕歸源。破裘重補經三紀。鈍鋤深鋤自一村。偏愛春風無揀擇。堆前依舊長苔痕。

默坐柴床絕所依。眼前物物契真機。莓苔自裏生香樹。松露時沾壞色衣。石罈泉甘茶味足。雲根上淺藤

苗微雙雙白鷺衝烟去一曲樵歌送落暉

松徑逢人懶問名徘徊無語立溪亭遇飢只羨山中
石遮眼閒看案上經翠竹每逢丹鳳宿碧潭深貯老
龍靈炎涼毀譽時別惟有青山今古青
廣劫靈機挽得回大千沙界一塵該手招明月歸茅
屋神捲寒雲坐石臺雪點梅腮供冷咲日烘柳眼帶
青開洞然一片真如境清淨願深今復來

曲曲斜斜門外路東西南北總相通三重玄要毋勞
舉五位君臣不借功一徑落花春雨過滿山啼鳥夕
陽紅何人更問菴中事憶殺當年個懶融

石老松枯境寂然折旋俯仰紀前言慢幢爰爰摧眞
智業海煎熬喪本源當制無鈎狂性象須防得樹縱
情猿頓空諸有超三際高揖清風下竹軒

一天清露冷禪衣吟斷殘鐘思轉微百舌切切醒客
夢杜鵑怛怛勸人歸塔前苔蘚高低綠門外楊花上
下飛滿眼綠陰春又過是誰格外透玄機

綿密工夫不計程森羅萬象伴閒情下方地傑蛟龍
遁午夜天寬斗柄橫東土人心多忽忽西來祖意自

明明藏鋒寶劍光如日幾度紅爐煉得成

同迷五濁寔堪悲濟濟縉流責寶之苦行一生堪上
傳清名千古勝刊碑汲深綆短徒勞力水到渠成自
有時祖道騰芳在今日令人樹下憶楊岐

獲叨斯教足優游不用歡兮不用愁對境靜心觀化
理逢人無口問來由乳麋逐母眠花下松鼠呼兒上
樹頭懶瓚當年機欠密天書來往幾時休

林邊閒想昔時人蠟燭途中要立身翫顯功勳懶管
晏縱橫事業耻儀秦生前和祿隨陽燄死後聲名等
隙塵四海五湖流浪客至今知假不知眞

近來四大喜調和我無心閒轉多竹戶經年長自
閉岳僧昨日忽相過春茶旋種菴前地秋豆先收隴
下坡任汝功名賤如土掉頭不買奈吾何

六戶虛閒夜不扃孤燈耿耿徹昏冥宗風未墜思諸
祖詩句重吟憶二靈鐘斷月樓人已定猿啼霜樹夢
初醒曉來撥雪尋行徑自折山梅插瓦瓶

世道如斯念合忘世情厭我苦韜藏自空五蘊驢諸
病不把千金換一方對衆拈花迦葉咲迷頭認影若

多狂有爲總是忙邊事事到無爲總不忙

結屋高崖轉步慳。悄然四壁夜無關。門前山在春長在。門裏人閒景亦閒。風掠枝頭花片墜。雪消谷口水聲還。終年居此應無愧。大道不離方寸間。

安樂窩中早授方。要知貧富總虛忙。忙中境界須臾過。靜裏光陰分外長。紅日影浮青嶂淡。紫霞光聚紺天涼。山林自可敬朝市。繞屋松蘿滴翠香。

我本田夫今釋子。我師門戶大慈悲。一齋蠲守精神爽。雜念不生情性怡。鈴柳經霜辭故葉。山花得雨長新枝。曾來萬法皆同轍。是聖是凡休遠之。

未悟權分愚與賢。悟時無後亦無先。華池歸去定何日。布衲披來不計年。卜舍自甘隣虎豹。滿朝誰肯棄貂蟬。有時更上磐陀石。極目塵寰一惘然。

門外浮雲任去留。法無定法不須愁。行藏林下有龜鑑。與廢人間等蜃樓。飯罷欠伸閒敲腹。寒來兀坐只蒙頭。黃金白玉成何事。日不休兮夜不休。

望斷斜陽憶故鄉。淹留塵世十年強。當時不下菩提種。今日豈聞薝蔔香。嗟長竹梢高透屋。新栽松樹已

過牆。月沉後夜誰相委。數點山螢照草堂。

等觀大地度流年。行亦禪兮坐亦禪。堪愛四山塵絕點。何妨一室靜蕭然。洗盆換水梳堯韭。掃石焚香禮竺仙。彼彼光明看得破。槃中落落寶珠圓。

亭亭修竹護禪關。未許白雲來借閒。岩下古松青不滅。天邊飛鳥倦知還。這賢有愧慵歸社。老我無心別買山。今日不圖明日計。火風分散霎時間。

揚鞭舉袂去紛紛。不爲名牽卽利牽。百歲光陰過瞬息。一生心力事他緣。豁然悟鏡頭元在。候爾昏來鳥落弦。閒草山花渾似錦。是誰來此立峯前。

參罷歸來事宛然。了無一點世情牽。梵音續續終三鼓。清夢頻頻到五天。鐵鉢飯香霜下稻。砂鍋茶煑石根泉。龍眉道者來相訪。學海瀾翻語入玄。

亂山平處夕陽多。抱子黃猿入翠蘿。品字柴頭伴客寂。一尋拄杖共禪和。喜無俗子喧孤定。時有樵人唱短歌。警爾情生機智隔。纖塵瑕類早揩磨。

光明性海渺無涯。尺本無添寸又加。爲道了無寒暑變。尋師寧憚路途賒。賒情迷自用分高下。理在何須辨

正邪堪咲舊時行履別會來萬法即吾家

終朝兀坐似癡呆無倚無依實暢哉白髮滿頭難更
黑青春過眼易重來燕辭社去如相約蜂爲花忙似
有媒未盡餘齡隨所住天真佛不假蓮胎

雨餘絕頂晚生涼一種襟懷孰較量寂寂空山轉青

碧茫茫塵世幾興亡逢人資舊傷時異顧影臨風坐

夜長誰證無師無漏智忽來一陣白蓮香

茅櫺蕭洒挹溪濱禪罷搜玄妙入神流水廣談空諦

義青山頭顯舍那身烟雲雜沓如排陣日月流行似

轉輪茅舍入深應有路不須重問探樵人

天晴拂曉啓巖扉慘慘霜華帶葉飛時至理彰雖有

待功成名遂合知機張翰豈是思尊去陶令休言爲

菊歸可止可行人不薦大都是處却成非

日出扶桑觸處紅三千刹海體元同菴摩羅果無生

智優鉢曇花畢竟空倒握龜毛翻至化高提兎角振

宗風一聲啼鳥春光裏何處是西何處東

同中有異異中同六用門頭具變通頓發辨才瓶瀉

水不留朕迹月行空定回衣濕蕉花露吟就詩清竹

葉風入佛入魔俱莫問太平無家孰論功

祖師遺韻難輕擬六十九篇消性情甘自守愚全素
節從他尚巧羅虛名久長受用貧邊得安樂工夫拙
處成此理明明亘今古黃河知是幾番清

題跋

跋高峯和尚書中有清薑白飯之語

天目和尚振法道於斯世其如輝暗之燈與今觀書
帖初無爾疆我界之語警訓之辭凜然在耳智菴首
座珍藏之久一日持以示余需語于後噫幸好一分
白飯何必慘以薑椒

蘭翁方山和尚書

安洲遇維那持蘭翁方山和尚遺墨求一語于後噫
二大老只爲慈悲故未免口裏水漉漉地余又豈可
推波助瀾合掌加額卷而還之

空中和尚語

山中樵唱雲頂流毒謂之有語成謗訕謂之無語須
細讀石火電光醒酬毒藥具眼者辨取

古田和尚答無則和尚語

古人見父師手澤如侍嚴詔。沉酣答叔父書帖手焚香拜觀。憫念世間饑苦。一日只作一日計。慈悲深廣。了達夢幻。規訓凜然。成藏主既能珍藏。非惟寶其翰墨。當敬思而奉持其。或言外有聞。則受用又無窮矣。

臨終示衆

大凡參學之士。須要信得及。行得力。大事未明。如喪考妣。堅持淨戒。一心向道。古人正因出家。正因行脚。爲生死事大。無常迅速。廢寢忘食。如救頭然。奚暇閒情。遊山玩水。弄名逐利。汨沒塵勞。今人口頭雖說參禪。心裏全不肯做。遙相沿襲。與之俱化。瞞人自瞞。大不濟事。如斯等輩。真可憐憫。須是放下世緣。一切處一切時。舉起個話頭。密密參究。今生便要決斷。料想不由別人。但退步就已用真實工夫。一提提起。一觀觀破。更無絲毫爲障。爲礙。大丈夫一刀兩段。豈肯死於語下乎。且道者個是死語耶。活語耶。明眼人前。切忌錯舉。

遺誠

汝等出家。當行出家之行。當念四恩難報。信施難消。

努力以道爲重。不可虛度時光。常住十方僧物。爲老病改。毋得競爭。人我增長。無明闇障。是非戒之。慎之。來日債衆新戒。早爲焚化。不須剗頭。不用洗浴。一爐猛火。千足萬足。

辭世現成句子。不妨舉似。虛空撲落。須彌起舞。

妙明真覺。無見親和尚。住華頂善興禪寺語錄卷下。

無見親和尚塔銘并序

天台山景德靈禪寺佛真文懿大師曇噩撰。至元大德間。無見親禪師以方山寶公之道。唱東南。於是天下英儁之儔。高潔之侶。雄豪魁傑之士。聞其風而神馳。觀其跡而心服。莫不雜肩隨足。忍饑渴。冒寒暑。形駢影屬。以趨座下。禪師則煦之。燠之。又從而呵怒之。憑之。夜之。又從而撫矜之。飛而上。則繪繳之。走而下。則網罟之。吾惟其得而已。於弋豚之勤。奚恤金之鍛也。器成木之斲也。材就宜其棄。榮華而甘澹泊。黜聰明而返淳朴。靡然而就。弟子之列。莫之抵牾。

也。禪師諱先觀，字無見，姓葉氏，世爲天台仙居顯族。以宋之咸淳乙丑五月六日生。皇之元統甲戌五月二日卒，壽七十。臘五十，卽以卒之九日茶毗而瘞其舍利塔於寺之西偏五十步，嗚呼禪師其果亡乎其有不可亡者乎？禪師資性秀穎，幼絕腥齏，嗜讀書，過目成誦。父母素期以儒業起家，會沙門東州善公者過而識之，曰：「此法器，宜毋滯鄉里。」率敬信善許諾，逮冠從古田屋和尚薙染於郡之天寧，旣具戒，俾歸侍司。尤旦夕以此道加策進。禪師卽事，徧參見藏室珍公於天封，方山寶公於瑞岩，西菴而往來二公間，雖有所契，未臻其極。遂築室華頂，精苦自勵。一日作務次，渙然發省平生，凝滯當下冰釋，乃走西菴呈所解山以偈印之辭，還峯頂山不能留也。且華頂之勝，自智者顓大寂，韶高菴，悟諸鉅公以微名懿德，貢泉石而天子之尊，王公將相之貴，必詔問法要，躬禮慈容，日馳軺騁驛，致香幣，使者冠蓋旁午，然其地高寒幽僻，人莫能久處。惟禪師一坐四十年，足未嘗輒閱戶限，其拈提開示勘辨之辭，頌偈蘭牘之筆，誠般若

之餘膏，涅槃之臘腹也。方近騰遠播，雖販夫竈婦之愚人之耳而出之口，猶將薰其風裁，殄其義味，況靈之器，警拔之機，神頤意會其妙於文身句身之表乎？故錄而集之以貽永久，茲不復一二贅舉其妙明真覺之號，寂光之塔蓋。上所賜也。銘曰：

華頂之峯，嶄絕空碧，下闕滄溟，頌祠朝夕如楞伽于海中，佛徇機而遊入，誕闡教，乘曰：「心曰識，識乃心之資，心乃識之質。」三界宛爾而存，萬法縱然而立，心於三界其本識於萬法，其迹苟本泯而迹亡，肆識空而心寂，達磨西來弗作，而述子孫說說虎丘孔碩，茲無見之是承，透金圈而吞栗棘，楞伽之指于焉以塞，達磨之傳于焉以得，斯華頂於世間獨輝燦而高出。

會得西菴轉身句，十方世界無躡坐處，四十餘年華頂峯雖不下山教化衆生而道行世間雖不開談立之口而話在諸方門人集此錄刻舟記劍耳，閱是錄者謂此是法語小參偈頌夏蟲不可與語冰住天台萬年法弟了達題。

佩贖祖無口刀大坐華頂一峯戒。破精嚴機語深穩。
有回石頭不下釣魚山風軌無見之見由是洞然明。
白謂余不信試以此錄驗焉。

元統開逢闍茂八月上吉雙徑山主元叟行端跋

無見觀和尚語錄跋

當胡元之末中華法道尙盛于吳浙間。知識輩出各
踞雄席。交振化聲。時無見觀公高遁天台華頂四十
年。影不出山中。峰本公菴居天目。諸方爭請而不應。
道風並峻。曩古鮮儔。以故天下指爲二甘露門。湖海
立學之士。嚮風趨慕。只恐其後至我日域求法之侶。
莫不航海梯山。願一瞻禮。吁。道德感人。乃如是耶。逮
乎明季。諸家法脉悉皆斷絕。唯有二翁。雲仍繩繩如
綫。得非源遠而流長者乎。余嘗憾中峯廣錄梓行已
久。獨無見語。要未見傳世。殊爲缺典。頃檢續藏中。獲
睹其錄。正如陰晦長夜。忽見夜光之珠。其喜可勝言
哉。且其語簡古超邁。足以開發學者。及閱山居諸篇。
一皆從真參實踐中渾然流出。固非韻人高士可以

擬取萬一者也。亟宜綉梨以垂將來。倘樂道忘勢頂
門具眼者。覽之。焉得不重爲至寶歟。

崑崙寶印寅歲仲夏月後學表山沙門道澄月潭和

南敬跋

南堂了菴欲禪師語錄

元
•
一 了菴清欲
志 撰
等 編

南堂了菴禪師語錄序

金華 宋 濂

予壯齡時與于巖長公爲方外交于巖以南堂禪師
傷賢示余余讀之驚曰是有所證悟者之言也絕技
蔓去町畦而不墮於情識之境不意大法凋零而能
見斯人哉于巖以余言爲然當時之所見僅一二章
耳自時歿後或吳或楚或梁宋或魯衛各僧聞士多
有謁余蒲陽江之上者余既見輒問見南堂否曰兄
之曰有何言遂各解囊相示見漸多則其心慕之焉
愈至及來京師其弟子祖濤海壽復持三會語畢余

支那

南堂禪師語錄序

而求爲之序讀之連日因獲盡其大觀焉嗚乎旋獅
子座演如來法其任甚不輕也在他人爲之東剽西
掠拈綴成篇而椎鑿之痕故在師則渾融無跡不異
雲泥而天空者矣在他人爲之拘滯一隅動輒有礙
或得乎此竟遺於彼師於殺活之機縱橫皆自如矣
在他人爲之氣索神沮不自振拔而無以應來學之
求師乃圓滿充足單及於諸方矣有若師者其所造
詣誠非凡情之可度量哉夫以少林西來惟究心源
言辭直截初無隱晦傳至大鑒恐爲世諦添布不得
不秘護而密持之歷代碩師隨時升降慈憫峻厲各

立戶連其接引雖苦有不同所以祛逐妄緣而挽入
正途者則一而已矣迨及宋季尚奇騁異背其師授
而流於頹僻者漸多有之君子言之未嘗不爲之太
息師能循蹈矩矱惟祖武是繩提唱真乘使人復見
大鑒遺意其扶樹正宗之功夫豈小哉余之慕師非
一日鉅細之辭皆獲觀焉故知師爲獨深而謂非他
人之所能及然可惜者師之名位不滿於德使其說
法五山而變難之慈雲謝滂沱之教雨則其功逮被
又不止今之所見而已雖然名外也非內也德內也
非外也師內重而外輕者也苟以在外者之崇卑以

支那

南堂禪師語錄序

三

爲在內者之低昂是不知師者也師之行業余既詳
書成記勒之堅珉復爲讀斯錄者著其說如此千嚴
在定光中又未必不以余言爲然也師諱清欲字了
菴南堂其號也族姓朱氏台之臨海人嘗任開福本
覺靈巖三禪刹云

南堂了菴禪師語錄總目

原序

宋濂

卷之一

開福禪寺語錄上 三十六則

卷之二

開福禪寺語錄下 四十則

卷之三

本覺禪寺語錄上 二十七則

卷之四

本覺禪寺語錄中 四十二則

支那

一 卷之五

卷之五

本覺禪寺語錄下 二十七則

卷之六

靈巖禪寺語錄上 二十四則

卷之七

靈巖禪寺語錄下 九則

卷之八

舉古上 四十五

卷之九

舉古下 三十七

卷之十

法語上 十則

卷之十一

法語下 八則

卷之十二

普語 一篇

卷之十三

偈頌一 四十六篇

卷之十四

偈頌二 四十五篇

支那

一 卷之十五

卷之十五

偈頌三 四十三篇

卷之十六

偈頌四 五十一篇

卷之十七

偈頌五 八十首

卷之十八

偈 一百三十五首

卷之十九

偈 三篇

歌二篇

十二時歌

四威儀

銘三十一首

卷之二十

贊上 八十九首

卷之二十一

贊下 七十二首

卷之二十二

題跋 三十二篇

又附錄

附錄 三首

南堂了菴禪師總目

南堂了菴禪師語錄卷之一

參學比丘一志元皓等 編

明後學沙門兜率明聞重閱

住集慶路中山開福禪寺語上

天曆二年七月十八日入寺指山門云我此法門直出直入中下之流自望不及喝一喝

佛殿世尊拈華迦葉微笑頓有文殊與普賢熨斗煎

茶不同能

擬室真不掩爲曲不藏直石裂崖崩雷轟電激轉得身來未有棒哭喝一喝

又附錄

南堂禪師語錄卷之一

諸山疏一佛出世各坐一華接影連輝互不相借

山門疏有主有賓有酬有唱坐斷舌頭一椎兩當

指法座云須彌燈王面目見在未善觀瞻爲我作禮

便陞座拈香祝聖畢次拈香云奉爲見住保寧禪寺

古林大和尚一爐燕卻不圖報德酬恩只貴通相鈍

置遂就座無想和尚白椎云法筵龍象衆當觀第一

義師乃顧視大眾云只此一會不異靈山莫有爲衆

竭力者麼

僧問丹山鸞鳳九苞文地位清高隔五雲四海具瞻時一見願聞真唱答明君師云千峯朝華嶽萬派肅

滄溟進云萬方有道歸明主一句無私利有情師云黃河九曲水出崑崙進云祝贊已蒙師指示向上宗乘事若何師云眼不見鼻孔進云曹溪流非止水一滴忽來千波競起時如何師云退後退後進云平生不解藏人善到處逢人說項斯師云莫謗山僧好又僧問天不言四時行地不言萬物生學人有疑願聞開示師云萬人遐仰處紅日到天心進云野老不知堯舜力葵葵打鼓祭江神師云眼見如盲口說如啞進云千古華山脚下又添潘閬倒騎驢師便喝僧禮拜師乃云建法幢立宗旨拓開無上妙門顯示第

支那
撰述

南堂禪師語錄卷之一

二

一義諦天何寬地何窄青山不青白雲不白十字街頭醉翁子夢裏惺惺三家村裏臭胡樛甚生標格掀翻是非窠窩截斷凡聖蹤由德山棒頭全彰大用臨濟喝下脫體風流垂衣正裳聖天子繼唐虞之化修文偃武賢宰相需霖雨之秋所以道一毛見神變一切佛同說經於無量劫不得其邊際喝一喝云將謂合有恁麼說話拈拄杖云拄杖子穿過諸人鼻孔卽不問梁寶公騎佛殿出山門畢竟成得箇什麼事卓拄杖云千尺鯨噴洪浪飛一聲雷震清森起復舉祖師云吾本來茲土傳法救迷情一華開五葉結果自

然成五祖演和尚云達磨大師信脚來信口道後代兒孫都成計較諸人要會開華結果處處鄭州梨青州棗萬物無過出處好師云提本分對錘碎情解窠窟還他五祖老人要見開華結果處則大遠在諸人要會開華結果處處拈卻鄭州梨放下青州棗出門便是長安道久立珍重

小叅鳳凰臺上對三山嘯月眠雲趣自閒一疏忽從天外至又移身入關籃間是知道人行處如火消水動靜去來該他不着一抽三二添四截鐵斬釘和泥合水有來由無本據擊碎上頭關于華生確肯豈不

支那
撰述

南堂禪師語錄卷之一

三

見長沙和尚云百尺竿頭坐底人雖然得入未爲真百尺竿頭重進步十方世界是全身拈拄杖云騎駿馬驟高樓萬里銀河輓玉毬卓拄杖云有時因好月不覺過滄洲復舉德山小叅不答語問話者三十棒時有僧出德山劈脊便棒僧云某甲話也未問因甚便打山云你是甚處人僧云新羅人山云未跨船舷好與三十棒此庵拈云戒殺倚勢欺人山僧見處也要諸人共知者僧當時若是箇漢待他道你是甚處人便與掀倒禪床踢起便行直饒德山牙如劍樹口似血盆也須倒退三千何故識法者懼師云德山正

令當行這僧點兒落節若謂倚勢欺人屈他先德不少雖然還知此菴老人落處麼劒爲不平離寶匣藥因救病出金餅

中秋上堂舉馬祖與西堂百丈南泉詵月次祖云正與麼時如何堂云正好供養丈云正好脩行泉拂袖便行祖云經入藏禪歸海惟有普願獨超物外師云言氣相投機感相應古今盡謂詵月話奇特殊不知馬大師憐兒不覺醜若也據令而行者一隊弄光影漢總好與本分草料免見門戶寂寥拍禪床云禹力不到處河聲流向西

支那撰述

南堂禪師語錄卷之一

四

上堂僧問以字不成八字不是是什麼字師云點畫分明進云曾有問地藏藏云看取下面註脚且道註脚箇什麼師云未曾註脚且看正文進云如何是正文師云以字不成八字不是進云和尚莫瞞人好師云你曾問幾人來進云卽今問和尚師云卻是你瞞我僧禮拜師乃云叅禪須透祖師關妙悟要窮心路絕殺人劍下鷲翻身活人刀邊流出血曜靈寒顧兔熱四七二三難辨別別別使入極頂目者不自爭衡見斯人兮駕御昂枿

上堂舉白雲示衆云金葉叢叢帶露新采來烹茗賞

佳辰浮盃何必須宜酒但有清香自醉人師云白雲老人太似巧媳婦做出無麪餠餽惜乎知味者少開福效顰亦有一偈重陽黃菊未成花落帽無勞憶孟嘉但得青山長在眼不妨流水去無涯

上堂今朝九月半萬事隨時變霜風刮地來木葉盡零亂古人道要識不遷義但向萬物凋落處會取是你諸人會也未若也會得旋嵐偃嶽而常靜江河競注而不流野馬飄鼓而不動日月歷天而不周其或未然只知事逐眼前過不覺老從頭上來上堂卽心卽佛非心非佛不是心不是佛不是物靈

支那撰述

南堂禪師語錄卷之一

五

光洞曜迥脫根塵體露真常不拘文字天開地闢日照月臨新羅國裏打鐵火星燒你腳跟實頭盧尊者忍痛不禁鑽入阿耨達池中去也庵麼尼達哩悉哩蘇盧

上堂歸宗事理絕日輪正卓午自在如師子不與物依怙看他古人得恁麼自在得恁麼快活開福者裏波波挈挈百醜千拙卽事卽理拖泥帶水手指東西眼觀子午喝下驚翻屢屎猪棒頭敲出金師子且道與古人是同是別相逢自有知音知何必清風動天地

上堂摩尼珠人不識如來藏裏親收得萬象森羅影
現中一顆圓光色非色永嘉大似乞兒暴富開福道
摩尼珠誰不識擊碎分文也不直拋向虛空更那邊
免使時人掛胸臆然則雲開日出職到威成撞着本
色道流恰似泗州人見大聖

小叅坐立儼然賓主歷然百千法門同歸方寸河沙
妙德總在心源直得無邊剎境自他不隔於毫端十
世古今始終不離於當念又說甚尋運推移日南長
至禪之與道拈放一邊妙之與玄置之一處山僧不
作佛法商量諸人不作世諦流布明朝起來淨洗了

支那
撰述

南堂禪師語錄卷之一

六

面大佛殿上禮拜燒香依舊只是尋常事倒縣橋頭
李八伯半醒半醉不覺起來呵呵大笑且道笑箇什
麼壁上安燈蓋堂前置酒臺悶來打三碗何處得愁
來復舉洞山冬夜喫菓子次山云有一物上拄天下
拄地常在動用中動用中收不得過在什麼處泰首
座云過在動用中山與侍者掇退菓桌師云太阿橫
按凜凜神威寶鑑當臺澄澄光采只如掇退菓桌又
作麼生雲自帝鄉去水歸江漢流

小叅真宗絕朕妙道虛玄一句截流萬機寢削釋迦
掩室於摩竭淨名杜口於毘耶須菩提唱無說而顯

道天帝釋絕視聽而雨華鈎頭有餌秤尾無星籠令
而行總須按過開福今夜年窮歲盡搥三通鼓聚集
片時不似北禪烹露地白牛大驚小怖張龍打鳳漉
蜆撈蝦但願明年蕒熟麥熟稻熟鼓腹謳歌樂太平
六六還他三十六復舉僧問古德年窮歲盡時如何
德云東村王老夜燒錢師頌云東村王老夜燒錢爆
竹聲中又換年好是門前泥力士不將閒事污心田
上堂一二三四五五四三二一渡水不穿靴黃昏候
日出元正啓祚萬物咸新看取千花生碓甯太平元
不在麒麟

支那
撰述

南堂禪師語錄卷之一

七

天壽聖節上堂摩醯正眼洞徹十虛迦陵仙音徧周
沙界標三才而建立舉四海而安之續列聖之丕圖
膺靈山之付囑摧怨破敵運金剛輪發政施仁作獅
子吼當流虹之瑞旦慶萬世之昌期然則黃桴土鼓
共樂升平堯舜之君猶有化在所以道向上一路千
聖不傳萬仞崖頭縱橫得妙卓拄杖云將此身心奉
塵刹是則名爲報國恩

元宵上堂鏡鏡交輝燈燈相燭境智互融事理俱備
喚作華藏性海正是平地揚波直饒盡乾坤大地無
纖毫過患猶是轉句不見一色始是半提更須知有

全提特節便恁麼去法堂前何止草深一丈放過一
着有個商量山門新舊知事隨年進退因時請得首
座表率維那舉唱洗光佛日重整頭綱見前諸德一
一循規守矩人人舍短從長信手揭開釋迦老子青
蓮華眼徐步踏着達磨大師生鐵脊梁有底碩學飽
參與汝證據無底良辰美景與汝敷揚以拂子畫一
畫云好事不須頻話會箇將和氣暖肝腸
上堂未離兜率已降王官未出母胎度人已畢釋迦
老子不啻留十萬里來九年面壁直指人心見性成
佛達磨大師不啻留朝往天台暮歸南嶽撥草瞻風

支那
撰述

南堂禪師語錄卷一

八

尋師訪道衲僧家不啻留拈拄杖卓一下云離四句
絕百非動容揚古路不墮悄然機喝一喝
上堂國師三喚侍者三應可謂形直影端及乎道箇
將謂吾孤負汝卻是汝孤負吾便見分疎不下且請
就在什麼處者裏悟去非唯識得國師亦表參學眼
正其或未然三十年後不得道見開福來
聖旨至上堂久晴不雨田夫皺斷眉頭久雨不晴衲
僧浸爛鼻孔進一步撞倒百億須彌山退一步踏翻
無邊香水海且截斷千差孤危不立一句作麼生道
好大衆疊疊綸音下九天融融春意滿林泉一爐沈

水一聲佛仰視吾皇億萬年

小叅趙州問南泉云如何是道泉云平常心是道州
云還假趣向否泉云擬向即乖州云不擬爭知是道
泉云道不屬知不屬不知知是妄覺不知是無記若
真達不疑之道廓然蕩豁如太虛空豈可強是非耶
者般說話正如鬧市裏踢毬相相似直是着者方知
趙州既是打著當下如暗得燈如貧得寶粉骨碎身
未足酬一句了然超百億如今者一片碑落在山僧
手裏自去年此時離鳳臺來此十字街頭東拋西擲
只是未曾打着一人擊拂子云黃河三千年一度清

支那
撰述

南堂禪師語錄卷一

九

宣州天寧遺書至上堂鐵牛吼破雙溪月石女含笙
悲不徹鵝眼龍睛總不知聾子親聞亞子說山僧二
十年前親見草庭老子向萬仞崖頭拾得個斷貫索
到處穿他天下宗師鼻孔及乎應緣而出瑞世天寧
水到渠成風行草偃又欲用此索穿他天下衲僧鼻
孔化緣既畢庵爾真歸撒手那邊全無朕跡所以道
聲前非聲色後非色蚊子上鐵牛無你下嘴處山僧
今日不免倒行此令去也小間下座詣靈前燒一炷
香點一盞茶欲與他穿了鼻孔何故喫拳須記打拳
時

上堂趙州喫茶睦州擔板喝水成水蒸砂作飯披萬象獨露全身破微塵出大經卷拈拄杖云權實空有偏圓半滿百般製造由人到底無過是麪卓拄杖喝一喝

上堂深不深密不密昨夜三更黑如漆海神推出夜明符萬象莫能逃影質釋迦自釋迦彌勒自彌勒達磨老臊胡何處尋蹤跡利竿頭上禮西方九蓮閣作黃金色喝一喝

上堂心王不妄動六國一時通罷拈三尺劍休弄一張弓古人可謂運籌帷幄決勝千里山僧即不然五

支那
撰述

南堂禪師語錄卷之二

十

鳳樓前聽玉漏須彌頂上擊金鐘一毛頭上三千界雲月溪山處處同

開爐上堂今朝十月旦開爐無數炭倒轉死柴頭光明何燦爛三世諸佛在此轉大法輪六代祖師在此聯芳續燄天下老和尚在此各立門庭光光相羅如寶絲網大用現前清機歷掌有功者罰無功者賞引水澆蔬五老前披蓑側笠千峯上喝

上堂昨日十四今日十五大法難明時光易度動則涉塵勞之境靜則沈昏醉之鄉動靜雙泯則落空亡動靜雙收則顚預佛性到者裏須知有透脫一句始

得拈拄杖云倒跨楊岐驢踏殺長沙虎擲下拄杖云三歲孩兒抱花鼓莫來攔我毬門路

上堂舉寒山子道我見瞞人漢如籃提水走急急走歸家籃裏何曾有保寧和尚舉了拍手大笑云有意氣時添意氣不風流處也風流師云然則下坡不走快便難逢保寧老漢脚跟下好與三十棒

小參僧問仲冬嚴寒年年事晷運推移事若何師云昨夜日輪飄桂華今朝月窟出芝草進云仰山近前叉手意旨如何師云奴見婢殷勤進云香嚴叉手近前又作麼生師云大家厮逼逼進云去此二途請師

支那
撰述

南堂禪師語錄卷之二

十二

別道師云無人處所願望汝師乃云朕兆未分陰陽已具乾坤既剖萬彙茲彰水肅霜清風高木落突出無位真人一個個面前孤迥迥地新羅國裏打鼓大唐國裏上堂洗面摸着鼻吸茶濕卻紫七十三八十四把住雪峯趙州放過德山臨濟倒着襴衫舞柘枝萬仞峰前恣遊戲喝一喝復舉圓悟和尚示衆云到卽不點一大藏教錦上鋪花點卽不到祖師西來金聲玉振且祖意教意是同是別碧潭雲外不相關師云老佛果只解步步登高不解從空放下人前一味拍盲豈信弄真成假山僧與麼批判諸人還證明得

麼良久棒上不成龍

上堂華綻老梅日南長至笋迸陰堽吉無不利東隣西舍鐘鼓喧天後巷前街笙簧聒地冷風吹帽正中偏顛風打腮粗裏細是非榮辱何似生寤驢不受靈山記

客至上堂三世如來同一舌大藏教中無法說衲僧手裏定盤星萬里長天耀孤月首座有長處且不循途轍荆棘林中放步行拔出時人釘根楔

先保寧和尚忌日拈香出黃泉又入黃泉穴鼻無繩不受牽倒轉一枝無孔笛蘆花明月滿前川你諸人

支那撰述

南堂禪師語錄卷之二

十三

還知我老和尚落處麼卷四大海水於舌端不見涓滴置微塵刹土於毛孔囊括大千總謂其嫌白雲之語拙愛五祖之說禪夫豈善用黑豆之活法契鷲峯之正傳以香和爐云相席打令飲水思源盤山會裏翻筋斗到此誰知普化顛

上堂竺土大仙心東西密相付以字既不成八字亦不是昨夜三更虎咬大蟲今早起來蛇吞鷺鼻拍禪床云有利無利不離行市生鐵秤錘却被蟲蛆喝臘八上堂日日佛誕生日日佛成道空裏無花折去難水中有月看來好賣狗懸羊一體三寶垢面蓬頭

覩出時何異大蟲裹紙帽咄

上堂天清地寧時康道泰興化令行添桶不快高唱低酬貴賤賤賣寄語諸方不要捏恠下座

小叅利劍拈來斬是非何妨高駕鐵牛機東村王老燒錢夜正是年窮歲盡時事存函蓋合理應箭鋒挂鬼家活計不要施呈大丈夫兒別有天地我若坐時你須立你若立時我須坐趙州勘破臺山婆子湖要打劉鐵磨千古萬古黑湯湯一曲胡笳少人和

元旦上堂昨日是歲除今朝是正旦送舊與迎新司空曾見慣卓拄杖六龍已駕隨義和四海八荒光燦

支那撰述

南堂禪師語錄卷之二

十三

欄

天壽節上堂萬法是心光諸緣唯性曉本無迷悟人只要今日了且道了個什麼良久云甲辰正月十一日大元天子降生時剎海塵毛咸稽首萬年松長萬年枝

上堂二三月來天氣和煖常憶真淨老師偏愛說長話短又爭如東山老人吟歌頻打拍板烏鷄走入鵝群鴨兒凍得紫匾水面或沈或浮何時解成珊瑚大衆還會麼三面狸奴腳踏月兩頭白牯手擎爐戴冠碧兔立庭栢脫殼烏龜飛上天

上堂千波競起是文殊家風一亘晴空是普賢床榻
且毗盧師法身主又作麼生言論直饒道得個儻分
明衲僧門下未放伊在何故海枯終見底人死不知
心拍禪床下座

吳門兜率園菩薩戒比丘明聞捐鉢資敬刻
南堂了菴禪師語錄第一卷 專伸報薦
先父文元張公先母金氏安人同證菩提
崇禎七年甲戌佛成道日姑蘇兜率園謹識

南堂了菴禪師語錄卷之一 終

支那
撰述

南堂禪師語錄卷一

十四

南堂了菴禪師語錄卷之二

參學比丘一志元結等 編

明後學沙門兜率明聞重閱

住集慶路中山開福禪寺語下

小參明朝冬至今夜小參燈籠發問露柱指南一個
道有佛有法一個道無二無三兩個亂呈懺袋無非
誑諍間閭若也擬令而行總須貶向二鐵圍山幸而
拄杖子有個方便與伊解結釋冤乃拈拄杖云噫却
臨噉齒臨強中強吉中吉一切不如心真實卓拄杖
喝一喝

支那
撰述

南堂禪師語錄卷二

上堂宗門有三句未舉先分付更擬問如何知君太
莽鹵雖然更爲你註解一遍法鼓未鳴諸人未集是
第二句卽今坐立儼然說黃道黑是第三句作麼生
是第一句若也道得許你應時納祐若道不得路從
平處險人向靜中忙喝一喝

上堂三四五六七八九釋迦老子不知有雪山六戴
眼瞋麻錯認南箕爲北斗一毛頭上見全身百億毛
頭跨好手堂前鐵鋸舞三臺嶺上石人開笑口喝
上堂夜來州中琴堂上搬雜劇也有端嚴奇特也有
醜陋不堪鬼面神頭亦自好笑且道笑箇什麼我觀

世間人是個大雜劇所謂文武醫卜士農工商各逞已能互相欺誑逗到臘月盡頭不覺一場敗闕具眼旁觀掩口不暇喝一喝云元正啓祚萬物咸新岸柳搖金梅破玉萬邦一氣轉洪鈞下座巡堂契茶

佛涅槃上堂十五日以前諸佛不出世十五日以後亦無有涅槃正當十五日柳綠花紅山明水碧頭頭見切外風光處處是大人境界只貴當陽坐斷直下知歸稍涉思惟便成刺法拍禪床云隣牆難隔借來竹險浪不傾端坐船

支那撰述

南堂禪師語錄卷之二

三

上霧聲碎蝦蟇蚯蚓一時鳴妙德空生都不會都不會三箇成羣四箇作隊向前村後村折得梨花李花一佩兩佩師云保寧大似二八少年風流才子一向賣峭於唱教門中足可觀光若約衲僧門下正好契棒何故禾黍不陽艷競栽桃李春翻令力耕者半作賣花人

浴佛上堂撲落非他物縱橫不是塵山河及大地全露法王身者裏悟去未離兜率已降王宮未出母胎度人已畢拈拄杖卓一下八解之浴池定水湛然滿布以七淨華浴此無垢人

小參季春已去孟夏到來衲僧分上不用安排豈不見道盡乾坤大地是沙門一隻眼盡乾坤大地是沙門全身何覺不圓何脩不證所以大覺世尊二千年前靈山會上釘虛空中鐵板開福山僧四月十五日與見前大衆駕平地上鐵船逆長風而把柁節清歌而扣舷卓拄杖云翡翠踏翻荷葉雨鶯鶯衝破竹林煙喝

妙智長老至上堂瞿曇舌頭無骨妙智皮下有血西天解守蠟人水東土不聞鶯鶯護雪翻思百丈有三訣與茶珍重歸堂歌末法師僧幾箇知茫茫弄巧翻成

支那撰述

南堂禪師語錄卷之二

三

拙喝
蹊首座至上堂杲日麗天盲人摸地本色衲僧無處出氣豈不見興化一日同叅到纔上法堂化便喝僧亦喝化又喝僧復喝化云你看者瞎漢僧作主在僧擬議化拽拄杖直打下法堂侍者云者僧觸忤和尚化云是他適來也有權也有實也有照也有用及乎我將手向伊面前橫兩橫便去不得似者般瞎漢不打更待何時阿呵呵師子兒返擲龍馬駒踣跳打破上頭關主賓俱失照有底便道當時好再與一喝不然掀倒禪床拂袖而去有甚共語處山僧不逢別者

終不開拳適值大道師兄遠臨要使現前一衆與佗
古人兩得相見還委悉麼青山不鎖長飛勢滄海合
知來處高

上堂知有底道得道得底知有信手斫方圓面南看
北斗野干鳴師子吼稽首文殊普賢摩訶泥猪疥向
小叅少室峯前動絃別曲曹溪路上葉落知秋放開
也雲生八極把住也四海絕流拈拄杖云總在拄杖
頭上還見麼大元天子混一區宇釋迦文佛大闍玄
猷文殊三處度夏懶安一向牧牛踏破脚板拽斷鼻
頭且畢竟發明箇甚麼邊事卓拄杖云釣竿斫盡重

文那
撰述

南堂禪師語錄卷之二

四

栽竹不計功程得便休復舉文殊三處度夏機緣頌
云正令當行下一推從教徧界是文殊驚羣須是英
靈漢敵勝還他師子兒

上堂拈拄杖云與麼來者彩鳳舞丹霄不與麼來者
鐵蛇橫古路直饒與麼不與麼去來道絕也是秤錘
懸醋卓拄杖下座

上堂大用現前不存途轍要默即默要說即說指鹿
爲馬喚日作月臨濟德山只得一極喝一喝

師問僧甚處來僧云廬山師云五老峯頭白也未僧
云白也師云年多少僧無語師云你豈不是廬山來

僧云是師便打出

上堂十五日已前水向石邊流出今十五日已後風
從花裏過來香正當十五日火後一莖茅鐵蛇鑽不
入喝一喝

臘八上堂萬法是心光諸緣惟性曉本無迷悟人只
要今日了出哉老瞿曇計其閑煩惱出山與入山自
起還自倒夜來斗轉玉繩橫不覺全身墮荒草喝
上堂拈一放一本分宗師蓋地蓋天罕逢作者刀刀
相似魚魯參差任是鶻眼龍睛未免錯認驢鞍橋作
阿爺下領喝一喝歸堂喫茶

文那
撰述

南堂禪師語錄卷之二

五

上堂釋迦拈花飲光微笑達磨面壁二祖安心驀拈
拄杖卓一下云白雲爲蓋流泉作琴一曲兩曲無人
會雨過夜塘春水深擲拄杖下座

上堂僧問單傳直指已涉離微坐斷千差請師答話
師云破鏡不重照落花難上枝進云便怎麼去時如
何師云烏龜鑽敗壁師乃云單傳直指正涉離微坐
斷千差開眼落井拈拄杖卓一下烏龜鑽敗壁難向
五更啼

上堂兜率悅和尚云撥草瞻風只圖見性即今上人
性在甚處識得自性方脫生死眼光落地時作麼生

脫脫得生死便知去處四大分離向什麼處去好大衆一等提唱一等垂示不妨徑截灼然要出離生死須悟始得敢問諸人畢竟作何形段眼親手辦底便好向者裏指出來看一表衆學眼正二表叢林有人三表可以開悟後學四使佛祖慧命不斷有麼有麼其或未然聽取一頌九夏工夫一月過克期參究事如何莫嫌老拙頻切但浪死虛生數甚多珍重

上堂僧問一牛飲水五馬不嘶此意如何師云相識滿天下知心能幾人進云隔江招手便乃橫趨畢竟具什麼眼師云莫謗高亭好僧禮拜師乃云未明心

史部 南堂禪師語錄卷二

六

地印難透祖師關欲透祖師關須明心地印拈拄杖云不是心地印卓拄杖云不是祖師關明得透得一大藏教五千四十八卷半滿偏圓權實空有不消一擊卓拄杖一下三脚驢子弄蹄行踏碎乾坤無寸土

上堂行住坐臥折旋俯仰打破鏡來全無影像喝一喝誌公不是閑和尚

上堂僧問卽色明心附物顯理時如何師云癩馬繫枯椿進云三九二十七牛頭南馬頭北如何是接手句師云百花深處鷓鴣啼僧禮拜師乃云百花深處

鷓鴣啼日出東方又落西昨夜一番新雨過今朝流水漲前溪下座

上堂真不掩偽曲不藏直白日青天雷轟電激坐斷報化佛頭超出聖凡閻域大藏與小藏演出復演人卓拄杖云一毛師子衆毛畢

上堂舉古德道天上無彌勒地下無彌勒十字街頭立被人喚作賊師云天上無彌勒地下無彌勒十字街頭立底是什麼喝一喝云賊賊便下座

上堂荆棘林中有通天大路長安市上有陷虎危機透得過者一任八面四方透不過者未免墮坑落堑

史部 南堂禪師語錄卷二

七

豈不見鹽官一日喚侍者將我犀牛扇子來者云扇子破也國師云還他犀牛兒來侍者無語便是者簡道理也靈利漢向者裏下得一轉語實謂清風再振頭角重生非唯鹽官老漢滿面慚惶抑且山僧通身懽喜有麼有麼良久云江上青山老屋頭春色遲箇中消息子能有幾人知

上堂舉世尊初生下時周行七步口顧四方分手指天地便云天上天下唯我獨尊後來雲門大師云我當時若見一棒打殺與狗子喫貴圖天下太平師云雲門好棒可殺驚人檢點將來未免傷鋒犯手山僧

當時若見只消道箇潞盆潞盆老漢若也知方管取
暗裏抽身免見明中落節事到如今放過一着何
故砒霜鴆毒難拈出蜜水糖湯一倒澆

上堂僧問一不做二不休時如何師云水底撈明月
進云退一步又作麼生師云相逢盡道休官去林下
何曾見一人僧禮拜師乃云絕羅籠脫羈鎖雖是善
因而招惡果咄老松源與麼說話於唱教門中足可
觀光要作臨濟兒孫未得在開福莫有長處麼擊拂
子云星河秋一鴈碓杵夜千家

小叅一毛穿衆穴衆穴一毛收明明百草頭明明祖

支那

南堂禪師語錄卷二

八

師意龍睛鵲眼罔測端倪芥狗泥猪虛張意氣五祖
和尚云汝等諸人見山僧豎起拂子便作勝解及乎
山禽聚集牛動尾巴卻作等閑殊不知欄聲不斷前
句雨電影還連後夜雷大衆者箇便是金剛圈栗棘
蓬若也吞得透得參學事畢山僧一夏已來不曾與
諸人說話今夜向箇裏搖唇鼓舌撒土拋沙揀點將
來大似不識好惡衆中忽有忍俊不禁底出來掀倒
禪床喝散大衆山僧大展坐具禮他三拜何也莫惟
坐來頻勸酒自從別後見君希
上堂舉圓悟和尚示衆云古德道結夏已十一日寒

山子作麼生又有道結夏已十一日水牯牛作麼生
山僧卽不然結夏已十一日燈籠露柱作麼生若識
得燈籠露柱卽識得水牯牛若識得水牯牛卽識得
寒山子脫或擬議老僧在你脚底師云千鈞之弩不
爲鼯鼠而發機三大老也是爲他閑事長無明開福
結夏已十五日了也堂中兄弟盡是諸方煨了底金
總不須問着忽若露柱着衫南嶽去燈籠沿壁上天
台狸奴白牯無消息拾得寒山笑滿腮山僧却有箇
細大法門爲汝說破下座巡堂喫茶
上堂早間侍者覆上堂山僧病餘要打睡聽得堂前

支那

南堂禪師語錄卷二

七

法鼓鳴又把眉毛重剔起說張三話李四爭行何曾
有些子打殺應知狗不噉何事諸人妄相許喝
上堂真淨和尚一日舉教中道不見一法是大過患
喝一喝云有什麼過患拄杖云有什麼患復橫按拄
杖云德山棒臨濟喝舉世何人解提掇天高地迴萬
象閑總是僧家好時節擲下拄杖云是什麼時節喝
一喝下座老真淨可謂知時識節善說法要揀點將
來不免大驚小怪所以開福尋常不要捏怪拈拄杖
云大衆還見麼若道見見箇什麼若道不見卻是諸
人捏怪靠拄杖云見怪不怪其怪自壞下座

上堂僧問摩竭掩室意旨如何師云打破天關掀翻地軸進云毗耶杜詞又作麼生師云一狀領過進云不涉二途如何舉唱師云蛇無頭不行進云與麼則出他古人圈續不得師云你喚什麼作古人圈續僧擬議師便打乃云摩竭掩室毘耶杜詞打破天關掀翻地軸山僧與麼答話已是屈辱先宗汝等諸人擬更踏步向前未免畫蛇添足喝一喝云叅堂去

支那

南堂禪師語錄卷之三

十

和尚拈出袖裏金鎚打開光明寶藏不涉凡聖路岐便是渡河香象喝一喝

祖忌拈香碧眼胡尊性急一語不投機闔國追不及少林面壁弄盡精神只消斷臂師僧三拜而立伎倆既盡心事亦休隻履西歸空棺示跡後代兒孫充滿中國莫不向今日燒牛頭梅檀之香具酥酪醍醐之食用伸追遠用報恩德正眼觀來何異捧漏卮以灌焦釜而終莫能濕所以開福比丘蒸雲門胡餅烹趙州釀茶雖然禮貌粗疎畢竟臭味相入

上堂僧問掬水月在手時如何師云弄花香滿衣進

云和尚因甚麼攪行奪市師云蘭梨莫曾到此間麼進云學人不敢造次師云大似不相識僧禮拜師便打

僧問雲門如何是雲門一曲門云臘月二十五師云大小雲門盡力只道得者裏今夜忽有問如何是開福一曲只對他道明日是新年且道與古人是同是別聽取一頌臘月二十五一曲喧今古明日是新年袈裟搭半肩同不同別不別珊瑚枝枝撐着月久立元宵進退兩序上堂十五日已前明中有暗十五日已後暗中有明正當十五日明暗雙忘體用俱寂譬

支那

南堂禪師語錄卷之三

二

如千燈洞照一室光光交羅各不相借且道是知事分上事頭首分上事諸人分上事莫有道得底麼拈拄杖卓一下云蠅螟睫上放元宵狸奴倒上菩提樹上堂僧問天不能蓋地不能載時如何師云蘭梨得自由僧禮拜而出師云依稀越國彷彿揚州復云天不能蓋地不能載依稀越國彷彿揚州打開布袋隨流入流今朝有酒今朝醉明日無錢明日求拍禪床下座

上堂舉雲門問疎山如何是法身邊事山云枯椿又問如何是法身向上事山云非枯椿門云還許學人

說道理也無山云許門云枯椿豈不是明法身邊事
山云是門云非枯椿豈不是明法身向上事山云是
門云只如法身還該一切否山云爭得不該門指淨
餅云法身還該者箇麼山云聞梨莫向淨瓶邊會門
便禮拜師云雲門也善切磋琢磨若不是疎山老漢
幾被打破蔡州今日忽有問山僧如何是法身邊事
劈脊便棒若更問如何是法身向上事便與連夜趕
出非唯坐斷天下人舌頭且免得靈利衲僧向枯椿
邊着到

上堂真不掩偽曲不藏直一句截流萬機寢息枯挂

支那

南堂禪師語錄卷之三

十三

杖卓一下云寒山拾得

浙江寧波府慈溪縣沙門明默捐天鉢教刻
南堂了菴禪師語錄第二卷願早生淨域者
松陵天食張萬對稿金陵蔣淨榮刻
崇禎七年甲戌佛成道日始德光率園謹

南堂了菴禪師語錄卷之二

南堂了菴禪師語錄卷之三

參學比丘可興文康等 編

明後學沙門允率明聞重閱

住嘉興路本覺禪寺語上

元統元年臘月二十六日入寺指山門云門門有路
達者猶迷振轉天關是誰知有喝一喝

佛殿性覺妙明本覺明妙脫卻鶻鼻衫卸下臘脂帽
據室橫按拄杖云有正偏不犯底手具啐啄同時底
用總須列在下風卓拄杖喝一喝

山門未入門來有一句子既到者裏半字全無畢竟

支那

南堂禪師語錄卷之三

一

如何蘇盧蘇盧

指法座云高步毘盧頂不稟釋迦文是你諸人常行
三昧山僧曲順時宜和泥合水去也遂陞座拈香祝
聖罷就座上首白椎云法筵龍象眾當觀第一義師
云第一義諦非智所知一椎擊碎徧界流輝格外明
宗出眾相見僧問突雲雛鳳應昌時炳霧文彪百世
師格外有機提祖令好風先發嶺南枝爲國開堂願
聞祝贊師云瑞氣逢嘉運靈苗觸處生進云萬歲山
頭松不老千秋澗底水長清師云須彌頂上擊金鐘
進云祝聖已蒙師指示向上宗乘事若何師云三歲

孩兒抱華鼓莫來攔我迷門路進云不因楊得意爭
識馬相如師云三生六十劫復有僧出師喝云問話
且止只知問禪問道要且不知問頭來處且道問頭
從什麼處來豎起拂子云還見麼山僧拂子變作釋
迦世尊起道樹詣鹿苑轉四諦法輪然後周旋三百
法會乃至多子塔前以寶相無相微妙法門付囑摩
訶迦葉傳付將來無令斷絕能事既畢還復本形大
衆若喚作拂子又是釋迦若喚作釋迦又是拂子若
道拂子便是釋迦釋迦即是拂子未免顛預佛性籠
銅真如且作麼生分得去若分得去便可提祖師印

擬人即

南堂禪師語錄卷三

一

駕鐵牛機或則先照後用或則先用後照或則照用
同時或則照用不同時要識先照後用麼如蛇有角
要識先用後照麼似虎無齒要識照用同時麼背負
須彌肩橫日月要識照用不同時麼掀翻地軸踏斷
天關喝一喝便與麼隔關山不與麼絕遮欄四海五
湖皇化裏吾家曲子萬年權擊拂子復舉保壽開堂
三聖推出一僧保壽便打三聖云與麼爲人瞎卻鎮
州一城人眼去在保壽擲下拄杖便歸方丈師云用
劈箭機發千鈞弩固是兵隨印轉將逐符行且畢竟
成得什麼邊事拍禪床云天南并地北一舉一時收

小叅僧問承師有言未入門時有一句子畢竟是什
麼一句師云盡力吐不出進云既到者裏因什麼半
字全無師云相逢自有知音知何必清風動天地進
云遠離中山來赴本覺作麼生是不動尊師云嗟汝
在途經日久思量未曉卻沈迷進云豈無方便師云
任從滄海變終不爲君通進云將謂少林消息斷一
華重綻却前春便禮拜師乃云萬仞崖頭通一線佛
手未收驢脚現平田放出焦尾蟲那吒眼開菩薩面
所以道機輪轉處作者猶迷正令當行十方坐斷直
得你面前無我我面前無你自然聲和響順形直影

擬述

南堂禪師語錄卷三

三

端敲唱雙行主賓道合又訖甚麼雲月是同溪山各
異要知坐斷天下人舌頭只消無舌人解語葛拈拄
杖云拄杖子走遍四天下氣宇如王因甚到山僧手
中卻與新婦見阿家相似還會麼龍吟霧起虎嘯風
生卓拄杖一下復舉風穴初叅南院問云入門須辨
主端的請師分院以左手拍膝一下穴便喝院以右
手拍膝一下穴又喝院舉左手云者箇且從閣梨又
舉右手云者箇作麼生穴云瞎院拈拄杖穴云作什
麼倒奪打和尚去莫言不道院擲下拄杖云今日被
黃面浙子鈍置一上穴云大似持鉢不得詐道不饑

院云上座莫曾到此間麼穴云是何言與院云好好相借問穴云也不得放過院云且坐喫茶精金耀冶正要鉗鎚赤驥追風豈資鞭影是陀南院末上太殺傷慈直到下梢分疏不下本覺者裏設有人問入門須辨主端的請師分便與連夜趕出何故當門不用栽荆棘免被人來惹着衣久立

小參僧問有物先天地無形本寂家能爲萬象主不逐四時周且道是什麼物師云杲日當天盲人摸地進云爭奈頂門上輝大寶光腳跟下縱橫十字師便喝僧亦喝師云我喝汝亦喝僧無語師云放過一著

文部

南堂禪師語錄卷三

四

乃云年窮歲盡黃梅石女子母團圓日往月來少室鐵牛嘗甘水草領南嶺僚唱已歌聲聲總是無生調好大衆九衢人靜大野風清燈籠與露柱爭光耐重對金剛踣跳也無玄也無妙快活須明者一竅擊拂子云昨日街頭賣杏華一年春事都來了喝一喝上堂新年換舊年打破又完全衲僧雖不薦鼻孔已遶天看看蟪蛄曉上放夜市大蟲舌上打鞦韆喝上堂顧視大衆云會即便會不會便休剔起眉毛白雲萬里便下座歸方丈侍者云何不更道取兩句師便掌云識甚好惡

元宵進退兩序上堂以字既不成八字亦不是侍者參得禪畢竟誰相委三脚驢子弄蹄行八臂那吒開不任覺皇殿上慶賞元宵妙觸宣明成佛子任擊拂子云相逢不飲空歸去洞裏桃華解笑人復舉藥山謂雲巖云與我喚沙彌來巖云和尚與佗作什麼山云我有箇折脚鐺子要伊提上拏下巖云與麼則與和尚共出隻手應菴和尚云藥山道頭雲巖知尾雖然頭尾兩全要且不識羞恥師云老應菴只知其一不知其二然儉生不孝義出豐年彼時藥山一箇折脚鐺子只消雲巖提上拏下已自餘較之本覺今

文部

南堂禪師語錄卷三

五

日若非兩班賢佐協力扶持便見灰寒火冷以故不蓄莖藿粒米直教來者飽餉餉地去豈不出佗古人還委悉麼雪後始知松栢操事難方見丈夫心上堂袖裏金椎一擊開大千沙界絕纖埃祖師不會渾閑事直往流沙去不圓乃高聲喚云來也來也大衆擡首師云僧堂覷破香積厨螭吻咬殺佛殿春上堂舉圓悟與佛燈過溪次驀將佛燈推向木中便問牛頭未見四祖時如何燈云潭深魚聚見後如何燈云樹高招風見與未見時如何燈云伸脚在縮脚裏師云佛燈得卽得未免帶水拖泥圓悟高則高爭

奈使心用行雖然不入驚人浪難逢稱意魚
上堂舉松源和尚示衆云古者道拈起也天回地轉
放下也草偃風行治父則不然拈起也乾坤點黑放
下也瓦礫生光忽有一箇半箇驀然敲瞎頂門達磨
一宗未至寂寥在師云老松源只見錐頭利不見鑿
頭方壽山卽不然拈起也南山起雲放下也北山下
雨不拈不放時如何三級浪高魚化龍癡人猶尋夜
塘水下座

報國希白和尚計至上堂未達境惟心起種種分別
達境惟心已分別則不生於不生法中獨露本來面

文耶

南堂禪師語錄卷三

六

目直是離相離名絕對絕待破塵破的透色透聲故
我報國和尚得此三昧兩處任山單傳正印掃除邪
解扶樹此宗能事既畢撒手那邊未後全提甚生光
彩且道與佗摩胸告衆柳示雙趺是同是別拍禪林
云羚羊掛角千峯上更有羚羊在上峯

解夏小參昔本不曾結今也何須解解結本無心無
縛無脫者恁麼恁麼森羅萬象徹底孤危大地山河
通上嶮峻不恁麼不恁麼大陽門下日日三秋明月
堂前時時九夏恁麼中有不恁麼不恁麼中卻恁麼
一切智通無障礙拈燈籠來佛殿裏將山門安燈籠

上敢問大衆九十日內還得相應也未其或未然山
僧卻有箇方便薦拈拄杖卓一下云西風一陣來落
葉兩三片

復舉明招行脚時到泉州興教坦和尚處坦上堂云
行脚高士一人所在亦須到半人所在亦須到明招
便問一人所在卽不問如何是半人所在坦無語後
來卻令小師問明招如何是半人所在招云你要識
半人所在麼也只是箇弄泥團漢應菴和尚拈云我
聞獨眼龍果然只具一隻眼今日忽有衲僧問如何
是半人所在勞春使棒更問如何是一人所在便與

文耶

南堂禪師語錄卷三

趕出何故一不做二不休師云等是弄泥團漢應菴
老人較些子復成一頌舉似大衆興教提持不受護
明招隨例弄泥團棒頭有眼明如日要識真金火裏
看

上堂僧問洞山云秋初夏末東去西去須向萬里無
寸草處去意旨如何師云渾鋼打就生鐵鑄成進云
只如石霜聞云何不道出門便是草又作麼生師云
一箇研郎當一箇福建子師乃云十五日已前透底
金剛圈十五日已後吞底栗棘蓬正當十五日解開
布袋口衲子路頭通卓拄杖云有星皆拱北無水不

朝東

中秋客至上堂靈山指月曹溪話月馬祖百丈西堂
南泉翫月盤山道心月孤圓光吞萬象光非照境境
亦非存光境俱亡復是何物癩馬繫枯椿洞山道光
境未亡復是何物黑牛臥死水育王師翁云月在水
中撈不上徒勞數碎水中天夜深山寺開門睡月自
飛來在面前用盡自己心笑破佗人口本覺今日中
秋靈山上客垂訪適值滿天風雨既無可修行又無
可供養終不拂袖便行未免相與憑危關倚曲檻推
出手面一輪直是清光萬里三關不立開鑿人天四

支那
撰述

南堂禪師語錄卷三

八

句頓除光揚祖道擊拂子云八萬四千非鳳毛三十
三人入虎穴

上堂僧問如何是佛師云面前案山子進云法郎不
問如何是僧師云三頭兩面得人憎僧禮拜師卻問
云如何是法僧云明年更有新條在惱亂春風卒未
休師云泊不問過師乃云相逢不拈出舉意便知有
撥轉上頭關大作師子吼展開驢脚伸出佛手握金
剛椎碎窠臼東土西乾何似生箇箇看來日中斗
冬至小參僧問陰極陽生則不問祖師門下事如何
師云石笋抽條長丈二進云牛頭未見四祖時如何

師云華陰山前百尺井進云見後如何師云祝融峯
頂萬年松進云去此二途願聞法要師云休將閑學
解埋沒祖師心師乃云前佛性命後佛紀綱總在者
裏把住則六陰充塞放行則一陽復生不說筭逆石
頭不說華開鐵樹只教行者擊鼓小參且免諸人大
家瞌睡委悉麼眼若不睡諸夢自除心若不異萬法
一如拈須彌山秤作二兩東頭賣賤西頭賣貴任是
本色衲僧到此也無辯處豈不見臨濟問黃檗佛法
的大意三度被打六十拄杖及至高安灘上便解
知歸興化道我在南方行脚一遭拄杖頭未嘗撥者

支那
撰述

南堂禪師語錄卷三

九

一箇會佛法底逗到大覺堂前卸下衲衣痛領一頓
卻言我於此時親見臨濟先師在黃檗喫棒底意旨
諸禪德全鋒敵勝未是作家遺劒刻舟豈堪持論雖
然若不藍田射石虎幾乎悞殺李將軍

上堂南泉斬猫趙州戴草鞋而出興化法戰克賓設
饋飯便行是皆發揮本有靈光要且不惜別人鼻孔
出氣所以前日首座說法高聳人天今朝道伴相過
光揚宗眼且道山僧鼓兩片皮成得什麼邊事拍禪
床從前汗馬無人識只要重論蓋代功
臘八上堂二千年前正覺山前明星現時釋迦世尊

成等正覺二千年後本覺山中明星現時我此一衆
成箇什麼喝一喝覺卽了不施功定慧圓明不滯空
東澗水流西澗水南山燒炭北山紅

上堂一大藏教是箇切脚畢竟正文無人道着你要
識正文麼上大人丘乙巳化三千七十七士尔小生八
九子佳作仁可知禮也衆中忽有箇衲僧出來道恁
麼提唱實謂聞所未聞山僧不免分付維那明窓下
安排忽若更道恁麼提唱料掉沒交涉山僧亦不免
分付明窓下安排何故直鈞鈞鯨鱉曲鈞鈞龜鱉金
雞啼上玉闌干別有佳聲繼前哲喝一喝

支那
撰述

南堂禪師語錄卷三

十

秀峯長老募緣建塔至上堂舉玄沙侍雪峯行次峯
指面前云者一片地好造箇無縫塔沙云高多少峯
顧視上下沙云人天福報不無和尚若是靈山授記
未夢見在峯云爾又作麼生沙云七尺八尺師云一
人平地上掘坑一人虛空裏釘樞後來琅琊云家肥
生孝子國霸有謀臣師云隨風倒柁漢今日秀峯長
老正要造箇無縫塔遠遠過我不免贈箇塔樣良久
云會麼高而無上廣莫可極淵而無下深不可測浩
浩波光重重山色一道清虛亘古今八面香風惹衣
袂擊拂子下座

上堂一喝分賓主三玄辨正宗祖師門下客無處不
融通只如道毘盧藏中有大經卷量等三千大千世
界書寫三千大千世界中事藏在一微塵中只者一
塵從甚處得來良久云南天台北五臺便下座

清明上堂冬至寒食一百五今朝正是三月六山又
綠水又綠一聲欸乃漁家曲山僧昨日偶爾郊行作
得一偈舉似大衆華冠不整舍那衣禿帚還隨破齋
箕五箇老婆三箇醜一雙紅杏換消梨下座

上堂僧問舉一不得舉二放過一着落在第二時如
何師云懷州牛喫禾益州馬腹脹進云雲門扇子跨

支那
撰述

南堂禪師語錄卷三

十一

跳上天築著帝釋鼻孔東海鯉魚打一棒雨似盆傾
又作麼生師云西川斬畫像陝府人頭落僧禮拜師
乃舉五祖演和尚云諸莊旱澇不以爲憂一堂兄弟
不會狗子佛性話深爲可憂師云重處偏隆松源和
尚云久聚兄弟正路行者有只是不能用黑豆法難
以荷負正宗佛法到此平沈苦屈苦屈師云同坑無
異土克由耐耐二大老把他諸人埋向萬仞坑裏若
據山僧見處黑豆法有甚難用僧問洞山如何是佛
山云麻三斤豈不是黑豆法僧問雲門殺父殺母佛
前懺悔殺佛殺祖什麼處懺悔門云露豈不是黑豆

法乾峯示衆云舉一不得舉二放過一著落在第二雲門出衆云昨日有人從徑山來卻往天台去峯云典座明日不得普請豈不是黑豆法者裏悟去山僧性命在諸人手裏若也蹉過諸人性命卻在山僧手裏卓拄杖云路遙知馬力歲久見人心

上堂前半夏已去後半夏未來正當今日謂之中夏大衆過去已往未來未至卽今事作麼生莫是二邊俱莫立中道不須安麼者般說話是你諸人嚼過底殘羹剩飯因什麼授著十箇五雙鼻孔索頭在別人手裏且道利害在什麼處一翳在眼空華亂墜

支那

南堂禪師語錄卷之三

十一

上堂僧問牛頭未見四祖時如何師云處處綠楊堪繫馬又問見後如何師云家家門首透長安進云見與未見時如何師云鮎魚上竹竿俊鶻趁不及僧禮拜師乃云豁開解脫門普請大家入鮎魚上竹竿俊鶻趁不及便下座

上堂今朝六月十五準擬說些禪道及乎法鼓一鳴壯裏一時忘了只記得慈明和尚云南山北嶺松北嶺南山草一雨潤無邊根苗壯枯稿好大哥三百法會之中會會說到者裏自是後代兒孫根思遲回當面蹉過別別茫茫普熱紛紛下雪引得學語之流隨

例掉棒打月喝一翳下座

上堂拈拄杖顧視大衆云眼中見色耳裏聞聲圓通門戶觸處施呈你擬向箇裏覓什麼益以拄杖趕散有僧云和尚自有禪只不爲我說又云不是說不得自是不肯說師聞云把定死蛇頭有禪不肯說滅卻臨濟宗何人敢饒舌列列那吒頂上契疾藥金剛脚下流出血

上堂僧問說法不應機總是非時語作麼生得應機去師云夜半起來失卻牛天明起來失卻火師乃云百不知百不會天上人間豈堪對見得徹提得去吉

支那

南堂禪師語錄卷之三

十二

了舌頭三千里金不博金水不洗水夜來月上長珊瑚狸奴倒上菩提樹

浙江嘉興府秀水縣報忠寺沙門道恒刻
南堂了菴禪師語錄第三卷 事仲報薦
先師太月湖鑑和尚 古方傑和尚伏願
二覺堂生見佛開法同生淨土者
松陵天食張鶴對前 金陵蔣淨榮刻
崇禎八年乙亥二月 始菴兜率園謹識

南堂了菴禪師語錄卷之三

南堂了菴禪師語錄卷之四

叅學比丘一志元皓等 編

明後學沙門兜率明聞重閱

任嘉興本覺禪寺語中

上堂頭上是天脚下是地南北東西依舊位中間突出須彌盧八寶七珍光煒煒放便倒扶便起螻螟睫上放夜市老胡落賺沒人知急攜隻履流沙去喝小叅二千年前有一轉語四月十五日已前與諸人舉了也所以九十日內只貴見成雖不行捧行喝棒喝初不離其機雖不說證說脩脩證豈足究其用直

文部

南堂禪師語錄卷之四

一

得盡乾坤大地如箇鐵楸子拋來擲去轉換自由今夜與汝脫却籠頭別資一路豈不見洞和尚云秋初夏末東去西去須向萬里無寸草處去末後最殷勤石霜云出門便是草截斷脚跟雖然如是還知落處麼拍禪床云晝見日夜見星妙高山色青又青掀翻海嶽求知已撥亂乾坤見太平

上堂僧問如何是通宗通途師云東去西去進云如何是叶帶叶路師云南來北來僧退師乃云世界恁麼廣闊因什麼坐在者裏動不得拈拄杖云東去西去南來北來金色尊者獨上高臺卓拄杖下座

病起上堂昨日病前日病病相尋無有自性坐斷淨名舌頭倒行摩竭正今擊拂子野狐窟裏產後現拈猴各佩軒轅鏡

中秋上堂久矣不上堂口邊生白醪侍者來燒香請法拈出秦時舊轆轤金剛腦後下一錐空裏磨盤生八角寒山撫掌笑呵呵夜來月向西邊落喝一喝重九客至上堂兩兩不成雙三三自成九本色任山人何處尋窠曰卓拄杖云離四句絕百非驢前馬後莫亂針錐

上堂摩竭掩室毘耶杜詞咬定牙關不通水泄本覺

文部

南堂禪師語錄卷之四

二

者裏但管飢來喫飯困來打眠熱則取涼寒則向火今朝十月初一早間喚奴子深開地爐滿堆黃葉方外高人到來且貴大家暖熱只如丹霞燒木佛因什麼院主眉須墮落請大眾下一轉語

上堂舉一不得舉二放過一著落在第二相罵饒你接背相唾饒你潑水南泉斬猫作麼生良久云人貧智短馬瘦毛長

上堂僧問螻蛄蟲吞卻虎時如何師云賞你大膽進云恁麼且退身三步師云章泉福建頭匾似扇僧擬議師便打云一任舉似諸方乃云一法若有毘盧墮

在凡夫萬法若無普賢夫其境界全國東陳說面施
呈搭板阿師水中撈月五祖和尚云山僧有時擬爲
你吞卻又爲咽喉小擬爲你吐卻又爲牙齒礙還有
爲人處也無喝相逢不在頻頻舉達者須知暗裏驚
上堂舉一明三目機鋒兩萬仞峯頭衝開雪浪乾闥
婆王奏樂山河大地盡作琴聲直得須彌發業海水
波騰迦葉起舞世尊證明是你諸人因什麼一向瞋
瞋喝一喝下座

上堂卽色明心附物顯理驢作驢鳴犬作犬吠三世
諸佛不知有六代祖師不知有建立半滿偏圓掃除

文部
撰述

南堂禪師語錄卷四

三

囉實空有水底藏身被火燒一一面南看北斗卓拄杖
開山忌上堂平地上死人無數過得荆棘林是好手
今朝三月十五正是夏前秋後饒你不住兩頭當處
也成窠臼拈拄杖卽今慧禪師向拄杖頭上吹無孔
笛鼓沒絃琴非唯憂玉銓金直是移星換斗卓拄杖
喝一喝

上堂師子吼無畏說百獸聞之皆腦裂香象奔波失
卻威天龍寂聽生欣悅左擊拂子云者箇不是師子
吼右擊拂子云者箇不是無畏說諸人耳在一聲中
聲偏在諸人耳不是寂聽生欣悅恁麼恁麼答訖

立方外乾坤不恁麼不恁麼縱橫掛域中日月恁麼
中有不恁麼不恁麼中却恁麼下座詣大佛殿啓建
天壽聖節

上堂僧問國師三喚侍者意旨如何師云老不歇心
進云國師因甚卻道將謂吾孤負汝元來卻是汝孤
負吾師云頭上著枷脚下著杻進云伯牙與子期不
是閑相識師云矮子看戲僧禮拜師乃云三界無法
何處求心掀翻藏海別闢玄音諸方按牛頭喫草者
裏行自己叢林不說負吾負汝不說照古照今只貴
一念相應自然萬境平沈五祖和尚云如馬前厮撲

文部
撰述

南堂禪師語錄卷四

四

如霹靂閃電會卽大富貴不會空對面喝一喝
浴佛上堂大衆還見釋迦老子麼未離兜率滿面塵
埃旣出母胎通身泥土饒你山河大地草木叢林盡
爲衲僧一一衲僧有無量杓一一杓中有無量香水
海直從今日洗至窮劫還得淨潔也無者裏眼親手
辦倒轉杓頭便見垢相永離十方清淨其或未然釋
迦老子有沒量罪過山僧有沒量罪過不干諸人事
下座

上堂本覺今朝結夏爲汝約法三章一者日裏一餐
二者夜間一寢三者山門頭佛殿裏東行西行不得

踏破常住傳卓拄杖下座

僧云堂中有數人兄弟舉結布稅法身頌各人下語未審契得師意也無師云好箇消息且舉看僧一一舉了師云相罵饒你接背相唾饒你潑水要會法身頌更叅三十年僧云即今問底是法身是色身師云驢前馬後漢僧便喝師云驢前馬後漢亂斗與作什麼便打出

室中問僧云道得也打道不得也打僧擬議師便打復問僧云你道好打麼僧擬開口師便打出復問僧云適來打得者兩箇僧是麼僧云是師亦打出

文那

南堂師語錄卷四

三

上堂顧視大眾云便與麼休得也未衆擬議便下座上堂一葉落天下秋是人知有一塵起大地收置而不問騎却聖僧踏倒水潦是第幾機卓拄杖云籠生金鳳子衝破碧琉璃

小叅萬里無寸草出門便是草嘉州大像驀翻身陝府鐵牛驚絕倒逢人不出賣狗懸竿打破鏡來天荒地老是則金沙混雜非則玉石俱焚不有本分鉗鎚難明向上一竅卓拄杖云一曲少林無孔笛從來多是逆風吹

進退頭首上堂宗門中有四種實主臨濟大師已嘗

點出若也邇未證明一一辨得非唯不久當作唱導

之師抑且不終焉吾家種草其或奴郎不辨玉石不分要解也僧未得在豈不見忠國師贈次丹霞通至乃問侍者耽源云國師在麼源云在即在只是不見客霞云太深遠生源云莫道上座佛眼也覷不見霞云龍生龍子鳳生鳳兒遂去國師睡起源舉似前話國師打二十拄杖遣出丹霞聞云不終為南陽國師喝一喝云不解作客勞煩主人雖然不因夜來鷄爭見海門秋

上堂藥山入不上堂院主推鐘擊鼓分明盡底歇朝

文那

南堂師語錄卷四

三

猶道一詞不措本覺擬令提綱不作者般調度今則月旦拈香撥開向上一路誰言射虎不真枉發千鈞之弩

九日上堂三四五六七八九碧眼胡僧不知有三更收得夜明符天曉起來成漏逗羅下黃華爛熳開龍山落帽霜風埃令人長憶龐居士天上人間不可陪阿呵呵會也麼若也不會山僧更道兩句去也石頭一箇住山斧古往今來解獨步馬師胡亂三十年誰道少鹽還少醋喝一喝

祖忌拈香西天著不得東土著不得破六宗設有

言對梁王全無朕迹坐久成勞忽轉身春風滿地華
狼藉

舟中值冬至小叅一道虛明總是自家田地初又既
兆全彰却外乾坤無去來動靜之味無取舍是非之
異可以騎聲蓋色可以隨流入流可以泛華亭半葉
之舟可以盡澤國煙波之勝不舉任公之釣非同濠
上之遊擊拂子云劈口一梳已傷鹽醋離鈎三十休
更回頭拍膝云永夜月明天在水鴈聲飛過白蘋洲
楓人上堂深山巖崖有甚佛法令坐六年全無合殺
豁開正眼定乾坤十方世界阿刺刺喝一喝箭穿紅

文那
撰述

南堂禪師語錄卷之四

七

日影誰是射鵬人

上堂今日要上堂夜來先作夢破的那羅延百發而
百中卓拄杖下座

小叅僧問承言者喪滯句者迷不涉二途如何進步
師云鐵壁银山萬仞高進云恁麼則瞻仰有分師云
自是不歸歸便得五湖煙景有誰爭僧禮拜師乃云
破顏一笑豈徒然從此靈山有正傳面目見前如薦
得春風不在老梅邊喝寐語作麼

元旦上堂元正啓祚萬物咸新莫有不涉春綠者麼
時有僧出云打鼓弄琵琶相逢兩會家望 闕賀正

願聞法要師云入方開壽域一氣轉洪鈞進云不涉
春綠乞師舉唱師云花須連夜發莫待曉風吹進云
如何是德山棒師云義出豐年進云如何是臨濟喝
師云儉生不孝僧禮拜師乃云月生一三世如來從
此出月生二突出如來祖師意月生三森羅萬象競
頭叅拍禪床云皇基磅礴三千界寶曆開端億萬年
元宵上堂釋迦老子道一人發真歸元十方虛空悉
皆消殞五祖和尚道一人發真歸元十方虛空築著
磕著若向築著磕著處會得只會得祖師禪不會如
來禪若向悉皆消殞處會得只會得如來禪要且未

文那
撰述

南堂禪師語錄卷之四

八

會祖師禪山僧道一人發真歸元十方虛空性相平
等且道是如來禪是祖師禪喝一喝云一釋迦二元
和三佛陀自餘是什麼益脫丘

上堂僧出衆云學人上來擬伸一問師云鷄子過新
羅便下座

上堂有一句到你針頭削鐵無一句到你錦上鋪花
狗子尾巴書卍字野狐窟宅梵王家

上堂毘盧頂上一轉語萬象森羅爲君舉昨日三更
失却牛天明大棒打老鼠喝

上堂僧問佛未出世時如何師云釋迦自釋迦進云

出世後如何師云彌勒自彌勒進云承師有言釋迦不受然燈記畢竟受什麼人記師云自家肚皮自家畫僧禮拜師乃云天上天下無如佛十方世界亦無比世間所有我盡見一切無有如佛者釋迦老子塵沙劫前將者一杓惡水潑他先聖及至成佛復受一切人潑所以道假饒經百劫所作業不忘因緣會遇時果報還自受下座

小參見鬼放鷹見月忘指大用現前不存規矩須彌山突出諸人額角邊大海水灌入諸人鼻孔裏鏗金受玉病在膏肓截鐵斬釘猶掛唇齒點虎頭收虎尾

支那

南堂禪師語錄卷四

九

第一句下明宗旨人問四百年彼天爲一晝夜彌勒大上於一時間成就五百億天子證無生法忍象王蹴踏非驢所堪雪曲應稀徒勞側耳山中今日結制炊無米飯飽不飢人開無礙門示解脫道東方來者東方坐西方來者西方坐南方來者南方坐北方來者北方坐東方來者燒檀香供養伊西方來者燒沉香供養伊南方來者燒檀香供養伊北方來者燒沉香供養伊且搥不與麼來時又作麼生拈拄杖敲香臺云金果早朝猿摘去玉華晚後鳳銜歸上堂黃蘗沒伎倆臨濟不唧啻高安灘上多口師未

後爲渠出隻手然雖路見不平也是推門入臼喝上堂僧問直指人心見性成佛意旨如何師云胡地冬抽筍進云心不足佛智不是道又作麼生師云六月黃河連底凍僧禮拜師云大眾記取者僧問頭便下座

上堂聞聲悟道見色明心鶻鶻鴉鴉鳴風動塵起癡人面前不得說夢僧問趙州如何是祖師西來意州云庭前柏樹子深山藏獨虎淺草露羣蛇一年一度天中節細切菖蒲泛饌茶下座

滿散青苗上堂佛以一音演說法衆生隨順各得解

支那

南堂禪師語錄卷四

十

靈山會上退席五千逝多林中半聲半啞眼空四海必有商量心洞十方孰辨真假卓拄杖云綠楊陰裏戴嵩牛芳草渡頭韓幹馬喝一喝下座

上堂舉風穴在郢州衙內陞座云祖師心印狀似鐵牛之機去即印住住即印破只如不去不住印即是不印即是時有盧陂長老出衆云某甲有鐵牛之機請師不搭印穴云慣釣鯨鯢澄巨浸却嗟性水蹉泥沙陂佇思穴打一拂子云長老何不進語陂擬開口穴又打一拂子時牧主云元來佛法與王法無二穴云見箇什麼道理牧主云當斷不斷反招其亂師云

焦瘁打著連底凍雖然不是盧陂長老爭見得風穴老人不是風穴老人爭識得牧主箇漢拈拄杖云者一隊漢鼻孔眼睛總與穿卻了也是你諸人有一事近前無事珍重

小叅方見立冬又是冬至百歲光陰不消彈指間過了是你諸人二六時中還曾怎麼猛省也未盡大地是箇解脫門把手拽不入周金剛一條白棒佛來也打祖來也打及乎撞著一箇毛頭星到來接住與他一迭依舊有舌如結有口如啞如今冷地思量者一火魍魎妖精知他是真是假所以本仁和尚示衆

佛述

南堂禪師語錄卷之四

二

云老僧尋常不欲向聲前句後鼓弄人家男女何故要且聲不是聲色不是色高懸竿頭賣狗肉時有僧問如何是聲不是聲也好與一撥仁云與作色得麼渾鋼打就生鐵鑄成僧云如何是色不是色矢在弦上不得不發仁云與作聲得麼一狀領過又云且道與你說答你話有人辨得許你有箇入處是何心行雖然曾爲蕩子偏憐客自愛貪杯惜醉人冬至上堂一冬二冬又手當胸逢場作戲遇緣卽宗打尾鼓應黃鐘風從虎兮雲從龍下座臘八上堂老胡三更失卻牛天明起來拾得馬從茲

要騎卽便騎到處要下卽便下佛殿上螭吻忍俊不禁肆口說禪不覺觸著山門頭金剛惡發把耐重子一擗撞倒金香爐下鐵崑崙踏翻鴛鴦湖不留涓滴卻向山僧拂子頭上慶讚云佛道懸曠久受勤苦乃可得成喝云被山僧一喝直得懣懣懣懣依位而立下座

除夜進退兩序小叅天寒歲晚衲衣下事正好提撕夜暗盡明頂額神光何妨顯露以之建立化門以之開揚宗旨以之布揚岐金圍以之據南泉鉢位以之回屋頭春色以之植陰涼大樹以之續照世燈以之

支那佛述

南堂禪師語錄卷之四

十三

成佛子任以之撥轉如來妙輪以之揭示衲僧巴鼻掀翻海嶽誰是知音把斷要津點頭自許一不得有二不得無三十三天撲帝鐘八臂那吒擎鐵柱阿呵呵釋迦老子與天帝釋相爭佛法甚闊王老師忍俊不禁打二十拄杖趯出是則令不虛行其柰將真珠作豌豆糶却本覺雖是死馬醫就中要妙拈拄杖卓一下云文殊普賢寒山拾得疥狗泥猪者白拈賊喝一喝

南堂了菴禪師語錄卷之四

吳門兜率園弟子釋淨音指衣鉢資敬刻
南堂了菴禪師語錄第四卷願保袈裟堅固

南堂了菴禪師語錄卷之五

參學比丘一志元暗等 編

明後學沙門兜率明開重閱

住嘉興路本覺禪寺語下

元旦上堂元正啓祚上馬見路萬物咸新觸處通津
恭惟頭首大衆雖是死蛇卻要活弄各各道體起居
萬福師子哮吼象王回旋虎拜稽首天子萬年
元宵上堂十五日已前明不見暗十五日已後暗不
見明正當十五日譬如一室中然一燈外懸十鏡燈
鏡交輝重重無盡與作境智互融事理俱備不妨奇

文部

南堂禪師語錄卷之五

持苦約納僧分上正是抱橋柱澡洗把纜放船有甚
共語處豈不見臨濟會下兩堂首座相見同時下喝
直是賓主歷然若也見得非難慶快平生光揚宗眼
便可向高高峯頂行船深深海底走馬利劍提來斬
萬機將報不平統天下喝

上堂小盡二十九大盡三十日從頭檢點來今朝二
月一春山疊亂青春水漾虛碧寥寥天闊獨立望
何極老明覺向者裏打開寶藏運出家珍其奈坐在
尊貴中致使諸人當面蹉過喝一喝

無想仲謀和尚至上堂興化接同叅傷鹽仍費醋本

覺遇知己目擊而道存棒喝既不施權實將焉措石

上與松根相對意自足爲復古人非爲復今人是到
此休論是與非畢竟古今無二致須彌頂上擊金鐘

下戴清風殊未已喝一喝

上堂前佛性命後佛紀綱發拂子云總在拂子頭上
拈起也風生百谷放下也水肅千江今朝啓建聖節
合作麼生舉習擊拂子云臥龍纔奮迅丹鳳便翔翔
上堂舉古德云忍忍三世如來從此盡饒饒萬禍千
殃從此消然無上菩提從此得慈受和尚云會得
此三種語了好箇不快活漢慈受正是得人一半還

文部

南堂禪師語錄卷之五

二

人一馬溪水和唾插箭廝罵卓拄杖云平出平出師
云老慈受雖則一期逞俊未免落賺後人本覺卽不
然三種內三種外土塊泥團南金大貝衲被蒙頭萬
事休他家自有通人愛

上堂春日晴黃鸝鳴大藏小藏鼻孔眼睛木馬嘶泥
牛舞壽山不打者破鼓便下座

浴佛上堂釋迦老子未離兜率已降王宮好與三十
棒未出母胎度人已畢好與三十棒本覺與麼判斷
也好與三十棒釋迦老子過處本覺固自知之本覺
過處諸人還知麼良久拍禪牀云攝取詩書歸舊隱

野華啼鳥一般春

上堂一大藏教束之高閣長期短期無絕自縛英更紛紛紆紆直須洒洒落落楊岐一頭驢只有三隻脚踏倒騎蹄跌殺黃番綽五味拈來鑽秤錘別有香風滿寥廓喝

復舉道吾和尚云高不在絕頂富不在福嚴樂不在天堂苦不在地獄相識滿天下知心能幾人大慧和尚云高在絕頂富在福嚴樂在天堂苦在地獄誰知席帽下元是昔愁人師云二大老一人高高處觀之不足一人低低處平之有餘唱教口中足可觀光若

步

南堂禪師語錄卷五

約納僧門下猶欠悟在本覺又作麼生但將飯向無心盂自有人提折腳鐺

上堂五月五天中節不書符不捏訣放教心地坦然平百怪千妖自消滅豈不見文殊一日令善財採藥善財云無不是藥者文殊云是藥採將來善財拈一莖草度與文殊文殊接得示衆云此藥亦能殺人亦能活人天童華和尚云大小文殊被善財換却眼睛大衆應庵老人可使爲百世宗師要且只知其一不知其二山僧道一手不獨拍兩手鳴拈拈擔板禪和氣食牛擡頭只道乾坤窄喝

上堂佛歡喜僧自恣香象渡河截流而去有利無利不離行市拄杖頭邊別有天地卓拄杖喝一喝

上堂真諦以言非有俗諦以言非無真俗不二名聖諦第一義拈拄杖者箇是拄杖子阿那箇是聖諦第一義卓拄杖得之於心伊爾作桺檀之樹失之於背甘露乃藥菓之園

上堂八月秋何處熱達磨老臊胡有語非千古鑿鐵被開斬釘截鐵父子雖親不傳未是神仙妙訣喝上堂眉間掛劍血濺梵天大用現前一椎兩當普化街中木鐸盤山猪肉案頭鷄拈拄杖云有時乘好月

步

南堂禪師語錄卷五

四

不覺過滄洲

源首座至上堂二由一有一亦莫守一心不生萬法無咎首座有長處何須更開口萬仞峯頭把釣竿一掣六龍頻入手松間石上不妨暫且盤桓佛祖位中自是推門入曰大衆還委悉麼豐城寶劍未出匣夜夜寒光射牛斗

上堂僧問佛未出世時如何師云太平本是將軍致進云出世後如何師云不許將軍見太平僧禮拜師乃云九九釋迦老子不知有翻轉面皮伸出毛手握金剛椎碎窠臼突出無位真人一一面南背北斗

應菴老人一時遲俊未免以己妨人本覺則不然九九九狸奴白拈卻知有展開驢脚伸出佛手把住黃絹幼婦放行外甥壺曰鐵鞭擊碎珊瑚枝驚起土星犯牛斗喝一喝

開爐上堂丹霞和尚一日到古寺適值天寒取木佛燒火向院主呵云何得燒我木佛霞以拄杖撥灰云燒取舍利主云木佛安有舍利霞云既無舍利更請兩尊燒之院主自後眉須墮落山僧當時若作院主待他道既無舍利更請兩尊燒之便與路向火中覓見千古之下引得一類學語之流隨倒道大用現前

擬述

南堂禪師語錄卷五

五

不存執則喝一喝

小叅六爻沈伏一氣潛回雖是死蛇解弄也活拈一機而機機普應用一法而法法全彰廓人天未證之門揭佛祖不傳之妙浮幢剎外把斷要津賢聖劫中位居第一有一句到你不萌枝上綠霞層陰無一句到你無影樹頭花放五葉別別細不容針大過車轍缺齒胡僧笑點頭衲僧眼裏添金屑喝一喝

上堂一喝分賓主照用一時行乃喝一喝云是賓是主是照是用又喝一喝是非已去了一喝沒交涉否極泰來君子可八

上堂正覺山前明星見時釋迦世尊與大地衆生一時成佛祖師門下蹉口道著佛字漱口三日前行不到末後太過各與二十拄杖忽有一箇不顧危亡底漢出來道本覺與麼判斷也合與二十拄杖山僧却須分付明窓下安排何故佛滅二千年比丘少慚愧上堂正旦值庚申成湯遮日新皇元開鳳曆八萬四千春

小叅僧問蠟人水鐵彈子即且置如何是金剛圈衆棘蓬師云我早知你吞透不下進云豈無方便師喝云棒上不成龍僧禮拜師乃云舉一不得舉二放過

擬述

南堂禪師語錄卷五

六

一著落在第二小叅鼓鳴大眾齊至較之生佛未具已前豈有者般消息涅槃會上廣額屠兒放下屠刀立地成佛懸崖撒手自肯承當絕後再蘇欺君不得所以麗居士道十方同聚會箇箇學無爲此是選佛場心空及第歸便是者箇消息也後來此庵元和尚舉到此是選佛場處乃喝一喝時或庵體和尚忽然打破漆桶便道商量極處見題目途路窮邊入試場拈起毫端風雨快這回不作探花郎好與三十棒何故九達公子遊花慣未第貧儒感慨多冷地看他人富貴等閑無奈幞頭何喝一喝

禮首座至上堂法昌一力搥鼓功臣萬象說禪二老
徐六擔板未免各見一邊本覺虛心問世一切任之
自然或則逆風把舵或則順水行船總不妨事所以
道寂寥非內寬廓非外寂寥非內也一毫穿衆穴寬
廓非外也衆穴一毫收豈不見趙州會下二僧相推
不肯作第一座主事白趙州州云總教作第二座主
事云教誰作第一座州云裝香著主事云裝香了也
州云戒香定香慧香解脫香應慈老祖云趙州下一
惟不妨驚羣動衆子細檢點將來大似泥裏洗土塊
皆是薦福門下不用相推第一座也有人第二座也

文那
提過

南堂禪師語錄卷五

七

有人第三座也有人雖然不免從頭註過第一座鐵
眼銅睛覷不破第二座陽春白雪無人和第三座真
實身心同達磨且道與趙州是同是別若也會得許
你具一隻眼若也不會也許你具一隻眼有箇衲僧
出來道總不恁麼時如何對他道切忌向鬼窟裏作
活計隨機應變本分作家製半分三輪他敏手到箇
裏政如披圖經而升高臺據王令以蒞萬國非唯收
放在我抑且遐邇不遺山僧如斯舉唱要且不是扶
他先作黃鼓後人何故面前自有五百衆中老作家
爲汝作證還信得及麼擊拂子云棋逢敵手難藏行

琴遇知音不撒彈

上堂山中二三日啓建青苗會開眼與合眼總是法
性海三賢固不知十聖何曾會唯有主稼神證此大
三昧各乘本願力普應衆生界衆生界無盡此願亦
不退稽首毘盧師和南觀自在時有僧出云久嚮本
覺元來是箇座主師云你只識箇座主要且不識本
覺僧便問如何是本覺師劈脊便棒云烈燄豈容蚊
蚋泊擲下拄杖便歸方丈

永福額首座至上堂維四句絕百非摩訶衍法夢裏
提持敢問大衆夢裏覺裏是同是別若也道得個儻

文那
提過

南堂禪師語錄卷五

八

分明非唯小釋迦無道形之地便可將鄱陽三百里
水面納向鴛鴦湖一滴之中直是不寬不隘無欠無
餘還委悉麼驚羣須是英靈漢敵勝還他師子兒
小參秋風涼秋夜長三期已滿作麼商量以字不成
八字不是黃牛角指天四脚垂過鼻我首座出世也
我首座牧牛也我首座行脚也我首座來也是法住
法位世間相常住威音已前道得正是第二句還我
第一句來擊拂子云三要印開朱點窄未容擬議主
賓分復舉僧問雲門秋初夏末前程忽有人問作麼
祇對門云大衆退後僧云過在什麼處門云還我九

十日飯錢來師云者僧貪糧太速雲門薄處先穿有
問本覺只向道十里長亭五里短坡過在什麼處勸
君更盡一盃酒西出陽關無故人

重陽永福子有和尚歸上堂開甘露門據甘露室令
諸眾生食甘露永福和尚即其人也茲者龍歸舊
窩鳳返丹山草木叢林頓增光彩本覺法弟何幸如
之所謂物宜求新人宜求舊無端陳蒲鞋手握赤梢
鯉倒跨三脚驢跳出雲峯破桶中揚登大叶云欲
上座你只見錐頭利不見鑿頭方豈不聞佛法大事
靜退小節山僧被渠一問直得無言可對無理可伸

又那

南堂了堂欲極神語錄卷二

只記得汾陽和尚道三玄三要事難分得意忘言道
易親一句明明該萬象重陽九日菊華新喝一喝下
座

路官馬知事至上堂久雨不晴天道晦冥淩爛鼻孔
滴穿眼睛山僧正是煩惱不暇忽然聽得尚書履聲
呼童掃榻喚僧點燈抵掌劇談半餉悶中不覺惺惺
起來豁開戶牖萬里不掛片雲今朝月望陞高座一
炷清香祝聖君

雞足西堂至上堂雞足峰前風悄然能仁堂下浪拈
天騰身抹過青霄外一曲胡笳奏未圓山僧數日地

雞足大衆昨晚歸來得與欽光尊者相見既曰情忘彼
我自然道叶主賓提起陳年舊藤直是牽拽不斷家
中莫有一刀兩段底麼良久云設有也是草裏漢
小蔡天地闊開陰陽消長衲僧門下有甚伎倆放下
拂子拈起拄杖佛來魔來總與一棒從教靈山會上
退席五千善法堂前草深一丈且貴正眼流通作箇
人天榜樣所以五六年來雖則與諸人眉毛厮結其
實水米無交明朝節屆書雲不免合水和泥打鬧東
山家燕先來雲門胡餅次烹趙州鹹茶然後撥出洞
山菓桌只如道有一物上拄天下拄地常在動用中

又那

南堂了堂欲極神語錄卷二

動用中收不得且道是什麼物良久云粗餐易飽細
嚼難饒復舉僧問風穴古曲無音韻如何和得齊穴
云水雞啼子夜鷓鴣吹天明大慧和尚云黃面浙
子怎麼答話要做他臨濟兒孫也未得在或有問徑
山古曲無音韻如何和得齊只向他道木雞啼子夜
鷓鴣吹天明師云前行不到末後太過要見條理始
終須是金聲玉振聽取一頌木雞啼鷓鴣吹天明老
東隱各長三尺喙古曲無音和得齊安用兒孫作臨
濟喝一喝

上堂前序推遷又見一陽來復靈光洞耀依然體露

真常撥開向上玄關突出眼睛鼻孔釋迦彌勒猶是他奴且道他是阿誰擊拂于云嶺海殘雪後雲裏未梳時

小參去年臘月三十日今年臘月二十九少處不減多不添年去年來總仍舊舊者不去新不來新舊何妨自前後所以道礙處非牆壁通處勿虛空若能與麼會心色本來同蜀止止不須說我法妙難思諸增上慢者聞必不敬信喝當時五千比丘禮佛而退豈不是皮下有血眼裏有筋豈似如今諸方三百五百聚面團頭如勾欄尾子相似黑漆拄杖到者裏有住

支那

南堂禪師語錄卷五

上

無時處衆中莫有滴視血化鹽乳煎驚思續斷絃者麼良久卓拄杖空將未歸意說與欲行人喝一喝復舉瀉山示衆云如許多人只得大機不得大用仰山乃舉似山下一庵主云只和尚恁麼道意肯如何菴主云你再舉看仰山擬舉被菴主一腳踏倒仰山歸舉似瀉山山呵呵大笑師云瀉山老漢垂萬里勾駐千里鳥雖仰向平田淺草中抹住一箇焦尾大蟲諸人要識仰山麼也是官路敗私鹽久立元宵南山和尚至上堂盡法界是一真燈徧塵區是一佛刹靈利漢一腳踏翻非唯可以觀光上國獨步

大方便乃控佛祖宏機廓人天幽跡好大衆頭梢五嶽眼生三角左刮龜毛右截兔角焦尾忽乘雲雷飛金毛乳鰓日月落月裏仙人巧畫眉九遠擺動黃金鐸喝一喝

小參長期短期日面月面一毛端上乾坤石火光中閃電你有拄杖子與你拄杖子你無拄杖子奪却你拄杖子人平不語水平不流山僧三十年前海上海上茶華只是遇茶喫茶遇飯喫飯寒則向火熱則取涼朝悠悠暮悠悠不知白晝少年頭逗到被人推出住山人杓柄寧免顛顛僂僂倘有時半夜穿針有時空中

支那

南堂禪師語錄卷五

上

覓縫若非現前尊前戮力贊成便見將東作西指南爲北草滿法堂苦封古屋所以今夏堂中兄弟雖曰不多盡是諸方羅籠不住呼喚不回底漢掃除異見稠林拈卻佛病祖病那更承福禪師在此輔車與唇齒相似卓拄杖云一曲少林無孔笛逆風吹了順風吹

上堂元正改旦一句全提萬機休罷千聖不攜紫煙籠帝闈辟筭與天齊

元宵上堂若論此事正如一燈分爲千燈燈燈相續無有窮盡在東則爲知事在西則爲頭首在方丈則

為住持在閑寮則為耆舊至於三條椽下七尺卓前
經行坐臥卷舒出沒莫不以此燈而為佛事一明一
切明一用一切用重重主伴歷歷交參無黨無偏無
新無故只貴見成受用到底不涉安排任是疥癩泥
猪少他一分不得擊拂子一氣不言含有象萬靈何
處識無私

南堂了菴禪師語錄卷之五

吳門

南堂了菴禪師語錄卷之五

吳門了菴禪師語錄卷之五
南堂了菴禪師語錄卷之五
崇禎八年乙亥三月 始編定

南堂了菴禪師語錄卷之六

參學比丘祖運志道等 編

明後學沙門兜率明聞重刊

住平江路靈巖禪寺語上

師於至正五年七月十一日入寺指山門云撥開向

上闕掃蕩聖凡散萬古乾坤一團風月

佛殿世尊三林迦葉不知一會靈山儼然猶在

據室此是從上老宿烹佛燄祖教聖賢凡之地新長

老平高就下舍窄從寬且放你諸人吐氣

拈院疏離衡在手與牽臨時政化宜流風行草偃

吳門

南堂了菴禪師語錄卷之六

一

拈江湖疏鐵心石腸河舌海口贊之則雖瘠生華暖
之則佛面百觀贊殿不及處面南音北十

指法座云大眾還見麼須彌頂上關著步大千刹海

清風起便陞座拈香云此香結為寶絲網散作光明

雲熱向寶爐祝延今上皇帝聖躬萬歲萬歲萬萬歲

恭願文明齊北極壽寧南山次拈香云此香遇賤

則價重婆娑遇貴則分文不直燕向爐中奉為前住

保寧古林大和尚用酬法乳之恩欽衣就座上首白

惟云法筵龍象眾當觀第一義師云若論第一義法

鼓未鳴人天未集已前見得猶虧一半何況一推整

碎影跡不留苟非具眼衲僧未免喚鐘作甕莫有定當得出者麼時有僧出衆云祖師心印鐵牛機直要當陽決是非第一峯頭垂隻手塵塵刹刹盡知歸爲國開堂願聞法要師云萬人退仰處紅日到天心進云一統乾坤歸聖化萬人叢裡奪高標如何是出世邊事師云橫按鎮鄧全正令太平寰宇新窺頭進云如何是三世諸佛不知有師云一字不著盡進云如何是狸奴白牯卻知有師云古錦寫回文進云千聖不傳真妙訣灼然能有幾人知便禮拜師云且莫詐明頭師乃云石門巖險鐵關牢舉目分明萬仞高四

支那

南堂禪師語錄卷之六

二

十年中重到此始終不隔一絲毫好大眾湛湛湖光平開鏡面青青山色上插雲霄乃智積應現之方誠圓照嘉道之所繼茲芳躅實愧非才不免向普賢毛孔覓著程途維摩掌中拓開世界直教四聖六凡重重普會風不鳴條雨不破塊天清地寧時康道泰報不報之深恩揚不揚之教化拈起鐵蒺藜驪珠盡擊碎千古萬古黑漫漫溝壑塞無人會喝一喝小叅只者是只是金不博金水不洗水是句亦刻非句亦刻揭開萬里神光提出倚天長劍三登九到滯殺迷封撩起便行白衣拜相山僧今者惟碎蟠桃

核得見舊時仁拽將師子峯與天平山鬪額且貴大家知有自餘七十三八十四癩馬繫枯椿黑牛臥死水有甚共語處拍禪床云好雨洗將殘暑去涼風吹得早秋來復舉僧問雲門佛法如水中月是否門云清波無透路僧云和尚從何得門云再問復何來僧云便與麼去時如何門云重疊關山路師云雲門善舞太阿著著有出身之路這僧貪覩白浪失卻手橈靈巖不惜眉毛與汝拈卻水除卻月還見佛法麼喝一喝久立珍重解夏小叅釋迦不出世達磨不西來佛法遍天下談

支那

南堂禪師語錄卷之六

三

玄口不開便與麼去可殺省力山僧四月十五日在萬壽山中結夏今朝七月十五日又向靈巖山頂解夏然雖有解有結畢竟無去無來無去無來冥通三際非中非外洞徹十方以此發揮祖道以此建立宗乘以此成就毘尼以此弘範三界是你諸人還見山僧麼拈拄杖卓一下云莫恁渠儂多意氣他家曾踏上頭關上堂舉松源和尚云目前無法意在目前不是目前法非耳目之所到驀拈拄杖云切忌認驢鞍橋作阿爺下領雖然如有時乘好月不覺過滄洲師云三

交不見骨一舉四十九契飯了瞋眼幾箇能知有所以山僧尋常與諸人眉毛厮結只是未曾道著箇不字何故卓拄杖云禍不入謹家之門

上堂道由心悟豈假外求法離見聞言詮罔及三世諸佛只可自知六代祖師全提不起山僧今日不是峴山師兄到來又安敢妄通消息卓拄杖云客來無茶點蒿湯併禮儀

小參卽心卽佛咄非心非佛咄不是心不是佛不是物咄竖起拂子云雲門大師在者裏咄咄咄力口希禪子訝中眉垂畢竟是何宗旨臨濟大師云赤肉團

支那

南堂禪師語錄卷六

四

上有一無位真人常在汝諸人面門出入未證捷者看看時有僧出濟便擒住云道道僧擬議濟便掀開云無位真人是什麼乾屎橛殺人刀活人劍乃上古之風規亦今時之樞要龍睛鵲眼一覷覷破便可驅耕夫之牛奪飢人之食驅耕夫之牛令他苗稼滋盛奪飢人之食令他永絕飢虛政如上將軍臨陣破敵擊鼓擐旗寸刃不施橫尸萬里真教四夷入貢八表來歸豈不是大丈夫兒成就大丈夫事其或未然仲冬嚴寒季冬極寒莫把是非來辨我浮生穿鑿不相闕復舉僧問西堂有問有答賓主歷然無問無答時

如何堂云怕爛却那僧又問長慶慶云相逢盡道休官去林下何曾見一人師云二員古佛與麼答話可使千古流芳若要坐斷衲僧咽喉則未可在今夜有問靈巖有問有答賓主歷然無問無答時如何只向他道冬至寒食一百五上元定是正月半久立

上堂化育之本物我同途生佛之元古今不易所以雪峯道盡大地撮來如粟米大拋向面前漆桶不會有鼓普請看卓拄杖云六爻未動羣陰塞一氣潛回萬葉新

除夜小參德山小參不答話人貧智短趙州小參要

支那

南堂禪師語錄卷六

五

答話馬瘦毛長靈巖今夜小參有問卽答無問卽休終不將珍珠作豌豆羅却豈不見南泉和尚云王老師自小牧一頭水牯牛擬向溪東牧不免食他國王水草擬向溪西牧也不免食他國王水草不如隨分納些些總不見得雖然如是未免笑破衲僧鼻孔且道衲僧有甚長處還委悉麼一年三百六十日一日還他十二時禪客相逢只彈指此心能有幾人知復舉道吾真和尚云鋒刃上踴跳微塵裏走馬勞勞去復來箇是知音者師云真點胸名不虛得檢點將來也只是三步四步未見七跳八跳在靈巖今夜分

歲無可與諸人暖熱隨分也說四句燈籠拜露柱露柱拜燈籠明朝添一歲含笑舞春風

上堂脩山主道破二不成一一法鎖長存若作一二會永劫受沉淪山僧道二破卽成一一法永無存不作一二會擺手出迷津恁麼恁麼一草草玉殿瓊樓不恁麼不恁麼玉殿瓊樓一草草恁麼中不恁麼不恁麼中却恁麼橫吞栗棘豎透金圈拈三條篋束取肚皮到處任山去豈不坐斷報化佛頭擊拂子云有意氣時添意氣不風流處也風流

上堂言無展事語不投機一句截流萬機寢息智種

文耶

南堂禪師語錄卷六

六

大士於無生中示現受生卽不問智者大師親見靈山一會儼然未散什麼處得者消息來若也道得首座有長處藏主定不識藏主有長處侍者元不知所以道譬如河中水川流競奔逝各各不相知諸法亦如是喝一喝清平世界切忌詭言便下座

上堂古德云我說法要譬彼天澤汝緣合故當見其道山僧今日與諸人眼眼相見心心相知不是緣合且作麼生是見道這裏會得人情若好吃水也肥若也不會近在眼睛中遠過河沙國

上堂舉子湖和尚忽一夜於僧堂前叫捉賊大衆皆

驚有一僧自堂中出于湖擒住云捉得也捉得也僧云不是某甲湖云是卽是只是你不肯承當師云子湖好與二十拄杖何故誣人之罪以罪罪之

上堂東山演和尚云病來又病皮枯骨可殺驚人抖擻起來無一物卻較些子行不成步語聲低描也描不成畫也畫不就鼻孔依然高突兀築著磕著好大衆古人發揮到無發揮處直是驚天動地邁古超今山僧一夏以來病來病去病得起來內不見有四大五陰外不見有山河大地上不見有諸佛下不見有衆生中不見有自己淨裸裸赤洒洒沒可把幸自可

文耶

南堂禪師語錄卷六

七

憐生無端侍者進退一段公案未了今朝月望拈香底拈香揖客底揖客濡毫底濡毫請法底請法直要山僧向大虛空中大書皇帝萬歲四字莫有爲山僧代筆者麼舉起拂子云文明齊北極睿筭等南山擊拂子下座

上堂今朝七月一一夏相將畢汝等叅玄人也須明得失喝得又得箇什麼失又失箇什麼擊拂子白雲乍可離青嶂明月難教下碧天

解制小叅秋風浙浙玉露溥溥蟬噪林間蛩吟砌下揭示生佛未具已前一畧奇特大事借使千聖出頭

各以出過天女辯才音聲善巧發揮莫過於此所以
道欲從觀音門入者蝦蟇蚯蚓與汝發聲欲從文殊
門入者蟾蜍九蟬與汝發聲欲從普賢門入者一直
晴虛森羅萬象與汝發聲豈不見鏡清一日問僧云
門外什麼聲僧云蛇咬蝦蟇聲清云將謂衆生苦更
有苦衆生又問僧云門外什麼聲僧云雨滴芭蕉聲
清云欲得不招無間業莫謗如來正法輪又問僧云
門外什麼聲僧云落頭雨滴聲清云衆生頭倒迷已
迷物僧云和尚尊意如何清云泊不迷已僧云泊不
迷已意旨如何清云出身僧可易脫体道應難好大

南堂了空欲極語錄 卷二

衆妙輪押處日月沈輝寶杖敲時乾坤失色欲明恁
麼事須是恁麼人若是恁麼人恁甚恁麼事即今秋
初夏末兄弟家東去西去前途忽有人問恁麼事畢
竟作麼生抵對若道不得木上座與汝代一轉語去
卓拄杖一下自出洞來無敵手得說人處且饒人
復舉仰山夏末上問訊馮山馮云子一夏卻不上來
在下面做得箇恁麼仰云鉏得一片畚種得一籠粟
馮云子可謂不虛過一夏仰山却問馮山云和尚一
夏作得箇什麼馮云日裏一餐夜後一寢仰云和尚
亦不虛過一夏道了不覺吐舌馮云寂子何得自傷

已命師云馮仰父子大似萬仞龍門動即生風起浪
爭如靈巖這裏一夏以來上既無言下亦無語自然
平帖帖地還委恁麼水歸大海波濤息雲到香櫺氣
衆閑然雖如是更聽一頌鉏畚種粟功非少飽飯安
眠德不孤到腹傾腸都說了不知秋色在庭梧久立
珍重

上堂一葉落天下秋神仙何必更封候一塵起大地
收萬里銀河颯玉璫卓拄杖有意氣時添意氣不風
流處也風流
進退頭首有謝大雲長老上堂一推便就揭開華藏

南堂了空欲極語錄 卷二

南堂了空欲極語錄 卷二

九

十三重不假一推抹過無邊香水海兩堂下蜀賓王
歷然照用同時與奪自在便見大雲彌覆六合清風
甘澤順時百果成熟且結角羅文一句作麼生道起
時蓋却屋乘時刈却禾輸納王租了鼓腹恣謳歌
上堂年年是好年日日是好日因什麼三年一閏九
日重陽青青翠竹總是真如鬱鬱黃花無非般若因
什麼道得之於心伊蘭作梅檀之樹失之於舌甘露
乃蒺藜之園雲門道盡乾坤大地無纖毫過患猶是
轉句不見一色始是半提更須知有全提時節如何
是全提時節奈

末宗西堂至并謝頭首上堂一大藏教道什麼如是
我聞先已錯廣福堂前正令行空裏磨盤生八角王
實互換縱奪臨時掀翻大海躍倒須彌擊拂子太湖
三萬六千頃月在波心說向誰

上堂首座已出世首座已行脚掀翻華藏海撼動黃
金鐸萬仞峯頭不露身禮拜始信乾坤窄

上堂入城思量上堂歸來舉似大眾只恐聽事不真
未免喚鐘作甕便下座

上堂前無釋迦後無彌勒中無自己鐘樓上念贊床
擲下種菜甜瓜徹蒂甜苦瓠連根苦時有僧問心不

妄耶

南堂禪師錄卷之六

十

是佛智不是道還端的也無師云吃飯止飢飲水定
渴僧云智不到處切忌道著作麼生師云塞却耳根
分明聽取僧擬進語師震威一喝便歸方丈復舉三
角示衆云若論此事貶上眉毛早已蹉過時麻谷出
衆云貶上眉毛則不問作麼生是此事三角云蹉過
也麻谷便掀倒禪床三角劈脊便棒師云二員古佛
然則縱奪可觀其奈傷鋒犯手山僧者裏自來未曾
捉著此事諸人也未曾貶上眉毛中間固無蹉過不
蹉過底道理諸人既不掀倒禪床山僧也不劈脊便
棒自然聲和響順形直影端非唯主伴互融抑亦八

天欣悅擊拂子水歸大海波濤息雲到蒼梧氣象開
上堂巖居閒寂遠塵囂多謝同人訪寂寥心月有光
吞萬象普天無夜不元宵所以道當明中有暗勿以
暗相遇當暗中有明勿以明相暗明暗各相對比如
前後步出這裏是什麼所在說明說暗說前說後出
道火何曾燒却口

佛涅槃上堂僧問摩胸告衆入般涅槃釋迦老子誑
誑間閻合與三十拄杖和尚合作麼生師云你也合
與六十拄杖進云過在什麼處師云癡人棒打不死
師乃云如來不出世亦無有涅槃以本大願力示現

妄耶

南堂禪師錄卷之六

十一

自在法拈拄杖不是大願力卓拄杖不是自在法舉
起也千身彌勒放下也隨處釋迦只爲諸人貶上眉
毛却入娑羅雙樹間去也靠拄杖見之不取千載難
忘

上堂僧問以字不成八字不是是什麼字師云一大
藏教裏尋取進云怎麼則輝天鑑地去也師云礫破
關梨面門僧又問雲門放洞山三頓棒意旨如何師
云沙裏無油又問鳥窠吹起布毛又作麼生師云石
中有髓進云如何是祖師西來意師云金鎚影動進
云如何是佛法大意師云寶劍光搖進云爲復只這

是爲復別更有在師云海裏須彌日月高僧禮拜師
乃云以字不成八字不是一大藏教輝天鑑地雲門
放洞山三頓棒沙裏無油易窠拈起布毛吹石中有
龕金鎚影動寶劍光搖海裏須彌日月高拍禪床下
座

吳門兜率園侍習道發心僧衣鉢資政刻
南堂了菴禪師語錄第六卷專仙報寫
先父靜蓮石公 先母朱氏早生淨土
松陵天食張雋對稿 金陵蔣淨榮刻
崇禎八年佛降生日始蘊兜率園謹識

南堂了菴禪師語錄卷之六

終

支那

南堂禪師語錄卷之六

七

南堂了菴禪師語錄卷之七

參學比丘祖運志道等 編
明後學沙門兜率明聞重閱
住平江路靈巖禪寺語下

小參未言先預會無邊刹境於毫端未舉先知融十
世古今於當念見前衆等適茲夏首莫不踞菩薩乘
修寂滅行同入清淨實相住持以大圓覺爲我伽藍
身心安居平等性智如斯標致足可觀光檢點將來
未免笑破衲僧口豈不見雲門大師道盡乾坤大地
無纖毫過患猶是轉句不見一色始是半提更須知

支那

南堂禪師語錄卷之七

二

有全提時節大衆你要識全提底時節麼我若全提
去便須荒卻院散却衆是你諸人擬向什麼處措足
事不獲已隨汝顛倒所欲南斗七北斗八多處添少
處減有時拈一莖草作丈六金身有時將丈六金身
作一莖草或則於無中唱有或則於有中唱無或則
於聖中顯凡或則於凡中顯聖或則於實中辨主或
則於主中辨賓或則先照後用或則先用後照或則
照用同時或則照用不同時是皆從無住本立一切
法如將蜜菓換苦葫蘆豈有實法與汝持論喝一法
不存翳汝眼睛眼睛不明世界崢嶸卓拄杖擘開華

嶽連天秀放出黃河倒海聲

復舉古者道者一片田地分付來多時也我立地待
你構去法眼云者一片田地分付來多時也我坐地
待你構去佛果云者一片田地分付來多時也我今
與汝當面慶懺師云立地待你構坐地待你構慶懺
別有上聞未免違時失候山僧道者一片田地分付
來多時也自是你不肯承當且道過在什麼處良久
云在家疑是客別國却爲親久立珍重

上堂今朝四月十五隨分推鐘擊鼓燈籠動地放光
露柱掀天起舞揭開臨濟三玄抽却雲門一顧擊拂

支那
撰述

南堂禪師語錄卷之七

二

子發機須是千鈞弩

聖節上堂金剛正體洞徹十虛般若靈光該羅萬有
昭昭於心目之間而相不可覩見是於色塵之內而
理不可分與天地同一覆燾與日月同一照臨與山
岳同一穹崇與江河同一流注所謂佛佛授手祖祖
相傳若聖若凡皆承恩力慶逢嘉運仰祝堯齡一句
當陽如何舉唱切石有銷日君恩無盡時

上堂古德道護生須是殺殺盡始安居會得箇中意
鐵船水上浮山僧道有生還有殺無殺亦無生不勞
鵝護雪管取蠟人冰這箇說話前日首座已說今日

山僧現說異日諸人當說已說現說當說不出者箇
時節且道是什麼時節茫茫普熱紛紛下雪倒流四
河再發枯枿臨濟德山特地癡枉費精神施棒喝雖

然如是誰知這煙浪別有好思量

上堂僧問離四句絕百非請師直指西來意師云拈
燈籠來佛殿裏將山門安燈籠上進云還有爲人處
也無師云若無舉鼎拔山力千里烏騅不易騎僧禮
拜師乃云離四句絕百非西來祖意獨露當機拈燈
籠來佛殿裏將山門安燈籠上咄若無舉鼎拔山力
千里烏騅不易騎

支那
撰述

南堂禪師語錄卷之七

三

上堂時節不相饒今朝五月五東家釘桃符西家懸
艾虎孤峯絕頂頭也須資一路拈起須彌椎且擊虛
空鼓翻身躍倒鬼門關大地山河無寸土喝一喝下
座

請提點上堂楊岐栗棘蓬東山鐵酸餡多處添些子
點卽不到少處減些子到卽不點萬機俱赴八面玲
瓏一句全提風行草偃擊拂子龍得水時添意氣虎
逢山色長威憚

上堂一葉落天下秋一塵起大地收國師三喚侍者
無端賣弄風流靈巖則不然大空陞堂小空入室擊

拂子多虛不如少實

上堂安居禁足此土西天向上一路千聖不傳草在杖真淨界中纔一念閻浮早已八千年

上堂二三日來智積大上向這裏與諸人說發生萬物無礙法門不到得雷聲浩大雨點全無直得頭上漫漫脚下漫漫若非諸人咬定牙關未免浸爛鼻孔山僧卽今與汝拔本去也萬人遐仰處紅日到天心上堂僧問智不到處乞師指示師云南天台北五臺進云只如古人道切忌道著道著則頭角生又且如何師云識法者懼師乃云一塵人正受諸塵三昧起

又那

南堂禪師語錄卷七

坐斷上頭關千華生確黃雲門大師道平地上死人無數過得荆棘林是好手只知開口易不覺舌頭長時有僧出云恁麼則堂中上座有長處也雲門云蘇盧蘇盧雲門若無後語爭服得人若是真正衲僧直須荆棘林裏坐荆棘林裏臥前面牛頭獄卒後面馬面阿旁左邊銅柱鐵林右畔烈河灰刃中間吞底熱鐵丸飲底洋銅汁於一晝夜有萬生死求一毫苦相不可得求一毫樂相不可得然雖如是要作半箇人也未得在作麼生得十成去良久云劈破華山雷未迅照開滄海月非光暗驢滅却正法眼直得哀聲滿

大唐

進退頭首上堂今朝九月九萬物隨時候滿泛茶菓茶何用菊花酒畢竟醉兀兀不似長醒醒諸人若也信得及便見堂中上座決有長處知得堂中上座決有長處便知釋迦老子橫說豎說直說曲說四十九年重重敗闕知得四十九年重重敗闕便知興化堂前鑽飯吹香克賓維那全鋒敵勝知得克賓維那全鋒敵勝便知古雪寶抑揚有準端大伯笑裏藏刀知得抑揚有準笑裏藏刀便知國師三與侍者三應將謂吾孤負汝却是汝孤負吾雖然且道節文在什麼

又那

南堂禪師語錄卷七

五

處擊拂子閃電爍開千聖眼好山多在太湖中上堂僧問和尚未見保寧時如何師云眉毛在眼上進云見後如何師云鼻孔大頭垂進云恁麼則全承渠力去也師云夜半放烏雞師乃云三世諸佛向火燄上轉大法輪演出一大藏火燄爲三世諸佛說法三世諸佛立地聽演入一大藏拈却一大藏與誰論出入點魚上竹竿俊鷄趁不及離四句絕百非小玉聲中得路歸活衮衮阿刺刺千里萬里橫該抹小衆大智非名真空絕跡欲得現前莫存順逆盡十方世界是箇華藏海盡十方世界是箇舍那身一椎

便就塞壑填溝不假一椎揮天鑑地可以弘揚祖道
可以建立化門可以全主全賓可以同生同死其或
情存限量識昧圓常枯木巖前寧免踉路僧問趙州
如何是不錯路州云識心見性是不錯路妙喜云棒
打石人頭剝剝論實事不用作禪會不用作道會你
要得不錯路直須是識心見性始得且作麼生是識
底心見底性有般漢便道有水皆含月無山不帶雲
恁麼見解正是鄭州出曹門大衆好本天下同豈不
見兜率悅和尚云撥草叅玄只圖見性卽今上人性
在甚處既見性了卽脫生死眼光落地時作麼生脫

聖述

南堂禪師語錄卷之三

六

脫得生死卽知去處四大分散時向什麼處去前箭
僧輕後箭深你禪和家出叢林入保社正是爲什麼
邊事你若能識自本心見自本性了便如白衣拜相
等閒平步丹霄出一言施一令自然風行草偃水到
渠成且不用倚人門戶傍人牆壁便能驅役一切
人一切人無有能驅役汝者豈不是大丈夫兒成就
大丈夫事若也尋言覓句逞解逞能以有思惟心測
度如來圓覺境界如取螢火燒須彌山終不能著以
拂子畫一畫云今夜羣陰剝盡明朝一陽復生大家
履踐通天路莫向如來行處行

復舉五祖演和尚云僧問趙州如何是祖師西來意
州云庭前栢樹子恁麼會便不是了也僧問趙州如
何是祖師西來意州云庭前栢樹子恁麼會方始是
師云一等是恁麼說話就中因甚有是不是山僧借
婆陵拜婆年去也幽幽寒角發孤城十里山頭漸杳
冥一種是聲無限意有堪聽有不堪聽久立珍重
上堂舉保寧和尚云若說佛法供養大衆未免眉須
墮落若說世法供養大衆入地獄如箭射去此二途
當說什麼三寸舌頭無用處一雙空手不成拳師云
用盡自己心笑破他人口

聖述

南堂禪師語錄卷之七

七

上堂雪嶺六年弄巧成拙出得身來天闊地闊好事
大家知今朝臘月八

仙巖仲謀和尚遺書至上堂杜城山頂打鳳羅龍黃
池水邊張蝦釣鼈逗到衣錦還鄉一朱斬釘截鐵如
今傀儡線索斷五色祥麟步天岸有伴何妨却再來
了却先師舊公案且先師公案作麼生了卓拄杖喝
一喝

上堂恁麼恁麼真不掩偽不恁麼不恁麼曲不藏直
恁麼中有不恁麼不恁麼中却恁麼南天台北五臺
一大藏教五千四十八卷半滿偏圓權實空有鳥窠

吹起布毛侍者便悟去即不問兔頭截角道將一勾
來明招云這裏風頭稍硬且歸煖處商量大衆隨至
方丈明招云纔到煖處便要瞌睡以拄杖一時趕散
通方上士未舉先知後學初機椎聲斷後

上堂顧視大眾云這裏莫有作家戰將麼時有僧出衆云盡大地是箇問頭和尚作麼生答師云遍虛空是箇答語是你作麼生領僧云萬福師云拄杖不在若希柄與你三十僧云諸方有明眼人在師云你莫是患盲麼僧無語師喝云將謂是收燕破趙之才元來也做未得行間小卒在出去師乃云若論戰也今

支那
述那

南堂禪師詩錄卷之七

个力在轉處到者裏直須通方上士本色英流寸外
不施全鋒敵勝其或未然擬議不來羈縻粉碎卓在
杖喝一喝下座

浙江紹興府余姚縣君子張廷實去名通政制
南堂丁菴禪師詔錄第 七卷伏願
松陵天食張萬對清 金陵薄澤榮
崇禎八年乙亥端陽日 姑蘇沈率園謹識

南堂了菴禪師語錄卷之七

南堂了菴禪師語錄卷之八

叅學比丘祖杲得度等編
明後學沙門兜率明聞重閱

舉古上

奉德山示衆云今夜不答話問話者三十棒時有僧出禮拜山便打僧云某甲話也未問山云你是甚處人僧云新羅人山云未跨船舷好與三十棒法眼云大小德山話作兩橛圓明云大小德山龍頭蛇尾雪竇云二老宿雖善裁長補短捨重從輕要見德山亦未可在何故德山大似握闌外威權有當斷不斷不

撰述那

南堂禪師語錄卷之八

招其亂底。劔諸人要識新羅僧麼。只是撞著露柱底。
瞎漢。

師云總謂德山勾賊破家者僧把髻投衙法眼圓明據案結款雪竇扶強抑弱逐惡隨邪如斯理論要契他古人直是白雲萬里當時者僧若是個漢見他道今夜不答話珍重便行非唯坐斷德山抑且光揚宗眼

舉雪峯普請次自負一束藤路逢一僧便拋下僧方擬取峯便踏倒歸舉似長生乃云我今日踏者僧快生云和尚替者僧入涅槃堂始得峯便休去雪竇云

長生大似東家人死西家助哀也好與一踏

師云雪峯是則下坡不走快便難逢若不是長生未免勞而無功雖然且道雪峯一踏何似雪竇一踏

舉仰山指雪師子云還有過得此色者麼雲門云當時便與推倒雪竇云只解推倒不能扶起

師云雲門推倒雪竇扶起直饒過得此色也未是金毛師子

舉香嚴垂語云如人上樹口卸一枝手不攀枝脚不踏枝樹下忽有問如何是祖師西來意不對則違他

支那

南堂禪師語錄卷之八

所問對則喪身失命正當恁麼時作麼生即是有虎頭上座上樹上樹即不問未上樹請和尚道香嚴呵呵大笑雪竇云樹上道即易樹下道即難老僧上樹也致將一問來

師云香嚴用盡神通不消虎頭一撥便乃四稜場地雪竇縱有生機也只扶他不起

舉僧問魯祖如何是不言言祖云你口在什麼處僧云某甲無口祖云將什麼喫飯僧無語雪竇云好劈脊便棒者般漢開口了合不得合口了開不得

師云者僧貪觀白浪失卻手橈若是箇漢待他道

你口在什麼處便與掀倒禪床非唯魯祖高豎降旗且免雪竇馬後喝節

舉僧問雪峯古澗寒泉時如何峯云瞪目不見底僧云飲者如何峯云不從口入僧舉似趙州州云不可從鼻孔裡入僧卻問趙州古澗寒泉時如何州云苦僧云飲者如何州云死雪峯聞舉云趙州古佛從此不答話雪竇云衆中總道雪峯不出老僧問頭所以趙州不肯如斯話會深屈古人雪竇即不然斬釘截鐵本分宗師就下平高難爲作者

師云雪峯一期答話不知犯著趙州痒處趙州忍

支那

南堂禪師語錄卷之八

三

後不禁不覺割著雪峯痛處痛處痒痒處處痛一時移在雪竇身上且道者僧還曾夢見也無

舉僧問西堂有問有答賓主歷然無問無答時如何堂云怕爛卻那僧去問長慶有問有答賓主歷然無問無答時如何慶云相逢盡道休官去林下何曾見一人雪竇云何不與本分草料

師云三頭兩面得人僧有問靈巖有問有答賓主歷然無問無答時如何只向他道甕裏何曾走卻

舉臨濟示衆云我於先師處三度問佛法的大意

三度喫六十拄杖如蒿枝拂相似如今再思一頭誰爲下手時有僧出云某甲下手濟拈棒度與僧擬接濟便打雪竇云臨濟放處較危收來太速

師云說什麼放去較危收來太速須知臨濟有陷虎機者僧未具透關眼待他道再思一頭誰爲下手便與掀倒禪床非唯坐斷者老漢咽喉抑且出身有路

舉欽山一日上堂竖起拳又開云開卽爲掌五指參差復握云如今爲拳必無高下還有商量也無一僧出衆竖起拳山云你只是箇無開合漢雪竇云雪竇

支那撰述

南堂禪師語錄卷八

四

卽不然乃竖起云握則爲拳有高有下復開云開則爲掌無黨無偏且道放開爲人好把定爲人好開也造車握也合轍若謂閉門造車出門合轍我也知你向鬼窟裏作活計

師云展也不是掌握也不是拳兩頭俱坐斷一劍倚天寒且道還有爲人處也無喝西風吹渭水落葉滿長安

舉僧問睦州高揖釋迦不拜彌勒時如何州云昨日有人問趕出了也僧云和尚恐某甲不實那州云拄杖不在若希柄脚與三十雪竇云睦州只有受壁之

心且無割城之意

師云雪竇與麼批判深屈古人山僧道睦州和梓托出只是罕遇知音

舉棗樹問僧近離甚處僧云漢國樹云漢國天子還重佛法也無僧云賴遇問著某甲問著別人卽禍生樹云作什麼僧云人尚不見有何佛法可重樹云闍梨受戒多少時僧云二十夏樹云大好不見有人便打雪竇云者僧棒卽契要且去不再來棗樹令雖行爭奈無風起浪

師云者僧句裏藏鋒棗樹棒頭有眼說什麼去不

支那撰述

南堂禪師語錄卷八

五

再來直須棒了出院

舉趙州問婆子什麼處去婆云偷趙州笋去州云忽遇趙州時如何婆便掌州休去雪竇云好掌更下兩掌也無勸處

師云將謂胡須赤更有赤須胡

舉保壽開堂三聖推出一僧保壽便打三聖云恁麼爲人瞎却鎮州一城人眼去在壽下座便歸方丈雪竇云保壽三聖雖發明臨濟正法眼藏要且只解無佛處稱尊當時者僧若是個漢纔被推出便掀倒禪床直饒保壽全機也較三千里

師云手眼通身拳躍相副保壽三聖固是作家若要發明臨濟正法眼藏直是未在雪竇道者僧若是箇漢便與掀倒禪床不是射鵰手徒說李將軍舉僧問無業如何是佛業云莫妄想雪竇云塞卻鼻孔又僧問馬大師如何是佛祖云卽心是佛雪竇云拄卻舌頭

師云塞却無業鼻孔拄卻馬師舌頭還見雪竇麼有意氣時添意氣不風流處也風流

舉德山因廓侍者問從上諸聖什麼處去山云作麼作麼廓云勅點飛龍馬跋盪出頭來山便休去至來

支那

聖賢師語錄卷之八

六

日山浴出廓過茶與山山撫廓背一下云昨日公案作麼生廓云者老漢今日方始瞥地雪竇云然精金百煉須要本分鉗鎚德山旣以已妨人者僧還同受屈以拄杖一畫云適來公案且置從上諸聖什麼處去大衆擬議一時打趁

師云德山固是作家爐鞴本分鉗鎚爭奈廓侍者是鍛過了底金從他以已妨人畢竟無屈可受靈巖與麼批判莫有爲雪竇作王者麼

舉保福簽瓜次太原乎上座到來保福云道得與你瓜喫乎云把將來福度瓜一片與乎乎接得便行雪

竇云雖是死蛇解弄也活誰是好手者試請辨看

師云猛虎口中奪食飢鷹爪下分食太原較些子保福若具奔流度亦底手待伊擬接便與拋向背後看他把什麼蛇弄

舉南泉示衆云道非物外物外非道趙州出問如何是物外道泉便打州云和尚莫錯打某甲向後錯打人去在泉云龍蛇易辨衲子難謾雪竇云趙州如龍無角似蛇有足當時不啻盡法無民直須喫棒了趁出

師云趙州物外相從善能回互南泉棒頭有準收

支那

聖賢師語錄卷之八

七

放自由雪竇雖欲盡令而行未具辨龍蛇眼

舉洞山到雲門門問近離甚處山云查渡門云夏在甚處山云湖南報慈門云幾時離彼山云八月二十五門云放你三頓棒山至來日却上問訊云昨日蒙和尚放三頓棒不知過在甚處門云飯袋子江西湖南便與麼去洞山於此大悟雪竇云雲門氣宇如王授著便冰消瓦解當時若據令而行子孫也未到斷絕

師云雲門買帽相頭雪竇因齋慶讚諸人要見洞山麼掀翻海嶽求知已撥亂軋坤見太平

舉馬祖因僧參乃畫一圓相云人也打不入也打僧便入祖便打僧云和尚打某甲不得祖靠拄杖休去雪竇云二俱不了和尚打某甲不得靠却拄杖擬議不來劈脊便打

師云殺人刀活人劍

舉興化問克賓維那云汝不久當爲唱導之師賓云不入者保社化云會了不入不會了不入賓云總不恁麼化便打乃云克賓維那法戰不勝罰錢五貫設饋飯一堂至來日齋時興化自白椎云克賓維那法戰不勝不得獎飯即便出院雪竇云克賓要承嗣興

支那撰述

南齊師錄卷八

八

化罰錢出院且置卻須索取者一頓棒始得且問諸人棒既喫了作麼生索雪竇要斷不平之事今夜與克賓維那雪屈以拄杖一時打散

師云興化全師出征克賓堅壁不戰及乎力盡伎窮未免牽羊納壁雪竇要斷不平直爲克賓雪屈會麼雖得一塲榮刑卻一雙足

舉僧問長慶舉手淘金誰是得者慶云有伎倆者得僧云學人還得也無慶云大遠在雪竇代者僧當時便喝復云有伎倆者得一手分付有伎倆者不得兩手分付學人還得也無蒼天蒼天

師云長慶和杓托出者僧當面踉蹌過雪竇忍俊不禁不免按牛頭喫草今日忽有問靈巖衆手淘金誰是得者只向他道物見主眼卓豎又問學人還得也無答云又爭惟得老僧

舉大慈示衆云山僧不解答話只是識病時有僧出大慈便歸方丈雪竇云大凡扶豎宗教須辨箇得失且大慈識病不答話時有僧出便歸方丈雪竇識病不答話或有僧出劈脊便打諸方識病不答話有僧曰必然別有長處敢有一箇動著大唐天子只三人師云雪竇可使千古流芳要且未得勦絕若據山

支那撰述

南齊師錄卷八

九

僧見處直須打了拖出何故大海不宿死屍

舉趙州到黃檗葉兒來便問却方丈門州於法堂上呼云救火救火葉兒出擒住云道道州云賊過後張弓雪竇云直是好笑笑頁三十年忽有箇衲僧問雪竇笑箇什麼笑賊過後張弓

師云重門擊拆黃檗過於隄防齧鐵破關趙州慣得其便雖然兩不相傷笑破雪竇鼻孔

舉僧問鏡清學人未達其源乞師方便清云是什麼源僧云其源清云若是其源爭受方便雪竇云死水裏浸卻有什麼用處侍者問適來成禪伊清云無者

云不成碗伊清云無者云和尚尊意如何清云一點水墨兩處成龍雪竇云猶較此子雪竇不是戒鏡清威光要與者僧相見是什麼源其源三十年後與你三十棒

師云鏡清一點水墨兩處成龍直得傾湫倒岳雲黯長空雪竇要滅他威光與者僧相見且款款地山僧見處也要諸人共知是什麼源其源劈脊便棒直下悟去裂破古今

舉僧問香林如何是衲衣下事林云臘月火燒山雪竇云臘月燒山萬種千般翹松鶴冷踏雪人寒達磨

支那
撰述

南堂禪師錄卷之八

十

不會大難大難

師云大小香林答話也不了僧問衲衣下事卻云臘月燒山累及後代兒孫築底分疎不下有問山僧如何是衲衣下事只向他道僧堪齋粥對賓客也勝時人著錦衣

舉雲門示衆云世尊生下一手指天一手指地周行七步目顧四方云天上天下唯我獨尊當時若見一棒打殺與狗喫御貴圖天下太平雪竇云便與掀倒禪床

師云老胡傍若無人雲門一棒打著雪竇掀倒禪

床正是助桀爲虐

舉國師三與侍者雪竇云點即到侍者三應雪竇云到即到不點將謂吾孤負汝誰知汝孤負吾雪竇云謾雪竇不得雲門云作麼生是國師孤負侍者處會得也是無端雪竇云元來不會門云作麼生是侍者孤負國師處粉骨碎身未報得雪竇云無端無端

師云有呼有應蓋是尋常負汝負吾翻成特地雲門雪竇不識好惡吹毛求疵拈拄杖畫一畫云當門不用栽荆棘後代兒孫惹著衣

舉僧問投子國師三與侍者意旨如何投子云抑逼

支那
撰述

南堂禪師錄卷之八

十一

人作麼雪竇云躲根漢僧問興化化云一盲引衆盲雪竇云端的陪僧問玄沙沙云侍者卻會雪竇云停囚長智僧問趙州州云如人暗中書字字雖不成文彩已彰雪竇便喝僧問雪竇雪竇便打也要諸方檢點乃成頌云師資會遇意非輕無事相將草裏行負汝負吾人莫問任從天下競頭爭

師云雪竇若無後語蹉過國師有僧問國師三與侍者意旨如何師云年老心孤復成一頌國師年老覺心孤三度頻將侍者呼饒汝粉身并碎骨不知酬得此恩無

舉僧問智門如何是佛門云踏破草鞋赤脚走僧云如何是佛向上事門云拄杖頭上挑日月雪竇云千兵易得一將難求

師云驢作驢鳴犬作犬吠

舉師祖問南泉摩尼珠人不識如來藏裏親收得如何是如來藏泉云王老師與汝往來者是藏雪竇云草裏漢祖云不往不來者泉云亦是藏雪竇云雪上加霜祖云如何是珠雪竇云險百尺竿頭作伎倆不是好手者裏著得箇眼賓主互換便能深入虎穴或不消麼縱饒師祖悟去也是龍頭蛇尾漢

支那撰述

南堂禪師語錄卷八

十三

師云南泉入草求人雪竇橫身虎穴且道師祖悟去畢竟承誰恩力者裏著得箇眼便見頭正尾正舉雪峯因僧禮拜峰打五棒僧云某甲有什麼過峰又打五棒雪竇云雪竇不會與人葛藤前五棒日照天臨後五棒雲騰致雨你若辨得也好與五棒師云什麼處得者消息來山僧道前五棒是騎虎頭後五棒是收虎尾若人辨得領取雪竇五棒不干山僧事

舉馬大師令智藏馳書上徑山山接書開見一圓相乃於中下一點封回國師問舉云欽師猶被馬師惑

雪竇云徑山被惑且置若將呈似國師別作箇什麼伎倆免被惑去有老宿云當時坐却便休亦有道但與畫破若與麼只是不識羞敢謂天下老師各具金剛眼睛廣作神通變化還免得麼雪竇見處也要諸人共知只者馬師當時畫出早自惑了也

師云欽師被惑國師被惑天下老師被惑至於馬師自惑雪竇無不檢點得出且道雪竇還免得麼山僧到此大似醒人看醉人不覺手舞足蹈喝一喝

舉鏡清問僧趙州喫茶去你作麼生會僧便出去清

支那撰述

南堂禪師語錄卷八

十三

云邯鄲學唐步雪竇云者僧不是邯鄲人爲什麼學唐步若辨得出與你茶喫

師云鏡清親見者僧是邯鄲人雪竇因什麼道不是拈拄杖畫一畫云有口不得茶喫者多

舉僧問雲門如何是法身上事門云向上與你道不難作麼生會法身僧云請和尚鑒門云鑒卽且置作麼生會法身僧云與麼與麼門云者箇是長連床上學得底我且問你法身還喫飯麼僧無語雪竇云將成九仞之山不進一簣之土過在什麼處

師云若論戰也箇箇力在轉處者僧收得眼來槍

頭早在雲門手裏直得上天無路入地無門雪寶更要進土在還委悉麼箭穿紅日影須是射鵝人舉趙州訪道吾纔上法堂吾云南泉一枝箭來也州云看箭吾云過州云中雪寶云二俱作家蓋是道吾趙州二不作家箭鋒不相拄直饒齊發齊中也是射梁漢

師云二老宿爾我同氣情均天倫自然手眼相似雪寶云直饒齊發齊中也只是射梁漢看則有分舉普化與臨濟一日同赴施主齋濟問毛吞巨海芥納須彌爲復神通妙用爲復法爾如然化趯倒飯床

支那撰述

南堂禪師語錄卷八

十四

濟云太龕生化云者裏是甚麼所在說麤說細濟休去來日又同赴一施主齋濟復問今日供養何似昨日化又趯倒飯床濟云太龕生化云陪漢佛法說甚麼麤細濟吐舌雪寶云兩箇老賊喫飯也不了好與二十棒棒雖行且那箇是正賊

師云雪寶與麼道也好與二十棒且道過在甚麼處不見道正賊走却邏蹤人喫棒

舉三角示衆云若論此事眨上眉毛早是蹉過麻谷出云蹉過卽不問如何是此事角云蹉過谷便掀倒禪床角便打雪寶云兩箇有頭無尾漢眉毛未曾眨

上說什麼此事蹉過有僧問眉毛爲什麼不眨上雪寶便打

師云麻谷掀倒禪床三肉便打作家作家眉毛爲什麼不眨上雪寶便打作家作家前面作家自是麻谷三角後面作家自是雪寶者僧只今莫有欲知此事者麼時有僧出劈脊便打復問云作麼生是此事僧提議師又打擲下拄杖分明記取舉似作家

舉睦州與僧大德僧回首州云擔板漢雪寶云睦州只具一隻眼者僧與旣回頭因甚卻成擔板

支那撰述

南堂禪師語錄卷八

十五

師云雪寶打失一隻眼者僧與旣回頭却是睦州擔板

舉巖頭叅德山纔跨門便問是凡是聖德山便喝巖頭便禮拜洞山聞云不是叅公也大難承當巖頭聞云洞山老漢不識好惡我當時一手擡一手搦雪寶云然則德山門下草偃風行要且不能塞斷人口當時纔禮拜將軍有嘉聲在不得封侯也是閑

師云家肥生孝子國霸有謀臣雪寶云然則德山門下草偃風行要且不能塞斷人口當時纔禮拜

劈脊便打非唯勦絕洞山亦乃把定發老說得道理好歸依佛法僧

舉則川與龐居士摘茶次士云法界不容身師還見我麼川云若不是老師洎答龐公話士曰有問有答蓋是尋常川不啻士云適來莫恠相借問麼川亦不啻士云者無禮儀漢待我一一舉似明眼人去在川拈茶盞便歸雪竇云則川只解把定封疆不能同生同死當時好與將下幘頭誰敢喚作龐居士師云說什麼將下幘頭當時便與一踏踏倒莫道法界不容身要且覓起處不可得

文耶
撰述

南堂禪師語錄卷八

十六

舉僧問雲門一言道盡時如何門云裂破雪竇彈指三下

師云白雲萬里

舉僧問睦州一言道盡時如何州云老僧在你鉢囊裏雪竇呵呵大笑

師云大蟲裹紙帽

舉本生以往杖示衆云我若拈起你便向未拈起時作道理我若不拈起你便向拈起時作主宰且道老僧爲人在什麼處時有僧出云不敢妄生節目生云也知關梨不分外僧云低低處平之有餘高高處觀

之不足生云節目上更生節目僧無語生云掩鼻偷香空招罪犯雪竇云者僧也善能切磋爭奈弓折箭盡然雖如此且本生是作家宗師拈起也天回地轉應須拱手歸降放下也草屨風行必合全身遠害還見本生爲人處也無復拈拄杖云太平本是將軍致不許將軍見太平

師云伎倆不如帳樣且道本生拄杖何似雪竇拄杖若也辨得天下橫行其或未然放在臥床頭急要打老鼠

舉僧問雪峯聲聞人見性如夜見月菩薩人見性如

文耶
撰述

南堂禪師語錄卷八

十七

晝見日未審和尚見性如何峯打三下其僧復問巖頭頭打三掌雪竇云應病設藥且與三下若擬令而行合打多少

師云前三後三應病與藥攄令而行別有一著顧侍者云且道是什麼一著侍者擬議便打出

舉太原孚上座叅雪峯至法堂上顧視雪峯便下看知事雪竇云一千五百人作家宗師被孚上座一覷便高豎降旗孚至來日入方丈云昨日觸忤和尚峯云知是般事便休雪竇云果然僧問雲門作麼生是觸忤處門便打雪竇云打得百萬箇有甚用處直

是盡大地人契棒方可扶登雪峯且道太原孚具什麼眼

師云眼眼相親心心相知僧問雲門作麼生是觸竹處門便打棒頭有眼明如日雪竇云打得百千萬箇有甚用處要識真金火裏看

吳江縣弟子淨願張雋敦刊
南堂了菴禪師語錄第八卷
先文學五嶽府君神棲安養弘誓深堅
母計氏法名淨心體悟真常道基永固
崇禎八年乙亥夏至日姑蘇沈率園謹識

南堂了菴禪師語錄卷之八

卷八

南堂了菴禪師語錄卷之八

八

南堂了菴禪師語錄卷之九

參學比丘祖杲得度等 編

明後學沙門兜率明聞重閱

舉古下

舉僧問智門如何是般若體門云蚌含明月僧云如何是般若用門云兔子懷胎雪竇云非惟把定世界亦乃安帖那家若善能參詳便請丹霄獨步

師云蚌含明月兔子懷胎什麼處得者消息來把定世界安帖那家且信一半

舉烏曰因玄紹二上座到曰云二禪客近離甚處僧

支那

南堂了菴禪師語錄卷之九

九

云江西曰便打僧云久聞和尚有此機要曰云爾既不會第二箇近前來僧擬議曰亦打云同坑無異土叅堂去雪竇云宗師眼目須至恁麼如金翅擘海直取龍吞有般漢眼目未辨東西拄杖不知顛倒只管說照用同時人境俱奪

師云烏曰當軒據坐正令方行者僧自遠趨風拚得契棒若是慣戰作家何處有烏曰也更若未曾看取雪竇葛藤

舉僧辭大隋隋問甚處去僧云峨眉禮拜普賢去隋豎起拂子云文殊普賢總在者裏僧畫一圓相拋向

背後隋云侍者將一帖茶與僧雲門別云西天斬頭截臂者裏自領出去雪竇云殺人刀活人劍具眼底辨取

師云文殊普賢總在者裏大隋只爲慈悲之故有落草之談僧畫圓相拋向背後咄者死蝦蟆隋云侍者將一帖茶與者僧是何心行雲門別云西天斬頭截臂者裏自領出去雪上加霜雪竇云殺人刀活人劍好手鑑不出

舉雪峯問僧見說大德曾爲天使來是否僧云不敢峯云爭解與麼來僧云仰慕道德豈憚關山峯云你

撰述

南堂禪師語錄卷之九

二

猶醉在出去僧便出峯乃召大德僧回首峯云是什麼僧亦云是什麼峯云者漆桶僧無語峯卻顧謂鏡清云好箇師僧向漆桶裏著倒清云和尚豈不是搥欸結案峯云也是我尋常用底忽若喚回是什麼被他道者漆桶又作麼生清云成何道理峯云我怎麼及伊你又道搥欸結案他與麼及我你又道成何道理一等是怎麼時節其間有得不得清云不見道醍醐上珠爲世所珍遇此之人翻成毒藥雪竇云看他父子相投言氣相合知之者謂粉骨碎身此思難報不知者謂扶高抑下臨危悚人毒藥醍醐千載龜鑑

還會麼者漆桶

師云者僧親爲天使來無端撞在漆桶裏雪峯鏡清素稱敏手要且救他不出毒藥醍醐千載龜鑑不是知心者徒勞話歲寒

舉僧問大梅如何是祖師西來意梅云西來無意僧舉到鹽官官云一箇棺材兩箇死漢玄沙聞舉云鹽官是作家雪竇云三箇也得

師云螳螂捕蟬

舉雲門問新羅僧你是甚處人云新羅人門云將什麼過海僧云草賊大敗門云爲什麼在我手裏僧云

撰述

南堂禪師語錄卷之九

三

恰是門云一任踈跳雪竇云雲門老漢龍頭蛇尾放過者僧爲什麼在我手裏恰是劈脊便打

師云者僧過得海來恰值落在雲門手裏雪竇推波助瀾可謂小出大過

舉北禪問僧近離甚處僧云黃州禪云夏在甚處僧云資福禪云福將何資僧云兩重公案禪云爭奈在我手裏僧云在手裏則收取禪便打者僧不甘隨後趯出雪竇云奇怪宛有超師之作還知者僧麼只解瞻前不能顧後若在雪竇手裏棒折也未放在師云一不做二不休打人須是鐵拳頭

舉睦州示衆云我見百丈不識好惡大眾方集以拄杖一時打散復召大眾衆回首丈云是什麼有什麼共語處黃檗和尚大眾方集以拄杖一時打下復召大眾衆回首檗云月似鸞弓少雨多風猶較些子雪實云說什麼猶較些子直是未在若據雪實衆集一時打下便休或有箇無孔鐵槌爲衆竭力善能擔荷可以籠罩古今乾坤把斷蓋拈拄杖云放過一著

師云三段不同收歸上科

舉玄沙見鼓山來作一圓相山云人人出者箇不得沙云情知你向驢胎馬腹裏作活計山云和尚又作

撰述

南堂禪師語錄卷之九

四

麼生沙云人人出者箇不得山云和尚與麼道得某甲爲什麼不得沙云我得汝不得雪實云只解貪觀白浪不知失卻手橈

師云道得也出者箇不得道不得也出者箇不得

貪觀白浪失卻手橈閑言語

舉南泉示衆云王老師賣身去也還有人買麼一僧出衆云某甲買泉云不作貴不作賤作麼生買僧無語臥龍代云和尚屬某甲禾山云是何道理趙州云明年與和尚做一領布衫雪實云雖則作家競買要且不解輪機且道南泉還肯麼雪實也擬者箇價直

今南泉進且無門退亦無用不作貴不作賤作麼生買別處客和尚不得

師云南泉善賣雪實善買牙保不來只成賒話不作貴不作賤遇物應緣乘巧便流出天涯也可憐不如且在家中轉咄

舉茱萸把一椀竹上堂云莫有虛空裏釘得極者麼時有靈虛上座出云虛空是極萸便打虛云莫錯打某甲更休去雪實云若要此道大行直須打了趣出師云茱萸空中釘極靈虛旱地遭釘雪實不曾盡法無民只要話行千古檢點將來總是一隊掠虛

撰述

南堂禪師語錄卷之九

五

漢

舉夾山與定山同行言語次定云生死中無佛則無生死夾云生死中有佛則不迷生死互相不肯同上大梅相見了具說前事梅云一親一疎夾問那箇親那箇疎梅云且去明日來夾至來日又問未審那箇親梅云親者不問問者不親夾山住後云我當時在大梅失却一隻眼雪實云夾山畢竟不知換得一隻眼大梅老漢當時聞舉若以棒一時打出豈止盡斷兩人葛藤亦乃天下宗匠

師云夾山失卻隻眼住後方知雪實盡斷葛藤作

得天下宗匠雖然李將軍有佳聲在不得封候也是閑

舉僧問保福雪峯平生有何言句得似於羊掛角時福云我不可作雪峯弟子不得雪寶云一千五百箇布衲保福較些子

師云做得雪峯弟子則不無要見於羊掛角三生六十劫

舉僧問長慶於羊未掛角時如何慶云草裏雲曾云掛角後如何慶云亂叶喚僧云畢竟如何慶云驢事未去馬事到來雪寶云寧可碎身如微塵終不藉箇

南堂

南堂禪師語錄卷九

六

衆生眼長慶較些子復云一般漢說使於羊未掛角也是萬里望鄉關

師云長慶恁麼答話暗卻天下人眼云在雪寶道終不暗箇衆生眼萬里望鄉關

舉僧問巴陵祖意教意是同是別陵云鷄寒上樹鴨寒下水僧問睦州祖意教意是同是別州云青山自青山白雲自白雲雪寶云問既一般答亦相似其中有利他自利瞞人自瞞若點檢分明管取解空第一師云鷄寒上樹鴨寒下水青山嵯峨白雲澹泞祖意教意在什麼處若約檢點分明有利無利不難

行市

舉趙州示衆云今夜答話去也有解問者出來時有僧出州云比擬拋擲引玉引得箇鑿子法眼遂乃舉問覺鐵背先師意作麼生覺云如國家拜將乃問甚人去得時有人出云某甲去得覺云汝去不得法眼云我會也雪寶云靈利漢聞舉便知落處然雖如是放過覺鐵背夫宗師語不虛發出來必是作家因什麼拋擲引鑿諸禪德要識趙州麼從前汗馬無人識只要重論蓋代功

南堂

南堂禪師語錄卷九

七

師云覺鐵背名宣字宣者便作屎臭氣人問拋

擲引鑿便謂如國家拜將當時法眼若解拈出本分草料何止清風萬里雪寶云靈利漢一舉便知落處豈堪共語雖然如是放過覺鐵背賴有此語舉耽源辭國師歸省馬祖於地上作一圓相展坐具禮拜祖云你欲作佛去源云某甲不解捏目祖云吾不如汝雪寶云然猛虎不食其子爭奈來言不豐諸人要識耽源麼只是箇藏身露影漢

師云耽源歸省獻箇胡餅馬祖舐膾自不勝情雪寶云然猛虎不食其子爭奈來言不豐檢點將來恰踏著耽源影子

舉馮山問仰山甚處來仰云中來馮云田中多少
人仰插鋤叉手而立馮云南山大有人刈茅仰拔鋤
便行玄沙云我當時若見踏倒馮子鏡清云不奈船
何打破耳斗僧問明招古人意在插鋤處叉手處招
喚某甲僧應諾招云還曾夢見仰山麼雪竇云諸方
咸謂插鋤話奇特也大似隨邪逐惡若據雪竇見處
仰山被馮山一問直得草繩自縛去死十分

師云馮仰父子一問一答未見請訛卻是玄沙無
風起浪鏡清云不奈船何打破耳斗一波纔動萬
波隨不是明招將下面皮來免總死在鋤子下雪

支那

南堂禪師語錄卷之七

九

寶云仰山被馮山一問直得草繩自縛去死十分
拙以已妨人

舉玄沙問僧近離甚處僧云瑞巖沙云瑞巖有何言
句僧云曾與主人公自應諾惺惺著他後莫受人謾
沙云一等是弄精魂也甚奇怪沙云何不且在彼中
住僧云已遷化也沙云如今還與得應麼僧無語雪
竇云蒼天蒼天

師云者僧只是接響承虛道聽途說若親從瑞巖
來因甚與不應雪竇云蒼天蒼天東家人死西家
助哀

舉大梅聞鼯鼠聲云即此物非佗物善自護持吾今
逝矣雪竇云者漢生前奔鹵死後顚預即此物非他
物是何物還有分付處也無有般漢不解截斷大梅
脚跟只道貪程太速

師云大梅平生脊梁硬似鐵未後向鼯鼠聲中全
然放倒雪竇不辨端倪卻道還有分付處也無更
要截斷他脚跟彌勒下生去

舉雪峯示衆云望州亭與汝相見了也烏石嶺與汝
相見了也僧堂前與你相見了也保福問鵝湖僧堂
前且置望州亭烏石嶺什麼處相見湖驛步歸方丈

支那

南堂禪師語錄卷之九

九

福便乃入僧堂雪竇云二老宿是即是只知雪峯放
行不知雪峯把定忽有箇衲僧出問未審雪竇作麼
生豈不是別機宜識休咎底漢還有望州亭烏石嶺
相見底衲僧麼良久云擔板禪和如麻似粟

師云我要問雪峯除却望州亭烏石嶺僧堂前什
麼處不是相見處我要問雪竇什麼處是雪峯把
定放行古人且置即今作麼生設有一箇半箇別
休咎識機宜豈不是爲衆竭力其或未然只知事
逐眼前過不覺老從頭上來

舉趙州問大慈般若以何爲體慈云般若以何爲體

州呵呵大笑至來日州掃地次慈邱問般若以何爲
禮州放下掃帚呵呵大笑雪竇云前來也笑後來也
笑笑中有刀大慈還識麼直饒識得也未免喪身失
命

師云是精識精是誠識誠

舉德山一日飯遲托鉢過堂雪峯見云耆老漢鐘未
鳴鼓未響托鉢向什麼處去山便歸方丈雪峯舉似
巖頭頭云大小德山不會末後句山聞令侍者喚來
頭至方丈問爾不肯老曾那頭遂密啓其意山至來
日上堂與尋常不同頭於僧堂前撫掌大笑云且喜

又那

南堂了義錄師語錄卷九

二

老漢會末後句他後天下人不奈伊何雖然如是也
只得三年活明招代德山云咄咄咄沒處去沒處去
雪竇云會聞說箇獨眼龍元來只有一隻眼殊不知
德山是箇無齒大蟲若不是巖頭識破爭得明日與
昨日不同諸人要會末後句麼只許老胡知不許老
胡會

師云末後一句始到牢關把斷要津不通凡聖巖
頭密啓其意赤土塗牛妳明日上堂與昨日不同
疑殺天下人殊不知德山年老成魔不是巖頭領
過莫道三年遷化更三十年也死未得在明招代

云咄咄咄沒處去沒處去知心能幾人雪竇云德
山是箇無齒大蟲若不是巖頭識破爭得明日與
昨日不同閉門不造車出門自合轍諸人要會末
後句麼海枯終見底人死不知心

舉雪峯一日見猕猴乃云者猕猴各各佩一面古鏡
三聖云歷劫無名何以彰爲古鏡峯云取生也聖云
一千五百人善知識話頭也不識峯云老僧住持事
須雪竇云好與二十棒者棒放過也好免見將錯就
錯

師云前番曾自可後箭射人深

又那

南堂了義錄師語錄卷九

二

舉僧問國師如何是本身盧舍那國師云與老僧過
淨鉢來曾將到淨鉢國師云卻安舊處者僧安舊處
直來問如何是本身盧舍那國師云古佛過去久矣
雲門云無朕迹雪竇云直得一手指天一手指地爭
得無還會麼雲在巖頭開不徹水流澗下太忙生
師云國師不得雲門泊好勞而無功總似雪竇未
免白日見鬼如今有問山僧如何是本身盧舍那
只向他道一氣不言含有象萬靈何處謝無私
舉僧問洞山時時勤拂拭莫遣惹塵埃爲什麼不得
他衣鉢山云直饒道本來無一物也未合得飽衣鉢

且道什麼人合得僧下九十六轉語皆不契末後云
直饒將來他亦不受山深肯雪實云他既不受是眼
將來底必應是瞎還見祖師衣鉢麼若於此入門便
乃兩手分付非但大庾嶺頭一箇提不起設使闍國
人來且款款將去

師云者僧下九十六轉語正是九十六種外道末
後道設使將來他亦不受稍有衲僧氣息雪實云
他既不受是眼將來底必應是瞎還見祖師衣鉢
麼若於此入門便乃兩手分付話作兩般非但大
庾嶺頭一箇提不起設使闍國人來且款款將去

漢述

南堂禪師語錄卷之九

十三

救得一半

舉僧問投子依稀似半月彷彿若三星乾坤收不得
師於何處明子云道什麼僧云想師只有湛水之波
且無滔天之浪子云閑言語雪實云投子古佛不可
道不知檢點將來直是天地懸隔纔問便和聲打

師云投子放頑天下人不奈何雪實提令未免犯
鋒傷手

舉洛浦久爲臨濟侍者到夾山問自遠趨風乞師一
接山云目前無關黎此間無老僧浦便喝山云住住
且莫草草忽忽雲月是同溪山各異坐斷天下人舌

頭卽不無爭教無舌人解語浦無對山便打雪實云
者漢可悲可痛鈍置他臨濟他既雲月是同我亦溪
山各異說什麼無舌人不解語坐具劈口便撼夾山
若是箇知方漢必然明窓下安排

師云洛浦未出臨濟門氣吞宇宙及至夾山面前
直是展手不得似者般漢不打更待何時雪實云
者漢可悲可痛鈍置他臨濟他既雲月是同我亦
溪山各異說什麼無舌人不解語坐具劈口便撼
見事不平爭忍得衲僧正令自當行

舉三聖問雪峯透網金鱗以何爲食峯云待汝出得

漢述

南堂禪師語錄卷之九

十三

網來卻向汝道聖云一千五百人善知識話頭也不
識峯云老僧住持事煩雪實云可惜放過好與二十
棒一棒也饒不得直是罕遇作家

師云三聖固是透網金鱗爭奈雪峯釣鼈手段聖
云一千五百人善知識話頭也不識等閑擺動三
山峯云老僧住持事煩坐得船頭穩當雪實云可
惜放過好與二十棒喝小神作麼

舉伏牛爲馬祖馳書到國師處國師問馬祖有何言
句示人牛云卽心是佛國師云是什麼語話良久再
問更有什麼言句牛云不是心不是佛不是物國師

云猶較些子雪竇代云當時便喝牛却問和尚此間如何示人國師云三點如流水曲似川禾鎌雪竇云是什麼語話也好與一撥見之不取千載難忘

師云伏牛也不虛行既識國師又識馬祖雪竇下者兩者不妨好手爭奈落在國師穀中具眼者辨取

舉玄沙問鏡清不見一法爲大過惠爾道不見什麼法清指露柱云莫是不見者箇法麼沙云浙中清水白米從你喫佛法則未在雪竇云大小鏡清被玄沙熱護我當時若見但只向道靈山授記也未到如此

文那
撰述

南堂師靈卷九

十四

師云雪竇只知鏡清被玄沙熱護不知玄沙被鏡清熱護靈山授記也未到如此護自己不過

舉先報慈問僧近離甚處僧云臥龍慈云在彼多少時僧云經冬過夏慈云龍門無宿客爲什麼在彼許多時僧云師子窟中無異獸慈云爾試作師子吼看僧云若作師子吼卽無和尚慈云念汝新到且放三十棒雪竇云奇怪諸禪德若平展則兩不相傷據令則彼此俱險還點檢得出麼

師云真師子兒善師子吼慈云念汝新到且放三十棒作家宗師天然有在雪竇云平展則兩不相

傷據令則彼此俱險鈎在不疑之地

舉船子云千尺絲綸直下垂一波纔動萬波隨夜靜水寒魚不食滿船空載月明歸雪竇云者漢勞而無功忽若雲門道一句合頭語萬劫繫驢楸又作麼生免得此過良久云莫謂水寒魚不食如今釣得滿船歸

師云不貪香餌味可謂碧潭龍雪竇云莫謂水寒魚不食如今釣得滿船歸跋鼈盲龜有甚用處

舉投子問巨榮禪客老僧未曾有一言半句掛諸方耳目何用要見老僧僧云到者裏不施三拜要且不

文那
撰述

南堂師靈卷九

十五

甘子云出家兒得與麼沒碑記僧遶禪床一币而出子云有眼無耳柔六月火邊坐雪竇云也不得放過纔轉便與擒住便喝云是誰不甘若跳得出不妨是一員衲僧

師云老僧未有一言半句掛諸方耳目何用要見老僧是何相待僧云到者裏不施三拜要且不甘出乎爾反乎爾出家兒得與麼沒碑記靠倒者僧僧遶禪床一币而出若是德山臨濟棒折也未放在雪竇云也不得放過纔轉便與擒住喝云是誰不甘若跳得出不妨是一員衲僧識甚好惡

舉祖師道六塵不惡還同正覺雪竇云拄杖子是塵
有什麼過過既無應合辨至所以道糞掃堆頭丈六
金身拈向一邊赤肉團上壁立千仞又放過一著直
饒八面四方正好連架打

師云聞見覺知無障礙香味觸常三昧穿却祖
師鼻孔換却雪竇眼睛莫有獎得棒底漢麼靠拄
杖放過一著

舉古云眼裏著沙不得耳裏著水不得有般漢信得
及把得住不受人謾祖佛言教是甚麼熱碗鳴聲便
請高掛鉢囊拗折拄杖管取一員無事道人又古云

支那

南堂禪師語錄卷之三

七

眼裏著得須彌山耳裏著得大海水一般漢受人商
量祖佛言教如龍得水似虎靠山卻須挑起鉢囊橫
擔拄杖亦是一員無事道人復云恁麼也不得不恁
麼也不得然後沒交涉三員無事道人中要選一箇
爲師

師云高掛鉢囊拗折拄杖未是無事道人挑起鉢
囊橫擔拄杖亦未是無事道人與麼也不得不恁
麼也不得然後沒交涉亦未是無事道人卓拄杖
喝一喝木馬火中嘶黃昏後日出
舉安國問僧得之於心伊蘭作旃檀之樹失之於旨

耳露乃蒺藜之園我要箇語具得失兩意僧豎起拳
云不可與作拳頭國云只爲與作拳頭雪竇云無繩
自縛漢拳頭也不識

師云我不似安國論得論失一語兩意拈拄杖我
此拄杖能殺能活活中有殺殺中有活或則殺活
同時或則殺活不同時若善用去世出世間無法
不備便乃縱奪可觀卷舒無礙若用不得總是無
繩自縛

支那

南堂禪師語錄卷之三

七

同州府烏程縣信官丁樹木
蘇州府吳江縣信官丁樹木
吳縣信官吳二思 弟于丘辰起共刻
南堂丁菴禪師語錄第九卷
松陵天食張萬對稿 金陵蔣季榮刻
崇禎八年乙亥夏至日 姑蘇梵率園謹識

南堂了菴禪師語錄卷之十

參學比丘善慶元寶慧訓等編
明 後學沙門兜率明聞重閱

法語上

示欽維那

士之慕於道者日用曼然與流俗異鞠其所存未始不由悅信痛敬而能致然者雖安利勉行之不同其為敬信則一也何則非敬則無以起信非信無以成敬始於一念終於永劫而莫我渝者其惟大丈夫哉嘉禾欽維那頃嘗從予遊澹靖淳謹切切於斯乃以

支那撰述

南堂禪師語錄卷之十

一

敬菴榜其室求子發其義以道其至庶幾不陷於邪妄之域子既憐其誠而壯其請謂之曰大哉敬乎三世聖人歷代開士莫不自此而出三千威儀八萬細行莫不自此而生神通光明辯才智慧菩提涅槃真如解脫莫不由斯而起三塗六趣生死輪迴煩惱塵勞無明惡業莫不由斯而斷斷無所斷無所不斷起無所起無所不起生無所生無所不生出無所出無所不出如是了知如是成就於法於心離諸執著所謂是真精進是名真法供養如來豈惟天台智者親見靈山一會儼然未散當知山僧即今與汝向多寶

塔中平分半座如是如是雲開日出不如是不如是地裂天崩如是有不如是不如是中却如是打失鼻孔與却眼睛欽維那惺惺著也時後日莫受人謾

示寶藏主

學此道者大貴精敏而沉潛精敏而不為物惑沉潛而不與物競不為物惑則虛而靈不與物競則寂而妙然精敏沉潛亦豈易至哉良由內見通明前境湛淨莫非夙有靈骨具大智慧觸境遇緣不待照燭而諸法自泯六根互用一體同觀不帶不著離諸色相所以觀自在行深般若而五蘊皆空度一切苦厄便

支那撰述

南堂禪師語錄卷之十

二

是者箇時節者箇時節不從人得只消日用現行常自檢點世出世間何處有一法可得擔帶直是淨裸裸赤洒洒上無攀仰下絕已躬常光現前壁立萬仞如大火聚一切物近傍你不得如太虛空一切物栖泊你不得自家涵養資人鍛鍊却要就本色爐鞴惡辣鉗鎚發大勇猛不退不怯自然久久入妙堪為法器非惟自利亦可利人回入塵勞普攝羣有總是菩薩不思議解脫境界又何佛法玄妙向上向下之足芥蒂耶古人道得坐披衣向後自看決非小緣却須努力

示果藏王

學道之士爲生死未明尋師決擇自非志量宏遠氣
岸卓絕未免半信半疑半進半退終於無益李都尉
云參禪須是鐵漢著手心頭便判直趣無上菩提一
切是非莫管須是恁麼始得

人身難得正法難逢既得人身又逢正法於此不堅
確勇猛究竟到百了千當處誠爲無知人也無知之
人與草木何異以余觀之草木尚有用無知之人將
焉用乎無用且置然而自暴自棄汨沒生死何時而
出可痛惜也

文選

南堂禪師語錄卷之十

三

心性無染本自圓成但離妄緣卽如如佛迷則違真
逐妄悟則舍妄歸真到得真妄雙融迷悟無寄然後
隨緣消舊業任性樂天真興慈運悲極濟孤露忘能
所滅影象爲過量人住過量境界作過量事豈不綽
綽然有餘裕哉

示快藏王

王老師道盡大地覓箇癡鈍人難得須知此事不可
以聰明靈利計較機謀而得學道之士死却偷心百
不知百不會如土人木偶一念萬年去一條白練去
古廟香爐去始有少分相應死得絕氣息了忽然猛

省如睡夢覺如蓮華敷歷劫未明之事廓爾現前百
千神通門百千三昧門乃至一切戒門定門慧門悉
自具足然後靠著著本色交猪狗宗師相與入泥入水
上刀山入火聚鼻孔相挨眉毛厮結徹頭徹尾同死
同生拳來擲去表却目前機脫去胸中物回視三世
諸佛歷代開士天下老和尚所有伎倆不勘自敗等
閒拈一莖草作丈六金身將丈六金身作一莖草收
放自在殺活縱橫設使德山臨濟雲門趙州再出頭
來也須斫額有分自餘半青半黃依草附木精靈望
涯而退不在言也扶桑快藏王天資俊敏而能下遲

文選

南堂禪師語錄卷之十

四

鈍工夫益從道場雙殺大爐鞴中鍛鍊已久不妨是
一枚法器將還本國接物利生卒未能相見欲得法
語以助進脩觀其趣向決不肯辱師友負初心乃爲
書此若是無智人前又安敢妄通消息哉

示景維那

古來行脚高士爲生死未明尋師訪道賣却布單不
問千里萬里但有本色宗匠可以依歸者枕深梯險
不惜軀命以從之遊冀其一言開發蒙昧至於大安
樂田地而後推以及物非所謂遊州獵縣看山門境
致而已近日法道陵替居師位者出於僥倖不本宗

猷欲詭浮名循習蠅黷務多其類以爲接人新進後生一乍入衆無所知覺撞入網中不能自出將謂宗門事止於此政如經鮑魚之肆不知與之俱化耳餘波末流靡所不至抑少室之道廢興有數乎然而諸方大利星羅棋布又焉敢謂盡無作者以極淪溺殆恐魔強法弱蔑如之何耳豈不見大愚和尚云大家相聚喫葢薑若喫作一葢薑入地獄如箭射者箇便是揚岐金剛圈栗棘蓬底消息蓋從上諸祖垂一機示一境莫非與人解黏去縛抽釘拔楔初無二致所以雲峯悅禪師服勤既久用心益固及乎打破漆桶

支那撰述

南堂禪師語錄卷十

五

走上方丈志納其屨大愚望見之便云維那且喜大事了畢看他先德一啐一啄直是透頂透底總似今時何處有宗門事耶建溪景維那方事偏參求語爲龜鑑會余謝事杜門而請不已不覺引起葛藤亦何異靈龜曳尾哉

示世侍者

世出世間只一句子逆順縱橫無有不在此中也得之於心應之於手則八萬四千塵勞塵塵解脫八萬四千法藏法法全彰可以津濟四生可以梯航九有不著佛求不著法求不著僧求但能於趙州狗子佛

性話上啐地折剝地斷自然百了千當矣其或未然莫道坐破七箇蒲團走遍四天下於此事料掉沒交涉世侍者爲者一句子使得來大唐國裏東尋西討大似超越首燕不知不覺被人指到山僧處喫了多少飽置看渠儘自耐得拳躍所謂大冶精金應無變色昔大隋索七十餘貫等知識於其中間具大眼目者只有一二且作麼生是具大眼目者於斯了了始可能參脫或躊躇鄮關萬里

示光藏主

我觀如來大光明藏出生一切諸光明海若聖若凡

支那撰述

南堂禪師語錄卷十

六

情與無情無有不具此光明之體顯示此光明之用本末全收卷舒無礙自利利他無有窮盡如大日輪升於虛空普照一切無有分別能照所照二俱空寂而諸有情資其照臨各各成辦所作事業從始洎終各不相知亦不相借殆不知所以然而然而放日光明照無所虧滅斯蓋本有靈明不從他得而昧者不悟豈終昧也夫儻能一念回光便同本得故曰道不遠人卽心而證其不然哉

示化主

僧問雲門如何是塵塵三昧門云鉢裏飯桶裏水靈

利漢向者裏壽提得去直饒覺長河爲酥酪變大地作黃金供養你也未爲分外其或未然幸有七佛已前一段奇特大事不妨信受奉行左穿通衢右入聚落徑透千門萬戶撞著一箇半箇徹底知音便見所作已辦滿載歸來教他一衆飽夠地去豈不快哉靈巖山中自圓照慈受闡化之後未曾有用這一著者山僧此來承乏比及三年方外高人來茲道聚朝鐘暮鼓粗成叢林不謂丁茲歉歲糧食既匱而戶外之屢益增郤之弗可延之無術念念欲棄去忽思量妙喜樹倒胡孫散之語以告二三友忽徑山霖首座

支那

南堂禪師語錄卷之十

七

雲寶璣與二藏王翠山帝藏主巧琅殊維那等以持鉢爲告余笑而謂之曰是豈爾輩所能爲哉夫比丘之法內摧我憐外絕貢高方行等慈鋪心如地猶恐觸境遇緣有當不過處而況有生以來受用自在一旦屈已從人未見其可雖然東山有云至辱莫若乞至樂在無求苟得無求旨雖乞吾何羞淨名道於食等者於法亦等於法等者於食亦等汝能敗於佛謗於法不入衆數乃可受食行矣厚自愛

示帝藏王

識心達本元故號爲沙門非徒方服圓顙之謂也然

心體虛寂普應萬機終日作用而有不知之者舍而他求求佛求祖求禪求道誠爲顛倒苟悟自心全體洞達則不爲法縛不求法脫便見佛祖禪道皆具於我而無一法從外而至者真了事人也

僧問趙州云狗子還有佛性也無州云無此箇公案流落叢林在學道之士未有不提撕參究之者於此悟入者固多而錯會者亦不少五祖和尚云趙州露亦飢寒霜光談談更擬問如何分身作兩段這箇便是見得他舌頭落處底樣子後來佛性泰和尚云只一露亦飢已一時領了後面三句皆是展演之言妙

支那

南堂禪師語錄卷之十

八

喜深以爲然以知得底人拈將出來不妨唱拍相投言氣相合若是承言滯句識情卜度之徒按圖索驥驢年去一大藏教是箇切脚且道切箇甚麼演祖云鉢羅娘者老漢初年行脚見浮山圓鑑和尚嘗請益興化卒風暴雨話圓鑑云我有一箇喻子說與你三家村裏賣柴漢子肩頭夯一條檐却問中書堂今日商量什麼事演祖遂低頭云恁麼則大遠在因見白雲咬破一箇鐵酸餡直得百味具足便是師子返嚮動是驚人一日三佛立問云佛身無爲不墮諸數和尚作麼生說祖云譬如摩尼映於五色摩尼喻佛身

五色俞數三佛退而議曰者老漢真是箇老大蟲若是我輩非數紙如何說得了殊不知過量人提持過量事自然不費力豈不見維摩會中三十二菩薩各說不二法門雲興餅瀉莫不自謂契理契機維摩默然無語文殊便乃讚云是知無言無說是真入不二法門咄識甚好惡要知向上宗門爪牙解不爾者無他見處透脫力量充足自然水到渠成風行草偃綽綽有餘裕也其或見不透脫力量不充依墻傍壁終無自由分

示道侍者

文部

南堂禪師語錄卷十

九

大道只在目前要且目前難親欲識大道真體不離堅色言語動用了無交涉畢竟大道真體在甚麼處看他古來老宿提持箇事如日行空如風吹水靈利漢一見便見不假思惟而大道真體不間毫髮所謂啐地折案地斷自然不借別人鼻孔出氣也佛祖出興莫過爲你作箇先導豈有法可傳授哉故曰大事替你不得小事各自承當阿難曰將謂世尊惠我三昧不知身心本不相代其不然哉二祖云我心未安乞師安心達磨云將心來吾與汝安心竟政如推門入臼覓心了不可得達磨云與汝安心竟政如推門入臼

若是方衲圓鑿則無相應日子矣

弟子求師易師求弟子難從上列祖於千萬人中撈漚一箇半箇何異披沙揀金將知真正衲僧端不易得黃梅會中有七百衆而衣盂獨付盧行者此事豈可龜心若是未得謂得未證謂證見勝進者心生嫉妬皆增上慢之流耳央欲究明千聖頂額上一著除非具鐵石身心有吞佛祖底氣槩始堪持論豈不見大隋參七十餘員善知識具大眼目者只有一二以此言之則弟子求師亦不易也

文部

南堂禪師語錄卷十

十

吳門光福居比丘淨修徒本懷捐鉢資數列
南堂了菴禪師語錄卷十
松陵天食張衡對稿 金陵蔣淨樂制
崇禎八年二月佛成道日 姑蘇電率劇謹 識

南堂了菴禪師語錄卷十

南堂了菴禪師語錄卷之十一

參學比丘善慶元寶慧明等編
明後學沙門兜率明聞重閱

法語下

示宗藏主

佛佛授手祖祖相傳莫非以心印心將法付法會無一毫自外而至者惟是氣類相合機感相應發得出來自然出人意表蓋本於正因不染邪解如芬陀利華雖生於泥中一點也需他不著然而真性明妙本自天然一念回光便同諸佛豈不見大梅見馬祖只

又那

南堂禪師語錄卷十一

一

於即心是佛言下便得安樂水潦遭一踏遂乃呵呵大笑至於雪峰觀毬俱抵豎指是皆生佛未具已前揭示此箇無爲宗旨豈有玄妙密室分付疑誤後學者哉近時法道不振邪解紛然各各自謂得上人法羅却百千衆胡言漢語如病狂相似全無愧耻而入衆兄弟既非正因皮下無血眼裏無筋將謂佛祖之道止如此通相沿襲蕪穢先宗良可嘆息除非風有靈骨不受人謾超然穎脫不與俱化日用應緣惟以從上佛祖爲標榜專一其心發弘誓願於此生中成就百千萬劫莫大之事親近一箇半箇真善知識入

其鑪鑪受得鉗鎚鍛鍊磨礱洞絕瑕類方始是到家時節然後隨緣任運推以及人以報佛祖庶不虛來人間打一轉也

示胤侍者

真性心地藏無頭亦無尾應緣而化物方便呼爲智其可以有作思惟而得之哉直須斷却心思意想於一切時中豎起脊梁卓卓地提持古德一則話頭等自消息放教精精靈靈不墮在昏沉掉舉處則廓徹靈通凝然湛寂更不起第二念所以道不與諸法作對便是無諍三昧永嘉云亦無人亦無物大千沙界

又那

南堂禪師語錄卷十一

二

海中漚一切聖賢如電拂若也麤心便謂得大安樂正是大病先聖目之爲解脫深坑有氣息底終不坐在者裏真淨云活衮衮明落落拈便起把便撲直下似俊鷹快錫其肯打死兔耶

聲前領旨猶迷顧鑑之端句後明宗尚昧識情之表絲毫係念三途業因瞥爾情生萬劫羈鎖要須如獅子王哮吼一聲直使狐狸野干悉皆屏迹方可作本分道流若是隨群逐隊醉色沉聲一味踈狂謾神嚇鬼到處逢人亂呈槽袋道我能解將他古人好言句都看壞了從而教人逆相欺誑凌滅宗風真是地獄

種子也爾輩後生越色力強健快須決擇教明白見此等人便合敬而遠之政不必與較得失也但念從無量劫來於生死海中頭出頭沒今幸為人遭逢聖教既被法服粗稱沙門試觀他釋迦老子出胎修道成佛度生所有法門自何而起自滅度後大法東漸諸祖迭興提持正印甚生標格只如道未離兜率已降王宮未出母胎度人已畢又云始從鹿野苑終至跋提河於是二中間未嘗說一字且四十九年三百餘會種種行相作麼生消遣到者裏一法不明翳汝眼睛眼睛不明世界崢嶸忽若一息不來便登鬼錄

反邪
撰述

南堂語錄卷十一

三

前路漫漫未知何往良可痛心故先德以生死事大無常迅速切切於懷大事未明如喪考妣大事已明如喪考妣豈有閒情妄為雜事哉

示興藏主

宗門中事只貴真參實悟不消啜地一聲自然透頂透底若未得這一解未免方寸間鬱鬱地不得快活譬如患病之人本為風寒所搏驀地得服良劑出得一身白汗知他四大有許輕安耶既得輕安却須保養神氣平復方禁得磕轍萬一失守舊病復作則不可救也僧問雲門如何是佛門云乾屎橛這裏悟

得豈不快哉儻涉思惟白雲萬里

但得本莫愁末何謂本何謂末識心元性是本說禪說道是末你若識心見性了信口而說信脚而行無非禪道苟遺其本而取其末所謂業識茫茫無本可據

學道之人不識真只為從前認識神無量劫來生死本癡人與作本來人學者不善區別妄認識心以為自己教中所謂認賊為子其家財寶終不成於淨名云法離見聞覺知若行見聞覺知是則見聞覺知非求法也六祖大師云見聞覺知無障礙聲香味觸常

反邪
撰述

南堂語錄卷十一

四

三昧如易空中只麼飛無取無舍無憎愛這箇始是到家說話要得相應一念未興已前急著眼看學此道只貴腳踏實地靠實而行若纖毫許掠虛總落魔界打頭一著且論見地明白不受境惑十二時中便得力也你若見不透脫如何做得過量邊事古德道設有一法過於涅槃吾說亦如夢幻若是已眼未開如何會得是他向上人行履處如金剛談如猛火聚無你近傍分不是強為法如是故佛法本無玄妙只是自家本分事只為拋家失業玲瑯日久一乍入門覺得奇特及乎穩坐家堂一切境

界莫匪尋常自然不驚怪也臨濟云元來黃葉佛法無多子便是這箇消息耳

佛道懸曠久受勤苦乃可得成不是見得會得了便休是他先聖入水入泥安住無功用大人境界其可蠱心乎末世比丘連得些子影響便謂百了千當經不看佛不禮一朱貢高妄自尊大圖人贊歎以規利養迺相欺誑習以成風真可憐憫有志之士政須以古人為標榜慎勿隨順顛倒也

示燈藏主

從上佛祖開示此道無過使人各了本心本性不為

妄那

南臺禪師錄卷十一

五

外物所誘卽是出世邊事非謂別有法可傳授也但於日用二六時中猛著精彩虛明寂照截斷諸緣澹泊無爲而不得泛應則工夫純熟打成一片不妨隨自己力量而行但有一毫利益於人之事勇而爲之無利益事自不復作亦無能爲所爲之相迺絕功助功助絕則損益之念不興然而逆順境界不著照了當體寂滅矣祖師云心隨萬境轉轉處實能幽隨流認得性無喜亦無憂一種平懷泯然自盡是也古德提唱一言半句皆為慈悲之故發揮千聖著眼不及處一著子以破後昆之情執貴圖作箇洒洒落落地

漢豈有毛髮玄妙可秘重哉後世庸妄素無知識將謂有佛有法有禪有道可以傳授奴郎不辨玉石不分東奔西馳隨聲逐色業緣成熟流入魔黨各各自謂得上人法通相欺誑自誤候他良可太息除非宿有靈骨不受渠謾直似玄珠下於濁水不與俱化則救得一半耳大凡學佛學祖直須所見所行出他一頭地始得脫或徒有其言而無其志所謂身雖出家心不入道究竟為邪師所攝無疑矣古人云為高必因丘陵為下必因川澤衲僧家一出一處可不慎哉

示覺首座

妄那

南臺禪師錄卷十一

六

曹溪流非止水一滴忽來千波競起灼然是有這箇道理若是力敵勢均不言可知稍涉思惟白雲萬里如今未到箇般田地不免與作移換人須知宗門中向上事斷斷是別直饒究竟到不疑之地苟大法不明總成土苴豈不見興化在三聖處作首座嘗云我向南方行脚一遭拄杖頭未曾撥著一箇會佛法底雷聲浩大三聖聞得乃問你具什麼眼化便喝雨點全無聖云須是你始得是何心行化休去咄聖亦休去咄大覺聞得乃云爭得業風吹到大覺門下來化後到大覺大覺請為院主蓋與大覺元是同叅一日

覺喚院主我聞你向南方行脚一遭拄杖頭未曾撥著一箇會佛法底你具什麼眼探竿影草化便喝不勞再勘大覺拈棒化擬議有甚用處覺便打矢在弦上不得不發化又喝棺木裏瞪眼覺又打灸瘡痕上重著艾炷化明日從法堂上過覺喚院主我直下不疑你昨日兩喝你爲我說來爲人須爲切化云某甲於三聖邊得箇實主句總被師兄折倒了也與某甲一箇安樂法門老鼠入牛角覺云者瞎漢來者裏納敗闕脫下衲衣痛與一頓殺人須見血化於言下識得臨濟在黃檗處喫棒底道理精金百鍊要須本分

支那
撰述

南堂禪師語錄卷二

七

鉗鎚豈是麻纏紙裏底生活者一段說話蘊在胸中有年矣未曾敢容易對人拈出法姪本心覺首座自曹溪分座而來頂門正眼爛破四天下雨窻拈出以資法喜明日東還見老松月却煩借問如今何處有者箇消息不妨因風語我幸甚

示暢藏主

實際理地不受一塵理隨事變萬行門中不捨一法事得理融事得理融也寬廓非外理隨事變也寂寥非內古來達士學到聖凡情盡自然體露真常遇物應緣觸目無滯猶未是向上人行履處所以雲門大

師道直得盡乾坤大地無纖毫過患猶是轉句不見一色始是半提更須知有全提時節一般漢認得些子影響便乃稱揚稱鄭眼空四海疑悞後學出佛身血若是眼裏有筋底終不肯受他籠絡舉一步抹過千聖頂門拈一機捩轉衲僧鼻孔豈待天魔外道窺覷無門便是四七二三斫額有分豈不見巖頭衆德山纔跨門便問是凡是聖山便喝頭便禮拜洞山問云不是叢公也大難承當頭問云洞山老漢不識好惡我當時一手搥一手搨又不見德山見馮山直上法堂東西顧視云無無便下去至山門首復云也不

支那
撰述

南堂禪師語錄卷二

八

得草草再具威儀上方丈相見便云和尚馮擬取拂子德便喝背却法堂著草鞋便行至晚馮問首座新到在麼座云當時便去也馮云此子已後向孤峯頂上盤結草庵訶佛罵祖去在你看他古人一挨一撥略露風規非惟虎驟龍驟直得天回地轉豈似今時叢林無著眼處政不知諸大老向什麼處去也雪竇暢藏主東嘉俊流有志相從江心無言春雨無際隱巖仲謀作偈督遣之業已成行以母病中止未幾會余謝事巖頂甚不自滿茲來南堂道義真切因出三老之偈余爲和之既而又欲法語爲隨身徽戒不惜

口業切切怛怛寫此一絡索使其知有宗門體裁脫
若一念相應踏著實際理地遊戲萬行門中涵養磨
鍊無滲漏絕依倚撞著交錯向手段千盤萬折透出
金鎖玄關然後轉向德山巖頭洞山雲門心眼不及
處插得手豈不是一員本色道人耶到者裏方知從
始泊終未嘗不與山僧把手共行矣又何親疎遠近
之足云乎哉

示祖滿首座

大丈夫乘慧劍般若鋒今金剛鍊非但空摧外道心
早曾落却天魔膽此永嘉大師見曹溪後顯發自得

文那
撰述

南堂禪師語錄卷十一

九

自證三昧以示後人之語也看他初到曹溪繞床振
錫底氣象直是卓絕超邁故其所得不在一切人下
雖與一切人同處一切人構他不得除非同得同證
者瞥爾相逢一挨一拶略露風規自然驚天動地豈
似今時兄弟猥瑣偏躡傍人門戶記持野狐涎唾到
處討人商量貴圖口裏有得說手裏有得寫逞能逞
解以當參學將謂少林直指之道如此而已誠爲苦
屈教中所謂棄却百千澄清巨海惟認一浮漚目爲
全潮可憐也哉當此法道下衰之秋全藉有志朋友
發勇猛心立深重願將從前所蘊惡知惡覺盡情颺

同他方世界外內不放出外不放入寂寂惺惺不與
一法作對超然任運兀爾忘緣行任坐臥常將生死
事大無常迅速時時舉覺脫或向眼不見鼻孔處見
得眉毛在眼上則體本無生了卽非速豈永嘉所得
專美哉到此境界却須靠著本色宗匠爐錘鍛鍊敲
打出來不妨是箇法器堪以荷負宗門至於從上佛
祖機緣無間平易險峻深密淺近相應不相應瞭然
如人飲水冷暖有不俟言而知矣然後沉浸涵養日
久歲深力量充足日用應緣縱橫得妙爲人自爲總
在其中日損日益初無二致此乃文殊普賢大人境

文那
撰述

南堂禪師語錄卷十一

十二

界決非陋劣種性所可企及者也

示壽藏主

先輩灰心泯志深山窮谷中木食澗飲其爲枯槁有
不可勝言而處之自若者自非明見本體與佛祖同
一受用其能致是哉蓋緣末上根脚下打辦得乾淨
而風有靈骨稟有智願一出頭來便自穎脫古今天
地古今日月古今人倫何古人所能今人莫能彷彿
耶且諸訛在什麼處竊嘗觀之太凡今人自始至終
鮮有具正因者剝染行腳撞入邪師惡友羣類中見
聞覺知無非聲色交互之事雖有菩提種子不能發

生究竟薰鍊成熟築底是箇業識團子也所得既是
不真觸者則是非人我得夫欣厭交戰於胸中因循
苟且通相欺誑借使千佛出世也收不得除非自解
猛省一刀截斷靠著本色師發動靜施爲一以古來
明眼尊宿爲標榜直將生死事大無常迅速爲念理
會教徹頭徹尾然後發揮靈智開示後人則不負父
母師友生成之德耳舍此則無所取矣
山僧自初行脚見善知識未嘗有一點玄妙解會在
胸次中但能於一切處一切時不受人欺耳惟其不
受人欺故不自欺惟其不自欺所以不敢欺於人未

支那
撰述

南堂了菴欲禪師語錄卷十一

十一

上下稍只以正智獨照然而照中無智智中無照以
要言之則古人所謂紅爐上一點雪便是者箇消息
也

吳門天宮寺比丘宏機同徒永行捐鉢資敬刻
南堂了菴欲禪師語錄卷十一
松陵天宮張萬對稿 金陵時淨榮刻
崇禎八年乙亥重陽日 姑蘇沈孝周謹識

南堂了菴欲禪師語錄卷之十一

南堂了菴欲禪師語錄卷十二

參學比丘一志元皓等 編

明後學沙門兜率明聞重閱

普說

普說釋迦老子三大阿僧祇劫來做盡伎倆至於離
兜率降王宮出母胎行七步分手指天地作大獅子
吼其生氣槩泊十九逾城三十成道顛倒開口不得
便乃脫珍御著槩垢起道樹詣鹿苑周旋三百法會
之中大似泥裏洗土塊逗到精神用盡向靈山會上
百萬衆前拈起一枝花不是大迦葉曲相成說也好

支那
撰述

南堂了菴欲禪師語錄卷十二

十二

些無折合便乃乘者一笑而對衆曰我以正法眼藏
涅槃妙心實相無相微妙法門付囑摩訶迦葉教外
別行傳付將來無令斷絕元來從前做盡伎倆只爲
發明者一著子所謂鯨吞海水盡露出珊瑚枝便是
者箇時節不是從前布置到羅紋結角處心眼相似
力量一般未免勞而無功自滅度後聲教所至若師
若徒多是不省得者箇意思各宗其宗各黨其黨各
執其說互相是非所謂獅子身中蟲自食獅子肉殊
不知教之與禪只是一箇道理以要言之禪是教之
父教是禪之爺敗父而與爺非愚則狂耳前大慈雲

屋瑞華嚴法師學該內外聲聞四馳自忘其大紆訪南堂區區以禪宗要旨為問自非高識遠見略去邊幅何能下人之若是雲屋既以真誠相及余雖衰綬又豈可不以真誠相報遂喝一喝云若向者一喝下便領得去可謂作家其或未然不免為蛇畫足去也吾宗自大迦葉二十八傳而至菩提達磨入此土為劫祖良以真丹有大乘根器故不立文字直指人心見性成佛直接上根不論中下者斯蓋上承佛祖付授之重固非下劣種草所能擔荷垂一機示一境莫非發揚千聖頂額上一著子是以簡煩剔冗自有不

史記

南堂禪師語錄卷二

二

期然而然者若夫旁蹊曲徑普說圓融則一大藏教已具又何俟別傳之說是以達磨西來十萬餘里逾沙越漠遠泛重溟三周寒暑至於中國遊梁歷魏無所契合兀坐少林者九年不料撞著一箇渾鋼打就生鐵鑄成底硬脚禪和名曰慧可大師渠本是箇博綜羣書靈利座主左洵右泳莫稱已懷乃慨然曰周孔之教禮術風規莊老之言未盡妙理吾聞洛陽有菩提達磨者吾之師乎此志既發便有脫胎換骨之祥空神顯告之驗既至立深雪聞誨勵取利刀斷左臂以示懇切於是達磨示以安心法門遂登祖位又

四傳而至六祖大鑑道滿天下其間青原南嶽兩枝尤盛又三四傳而五家宗派出焉實為龍驤虎驟鶻擊鷹揚靈機妙用可以神會難以事求子細看來大似箇賣卜樣子豈不見六祖謂南嶽曰昔般若多羅語達磨曰震旦雖闊無別路要假兒孫脚下行金雞解嘲一粒粟供養十方羅漢僧向後佛法從汝邊去出一馬駒踏殺天下人去在病在汝心不須速說內卦已成更求外象先天二年居南岳般若寺開元中有沙門道一者在衡岳常習坐禪岳知是法器外象來也往問曰大德坐禪圖什麼一曰圖作佛行年在

史記

南堂禪師語錄卷二

三

坎岳乃取一塊磚於菴前磨一曰磨作什麼岳曰磨作鏡一曰磨磚豈得成鏡家先作祟岳曰磨磚既不成鏡坐禪豈得成佛五鬼臨身一曰如何即是化紙燒錢岳曰如牛駕車車若不行打車即是打牛即是一技受領一無以對病在膏肓岳又曰汝學坐禪為學坐佛若學坐禪禪非坐臥若學坐佛佛非定相於無住法不應取捨汝若坐佛即是殺佛若執坐相非達其理動遭天羅一聞示誨如飲醍醐靜遭地網禮拜問曰如何用心即合無相三昧佛也救不得岳曰汝學心地法門如下種子我說法要譬彼天澤汝緣

合故當見其道且試一服返魂湯又問道非色相云何能見岳曰心地法眼能見乎道無相三昧亦復然矣一日有成壞否岳曰若以成壞聚散而見道者非見道也聽吾偈曰心地含諸種遇澤悉皆萌三昧華無相何壞復何成一蒙開悟心意超然死中得活有甚用處侍奉十秋日益玄奧後開法江西是爲馬祖漢州什邡縣人也姓馬本邑羅漢寺出家容貌奇偉牛行虎視引舌過鼻足有二輪文祖旣符玄記密授心印大弘玄化弟子堪爲人師者一百三十九人自除潛光匿跡者不可以數計洪州百丈海禪師初參

支那撰述

南堂禪師語錄卷二

四

馬祖一日侍行遊山次見一羣野鴨子飛過去祖問是什麼丈曰野鴨子祖曰什麼處去丈曰飛過去祖遂扭丈鼻丈忍痛失聲祖曰又道飛過去那邊落節者裏按本文於言下有省却歸侍者寮中哀哀大哭等閑拋一釣驚起碧潭龍同事問曰憶父母耶丈曰無事曰被人罵耶丈曰無依實供通事曰哭作什麼丈曰我被和尚扭得鼻頭痛實問實對事曰有什麼因緣不契丈曰汝問取和尚出身猶可易脫體道應難同事往問馬祖祖曰是伊會也冬瓜印子汝去問取他撥轉船頭同事歸寮丈乃呵呵大笑者風顛漢

事曰適來爲什麼哭如今爲什麼笑描也描不成丈曰適來哭如今笑畫也畫不就同事惘然後來松源和尚拈云當時若撞著聲頭說什麼百丈馬祖也須倒退大慧頌云有時笑有時哭哀喜交併暗催促此理如何舉向人斷絃須是鬱膠續大慧和尚甚生氣緊猶向古人背後叉手薦福亦有一頌哭不徹笑不徹倒腹傾腸向君說父子非親知不知搥頭腦後三斤鐵松源老祖樓出心肝五臟也未出得他古人南堂不肯孫亦有一頌苦便哭樂便笑苦樂雙忘不同調高山流水少知音明月清風古皇道還委悉麼從

支那撰述

南堂禪師語錄卷二

五

前汗馬無人識只要重論蓋代功明日祖陞堂衆方集丈便卷却面前禮拜席生死根本祖便下座歸方丈丈隨至祖問曰我未曾說話汝因甚便卷却席何須更問丈曰昨日被和尚扭得鼻頭痛破也破也祖曰汝昨日向其處留心探竿影草丈曰今日鼻頭又不痛也墮也墮也好與本分草料祖曰汝深明今日事研郎當漢丈作禮而退異日再參次祖以目顧視繩牀角拂子無風起浪丈曰卽此用離此用也好與一撥祖曰汝已後開兩片皮將何爲人就窠打劫丈取拂子豎起草本不勞拈出祖曰卽此用離此用一

箭中紅心丈掛拂于於舊處喪身失命祖震威一喝
不爲分外厥後開法於百丈山道化尤盛得法上首
黃檗還禪師一日辭丈丈曰什麼處去檠曰欲禮拜
馬祖去丈曰已遷化也檠曰未審有何言句丈遂舉
再參因緣乃曰我當時被馬大師一喝直得三日耳
聲榮聞之不覺吐舌見箇什麼丈曰汝已後莫承嗣
馬祖麼檠裏何曾走却檠曰不然今日因師舉得
見馬大師大機之用且不識馬祖若嗣馬祖喪我兒
孫赤王塗牛餘丈曰如是如是見與師齊滅師半德
見過於師方堪傳授接得封皮作信傳檠便禮拜禍

文那
撰述

南齊書卷二

六一

事禍事大慧和尚曰百丈被喝直得三日耳聲黃檗
聞舉不覺吐舌百丈疑其承嗣馬祖後因臨濟三度
問佛法約的大意三度被打六十拄杖便是與三日
耳聲出氣日中陽發臨濟始覺如蒿枝拂相似眼裏
空華既是師承有據因甚用處不同會麼曹溪波浪
如相似無異乎人被陸沉也只分疎不下看他老大
慧將他祖父子孫四世機緣只據自己見處與伊批
判直是毫髮不差蓋妙得活祖師意自與尋常人
同也若是自家眼目不明自餘印板上打來模子裏
脫出有甚共語處豈不見宋徽宗時太尉陳良弼設

千僧齋圓悟勤祖法真一公慈受深公踰菴成公及
善華嚴等十大法師皆在會而善公遽起問諸禪曰
吾佛設教自小乘至於圓頭掃除空有獨證真常然
後萬德莊嚴方各爲佛嘗聞禪宗一喝能轉凡成聖
則與諸經論似相違背今一喝若能入吾宗五教是
爲正說若不能入是爲邪說把髻投衙抱賊斗屈圓
悟以目顧踰菴菴乃云承法師所問不足以勞三大
禪師之答只淨因小長老亦可使法師無惑雷聲浩
大雨點全無菴乃召善善應諾菴曰法師所謂吾法
小乘教者乃有義也大乘始教者乃空義也大乘終

文那
撰述

南齊書卷二

七一

教者乃不有不空義也大乘頓教者乃卽有卽空義
也一乘圓教者乃不有而有不空而空義也如我一
喝非惟能入五教至於工巧技藝諸子百家悉皆能
入乃震聲一喝問善曰聞麼曰聞菴曰汝既聞則此
一喝是有是乃能入小乘教良久又問善曰汝今還
聞麼曰不聞菴曰汝既不聞則此一喝是無是能入
始教遂顧善曰我初一喝汝既道有喝久聲銷汝復
道無道無則元初實有道有則而今實無不有不無
是能入終教我有喝之時有非是有因無故有無喝
之時無非是無因有故無卽有卽無是能入頓教須

知我此一喝不作一喝用有無不及情解俱忘道有之時纖塵不立道無之時橫遍虛空即此一喝入百千萬億喝百千萬億喝入此一喝是能入圓教善乃起再拜澤廣藏山理能伏豹菴復謂曰非惟一喝爲然乃至一語一默一動一靜從古至今十方虛空萬象森羅六趣四生三世諸佛一切聖賢八萬四千法門百千三昧無量妙義契理契機與天地萬物一體謂之法身三界惟心萬法惟識四時八節陰陽一致謂之法性是故華嚴經云法相徧在一切處有相無相一整一色全在一塵中含四義事理無邊周徧無

文那
撰述

南堂禪師語錄卷二

人

餘衆而不雜混而不一於此一喝中皆悉具足猶是建化門庭隨機方便謂之小歇場未至寶所殊不知吾祖師門下以心傳心以法印法不立文字見性成佛有千聖不傳底向上一路在空拳諱小兒善曰如何是向上一路莫妄想菴曰汝且向下會取放過一著善曰如何是寶所舍元殿上猶問長安菴曰非汝境界灼然灼然善曰望禪師慈悲把手拽不入菴曰任從滄海變終不爲君通可煞壁立萬仞善乃膠口而退遲八刻當時徽宗私幸目擊盛事皇情大悅將謂無人證明是你諸人要識善華嚴麼不是一番寒

徹骨爭得梅花撲鼻香豈不見昔日周金剛各重西蜀於性相諸宗無所不達嘗謂同學曰一毛吞海海性無虧纖芥投鋒鋒利不動學與無學惟我知焉洎聞南方禪宗大盛氣爲不平乃曰出家兒千劫學佛威儀萬劫學佛細行不得成佛南方魔子敢言直指人心見性成佛我當樓其窟穴滅其種類以報佛恩遂擔一擔青龍疏鈔出至澧陽路上見一婆子賣餅因放下擔子買點心契爛泥裏有刺婆指擔子曰者箇是什麼答云青龍疏鈔婆云講何經周云金剛經婆云有一問若答得施與點心若答不得且別處去

文那
撰述

南堂禪師語錄卷二

九

經中道過去心不可得現在心不可得未來心不可得未審座主點那箇心生鐵蒺藜當面擲周無以對塞斷咽喉遂往龍潭至法堂曰久嚮龍潭及乎到來龍又不現潭又不見好箇消息潭於壁內引身出云子親到龍潭著作麼周無語當面蹉過遂放下擔子朝夕咨叅一夕侍立次潭云更深何不下去周珍重便出却回云外面黑潭度紙燭與之擬接便吹滅周大悟便禮拜潭云子見箇什麼周云從今去不疑天下老和尚舌頭也玄沙道底來日潭坐座謂衆曰可中有箇漢牙如劒樹口似血盆一棒打不回頭向

孤峯頂上立吾宗去在乞兒羅易滿周於是取跪鈔
雅向法堂前舉火炬云窮諸玄辯若一毫置於太虛
劫世樞機似一滴投於巨壑焚之而去始終作家李
都尉云參禪須是鐵漢著手心頭便判直趣無上菩
提一切是非莫管便是者般樣子也後來出世任德
山其道大振示衆曰道得也三十棒道不得也三十
棒臨濟聞得謂侍者洛浦曰汝去問他道得爲什麼
三十棒浦如教而問山便打浦接住與一送山便歸
方丈浦回舉似臨濟濟云我從來疑著者漢雖然你
還識德山麼浦擬議濟便打是精識精是賊識賊然

支那

南堂禪師語錄卷十二

而精金百鍊要須本分銚鑪若是鈍鐵頑銅堪作什
麼山僧今日被雲屋法師輕輕一撥直得口似乞兒
破席袋狼藉不少衆中忽有一箇傍不甘底出來拽
下禪床爛椎一頓翻身一擲抹過太虛將他從上若
佛若祖所有法門盡情拈向一邊教他盡大地人卸
下炙脂帽子脫却鶻臭布衫非惟截斷小淨因脚跟
抑且與善學嚴雪屈豈不快哉還委悉麼驚羣須是
英靈漢敵勝還他獅子兒卓拄杖喝一喝

佛

南堂了菴禪師語錄卷第十二終

南堂了菴禪師語錄卷之十二終

南堂了菴禪師語錄卷之十三

參學比丘善慶元寶慧朗等編
明 後學沙門兜率明開重開

偈頌一

次無想仲謀韻送皎首座

靈山密付少室單傳體用不二事理昭然拄杖頭分
開太華笠子下蓋覆三千明來暗來指槐罵柳東去
西去回坤轉乾石火流星苦未急銀山鐵壁何其堅
徐六之板忽放下寶八之衫還破穿休居脚跟不點
地執謂抹過威音前七年四往返掘地尋青天移舟

支那

南堂禪師語錄卷十三

既別水舉棹終逢源將誰春梁作砥柱用爾鼻孔爲
司南翻身天岸看日出照耀萬象分媼妍

次仲謀法兄韻送肇侍者

世尊三昧迦葉不知破顏微笑蠡測管窺把斷重關
鬱鬱黃華元非般若放開線路青青翠竹總是眞如
棘林中露無邊之蕩蕩平地上峭萬仞之巍巍知所
不知爲所不爲反常合道提綱挈維此是少林無孔
笛爲君去 吹自西自東今將長補短或南或
北也夷高就低

送慧藏主

一字也無說箇什麼放兩拋三弄真象假脫體分明
舉得全州蒼卸下瑠璃瓦拈黑豆換鬼眼睛撥虛空
尋針縫罅我面前無你你面前無我南北東西八字
打開當明中有暗當暗中有明成住壞空一時裂破
德山臨濟小兒嬉弄倒西來胡達磨

送徹上人

頂顙機打得徹無言童子喃喃說妙德空生總未知
橋梵鉢提伸出舌丁一卓二滴水水生放兩拋三雷
轟電掣休不休歇不歇雪峰親毬太孤絕不是玄沙
解所牌爭得清風滿寥次子從何方來根器乃超越

支那
撰述

南堂禪師語錄卷十三

三

妙悟繼先宗慎勿循途轍況是親承古鳳臺爲吾釘
取虛空橛

贈住首座

虛空爲口萬象舌塵說剎說熾然說到了依然一字
無衲僧眼裏重添屑珠回玉轉分玄微棒頭喝下看
提持驀然踏着頂顙竅天外一擲誰能知有時收有
時放明暗雙雙真絕唱手面分開萬仞崖目前衝起
千尋浪擊石火閃電光銅頭鐵額何能當掃蕩從前
野狐窟正好揭示金剛王四句離百非絕憍梵鉢提
嚼生鐵毒藥醍醐一道行地老天荒誰辨別

雪峯真知客禮祖

具足凡夫法空中翻石曰具足聖人法面南看北斗
三毬毆出時一舉四十九秘魔手中叉子湖門下狎
敵勝與驚羣還他師子吼拈起簸箕別處春大淮南
北江西東八十四人阿碌碌靨髹晝夜吟松風

送百丈清藏主

獨坐大雄峯有什麼奇特轉得一大藏自然超語默
神通妙用手面施呈換斗移星聖凡莫測俊鶻捎空
亦等閒擡眸已過新羅國

送懋藏主

支那
撰述

南堂禪師語錄卷十三

三

三千刹海如來藏語默商量總成謗撥轉須彌看指
南石裂崖崩難近傍央庠座主還偏奇手面一着謾
楊岐當時一席三五百透得金塵端是誰山僧有口
無暇說余也前途好客決打落天邊白鳳雛七尺鳥
藤冷如鐵

送祖侍者歸溫州

有一句到你平地無風怒濤起無一句到你赤脚波
斯人鬧市不如拈却有與無大開兩眼空全吳鐵牛
之機是何物雪華點破烹金爐君不見禾山老人解
打鼓聲聲合著道吾舞森羅萬象開啾啾徹底自分

促水路江上風松間月拔却多年釘根楔永嘉親見
須南能便是如今箇時節少林曲調新豐吟千里萬
里誰知音歸去西山掃烟榻試把玉線穿金針

送霖侍者

金剛圈鐵鑊韶多處添少處減侍者參得禪一斬一
切斬山河大地不見纖塵艸木叢林流光發艷築着
磕着自痛自知把住放行如影如響釋迦彌勒僧是
他双文殊曾賢討甚伎倆坐斷乾坤辨正邪伸手依
然不知掌咄

送成侍者

支那

南堂禪師遺集卷十三

四

男兒學道貴有成舉步便合超途程妙高峯頭赫日
月大洋海底轟雷霆拈來一隻蓬蒿箭任是沙場須
百戰五位君臣列正偏三玄戈甲隨機變有時縱全
殺全生誰得共有時奪十方刹海橫該抹君不見文
遠全師未舉時曾與趙州爭勝負

送明藏主之浙東

虛空解講經萬象側耳聽撥轉上頭關拈却佛祖病
東去西去前三後三南來北來頭正尾正倒一說對
一說鵲眼龍睛若爲別平高就下以機奪機顯實開
權用楔出楔辯而訥巧而拙逆順縱橫也奇絕君不

見蟪蛄睫上土曠人稀石火光中霜凝凍結百越三
吳正今行誰道同途不同轍

送雅藏主

道純明日龍翔去索我燈前寫長句滿天風雨作中
秋直得千江水東注我也豈曾參得禪信口合着玄
中玄釋迦老子不知有大藏小藏安能詮君不見瞎
驢滅却正法眼究竟只成擔板漢堪笑東山解放收
方便依然沒方便如今此道如泥土塞壑填溝何足
數七金山外訪知音夜半蟪蛄吞却虎

贈曾光長老

書蓮經募造韶國師道場

支那

南堂禪師遺集卷十三

五

國師不露頂額句流出曹源一滴水沃日滔天沒奈
何浸爛虛空知幾幾通玄峯頂非人間掣斷金鎖開
重關百尺竿頭逞伎倆二三四七同舒頰芬陀利華
時一現殿閣崢嶸插霄漢要種梧桐待鳳棲曾光心
印須高提

送能藏主之金陵

親從道場來相見有何說以能問不能大巧固若拙
撥動毗盧藏中寶萬里神光射穹昊古今多少弄精
魂出艸有時還入草金陵山川皆故國高不可攀深
叵測秋風吹老桂華枝脚下鐵鞋生兩翼

送蔣山德藏主

道人來自江之東，天寒歲晚何忽忽。橫枯倒用總自可，舌本深深生雪風。藏裏摩尼持一擲，五色光芒射空碧。南海波斯鼻孔深，舜若多神面門黑。我觀佛祖初無他，乾城飛起陽燄波。僧繇不識鏡容老，此意往往成蹉跎。門外驚森卷黃葉，霜白長堤水天接。天關地軸總掀翻，漢不能收秦不攝。

送淨慈涇藏主

鄭峯深處曾相見，一撥虛空成八片。雖然補綴得完全，未免三頭并兩面。君談禪兮我談道，議論胡爲能

又那

南堂詩集卷三

六

恰好西風老桂吹，天香大地山河明。磊磊君不見，茶陵踏折溪上橋。跛驢奮迅騰雲霄，至今萬象露風骨。低者自低高者高，橋李亭前重握手。拈得鼻孔夫却口，笑把如來藏裏珠撒向時人，不知有咄。

送度侍者

目前無關黎鐵鞭，擊碎珊瑚枝座間。無老僧焦尾徑逐雲雷飛，百千三昧入掌握。知音豈在鍾子期，君不見古皇先生拈華時。一笑豁開金面皮，承虛接響二千載。肩擔背負爭驅馳，禾山之鼓不易打。少林之箇誰敢吹，所以曹溪流萬古清漣漪。觸着波濤忽澎湃。

滔天沃日橫鯨鯢，如今且喜風色定。湛湛寒光浸空影，一舸乘流解問津。太平不用將軍令。

送初上人

混沌未分初一句，還成見當機。覷面提日面與月面，靈利師僧不知有。昨夜三更白如晝，錦標奪得在何時。一機春斷懸河口，汝要參禪宜猛省。人得却時歸得正，鄭峯深鎖翠雲寒。會應坐斷崑崙頂。

次絕照翁送小師藻侍者韻

萬境紛紜不須遣，語默商量看平展。威音那畔卽如今，日用現行誰不見。體本無生了無速，羅刹身心苦。

又那

南堂詩集卷三

七

陸面濟北兒孫未必然，棒了罰錢須出院。

送如維那

如來禪祖師，禪拽脫鼻孔。從頭穿智者，當機猛提取。差過只在眉毛邊，靈巖豈無興化棒。不顧危亡難近傍，道人親見作家來。七縱七擒心愈壯，千木隨身有如此。直下同生復同死，又攜明月過雙溪。一片寒雲映秋水。

送寧藏主之上藍

老胡平生多口業，且喜兒孫沒交涉。沒交涉處，暮翻身直得一華開。五葉君不見，馬大師卽心卽佛。恢宏

機雄峯卷席奮雄略驚羣敵勝超玄微當時搜得鼻
孔脫大似死中重得活更言三日耳雙聾笑倒山雲
并海月道人深入如來藏袖裏神鋒難近傍搜其窟
穴窺其蹤謂我此言誠的當壯哉吸盡西江口便是
龐公豈知有但教觸處得逢渠何用將身藏北斗上
盤法席天下奇銀几鏤聖真爐鎚入門相見定相問
向道近離鶯鶯湖

送畏上人歸省萬壽華國

拈一機示一境截斷葛藤須猛省三千里外定諸訛
東平打破瀉山鏡不屬玄不屬妙吞燦乾坤迴然照

又那

南堂禪師語錄卷三

八

海神失御夜明簾長汀拍手呵呵笑倒握金桴擊金
鼓木人石人齊起舞八臂那吒撲帝鐘家家門首長
安路好箇佛堂須作禮惡水潑人終不悔門外霜風
劈面來百越修途宜自愛

真藏主求悟菴說答之以偈

悟則不無安用說說則不無須用悟悟後還同未悟
時說不說今何足顧大道無門從此入五色祥麟脫
羈馮擊碎如來藏裏珠驚倒生公鬼神泣菴外事曾
不知耽耽睡虎方藏威解得金鈴掉頭去碧天皓月
揚秋輝

送明侍者參竺元和尚

汝欲參禪須妙悟汝欲弘宗觀列祖列祖皆從妙悟
來扶豎真宗亘千古德山臨濟何似生搬天撲地隨
縱橫白棒高揮日月落喝聲迅作雷霆轟或全賓或
全主互換機先分彼此萬仞崖頭撒手回箇是金毛
師子子我昔從師事參學敲打虛空鳴剝剝不惟萬
象笑相摩聚鐵等閒曾鑄錯此道年來恐難說遇著
通人試甄別紫澤峯高豹霧深好把烏藤輕摺折

送達侍者

路逢達道人不將語默對拈起鐵蒺藜虛空須粉碎

又那

南堂禪師語錄卷三

九

電卷星飛猛提掇十方刹海橫該抹全身放下看如
何解弄死蛇終是活道人道人休問吾問吾枉着閒
工夫不如卷衣歸故廬奴兒婢使誰家無

送慧侍者

小艷詩新豐曲斷絃須是鸞膠續育王此語最分明
何須更向東西卜輟鐵鼓擲金鐘鳥啼花笑春融融
千木隨身擬何適碧崕丹嶂金仙宮我亦來風欲東
去望雲且種無根樹蔚然枝葉覆行蹤便是君來無
覓處

送機維那

機奪機楔出楔正眼還從瞎驢滅破關先下頂門椎
百市千重須迸裂興化當年不知有法戰場中垂隻
手克實出院是尋常直得虛空開笑口祥麟掣斷黃
金鎖天上人間豈惟我勘破諸方却再來照乘明珠
消一唾

送閔武主之金陵

絕學無爲道人一抽三兮二添四山前猛虎趁菸
菟艸裏毒蛇吞鼈鼻頂門突出摩醯眼是亦刻今非
亦刻鵝鵝啼新百華春鍾山倒卓歸雲晚龍藏琅函
五千軸頭頭盡是新豐曲江流不盡楚天寬正音畢

授述

南堂語錄卷三

十

竟何人續

送明侍者歸道場

一明一切明一了一切了豁開總持門諸法不相到
高高峯頭不露頂千山萬山春晝永深深海底不涇
脚李公辭酒張公醒我不孤負汝汝不孤負我放過
南陽忠國師把住嵩山破竈墮噫吁嘻無人知桃華
落盡楊花飛玉簫我欲吹瑤池只恐鳳皇飛下踏折
梧桐枝

送華藏性禪那

性覺妙明本覺明妙吸乾三萬六千頃之波瀾揭開

七十一二朶之烟島堪笑老臨濟三度問佛法的
大意三度被打六十島藤添了幾多無明煩惱直饒
高安灘上頓解知非便乃逆探龍額倒拏虎須據實
商量何似遇飯即餐逢寒着襖全放全收自起自倒
出羣標格正合如斯廣大門風憑誰繼紹金椎影裏
急回頭應怪山僧入荒艸

送荏侍者

諸法無實相巧辨不能說掃空知見雲焉用辟歷舌
毘耶一默三千年黃河之水流接天曼殊大士摸不
着贊歎罔及徒拳拳爭如德山臨濟善用事棒喝隨

授述

南堂語錄卷三

十一

機若風雨此事如今幾箇知分付關梨自看取

送雲侍者歸雲門

香林舊入韶陽室紙襖年深黑如漆我今一字不會
談且免後人論得失君不見若耶溪上雲千堆一點
不着人間埃變化崢嶸亦何有白銀宮闕黃金臺涼
風西來吹爾急劈破玄關求路人浙江潮信正如山
渡水莫教雙脚涇

送大乘覺首座再叅松月翁

識自本心見自本性明來暗來頭正尾正大乘菩薩
信無疑小根魔子安能知手面擎來百日月毫端洞

出千須彌君不見曹溪之流非止水一滴不來波浪
起乳峰此語豈尋常克配乃翁三尺背首座有長處
所以到這裏摩娑兩眼對西風白雪卷盡天無滓從
容近前與我言再參願求長句爲司南忽然樹頭推
下金粟香毯毯撫掌一笑應相諳

送仰山侍者

最初機末後着趙州石橋非畧竹杖杖頭邊正眼開
奧域靈區無鎖鑰君不見仰山放出四門光照天照
地何煌煌黃河澄清貫海碧太華突兀摩穹蒼南斗
西北斗東空生巖畔華重重小玉頻呼雖有意檀郎

文即

南堂禪師集卷三

三

認得元無蹤絕思惟休擬議忿怒那吒擎鐵柱坐斷
江西十八灘密雲彌布陰涼樹

送昂維那之江湘

開牕畏嚴寒閉戶碍觀雪跣趺萬慮寂一性自超越
道人踏雪來扣門鐵石骨氣水霜魂笑我蒙頭紙食
重軟語解使生春溫明朝踏雪江東去天生有此濟
勝具九江江上看廬山還向山頭看江水鄱陽之湖
天一角洞庭秀色浮衡岳白雲飛盡日蒼涼幾點沙
鷗鏡中落我生豈無江海興老矣無由事馳騁宴心
物表只神游佳處點頭唯自領君不見克賓不入這

保社徹底能扶老興化二十烏藤趺出山饋飯吹香
滿天下

送岐藏主

對一說倒一說黃河無聲海水竭三千刹土坦然平
八萬法門玄路絕祖師意如來禪取之左右逢其源
只今坐斷千聖頂何用顯實重開權或全收或全放
逆順縱橫難近傍紅爐焰上結冰華萬仞峯頭翻雪
浪歌不徹笑不徹海底蝦蟇吞却月憤怒那吒撲帝
鐘金剛腦後添生鐵

送明侍者歸雲門

文即

南堂禪師集卷三

三

朋用良友用益益友良朋苦難得上何高今爾不板
下何深今爾不即板今即今高與深上今下今古與
今一一從頭遍探討卻來聽我無絃琴無絃之琴有
聲律河之洋洋山岌岌龐公馬公骨已朽俗耳要聽
聽不入雲門古來山水窟雪骨冰肌好人物萬壑千
巖夢寐中布襪青鞋漫馳突春風浩蕩吹晴波爲子
一唱雲門歌明朝雲門見親舊定應笑我成蹉跎

琦上人求警策

汝欲參禪求警策我正忘言味真樂真樂無涯只自
知警策多方待君學虛而靈兮寂而妙萬戶千門俱

一照除却頭陀解笑華是誰踏着通天竅
拍板無孔笛白雪陽春明歷歷百草頭
邊聽得真下戴清風有何極

送聚書記

雲居山頭一句子獨龍岡頭不相似
翻身踏着凌霄峯井底蓬塵亘天起
驚倒象龍千七百等閑擊碎蟠桃核
三乘教外論文章一字元來不着畫
寂音懣懣潛子癡炊無米飯充朝饑
身如椰子膽如斗開口便欲吞須彌
我自龜藏老丘壑何從扣門聲剝啄
揚眉瞬目驗來風信是丹山多鶯鶯
黃河九曲應已清岐

文部

南堂詩集卷十三

十四

陽阿閣隨所鳴鈞天廣樂政可聽
兩耳安用箏笛聲

送楚藏主自鍾山回天台省親

百丈野狐我自不會一句截流千古無對拈
却髑髏前忘想鳥啼花笑千峰上把斷乾坤箇是誰
烈燄亘天飛白浪鸞領祇園有何說梵語唐言試甄別
老胡版齒欠關風九載少林曾漏泄爭如金陵任寶誌杖頭
賸有閒田地對人劈破金面皮不妨契得西來意
長林落葉西風急一曲高歌擬何適白髮慈親正倚門
莫道叅方無所得咄

示志藏主

正法眼破砂盆金烏拍翅扶桑墩煎膠續絃豈細事
胸次可使吞乾坤君不見曾郎脊梁硬如鐵鼇山雪深
凍欲折不是聶頭盡力扶爭得光明滿寥泝又不見
瞿曇棄却金輪位半夜翱翔雪山去六載精修萬行林
一朝坐斷菩提樹大丈夫兒合如此局促軒籠不相似
五須彌頂擊金鐘明月清風安可比

送明侍者見松月翁

明暗雙雙底時節山僧有口難分說
侍者親自峨峯來曾向松江問松月月明正照江上松
白雲散盡空撞空一機不借萬境絕赤手自可收全功
濟北宗風

文部

南堂詩集卷十三

十五

端若此未必江西不相似要須踏殺天馬駒方可人
前論賓主江南兩浙秋氣深大江滾滾山沈沈一曲
兩曲無絃琴天荒地老誰知音

送琦侍者

壽山初退院侍者話行脚築著脚指頭清風動寥廓
天台雁蕩春意深百花競秀春雲陰鑑湖一望八百
里賀老不作誰知音雲門六寺可圖畫禹穴年深草
應隘老夫有脚不能行孤負東州草鞋債

送徹藏主歸日東

徹頭徹尾有一句一大藏教該不得文殊肆辯王忘

送天童覺藏主

三世諸佛是何物一大藏教是何語直指單傳顯正宗爛爛覺華生確肯自古上賢猶不識中下之流豈堪測數賠摩醯鬼眼瞎大地山河墨漆黑黑中有白光熙熙敲空作响開愚癡空拳指上實性義隱顯出

沒題玄微倒一說今對一說今古幾人能辨別紛紛
墮在光影中大似獼猴探水月偉哉作者何方來江
村古寺相徘徊提金剛椎碎窠臼用黑豆法驅英才
撒開兩手時一笑照中之用用中照北斗藏身豈偶
然南山下雨還同調明朝話別歸魯松鉢船打就成
忽忽隔山相喚解相應管取倒行摩竭今

南堂了菴禪師語錄卷之十三

南堂了菴禪師語錄卷之十四

叅學比丘善慶元寶慧朗等編
明後學沙門兜率明開重闡

偈頌二

送慧禪人禮祖

打破懣懣揭起腦蓋四七二三泥團土塊青艸堆中
撥得著鑑地輝天光燦燦丈夫膝下有黃金握節當
胸何□□□□□斟酌嘉州大像驚翻身陝府鐵
牛顛折角

次韻贈忻侍者

國師三喚失錢當罪侍者三應認賊爲子說什麼牙
如劍樹口似血盆檢點將來總是事不獲已等閒驀
過上頭關□□□□平地裏相唾饒汝潑水相罵饒
汝接背會則全放全收不會則自倒自起卽色明心
附物顯理撥火求漚敲空取髓盡情拈出與君看認
著依然還不是直須自解倒騎牛我也誰能管得你

送煥藏主

八吉祥六殊勝一大藏教頭正尾正老胡舌端長復
短說盡偏圓并半滿拈來固好拭瘡疣放下豈能登
彼岸東山道箇鉢囉娘和桺托出誰承當好手從來

自無敵捉賊要須先捉賊摩尼之珠光燦爛未嘉收得良堪歎撒向人前人不知拾磔春池有何限

送聰藏主謁晉卿學士爲竺元和尚求塔銘

歸源老人示真寂草木叢林俱失色眼睛不壞牙齒存火後莖茅掃空碧平生說法如春雷震驚蟄戶迷雲開高風亮節激浮懦傲世絕俗遺紛埃休居後師恰五歲入滅先師十七載叢林未堪歎寥落尚賴東南有師在師今既往如之何山頽海竭江無波衲子拊膺爭慟哭淚雨不斷空成河君不見湛堂末後一段事赫赫光明在僧史晉卿只今無盡公子也孰知

反部

南堂師語錄卷十四

二

撰述

非妙喜須彌爲筆天爲碑大書特書不一書南泉還化正不惡東家作馬西家驢

送貞書記歸仰山

相見已了燒香換茶一語不發彼此作家無端提起五色筆濺得空虛半邊溼撒出仰山圓相來電激星馳海水立尚喜老僧心眼正鐵輪旋頂氣自定坐看天外黑風收但覺平湖淨如鏡從容指似湖上山剎談抵掌開懽顏拂袖還歸集雲去一鏃徑破千重關

送操侍者歸道場

操則存舍則亡衲僧門下不用商量得念失念無非

解脫舉足下足總是道場拄杖頭乾坤廓落鉢囊裏日月交光向去底舍父逃逝却來底久客還鄉全超

法報化坐斷威音王平高就下振領提綱左顧右盼今龍騰霧集前遮後擁也虎嘯風生

次仲謀師兄韻贈煥上人

不道相似只是不別南北會同上下交徹一句忽當機開口非干舌佛海之龍僧林之月五領三湘七閩兩浙騎聲蓋色也賣弄風流簸土揚塵今豈存芳烈鑿鑿破關斬釘截鐵從頭檢點看如何拽脫多年繫驢轡

反部

南堂師語錄卷十四

三

撰述

送源侍者歸江心

從源討流葉落知秋漆桶不快騎牛覓牛泝流逢源洗脚上船溟鵬九萬遼鶴三千老僧口角無憑據試問通人是非是是也山環九斗城非今江抱龍翔寺振錫參方宜自決負吾負汝俱休說百鍊剛爲繞指柔何似紅爐一點雪

送裕侍者省師

莧菜根頭足生意折脚鐺兒提挈去迢迢自不涉程途綽綽誰知有餘裕有呼有應今古同手面推倒須彌峯塵毛刹海露迴迴談笑便可恢吾宗師勝寶強

水傳器釋尊不受然燈記沒蹤跡處解相逢萬法豈能爲伴侶

送明書記

萬仞崖頭轉身句金毛師子自不類一吸西江徹底枯馬師縮首龐公畏忽然平地波濤翻浸爛鼻孔何時乾虛空大笑萬象舞梅檀葉底香受曼拈却洞山三頓棒凜凜英風爭近傍北往南來總未知蕭洲水落沙痕漲

送慶雲東歸橫善

海上日出雲之東天南地北光瞳矐六龍夾飛黃道

反邪

南堂禪師語錄卷十四

四

正幽巖邃谷皆春風少林一花開五葉竺國支那沒交涉沒交涉處忽融通若聖若凡俱慶愜一大藏教說不到半座平分顯圓照太湖三萬六千頃月在波心誰不了誰不了梅檀林下梅檀繞

次松月翁韻送育王旭書記

運斤之手受斤質二妙相遭眼雙碧鐵鞭鞭起泐潭龍驪珠迸散慈明室辟歷一聲飛上天三關大啟天不言將虎須是分內事豈惟濟北能風顛咳唾隨風落珠玉著渠政用天爲屋曹溪波浪拍天高天瑞流芳恢正續

贈萬壽澤藏主

一代時教明什麼十箇五雙聾復啞楞伽山裏有真僧不動舌頭談得也最初一句不在東扶桑曉日光矐矐末後一句不在西玉樓撞動黃昏鐘蘆蘆噴香芻艸碧萬境從然自虛寂長鯨輾碎珊瑚林白月清風太狼藉

送浩首座東還

甘露室中親得旨掃蕩休居三轉語大藏小藏俱不留等閒坐斷南泉位驅耕奪食何雍容東敲西擊開盲聾轉步徑超空劫外到頭不離尋常中興來唱起

反邪

南堂禪師語錄卷十四

五

還鄉曲調入陽春許誰續九天風正一帆懸遠水真成鴨頭綠

次仲謀法兄送徹藏主

三乘教外付法傳衣大哉聖謨誰其似之方鑿圓枘皆曰可疑游神絕域妙證無師電光匪急石火還遲粉身碎骨分張髓皮動絃別曲伯牙子期此戒定慧彼貪瞋癡迷其所悟悟其所迷萬機休罷一體無爲我以智眼觀汝設施言雖逆耳心不汝欺掃除四句併蕩百非懸崖撒手乃到家時飲水定渴喫飯濟饑但了許事焉問其餘稽首慈尊三界大醫直說曲說

理如事如我作是偈黃門裁須

贈求知客

庭前栢樹子趙州無此語築着老清涼蹉過覺錢皆
傍觀一笑真可驚太華擘裂黃河崩彈指八萬四千
歲日下不用張孤燈畢竟同途不同轍客到喫茶珍
重歌合浦明珠射斗牛南山毒蛇鼻如鼈

送榕藏主

榕葉滿庭鶯亂啼一大藏教開金鏡妙高峯頭黑日
月三千刹海無塵泥逆順縱橫總三昧捏不成團推
不碎善財七日漫追尋文殊百劫何曾會楊子江心

夜潮落枯楊槎牙枕龍角定回金殿鐵琅璫目送孤

鴻度寥廓

送瑾侍者之廬山

廬山之南與山北白蓮香風日充塞滿空晴雪洒飛
流九江政作琉璃碧道人胸次吞九江骨氣直與山
低昂踏着遠公行道處朝鐘暮鼓相舂撞玉峽飛龍
掣巖電久視不知雙眼眩霜猿啼斷最高峯回首孤
雲海天遠

華亭陸子才書華嚴經三部善住玉岡作偈美
之寶林別峯仲寬潘公輩十人咸和之玉岡索

予次韻

雲間九峯如卓筆畫破虛空不成一煥然文彩發天
章元是毘盧藏中出毘盧之藏超斷常杲杲赤日飛
清霜妙高巔截路迴迴百城助握何芒芒心垢未除
須用洗不洗安能契真理理絕情忘真亦非白牯狸
奴兩同體宗亦通今說亦通頂門之眼懸三瞳重重
無盡法界觀歷歷不昧空假中酥酪醍醐最殊勝寶
林琪樹尤聰曉別峯相見是此日握手一笑應相容
以禪爲悅法爲喜陸潘豈亦滄洲子善住堂前演貫
花舌本瀾翻四河水

送天平士瞻之仰山爲其師佛智立碑

金鷄銜來一粒粟石上迸出雙雙玉江西從此闡宗
風猱轉天關并地軸全機獨晦唯乃翁羚羊掛角那
罽縱涅槃後有大人相光明燦破無邊空奎章學士
千鈞腕筆端點出金剛眼但將日月作穹碑開鑿人
天有何限夏復夏秋復秋掛帆西上風颼颼山悠悠
水悠悠春光盡在梅花洲

送柔首座

四句離百非絕兜率宮中熾然說八萬塵勞一掃空
珊瑚樹底懸明月道人胸中有丘壑道人胸中有天

地祖意明明百草頭全潮滾滾漚花裏七年契濶方
再逢碧眸貫日磨青銅淨掃松堂演黃卷洞庭烟浪
搖晴空趙州茶雲門餅餽面當機須痛領轉身拶倒
石門關不妨親到琴臺頂

送義侍者之何山

字則不識義即請問一句截流羣機自債百草頭上
薦得老僧六十蒿枝再思一頓祖稱不了殃及兒孫
似鶻提鳩方堪持論妙峯聳峻天外青小溪流水聲
泠泠領取八萬四千偈歸來舉似吾與聽

送玄首座之台雁

文部
撰述

南堂禪師錄卷十四

八

道人金陵來志氣吞佛祖燒香坐長夜出入論今古
眉間掛劍全生殺手面有機分與奪翻着襴衫舞柁
枝電光石火橫該抹台山雁山何岩堯掛帆東度錢
塘潮春風浩蕩徧八極石上正好栽瓢苗

送資首座禮佛性塔還江心

欲識休居大人相屎臭熏天難近傍若謂花開臘月
蓮正是龜毛長數丈鳳臺崢嶸春復秋三山倒卓長
江琉璃殿上無知識湘南潭北何悠悠四句百非
俱一掃中川月色連蓬島謝郎只在釣魚船黃蘗白
沒長安道

送昇侍者遊江西

日日日東昇日日日西落君山一點洞庭秋衡岳千
峰倚寥廓遠公胸次吞九江高揭太古窺洪龐手挽
飛流濯芒屨幻視寵辱如枯椿向來白蓮池上花金
臺隱現凌形霞浩歌一曲千載下天風撩亂吹袈裟

送靈隱康首座

法法向上有一句特地思量無覓處忽然突出口皮
邊萬象森羅眉卓豎東行西行天地寬左轉右轉珠
走盤金椎揮空日月落寶劍出匣波濤翻透網金鱗
重躍浪回途石馬爭相向握手威音大劫前明投暗

文部
撰述

南堂禪師錄卷十四

九

合看敲唱東山之曲下水船妙自非妙玄非玄拈來
塞斷衲僧口破的絕勝那羅延第一峯頭如此去八
臂那吒留不住勘破諸方却再來別有清風動寰宇

次韵送仰山珍藏王

不然不然如是如是道得分明較三十里金烏啄破
琉璃殼愛若多神剛發惡當陽拶倒鉢圓山歷劫昏
衢頓昭廓話盡山雲并海月抹過江湘與閩浙競誇
赤驥解追風誰信螳螂能拒轍斷常已破談真空二
邊不立那留中將南作北西爲東熱喝痛棒驅雷風
次韵贈熙侍者

見得到說得好者箇事無老少不明自己擬設誰纔說爲人先落草收虎尾踞虎頭設誇倒岳仍傾湫提將來無有輕放過之理撞著底是不共戴天之讐忍辱衣慈悲室到此揔須勾一筆平田淺草驀翻身佛手未伸驢脚出正覺場須彌座把斷乾坤能幾箇只應侍者解參禪始信祖翁家活大

送徑藏主歸永嘉

一徑直二周遮大藏小藏水月空花永嘉謾誇一宿覺透床振錫成聲牙韶陽老師倒一說覲面豈免揚塵沙舍窄從寬欺胡謾漢將長較短把髻投衙盡情

又那

南堂禪師語錄卷十四

十

列下別有生涯掣動六鰲三島轉直鈞端不在魚蝦

送梓藏主省師南山

北山來自凌霄峯眼光爍爍寰宇空掀翻花藏世界海舉措不墮言思中電轉星飛看布武法戰場中肝膽露叱咤暗鳴陷虎機倒戈卸甲河沙數西祖傳來古鉢鉢誰道年深少提掇碎打零敲不足論千里萬里橫該抹阿師黃金臺上客鶴貌雲儀好標格五位君臣列正偏三玄體用超明白我昔始揭塗毒鼓曳杖來尋巖下路奮翮長鷗北海風澤毛笑指南山露用舍行藏各有時此意未許常人知青山從教映白

髮赤驥自合隨龍飛君不見南陽老昔日對揚曾草草大耳驚翻眼底花紫磷喪却衣中寶今今古今爭幾何影草不露仙陀婆子母驀然同啐啄金烏迸出琉璃殼

次松月翁韵送清上人

佛身無爲不墮數往復要須行大道鍊壁銀山撥得開四方八面無回互沒絲毫全體露禪之龍律之虎苦中之樂樂中苦清禪清禪聽我言先天未是心之祖

送現藏主

又那

南堂禪師語錄卷十四

十一

現成公案不涉安排一見便見早隔天涯三世如來開眼作夢一大藏教撒土拋沙雪峰三登投子九上洞山泊乎鰲山店中未免從頭列下興化南方行脚不曾撥著一個會佛法底逗到大覺棒頭深明臨濟在黃檗吃棒意旨政好掘地深埋咄咄如今是什麼時節初冬暴寒長河凍結可行則行當歇便歇此事何須待人說

次仰山了堂韵贈齊藏主

一大藏教破故紙未解爲人先爲已眼底纔明向上機口頭自沒閑言語東山酸餽苦無多嚼破方知滋

味美賢也由來固可尊愚也如何便輕鄙魯祖見人
卽面壁俱胝見人唯堅指隨宜施設有多門究竟還
源無別旨一毛端上忽翻身百億毛頭總如是蓋天
蓋地更由誰脫體承當多在汝

送國清朗藏王歸太平

大藏小藏風高月朗全提半提雁蕩天台羅漢寺裏
一年度三個行者真淨老子甚處得者消息來倒一
說對一說明眼衲僧如何辨別卽此用離此用太平
震宇迥絕疑猜如此如此俊哉俊哉堪笑當年馬駒
子震威一喝聲如雷

支那
撰述

南堂禪師語錄卷十四

十三

送道藏王歸蔣山

出得靈巖門便入蔣山室撼碎摩尼珠乾坤黑如漆
寶公掌開十二面僧繇閣起丹青筆夜半放烏雞觸
著泥牛吼正宗堂下草連天三佛家風俱漏逗咄

次東山法兄韻送允藏王

三乘教外無能過領畧得去還仙陀諸方豈乏斷貫
索奈此六馬追風何見說虛名掛官府點額曝腮多
少苦肯信深山窮谷中別有高標繼先祖我家大兄
山東翁玄關一擊千萬重入泥入水寫妙偈且可與
子開青瞳

前江心無言作偈送暢藏主來靈巖無際仲謀
和之會余已謝事因次韻以贈

法法本圓成塵塵自叅互當知日用中不離寂光土
鷺池鷺嶺拋沙土何曾說著到家句三翁苦口力提
持密意明明元屬汝可憐王老師不打者破鼓休將
理事論迥出言思處龍吟焉用攀鳳也何須附海上
橫行儘自由妙德空生俱欠悟

送和藏王

真性心地藏日用無差忒截斷萬機先何處尋踪跡
透脫不過金圈金圈吞吐得行栗棘栗棘鑊壁銀山

支那
撰述

南堂禪師語錄卷十四

十三

劈面來個是真人好消息

次韻贈仰山繁侍者

大仰拋來圓相慈氏豁開樓閣透出向上玄關揔是
機先妙著千年舊話重行萬里神光閃爍烏窠吹起
布毛畢竟如何領畧諸方大有明珠只作豌豆糲却
次松月法兄韵送杲上人

黑漆漆地明杲杲丈六金身一莖草神頭鬼面設施
呈聖解凡情須淨掃下自無底高無巔毫端特地分
天淵破瓶不可作瓶事如電久住芭蕉堅萬里秋光
連海嶠霜清大野歸鴻叫朗誦寒山三百篇何待拈

花發微笑我觀古佛松月翁老氣往往吞長虹不知
禪源倒溟渤但覺筆陣驅雷風晉應羣機了無意天
瑞流芳轉光采撲碎驪龍領下珠一粟真堪眇滄海
次韵送靈隱芳侍者

國師三喚曹溪一宿會則白雲萬里不會寸釘入木
支那竺國兩没相干四七二三有甚付囑以一重今
去一重湖光激灩山空濛不以一重去一重海棠帶
雨胭脂紅白髮老僧夢初覺屋角風響聲丁東德山
之棒臨濟喝金剛腦後添生錢糞掃堆邊輟出來笑
倒柴桑陶靖節

支那

南堂禪師語錄卷十四

十四

送芾藏主歸翠巖

道人天馬駒蹴踏空寰宇勘破主中賓作得賓中主
信脚躍翻華藏海日用頭頭自無碍眉毛落盡又重
生翠巖可憐還堪愛怪也怪不盡愛也愛不徹三千
里外謾多情靚面相看政無說無說多情誰與知爛
爛黃菊開東籬瓦盆炊黍秋日微清霜滿地黃葉飛
送効藏主之國清

少林之曲琴無絃一鳴一息三千年諸方欲和和不
全翻腔轉調徒喧闐東山後來下水船逸韵絕出玄
中玄節拍於今落誰邊知音未遇還堪憐和風吹衣

陽艷天浩興突兀三台連石橋飛雪噴長川豐干一
笑寒拾顛

送理藏主

以字既不成八字亦不是截斷心意識顯示真如理
鳳臺主山頭倒卓六月炎天洒霜電眼裏無筋不易
窺脚跟有路通寥廓水流湮兮火就燥擬究宗風須
撥草百尺竿頭舞柘枝二三四七俱驚倒

次紫籀了堂法兄示智上人韵

上既無傳下亦無授截斷衆流涓滴不留杓卜聽虛
承訛接謬孰有智人爲物所誘合眼作夜開眼作晝

支那

南堂禪師語錄卷十四

十五

病入膏肓神醫莫救絕後再蘇如鍾待扣泉何盜而
不飲餌何驕而不輟物何以而謀新人何以而求舊
爾其索玄珠於罔象慎毋役聰明於裏詎庶幾契心
祖於先天政不必論遙遙之華胄

蘇州府吳縣佛弟子戴天俊法名華信撰資刻
了菴禪師語錄第十四卷之十五卷
爲薦先考及泉府君 妣陳碩人早生蓮界
崇禎八年乙亥歲次開爐日姑蘇犯率園 識

南堂了菴禪師語錄卷之十四 終

南堂了菴禪師語錄卷之十五

參學比丘善慶元寶慧朗等編
明後學沙門兜率明聞重刊

偈頌三

和仲謀兄韻送頃侍者

參底未是禪學底未是道真參與實悟無好無不好
東山老祖翁求人曾入草日午金雞啼非晚亦非早
握手報長廊殊堪慰清抱高風三百年撫掌贈一笑
隨聲逐色漢何處尋頭腦道流弓冶子箕裘應自紹
平生白雪歌毋勞語山獠

又那
撰述

南堂禪師語錄卷十五

送隱侍者

向上一著不涉言詮會即便會擬即招愆若是本分
人愁甚本分事當知佛與祖盡從者裏去拈須彌山
秤作二兩東山老漢可殺生禪用黑豆法換人眼睛
松源贖翁更不靚是一絲一縷去不盡動即遭他神
鬼領說妙談玄大可憐馬後驢前恣馳騁快須剪斷
五色索騰身坐斷千聖頂阿呵呵會也麼古今天地
古今山河晝明夜暗日暖風和一曲高歌歸去好孽
開千嶂入烟蘿

送淨慈明藏主

宗門有體復有用後以智技先定動棒頭五嶽落峰
嶸喝下千江乾涸洞即今拈却棒與喝全與何妨亦
全奪戴角擎頭與麼來幾箇死中能得活維揚道友
真拙奇一大藏放難羈繫揭開宗鏡照塵刹炯炯壁
月揚清輝昨霄爲我留一宿話到無言心自足撥轉
船頭歸去來斷絃誰把鸞膠續

送廣藏主

佛法遍在一切處何曾覓得芥子許一芥子許不可
得遍一切處俱昭著天之高地之廣日月星辰明朝
朗俚奴白拈念摩訶妙德空生剛鹵莽有照有用有

又那
撰述

南堂禪師語錄卷十五

二

罰有賞七棒對十三幾人知痛痒他日孤峯正令行
會須揭此毘盧藏

送遠藏主歸省白鶴雪心

道無方行者未易窺其疆脚跟不動忽踏著誰謂近
在肩睫旁雖近而遠遠而近至無所至那容量春已
過日正長入夏更覺南風涼八紘雲收宿雨霽一目
萬里天蒼蒼道人昨日離錢塘今秋又云歸故鄉阿
師禪心瑩如雪真與松月爭明光往來不往來是藏
不是藏除却南泉王老師一曲清歌有誰唱

贈模藏主

打破鏡來相見了一輪杲日當空耀三世如來不出頭五千餘卷何從討不權不寔非偏圓教外所以稱單傳少林直指早成曲肱驢滅却方超然道流頂門三眼正草偃風行看號令堪悲堪笑老瞿曇昨日定今今不定

送皓藏主

我師休居不師其道不師其德不師其當默卽語當語卽默不師其生擒周金剛活捉白拈賊惟無所師而師之畢竟何如豈不見白雲老祖曾有言一文大光錢買得箇油糍喫向肚裏了當下便不饑又誰管

支那

南堂禪師語錄卷十五

三

你南天台北五臺清涼山中萬菩薩引得長汀老子拍手笑哈哈咄

送慶侍者之淨慈

大千總是如來藏宗鏡高懸空萬象赤梢一躍透龍門平湖漲起千尋浪老僧急卷袈裟角看汝青天飛雪電朝生便是鳳皇兒笑倒松頭千歲鶴

次韻送僧歸蜀

行甚驢脚馬脚惹起千疑萬疑要識本來面目好看秋月揚輝多少點兒落節重來眼上安眉著衣方堪禦冷畫餅豈可充饑撻破劒門關子回頭日在松西

次育王雪隱韻贈印書記

一句子龍無龍總拈却稱長雄灼然不墮言思中單非隻兩非三老胡打失當門齒妙彈無絃誰賞音還我東山左邊底最卓犖端尋常毫毛豈足賞短長撓著三關應手破海印湛湛涵秋光跨三賢超十哲頂門別有通天穴滿肚文章一字無賊面似人人似賊

送淨慈拱藏主再參前蔣山正宗

經頭字無人識作者相逢拱而默懸河四辯一時乾八萬法門空寂寂湖天雨足涼氣浮翠波蕩漾風颭颭語默商量不到處柳岸數聲黃栗留剔起眉毛眼

支那

南堂禪師語錄卷十五

四

如月老我何須更饒舌東歸會見鍾山翁自有生機爲君說

次韻送洽侍者

接響承虛真浪受大丈夫兒還肯否便請從頭放下休不然且向東西走今年已過還明年祖意的的教誰傳三喚三呼絕消息未必落在空王前南堂老比丘有口不說禪饒你領得去且不涉語言咄如斯舉唱浣心田須信壺中別有天

贈操栢庭

趙州說禪真逸格人問西來持庭栢坐令門戶生清

風豈唯體用超明白突出楊歧尤傑特栗棘金圈亂
拋擲弄蹄驢子快騰驤踏碎乾坤了無跡兩翁不作
知幾年靈山一會還依然剔起頭陀笑華眼攢峯峭
壁開青蓮春滿江南又三月柳絮漫天作飛雪爲君
傾盡此時心昔也不來今不別

送杲藏主

百丈再參遭熱喝黃葉聞之驚吐舌正宗滅向信驢
邊衲僧有口難分說慈明易服歸汾陽風餐水宿何
皇皇孤標拔俗三百載高義乃復摩穹蒼不顧危亡
何太錯虎頭截得蒼龍角踏著鴛湖徹底乾萬里秋

文即
撰述

南堂禪師語錄卷十五

五

空飛一鶚

贈頑藏主

一大藏中無法說道人慎勿生枝節少林直指早成
紆我也安能更饒舌千葩萬卉方爭春出頭天外全
何人壁立萬仞轉身句一蹴大地無纖塵豎抹橫該
君自看寂今寥兮光爛爛百鍊金爲繞指柔直須再
入紅爐鍛

送慧藏主歸上江兼東能仁清懶圓通約之歸

宗玉嶼

以戒爲身以慧爲命演出演人無少無剩開口便吞

三世佛嚼碎虚空吐出骨虎額編須未作家免頭截
角方奇偈我有一句在汝邊白雲堂下波粘天圓通
不開生藥鋪頭陀石被毒苔纏

送錫藏主自大仰東還寧親

辭親依師年尚少辭師寧親豈客老父母師僧兩不
違孝順端稱古皇道白雲孤飛海天碧岸柳江梅得
春早我亦有親當一歸斑衣兒啼笑絕倒出家終無
在俗理懽笑幾何還懊惱悲歡本自無根蒂情愛牽
纏苦懷抱要須揭起大圓鏡愛垢情塵俱一掃只今
非往昔非來覺慧發光明杲杲以此報師師謂然以

文即
撰述

南堂禪師語錄卷十五

六

此報親親謂好萬機休罷到家鄉一體無分是僧寶

先保寧和尚送宣維那偈弘藏主求和

昨夜虚空都撲落天明火中尋得電威音那畔訪知
音曹溪撞著一宿覺大都說話不側邊折筯攪動蒼
龍淵擊碎驪珠亦閒事坐看平地波黏天亘古亘今
唯有此欲觀前人觀所使擡眸何處討三賢舉步等
閒超十地此宗此宗須自得自得不得借他人力同鍋
喫飯共牀眠肝膽到頭成異域休居唱兮南堂酬毘
盧藏裏堪遨遊萬法不能爲伴侶孤月自解隨三舟
送雪竇良藏主

妙高臺上雲錦鏡池中月清影落人閒孤光滿寥次
四十九年說不到老猿啼斷中巖曉草中逸出睡菸
竟驚起二靈行鳥道

送萬壽真藏主游台雁

台山雁山高且寒五月六月飛水湍山形杖子旣在
握探頤自可資游觀危峯爭爲寶幢立線路或作羊
腸蟠不知應真說何法但見花雨飛漫漫何如撥轉
毘盧藏一道神光吞萬象掀翻海嶽更無倫隔靴豈
用拳抓痒

行可出先保寧贈偈求和

支那

南堂禪師語錄卷二五

七

樹提婆宗結納僧舌龜背刮毛針頭削鐵觸著人我
無明討甚法喜禪悅三冬枯木滿林華九夏炎天連
地雪作家還我老玄沙解道靈雲曾未徹磊磊落落
處大段周遮切切怛怛時不消一掣萬機休罷而千
聖不攜今內空外空內外空逼蛇化龍而剋期取證
今一月二月三四月

送法喜滅宗

威音已前無授受釋迦枉落然燈後驚嶺拈華謾泄
機少林得髓爭呈醜黃梅夜半築底錯老盧把住元
非惡可憐馳逐天下人接響承虛都不覺道人且喜

相忘久來去不妨空兩手邁古超今豈等閒奪食驅
耕交猪狗君不見當年臨濟辭黃蘗禪板拈來與燒
却正宗滅向膳驢邊草裏鐵蛇頭戴角

次韻贈思侍者

渡水穿雲訪師友朝談天台暮賢首已躬下事合如
何授著人人少知有未善參詳聽我言只者如今誰
動口彼此僧中大丈夫何用隨人脚跟走東山頂上
關著步玉几峯前展雙手撥開萬象見全身截斷羣
機示真吼小根那敢妄搏量佛祖始堪論授受金鴨
香銷錦繡唯地戶天門俱脫臼

支那

南堂禪師語錄卷二五

八

贈南宗

南宗密印傳來久十聖三賢不知有拽轉虛空背面
看錦縫重重貫牛斗棒頭喝下明真機德山臨濟還
堪悲脫窠裂臼領得去風飛雷厲方相宜我是乾坤
無事客驗盡銅頭并鐵額竭來拋向太湖中一枕高
眠真上策

用本覺楚石韻贈怡雲屋

楊岐石牕好尊宿襟度潭潭如廈屋舉措彌增佛祖
光行藏廣布人天福贊成宏智匡慈明等是鷲峯親
付囑斷絃妙在鸞膠續與吾一鼓雲門曲高山流水

少知音白雪陽春和何速楚翁平生五鳳樓無媿大
悲千手目我去靈巖三載回喜見離薨起平陸柱石
端爲不世資棟梁豈是尋常木主伴能操不二心今
古還同一機軸如風從虎雲從龍似地擎山石含玉
大匠固知無棄材善賈何曾有停蓄撮將大千爲粒
粟體亦足兮用亦足用亦足羅湖不生誰可錄

贈無爲道者

歸峯道者稱無爲傲睨物表超希夷有時分身徧塵
刹直與佛祖爭驅馳佛祖何先我何後爲而不爲終
傑斗夜升兜率晝閭浮問著時人罕知有多少疑眸

又邪
撰述

南堂禪師語錄卷十五

九

覲破壁兀兀堆堆守空寂到頭不會轉身句如此修
行有何益要識無爲聽吾說孤蟾冷浸千江月波波
頓現是尋常處處相逢元不別我心與月同虛閒照
天照地相循環光境俱忘照自寂一聲雀喚來雲間

次石佛元菴韻送聚維那之龍河

新昌石佛聞名久無邊剎海毫端有九霄雲外現全
身萬仞峯頭垂隻手衆生顛倒難教化往往東行却
西走佛也由來不奈何我又如何開得口道人袖裏
黃金權自堪殞碎魔軍首妙用靈機苟現前不妨觸
處爲真吼君不見龍潭老人吹滅燈光射七星并八

斗子也親承石佛來不知石佛曾言否更從言外訪
知音眼中何處存妍醜黑暗女與功德天有智主人
俱不受南堂與麼老婆禪未必七分能構九

送與藏主歸省保福一菴法兄

卽心卽佛與麼住狸奴倒上菩提樹非心非佛與麼
去生鐵秤錘被蟲蛀松華爲食蓮爲衣懸崖峭壁何
巍巍把定牢關欠活脫放開線路終相宜藏主近前
出隻手撥動金毛師子吼若問靈巖事若何黑黑明
明三八九

和仲謀韻贈舟維那

又邪
撰述

南堂禪師語錄卷十五

十一

噓一噓吹一吹脚跟不點地鼻孔大頭垂全身入草
處打失兩莖眉聲前非聲布漫天之鐵網色後非色
揚徧界之風漪或喑鳴而叱咤或顧盼以踟躕高來
卷針方外俊處頽脫囊錐沙場百戰氣浩浩太華一
擲空巍巍作家相見有縱奪千聖向上無鉗鎚覺天
之日忽已墮魯陽之戈誰與揮馬祖堂前再參句妙
峯孤頂清霜飛一喝果然聾兩耳大唐國內無禪師
送珍上人回鄉

從門入者不是家珍百草頭上覓得全身拈一放一
有甚好出此沒彼徒因循衲僧拄杖六七尺敲風打

雨驚天人手面靈機絕思算頂門正眼無疎親出生
父母只者是凌滅佛祖超常倫踏著石橋成兩截一
聲喝散千峯雲

次僊巖仲謀韻贈堯上人

究已明宗自爲策何用迢迢遠相索未離歐阜早差
池踏破吳雲轉懸隔君不見月兮不待風而涼又不
見日兮不待火而赫要知生佛兩同源合信曹溪無
正脈竊玄微善探頭鳥本非玄鵠非白無明煩惱是
真如虎穴魔宮總安宅英陵流終逸格九萬扶搖方
展翮塵沙劫海剎那間百億乾坤一毛窄敲東擊西

次韻

南堂禪師語錄卷之三

嚶叔作伯阿刺刺透網金麟遭點額

雪菴瑾和尚偈禪者求和

眼中之句句中眼貶上眉毛還不見有特提起金剛
王有特獨弄無文印神仙秘訣誰堪傳劫外日月壺
中天太白山頭皸爐雪斃鼻徑把長蛇吞

送蔣山淵維那歸蜀

道人曾見三佛來桶箍脫處心眼開回首成都一萬
里峽流春漲爭喧逐君不見德山老漢初出蜀未戰
全鋒先挫衲那堪夜叅吹滅燈從茲不唱還鄉曲拈
得拄杖寧如龍訶佛罵祖鞭雷風如今叢林無此翁

作偈且送淵性空

送敏侍者

訥於言敏於行叅方且要求宗匠卽今海內誰可師
之子行行好尋訪汝不見嘉禾古有雲門翁手面一
著驅雷風顛鑑機先重遭撲電光石火徒忽忽東山
顛佛果瞎特地分身徧塵刹金雞拍翅下聲啼便解
人前施孟八

示中上人

我此法門中大本在見性一見一切見如臨大圓鏡
禮懺既可鑑本末自澄澄迷時聖是凡悟後凡爲聖

次韻

南堂禪師語錄卷之三

迷悟兩超越聖凡同響影廓然洞無疑希學事已竟

次韻贈善上人閱經

一大藏教五千餘卷剎剎全彰塵塵頓現耐重撲到
金剛神釋尊不坐空王殿高來低應谷響泉聲暗合
明投神形鬼面爾旣擔枷過狀我則據款結案機先
領旨討甚仙陀格外明宗早不著便除是本色流一
見卽便見咄咄咄還知麼直須斬釘截鐵輒莫綴齒
粘牙不涉安排羣機曾應現成受用毫髮無差兩手
擎來耳朶中堪容四大海寸絲不掛眼睛裏可著恒
河沙揭開摩竭靠倒毘耶天上人間有此沒量大漢

騎聲益色寔謂妙不可加會則目前包裹不會別立生涯熱即取涼寒向火饑來喫飯困來茶

次韻示僧道舍人

我此一宗不立文字四七二三如水傳器欲得親切去却藥忌匪學而能匪行而至俱胝一指大士千臂知是妄覺不知無記決要完全直須打碎是頭頂天是脚踏地父子主恩君臣主義辨色分香有眼有鼻可進則進可退則退能使於物不爲物使凡聖兩忘自他兼利咨爾僧道固爾初志念茲在茲圓成覺知爾本無求我亦無示廓然現前非言非意宜善護持

支那撰述

南堂禪師語錄卷十五

三

母自輕易

送曙藏主

道人信宿來禾城三反無覓南堂處乃知善財叅德雲七日之間亦如是德雲不離妙峯頂山僧豈出南堂裏中途百念忽頓息白鳥蒼烟盡知已握手一笑載以歸尋得匡牀倒身睡明朝欲唱還鄉曲睡起先求贈行句我觀汝昔元不來今也何爲却言去不來不去兩俱捐故國清風半帆耳山僧爲人無寔法汝也臨機好看取更說甚麼雪峯老漢九上洞山三登投子檢點將來政是黑山下鬼窟裏活計直饒鰲山

店上盡底掀翻何異鄭州出曹門遠之遠矣咄咄咄住住住歸向扶桑更那邊別有光明蓋天地

贈徑山經侍者

百尺竿頭進一步步步超越河沙數平田淺艸驀翻身幾箇解分泥水路荒郊雨後泥水多在江滿江河滿河老農晨興鋤苗草作勞羣起高聲歌赫日炎炎燒碧漢喜有風生楊柳岸道人不憚泥水深屹屹通身流白汗入門一見忘主賓道義篤切情彌親話盡山頭十年事如夢如幻如浮雲坐到水乾泥亦去雪車往往羅水柱金鴨香銷意自閒別有嘉聲繼先祖

支那撰述

南堂禪師語錄卷十五

十四

贈淨慈藏主

一大藏教未明旨山色湖光照牕几未明宗旨一大藏梵語唐言提不起碧海紅塵貼日飛牛胎生得香象兒踏碎乾坤無朕跡大悲千眼焉能窺天台道流何卓犖未言先領俱昭廓丹山鸞鳳九苞文祥麟只有一隻角

示靈隱景巖藏主

是大法藏不涉名言衲僧日用諸佛本源豈唯智者親見靈山一會儼然未散即今老僧與汝同處曾光明殿揖舍那算把斷要津不通凡聖掃除露布迴脫

恨塵咄珍重橫肩鐵拄杖莫教築碎破沙盆

送來維那叅松月翁

真淨界中無一法畢竟渡河須用筏幡竿尖上薦翻身誰管石頭行路滑浩然一月千江心松風正奏無絃琴八絃雲靜夜氣肅老龐不作誰知音子欲叅玄宜撥草桶底脫時方是了神裏金鎚影動搖家家門首長安道

送王東歸

遠人來自東一舉九萬乘天風探珠不入娑竭官十年踏徧中華中華之中何所遇白日西飛水

支那撰述

南堂禪師語錄卷之十五

五

東注如看楊花作雪飛還驚白雪如飛絮太華磔裂黃河乾已躬下事何顛預顛翻大藏五千卷一句未始曾開端驀然來見南堂老萬種千般俱一掃曠劫無明當下消先師公案登時了明牕之下下一榻百尺竿頭恣騰踏外道天魔總倒戈龍泉太阿初出匣明朝歸去楞伽巔順風依舊三日船親朋有問本叅事向道晨朝熱水洗面晚下脫襪打眠畢竟如何咄神仙秘訣父子不傳

南堂了菴禪師語錄卷之十五

終

南堂了菴禪師語錄卷之十六

叅學比丘善慶元寶慧朗等編

明 後學沙門梵率明聞重閱

偈頌四

止止軒贈張君茂

君茂作軒名止止其所止毋乃是要知真止初不然止無所止方通理疏之所以明其元泥之所以塵勞起漆園老吏豈解事虛室生白漫自喜若能轉物即如來自然躍出蘊甕裏六窓寥寥秋月明山長海闊天冥冥漁歌斷續蘆花汀止止於此將忘情

支那撰述

南堂禪師語錄卷之十六

一

半山古原作燕居勝曰信菴因璉藏主來徵偈偉哉信菴能自信古聖今賢同一印盤結孤峰豈等閑棒頭喝下無生忍覺城東際信不及走遍南方無處立彈指聲中得路歸法界重重曾頓入一念不起無浮漚廓然三際空悠悠萬仞崖前布鍤網九重淵底拋金鈎君不見汝家開山真淨翁邁往之氣凌長虹一生善弄大旗鼓力排戲論恢真宗公作信菴吾作偈落落風規宛然在謝墩吞却寶珠峰還放秦淮東入海

竹堂贈琦藏主

竹間著此半間屋夢中盡是釣天曲覺來宴坐寂不動但見繞簷排翠玉風敲蔽雨蔽蔽月色天光蕩心目神也清骨也清八萬四千毛竅俱通靈君不見東坡道人鍊拄杖敲空有時能作響不問人家與僧舍脚頭到處成真賞又不見當年香嚴老古錮等閑一擊忘所知潑天富貴赤骨律卓錫無地良堪悲如來禪祖師意劈箭機鋒建瓴水百尺竿頭掉臂行割定乃兄三尺紫

芥室贈靈藏王

道人一室如一芥大小輪迴無不在中有百億須彌

支那撰述

南堂禪師語錄卷十六

二

盧圓繞無邊香水海一室既爾百室同千差萬別俱圓融毛端寶刹乃其戲似水入水空藏空君觀見行三昧事諸佛衆生本非二聖凡情盡體如如是則名爲不思議疎簾高卷心境閑蒲團曲几安如山光風霽月相回環孰謂此地非人間

袁雪齋贈壽首座

道人不烹龍道人不烹鳳道人兀坐深齋中爛煮雪團充法供一飲毛孔生清風再飲肌骨冰玲瓏東上西乾接手句玉應未了仍金春品字柴頭春滿屋紅麒麟誰敢輕觸後夜夢升兜率宮覺來床上伸雙足

靜趣軒

保安招提古城裏法師作軒名靜趣一心不動萬機開三際泊然如止水軒前修竹叅天緣竹下清池浸寒玉妙談般若若本無言安用琅函五千軸好風吹折芬陀利權實同時盡昭著靜猶不立趣何存未入此軒須瞥地

大樹軒

老禪作軒臨大樹樹下棲禪真得趣直將大樹傍禪軒千里求余寫禪句問君此樹何年栽綠雲罕地青崔嵬長天不放日月下挾座只驚風雨來一道陰涼

支那撰述

南堂禪師語錄卷十六

三

同濟北空盡勞生心意識六十蒿枝痛未伸再思一頓從何得

聽夢樓

百尺樓頭展雙足一枕黃梁午炊熟江城五月落梅花舉世真成蓋蕉鹿者一曲那一曲天鼓希聲斷還續閉一目開一目起來更把身翻覆三際寥寥萬境閑六用門門總休復太原何有建隆眠永嘉謾向曹溪宿風流輪與老馮山二子神通良不俗面湯纔去手巾來一椀釅茶濃似粥

環翠樓

道人高居環翠樓筠窻面面山光浮白雲朝飛宿雨
霽甘露夜注青玉甌長林乘風怒濤吼當暑忽復如
清秋金經琅琅華藏海公案了了蒲團頭童子南詢
斂念入彈指千劫何悠悠東歸未盡若耶興尚可爲
子聊一遊

聽松堂

風來松韻清風去松韻停松堂得松韻六月生清水
重陰覆瑤席時作韶鈞鳴世無寒山子好在誰解聽
我欲呼朱絃和此太古音忽聞深澗泉悠然契吾心
空空室

支那

南堂禪師語錄卷十六

四

綠雲軒

長松翠竹當軒窻奇峯削玉摩穹蒼綠雲隔日南薰
涼竺墳魯誥堆滿床道人深居萬慮忘知見散作毛
孔香客來問法呼羹湯一試車聲繞羊腸

朴菴贈華侍者

朴菴朴菴求我歌時之不如如朴何窮奢極侈世所
尚懷貞抱素無乃訛朴菴朴菴聽我語羲皇上人葛
天氏有耳不聞絲竹音有眼豈知軒冕貴低可穴兮
高可巢蓋頭何處無莖茅汗樽杯飲本自足黃梓土
鼓焉用教歲晚忽然情僞作七竅崩分混沌鑿有時

支那

南堂禪師語錄卷十六

五

拔劍斬風輪驚起泥牛鬪折角我歌此歌君莫嗤大
空小空渠得知萬事到頭難準擬早來百鳥啣華去
止堂贈運侍者

止堂止堂求我歌三請不止如于何不若如今便休
去免教平地生風波止堂止堂聽我語川之方增豈
得已倒流三峽迷九淵崩騰澄渟皆此水動兮靜兮
誰所作卷兮舒兮亦昭廓寥寥虛室生白光落落靈
機洞靈覺動相元無安有止左撻芒繩縛山鬼銅沙
羅裏滿盛油坐斷乾坤只是靜相亦無安有動百
花競作春風夢東山家燕此時開囉囉昭兮囉囉送

歸雲亭

道人一室如懸磬榜以空空頗相稱忽然突出三萬
二千師子床攝入毫端無少剩謂之有佛面等閑成
百醜謂之空帝珠寶網光重重空而不空有不有象
王回旋師子吼白戰將軍不用兵太平天子垂雙袖
耶鳥伊誰與知水晶簾外天花飛兩頭白拈脚踏拍
三面狸奴舞柘枝

作亭竚歸雲雲歸宛亭亭道人本無心澹與雲相應
夾徑樹嘉木公溪羅翠屏人閑境逾寂雲白山自青
看山坐亭上披雲濯清冷

我歌此歌清夜闌萬籟聞寂神思閑何人披雲發長
嘯一聲迸落千林間

承天穀首座號木翁松月翁更曰剛中求正于
余余曰剛中其字也木翁其號也爲說偈曰

阿翁胡爲事木訥口不能言意奇崛一機截斷凡聖
情裂石分崖露風骨松月見之呼剛中諸方見之稱
木翁一爲其字一爲號落落總可魁羣公君不見牟
尼化身千百億多少嘉聲振金石兩元非異一非同
究竟眞成白拈賊

獨木贈林侍者

支那
撰述

南堂禪師錄卷十六

臨濟樹只一株蓋天蓋地曾無遺闊浮金光耀日月
無晝無夜香風吹三伏茫茫洒冰雪偏身毛孔清涼
徹五濁光氛悶殺人惆悵無因爲伊說

獨峰贈昂侍者

千山萬山橫玉案一點青螺出天半白雲不作雨聲
乾只有鳴禽自呼喚何人坐斷最上頭眼空四海無
春秋碧落紅塵兩懸絕菜葉莫遣輕隨流壓破坤維
鎮南極五岳要齊齊不得徑須推倒葛藤椿免使天
華惹衣裊

無生贈度藏主

無生道人來自何繾綣求我無生歌生既元無歌豈
有撥火爲子揚清波君不見覺海澄圓一漚發四生
九有相挨拶若知漚體本來空始證無生眞實說眞
不有妄亦空推倒百億須彌峯十虛直下頓銷殞三
世諸佛無行踪寂寥寥寥明朗撥轉玄關何個儻夢
中合眼跳黃河豁開兩眼長床上東海魚打一棒等
閑躍出千重網跛鼈盲龜總不知帝釋修羅俱膽喪
喚不喚喜不喜笑殺寒林七賢女百種供須不稱情
剛然要索無根樹阿呵呵會也麼不萌枝上春風多
執死蛇頭懵懂漢放活鷄子仙陀婆無生歌少林曲

支那
撰述

南堂禪師錄卷十六

七

彈到無絃聲自足泥牛吼破碧潭烟石上栽蓮藕如
玉

白牛贈昌山主

白牛之白白如雪性情迥與常牛別一犁耕遍劫空
田四脚慣曾行啼噪懶安香嚴稱善牧豈揀平原與
幽谷鼻孔遼天不受穿角長未免東西觸牧之既久
終相忘水足草足溪風涼火宅商量誘諸子四衢軒
蓋何煌煌

天印示管侍者

覺天無雲海波靜萬象森羅同一印聖凡情量莫能

該燦破面門應自信鐵牛之機本如此言下承當不相似今行吳越在于今誰解同生復同死印泥印水還印空二三四七俱潛踪暗合明投總兒戲抹過虎穴并魔宮印空印泥還印水賓則全賓主全主曹溪脫出未爲奇擒得盧陂始堪喜印空印水還印泥玉犬夜吠金雞啼紫綬煌煌揭日月金章隱隱蟠虹蜺祖也無傳我無授去來且可空雙手相逢有問護身符好與攔腮捫其口

滅宗示胤侍者

瞎驢滅却臨濟宗黃河九曲不敢東東山拋出暗號

支那撰述

南堂禪師語錄卷一六

子鍊蛇彩鳳盤晴空堪笑堪悲川土且覲面當機看脚下打失眉毛萬事休引得旁觀笑聲啞宗風似此爭不滅此心合得瞎驢說說向瞎驢驢不聽喝聲迸落千巖月

東白贈昇侍者

金雞拍翅扶桑瞰萬國嵩高開乾坤少室西來豈無意後生欲見嗟無門五葉千秋輝震旦一色明邊何爛爛更從向上透玄關曠劫重昏蕩然散碧海澄澄照虛室萬象莫能逃影質堪笑當年老趙州眼前渾是金州漆

思遠贈傳侍者

祖祖相傳有何說地久天長無斷絕無端滅向瞎驢邊添得兒孫釘根楔此楔欲出出者誰神仙秘訣超離微山青山黃日月老屋前屋後花信稀傳兮遠兮我與爾思而不思知幾幾

東雲贈海侍者

道入心地如雲海隨風行空了無碍晚來一片橫日東萬里濃陰覆天外在東爲東何定方卷舒出沒皆相當釘釘著今懸掛著南陽指出談宗綱有眼衲僧誰不見未達此心遭境眩逐物迷真意轉移識性紛

支那撰述

南堂禪師語錄卷一六

紆日千變我願人人如此雲贊之不喜罵不嗔動既無營靜無住飄然寂爾超緣塵雲兮雲今許多好人果如雲少煩惱得時行志作甘霖一洗炎埃潤枯槁

物外示道侍者

道非物外物外非道以要言之孰臻其奧南泉拂袖便行馬祖看得恰好木葉落盡四山黃金雞拍翅于江曉

宗遠示世侍者

未分天地誰爲祖接響成虛自今古竺國支那兩下看扶桑日輪正卓午威音已後威音前著著落在兒

孫邊馬駒踏殺不足怪瞎驢滅却方堪憐日可冷兮
月可熱此事如何對人說關心大段是寒梅盡把春
光都漏泄

默堂贈辯侍者

淨名一默喧今古塵塵刹刹開門戶散華天女解隨
邪孽破虛空旋修補八絃雲盡清晝閑疎簾半捲來
秋山道人有口且掛壁坐聽萬象提玄關鐵馬嘶風
木雞叫野水自流華自笑碧眼胡僧暗點頭妙德空
生曾未了

雪窻贈瑩藏主

文那
撰述

南堂禪師語錄卷十六

十

雙峯歌雪窻寶華雪窻歌兩口無一舌柰此二老何
拈却廉纖與直截推起松窻進明月驚鷺飛入蘆葦
中一片清光對寥泝莫問少林深幾多莫問雪山高
嵯峨蹲鴟出火香噴鼻一飽之外安知他雪窻見我
作此語點首掀眉心唯唯滿幅書來一字無前路逢
人休錯舉

大明贈韜侍者

大包無外還同小明察秋毫未忘照大而無大明無
明不妨踏著通天竅通天之竅既已開九野蕩蕩無
纖埃翻思龍潭撲滅紙燭處爍爍雲漢遠近俱照回

燒却疏兮焚却鈔衲解螢光何足道坐斷孤峯正令
行瞎棒盲枷真草草道人光明非小大耀古騰今長
不夜九鳥射盡一無存把得栗棘渾崙吞

無我贈吾藏主

我自無我誰爲誰鐵笛把得縱橫吹雲門一曲敲出
鳳皇五色髓洞山五位擊碎驪龍明月珠向去底如
猶捕鼠却來底似井覩驢通紅了也再下一椎大唐
國裏火星迸新羅燎却黃門須

性海贈明書記

覺海澄圓性清淨湛湛寒光浸空影一波纔動萬波

文那
撰述

南堂禪師語錄卷十六

十一

隨便有六凡兼四聖我觀動靜初無作只爲妄能生
妄覺覺妄元空達本真一道虛明自昭廓君不見靈
山拈華技倆盡少室單傳重鑄印三交謾駕鐵牛機
臨汝全提還弄引南堂五月松吹涼茶甌滿泛毛孔
香客來問話莫啓口只有棒喝無商量

秀巖贈挺首座

千巖秀出萬物表下視乾坤一何小散華無路到諸
天只許青山自圍繞青山不碍白雲飛丹崖豈逐春
風老擬問巖中事若何春來拂曉聞啼鳥

愚中贈哲藏主

威音已前無正句何從立許開名字愚中之哲香中
愚意外遺言言外意摩竭掩室開口難毘耶一默心
自閑契詬離朱兩俱失罔象自得同痴頑痴兮頑兮
幾多好困來一覺和衣倒鼻息如雷喚不應開得眼
來天大曉手指東西語南北壯饑買箇油糲吃畢竟
愚中事若何直待當來問彌勒

樂庵贈常首座

世間之樂色與聲一菴冷淡誰留情千峯萬峯聳寒
碧道人得之雙眼明眼既樂兮心亦樂心空眼空樂
何著無著樂處空亦空空有花開與花落花開花落

支那

南堂禪師語錄卷六

三

春復秋世間萬事空悠悠一菴冷淡只如此無樂之
樂將焉求是禪悅是法喜口不能言心自語木人撫
掌唱陽春石女含笙和流水一拍一拍高復低玉兔
搗藥金雞啼拈出青原白家酒清稅爛醉如春泥

月鏡贈滿書記

碧海飛來大圓鏡吞燦乾坤無少剩靈山指出未全
真東平打破方相稱光境俱忘是何物舜若多神露
風骨蚩尤倒走軒轅驚今古何人敢輕忽

香巖贈芷首座

梅檀香風滿巖谷蘭芳芷秀同芬馥萬木千林競獻

剎鼻觀無聞心自足道人坐我巖之中遍身毛孔吹
香風八萬四千身衆海互相涉入俱融通舉一毛端
衆毛集一一香光翠雲溼不出普賢毛孔中誰道心
闕無路入

夢菴贈一侍者

未結此菴先作夢夢入華胥選梁棟菴成夢覺兩茫
然八表十虛空洞洞或擎拳或堅指只莫謾神并謬
鬼金雞啼上玉闌千山是山今水是水

椿庭示壽藏主

春八千秋八千一瞬萬古何茫然綠疏含風夜氣肅

支那

南堂禪師語錄卷六

三

朱簾卷雨朝容鮮濟北豈從穿鑿得睦州謾自相成
全既然黃葉棒頭揭出佛法的大意安用大愚肋
下痛築三拳總是桑條著箭柳幹出汁說甚檐泉帶
月覓火和烟翻身一擲抹過五天皮膚脫盡見真實
閻浮僧在海南邊

古音贈韶藏主

我有太古音不是今時曲馬師曾一彈清風滿林麓
無絃舉手難絕聽意自足禪意春雨餘依依遠山綠

中山贈頴侍者

突突兀兀撐空虛青青黯黯何孤危不偏不倚露一

機除是頑石無人知首陽餓夫工採薇豈識空生巖
畔天花飛噫吁嘻亘千百載今其誰與歸

太虛

太虛無門絕關鑰扣之作聲鳴剝剝萬象森羅側耳
聽石人木人齊應諾金鳥東昇兔西墜天風吹華落
香雨道人燕坐寂不動笑看須彌同鼓舞我與太虛
真體合絕點純清離紛離電光影裏急翻身石火星
中恣騰踏未明此旨成掠虛靠實說話難提持直向
虛中了真實始知實外元無虛虛今實今今復古有
相無相何足數說與聰明道者知打破將來重提聚

文部
撰述

南堂禪師語錄卷十六

七

空巖

空巖好空巖好住來歲久無煩惱蒲團禪板儘相忘
竹杖芒鞋隨起倒有時坐選甚少林胡達磨一念全
超曠劫前不覺日輪頭上過有時立水色山光澹相
入杙執清風劈面來過雲小雨霑衣溼有時行一片
夕陽天外橫信意不知山遠近躋攀或與猿虎爭有
時臥曲木枕頭消一箇不柰多情黃栗留幾回好夢
都驚破空巖好空巖好落花滿地無人掃人空法空
空亦空如何說與時流道

雪山

市地漫天雪三尺千山萬山齊一色晉賢失却香象
王踏碎虛空尋不得六花飛入銀旂中瓊林玉樹光
玲瓏重巖邃谷香草茁白牛穩臥忘西東瞿曇半夜
逾城去掉頭不顧金輪位脫將袈服貿皮衣回首人
間不知處

牧石

道人牧牛如牧石鞭索不施終省力樅然遍界露迴
迴寂爾虛閑還默默有時一曲溪東西長堤綠草烟
萋迷人間萬事不入耳席地且聽黃鸝啼

空海

文部
撰述

南堂禪師語錄卷十六

十五

覺海無邊空索索白日東昇月西落蒼龍睡穩初不
知領下神珠照寥廓信手一擊百雜碎騰身已在須
彌背不犯清波意自殊他家自有通人受

自牧

我有水牯牛生來唯自牧鞭繩既在手且免東西觸
原上春草青原下春水綠隨宜不多求得飽意自足
如是三十載養之頗純熟豈無他人稼示之非所欲
毛色日已化頭角空自全既不逆人意又不蹊人田
三春農事罷一堤楊柳烟人牛兩何有庶以終天年

空漚

覺海澄圓一漚發起滅無從自處豁廓然全露十方
空四生九有和根拔空自非空離我所囊括無邊入
環堵金雞曉拂扶桑枝玉兔夜輾珊瑚樹漚中之空
空中漚隨機鼓蕩成沉浮沉沉浮本來無實性六驚一
掣隨金鈎我開此室還自榜榜以空漚豈相詎疎簾
半卷篆烟青三際寥寥餘鏡象

贈陸平原兼示瀟姪諸子

一從海宇吹腥風三年蹤跡如轉蓬平原道人情分
濃招我卜築平原中瀟能結構進負春斲斲寒寒忘
秋冬養不滿甕栗不鍾烟筇雨笠何憧憧君不見雄

支那

南堂禪師語錄卷六

七

峯作息與衆同大瀉橡栗成禪叢又不見栽田博飯
楊岐翁一旦扶起臨濟宗吾今老矣百事慵眼昏頭
白雙耳聾不作俗子悲途窮不圖聞望傾王公只願
皇化淡洽佛道隆時和歲稔舟車通飛潛動植得善
終一丘一壑皆天宮

杯度尊者祥雲菴偈珩琅渺首座求和

十行十住十回向杯度老人常實相阿惟越致等妙
覺壽命光明無有量佛境界體性同隨說而行自
非強雙溪鎮牛吃一椎等閑吞却嘉州象百千如來
咸助喜頻伽藍空滿相餉登高望遠意自殊祥雲翠

結瓊林上

珩琅一關法兄用前韻見招因答之

三千里外遙相向弟兄孰謂無心相毛端涌現寶王
剎胸次政餘吞海量工夫已到應從容道力未全安
可強昔年杯度今再來截流願盼真香象資豐滿貯
黑石蜜妙語緘題遠分餉暮年只合赴嘉招劇談抵
掌雲巢上

支那

南堂禪師語錄卷六

七

蘇州府吳縣佛弟子王與善出家名淨善捐資刻
南堂了菴禪師語錄十六卷為薦
先祖孝思橋法名廣潤祖妣周氏法名騰年
先妣沈氏頭人同生淨上者
金陵天食張雋對稿金陵蔣淨榮刻
南堂了菴乙亥冬三日姑蘇紀年書

南堂了菴禪師語錄

南堂了菴禪師語錄卷之十七

參學比丘善慶元寶慧朗等編
明後學沙門兜率明聞重閱

偈頌五

送壽藏主

世尊祇是付金襴迦葉何須倒刹竿且喜鳳臺無授
受免教開福有相謾鷓鴣離眼底風光別蚊子看間境
界寬一擊虛空成粉碎却來平地滾波瀾

送英侍者回彰教

禪者三年在侍傍機先一著解承當到家不用多言

南堂禪師語錄卷十七

語又手惟知聽舉揚破柱疾雷驚熟喝倚天長勦發
寒光忽然倒岳傾湫去方信龍於淺處藏

慧藏主徵格外提持之句

格外提持也不難面前推倒鐵圍山祖師鼻孔曾穿
卻外道頭皮有甚頑情與無情都是妄法非有法自成
閒一毛頭上三千界知與何人共往還

復藏主寂照室

一念無生洞十虛纔分靜躁即懸殊維摩室裏金光
現善法堂前寶網舒舉足便須超限量到家何必問
程途只今六用成休復禪板蒲團儘自如

送輦真巴大師再之補陀

頻伽飛出海門東日照扶桑萬國紅法體只如今日
見潮音還與舊時同天無四壁心何壯劫有三祇業
自空童子南詢真軌在杖頭隨處得春風

送空上人之金山

德雲端坐妙峰頭山自高寒水自流三際不與諸境
寂萬機俱泯一心休舟橫野渡潮聲夜更轉星河桂
魄秋金錫影搖天地動潛鱗衝起釣鼇鉤

答渭友竹寄傳燈錄

却外真燈豈易傳祇應滅向瞎驢邊試從七佛探源

南堂禪師語錄卷十七

委堪與諸家辯正偏脫印誰驚文彩露同風自覺道
情全壽山有眼不識字畱在明窓伴暮年

次松月法兄韻送京維那歸省龍翔

勛業於君較幾籌獨知真樂在無求江西老宿誰非
馬社裏遺民自姓劉舉話罕聞道路虎逢人休說過
愈牛只因興化能延敵不似羣兒輓繡毬

送淨藏主遊浙

我忘言也汝忘言擘破三玄作兩邊開口便能吞佛
祖轉身端可利人天三乘教外機關少百草頭邊體
用全剔起衲僧行脚眼大江南北興悠然

送忍侍者上徑山

不向楊州聽落梅只思洗眼看全提山頭賴尾擎雲
去井底紅塵白晝逃聖解未除僧滯殼凡情纔盡自
忘蹄諸方五味都拈却花滿千巖水滿溪

次韻江心無言方外乾坤

方外乾坤豈易窮同中還異異中同萬機不墮境根
識一念頓超空假中頑石有時能點首太虛無跡可
形容豁開戶牖歸來也相見依然在別峰

靈澄和尚山居偈寶藏主求和

西來無意與人言開到梅花白換年三事壞衣殊稱

支那
南堂禪師語錄卷二十七

體一頭華髮任齊肩行收落葉供茶鼎坐倚蒲團對
瀑泉世出世間都是豪孰論身後與身前

次松月翁韻送承天茂維那禮祖

未了目前須用了已明心地更何求巴蛇昨夜吞香
象陝府今朝灌鐵牛馬祖下人阿錄錄桐城投子道
油油只今此話無人舉看盡青山自白頭

贈隱禪人默法華經

七喻三周一默收無人能到最深幽權機可向聲前
薦實相那容紙上求菩薩涌升金地裂天龍恭敬寶
華浮露開火宅光明網携手同乘露地牛

送雲蓋師首座歸隆興

東土西乾妙不傳現成公案亦昭然睦州豈是閒擔
板黃檗難教在下肩南浦鶯花春滿路西山煙雨翠
摩天諸方脚債都還了一曲松風兩耳邊

送晚上人四明兼柬翠山大朴

踏遍吳雲志未灰又思入海看蓬萊金剛石上頻伽
見玉几峰前窄堵開問法問心何卓犖尋師尋友莫
徘徊憑君說與翠巖老畱取眉毛領下栽

送璘上人遊四明天台省親

揭翻父母未生前行脚參方話已圓萬法不離心地

支那
南堂禪師語錄卷二十七

印好山都在屋頭邊鄞江有水通三島方廣無雲見
五天秋滿乾坤風信好卷衣歸趁浙東船

次松月翁韻送育王竺首座歸閩

古鄮山中有此郎揮戈佛日可重光胷襟政自空今
古尺寸何勞較短長好个法門真種草堪於惡道作
津梁蒲鞋價重無人售又挈藤枝返故鄉

次韻送曙藏主禮宏智塔

洞下宗師太白翁一機不墮正偏中羊腸鳥道開玄
路白日青天鼓黑風超越古今端可見鍛烹凡聖本
無功涅槃後有大人相山冷雲寒月滿空

鐵鼓歸根塔

根元非有擬何歸回首人間萬事非八面玲瓏無縫罅十虛磅礴自孤危空華着處揚真諦鐵鼓隨時藏化機未作死埋先活堊笑看天岬夕陽微

次韻答龍翔一首座

寄來佳偈是前年落落盤珠妙轉旋嚼碎冰霜和字燕夢成風雨對床眠縱橫得路誰相委啐啄同時自可傳鳳舞龍翔看賓主出頭天外豈無緣

送僧省香山雪溪

八月九月西風涼片帆高掛逾錢塘眼頭擬觀雪溪

支那撰述

南堂禪師語錄卷十七

五

雪鼻觀已作香山香師資合處形跡絕知見盡時機路亡莫學耽源畫圓相教他馬祖費論量

用雲深韻謝中竺空海見招

白髮蒼顏委羽翁稽留峰頂聞玄宗棒頭日月吞千界喝下風雷撼九重燭火且須閒白晝寸筵何必撞洪鐘故交總是劉文叔足壓龍腰自不容

寄報國無住慧雲木巖萬壽大明

荏苒年華七十翁與誰握手話先宗平生朋友二三輩動隔雲山千萬重安樂自從拋退鼓睡來多是不聞鐘歲寒只有長松在肯爲冰霜改舊容

寄杲宗二侍者

構亭亭東落魄翁只同心語亦弘宗金針雙鎖天機密寶印微開錦縫重慧照深思三頭棒羅云再擊一聲鐘爭如普化風顛子傳得盤山老漢容

寄旻春谷

桂子堂前侍乃翁笑看江漢自朝宗菱華掃盡風千片香水飄來雨一重兜率夢中椎鐵鼓乾城影裏擲金鐘籌盈石室渾閒事戶外其如屢巨容

寄演福大用

南天竺國絳衣翁語默雙忘顯正宗提起天台中道

支那撰述

南堂禪師語錄卷十七

六

義化成華藏十三重香雲縹緲縈珠網花雨繽紛撲講鐘見說年來頭鬢白可如雪後看山容

寄覺宗聖敏仲膚起滅宗

凜凜高風似睦翁起吾宗也滅吾宗發揮濟北龍瞳正籠絡韶陽鐵網重雪頂自擎彌勒像霜空誰扣約齋鐘城市山林兩奇絕一湖秋水浸天容

次東山無際送玟侍者來靈巖韻

後生喜有超方志恰值巖頭散席餘得東山送行語勝如南嶽不通書和杓托出先呈我兩手擎回卻付渠擺尾搖頭如此去何妨密處放教疎

贈中竺時首座

中峰一個破沙盆大徹投機廓頂門掃蕩三玄扶濟
北掀翻百法起慈恩夢覺幾率如何舉講得虛空作
麼論晏歲畏糧來伴我拓開方外立乾坤

懷龍華會翁福臻希文

弟兄絕跡到南堂豈是山長與水長所向自從多險
惡有書無計問安康何人解展回天力此日來施活
國方但得河清任頭白尚須攜手話宗綱

次雪竇華國韻贈明首座

中峰月下出門時眷眷無言只自知脫整笑他靈利

文耶

南堂禪師語錄卷一七

三

漢破家還喜寧馨兒摩訶衍法談來妙觀史陀天夢
覺遲海上橫行從此去重關一試頂門椎

送光侍者歸廣化

上人親自萬松來却着雙檣紙襖回直指宗乘心印
在廣施方便化門開芒鞋竹杖何多事綠水青山絕
點埃昨夜春風到南麓煩君問訊嶺頭梅

送觀首座歸三祖

白鶴峰高翠插天潯溪一水碧漣漣宗門有路人行
少智海無風鑑自圓山谷石牛頭角露金容癩狗脚
皮穿險崖機外翻身去收取蒲鞋舊價錢

贈雲藏主默誦蓮經

髻年便誦芬陀利倒指於今二十霜眼底不藏元字
脚眉間自放白毫光炎炎火宅神通藏盡雲山解
脫場舌本流來建瓴水一聲聲和鐵琅璫

送天台玄藏主之江西

此行直到大江西不用從人乞指迷黃檗痛施三頓
棒大愚相聚一莖蕘有玄有妙非真際無正無偏是
半提踏遍匡廬見衡嶽洞庭霜白水天低

華頂天心同頃大章至出似懷愠恕中之什次
韻二百一以爲東遊之贈一以簡能仁用章天

文耶

南堂禪師語錄卷一七

八

章用貞

雪壑梅稍辛未消絕憐紙襖勝麻袍風生谷口千江
吼月到天心一鏡高吞燦十虛畔炯炯倒流三峽辨
滔滔德雲不下妙峰頂童子南詢幾許勞
天鏡宏開宿靄消蘭亭春日試春袍千鈞力在毫端
上五鳳樓成手段高蔓草難圖何糾糾橫流當道正
滔滔東尋禹穴非無興兩脚年來弗耐勞

次韻答圓通約之時雨天章

灰狗頭話久無傳千里藏題慰老年句句盡同師子
吼聲聲裂滅埜孤禪華開鐵樹春無跡發發水河雪

滿川別有一機恢祖業不愁無路可通玄

次前韻答天章用貞文明天民

名實相應豈浪傳風流堪繼永和年不離一念觀塵劫盡脫三災到四禪曲水流觴新主客茂林修竹舊雲川頃荒迭奏瘡群響調轉胡笳拍拍玄

時約之天民皆遊難

金欄之外復何傳末法迢迢一萬年爛嚼東山鐵酸餇生吞會祖栗蓬禪群星拱北天垂象萬派朝宗海內川倒卻門前刹竿著從他鵠白與烏玄

次前韻寄能仁用章寶林別峰

南堂

南堂歸隱卷七

五

住山鉏斧得真傳東渡錢塘又一年挿草等閒成梵剎隨機逆順入諸禪斬新日月開天鏡依舊風霆似雪川老我不吹無孔笛還依一語具三玄賢首宗中擅正傳雪腰還憶普通年盡知潛子能弘教誰識圭峰早悟禪電掣一機過劈箭瀾翻千隔寫長川灼然踏着通天竅法法何曾落妙玄

國清栖雲閣

黃獨何心致紫泥高居自占白雲栖五峰削出半天上雙澗勒回孤嶼低龍作人來聞法去猿從月落帶霜啼轉身別有通玄路南斗東移北斗西

贈天寧壽首座

會是雙栽入室來南湖分座亦悠哉百非四句從頭刻萬戶千門盡豁開碧海錦鱗衝雪浪青原白酒潑春醅鐵船打就渾閒事浩劫真風喚得回

懷天封一宗龍華文石

我家兄弟唯一宗連床夜雨難再同樹金剛幢擊石鼓用黑荳法開天封看渠大作師子吼顧我何有矜羊蹤龍華補處得勝友石上頗說南堂翁

次韻答芷首座

西風庭院散天香相對忘言意自長莫遣聲光輕短

南堂

南堂歸隱卷七

十

赫好將蹤跡穩韜藏深思大教頻開卷仰止前修只望洋七載祖庭燒得盡三邊旗幟尚飄揚

萬壽愚隱先天瑞嫡孫開法中吳未皇修賀先勤書問侑以湯劑因過其孫仁壽天澤闕白馬元明偈和二首一以謝愚隱一以贈天澤庶延

聖剛中見之同一笑也

老向荒郊學種禾不愁不柰祖庭何三吳旺化逢禪月一國宗風得鳥窠書外有言皆藥石胸中無地著干戈盡知師叔無禪道打鐵爲船理則那異畝重觀合穗禾不知談笑入無何主賓道協寧存

跡凡聖情忘自脫窠雷動九淵摩竭今日同三合
陽戈瀑花飛作懸河辯驚倒龍湫諾詎那

松月翁佛生成道涅槃梅檀像觀音五傷善禪
人求和

佛佛同生是此朝衆生與佛本非遙不能自用香湯
沐却把渠來惡水澆悉達打頭呈伎倆雲門好棒出
心苗驚天動地男兒事金屋休諧貯阿嬌
自從嚴駕越春城六載深山志始平佩項圓光銀漢
月通身寒露玉壺冰河沙三昧同時證刹海真乘一
道發末法師僧不知有假衣求食謾騰騰

支那

南堂禪師語錄卷一七

上

大哉無上涅槃門本自無亡豈有存法眼親傳飲光
勝宗風不墜釋迦文窮玄極妙流聲教續談聯芳在
嫡孫打破虛空求影跡分明一棒一條痕
優填只在世情間真佛何嘗去不還相好儼然如滿
月離鏤剛介費沈檀未曾舉手功全著纔涉思惟見
不寬古往今來同一日煌煌一座紫金山
百寶莊嚴妙色身爲依爲蔭亦俟旬聞思修是三摩
地悲智行爲千輻輪說法自來空物我散華隨處擁
天神圓通境界無關鑰小白香飄海听春

送可上人歸省隆教古鼎

圓顚稱釋子難遇是明師鉢水投針處須彌輓芥時
無心同鏡像脫穎見囊錐豈謂南詢後重安眼上瞿

次韻答伯儀張教授

危言疎縉紳直氣掃邪氛未展圖南翮先空冀北群
尋僧言大道渡水到深雲三教從何立窮源自不分
贈圖書記

一字不著畫相看眼似眉難教夫子會只許老胡知
文彩全彰處機輪妙轉時十方俱一照石火太遲遲
贈端禪人默蓮經

掩卷轉蓮華寧論歲月餘未明窮子喻難到法王家

支那

南堂禪師語錄卷一七

上

雨露無高下根莖有等差頭頭開示處功行幾恒沙
次韻送心侍者

欲作宗門客先須發大心苟非師子吼那副衆王任
著著超方處頭頭顯妙音豁開行脚眼山海未高深
和晦機和尚韻贈定上人

大海波心立千峰頂上行胸襟無日月手面有權衡
梅柳春光動湖山雪意晴那伽定中句全死又全生
和松月法兄韻送明首座遊五臺

踏着臺山路真成汗漫遊劍眉何凜凜殺氣只浮浮
可數無餘子難當這一頭曹溪好風月碧淨冷涵秋

次韻送阜上人

一日復一日千山又萬山要明心地即須透祖關
道韻誰堪並塵緣自絕攀攬衡俱在手應笑管窺斑
送顯維那禮五臺

暮直臺山路誰誇陷虎機未言先勘破攜手即同歸
師子空中現頻伽脚下飛天華政多事繚亂撲禪衣
次韻贈蔣山輔侍者

不住朝廷寺閒居近道傍依然遇賓客顛倒著衣裳
況爾鍾山至難將北斗藏鷹窠出威鳳談笑發天香
送緣藏主之金陵

次韻

南堂講錄卷十七

八十三

息菴息不盡又欲去金陵宇宙空雙眼江山老一藤
發揮無盡藏紹續祖師燈莫學遲禪者無言戀碧層
示昂禪人

要明行脚事不用別馳求減得偷心盡方知道念周
蕩蕩空三際昂昂出一頭懸崖能撒手脫體更風流

次韻贈志侍者

把住犀牛角堪稱席上珍莫爲斷佛種須作利生因
百鍊金除鑛重磨鏡絕塵飄然來又去一个自繇身

次韻贈本侍者

啐啄相投處難教子母知斯須能不易遠大始堪期

自信皆繇我羣居更問誰八紘雲散後一月正流輝
次韻送宗侍者再參蔣山

大法空修學明師勿久離須知未後句不是最初機
掛拂遭呵處升堂卷席時祇衣抄不到攜手孰同歸
次韻送禮維那

道人會法戰叱咤破金城去就鴻毛重勛名海嶽輕
鉗孟過橋李節候近清明百越三台路倘羊不計程
次韻悼感聖雲菴

之子喜才兼持身只守謙開門臨野水爲客卷疎簾
古寺如風穴宗乘繼此菴話頭元自在今後許誰拈

次韻

南堂講錄卷十七

十四

行脚走三千探珠下九淵倒拈芭筲柄痛掃墊狐禪
已辦今生事還思未了緣老胡真軌在屢履過西天
未來先寄信欲去又牽衣白髮憐吾老朱顏借爾輝
有衣弘道統無命與時違千聖頭邊路還同把手歸
勉菴贈邵上人

要會此門風須憑策勵孜孜忘早夜矻矻感秋冬
自棄溝中斷相成幾下桐一拳恢復業千古繼先宗

鈍潛贈頴上人

鋒芒都去盡似兀又如癡萬境不相到一真聊自怡
忘機猶罔象藏密是便空自昔知音者獨存王老師

次蔣山正宗韻送琦侍者

扇破索牛兒千鈞拏發機正宗誰復論秋月自揚輝
礎杵千家動雲天一鴈歸西川回未得易服問東碕
竺元和尚山謳四首壽藏主求和

投老無所營身安萬事足雖承教外傳還把楞伽讀
東峰多土酥西場富溪蕪一飽謝塵世焉用銜花鹿
茫茫六合中个个無非客一人萬夫敵六馬御朽索
曾陽不揮戈白日即西落咄哉老趙州八十猶行脚
我有無絃琴中含太古音豈無少林曲不入時人心
白鶴千年歸丹鳳一日吟嗟嗟精衛子弗顧滄海深

反部

南堂禪師語錄卷十七

七

我有無孔笛有口誰解吹吹者不易得聽者誠難知
空山晝寂寂草座春依依一个黃栗留啼上高高枝

吳門雲泉菴比丘照派徒晉人曹洽捐資刻
南堂了菴禪師語錄第十七卷
松陵大食張萬對稿金陵蔣淨榮刻
崇禎八年乙亥歲仲秋吉日姑蘇曉亭閣識

南堂了菴禪師語錄卷之十七

南堂了菴禪師語錄卷之十八

參學比丘善慶元寶慈朗等編
明後學沙門兜率明聞重閱

禮應菴祖塔

不受雲居腦後雖却來虎穴奮全威關情最是梅陽
老遙付楊岐五世衣

禮大梅祖塔

爛梅無色又無香碎嚼猶堪誑老龐割定馬師三寸
舌倒流東海入西江

反部

南堂禪師語錄卷十八

一

和皎首座雜言韻

一靈不昧古猶今妄想塵塵自陸沈合浦明珠生蚌
腹涼秋白月到天心

得失雙忘語意真當機拶倒主空神千門萬戶無關
鎖八臂那吒現半身

送光知客歸雙溪

入門深已辨來風莫是機先有路通後夜雙溪弄明
月却疑身在水晶宮

悼報國希白和尚

無常既到促行裝浴罷更衣即坐亡潮落海門新月

上不知全體露堂堂

大涅槃城此日開廓周沙界淨無埃爲人方便知多

少親切無如這一回

四大分飛五蘊空此時端可定綱宗廣長舌相吞寰

海伸出炎炎火聚中

送德茂鑑三禪人禮祖

湖南潭北路悠悠不若春風百草頭後夜匡廬看瀑

布大江如練月如鈞

五葉流芳滿大唐黃金靈骨轉難藏鍊銀正好頻提

挈休問湖南埃子長

又那

南堂禪師語錄卷十八

二

祖師靈骨徧乾坤一段光明徹曉昏鑑在機先如不
會却成容易上人門

和竺元和尚閒居雜言韻

童子南詢錯較量又尋初友見清涼眼睛只在眉毛

下庭際春深草自長

千時無夢老巖房問道何須太着忙據令提綱成特

地聽他梁燕說真常

世路難行滑似苔山居容易得心灰時人自是不肯

到老子柴門終日開

寒山拾得是勅敕百靈龐老非同參雲自高飛水自

下馬頭向北牛頭南

皮髓碎分憐鼻祖箭鋒相拄笑三平九切八垓山中

路只許孤雲管送迎

金剛正印獨心傳不在威音大劫前數筆遠山滄海

日一溪流水綠楊煙

拾枯煮雪烹月團博山煙細瓷甌圓香嚴大仰小伎

倆原夢直到瀉山前

示僧

六十蒿枝痛不痕攔腮一掌爲知恩虎頭虎尾齊收

處三世如來總滅門

又那

南堂禪師語錄卷十八

三

送僧

雪曲陽春調未高海天闊看鯨濤轉身踏着通玄

頂八十翁翁着繡袍

形山有寶莫他求坐斷乾坤百念休飛瀑界開千丈

石亂雲堆裏看龍湫

馬師一口吸西江昨夜三更月到牕嬾瓚巖前黃獨

火春風吹長葛藤椿

廬山山下大江橫帆飽春風水正生宰堵波中無佛

祖虛空背上有人行

今無受也昔無傳一句全超曠劫前未入門時先辨

的大江煙水碧連天

次韻悼華頂和尚

世出世間無別法，涅槃生死豈殊途。
祥麟掣斷黃金鎖，萬里長空桂月孤。
短髮毵毵耿夜光，身前身後總堪傷。
頂王三昧無人見，空使波旬笑一場。
海天空濶暮雲低，華頂峰高北斗齊。
月照石牀羣動息，夜深還聽木雞啼。
擊碎峴嶠吐又吞，此時消息許誰論。
霜鯨喚醒輪迴夢，葉海無邊佛本根。

支那撰述

南堂禪師語錄卷一八

四

送魁藏主歸省竺元和尚

鄒嶺真傳一暮翁，劈開千嶂倚長松。
羚羊挂角無蹤跡，逐塊韓盧豈易逢。
根塵脫盡耀靈光，日用何曾有覆藏。
路入箴峰三月盡，好風吹綻百華香。

送靜維那歸越上

三過堂前法戰回，鑑湖風月擁高臺。
水華不着閒塵土，遠許青山送影來。

析玉峰講主送小師皓侍者偈

教門深廣若塵沙，說妙談玄路轉差。
凡聖兩忘知見

盡大千都是法王家

容易如何得到家，百城煙水渺無涯。
脚跟未動筍鞋破，涼月正高松影斜。
子去要須明直指，卽是妙權塔廟東拈起。
別峰相見事講臺，花雨正濛濛。
靈山只是笑拈華，出窟金毛弄爪牙。
霹靂一聲天地黑，坐觀巖電掣金蛇。
送祖印慧明四禪人之金陵
寶珠峰下是金陵，煙水遙連錢甕城。
今古幾多興廢事，江山無口爲君評。

支那撰述

南堂禪師語錄卷一八

五

百尺層臺古意深，隔江煙靄暮沈沈。
鳳皇不作梧桐老，疲馬自嘶楊柳陰。

眞慧華敷覺苑春，月林星渚淨無塵。
世波不動安禪石，雲葉偏隨自在身。
道過雪竇不歸鄉，強項仍饒硬脊梁。
落日古臺三尺六，朝煙樹鬱蒼蒼。

送炬禪人歸省瑞巖萬里

惺惺石上舊因緣，落在閭黎父子邊。
九萬里程歸一瞬，海天霜夜月孤圓。

次韻示興平二禪客

當機突出句中玄語默商量總未然推倒門前案山

子間浮樹在海南邊

擬報人間兩不平脚跟正好喫烏藤春光只在梅華上何用重敲火裏冰

病中

病無起處藥無靈四壁秋聲獨照燈五濁世中安樂法分明說與枕頭聽

胷中不着元字脚室內自生金色光三際湛然諸境寂屋頭風撼鏡琅璫

追和西丘太師祖梅屋偈

支那撰述

南堂禪師語錄卷八

七

太白山頭第一層一枝春信見無能何年飄落人間世散作長街六月冰

送修知客

修無修句如何舉門裏出身身裏門千歲巖前歌一曲天香桂子落紛紛

送靜上人歸雲門

明知靜是真消息却要橫身鬧市中一箇白雲無住着又隨孤月掛長松

送忠侍者省師

秋高木落鴈聲稀天外忻逢白鳳歸紙襖莫教文采

露阿師全用險崖機

次韻送滿鎮成康四上人

禪子心如滿月明定乾坤句全相呈三千里外親携手九曲黃河徹底清

滿懷傾出鎮海珠仰山却道無言語爍破乾坤驚倒人雪裏芭蕉不知暑

欲成大樹作陰涼撥草參方道念長回首宜春臺畔路胸中知見自含香

千巖萬壑翹何多戲海金鱗出網羅滿院清香噴薝蔔莫教孤負老維摩

支那撰述

南堂禪師語錄卷八

七

送金山栢首座禮峨眉

金鰲背上急翻身西望峨眉道念淳要識普賢真面目碧天霜月帶重痕

資福道元法兄惠筆且謂少助貫華之興答以

二偈

坐斷禺泉正令新猶能把筆寄陳人何如自用腕頭力點出嵩山萬古春

遠遣宣毫助貫華要看靈豔吐天葩老來無許閒心力此事而今付作家

癡絕翁所賸白雲端祖山居偈忠藏主求和

閒居無事可評論一柱清香自得聞
睡起有茶纔有飯行看流水坐看雲
夢回樓上曉鐘鳴落日穿牕夜氣清
政喜世閒緣業盡靜聽童子課經聲
淨智如如本妙圓不分凡聖體皆然
只今六用成休復卽是威音大劫前
一性虛閒百念停剎將雙眼掛空青
深村院落無塵土萬本長松繞石屏
送新藏主禮永安塔
掃空邪說顯真乘只有藤州一箇僧
試看永安山裏

又那

南堂詩集卷十八

八

又那

南堂詩集卷十八

九

月卽今猶是著書燈
寄報忠直菴

不赴芝雲也自高
鷺湖且可泛輕舸
長竿留取釣東海
一舉三山連六鰲

寄謝石山孤月雪山

風月平分豈等閒
倚天長劍在肩閒
可憐鷺嶺拈華日
只有頭陀解破顏
心月孤圓道念堅
自應般若有因緣
超然迴出塵勞外
不見南堂也會禪
萬里青霄一桂輪
照空羣象淨無塵
滿身風露不知

冷光境亡來有幾人

紹續宗風在已躬
微胡藏海十三重
須知佛祖垂慈處
超出情塵語路中

黃巖溪葛偏宜尋絕勝
青州做得衫卻寫伽陀
遠和報前三三與後三三

贈宗嵩妙三上人

參禪學道悟真宗
三夏三玄一句中
舉步踏翻千聖頂
碧天紅日自西東
千峰影裏看嵩山
正是秋風落照間
大地撮來如粟粒
曾郎不是誰癡頑

妙唱不搖三寸舌
真機只在一毫端
頂門豎亞金剛眼
六合還從掌上看

送尹侍者

高披紙襖出南湖
空盡塵勞一物無
好向金陵訪知己
前頭大有赤鬚胡

次天寧空海韻送珂維那

袖裏金鉞解放收
風光盡在月波樓
豁開兩眼空寰海
帷帳毋勞更運籌

送南華立首座

曹侯溪上南華寺
那羅延射堅洛叉
半座平分風與

月寶林輝映衲袈

雨牕示聚上人

空階滴滴雨中聽不覺思量到鏡清迷已衆生多逐
物不知真聽本無聲
滴滴空階妙指陳返聞聞後見全真後生未達圓通
境莫謗如來正法輪

悼建長竺仙法兄

五住招提盡大方座中冠蓋擁朝行雷音遠震扶桑
國縉寫歸家作寶藏
承虛接響喚來來把得瓢苗石上栽二十餘年真一

撰述

南堂禪師語錄卷十八

十一

夢海風吹得計音回

難提結就稜伽頂箇是東方最勝幢活堊死埋俱了
了這回推倒葛藤椿

送心侍者省雲巖

藥山室裏弄師子不出雲巖手段高萬仞崖頭輕返
擲卻來平地起風濤

送明藏主遊廬山

一大藏教是切脚正文畢竟許誰明大江直上三千
里突兀康山照眼青

送壽首座

兜率宮中說夢回幡竿尖上舞三臺釋迦老子不知
有白牯狸奴笑滿腮

聞北山悅堂歸東禪兼簡永懷岳雲

卷衣歸食故山薇誰似山翁解見幾養得身心同孺
子自栽松竹護禪扉
纔話休居憶永懷白頭兄弟已生埋村田角落凶年
裏馬麥風規自偶諧

次韻荅中山行可西國古航四友

睦州檐板志彌敦接得韶陽嗣老存多少後生遭落
賺一時埋沒向宗門

撰述

南堂禪師語錄卷十八

十二

花劈將來鍊突崙劫空空劫鎮長存龍睛鵲眼何曾
會三世如來共一門

出得一身白汗了平生毛病盡無存神醫拱手巫咸
走不信膏肓是活門

祖翁一箇破沙盆東挈西提活計存煨藥煨湯又煨
粥絕勝騎馬傍人門

次松月法兄韻送行宏二上人

巧織吳姝不用梭鴛鴦擲出柰渠何郎君子弟爭先
看箇箇齊穿水上靴

正愁吾道少人行江上俄然見雨簷說與捧爐神著

便莫教翻卻煮茶鍋

覺首座送松月翁遺硯至作偈贈之

法社凋零法運衰法燈已滅法幢摧人天慟哭波旬
笑狼籍春風又一回
電光影裏急翻身剎海真成一聚塵遺我陶泓亦何
用尚須磨盡世間人
雲門拄杖化為龍飛入曹溪硯水中鼓得風雷動天
地依然皓月掛長松
無位真人乾屎橛正法眼藏破沙盆爭似曹溪鏡
子金香爐下錢崑崙

又那

南堂師語卷八

七

次淨慈平山贈祖禪首座韻

長憶盧公倚石屏無邊風月滿懷清何如覺覺慈宗
鏡半座平分接晚生
湖上千峰列翠屏湖中秋水帶霜清永明宗旨無今
古細浪含風取次生

次龜峰追元韻悼妙果竺源禪師

戴角披毛異類身全生全死顯全真巢湖水淵魚龍
泣去作他方轉化人
五濁波中駕鉢船須彌峯頂浪滔天一聲鉦笛三千
界彈指人間八萬年

去無所去與麼去法門折却擎天柱來無所來應再
來煩惱海中傾法雨

徒笑落難當面擲優曇鉢華火中間可憐帶殺迷封
著盡逐聲前句後來
大圓宗風只一拳慈陰密布萬緣禪向東湖頭五六
月水滿長街雪滿天
黃金真人鏡面相弗立一塵重掃劫淫繁城外展生
機春風不在花枝上
入佛何妨又入魔知他爲我我爲他定慧星一輪輕
重斤兩元來不較多

又那

南堂師語卷八

七

宗說俱通不二門當機一喝怒雷奔金剛栗棘開家
具驗盡師僧錢鵲奇

巢湖香水定宗綱引得波旬笑一場三際新時心行
滅通身是口錯論量
真誠意思脫空歌滅處成添少處多萬里碧雲散
盡一輪霜月照松蘿

寄九巖道純兼簡石佛清遠

石佛臺畔看九巖弟兄情分自相諳通知話到難難
處抹過前三與後三
春雨春山筍蕨肥不知塵世有危機何當借與安禪

聞明巖穆菴出世

送忠藏主

寄景山岳雲

撰述那

南堂禪師語錄卷十八

十

悼定慧大方

彩鳳翻空出盛時金烏燦破五須彌全身跳入火中

吾衰不復夢周公
公識吾衰豈夢中
勝熱高風冠今

善惡繇來只兩岐
開眸作夜亦何爲
鄭公筆力堪扛

鼎來寫禪師活化碑

長卿明德所懷銘其墓云至正一十六年春師於世生
歸口定慧寺方共興教旅寄住佛堂福便多暇咸亨
卿口何不休去教士而歸哉我嘗有八福願謝咸亨
客密嚴山寺首座師盛稱我嘗有八福願謝咸亨
我將大也頂成作證明十八年九月八月癸亥鄧
事登靈巖時緣夜話同其將是月十四日卿此山至
次然出迎時侯夜話同其將是月十四日卿此山至
化吳其爲我證明來在致下交幸念卿此山至
王大臣爲法外護侯無恙此言至二月廿日卿此山至
語笑曰昨日歲領合弟弟來初切贊化爲樂殿功奇
諸賢疾到聖人落害故月一疾侯雖許詩亦未第信復
以勢疾到聖人落害故月一疾侯雖許詩亦未第信復
一龍坐去華謂僧當定命愈則無有指前一大牀語
卿曰此不足良華如師在十四日朝至殿與衆僧別
卿登柴棚兩袖皆折嫩得大即前舒敬然於大
聚中其祝香有曰雲南不屬於聖祖根本元從功大
來不是休居視說家如何要何大聖祖根本元從功大
教孫與華曰卿當記憶於是僧俗四家始驚信卿

支那

南堂禪師語錄卷十八

經略所至。不得舍村。聞異香。少壯大威。骨骸不壞。
 者。二。五。俱。滿。手。溪。間。驚。州。下。已。爲。學。軍。二。且。爲。建。塔。
 雲。衆。之。壽。之。銘。云。云。則。衆。僧。曰。前。身。元。是。五。商。僧。故。
 向。人。間。供。養。僧。僧。受。生。時。全。體。現。鉢。施。火。裏。甕。雪。水。

雨後鷺湖入望長巋然猶是曾靈光有無顧力如何
說只聽風甌爲舉揚

次韻荅景山南州

空盡塵緣一草菴且無佛法許人拈蘭峰老子情懷
好華偈時時到水南

大是招提小是菴最關情事未曾拈一千七百野狐
話今日何人在斗南

志清隱至贈以四偈

未來相見早開懷何用橫機後險崖竺國不傳唐土
信自家門裏隔天涯
三十年來話始圓不知寶八布衫穿掀翻海嶽求寬
對擘破虛空作兩邊
大而無外小無中明暗雙忘體用空薩埵競餅三珠
酒獼猴自具六神通
天無四壁地無門栗棘枯來吐又吞百草頭邊千聖
眼祖翁一箇破砂盆
次韻答雪崖

吳通

南堂禪師語錄卷十八

十六

森羅萬象作參隨北斗南辰位弗移督轉機輪上頭
看此心只許老胡知
話頭那復究離微妙處離教佛祖知一片雲間不相
到轉頭入境已都非
不用欣欣不用悲今何時也古何時九還丹外無真
藥換盡凡胎莫厭遲
處世難爲是強顏有懷須到古人間閑人自有閑人
骨不是閑人不易閑
三界無家總是寶道存何處不相親滿身塵土寧須
洗洗到無塵正是塵

水因風動靜無時山與雲高不自覓彼我兩忘心迹
泯杳然長與世相違

次前韻答芷首座

無邊風月自追隨看盡江山脚未移柳檍杖頭消息
在莫教容易使人知
鵲眼龍睛妙入微未曾拈起已先和五年隔闊重相
見一句當機掃百非
方今佛法最堪悲正是叢林掃地時誰與天宮問彌
勒利生時至莫教遲
幾年不得見水頗只隔命溪一水間看得清平時節

支那

南堂禪師語錄卷十八

十七

近未應長似老僧閑
荒郊無可燕高賓道術相忘意自親提起祖機千七
百幾何曾未透金塵
平田淺草轉身時路著孤峯萬仞巍莫怪南堂衰颯
其從來無順亦無違

懷仲文覺民一宗三弟

大雄山脚斷飛鴻華頂峯頭路不通七十二翁天一
角隣雞三唱五更鐘

次韻答景德雲海法兄

白粲挨開首荷盤貫花翻水墨光鮮早來打鼓普請

看塞破華亭載月船

吳門靈等字北丘達不徒清博且堅敏訖刻
南堂了菴禪師語錄卷之十八終
公慶天食張壽封稿 金陵府學學正
崇禎八年乙亥臘月八日 南堂了菴禪師謹識

南堂了菴禪師語錄卷之十八終

南堂了菴禪師語錄卷之十八終

南堂了菴禪師語錄卷之十九

參學比丘善慶元寶慧朗等編
明 後學沙門兜率明聞重閱

謠

洞庭謠送本藏主

東洞庭西洞庭七十二點浮螺青涼風吹永日色薄
白浪遠接天冥冥盧公高臥歲月老今古有誰同此
道涵空閣上豁幾睥長嘯一聲欣絕到掛角羚羊本
無跡之子何須苦尋覓翠雲不動石屏閑岸蓼汀花
弄秋色壯遊豈是耽奇勝仰止先宗作龜鏡隔江相

支那

南堂了菴禪師語錄卷之十九

一

喚解知歸堪與虛空安把柄

台鵬謠送景侍者

台山青鵬山青千朵萬朵蘊蘊攢高冥橫空石梁闢
雪瀑飛流濺沫往往散作銀河星潛奇毓勝狀不盡
坐殺五百一十六箇聲聞僧嗟予生緣在其下兩脚
未暇躋峻嶒上人從何來便欲舒幽情攀蘿陟磴到
絕頂俯視萬象無逃形願言學道亦如此探賸理窟
開玄扁吸乾佛海掀翻祖庭使夫寒拾撫掌詎那服
膺庶幾懸天心之寶月朗劫外之真燈苟不然者又
何必陋燕雀誇雲鵬而與世俗同愛憎

廬山謠送迴首座

廬山橫截九江口五老峰巒欹嵒吼境風吹斷香爐
烟玉龍噴雪飛晴晝遠公向來裁白蓮社中人物何
超然山靈勒回俗士駕勝地盡屬西方仙陶令攢眉
真自拂夜郎有意嗟乾沒還丹浪說透虎香到頭莫
換凡夫骨我生原是山中僧別來轉眼三千齡此日
因君話時昔旋覺秀色盤空青盤空青可脫結清淨
之身廣長舌一笑掀翻九疊屏摩訶衍法非言說

歌
廬山室歌

又那
撰述

南堂詩話卷二

二

杯度尊者應跡晉宋間人莫能測常荷蘆圖而行至
廣陵赴李氏齋置圖中庭云四天王福爾家李欲移
圖數人莫能舉有賢子窺圖中四小兒長數寸齋訖
提之而去又赴竟牧劉興伯招伯令舉圖來視數十
人亦不勝伯即之唯破衲木杯耳宣慈濟西竺蘭若
尊者所居也住山熙菴春公欲勅丈室榜以蘆圖不
遂而終囑其徒智明誼上人爲之逾年而成厥孫渺
師求余題復和尊者祥雲菴偈韻并序其大畧使刻
之云

挈箇蘆圖來復往大似全無大人相看渠坐斷珎琅

峰脫盡凡情超聖量四王虎踞圖之中感應道交何
木强掀翻海嶽驗行蹤踏碎乾坤無影象下載清風
木作杯上方鉢飯人爭餉智明作室吾作歌大書蘆
圖榜其上

妙乘舟歌

妙乘舟前御史蒼山之泛宅也治書廉公亮榜其額
金山即休爲之頌曹溪月翁爲之敘可謂具美猶以
爲不足來徵余言不得已謂之曰真性吾舟也願智
吾水也六度萬行吾帆檣篙舵也吾乘之而游乎三
界之海流行坎止唯意是適是非之風不得驚龍辱

又那
撰述

南堂詩話卷二

三

之渦不得溺內無珍異以起盜者之心外無聲色以
動觀者之議人方拘拘吾獨浩浩人方戚戚吾獨怡
怡誦華亭載月之章樂鄂渚湮波之趣不住彼此不
著中流而錦鱗賴尾或有所遇不亦妙甚矣夫又何
必東拂弱水西掠流沙南放炎海北極玄溟浪爲無
益之游而蕩無所歸哉系之以歌曰

天地浩蕩兮放吾之舟萬化無息兮乘之以游返吾
心兮復吾性廓然大通兮餘將焉求罷釣收綸兮華
停船于星曉舞棹兮鄂渚巖頭嗟余生兮季世所不
見今前修開帆捩舵以力追之兮慨情緒之繆悠豈

無清風朗月以壯吾之趣今曾何塵勞妄想之未休
匪殘山剩水之可愛今自無意于公侯有超宗異日
之開士今固宜衝寒冒暑而激揚唱酬殆將澡心浴
德於清涼之池今采芙蓉于芳洲雖薄俗昏墊終莫
我知今亦庶免漱石而枕流渺江漢之無際今當不
限予之去留惟歲寒之高義今尚或慰乎寂寥之秋
和訥無言十二時歌韻

十二時誰與知眼上隨分安雙眉神珠謾逐黑月隱
白雲自傍青山飛

半夜子睡著是人呼不起清風皓月四簷秋輪我暮

支那

南堂禪師錄卷九

四

天兼席地

雞鳴丑錯認七星爲八斗馬駒踏殺天下人石頭可
是能算吼

平旦寅一牕紅日破羣昏幾多猶作夢中夢一炷清
香爲返魂

日出卯只箇平常心是道眼中童子面前人班白何
須讀黃老

食時辰白頭傾蓋無故新向來梵志語言好吾猶昔
人非昔人

禺中已知音賴有寒山子撥倒毘耶不二門上大人

今丘乙巳

日中午三十三天擎天鼓乾闥婆王總未知迦葉無
端起來舞

日狀未敵體有誰分觸背萬機休罷卽歸來一法何
曾在門外

哺時申一喝當機體用分不知雪嶺同風句何似雲
門透出身

日入酉暗裏也須垂隻手見聞都道透根塵舌本何
曾離得口

黃昏戌萬象森羅同一律月明照見夜行人一二三

支那

南堂禪師錄卷九

五

四五六七

人定亥八穴七穿堅固鎧鬼山之下暮翻身抹過無
邊香水海

阿呵呵見也麼有佛無佛須經過饑來吃飯困來睡
天上天下如吾何

四威儀

行不與人共行踏著脚下苔生堪笑空生未了無諍
還同有爭

住不與人共住鐵鞭擊珊瑚樹山中明月一家門外

白雲何處

坐不與人共坐省得修因證果解開三穢肚皮贏得
口吞飯顆

臥不與人共臥惺惺何若癡癡待得玉兔走來不覺
金烏飛過

銘

常山銘贈真藏主

倚與常山不變不滅寂然靈然有若其截匪見其始
孰親其終鑽之仰之維堅維隆既極其踵復徹其頂
廓然大觀默默自領華開華落春去秋來一瞬萬古
惟常山哉

支那
撰述

南堂詩集卷十九

坐禪銘示琳藏主

四威儀中唯坐最安眠如木快口似磬盤外絕諸緣
內心無喘三際泊然一真自見父母未生是此面目
了了常知不肯不觸我即諸佛諸佛即我猛著精神
母事慵惰昏荒睡眠痴暗之獄馳驟攀緣猿馬之屬
性體昭廓前境自忘隨機應變光明之幢

虛白銘示杲侍者

一真法界舍吐十虛洞然明白不隔毫釐即虛即寔
即白即黑性相平等體用俱寂寂而常照以觀其微
照而常寂以觀其妙行住坐臥不離是中是謂無用

之用熾然作用無功之功大哉聖功爾道人杲入此
三昧于一切法乃得自在

瑞田銘贈齊上人

惟我瑞田不耘而秀靈根固深異苗翻茂匪木匪芝
芳騰四時合乃同穎分而兩岐雨露霜雪不失其節
刈獲春炊慰彼饑渴詎田能瑞我瑞于田我亦何有
化育之元

清隱銘贈志藏主

水之清能鑑乎物心之清物莫我汨吾固知隱於道
者與時偕行不悖不怨政不在食首陽之薇而後見

支那
撰述

南堂詩集卷十九

夷齊之風骨噫嘻碧海澄秋今神山突兀

少林銘贈効藏主

道人伊何少林是效行解相應宗說俱到三乘教外
獨傳此心芳聯滋續耀古騰今舍而他之無乃自欺
反已而觀物莫我遺觀者何人心是何物斫水求痕
捫空揣骨心思路絕言語道斷廓然現前月當霄漢
大哉少林列聖所欽八紘無際萬年垂陰

友石銘贈琪侍者

有美如琪而友於石磨錯之至光潤外射豈無厥質
昧于修治日月既迹悔亦奚爲士之於道其可自忽

念茲在茲前佛後佛

此宗銘贈任首座

倚與此宗天然而妙無正無偏有用有照如大火聚不可近傍如塗毒鼓聞者皆喪一門超出萬古微猷驚峰倒卓曹溪逆流

竺先銘贈元侍者

威音已前五竺之先是第二句孰知其然釋迦未出達磨未來拈華了也斷臂何哉于此透脫全機與奪上下四維橫該豎抹優曇鉢華九枝秀草青天冥冥紅日杲杲

支那

南堂禪師語錄卷十九

聽松軒銘贈聞首座

松本無聲因風而鳴乃若廣樂張之洞庭我耳本靜物來斯應心精遁聞默默自領彼既無作此亦奚受一根返元六用仍舊松之青青風之冷冷爾聲爾色孰經孰營聲不自聲色不自色由我聞見乃彰爾德爾德不有我心亦空淨洗兩耳聽此松風

北窻銘贈旻首座

北窻下義皇上寂寥寥明晃晃有清風來蒼莽琴無絃松自響或禪那或梵放不求真不斷妄忘能所滅影象檐板漢難近傍擬入門拶折臂

西軒銘贈立信中

少室西來單傳直指以心印心如水入水後代兒孫以曲爲直不辨東西豈知南北非信不立道在其中神而明之廓然大通是故此軒以西自榜有問何如痛領一掌

蒲室銘示毅本中

倚彼道人編蒲養親直以佛法界之雲門法有以付親有以報古之今之是則是效我築是室以名配實巨屨小屨惟縝惟密粥之得金甘旨是任匪甘匪旨聊慰我心舊蒲既盡新蒲既續事親之心何日而足

支那

南堂禪師語錄卷十九

九

臥水泣笋筇而罔繼惟此室蒲欽于世世

心華室銘贈五藏主

異哉此室燦然心華萬境空寂三際不譁極小同大隱若毘耶客來問法活火煮茶視彼一默殆無以加于斯妙悟智山法芽趣解脫道住法王家我作銘言永矢弗諱庶幾覽者彌彌戾車

真際銘贈詣首座

凡厥有生同一真際覺妄爲因能所斯蔽既失正覺反合塵勞棄本逐末舍父而逃從冥入冥由妄續妄苦海沉淪死生流浪豁然靈悟合本妙覺覺妙元明

無脫無縛真以妄立妄滅無真凡名聖號幻影毛輪
幸自元無若爲打破更問如何泥多佛大

覺照銘

覺而常照照而常覺一性圓明萬機昭廓覺者爲誰
照者何物能所頓空全體出沒不于三界而現身相
乃知此室無背無向經行坐臥常在其中匪召而應
風虎雲龍

硯銘并序

雲巖經藏記黃太史爲死心禪師作也有以其親墓
誌刻于碑陰死心見而詎之碎壓折其半爲灰燼而

硯銘

南堂禪師藏卷九

藏記儼然厥後藏殿回祿碑亦不存抑有數爾天曆
間治殿基僧於深土得小片吾友秀寔翁求得之斷
而爲硯三分其厚廣則十倍之縱又倍其廣之半秀
潤如紫玉背有佛字寔骨直書也求余作銘銘曰
火炎崑岡玉石俱焚其不壞者粹然而溫斷而爲硯
天葩吐芬覆視其陰有佛之文匣而藏之不見其跡
炳然金軀隱於聚墨善知衆藝四十字母于以發之
以迪羣有

性空銘

諸法本來空無自性一句當機十方普應四十九年

橫說豎說石上栽華水中捉月作是觀者名爲正觀
翠微禪板臨濟蒲團

密室銘

於穆是室綿綿密密八面四方針剗不入別有一機
電激星馳大千刹海不隔毫釐左轉右轉即隱即顯
山冷雲寒波登月現

大冶銘

大冶洪爐星飛火迸點鍊化金數凡鋒聖萬鈞之器
何更由斯一模鑄就豈假鍛鍊不有其體孰彰其用
道合乾坤風行雷動

硯銘

南堂禪師藏卷九

介石銘

孰據于德介然如石將從之遊以究厥極石兮石兮
其介若此人兮人兮胡不相似我心匪石不可轉也
地老天荒孰知予者咨爾介石持之有常匪玉其璫
而有耿光

則堂銘

我此法門以悟爲則一室洞開中虛外寂絲毫繫念
瞥起情塵六鑿交闢三途業因一心不生萬境自淨
燕坐其中是大圓鏡博山烟滅午鼎風傳草深一丈
真規凜然

知足軒銘贈燈藏主

受想坑穽色聲煬毒何以處之安分寡欲智照戶牖
法空床褥壞衲纏身甘露入腹淡然無營物莫我漬
月冷風高山明水綠是故此軒名曰知足

鑑止軒銘

欲觀乎動必鑑其止我性本靜有若此水前波既息
後波不隨鑑今鑑今清且漣漪六憲洞開宿雨初霽
止今止今海印三昧

性空銘

自性元空不可描貌一念不生何其昭廓清淨本然

文那
撰述

南堂禪師語錄卷九

三

周遍法界入此法門自忘知解寒灰烈燄槁木陽春
聖凡情盡觀體全真

白雲山舍銘贈瑣書記

青山之青白雲之白舍于兩間亦孔之適實際理地
不受一塵而山而雲幻影毛輪舍者爲誰適亦何有
一心不生萬法無咎三際一息大千一區吾非斯人
其孰與俱

涵春室銘

我此環堵中虛外密一爐松火半窻紅日擁衾而坐
展脚而睡豈不懷思立雪斷臂仰高而跼俯厚而踣

融融涵春乾乾夕惕

山堂銘

天目之山綿亘千里磅礴逶迤屹然東峙偉哉崇福
踞乎其陽惟茲夢庵始構斯堂八憲既闢萬景獻酬
亦有師賓能如西丘西丘已矣遺風疊疊何以銘之
高山仰止

息耕銘贈勤上人

我性我心是畝是畝我耕我耨弗稂弗莠道種雲合
白牛晝閑平原廣野綠水青山我作有程我息有則
一弛一張其儀弗忘息爲作體作爲息用相時之宜

文那
撰述

南堂禪師語錄卷九

三

舉無不中卽作是息卽息是作渾然天倪於德不忤
解腰而飯擊壤而歌勤乎勤乎息乎耕那

海菴銘贈幢長老

此法界海其深無底其廣無邊是明慧者之所住處
門戶洞然權定照用縱擒生殺不過一拳乃使來者
望洋向若退縮避速孰謂折筯窺而測之遠得其淵
遊戲盤薄鯨翻鼉擲波濤際天卷而懷之置諸涓滴
若無有焉海乎菴乎無在不在十方目前

夢室銘贈道物外

天地一室古今一夢三際寂寥十虛空洞天鼓希聲

九奏萬舞如幻如化無寐無寤馮山善唱二子善拍
玉振金聲超宗逸格仰止前修清風不已有問如何
推出枕子

蘇州府長江縣佛弟子沈學淵法名淨英
孫開道二師法名淨通共刊
吳縣范泰法名淨通共刊
南堂了菴禪師語錄卷之十九
松陵天會張萬科稿金陵薛澤榮刻
崇禎八年二月神成道日始蘇克與圓通識

南堂了菴禪師語錄卷之十九

又那

南堂禪師語錄卷之十九

一

南堂了菴禪師語錄卷之二十

參學比丘善覺元寶慧明等編
明後學沙門克率明聞重閱

贊上

文殊大士

大智非名真空絕迹凡聖兩忘體用雙寂辟閃閃而
電輝髮披披而雲碧握利劍逼老龍雲揮如意對維
摩詰入泥入水道出常情非默非言義有所極暗裏
藏機明中辨的墻壁瓦礫動地放光疥肉泥僧全威
返榔

又那

南堂禪師語錄卷之二十

一

又

漆將稠稠紺髮垂垂執卷特立孤風凜而斥諸徒破
碎大道弘正智掃蕩羣疑是文殊非文殊雲開碧落
出法界入法界月滿坤維龍蛇混雜今凡聖同居草
衣勃率今七佛之師

又

我真文殊不可描貌無是文殊將錯就錯金毛師子
奮全威等閑觸折祥麟角

普賢大士

心聞之宗願海之祖蓬鬢蕭蕭草衣楚楚雖從寶威

德藏王國而來不離昆盧遮那佛身而住通身是眼
莫辨蹤由覲體全真那堪覲捕象王回處百華紅剎
剎塵塵面相覲

又

破一微塵出大經卷點畫未形文彩已現理隨事變
日照天臨事得理融珠回玉轉體周沙界普眼僧迷
心洞十方曼殊莫辨固知龍象蹴踏非驢所堪宜其
合水和泥而達頭垢面者也

維摩居士

彈偏擊小門風歎大衰圓宗旨示疾毘耶離城攪得

支那
撰述

南堂禪師語錄卷三十

三

五天鼎沸毛吞巨海斷妙喜如陶家輪芥納須彌有
解脫名不思議靠倒文殊幾箇知伸脚只在縮脚裏

又

瘦骨峻嶒老懷虛曠文殊不來全無伎倆喚作金粟
應身政是敲空取響堪笑靈山一會人箇箇望風先
膽喪

又

只箇渾身沒奈何又持妙喜入娑婆不知一默酬人
外截斷羣機更有麼

又

毘耶一默不二門開手提大千毫端往來

觀音大士

聞熏聞修精進力金剛三昧不思議六根互用真圓
通善哉神力不共法一法具足一切法彌綸剎海不
相礙似月行空空印水波波頓現非實相於此明達
洞無際返觀自性悉平等惟物與我既不二乃能普
運慈悲心一念智入無量劫無量劫智入一念前際
不住後不來現在如如亦無住一身通至十方界萬
類交作而不勞十方界復入一身寂湛真常離喧雜
即苦即樂非苦樂是謂如幻三摩提我此父母所生

支那
撰述

南堂禪師語錄卷三十

三

口含吐無量廣長舌流出一切言詞海發揮大士功
德藏大士功德無有邊我此言詞亦無盡從旦至暮
月至歲展轉聯屬不斷絕一處既爾諸處同見聞隨
喜互相攝圓證無上妙蓮華安住金剛王寶覺

又

吠琉璃椀天甘露漿無邊熱惱一味清涼證真圓通
得大自在不動本際普應殊方峭壁巉巖空中鐵脊
蚪枝橫出劫外春光發揮普門之妙境顯示如幻之
金剛杲日麗天無幽不燭清風匝地厥德孔彰海岸
乾坤自孤絕白華香雜紫檀香

又

泛泛香水海屹屹金鼇背於心既無作於法得自在
瓶中甘露聚眼底衆生界如幻三摩提鐵脊打不壞
精誠忽感通夢寐見光怪譬如磁石針合處無違碍
又如大圓鏡形影自融會我不離大士大士不離我
偉哉功德山面面長相對

又

大圓照中滿月慈容六根互用一性融通香水海層
層波浪寶蓮座市市祥風攝五濁全歸清泰發衆吼
普迪羣聾是所謂如幻聞薰聞修金剛三昧不動本

支那

南堂禪師語錄卷二

三

際通至十方而無來無去全始全終者也

又

開圓通門說無畏法慈眼普視慈心普攝毫端十方
刹那萬劫是所謂被精進鎧發堅固意於生死瀑流
之中爲舟爲楫而不退不怯者也

又

從聞思修證觀自在開示不思議解脫法門入一切
衆生喜見三昧直行徑前妙轉不退六根互用而非
正非偏刹海同觀而無向無背

又

法門圓通三昧如幻一念了知十方薄現惟此大士
善巧方便搏入天龍置涅槃岸坐斷巍巍萬仞崖地
右旋今天左轉

又

髮彼兩髦屈斯五指得真圓通普施無畏龍護法而
不潛鳥却幸以頓至瑠崖上樹寶光浮碧海無雲天
在水

又

三無漏學大哉普門耳根圓證眼裏同聞竭羣生之
業海布萬德之慈雲五蘊本空偕用照滿身泥水若

支那

南堂禪師語錄卷二

三

爲分

又

圓通入正觀層崖落飛水大千一毛端三際小彈指
掌海無邊涯悲心豈得已寂照兩俱忘念念從緣起

又

金剛三昧圓通法門不以耳聽而以眼聞入諸佛智
應衆生根巖前懸水三千丈落落聲光貫碧雲

又

六用圓通一機獨露覲面相呈了無回互說甚三十
二應入國土身檢點將來政是秤鍾蘸醋

又

此方真教體清淨在音聞良哉觀自在發此妙耳門
峭壁縣崖同一舌寶雲香篆滿乾坤

又

萬法圓通門一月千江影心精自遺聞性相悉平等
峭壁縣崖露半身巍巍坐斷昆盧頂

又

妙辯如飛流定力若山嶽六用總圓通諸塵洞昭廓
生佛由來體本同白牯狸奴成正覺

又

支那

南堂禪師語錄卷二十

六

漚生漚滅自起自倒瀑能說法石解體道大悲行相
寂而常照照亦何有白石杲杲

又

海印發光玉壺家廓月滿滄洲風生碧落普門示現
妙力無作絕毫絕釐如山如嶽

又

縞衣不重蓮舟素輕耳中觀色眼裏聞聲善財一去
無消息覺海風休月自明

又

廓圓通門握菩提印眼耳同觀智慧獨運銀山鐵壁

露全機業海無邊空一瞬

又

峭壁縣崖春容月影極萬法源徹千聖頂小白華開
大劫前繁興永處那伽定

又

正觀無我垂手爲誰六根互用一等慈悲圓通法界
空三際剎剎塵塵普應時

又

寶石玲瓏玉壺寥廓一根返元六用無作童真相好
月輪孤海岸風清夜潮落

支那

南堂禪師語錄卷二十

七

又

根塵同源動靜無二耳色眼聲見聞超詣萬仞崖前
獨露身普門境界非天地

又

孰動孰靜匪泉匪石孰見孰聞匪聲匪色童真稽首
兩忘言六用圓通自空寂

又

一月在天影含衆水大慈悲行只這便是擬議還同
萬仞崖擡眸早已三千里

又

願海無邊一葉速普門方便廓心天耳根不借眼根
力此是圓通自在禪

又

返聞聞後竟何爲回首塵勞未有時獨倚蒼崖看飛
瀑春風不在綠楊枝

又

衆生界上相逢少五欲波中獨運遲無我無人亦無
佛此心那許善財知

又

金剛石上水犬開童子南詢遠遠來八萬四千煩惱

又那

南堂禪師語錄卷二

海浪頭高處是塵埃

又

六根互用三昧海一切衆生喜見身脉脉流泉遶蒼
石黃金地上不栖塵

又

坐而倚俯而視從聞思修入三摩地絕壁春回薛荔
椿滄溟月碾珊瑚樹

又

籃裏金麟始褪潮尋聲回首入塵勞自緣今日無行
市莫道吾儂索價高

又

善應無方自在身縞衣逢聲不栖塵一般經紀難將
就只合和聲送與人

又

放下魚籃便展經白蓮華帶錦鱗腥玉鈞掣斷紅絲
線水漾金沙月滿汀

又

碧崖丹嶂玉樹瑤草圓通法門紅日杲杲

又

空華無蒂願海有船按膝俯視朝宗百川

又那

南堂禪師語錄卷二

又

琅玕寶石梅檀香風大慈悲行月影春容

又

童真妙相滿月慈容反聞自性懸水生風

又

六用休復一真圓通蒼崖古木劫外春風

又

圓通法門洞無邊表石裂崖崩聊露一竅

又

鉸橫鬚亂口是心非賣不著王提取魚蹄

又

耳見眼聞諸法無礙大圓照中金剛三昧

又

六用無作一機獨露師子頻呻象王回顧

布袋和尚

倒拈金錫穩靠布袋低眉斂目袒肩露臂戎佛尚隔

一生且入瞌睡三昧料想龍華會中也無如此自在

又

拄杖頭邊有照有用破布囊中無罅無縫拋却兜率

陀天愛向人間賣弄稽首彌勒世尊何得與麼鄭重

又那

南堂禪師語錄卷三十

又

指端光怪本相現肚皮雖大眼已眩放浪多遊族姓

家一箇布囊推不轉

又

挈挈波波走市鄣逢人伸手乞文錢杖頭日月明中

去囊裏乾坤暗裏旋

又

柳栗短長布囊輕重寬著肚皮一笑自奉

布袋魚籃同燈

長汀水邊金沙灘上一種風流十分孟浪破布袋有

甚珍珠無底籃好些魚樣全肩擔荷俠路相逢赤手

提持是行不放如斯顯異惑人合吃手中拄杖

寒拾二大士

混俗威儀出塵標格見箇甚麼自笑自拍明月清風

三百篇流落人間無處著

又

展開經卷橫看豎看脚瘦鞋寬頭拳眼眩萬行門中

一法無手面神機日千變

又

兩眼覷地隻手指天應得好拍走不上前國清寺裏

又那

南堂禪師語錄卷三十

齋鐘響孤負巖西瀑布泉

又

一笑相看兩弟兄面皮塵土髮鬚鬚驚人有句知誰

和唱與森羅萬象聽

阿羅漢

內秘外現陸飛空走龍獰而降虎猛不驟猴果於前

鹿花其後踟躕忽作象王回噴嚏也成師子吼深則

厲淺則揭有許周章老者負少者携無他怪醜明朝

又赴娑竭齋想得人間未曾有

又

山高尚可登水深實難渡下有不測淵踏者蛟龍怒
神通不用時欣厭情盡露豈無小歌場未是安身處
前者勿作得度想後者要君爲榜樣石罅雲根急轉
頭日輪正照高山上

又

乘虛誰言落空度水自瀾溼脚龍王宮殿雖深羅漢
應供不薄天上人間知未知夜叉頭上擎雙角

又

攫霧挈雲漫作狂忽看平陸浪翻江是何尊者從何
至彈指聲中卽受降

又

南堂詩話卷三

三

又

一陣腥風生百谷垂頭妥尾向應真傍觀不用多驚
訝人若無心虎也馴

又

三昧六通天上天下一點水墨千變萬化

朝陽

凍日含春霜風勢箭綿密工夫竹針麻線

對月

半舒半卷如癡若呆一笑自領月滿瑤臺

四睡

閉眉合眼人如虎伏爪藏牙虎似人夢裏乾坤無彼
我綠鋪平野草成茵

又

咄哉豐干抱虎而睡拾得寒山正在夢裏可憐惺惺
人未能笑得你

達磨大師

下視竺乾平欺震旦直指單傳胡揮亂揶掉三寸舌
而電掃六宗踏一莖蘆而風生兩岸劫外春光喚得
回五葉千葩何爛爛

又

又

南堂詩話卷三

三

倒拈鐵錫剛佩金環屠龍有伎畫虎無班不得宋雲
經捉敗誰知隻履竟西還

又

目前起浪脚下生風西天可著東土難容羚羊掛角
處過界絕行蹤

又

碧眼胡天上無赤兩脚踏蘆蘆爲受洛陽春色好長
江不管浪頭籠

又

齒缺不開風眉粗膽氣雄一言曾觸諱無面見江東

栽松道者

放下長鏡繼祖燈重來冷值嶺南能一絲倒引千鈞
重說與兒孫幾箇聽

又

八十翁翁七歲心一機括盡去來今鑊頭過事知多
少不似頭陀用力深

粥薪圖

偏界蒼黃路欲迷肩頭擔重首頻回荷鋤有語君知
否我出頭時汝用來

李習之見藥山

支那 南堂禪師語錄卷二十

雲在青霄水在瓶客來無火強敲冰無絃琴上無生
曲不是知音不易聽

白樂天見鳥窠

夷險忘來樹上身無邊風月自爲隣使君問法休驚
訝行得方爲說得人

李軍容見馮山

破壁蕭條自上泥不知背後客官來看他轉笏相成
處直得虚空笑滿腮

呂洞賓見黃龍

潦倒龍峯陷虎機且無雷厲與風飛不徒割破胡

去收得雙雙寶劍歸

三笑圖

攢眉不作入社客送別乃復過虎溪一笑三人幾絕
倒廬山高壓楚天低

德山和尚

未離西川有些柄把泊到南方全無說話白棒一揮
天上天下佛被訶祖被罵神見神憎鬼見鬼怕不是
巖頭點破伊爭得三年便遷化

船子和尚

一簑一笠老生涯獨向江干理釣車拚得滿船空載

支那 南堂禪師語錄卷二十

月直鉤端不在魚蝦

普化和尚

木鐸震吼蒲扇生風打箇筋斗何處尋蹤

文廟御書大光明藏四字僧光獲一明字求贊

日月合璧光耀九天毫端發揮萬象爭妍以明繼明
明終無盡何以致之篤於自信睿哲文明過於日月
覆盆之下罔不昭徹元音明哉股肱良哉庶事康哉
大豈日月之可方哉

蘇州府吳江縣弟子張俊遜同室孫氏發心敬刊
丁未禪師語錄廿卷伏願福基隆固安病無侵者

南堂了菴禪師語錄卷之二十

南堂了菴禪師語錄卷之二十一

參學比丘善慶元寶壽朝年編
明後學沙門兜率明聞重閱
贊下

自初祖至先保寧凡二十八世日東壽藏王各
求一贊歸而圖之刻諸楞伽院 初祖
十萬西來亦苦辛逆鱗一批便翻身九年面壁成何
事五葉華敷劫外春

二祖

覓心無處卽心安大地山河鐵一團一曲胡笳吹不

又那
南堂禪師語錄卷二十一

微和腔畱與後人看

三祖

皖公山下人中寶三葉聯芳繼斷肱接得沙彌年十
四白頭能許再來僧

四祖

六十餘年腸不床九天三記自回翔紫雲鎖斷雙峯
頂七歲人來付鉢囊

五祖

濁港江頭夢未回黃梅峯頂白蓮開傳衣只作小兒
戲勾得新州獼猴來

六祖

把定西乾屈徇衣曹溪忘海百川歸一機普應三千
界萬般爐中片雪飛

南嶽

坐禪成佛釘根楔作鏡磨埤陷虎機點得觸護雙眼
活車行更不打牛兒

馬祖

卽心佛非心佛清冷雲中電光拂卽此用離此用疾
雷破山海水涌耳聾吐舌顯宗風風從虎兮雲從龍
百丈

又那
南堂禪師語錄卷二十一

頭嶺巖耳卓朔哭一落笑一落酌古準今制禮作樂
奇特事難描貌獨坐大雄峯車輪生八角

黃蘗

大雄峯下插翼虎文彩班班牙爪露親遭一口可憐
生說與傍人須照顧咄咄咄噓噓噓凌辱宗風箇是
渠

臨濟

這小厮兒是白拈賊不往河南便往河北糾合克符
普化建立黃蘗宗乘熟諳三聖瞎驢覆滅老胡種族
令行吳越付兒孫六六依然三十六

興化

紫羅帳裏撒真珠八角磨盤空裏轉雷厲風飛法戰
場捧了罰錢趁出院

南院

八華九裂無縫塔壁立千仞赤肉團饑虎投崖鬼爭
桶盲柳瞎棒太無端

風穴

大用現前不拘小節駕鐵牛機雷奔電掣木雞啼處
巖出青霄芻狗吠時光吞皓月是渠親見作家來啼
吼一聲魔膽裂

支那
漢述

南堂禪師語錄卷二十一

三

首山

白兆堂前收草賊和賊捉敗豈徒然一言截斷千江
口萬仞峯頭始得玄

汾陽

龍袖拂開全體露現象王行處孤兔潛藏酒肉僧不
堪師法亡父母特地爲殃皮膚脫盡海印發光築底
六人成大器灼然門戶冠諸方

慈明

西河師子嘯呻句佛與衆生一口吞鐵額銅頭元不
會黃河九曲出崑崙

楊岐

老楊岐無旨的栽田博飯招人喫拋金圈擲栗棘和
慈糲麵成狼籍三脚驢子弄蹄行十影神駒追不及

白雲

出茶陵門入楊岐室少減多添多虛少實情盡圓明
一顆寒得錢買箇油糰喫

五祖

辛辛辣辣娑婆和和接來機用錄公手段操蜀語唱
綿州巴歌丹青彩鳳古路鐵蛇惟其克省滅門破家
圓悟

支那
漢述

南堂禪師語錄卷二十一

四

本色川藟直用處不雷同壞東山家法滅臨濟正宗
棒頭擒虎咒喝下辨蛇龍獨立乾坤外那知萬馬空

虎丘

菸菟肉醉呼不覺腥風蕭瑟撼林壑長安路上斷人
行額下金鈴除不落

應菴

出家行脚總是正因氣吞佛祖眼蓋乾坤妙喜徑山
禪師太白叔姪相望二甘露門衲衣有托佛日再曠
檢點將來成什麼三家村裏臭胡孫

蜜菴

破沙盆正法眼掀天紀截地維青山九鎖今中峰魏

松源

開口不在舌明眼人落井禿帚攪滄溟魚龍俱乞命
把住楊岐黑黥衣兩耳聾來呼不應

平生一味督黃牙不解成家只破家郎罷耳聾兒口
吃眼頭何處辨金沙

橫川

鄮峰崛起定綱宗一旦追回萬古風倪血真堪化驢

支那

南堂禪師語錄卷二十一

五

乳此心能有幾人同

先保寧

虛空爲口萬象爲舌奇妙辨於風霆致方來於冰雪
橫身異類中何處尋途轍轉身蹴折大龍橋千古鳳
臺高啼噪

龐居士

吸得西江徹底乾說難說易太無端大兒却倚長鏡
立一曲希聲不用彈

靈運淵明

邂逅相逢處論心不自欺永嘉爲郡後彭澤賦歸時

只許通人會難教俗子知有僧堪結社無酒却攢眉

黃山谷參晦堂

老桂吹香打失鼻孔黔南道中開眼作夢從茲倒跨
青石牛貫華散作天女供顧陸百巧畫不得六月黃
河連底東

大慧禪師

湛堂室中口羅舌沸逮見勤巴無出氣處薰風殿閣
白汗通流生擒虎項活捉蛇頭黑漆竹篋掀翻海嶽
白日青天雷霆雪電前佛性命後佛紀綱本色草料
衡陽梅陽

支那

南堂禪師語錄卷二十一

六

宏智禪師

丹霞克家真歇畏友顯君臣相向之機具正偏不犯
之手平高就下知清稅之未貧捨短從長受曹山之
顛酒是所謂隰州古佛笑談而起洞上宗風顧盼而
碎邪師窠臼者也

龐菴超禪師

臥壑松枯懷雲石臞雙領山中再來古佛隰州會裏
兩脚書廚白晝喚回空劫夢元來鼻孔大頭垂

野菴瑤禪師

播揚大教延埴後昆們空揣骨斫水求痕由大仰而

人活聲喧海岳既入魔而入佛道滿乾坤末後句若
爲論午夜寒蟾出海門

無準和尚

中峰再世破華端傳宗通眼活蓋地揮天真四川本
色高直結七世初子生寔萬句龍門饒峻險不妨袖
手看風烟

先保寧和尚贊爲天柱住無住

無住爲本妙有爲用入佛入魔自發自中辟惡義聚
剛金剛幢不離本際普應殊方一柱擎天三關巨闢
東山瓦鼓歌少林無孔笛

南嶺師語卷三十一

爲兜率住秋林

拙哉休居若爲描畫三尺竹篋天上天下便是補處
慈尊也須動過了打只箇破沙盆索起遼天價秋林
千萬莫學渠學渠和我遭人罵

爲日本感山九石室

滅却正法眼平生恣拍背面南看北斗當午打三更
北闕詔不起西丘話大行扶桑東畔看萬國日輪明
爲興聖琦元璞

虹光貫地氣衝天肋下真堪築痛拳黑漆竹篋掀海
嶽正宗滅向瞎驢邊

高峰幻住于巖三翁同燈偈傳請贊

目視雲霄心空佛祖不出死關全是活路獅巖吞却
伏龍山夜半日輪高卓午

虛谷和尚真梅長老請贊

聲振雷霆氣吞寰宇合眼驗人點頭自許四藤條令
不虛行三轉語總是活句凌霄峰頂白浪滔天師子
窟中兒孫遍地

曇芳和尚真鐵佛燈自明請贊

堂堂師表凜凜風骨道契梁王衣傳戴佛振金剛王
之寶杵碎野狐精之窠窟掃鍾阜龍河之劫灰幻玉

南嶺師語卷三十一

南嶺師語卷三十一

殿瓊樓之突兀九天飛下御爐烟八面清森香弗弗
壽昌別源和尚真天童元明請贊

粵若此菴有功宗教掃蕩邪說開闢正道暮會休居
典曲同調屈信千古俛仰一笑別源秀出分座玉峰
月犀雷象風虎雲龍蕭臺巍巍雙溪浩浩鉢水投針
長庚橫曉妙性元明離諸名相我作贊詞捫空追響
聖壽敬叟諲和尚真景福雲海請贊

神機絕倫駿骨空羣大坐當軒風行草偃橫揮短拂
電卷雷奔發天泉見東平爲兩浙之義虎虎半座俟
雲海猶靈樹之雲門賣弄黑豆法鑿鉤破沙盆是所

謂峨峰庸叟之真子經場虛舟之嫡孫者也

南楚和尚真為延聖廟中贊

無面目漢未描先像黑漆竹筍不可近傍盡云打得剛中痛不知被渠爬著痒只好奪來拘作兩截且看老漢有甚伎倆既放過合如何深柱梅檀為供養挂角羚羊沒處尋岌岌龍門五峰上

珣琅一關和尚真小師雲渺首座請贊

渺渺滄溟汪汪襟叟即之煦日非春激之雷霆不怒架大屋養閑漢開口吞佛祖知之者謂是本色白拈不知者謂是再來杯渡眉間長劍倚天寒手面鐵

蛇橫古路

開福至高山凡七世日東久藏王繪其像請贊

以歸 開福

春山青春雨晴白雲三片四片黃鳥一聲兩聲賣弄東山家法開熱開福門庭咄大悲不展手通身是眼晴

月菴

笑伸造車一百輻拈却兩頭除却軸只因錯認定盤星丘音往往無人續無人續六六依然三十六

老衲

大洪證

控佛祖大機廓人天正眼點魚上竹竿巴蛇入蘆管物相本無何用斷

月林

一門超出是鳥回喝下曾經五嶽摧竺國不傳唐土信薰風吹得桂花開

無門

白日青天迅雷激電萬象耳聾虛空眼眩須彌踣跳舞三臺千古無門八字開

法燈

正眼洞明真風卓邁親見無門話行天下八十二載

雲那

南堂神師語錄卷三

嗚不印床三百餘人入大爐髣髴毛爪齒動地放光青紫緇黃望塵再拜是所謂日本國九十九歲法燈國師大後季尼珠鐵鎚打不壞

高山

高山仰止景行行止大名之下不可久處實則全寶主則全主三千里外定諸訛打破鏡來相見去

仙巖仲謀和尚真敬藏主請贊

甘露室中打失鼻孔風凰臺畔換得眼睛坐斷杜城廣揚大教掀翻曠古撲滅真燈百草頭邊全正令三姑潭上鼓雷霆

自贊大雲志長老請

作者相逢未言先契譬如大雲普覆一切卷而藏之
不過膚寸散而六合豈曰逾分或爲風霆或爲霖雨
萬物蠢蠢各得其所雖有是作其本無心雲兮雲兮
唯吾與爾能以此道自任者也

長蘆毅長老請

今塵刹爲保社莫羈汝身軀十虛爲度門摩壓汝意
時緣既稔乘興而來氣象政嘉興盡即去德山之棒
未折臨濟之喝未墮以此扶樹達磨正宗以此接引
大乘根器大似與州望長蘆何啻九十餘里吁傲視

文那

南堂雜錄卷二十一

二

萬物倘伴一丘芳聯蹤屬赤縣神州

慶善皓長老請

松源室中三轉語今古無人敢插嘴蓦然突出委羽
山一口咬盡西江水沒巴鼻有來由揭翻大洋海重
整釣鯨鉤

世首座請

太虛爲體萬象爲用日照月臨風行雷動即此見靈
巖剎波尋鱗縫離此見靈巖喚鐘將作甕不離不即
兩忘言鵲巢飛出丹山鳳

杲藏主請

大衆隱於無形大音匿於希聲發揮混沌未分消息
徵瞻金剛頂門眼睛把住則虛室生白放行而百川
沸騰撼碎少林心地印杲杲赤日懸青冥

壽藏主請

平生肆口說禪知他有甚憑據華旁臨濟三玄掃除
洞山五位壽姪摘撮編來鸞姪鼓合刊去只好一坑
埋却免得遮相鈍置那堪更把丹青畫出箇般面觜
大元國土雖寬何處著落得你咄掛向扶桑日本東
管取光明照天地

度藏主請

文那

南堂雜錄卷二十一

三

終日說法無法可說畢世度生無生可度揭翻第二
義門別有向上一路坐斷孤峰正令行雲從龍也風
從虎

碩藏主請

碩大無朋廓焉妙明截羣機而獨運混萬化而忘形
謂其流出胸襟播揚大教無乃愛忘其醜聲聞過情
謂其退藏於密粗安晚節較之以身徇禍而辱其先
者或有半月之程二俱列下笑從肚裏生暮過弱流
三萬里海天日上夜潮平

明巖康長老請

佛山鼻孔臨濟眼睛雲門抽頭早不惺惺說謂寒拾
流珠途乃同轍咄無物堪比倫教我如何說

梨州與長老請

口如木楔眼似鼓椎懸羊賣狗討盡便宜凌滅宗風
更是誰一雙紅杏換清梨

明因道長老請

道非物外物外非道一語不投鞭石雷吼發澤風清
獅峰月皎坐斷全吳正令行何用將身藏北斗

寶藏主請

中原一寶若爲酬價堪笑同光熟說其化天長地久

南堂先生集卷之二十一

山高水深本來無物何處求心提破沙盆用黑豆法
上而灰頭颯出時四生九有和根拔

辯藏主請

謂巧而拙謂辯而訥耶如太玄洞然無物名自非名
相亦非相色見聲求足爲大妄我智眼開彼去來
六合擾擾有若飛埃大用現前神鑑昭徹一笑相遇
釘空中概

壽首座請

筒樣村僧什麼奇特攝大千于毫釐摧衆辯于一默
黑漆竹篋正用事鵲眼龍睛攝不得咄看取懸崖撒

手時衝開碧落松千尺

慶書記請

毛吞佛祖芥視各位重關巨闢廓其浩如一性圓通
遠而近爾慶有源而流永形絕似而非是雲六合而
孔章雨萬化而忘濟求實相之不可得故迴超于塵
累者也

壽首座請

深山巖崖佛法石頭大大小小只據眼見耳聞拈來
用得恰好首座有長處不向那邊討坐斷乾坤正令
行藏角莽荒出荒草

南堂先生集卷之二十一

竺山瑛長老請

臨濟參黃蘗六十大挂杖高安灘上回急報攔腮掌
索火燒禪板豈是閑僧強雖然坐斷天下人恰似全
無大人相竺山瑛白石不作者伎倆五彩畫虛空燒
香爲供養地北天南一網收春風不在梅梢上

報恩鏡長老請

作者相逢如鏡照鏡頭頭合轍拍拍是令得路寒路
知恩報恩抹過千聖頂別是一乾坤

南堂了菴禪師語錄卷之二十一 終

南堂了菴禪師語錄卷之二十二

師侄比丘海壽祖高等編

後學沙門兜率明聞重閱

題跋

羅漢圖

內秘菩薩行外現是聲聞少欲厭生死亦自淨佛土
住世應真五百一十六闍士莫不皆然若大深山大
澤實聖賢所都決非凡夫肉眼能見獨天台方廣靈
異顯著畫者得以圖之然又烏得其彷彿哉以要言
之聚沙成塔爪畫為佛不失為入道之漸况精妙若

卷二十二

南堂禪師語錄卷二十二

此者乎一納寶之宜矣苟能返觀自心之體廣大悉
備四聖六凡絲之建立三昧六通絲之發現乾坤日
月江海山川絲之出生便可掩卷一笑予尚何言

佛果禪師書

佛祖傳持大事所謂三要正印也自非根信猛利智
願宏遠曷致機感相應而能荷負哉歷觀先世的的
相承耀今騰古輝天鑑地豈苟然耶法運垂季人根
益劣假名竊位以訛無似之身者比比有之未免互
相欺誑所學既已無本安知有建法立宗利生接物
始終一節之要哉拜讀佛果老祖所答詔公嗣書不

勝感慨三芳首座授受有自惟勵精力行之則古道
或尚可見也

大慧和尚墨蹟三

十高誦起法盛魔強此草堂以為妙喜南遷之兆也
因思五祖謂能大師曰夫傳法者命若懸絲今妙喜
帖中後語勿使天魔知之又設巧便矣可不慎哉
泰學兄弟未有正見而務外學故先德有雜毒入心
之誠老妙喜榜之於門謂及隣案在洋嶼一夏打發
一十三人夫豈偶然雪峰龍巖翁得此榜時以示人
不為無補

卷二十二

南堂禪師語錄卷二十二

二

妙喜親書別帖是亦殘編斷簡却有別峰無準兩代
古佛批判二百年後得之夜光明月不換於乎道德
之能取重於人如此而人自不能力致之者又將算
五尊宿真跡

天上無雙日人間只一僧此慈雲哭四明之語也吾
於慈雲無間然矣妙喜臨州同唱斯道於玉几太白
千載一時不可復見玉山雖後於兩翁而道德文采
曾不少讓石溪能傳贖祖不傳之衣亦一代宗工也
此五真跡生氣凜然在在當有神物護持耳

妙喜禪師聖徒首座二帖

少時閱大慧禪師廣錄知參禪之難觀聖徒賴公釋難文知爲僧之不易自是兩翁風度常在心目間明公從妙喜於衡陽所得亦不少已嘗以大禪稱之逮授衣之際叮嚀戒飾乃曰如將楚位直授凡庸你亦須生慚愧始得又知付授之難如此近世庸妄視同兒戲大法之微有所自也於此未嘗不淚下聖徒道德才思一狐之腋所遺敬如菴小帖詞語溫雅筆意精熟無在而不妙也德侍者其實之

宋孝廟賜佛照禪師御札

自古帝王存誠佛道者蓋常有之矣然而日應萬機

文部

南堂禪師語錄卷三

三

兢兢業業而不敢少忽至於涵養圓熟染淨不二迥離四病者其惟孝廟歟伏讀所賜佛照御札敘所得若此後世臣子不學無知妄肆毀斥者可憫也夫

佛照禪師墨跡

柏巖爲洞山下得一轉語好遂開粥相延則檀林無雜樹也育王以之故能慎擇以警遊惰又謂看經不必多但研窮法理以悟爲則至於收拾精神理會臘月三十日生死公案直欲拔其兄出淤泥而登彼岸爾佛照此書百世師法也

別峰塗毒二禪師手澤

別峰塗毒其道德位望並驅爭先是哲人龍僧也此偈此簡皆諱口而說肆筆而書曾不經意深足以發明言外之旨彼膠於情識者方以雕蟲篆刻爲事觀之未始不茫然自失也悲夫

塗毒禪師墨跡

湛堂昔因決渠水騰衣豁然大悟以白真淨淨語曰此中乃可容葛蘆直耶今觀東禪師與勤道者小簡纔有肯重便成滲漏之語自得之妙暗合孫吳然玄酒大羹固非常流所能知味大國智公不可謂不知人也

文部

南堂禪師語錄卷三

四

佛燈珣和尚墨跡

奇妙喜謂佛燈爲臨濟頂中競揚岐眼裏玲瓏頭明殺活喝下辨疎親以此而罵佛罵祖卒滅吾宗於罵天乎何有贈規之偈砥憤之情於此見佛燈何異水中旁月識者辨之

長靈卓和尚手帖

靈源出晦堂之門其粹密嚴正真萬世師範長靈克家子也是以荷負正宗之心咄咄不輟口猶自謂筋疲力竭止可暖熱些些門庭而已若覓委托大緣誠未易得也讀至此俯仰今古爲之慨然至於應涉事

事與世相反警救不逮惟恐混而為流俗之旨真藥石之言也

慈受深禪師偈

老慈受散慧林之席為台山之遊靈巖專使於天封寺訪尋得之圓照故隱遂為中吳禪學會居三年而有蔣山之命不赴四明太守以阿育王招之亦不赴未幾蔣山專使再至不得已從其請復還三佛舊觀吁何其盛哉及謝事歸洞庭包山若將終焉猶於靈巖似未能忘情因其僧堂之落成故有我亦老來思舊隱異時去宿板頭眠之句余晚生無狀備員灑

後記

南堂禪師語錄卷三十二

五

禪者三年觀境懷人實深仰止之嘆覺維那出視手澤謹拜手以識

應菴和尚送中峰偈

淮雲鉢袋子已是當面拈出因甚却道未曾分付所謂吾有未後着待歸要汝遵元來老子得與麼絮拜觀此卷不覺凜然

張魏公所書心經

摩訶般若波羅密多梵語也此翻大智慧到彼岸所謂達佛心宗之徑也觀自在即能行之人也照見五蘊皆空即此智慧之力也度一切苦厄即到彼岸之

時也至如空色互明理事俱遣即佛與衆生同一體處處皆同真法界受用自在三昧也紫巖公印心於佛果擴充於妙喜以之致君唐虞中興王業觀其腕頭盛有回天之力者其觀自在之流亞與故其筆是經以壽後世即自覺覺他之道無有窮也然未易與儒墨自封者異

陸放翁所製無用禪師語錄序

百丈得大機黃檗得大用兼而有之是為德山臨濟觀其棒喝交馳主賓互換莫非揭示此个宗旨豈下方種草所得而與哉老妙喜於圓悟室中得此機用

後記

南堂禪師語錄卷三十二

六

應菴謂其黑漆竹篋掀翻海嶽從頭打過雖是死馬醫就中要妙固是抓著渠癢處劄著渠痛處檢點將來大似普州人送賊天童全禪師出妙喜之後啓迪學者用而無用語錄行世未始有言也今覽陸務觀所作序文提水放火大段可畏至於識破韓潮州止是說得宜其與無用同參者矣雪間寶此遺墨慕賢尊祖之意歷歷可嘉夫豈徒為耳目之玩哉

密菴和尚墨跡

密菴老祖任少室正宗之寄鼓一破沙盆震驚天地若塗毒鼓然宜其燕坐高臺四事供養以應來學而

猶不免於待鉢奔走艱難萬狀吾不知造物之待人固如何哉豈必欲其顯發吾先佛執儀以爲後世竊服踞位妄自尊大者之戒乎燈侍者當視其跡明其心則破沙盆遺音可繼也

松源老祖家書

澄照天寧迫而後進緣法不順飄然去之方事歸寧遂聞師訃哀慕追修克盡孝道觀此幾著則其平生事事可法也宜其位冠諸方德尊百代中峰臨行囑以編集語錄付以法衣一頂此衣昔楊岐以付白雲三傳而至妙喜喜不付諸子而付其侄應菴應菴再

傳述

南堂遺集卷之三

七

傳而及師所云此个擔子實難承當而明告其親者亦欲其知責任不輕也所謂在家出家各有所務不能兩全者乃謙之至耳豈有承父之命出家弘法光明盛大若是而於其親猶有遺恨哉特不能區區盡權於菽水之奉然而立身揚名以顯父母雖會閔之孝無以易也烏在而不全乎若夫用黑豆法煥盡天下衲僧眼睛使東山正宗與天地相終始固非不肖孫所得言其彷彿矣此書流落叢林百有餘載卒爲永嘉昱首座寶而有之遂爲傳家之契雖萬金不售也以法義出以相示頓首九拜謹誌乎下方云

中峰老祖廣錄

五年前溫之能仁昱首座塲所蓄驚峰贖祖所寄父親之書來靈囑求跋其中正言密菴和尚書至俾其編次語錄又付以楊岐之衣遂有此个擔子實難擔荷之說今此錄乃是未經刪定者較之刊本十無二三焉枯禪以付寂窓意付梅屋屋授之道場晉翁翁死不得其傳保寧棋藏主偶於南屏亡僧故紙堆中獲之珍秘有年茲以相示且命志之因謂之曰尔爲直下子孫蓋物有所屬耳豈偶然哉然鵝毛落水魚鱗俱沒於此換却彌樓不消一滴尚其勉旃

傳述

南堂遺集卷之三

無準和尚筆跡

五祖下出三佛佛眼最爲謹密日用惟恐有失故切切自省如此老無準書之豈無意乎不幸脫去前二段環溪能補之知父莫若子在首座寶其迹而究其心則不虛矣若徒尚其迹而遺其心亦何益於事哉余因是迹觀是心而作是說者且以自儆而復儆在也

正續老師居五峰法席之盛不下妙喜時也衆多糧少而重罹回祿故奔走四方不能自己伏讀此帖可以想見其曲折苟非以荷負正宗爲心則安能遽除

若此耶近世羨癡福踞大方坐圜千眾口無所說心無所思傲然自足以謂師道之尊莫過受用隨意而已安知有荷負正宗之說哉吁

西丘和尚朴翁禪師吟藁

佛照禪師居鄧峰時道福相勝學者景從天目老祖上方朴翁尤嶄嶄出頭角者老祖因僧自薦福來聞松源舉風幡話豁然有省徑有鄧陽之行朴翁晚年亦為葛天氏之民今觀兩翁中見鄧峰途中唱和之什因記得黃龍出泐潭遇慈明時事惜無懷翁不得而與焉紛紛末流尚以詩之工拙而議其迹之不齊

是何以語至道哉

此菴師祖手帖

育王師祖老脫有回天之力一洗澆漓頓還淳古所與妙勝長老小帖雖尋常數語無一點俗氣而況筆意精妙不可及啓侍者既入保福一菴之室寶之宜矣

山寮雜言

岳林栢堂禪師曰靈源大士居昭默橫川老師居山寮高風相去三百載人世南朝自北朝烏摩堂翁已為古人此偈殆將無聞敬書於固侍者所藏山寮雜

言之後使觀者知先哲所存也

溫日觀手書大慧禪師過移忠小詞

妙喜過東坡影堂作偈云力將正說排邪說夢到黃州與惠州竹屋數椽容老貌大江千古只東流今觀過秦檜之墓則云路傍一對新華表見說昔年官不小爭知道冷煙寒雨埋荒草其發忠正誅奸邪乃天性之常或謂妙喜遊乎方之外而未能絕世俗之好惡是豈知師哉日觀書之以傳於世其知師者乎

幻住禪師贈高麗潘王十偈

懶殘方出芋魁無暇為天使收涕趙州危坐一室莫

文耶

南堂禪師遺集卷十二

十一

知二王在前千載之下稗沙門失其所守汲汲於公卿長者之門烏知兩翁不動聲色卒能致宗門於九夷之重哉今觀幻住之於潘王庶無愧古人耳十偈之作各有深旨語溪壽上人求余著語時當初夏槐陰晝清一展玩間不覺師子巖壁立萬仞矍然起立卷而還之

古林和尚小叅

休居上人平生說法如雲如雨而實無元字脚可得澤維那何從得此絇踊躍珍秘不啻夜光明月之珠持以示予所謂向上更有事在露出師子爪牙其間

別有商量未免當門按劍於手只者靈鋒阿誰敢擬
後三十年當有於此喪盡伎倆者庶幾可以同唱下
水船曲子也

江山萬里圖

未達境唯心毛端萬里達境唯心已萬里毛端作是
畫者政如世人追憶夢事於諸夢境作真實想以夢
意識運夢筆寫夢所見高為山岳深為江河險為劍
閣連雲惡為瞿塘灩澦城邑聚落舟車往來煙雲蔽
虧千態萬狀能作所作均一夢中復有夢人觀相生
愛而珍玩之噫三界擾擾孰非夢耶本淨明妙誰為

友朋

南堂師語錄卷三十二

上三

覺者我作是說當有拊卷而作者矣

孤雲翁書雲峰禪師小參

昔黃太史謂雲峰悅禪師之語青山白雲閒遮自在
碧潭明月滂澆方知今觀孤雲所書小參不啻青天
怒雷霜弓劈箭讀未終卷幾何不膽飛心碎也倘或
皮下無血眼裏無筋究竟總成虛設耳何山壽藏主
得之出以相示政須猛省力行仰不愧天俯不忤人
剴斷此老舌頭則不妨與天下衲僧出一口氣矣

佛果老祖示冲老法語

佛果老祖圓悟如來無上知見如麗天杲日故其所

說了無疑滯使夫聞者見者身意及心皆同灰燼然
而咳垂掉臂盡是祖師西來意豈虛語哉觀此七段
法語何止持為嵩少冲公發耶政如鬧市裏颯碌磚
著者當自知耳

癡絕和尚書應菴師祖法語

此吾應菴老祖示作禪者之語也癡翁因偉上人之
請而書之偉亦佳衲子歎流落叢林僅二百年雖經
累微靈精彩猶新四明臨藏主能寶之而求余題二
宗師三學者出處有後先而所存一也以古視今益
重余之感慨

友朋

南堂師語錄卷三十二

上三

靈源癡絕二禪師二帖

黃龍昭默禪師德尊一代雖士大夫登其門者未嘗
假以辭色觀此慰帖謂既了大事必閑居味道內遣
則亦入室之人也若夫言簡而意足善於文字者皆
能之必欲見此老人當在此帖之外者眼可也癡翁
所示道書記法語病多諸藥性經驗始傳方習藏主
其深味之

陸放翁小簡

放翁先生南渡師儒也雅從育王佛照徑山別峰塗
毒靈隱松源老祖遊其深得吾宗之蘊故發而為翰

墨猶虎而角者也此帖特其土直緒餘而覽者方且
贊諸之不暇苟知大全之體喜又當如何哉

附錄

楚石

嘉興路萬壽山千佛慈雲塔院刊南堂和尚語錄疏
天目再傳而得休居翁如師子踞地百獸震駭開福
一出而遷靈囑主若洞庭萬派混流故駕馭昂枿之
人必慕了菴凡鑽仰堅高之士願刊語錄殺活擒縱
代別拈提明照古照今的的契佛契祖此日不繡
諸梓他時慮失其真云

次芥室韻俾南堂和尚二首

恕中

支那

南堂語錄卷二

三

知向誰家作馬驢南堂終以此爲期莫言去日非來
日須信生時卽死時弟子但教傳鉢袋梵王何用獻
華枝驪龍微出三千頰亦是重安眼上眉
咸淳提唱太支離父子鏗鏘與古期再續統燈光照
世重拈公案語驚時絕無氣息撩人鼻那有心肝掛
樹枝筋斗背繇三界外丙丁童子笑掀眉

讀南堂像

恕中

智如湧泉機如掣電微睨德山臨濟放過日月面
敲破砂盆聲徹九天唱脫空歌調須百變坐斷全吳
止今行出匣龍泉光燄燄

穆菴文康禪師語錄

元
•
清 穆菴文康
逸

撰
等
編

穆菴和尚語錄

目次

天台山明巖大梵禪寺語錄

杭州龍華寶乘禪寺語錄

鎮江金山龍游禪寺語錄

秉拂

偈贊

穆菴康和尚初住天台山明巖大梵禪寺語錄

住台州府黃巖廣孝禪寺嗣法門人清逸等編

師於至正丁酉歲十二月初六日入寺指山門云千人排門不如一人拔關乃招手云盡大地人總從者裏入喝一喝

祖堂釘背鍊舌河目海口象王回旋師子虓吼

踞室從上諸佛諸祖總向者裏釘樁搖櫓即今要見新明巖麼拈拄杖卓云龍袖拂開全體現象王行處絕狐蹤

拈院帖云百億須彌山百億四大海百億日月總在裏許寶印當空妙重重錦縫開

山門疏眼眼相看心心相知人情若好喫水也肥江湖疏山長水闊月隱風縈絲毫隔耀古騰今諸山疏四明天台聯輝接翠一句全提千古無對指法座云盡大地是箇寶華王座行別與諸人共行坐則與諸人共坐顧視左右云因行掉臂更上一層遂陞座拈香云此香至尊至貴貫古貫今爇向寶爐端爲祝延

今上皇帝萬歲萬歲萬歲伏願日月齊明乾坤同壽次拈香云此香虛空包不過大地載不起東浙西州到處貴賈賤賣竟無一人酬其價者逗到萬壽山中撞著箇無意智老凍膿被他颺在搗糞堆頭二十年間直是匙挑不上今日信手拈來奉爲前住開福後住靈巖松源第五世了庵欲和尚一爐爇却不圖報德酬思貴要熏天炙地遂插香召大衆衆舉首乃云築著鼻孔燒却眼睛遂跌坐寒巖和尚白椎云法筵龍象衆當觀第一義

師垂語云第一義諦明逾果日寬越太虛直下悟去天下橫行其或未然有疑請問時有僧出衆云拾得

寒山古道場。金剛正體露堂堂。高提寶印乾坤大。刹剎塵塵願舉揚。爲國開堂請師祝。聖答云。天垂寶蓋。山河靜地湧金蓮。日月新進云。怎麼則群生蒙帝力。四海樂耕耘去也。答云。紫闕宏開壽域碑。進云。祝聖已蒙師指示。向上宗乘事。若何。答云。前三三後三三。進云。昔日保壽開堂三聖推出一僧。保壽便打。意旨如何。答云。須彌山上鑿金鐘。進云。三聖道你怎麼爲人。瞎却鎮州一城人眼去。在保壽擲下拄杖。便歸方丈。又作麼。生答云。牛皮靴露柱。僧禮拜。師乃云。世尊拈華迦葉微笑。達磨面壁二祖安心。虎嘯風生。龍吟霧起。智不可測。識莫能知。所以窮諸玄辯。若一毫置於太虛。竭世樞機。似一滴投於巨壑。超凡越聖。罩古籠今。直得乾坤瀟灑。日月輝輝。萬邦安有截之區。四海樂無爲之化。拈拄杖卓一下云。但見皇風成一片。不知何處是封疆。

復舉僧問趙州。如何是祖師西來意。州云。庭前柏樹子。僧云。和尚莫將境示人。州云。我不將境示人。僧云。如何是祖師西來意。州云。庭前柏樹子。師云。趙州渾

鋼打就生鍊鑄成。檢點將來境忘未忘。通身泥水。忽有人問明嚴祖師。西來意。只向他道。重巖迴出青霄外。壓倒須彌千萬峰。

當晚小參。僧出問云。德山小參。因甚不答話。師云。寰中天子敕。塞外將軍令。僧云。趙州小參。因甚却答話。師云。狗獠救書。諸侯避道。僧禮拜。師云。明嚴被你勘破。乃云。諸佛不出世。祖師不西來。解脫門開七通八達。雲從龍。風從虎。水流濕。火就燥。一一蓋天蓋地。頭頭玉振金聲。奴使文殊普賢。婢視釋迦彌勒。驅耕夫牛。令他苗稼滋盛。奪飢人食。教他永絕飢虛。喚作神通妙用。也得喚作法爾。如然也得。所以寒山子道。寒山無漏巖。其巖甚濟。要入風吹不動。萬古人傳妙。諸人還知落處麼。白雲影散青山出。幽石巖高寶月圓。

復舉馬祖出世。南嶽遺僧問作麼。生馬祖云。自從胡亂後。三十年不少鹽醬。師云。大開東閣。飽歸天下衲子。還他馬祖老人始得。若是佛祖向上一竅。未夢見。在以拂子擊禪床下座。

臘八上堂。雪山六年冷坐。却向尼連中洗浴。夜半忽
觀明星。不知打失腦門。帶累後代兒孫。箇箇墮坑落
塹。明巖別資一路。要與釋迦老子相見。拈拄杖云。丈
夫自有衝天志。不向如來行處行。

上堂。身心清淨。諸境清淨。諸境清淨。身心清淨。僧問
雲門。如何是雲門。一曲雲門云。臘月二十五。摩訶般
若波羅蜜。甚深般若波羅蜜。卓拄杖下座。

歲旦上堂。明教道新年頭。有佛法。鏡清道新年頭。無
佛法。阿呵。阿春山。疊亂青春水。漾虛碧。寥寥天地間。
獨立望何極。喝一喝。

元宵叙謝兩班上堂。一燈然百千萬億燈。俱然直得
乾坤洞照。少室增輝。長者長法身。短者短法身。南北
東西各安舊位。好大眾不用透金剛圈。不用吞栗棘
蓬。遂合掌云。三德六味。施佛及僧。法界有情。普同供
養。良久云。金仙行履處。步步是紅蓮。

上堂。吾心似秋月。碧潭光皎潔。無物堪比倫。教我如
何說。囊裏悉達多。般怛囉。春風吹萬葉。觸處盡開花。
佛涅槃上堂。舉僧問大龍。如何是清淨法身。龍云山。

花開似錦。澗水湛如藍。師云。大小大龍。只透生死關。
涅槃關未透。在要會清淨法身。十萬八千。熏拈拄杖
云。擊金鐘。敲鐃鼓。水東流。日西去。靠拄杖下座。

四月八日上堂。僧問。如何是定乾坤句。師云。眉毛吞
宇宙。鼻孔礙須彌。僧云。如何是隨波逐浪句。師云。金
毛踏碎孤狸窟。紅白春風處處花。僧云。如何是截斷
衆流句。師云。舌拄上齶。僧云。悉達太子。今日降生。且
道在三句內。三句外。師云。十字街頭石敢當。僧禮拜。

師乃云。乘白象降王宮。十分賣峭。指天地行七步。
徹骨風流。拈拄杖云。白日青天。雲騰霧涌。九龍噴水。
沐金驅千古。萬古活鑠鑠。卓拄杖下座。

退院上堂。古德道去去實不去。來來實不來。山僧都
不會。露柱笑哈哈。恁麼說話。好箇滌滌漢。山僧來時
決定是來。去時決定是去。有甚麼會不會。良久云。露
柱笑哈哈。乾坤正眼開。青山隨處好。一步一樓臺。拈
拄杖卓三下。下座。

次住杭州龍華寶乘禪寺語錄

參學門人 智辯 等編

師於至正甲辰歲九月一日入寺拈起劄付示衆云。此是太尉大丞相顯湯從上佛祖真實巴鼻底公驗。諸人還會麼。橫身當宇宙一句定綱宗。

指法座墨步登須彌頂。疊足坐菩提座。萬德不將來。全超法報化升座拈香祝。

聖畢次拈香云。此香拈起也。天回地轉放下也。兩順風調。奉爲千佛塔院。南堂欲和尚一爐薰。却不圖報德酬恩。只貴熏他鼻孔。遂跌坐。靈隱和尚白。惟云。法筵龍象衆當觀第一義。

師垂語云。第一義諦在諸佛未嘗曾在衆生未嘗減一微擊碎。徧界流輝。衆中莫有大家出手共相提唱者麼。僧問。龍華三會。揭天開露柱。燈籠笑滿腮。何翅化身千百億。塵塵涌出玉樓臺。如何是和尙爲人一句。師云。頭上漫漫脚下漫漫。僧云。恁麼則市地普天齊廓悟。人人定國與安邦。師云。萬年松頂結蟠桃。僧問。達磨九年面壁。意旨如何。師云。油煎石磉盤。僧禮拜。師云。無你下口處。乃云。只箇心心是佛。十方世界最靈物。縱橫妙用可憐生。一切不如心。真實豎

起拂子云。布袋和尚來也不審。不審將謂是布袋和尚。元來却是雙林善慧大士。即今在拂子頭上放大光明。演說妙偈。夜夜抱佛眠。朝朝還共起。起坐鎮相隨。語默同居止。纖毫不相離。如身影相似。欲識佛去處。只者語聲是好。大衆一切處光明燦爛。一切處得大自在。聖聖爾利爾。念念爾直得皇風普。願佛日高懸。天人羣生咸霑利。樂拈拄杖卓一下云。四海澄清。天一統。干戈偃息。賀昇平。

復舉僧問。南嶽讓和尚云。如鏡鑄像。像成後爲甚麼不鑑。照南嶽云。雖然不鑑。照護他一點不得。師云。老南嶽提持生佛。未具已前。一著驚天動地。徹古該今。汝諸人還會。夢見也未。良久云。無雲生嶺上有月落波心下座。

初祖忌拈香。吾本來茲土。雄雄戴角虎。傳法救迷情。打破蔡州城。一花開五葉。日月光燐燐。結果自然成。水綠映山青。還見達磨大師麼。達磨大道兮。過量通佛心。兮出度不與凡聖同。纏超然名之曰祖。便插香上堂。舉盤山道向上一路。千聖不傳。慈明道向上一

路千聖不然。師云：二大老與麼說話，大似接竹點月。龍華道向上一路，偏地偏天。

上堂。舉僧問趙州：狗子還有佛性也？無州云：無。師云：狗子無佛性，頭正尾亦正。跳出向上關，急急如律令。參。

佛誕生上堂：以拂子作盥湯勢。我今灌沐諸如來，淨智莊嚴功德聚。五濁衆生令離垢，同證如來淨法身。好大衆如是。則塵塵是佛，刹刹是佛。日日浴佛時，時浴佛。汝等諸人，還曾契悟也？無若也。契悟，我不敢輕於汝等；若不契悟，汝等皆當作佛。擲拂子作舞下座。一日僧問牛頭：未見四祖時如何？師云：頭上著枷，脚下著扭。僧云：見後如何？師云：要坐卽坐，要行卽行。上堂：舉世尊因五通仙人問佛有六通，我只五通。如何是那一通？世尊召仙人，仙人應諾。世尊云：那一通？你問我。頌曰：那一通你問我，黃檗樹頭懸蜜果，燈籠拍手笑。呵呵。祥麟掣斷黃金鎖。

上堂。舉那吒太子析肉還母，析骨還父。然後現本身，運大神力爲父母說法。佛眼遠和尚云：肉旣還母，骨

旣還父，畢竟用甚麼爲身？且道說甚麼法。頌曰：骨肉都還父母了，十方刹海露全身。雲開野水浮空綠，雨過春山發黛新。

次住鎮江金山龍游禪寺語錄

落髮小師 寶日 等編

師於大明洪武七年四月二十一日入寺，指山門云：一門一切門，一入一切入。青天白雨，飛大海須彌，立喝一喝。

佛殿云：磚頭瓦礫，瑤樓玉殿，百草頭上丈六金身。良久云：出頭天外看，誰是我般人。

伽藍堂云：靈從何來？聖從何起？玉出崑岡，金生麗水。祖師堂云：西天也與麼，東土也與麼。天下老和尚悉皆與麼。老僧亦與麼。插香云：一印印定，水泄不通。踞室靈山拈華，只得一撇。少林面壁，只得一撇。拈拄杖按膝云：橫也在我，豎也在我，與也在我，奪也在我。遂卓一下云：水流湮火就燥。

本府疏位鎮江山，匪寬匪猛，咫尺九天，光輝耿耿。指法座云：法空寶座，何高何下？坐斷千差，正路通草。

庵換却琉璃瓦。遂陞座拈香云。此香包天包地。爲蓋爲臺。覆育大千。萬萬靈靈。益熱向寶爐。端爲祝延。

大明世界主。當今皇帝聖躬萬歲。萬歲萬歲。皇后齊年。皇太子千秋。泊滿宮天眷。伏願乾坤同壽。日月齊明。金輪御而海嶽安。玉燭調而天運序。

復拈香云。此香表裏貞堅。近遠瞻仰。奉爲闔郡闔邑。一切大小官僚。守禦一切大小官僚。同增祿筭。伏願政蹟超漢唐。姓名輝竹帛。

次拈香云。此香亘古亘今。非妙非蘊。第三回拈出。供養我金剛幢的。嗣千佛慈雲院了庵大和尚。一爐焚却用酬法乳之恩。

跌坐垂語云。鐘不打不響。鼓不打不鳴。莫有向上作家出來。激揚看問答不錄。提綱云。世尊有密語。充滿三千大千界。迦葉不覆藏。山河大地放光明。不是心。不是佛。不是物。

君上以此開闢萬邦。宏宣聖化。丞相以此鈞調九有。變理陰陽。六軍以此掃蕩機槍。百官以此播揚政治。宗教以此輔翊。王度民物。以此厚植生基。普屬堯

風高懸舜日。便見甘露降神鳥。來瑞麥產器車。出當與慶時。且道如何祝頌。聖拂子云。天高群象正。海闊百川朝。

復舉王常侍訪臨濟。臨濟引常侍僧堂內。開行次。常侍問云。者一堂僧還看經麼。臨濟云。不看。經常侍又問。還坐禪麼。臨濟云。不坐。禪常侍云。既不看經。又不坐禪。畢竟作什麼。臨濟云。總教伊成佛作祖去。常侍大悟云。金屑雖貴。落眼成翳。師云。老臨濟高提正印。王常侍親體承當。等閑便見祖道。光輝王綱。顯白大衆。還委悉麼。聖開金殿鎖。撞動玉樓鐘。下座。

當晚小參云。古者小參謂之家教。何謂之家。世俗家五蘊家。三界家。能出不入。故謂之家。教我輩棄離父母。著壞色衣。不涉衆緣。安處林野。名出世俗。家悟染淨。法不滯塵。勞不膠惑。執名出五蘊家。騎聲踏色。越聖超凡。打破虛空。得大自在。名出三界家。若也果能如是。隨功賞賜。田宅衣物。種種珍寶。老僧不散愛惜。只如髻裏明珠。亦乃兩手分付大衆。還肯可麼。拈拄杖卓一下云。海神知實不知價。留與人間光照夜。

復舉法燈禪師示衆云。本志隈藏巖谷。隱遯過時。奈緣先師有未了公案。今日出來爲他了却。時有僧出問。如何是未了公案。法燈便打僧云。爲甚打某甲。法燈云。是你殃及我師。云。大小法燈。正是夢裏惺惺。說殃及我殃及你幾時。會洒洒落落。乾淨去。新金山也。下一著。趁晴蓋却屋。乘時刈却禾。輪賦王租了。鼓腹唱高歌下座。

留兩班上堂。獨樹不成林。單絲不成線。旃檀叢裏須是旃檀。圍繞獅子窟中。還許獅子。吼同建法幢。共立宗旨。便能洗光佛日。播振玄風。善世澤民。各安家業。譬如百千燈光。同照一室。光光相照。各不相借。所以道是法住法位。世間相常住。正恁麼時。且道不傷物義一句。如何舉。似地靈步步。雪山草僧。賣人人。滄海珠下座。

端午叙謝首座藏主。管事耆舊。上堂。切玉泛葛蒲。包金堆角黍。一飽忘百饑。一句離衆苦。薰風自南來。拂拂吹庭戶。人情既和洽。應答如鐘鼓。赤口與白舌。翻作好歌舞。煌煌少林宗。赫赫面壁祖。僧問。如何是面

壁祖底消息。乃云。攬南泉鉢位底。不是轉一大藏教底。不是透得金圈。吞得栗棘底。不是畢竟如何。喫茶去。

上堂。舉文殊三處度夏。迦葉曰。椎擗擗文殊。忽見百千文殊。左右彌布。世尊謂迦葉云。汝欲擗那箇文殊。師云。文殊八面玲瓏。迦葉一味擔板。擔板中有玲瓏消息。玲瓏裏有擔板規模。二俱不涉。畢竟如何。臨鵞砧。臨鵞砧井底種林檎。今年桃李實。一顆直千金下座。

師一日垂語云。威音王以前。與汝日用現行。相去多少。又云。打破觸體。向什麼處見釋迦老子。又云。來時因甚無口。

秉拂

秦川天寧冬至。秉拂垂語云。法不孤起。仗境方生。現前燈燭。煒煌象龍團。繞乃至山河大地。日月星辰。卉木叢林。人畜草芥。悉皆是境。阿那箇是法燈燭。煒煌象龍團。繞乃至山河大地。日月星辰。卉木叢林。人畜草芥。悉皆是法。阿那箇是境。於此見得。個儻分明。便

可向高高峰頂橫行深深海底闊步莫有恁麼俊快
納僧試出來遞相唱和僧問達磨未來時如何答云
寒壑填溝進云來後如何答云輝天鑑地進云畢竟
如何答云須彌山香水海乃云豁開戶牖萬里不
挂片雲當軒者誰突出青天白日恁麼恁麼南瞻部
洲打鼓北鬱單越升堂不恁麼不恁麼海底觀紅塵
山頭飛白浪恁麼中不恁麼十字街頭吹簫笛千峰
頂上放憨癡不恁麼中却恁麼三更夜半唱巴歌無
端驚起梵王睡九霄絕竊何用穿通一道神光未嘗
昏昧拈拄杖云看看上方拄杖子變作釋迦老子放
大光明照徹三千大千世界上窮有頂下透金輪於
其中間演說摩訶大般若無二無二分無別無斷故
直得毗盧遮那如來化成妙寶樓閣多寶世尊涌出
七層妙塔交相贊賀云善哉善哉希有希有正恁麼
時東海龍王忍俊不禁踊躍歡喜鼓吉祥風謝甘露
雨却向靈山會上報諸大衆道群陰既剝一陽已生
晷運推移日南長至應時納祐慶無不宜廓萬古之
徽猷混一團之和氣卓拄杖一下云水歸大海波濤

壯雲到蒼梧氣象高

復舉洞山冬夜喫果子次問泰首座云有一物黑似
漆上推天下拄地常在動用中動用中收不得過在
什麼處泰云過在動用中洞山令侍者撥退果卓師
云洞山坐籌帷幄泰首座決勝千里便見內外和平
上下如一雖然只如洞山令侍者撥退果卓意作麼
生掀翻海岳求知已撥動乾坤見太平

靈隱冬至秉拂垂語云向上一著如天普蓋如地普
擊如日普照如風普吹如大火聚近之則燎却面門
如塗毒鼓過之則喪身失命衆中莫有不惜性命的
納子麼出來通和激揚時有僧出衆云吹大法螺擊
大法鼓演大法義雨大法雨正恁麼時願聞法要答
云鯨吞海水盡露出珊瑚枝進云如何是吹大法螺
答云一聲偏在諸人耳進云如何是擊大法鼓答云
震天動地進云如何是演法大義答云一字不著畫
進云如何是雨大法雨答云三草二木同時發生進
云擊破泰山雷未猛照開滄海月非光答云脫殼烏
龜飛上天僧歸衆隨云雲從龍風從虎乃云一法

若有毗盧墮在凡夫萬法若無普賢失其境界。怎麼也不得不怎麼也不得。怎麼不怎麼總不得。靈鋒寶劍常露現。前擬欲擡眸。橫屍萬里。拈拄杖。左邊卓一下。云。群陰向者裏剝盡。右邊卓一下。云。一陽向者裏復生。遂橫按云。山河大地和氣。潛回草木叢林。溫風普扇。佛殿共山門。闌額燈籠對露柱。掀眉飛來峰。踉跳上三十三天。西子湖灌入諸人鼻孔。處處全彰寶印。頭頭顯示威權。譬如金翅擘海。直取龍吞香象。渡河截流而過。又如師子筋琴鼓之。則群音順絕。阿呵阿囉囉哩。須彌頂上。擊金鐘。大洋海底行闊步。赤脚波斯戴道冠。忿怒那吒擎鎖柱。靠拄杖。云。孽開華岳連天秀。放出黃河徹底清。

復舉僧問古德。如何是冬來事。德云。京師出大黃師。云。古德怎麼提持。正如平地上擲出生鐵蒺藜。相似教你進且無門退亦無路。若是俊快衲僧。一咬咬破。便見通身汗下。百病消除。獨步大方。自由自在。輒或一偈。舉似大眾。京師出大黃。高價壓諸方。一擊百藥。碎光輝滿大唐。

偈贊

觀音大士二首

稽首廣大清淨海。涵育無邊諸世界。耳根顯示圓通門。救護苦惱衆生衆。衆生本性本清淨。與觀世音無有異。利那轉念能證悟。寂滅現前超世間。譬如皓月行虛空。影落一切江海。水月月光明互交映。究竟不離本月相。我今既作如是觀。剎剎塵塵體如是。普願法界諸有情。成就圓通真實義。

聞所聞盡覺所覺空。尋聲救苦開發盲聾。一真不昧兮塵塵解脫。六用休復兮法法圓通。十方無影像三界絕行蹤。坐斷乾坤千百億金鳥飛出海門東。

大士行道相

無行無住妙圓通。大地群生體本同。淨極光明真佛母。塵塵剎剎播玄飛。

大士童真相

髻綰無螺大地春。巖間欹坐顯天真。無邊苦海圓通境。眼裏聞聲處處新。

大士師子吼相

師子吼無畏說眼藏筋口存舌圓通法門紅爐片雪
透頂醍醐滴滴涼普為衆生除惱熱

大士四十二臂相

法王大將普施無畏或慈或威或定或慧或現燦迦
囉首八萬四千或現母陀羅臂四十有二上契十方
諸佛同一慈力下合六道衆生同一悲仰感應二求
而無爽無失度越八難而無罣無礙所謂十方圓通
眞實顯示不可思議提挈有情無情同入金剛王佛
母第一三昧者矣

一 無 異 實
二 字

文殊大士草衣相

金剛窟隱顯自由清涼山游戲自在一草一木示妙
法身一談一笑示眞法界彼呂氏子感應神遇蒲衣
被體金文在手詎非所謂事事無礙發明根本妙光
大三昧者也於戲盛哉

一 甚 大 字

維摩居士

空色空人空名空法證大菩提獲大解脫彈偏折小
兮金獅虓吼歎大褒圓兮龍象蹴踏無住本有何本
不二門是何門香積飯飽盡毗耶方丈室吞燖乾坤

嘆彼上人者難酬對老倒文殊喪膽魂

鏡容大士

鸞巢托質龍阜接神時動時靜安居禪定或隱或顯
覺悟王臣錫杖上挑起刀尺拂鏡面裏現出齊梁陳
讚歎大乘有語箴揚無語科分十四是眞排斥非眞
無生路通達十方利海涅槃餐飫飽三界天人物物
全彰聖相塵塵常轉法輪燈火香烟交錯處乾坤日
月愈光新

中 法 華 一 作
夜 明

穢跡金剛像

舍那化身釋迦寶華臺光明赫赫釋迦現形穢跡瞻
部洲傾伏魔邪物物純眞頭頭顯密大慈悲欲以九
聖之體大忿怒沃以甘露之漿殺聖殺凡全機妙用
世出世間而作大饒益佛前佛後而廣著功勛者也

栽松道者

獨港江頭雙峰寺裏前身後身一倒一起纔頭拋下
松自長乾坤大地作陰涼
借韻示辯侍者
莫恠儂家眼似眉九年面壁是吾師要知父母生前

句記取敲中惡罵時

瞿曇百計誘難陀。倒腹傾腸沒奈何。拶破面門親搆得。啞兒拍手忽能歌。

寄允中巖宗師

三學巖身性自圓。百千日月向空懸。或持或犯俱清淨。不負波離五部傳。

牧童

放出瀉山水。枯牛溪南溪北暖。雲收春風細草連天綠。穴鼻無繩飽便休。

送說維那

桶桶爆處觸體乾。剎海三千掌上觀。吹起還鄉無孔笛。扶桑日出涌金盤。

次韻答滿藏主

三千里外同風句。一對眉毛眼上橫。萬仞崕頭翹足看。木人拍手火中行。

古德云。青青翠竹盡是眞如。鬱鬱黃花無非般若。頌云

金烏海底明。玉馬空中走。踏倒須彌盧。面南看北斗。

送僧

草綠花紅師子吼。天高地闊象王行。野狐腦裂群魔伏。又見黃河一度清。

持淨

彈指聲前戶。豁開屎坑化作碧蓮臺。笑看清淨毗盧體。糞掃堆頭覩出來。

次韻寄夢堂和尚

看山看水放摩陀。佛祖宗綱定若何。八桂峰前吹鏡笛。木人拍手石人歌。

拜翠峰明覺祖師

驚濤拍岸月如盆。湖上人家竹映門。截斷衆流無向背。明明一句定乾坤。

穆菴康和尚語錄終

附記

日本義堂和尚日工集曰。永德四年甲子年六十在等持十二月二日赴建仁大龍菴忌齋點心罷。

大清引入南昌菴諸老雜話余問椿廷比見康穆菴語尾書曰郊臺何也。廷曰穆菴時住杭州龍華與郊臺近。蓋南渡末都祭天於南郊故云郊臺。臺乃祀天之臺也。

又曰永德二年壬戌正月二十九日古劍話曰嘗回自江南海中值結夏者六人作偈曰圓覺伽藍海上溫安居。禁足渡頭舟。蠟人解唱還鄉曲。欸乃一聲山水幽。或至康穆菴處誤舉此偈以解。唱作喚作。穆菴曰必誤矣。非古劍語。喚作字不好云云。穆菴乃了菴法嗣也。

平石砥禪師語錄

元
•
文 平石如砥
栖 等撰
編

天童平石和尚語錄序

至正十七年臨濟第十八代孫天童平石禪師砥公示般涅槃於東堂又九年其徒大用等集其三會所說法刻梓以傳以余逮見禪師俾爲序竊惟臨濟乃達磨十世以大機大用弘教外別傳之旨度人不可紀極臨傳至徑山無準範公其宗益盛無準傳天童西巖惠公西巖傳東巖日公皆所謂得其道而能大其家者也爲西巖的孫東巖上足而位望隆然以相繼者禪師焉又能以其道大振於東南天下學者莫不宗仰嘗觀其提唱之際徵辯之時擒縱與奪雷奔電激慢神賊目莫可擬測而使學者渙然而疑釋超然以有得苟非善臨濟之機用曷能若是所謂本固而未茂源遠而流益清者歟末南渡初禪學大弊學者罔識臨濟機用往往淪於默照邪禪吾祖妙喜力排之而後禪學以正禪師行介而和言簡而要平居著述恒以斥邪說爲務抑亦妙喜之意歟嗚呼禪師已矣不可復見矣欲求其道之彷彿捨是錄其焉從俄有詰予者曰達磨不立文字禪師乃存是錄得無

相矛盾耶予應之曰達磨不立者所以祛文字之蔽禪師存是者所以明別傳之旨苟祛其蔽而得其旨不亦善乎淨名曰依於義不依語又曰言說文字皆解脫相有味哉有味哉詰者嘿然遂書以爲平石禪師語錄序前住紹興崇報禪寺鄱陽釋至仁書

平石和尚語錄

目次

序

慶元路保聖禪寺語錄

定水禪寺語錄

天童禪寺語錄

真讚

偈頌

跋

平石和尚初住慶元路保聖禪寺語錄

台州真如禪寺嗣法比丘 文栖 等編

師於大德三年三月十五日入寺佛殿燒香云佛身無爲不墮諸數乾屎橛三斤響遂禮拜

祖堂顓顓預預百醜千拙扶桑人種陝西田一二三四五六七

據宰拈主丈德山棒臨濟喝石裂崖崩雷轟電掣卓主丈君子可入

陞座拈香云此香恭爲祝延

今上皇帝聖躬萬歲萬歲萬歲次拈香云奉爲

見住太白名山天童景德禪寺東巖大和尚一爐爇

却不是報德酬恩只要辱他則箇遂就座延慶和尚

白椎云法筵龍象衆當觀第一義師云若是第一義

直是無下口處即今莫有問話者麼山僧向第二義

門與汝相見僧出云一統乾坤境界優騰騰瑞氣藹

林丘提來殺活金剛劍凜凜神光射斗牛爲國開堂

願聞法要師云祝融峰頂上露滴萬年松進云恁麼

則四海盡歸王化裏吾家曲子萬年歡師云滿口道

著進云只如馬大師道即心即佛非心非佛意旨如

何師云千年常住一朝僧進云萬機休罷千聖不携

又作麼生師云眼不見爲淨進云萬古碧潭空界月

再三撈漉始應知師云亂統禪和如麻似粟僧禮拜

師云果然乃云門外湖光湛湛屋頭翠竹青青車馬
駢闐人煙襍遯智莫能知識莫能識所謂佛佛授手
爲授此事祖祖相傳爲傳此宗薦拈主丈天左旋地
右轉日東上月西落一道虛凝湛然光彩便與麼隔
大千不與麼口皮邊皇元一統封疆闕願祝
吾君億萬年卓主丈

復舉達磨大師偈云吾本來茲土傳法救迷情一花
開五葉結果自然成師云恁麼道大似傍若無人擊
拂子云今年桃李貴一顆直千金下座

上堂一二三四五六七鵲眼龍睛搆不及七六五四
三二一鐵額銅頭跳不出熾如猛焰利若吹毛近之
則燎却面門擬之則傷鋒犯手去此二途如何趣向
衆中忽有箇漢出來掀倒禪床喝散大衆保聖也恁
他不得便下座

上堂魯祖面壁雪峰輓毬動絃別曲葉落知秋便與
麼會時如何銅砂羅裏滿盛油

上堂同床各夢異姓同居千變萬化少實多虛渠今
不是我我今不是渠休將白額虎喚作黑菸菟

冬至小參。納僧門下。有一片無陰陽田地。坦然平正。卓爾孤危。近在方寸之間。遠隔大千之外。幾度風吹。日炙多年。草蔓苔荒。是汝諸人尋常。不曾將眼覷著。覷得著。萬象森羅。光燦燦。覷不著。萬象森羅。光燦燦。總不與麼時。如何焦磚打著。連底凍。一枝紅燄發冰河。

上堂云。心外無法。法外無心。山河大地。甚處得來。便下座。

上堂舉三角和尚因僧問。如何是三寶。答云。禾麥豆。師云。三角與麼道。大似將常住物。作自己受用。其奈傍觀者。晒忽有人問。保聖如何。是三寶。只向他道。佛法僧何故。千虛不如一實。

除夜小參。最初機末後句。大地載不起。佛手攔不住。納僧家。見如不見。聞如不聞。行但行。坐但坐。飢喫飯。寒向火。管甚斗換星移。寒來暑往。門外朔風凜凜。誰爲途路之人。櫪前凍日。熙熙盡是到家之客。保聖今夜未免烹露地白牛。與諸人分歲去也。驀拈拄杖卓一下。明年更有新條在。惱亂春風卒未休。

復舉僧問古德。年窮歲盡時。如何。古德云。家家看盡野狐兒。頌云。家家看盡野狐兒。正是年窮歲盡時。何似東村廖胡子。倒拈鐵笛逆風吹。

元宵上堂。納僧門下。別有新條得路。塞路過橋。斷橋須知正月半。決定是元宵。以拂子擲下云。我見燈明佛本光。端如此。

佛忌上堂。舉世尊將般涅槃。以手摩胸告衆云。汝等善觀吾紫磨金色之軀。瞻仰取足。毋令後悔。今日則有明日。則無。若謂吾滅度。非吾弟子。謂吾不滅度。亦非吾弟子。時百萬億衆。悉皆契悟。頌云。將謂無人識得渠。臨行賣弄紫金軀。當時一衆無人會。獨許波旬是丈夫。

上堂。三世諸佛說夢。六代祖師說夢。天下老和尚說夢。莫有各床同夢底麼。麼。出來說看。良久云。人貧智短。馬瘦毛長。

結夏小參。圓覺伽藍。廓周沙界。平等性智。普現色身。行住坐臥。常在其中。見聞覺知。莫過於此。是衆生之業識。乃諸佛之本源。即諸佛之本源。是衆生之業識。

所以道迷諸佛之所悟者是名衆生悟衆生之所迷者是名諸佛衆中忽有箇漢出來道者裏是什麼所在說迷說悟我也知你向鬼窟裏作活計良久主丈且將留靠壁草鞋乾晒待秋風

上堂舉肇法師云萬法無異者豈曰續鳧截鶴夷岳盈壑然後爲無異者哉師云肇法師弘經造論可謂宗說俱通若約衲僧門下水也未與他契保聖敢道若要萬法無異者直須續鳧截鶴夷岳盈壑始得雖然笑我者多晒我者少

開爐上堂少室單傳旨年深冷似灰一爐文武火今日爲君開擊拂子下座

達磨忌拈香是大妖孽剛道初祖甜瓜徹蒂甜苦瓠連根苦殃及後代兒孫箇箇釘椿搖櫓木人無舌笑春風燈籠吞却露明珠

四月八日赴定水請辭衆上堂世尊出世保聖退步彼此大丈夫各自行一路拈主丈卓一下靈蹤更在猢猻處

平石和尚定水禪寺語錄

門人 子昶 了因 等編

師於皇慶二年四月十二日入寺指山門云百千法門門門有路蝦蟆跳上蒼天蚯蚓抹過東海

指座向上一路千聖不傳天平地平日月面遂陞座拈香祝

聖罷就座僧出云世尊拈花迦葉微笑未審此意如何師云休將鶴唳誤作鸞啼進云世尊道吾有正法眼藏分付摩訶大迦葉又作麼生師云一犬吠虛千獐哇實進云靈山拈花分付正法眼藏雙峰今日開堂畢竟有何垂示師云杲日當空清風匝地進云有意氣時添意氣不風流處也風流師云切忌亂鍼錐僧禮拜師廻云大機普應大用現前一句定剛宗橫身當宇宙豈不見保壽開堂三聖推出一僧保壽便打斬丁截鐵三聖云與麼爲人非但瞎却者僧眼瞎却鎮州一城人眼去在殺人刀保壽擲下主丈便歸方丈活人劍好大衆如上將軍七事隨身沙場慣戰非惟電捲星馳直是超今邁古只如山僧今日開堂畢竟明箇什麼良久三邊不用安戈甲萬里歌謠賀

太平

結夏上堂。舉東山和尚示衆云。結夏無可供養大衆。作一家燕。管顧諸人。遂擡手云。囉囉招囉囉。搖囉囉。送莫恹空。踈伏惟珍重。師云。東山和尚與麼施設。也是禮過成語。定水則不然。將拈主丈靠左邊下座。上堂。古人道。我有一句子。待特牛生兒。却向汝道。且道是什麼。一句子。雙峰不惜眉毛。與汝諸人說破。若喚作一句子。入地獄如箭射。

上堂。異種靈苗。春生夏長。信手拈來。無不是藥。將拈主丈。召大衆云。者箇是主丈。子還喚作藥得麼。擲下主丈云。眼裡有筋。須辨取文殊。曾被善財瞞。

上堂。四月十五日。結左搓芒繩。縛鬼子。七月十五日。解倒拈折。飭攪滄溟。衲僧家不慕諸聖。不重己靈。脫略上古風規。破壞今時窠臼。拈主丈一束生芻。拈未暇六環金錫。響遙空。

上堂。有一人長在家舍。不離途中。有一人長在途中。不離家舍。拈主丈兩箇。漢鼻孔。總被雙峰穿却了也。卓主丈。不經一事。不長一智。

上堂。孟夏已過半月。普天匝地。漸熱。衲僧鼻直眼橫。那箇皮下。無血九旬。禁足安居。剛道憐鷄護雪。更說克期取證。大似虛空釘。灑羹砂。未必成飯。陽焰如何止渴。雙峰無可論量。一句爲君直截。但能無事於心。自然應時應節。擊拂子下座。

上堂。六月雨無價。寶高田低。田水盈盈。早禾晚禾。雲縹縹。農夫聚首。話年豐。斗米三錢。端可保衲僧家。沒頭腦。飽飯。噉眠。知恩者少。

解夏。小參布袋頭。捻聚放開。吞却山河大地。主丈子橫來。豎去。挑幹日月星辰。如理如事。全主全賓。風流直是風流。奇特不妨奇特。拍禪床。行到水窮處。坐看雲起時。

復舉教中道。八十誦律。一夏之功。不階四果。必證三禪。師云。把本修行。如驢拽磨。衲僧家合作麼。生良久。有口只堪閒掛壁。

上堂。提起數珠。云。百八摩尼一串。穿今年。又數到明年。明年又是從頭起。百八摩尼一串。穿大衆。且道前不停五後不至七。畢竟如何。嘉州大像喫鹽多。陝府

鐵牛添得渴

上堂動若行雲止。猶谷神休將北斗喚。作南辰只如山僧。一月以來。半出半入。或東或西。畢竟成得什麼邊事。回首紅塵沒馬深行人。更在青山外。

上堂舉雲門拈主丈示衆云。主丈子化爲龍吞却乾坤了也。山河大地甚處得來。先師東巖和尚拈云。天童亦有主丈子。雖不曾變化。直是易見難識。擲下主丈云。向道是龍。剛不信待爲霖雨。始應知師拈主丈召大衆云。物見主。眼卓。豎卓。主丈只知開口。易不覺舌頭長。

上堂寒山子詩云。白鶴啼苦花千里。作一息欲往蓬萊山。將此充糧食。好諸禪德向者裡。營地者多錯會者亦不少。所以道我詩也是詩。有人喚作渴詩。偈總一般讀時。須仔細。

九日上堂。今朝九月九。相喚不出手。若是箇中人。舉意便知有。拍禪床云。金鷄飛上玉闌干。一聲啼破千峰曉。

上堂舉馬祖語。月次智藏百丈南泉侍立。祖曰。正與

麼時如何。藏云。正好脩行。丈云。正好供養。南泉拂袖便去。祖云。經歸藏。禪歸海。唯有普願獨超。物外師云。馬大師一家父子。只解貪觀天上月。不知失却手中機。雙峰則不然。正與麼時如何。青天也須喫棒。

都道場看經。歸上堂。一大藏教是箇切脚。且道切甚麼字。諸仁者。出一叢林。入一保社。一七日內。朝看暮閱。還有覩得透底麼。若覩得透。非唯仰報。

聖恩。抑亦慶快自己。若覩不透。被黑豇子換却眼睛了也。暮拈主丈雙峰。不惜眉毛。曲施方便。向第二義門與諸人相見。卓主丈。開市。拶出。橋尸。迦。驚起。慈慙梵王睡。

上堂。衲僧家只解步步登高。不解從空放下。且道。蕭詔在什麼處。良久云。下座。巡堂喫茶。

上堂舉芭蕉示衆云。你有主丈子。我與你主丈子。你無主丈子。我奪却你主丈子。後來真淨和尚拈云。你有主丈子。我奪却你主丈子。你無主丈子。我與你主丈子。師云。二大老向有無與奪中作活計。檢點將來。合喫主丈雙峰。不欲盡法。無民放過。一著靠主丈下。

座

上堂雲門有一曲臘月二十五直下會得未敢相許何故射虎不真徒勞沒羽

除夜小參過去已過去生鐵秤鎚被虫蛀未來猶未來燈籠沿壁上天台卽今臘月三十日也見在底作麼生一法若有毗盧墮在凡夫萬法若無普賢失其境界豎拂子東弗于逮西瞿耶尼南瞻部洲北鬱單越卽今在山僧拂子頭上轉大法輪汝等諸人還見麼擊拂子城上已吹新歲角窓前猶點舊年燈

復舉香林因僧問萬頃荒田誰是主林云看看臘月盡師云香林與麼答話幾被打破蔡州忽有人問定水萬頃荒田誰是主只向他道三年一閏五年再閏元旦上堂舉法昌遇和尚因僧問孟春猶寒卽不問新年頭還有佛法也無法昌云東山西嶺青頌云新年佛法聊相問解道東山西嶺青昨夜陽和回地底十分春色滿江城

上堂準擬看元宵恰值終朝雨燈燭照笙歌遊人不
出戶一段好風光特地成孤負雪峰輾毬禾山打鼓

笑倒燈籠并露柱

佛涅槃上堂教中道涅槃而不生涅槃而不滅不生不滅故曰涅槃豎拂子釋迦老子來也還見麼一鷲在眼空花亂墜

上堂舉雲門云久雨不晴衲僧家向甚處晒眼皮草師云本自無瘡勿傷之也

結夏上堂舉天平訪西院被連下兩錯更留開粥過夏共相商量師云盡謂西院炊香別飯禮意殷勤殊不知利刃之蜜蠱毒之水雙峰者裏粗茶淡飯任意加飧雖然九十日內十二時中也要大家知慚誠愧道場渭都管施傳燈上堂人從雪川來接得西天信報道眞燈發焰燦破大虛雙峰懽喜不徹合掌讚云三脚驢子弄蹄行踢倒須彌無寸土

上堂孟夏漸熱年年事三世如來總不知昨夜燈籠開口笑堂前露柱皺雙眉

端午上堂今朝五月五此話憑誰舉擎起秘魔叉打動禾山鼓直得南山起雲北山下雨喝一喝赤口白舌盡消除不用當門懸艾虎

上堂舉雲門示衆云。結夏已過二十日。寒山子作麼生。自代云。和尚問寒山。學人對拾得。親言出親口。平地成狼藉。會麼。雙峰與麼道。也是普州人送賊。上堂。日出心光耀。天陰性地昏。不知天地者。剛道有乾坤。喝一喝。我行荒草裡。汝又入深村。

解夏小參。教流像季去。聖時遙。土曠人稀。言多道遠。欲得摧邪顯正。故須託境依人。人境既以一如。道業自然成辦。山僧九十日已前。與汝諸人同一安居。九十日已後。與汝諸人同一自恣。行住坐臥。語默動靜。與諸人初無絲毫間隔。若是宗乘邊事。未嘗蹉口道。著何故。雙峰不曾引人落草。

復舉翠岩參和尚示衆云。一夏與兄弟東語西話。看翠岩眉毛在麼。頌云。翠岩眉毛在不在。山未爲高海未深。一曲無絃千古意。相逢誰是好知音。

解夏上堂。鵝護雪臘人冰。此地無金二兩。俗人沽酒三升。拍禪牀。堪笑暮雲歸未合。遠山無數碧層層。上堂。舉雪竇和尚偈云。三分光陰。二早過。靈臺一點不措。磨食生。逐日區區去。喚不回頭爭奈何。師云。膏

盲之疾。固不足以發藥。然雙峰用處。也要諸人共知。便下座。

中秋上堂。吾心似秋月。碧潭清皎潔。無物堪比倫。教我如何說。師云。寒山子與麼道。大似抱贓叫屈。便下座。

爲雲山劉氏孺人對靈小參。若論此事。譬如秋潭月影。靜夜鐘聲。隨扣擊以無虧。獨波瀾而不散。諸佛悟之。而成佛。衆生迷之。而受生。迷諸佛之所悟者。是名衆生。悟衆生之所迷者。故曰。諸佛心。佛及衆生。是三無差別者。箇道裡。如人飲水。冷暖自知。說似人不得。呈似人不得。離男女相。離生死相。諸相既無。一靈不昧。豈不見昔日范縣君參圓悟祖師。教伊看。不是心。不是佛。不是物。不得下語。不得開口。看來看去。便覺恹恹。却問別有何方便。得箇入處。圓悟云。有箇方便。不是心。不是佛。不是物。縣君從此悟入。大眾看他。是箇婦人。宛有大丈夫之作。直得渾鋼打就。生鐵鑄成。煩惱恩愛。籠罩他不得。生老病死。繫縛他不得。要行便行。要住便住。直饒恁麼。猶在半途。且道。卽今劉氏

孺人出生入死超然獨脫底一句又作麼生豎起拂子稽首摩耶千佛母天花影裏現全身

開爐上堂兼謝雪窓書記雙峰火爐頭有一則無賓主話只是易見難識良久夫子不識字達磨不會禪除夜小參少室九年面壁掘地覓天黃梅半夜傳衣敲冰取火事久情變法立弊生一犬吠虛千獒哇實不是向上巴鼻亦非教外別傳人漸老水長流一年又是結交頭出門撞著留幽求大帽壓耳手提油正日上堂舉真淨和尚歲朝示衆云去年貧未是貧今年貧始是貧去年貧猶有卓錫之地今年貧錫也無香嚴與麼提持奇特甚奇特要且只知其貧不知其富洞山則不然去年富未是富今年富始是富去年富只有一領黑懸布襦衫今年富添得一頂百衲山水袈裟歲朝抖擻呈禪衆實謂風流出富家師云貧賊驕人乎富貴驕人乎吾於二老見之矣雙峰既不言貧亦不道富新年頭別有一句子也要大家知有豎拂子雲淨日月正雪晴天地春

上堂有物先天地無形本寂寥能爲萬象主不逐四

時凋春畊夏種秋收冬藏作麼生說不凋之義山南山北無非祖父田園溪東溪西總是國王水草汝等諸人若也知得落處便見進退動靜之間了無新舊去來之相坐籌帷幄安帖家邦正與麼時如何三脚驢子弄蹄行踏破虛空成兩片

平石和尚天童禪寺語錄

參學比丘 彌安 元勗 等編

師於天曆二年十二月初一日入寺指山門云樓閣門開日照天臨俊馬不移蹄快鶻越不及喝一喝佛殿燒香云自覺覺他名之曰佛金剛與泥人揩背咄咄咄

據室我此一室綿綿密密認得眼來青天霹靂陞座拈香云此香陰陽未剖已前掀天富貴世界既形之後特地芬芳薰向爐中端爲祝延今上皇帝聖躬萬歲萬歲萬萬歲陛下恭願明逾日月德重乾坤萬年端拱於無爲四海咸皈於至化次拈香云村草步頭匙挑不上玲瓏岩畔信手拈來今當第三回供養

前往當山先師東岩圓應大和尚用酬法乳之恩。敎衣就座。育王和尚白。龜畢。師云。盡大地撮來。如粟粒大。拋向面前。漆桶不會打。數。普請看。衆中莫有不甘者麼。出來道看。時有僧問云。三通鼓罷。大衆咸臻。學人上來。願聞祝贊。師云。須彌頂上。擊金鐘。進云。祝聖已。蒙師指示。向上宗乘。事若何。師云。黃檗打臨濟六十五丈。進云。記得三聖道逢人。則出。出則不爲人。時如何。師云。有甚巴鼻。進云。契化道逢人。則不出。出則便爲人。又且如何。師云。却較些子。進云。古今無異路。達者共同途。師便喝。僧禮拜。師云。不快。漆桶乃云。萬仞峰前。輾繡毬三千刹。海一毫收。展開佛手。伸驢脚。出窻金毛笑點頭。所以道。宗乘一唱三藏絕詮。正令當行。十方坐斷。是故靈山會上。少室峰前。赤手持來。橫身荷負。德山棒頭。欺胡瞞漢。臨濟喝下。少實多虛。墮秦華逗。黃河直得星移斗換。拈金雞拂玉兔。自然八面玲瓏。是飯。馬休牛之日。當樵歌漁唱之時。摩醯正眼。洞明肘後。靈符光彩。正與麼時。如何。天高。群象正。海闊。百川朝。

小參。從上來事。只在如今。拈起也。天回地轉。放下也。滴水冰生。不在句後。聲前。自然頭頭顯露。九峰聳翠。雙沼波澄。乃玄智中興之所。誠祖父唱道之場。繼茲芳躅。無膺有愧。所以緣生於象。象亦非真。緣象兩忘。獨途或滯。拈主丈主丈。橫山河大地。一時橫主丈。豎山河大地。一時豎主丈。主丈不橫不豎。山河大地。自山河大地。燈籠自燈籠。露柱自露柱。然雖如是。只如雲門大師。道拈燈籠向佛殿裏。將山門來。燈籠上又作麼。生話會。卓主丈一言。截斷千江口。萬仞峰頭始得玄。復舉當山第一代啓禪師。因僧問。學人卓卓上來。請師的。啓云。我者裡一厨便了。有甚麼卓卓的。的。僧云。和尚恁麼答話。更買草鞋行。脚始得。啓喚僧近前。僧乃近前。啓云。老僧恁麼道。過在什麼處。其僧擬議。啓便打師云。千鈞之弩。不爲鼯鼠發機者。僧既不善。機宜。啓和尚亦成不了。拈主丈喝一喝下座。上堂。卽心卽佛。非心非佛。不是心。不是佛。不是物。馬大師。舌頭無骨。與麼也得。不與麼也得。與麼不與麼。總得老石頭眼裏。無筋。焉拈主丈。卓一下。雲自帝鄉。

去水從江漢流

除夜小參臘月三十日二年同一春祖師門下客總是舊時人大衆人既仍舊法無不然是故天地覆載日月運行河嶽流峙寒暑推遷無一法從內而出無一法從外而入拈主丈無言童子唱巴歌露柱燈籠齋起舞卓主丈

元旦上堂拈拂子作書空勢召大衆云看看新年把筆萬事大吉且道書底是什麼孔門弟子無人識碧眼胡僧笑點頭

上堂舉趙州問南泉云如何是道泉云平常心是道大衆苦樂逆順膏火相煎剎那之間有萬生滅作麼生得平常去到者裏也須明白去始得

涅槃上堂正法眼藏涅槃妙心東土乾籬蔔西天爛葛藤野火年年燒不盡春風吹著又重生

上堂舉天衣懷禪師示衆云青蘿黃緣直上寒松之頂白雲淡泞出沒太虛之中南山起雲北山下雨會麼甜瓜徹蒂甜苦瓠連根苦應菴和尚拈云天童也下一著青蘿黃緣直上寒松之頂白雲淡泞出沒太

虛之中狗子尾巴書梵字野狐窟宅梵王宮師云山僧有條舉條無條攀例今日也下一著青蘿黃緣直上寒松之頂白雲淡泞出沒太虛之中奇怪石頭形似虎火燒松樹勢如龍

延慶我菴和尚至上堂青玉軒前玲瓏岩畔歷歷明明現成公案靠倒直指單傳抹過一心三觀且道四明尊者隰州古佛相見說箇什麼良久止止不須說我法妙難思擊拂子下座

純監寺火純清絕點坐在無魂必死之鄉若要去住自由別資一路始得躡下火三脚驢子弄蹄行火裏毒蛇吞鼈鼻

浴佛上堂十方世界香水海萬象森羅淨法身須信鑊湯無冷處杓頭拋下辨疎親

結夏上堂一年是一年一月是一月一日是一日一時是一時聖制九旬各自努力其間更有一事說與諸人不得良久切忌向胡餅裡覓汁

上堂云藏主不識字侍者參得禪首座有長處各自見一邊掀翻洞山五位壁開臨濟三玄須彌峰頂浪

滔天

上堂拈主丈云。佛法徧天下。談立口不開。相攜木上座。吟上高高臺。且道太白峰。與玲瓏岩。闌額畢竟論量何事。卓主丈。湖南城裏好養民。米賤柴多足四鄰。端午上堂。五月五天中。節神仙妙藥。百草頭邊等閒嗅著。腦門迸裂。喝一喝下座。

上堂。諸禪德。還知麼。今朝又是六月十五日了也。寒暑相催。生死漸近。身上鷄臭布衫。還脫得下也。未脫得脫不得。則且置。你道南山起雲。北山下雨。畢竟又如何話。會喝一喝。

上堂。舉東山演和尚頌云。山前一片閒田地。叉手叮嚀問祖翁。幾度賣來還自買。爲憐松竹引清風。師云。東山與麼道。如持左券以取故物。自謂手親眼辦。不受人瞞。檢點將來。費了多少鹽醬。諸人還會麼。玉本無瑕。珮文喪德。

東岩和尚忌辰。拈香。香嚴哭。潯山主丈。貧兒思舊債。投子受大陽草。履胃姓佃官租。總是死門。俱非活路。插香云。先師東岩和尚來也。龍袖拂開全體露象王。

行處絕蹤踪

解夏小參。九旬禁足。三月安居。據菩薩乘。修寂滅行。正是無風匝匝之波。致令影響之流。彼此互揚家醜。便道鴉護雪。臘人冰。勸得一片會種得。一籊栗。自謂修心煉行。功不浪施。檢點將來。自救不了。天童則不然。一箇箇如獅子兒。吒沙地。哮吼一聲。直得天魔膽裂。有甚近傍處。是則固是還端的也。無擊拂子。西風陣陣。涼秋雨。番番急。

舉翠岩參和尚示衆云。一夏與兄弟東話西話。看翠岩眉毛。在麼。保福云。作賊人心虛。長慶云。生也雲門。云。關大衆翠岩老老。大大賣弄風流。引得一地人揚塵簸土。百世之下。喚作翠岩眉毛話。山僧今夜忍俊不禁。與伊勸絕去也。衆中忽有箇漢出來道。和尚也須照顧眉毛。始得我也。知你向鬼窟裡作活計。

解夏上堂。教中道。自宣已過。恣僧舉罪名曰。自恣若約。納僧門下。天地懸殊。直須毀於佛。謗於法。無慚愧心。乃可名爲自恣。拈主丈云。當門不用栽荆棘。後代兒孫惹著衣。

上堂山僧夜來得一夢。甚是奇特。天明起來。擬欲舉似諸人。及乎仔細尋思。又成忘却。便下座。

隨都寺火心。隨萬境轉。轉處實能幽。涅槃路上。生死岸頭。撲滅漏燈。盡撥火覓浮漚。

上堂炎炎老火向。西流一雨翻。然報早秋。暑往寒來。今古事幾多。白盡少年頭。

上堂十五日已前。半明半暗。十五日已後。全暗全明。正當十五日。明暗兩途。二俱不涉。拍禪牀。三面狸奴。腳踏月。兩頭水。枯手擎煙。

重陽上堂。茱萸滿汎。一甌茶。冷淡家風。亦自佳。不用登臨追往事。眼前隨分有黃花。

達磨忌日。拈香。西天殿後。東土先鋒。不識第一義。剛言破六宗。老蕭硬塞打不入。渾身乾沒。熊耳峰。不有宋雲。知敗缺。擬於何處覓行踪。

衆侍者火雙。弘定慧。兼善毗尼。生死岸頭了無交涉。擲下火犀牛。扇子足清風。火裡螞蟻吞大虫。上堂清霜鋪大野。白月滿空山。目前明歷歷。一點不相瞞。擊拂子下座。

宏智和尚忌日。拈香。夢幻空花。六十七年。白鳥煙沒。秋水天連。渾禽無縫。綽實八布衫。穿丹霞。室內太白峰前。正偏俱不涉。生死不相干。夜行只管貪明月。不覓和衣渡水寒。

冬至小參。佛法二字。也是不著。便稱僧家。從朝至暮。著衣喫飯。痢屎送尿。何嘗有虛棄。底時節。豈不見。龐居士頌云。日用事無別。惟吾自偶。諸頭頭。非取捨。處處。張乖。朱紫。誰爲號。丘山絕點埃。神通并妙用。運水及搬柴。諸仁者。看他箇俗流。宛有衲僧氣息。若向者裡。著得一隻眼。觀風雲。別氣候。觸目遇緣。隨機應變。灼然無虛。疊底時節。苟或未然。且向陰陽消長處。一任東卜西卜。

復舉洞山冬夜與泰首座喫果子。次問云。有一物黑似漆。常在動用中。動用中收不得。過在什麼處。泰首座云。過在動用中。洞山令侍者撥退果卓。師云。泰首座。恁麼答話。本分不得果子喫。雖然洞山也不得無過。卽今若有人。下一轉語。坐斷古人舌頭。天童向明窓下安排。

上堂舉僧問古德如何是冬來事古德云京師出大黃師云與麼答話大似徐六擔板薦拈主文卓一下三生六十劫

上堂山寺逢冬仲蕭條迫暮年官租猶未納私債苦相煎私債可緩官急如茲無人知此意令我憶南泉上堂舉洞山不安有僧問云和尚病還有不病者麼山云有僧云不病者還看和尚否山云我看他有分僧云和尚看他時如何山云則不見有病軀或一偈舉似諸人病時還有不病者他不看吾吾看他一陣香風來枕上庭梅開漏臘前花

關山和尚忌日拈香木有水有源佛佛授手祖祖相傳理固如是事無不然插香云涅槃後有大人相剔起眉毛仔細看

除夜小參去也去也爆竹送殘年來也來也椒柝獻新歲一來一去全放全收不作佛法商量不作世諦流布目前無法意在目前狸奴白牯共樂昇平露柱燈籠咸活化育直得冰河發焰黍谷回陽道泰時清民康物阜拍禪牀云品字柴頭煨正煖不知風雪到

梅花

上堂舉法昌結夏示衆云年年四月十五諸方盡皆禁足法昌山裡如何但見山青水綠師云法昌之漢坐在無事甲裏有甚共語處喝一喝

上堂舉雪竇偈云霽霏梅雨灑危層五月山房冷似冰又謂乾坤垂大信未明心地是炎蒸好諸禪傳真語者實語者如語者不異語者便下座

上堂舉眞淨和尚云今朝六月日萬事隨時變地肥茄子多兩足甜瓜賤紅桃大似拳絲李圓如彈論歸宗大道心拈來一人難辨吾人和盤托出只堪止渴不可充飢天童者理無三般兩樣只作一味商量小問僧堂裡索麪一任諸人飽喫便下座

解夏小參明明百草頭明明祖師意所以道道還手截斷事而眞聖遠乎哉體之則神現前一衆同此安居今已告圓只如雲門大師問僧云秋初夏末不落平常道將一句來僧無對自代云初三十一中九下七師拈主文卓一下云西天斬頭截臂我者裡自領出去

復慕洞山示衆云秋初夏末兄弟東去西去直須向
萬里無寸草處去石霜問云出門便是草頭云萬里
無寸草出門更是草昨夜問龜哥報道今朝好步
踏著長安道

上堂西風直陣涼秋雨番番急時節不相親一夏今
朝畢解開布袋結頭無漏滴酒何以生蒼天鴉萬里
雲只一突

上堂三年一閏九日重陽理由事顯事逐理彰會問
雲門如何是諸佛出身處門云東山水上行且道明
理耶明事耶著裏道得脫體分明許你入阿字法明
冬至小參山中無曆日從教暑運推移眼裏有瞳人
自知十萬八千徒勞他覓洞山果子賣弄風流皓老
布衲價增十倍香嚴叉手少實多虛慈明揭榜揚聲
止響薦枯主丈掃蕩多年滯貨坐斷諸方舌頭卓主
丈冬不寒臘後看

上堂僧問香林如何是衲衣下事林云臘月火燒山
師云臘月火燒山眉毛眼上安叮嚀辦柴炭必定有

春寒

上堂賴枯凍筆記風雲陰陽生理事員一柱清香
林下客太平時節太平人

謝巡山行中仁書記上堂一口吸盡西江水馬駒踏
殺天下人這箇說話譬如暗中書字字雖不成文彩
已彰擊拂子敲出鳳凰五色髓擊碎瓊龍明月珠
謝兩序上堂新臺相資進退合節左右逢原尊卑異
位開鑿入天正眼恢張佛祖門庭頭頭垂露物之機
著著有出身之路如斯託會猶落今時且如何是不
落今時底句玲瓏八面自回合峭峻一方誰敢窺
上堂擊密菴和尚示衆云十五日已前開池不待月
十五日已後池或月自來正當十五日吹無孔笛唱
太平歌佛及衆生齊聲唱和且超群拔萃一句作麼
生道四海浪平龍睡穩九天雲淨鶴飛高師云山僧
今日因行不妨掉臂十五日已前長在途中不離家
舍十五日已後長在家舍不離途中正當十五日兩
頭俱坐斷一劒倚天寒且超群拔萃一句作麼生道
擊拂子一把柳絲收不得和煙落在玉欄干

退院上堂。老向山中償宿債。拖犁披耙。十三年如今
筋骨條條。露乳頂然。不受穿村草步。舊田園。桃花
如錦。柳如煙。放教臥月眠雲去。飢有香菰。渴有泉拍
禪牀下座。

重贊

門人 師楷 文斌 汝均 等編

觀音

枯木巖前坐片時。輪珠數盡復思惟。南詢童子無消
息。月在波心說向誰。

魚籃觀音

籃裡魚衣內。珠左提右挈。腥風滿途茫茫。宇宙人無
數。那箇男兒是丈夫。

送磨

聖諦廓然忠言逆耳。折蘆渡江事不獲已。脚下無風
雨。雨波滔天。沃日從茲始。

寒山

天台山中國清寺裡。掃帚隨身塵埃滿地。只知指點
笑他人。對面有人還笑你。

拾得

爾名拾得拾得者。誰不識一字。却要題詩。秃筆未曾
輕點著。芭蕉葉上墨淋漓。

維摩

嘆大裘圓。彈偏擊小。通身是病。自救不了。引得文殊
問疾。來更審一場。非小小。

朝陽穿破衲

穴鼻針無絲線。雙新雙眉討頭未見。日炙風吹破衲
衣。補得完全是幾時。

對月了殘經

看未了。歇不得。向下文長。付在來日。咄者醜黑。豈老
僧。何曾解轉如是經。

船子

天無四壁地無門。舞棹呈機。誑後昆。索性和船都覆
却。免教空記刻舟痕。

永明壽禪師

道大德尊。宗通眼活。萬象森羅。熾然而說。遊戲性海
而一波不驚。披露覺天而十日竝出。實天台韶國師。

命世之寧馨。作兩浙錢大王福王之利益。至於東三
色筆。發佛祖潛光。鼓無絃琴。起衲僧痼疾。高風遠度。
豐功盛蹟。豈片言隻字。讚歎之所能及。頃面三分明。
不覆藏。西湖水映中。數月。

延慶秋墟入法師

秋水兮澄神。金沙兮粲彩。目界分身。而目嚴在關。一
衆唱導之妙門。混三觀互融之性海。真應物也。清而
有容。其行已也。兼而匪介。豹隱壽以自文。鵬搏風而
何快。不即不離。無對無待。八死五生。免地著。還重現
法智中興之行。案克振大蓬軍軍之家。世我生。讀語
擬針投芥。豈特是播德音於一時。庶幾正受普光於
千載。

元斐和尚真端嚴安長老誦

凌霄峰頂。寂照光中。百年大夢。四海一翁。長裏無窮。
眇却人。獨聖之妙。腕頭着力。驅女媧鍊石之功。指麾
談笑而衲僧乞命之不暇。暗鳴吒叱而魔外却走以
何從。前無佛祖。下絕已躬。黃蘗運機。坐南泉鉢。位類
已菴。凌滅妙喜。門風。父不慈。子不孝。上不敬。下不恭。

一點水墨。兩處成龍。安知末後。全提句。瑞雪天香。滿
浙東。

我菴法師真嗣子中絕照請

賢哉人也。神凝而氣。完言溫而行。粹九執。厥中絕照。
非外白璧兮。無瑕玕珠兮。絕類。據牀。座於兩浙大家。
紹箕裘於靈山一會。潤翻舌本。浚教海之淵源。富瞻
筆端。作宗門之洙泗。處人情於毀譽得失之間。達法
性於談笑死生之際。堂堂我菴面目。嚴爾慈光。德色
遍寰林。下載清風。殊未已。

龍翔曇芳和尚

巍巍堂堂。偉偉煌煌。僧中之寶。法中之王。玉隱金春。
續破砂盆。六傳之選。雲霄婆雪。虛繁優鉢。羅五葉之
奇芳。言法華音。隨御榻。光佛照五宿。觀堂。視名聞利
養。如垢衣糞土。以慈悲喜捨。爲河筏津梁。氣吞萬劫。
眼盡諸行。讚嘆莫能及。描貌不相宜。父子不傳真妙。
訣。凌霄峰頂。發天香。

太平古鏡和尚

古鏡高懸。寒光湛湛。佛祖潛踪。天魔落膽。龜毛拂擊。

本無聲。若將兩鼓。空作響。雙徑不傳之傳。歌太平。
無象之象。突出宣州。花木瓜。抹過東山。鐵酸醃。

護聖青山和尚

白壁無瑕。明珠絕類。坐新諸方。舌頭提持。向上巴鼻。
編蒲養社。草堂之高。風茅舍深居。續常禪師之。
遠志。閱世等行。雲無心。境閒如啖蔗。有味須彌。爲筆。
不足以美盛德之形容。江河爲口。庶幾乎發斯文之。
源委。

徒弟大用都寺請

倒拈栗棘。與金圈坐斷。或音大劫。前幾似黃金。貴如。
土好兒終不使爺錢。

福唐文斌詩者請

村草步頭。產此芽蘗。毒氣流行。閩蜀江浙。觀著則眼。
睛枯。嗅著則腦門裂。死却衲子。偷心納盡。諸方敗闕。
殃害叢林。卒未休父子。不傳真妙訣。

山行壽像

浮世能得幾時閒。老我青松白石間。霜竹一尋聊作。
伴。近聽流水遠看山。

偈頌

門人 處林 雲岑 等編

送本侍者參方

衲僧行履處。偏界沒踪跡。撥草與撥風。先聖儼遺則。
塵勞八萬門。門門皆可入。應須辨主賓。慎勿落階級。
揚眉瞬目間。機鋒巧相直。國師喚侍者。青天轟霹靂。
侍者酬國師。天岸一團日。男兒四方志。所向隨所適。
吳疆會有終。楚甸來無極。脚瘦草鞋寬。辛苦竟何益。
學道如學射。久久自中的。直教心手兩俱忘。拶透銀。
山并鐵壁。

贈中竺四藏主

衲僧家沒巴鼻。主丈一枝藤。草鞋六箇耳。南北東西。
無定止。大事未明。如喪考妣。有甚閒心。情遊山并翫。
水。拾得如來藏裏珠。認著依然還不是。麝向坡垃堆。
頭。一任匙挑不起。待他時節。因緣自然放光動地。寶。
掌嚴前。歸去來。擡頭撞著自家底。

謝炬藏主寄七佛石刻付法偈

向上一句子。不在威音前。字義炳日月。翰墨動人天。

意想不可到。況復以言宣。若云有所付。是法成安傳。
匡廬古崖石。堅峭亦有年。上人事幽討。綴語非偶然。
豈特起衰墮。直使空蓋灑。揭之素壁間。七佛常現前。
送禮維那之兩府

興化爲人。徹底漢觀面。全提如閃電。克賓不入者。保
社罰錢契。捧出院天童。年老少機翻。衲僧自合知。
方便茫茫淮甸接。天長金碧樓臺倚雲漢。六朝風物
足觀光。莫教失却空王殿。

送龜山運上人

衲僧門下。有一句當機。觀面無主賓。春風一夜掃殘
雪。天岸忽觀五色麟。無心碗裏空王飯。直教一絕忘
飢。嶼嶼風撥草堂細。事下情不精。安得眞上人。自是
七閩秀。虛心善應答。有神叢林寥落。極老眼行行莫
負青春身。

示勗侍者

鳥窠吹布毛。侍者便悟去。拶透巖崖機。截斷聖凡路。
不是立中玄。亦非句中句。玉兔挨開碧海門。金鳥飛
上珊瑚樹。

送空維那

興化打克賓。無事閒相惱。諸方受熱瞞。商量開浩浩。
若是活潑僧。不向那邊討。秋初夏末時。南北東西道。
之子行行好。善爲萬里長空淨如掃。

送數首座遊金陵兼東蔣山正宗和尚

此軒今年七十九。拈得鼻孔失却口。一尋霜木挂寒
松。閒看白雲變蒼狗。有客有客來何從。靈鷲峰前天
竺後。兜率宮中說法回。玉雪精神驚老醜。檢點衣單
一物無。鋪張手面千般有。焦頭眼裡蹴蹴。隨處空背
上翻筋斗。匆匆取別大無端。利生求法尋初友。珍重
梁園寶。誌公多年拋却軒中叟。

江西源上人歸廬阜

衡嶽峰頭雲。鄱陽湖裡水。雲水兩無心。相思隔千里。
主丈七尺長。草鞋六箇耳。去去宜善爲。總是自家底。

寄南湖我菴法師

奕世台衡一大家。軒橫青玉映金沙。兒郎竭末毋多
讓。閥閱崔盧未足誇。蓮沼重重涵止水。院臺日日雨
新花。雪山香草煩休戀。群稚盈門待賜車。

送愷藏主歸省徑山元叟和尚

山頭老漢八十一。如此東南大法城。雙鬢又添新歲白。片言能使古風清。爲人不用學虎術。養子寧忘舐犢情。明月堂前坐深夜。餘光分得到長庚。

贈照堂楊居士進脩

茫茫只向外邊求。自己靈光本自優。直下了無諸法。相從來不挂一絲頭。休令白壁生微玷。任使明珠混濁流。爲語照堂楊處士。神仙何必更封侯。

贈雪峰鏡侍者

常軒寶鑑鎮長開。湛湛寒光徹夜臺。萬象森羅歸一照。十方世界絕纖埃。直饒南嶽磨成得。爭似東平打破來。笑看菱花生碓觜。春風謾殺老黃梅。

建新僧堂

大家看取好僧堂。一柱依然挂一梁。太白名山天下勝。隰州古佛法中王。三條椽下乾坤闊。七尺單前日月長。坐臥經行如是住。自然身放白豪光。

次月江和尚韻送何山句侍者

何山山裏鄮峰前。一句臨機未易宣。養羽靈禽宜擇

木。追風良馬不須鞭。花開少室人歸國。月滿華亭客上船。老去逢君無限意。相看話到普通年。

登上人還鄉

七閩山水秀天南。欲去無因老未甘。羨子喘如新乳。嗟吾已作欲眠。蚤鄉緣美惡宜深省。世味醇醪要飽諳。珍重祖師門下客。蒼龍不許臥澄潭。

送育王遜維那禮祖

須信壺中別有天。行藏直到古皇前。一爐芋火輕五鼎。滿屋松風直萬錢。禪榻未應嫌敗簣。祖庭毋惜掃頽磚。鄮峰送子寧無意。臂曲何曾向外邊。

次韻贈上竺禮圖梨兼柬靈石禪師

信之一字道之元。色見聲求也大難。六用門頭如是住。無生路上作何觀。禪林風月渾披露。教海波瀾盡揭翻。寄語老禪無恙不。嘉禾春水綠當軒。

次無言和尚韻送京維那

十聲椎下禿却舌。百尺竿頭轉得身。散宅破家應此子。守株緣木更何人。松枝凍徹巖前雪。桃萼香浮洞裏春。好向龍門重蛻骨。誰云獨角有祥麟。

用前人韻送正上人

此事本來無欠缺。有心用處卒難周。紛紛黑白徒名貌。往往朱黃錯校。離撥草瞻風。休特地逢場作戲。且隨流別峰。他日如相見。與千重圓舊話頭。

悼楚藏主春兩遊無際和尚徒弟

古人三十爲一世。非天而亡義所安。信是有形從物化。可能無念到才難。長庚影裏言猶在。春雨聲中夢未寒。回首重重華藏海。擬於何地著悲酸。

隆知客禮祖

卓錫無地亦無錫。獨露堂堂信不疑。全主全賓皆在我。入魔入佛更由誰。機先能縱復能奪。句下絕毫還絕厘。滿地落花春已老。祖翁密意幾人知。

送溫藏主參紫蘊竺元和尙

我此軒中如斗大。與誰攜手話門風。曹溪有路無人到。少室無人。有路通。何暇閒情供想。像只留老眼送歸鴻。此行莫恠無多囑。東海于今一暮翁。

次北隱和尚韻送惠侍者歸潮陽

少室春光過眼非。風前獨立思依依。江煙岸柳絲千

尺。澗水山花錦一機。莫向目前明得喪。好於言下洞玄微。潮陽舊路如天遠。此日何妨攜手歸。

贈寫真厲月泉

空裏浮埃鏡裏塵。一彈指頃百年身。了知本體元無相。謾說毫端別有神。鶴髮雞皮誰似我。虎頭燕頤彼何人。相逢底用閒描貌。明月秋泉自逼真。

藏室

出頭無好手。退步足安身。佛眼覷不著。凡情見得親。寶中千世界。量外一微塵。堪笑毗耶老。重開不二門。

牧庵大師回龍翔

後生端可畏。克念事參尋。佛法自南北。江山無古今。濯毛憐霧豹。養羽惜庭禽。去去重回首。百城煙水深。

題晦藏主藏春閣

道人行履處。密室不通風。百念寒灰後。一身和氣中。餘生未有限。此道樂無窮。竟日冥心坐。瓶花綠按紅。

謨上人參方

佛法遍天下。談玄口不開。萬機俱竅創。一物不將來。是處是慈氏。無門無善財。龜毛并兔角。移向眼中栽。

蔣山勝維那回江西

法戰場中得勝歸。鷺巢飛出鳳凰兒。升堂打鼓普請看。笑倒江西馬簸箕。

贈東林忍侍者日本入

虎溪截斷廬門關。一句臨機下口難。夜半扶桑日頭出。金雞飛上玉闌干。

寄靈石和尚

南山老虎齒無齧。撲面腥風不可聞。射石虛聲徒沒羽。只應羞殺李將軍。

堅上人禮補陀

誰家屋裡沒觀音。底事區區向外尋。迢遞海山行一轉。落花芳草又春深。

示泉南湛上人

湛然不動是真常。少室門中未斷當。大地撮來如粟粒。木毬無口笑曾郎。

送栖維那參淨慈靈石和尚

南山萬疊錦雲屏。宗鏡堂高不易登。熱喝嗔拳須照顧。從來老子沒鄉情。

送雪竇亨藏主

胸次不留元字脚。一大藏教眼中塵。春歸錦鏡花如海。莫謗如來正法輪。

便舟

不施櫓棹不張帆。萬里鯨波指顧間。滿載驪珠三百斛。打頭不怕浪如山。

示均侍者

莫怪天童口門窄。從來無法可商量。犀牛扇子破了也。贏得清風滿大唐。

圓上人江西禮祖

耐耐江西馬簸箕。和尅羅麤討便宜。承虛接響八十回。此去從頭捉敗伊。

題無無居士集註全剛經

諸法皆從此經出。借問從何出此經。離却此經詮註得。那時居士筆方靈。

富上人歸龍華省師

是何魔魅教行脚。是何魔魅教出家。老我不能窮詰汝。就煩歸去問龍華。

示諸上人

瑞巖長喚主人翁。義識茫茫未得空。今日天童重指
出。又揚家醜向渠農。

戒各人參方

菩提無樹鏡非臺。電角龜毛眼裡栽。龜縮蝦生臭皮
袋。朝游南嶽暮天台。

聞鍾

鐘聲驟響即朝昏。下款幽泉上徹雲。塞却耳根須聽
取。勞牛誰及反聞聞。

淨髮叢生求

佛病祖病眾生病。似納僧毛病多識得病根無起
處。吹毛用了一須磨。

送長蘆然稚師入閩禮祖

淮山法戰偶不爭。竿木隨身入瘴鄉。百草頭邊輕撥
著。休言佛法在南方。

道者曾園之天台

誰言道者少機關。慣向人前放軟頑。一對眼睛烏律
律。天台勘破老寒山。

南上人禮補陀游天台

南能北秀各分宗。隨在是非區宇中。踏斷石橋心路
絕。脚行何處不回通。

悼無異和尚

千丈巖前陷虎機。當陽拈出有誰知。彌縫乾盡眼睛
活。正是虛空落地時。

贈澄院主

丹霞投宿值天寒。木佛燒來滿室煙。院主眉鬚都落
盡。語下多是錯流傳。

寄侍老歸閩省師

執侍巾瓶起已闌。臨風南望賦歸休。玄沙不出飛鷺
嶺。柔石娘生問指頭。

次月江和尚韻送頭二入游補陀天台

石橋南畔海門東。大士聲聞不易逢。未跨船舷相見
了。漫天網千百千重。

贈術士陳景猷

我與虛空同壽量。虛空亦與我同年。先生算得虛空
定。我與虛空出命錢。

言侍者回閩

天童送子有一句蠱毒之家水莫嘗卽栗迸開天地
眼耽源無口罵南陽

寶藏主禮祖參方

天然一寶秘形山不在乾坤半宙間未展欣巾如攢
得老胡雙耳帶金環

寧侍者省師于國

吐却諸方五味禪哥羅管你米疆年到家不用呈圓
相密意明明在汝邊

嵩上人歸泉南

泉南佛國露堂堂千古靈踪有耿光九到三登徒費
力不妨歸去問曾郎

示表上人

杜鵑聲裡三更月楊柳枝頭二月春打失眼睛拈得
鼻從教落賴在風塵

住知送還吳

家住吳淞煙水鄉迢迢古路接天長相逢底用論賓
主一句分明沒覆藏

今原本在東
山隱居
土作天下

密海

千重百市不通風誰解窮源到劫空會得一漚曾未
發滔滔江漢盡朝宗

送志維那游金陵

克賓不入者保社興化徒施陷虎機明日石頭城畔
去空山老我望東歸

存上人禮峨眉五臺游天台回江西

金色界中銀色界脚頭一步不曾移天台若見寒山
子應問江西馬竊箕

竺芳

達磨不來東土二祖不往西天會得花開五葉休言
教外別傳

日本巨藏主省師

唐土澄清出扶桑一國師少林無孔笛一任逆風吹

四威儀

山中行鳥藤七尺長回首松關外前村已夕陽
山中住家醜休呈露繭飯淡黃蘗無鹽又無醋
山中坐善因招惡果達磨老臊胡無端成話墮

山中臥老鼠牀頭過印面視星梁。知心無一箇

十二時歌

鷓鴣丑拈得鼻孔大。却口門頭戶裏開。嗽嗽李四張
三號頭走

平日寅世間宜假不宜真。自家肚皮自壁劃。不用低
頭更問人

日出卯。摘草拈花爭鬪巧。與教撞著。行家便落一
場非小小

食時辰。砂鍋五合羹。黃凍雞食。雖然易得飽。不如細
嚼味方真

禺中已。從生三老只如此。達磨無端強出頭。被人打
落當門齒

日南午。苦中之樂樂中苦。無位真人笑滿腮。燈籠舌
却露明柱

日昃未。鬼面神頭誰識你。當機若更問如何。一時撒
向長江裡

哺時申。眼底寥寥絕四鄰。客來莫怪無茶點。高湯一
盞當殷勤

日入酉。刺得一雙窮相手。樓閣門開彈指間。善財童

子逢初友

黃昏戌。自己工夫欠綿密。欵衣獨坐審思量。今日六
分明日七

人定亥。只麼惺惺要長在。淺草平田差路多。莫教失
脚無明海

半夜子。自謂依然還自起。重尋殘夢了無踪。不覺天
明透蔥紙


平石和尚語錄終

天童平石禪師初見

老則應於乳峯。如登東山而小。雪再參於玲瓏。巖如
登泰山而小。天下三十年後。踵父翁之故武。大其家
世操縱。予奪倒行逆施。如錢於菟。反視其父。擲碎破
沙盆。撲滅文武火。拗折蓬蒿箭。裂破鐵絲網。師之道
至是而光明盛大。猶衆星之中。孤月也。先輩有言。楊
岐不得白雲保寧。晦堂不得死心靈源。其餘碌碌難
爲接足。余於平石翁。亦云後至元二年丙子春。住阿
育王山。松月比丘正印拜題

楚石禪師語錄

元
·
祖 楚石梵琦
光
等 撰
編



楚石禪師語錄

佛日普照慧辯楚石禪師六會語錄序

大慧提唱圓悟之道於徑山神機妙用廣大無礙入其門者凡情盡喪得法弟子不翅十餘人各闡化原而佛照於其中稱為善繼佛照之後而妙峯紹之妙峯之後而藏叟承之如持左券相授器度昭合無差爽者寂照莊四傳之餘復能克肖前人誠所謂世濟其美然而諸佛證入雖有不同其上接西來宗旨使人離垢氛而發精明者則一而已矣寂照之弟子楚石禪師蚤以穎悟之姿銳意於道一時名德若晦機若虛谷若雲外爭欲令出座下師皆謝之惟詣寂照

楚石禪師語錄

楚石禪師語錄

之室反覆參叩一聞鼓鳴羣疑冰消世間萬物總總林林皆能助發真常之機自是六坐道場說法度人嬉笑怒罵無非佛事至於現寶樓閣及種種莊嚴導彼末法因相生悟其與一實境界未嘗違背聲聞之起水湧山出迨世緣將盡顏色不異常時脩然坐脫如返故廬則其後偉光明較於恃口給而昧心學者其果何如也哉嗚呼大慧之道至矣自他宗言之執持正法作獅子王哮吼者固往往有人第近率以來傳者失真瀾倒波隨所趨日下司法柄之士復輕加印可致使魚目混珍揚眉瞬目之頃輒曰彼已悟矣

何其易悟哉人遂謂之爲瓠子之印非特此也五家宗要歷劫而熟記之曰此爲臨濟此爲曹洞法眼此爲爲仰雲門不問傳之絕續設爲活機如此問者卽如此答多至十餘轉語以取辦於口名之曰傳公案若是者皆見棄於師者也今觀師之六會語小入無內大入無外機用真切無愧先德惟具金剛眼者有以知余言之有在也余老矣厄於索文者繁多力固拒之此獨樂序之而弗與者憫魔說之害教表正傳以勵世也師諱梵琦其字楚石行業之詳則備見塔銘中其來徵序者得法上首堂中獻公也無相居士

楚石

語錄序

二

金華宋濂謹序

佛日普照慧辯楚石禪師語錄序

自鷲嶺拈花鶴林示寂以來二千有餘歲矣所謂實相無相微妙瀟門初不增減也然古人有言得之於心伊蘭作栴檀之樹失之於旨甘露乃蒺藜之園若作得失論量未免傍觀者哂初機後學憑個什麼菩提達磨觀東震旦國有大乘氣象遂逾海越漠而至金陵奏對梁王梁王不契折蘆渡江憇止少林面壁九年終不杜口空回須卽證神光始得神光五傳而得曹溪析爲二宗其一爲南岳得馬祖馬祖之下臨濟爲仰宗之其一爲青原得石城石城之下雲門曹

楚石

語錄序

三

洞瀟眼宗之是爲五家宗派臨濟得興化興化得南院南院得風穴風穴得普山普山得汾陽汾陽得慈明慈明得楊岐楊岐得白雲白雲得五祖五祖得圓悟至此又析爲二宗妙喜虎丘子孫滿地妙喜得南王佛照佛照得靈隱妙峯妙峯得徑山藏雲藏雲得寂照元叟無非磊磊落落掀天揭地者今天寧楚石禪師實嗣元叟五十年間六坐道場偈語流布叢林其提唱有六會錄脫略近時策白嚴持古宿風規電圻霜開金聲玉振是稱妙喜第五世的骨之孫覽者自當有所證入至正丁未秋曲江居士錢惟善序

佛日普獎慧辯楚石禪師語錄目錄

序一

序二

目錄

卷第一

住福臻禪寺語錄

卷第二

住海鹽州天寧永祚禪寺語錄上

卷第三

住海鹽州天寧永祚禪寺語錄下

卷第四

住杭州路鳳山大報國禪寺語錄

卷第五

住嘉興路本覺寺語錄

卷第六

住嘉興路允孝禪寺語錄

卷第七

再住海鹽州天寧永祚禪寺語錄

卷第八

代別

楚石語錄目錄

四

卷第九

秉拂小參

卷第十

舉古上

卷第十一

舉古下

卷第十二

頌古

卷第十三

佛祖偈贊上

卷第十四

佛祖偈贊下

卷第十五

灋語

偈頌一

卷第十六

偈頌二

卷第十七

偈頌三

卷第十八

楚石語錄目錄

五

偈頌四

卷第十九

偈頌五

卷第二十

禪著

水陸陞座

行狀

塔銘

佛日普獎慧辯楚石禪師語錄目錄

楚石語錄目錄

六

佛日普獎慧辯楚石禪師語錄卷第一

住福臻禪寺語錄

小師比丘祖允等編

師於泰定元年冬在徑山興聖萬壽禪寺普座寮受請入寺

山門盡大地是解脫門枉做個佛漢會却泥多佛大水長船高

佛殿城東老母不願見調達比丘常怒嗔信手拈一炷香也是冬行春令

祖室總是這一隊漢佛漢不到今日不是這一隊漢

楚石語錄卷一

七

佛漢不到今日且道是肯他不肯他

據室繩牀角頭三尺地是諸人乞命處放過一著轉見不堪你也没量罪過我也没量罪過

行宣政院帖孤峯頂上盤結草鞋有口只堪掛壁十字街頭解開布袋入水方見長人因什麼到甚麼地

度帖云只將補袈調羹手撥轉如來正渡輪指渡座云為灋來耶為牀座耶摩霄俊鶴便合乘時止樂困

奧徒勞澁浪遂陞座拈香祝聖罷拈香云此一瓣香奉為見住徑山元叟端和尚用酬灋乳之恩歛衣就

座天寧老和尚白槌云灋蓮龍象眾當觀第一義師

云早是第二義了也餉間便是第三義然當爐不避火逆新長老今日性命在諸人手裏一任橫拖倒拽重賞之下必有勇夫有麼有麼僧問天垂寶蓋地湧金蓮一句無私如何祝贊師云吾常於此切進云常將日月爲天眼指出須彌作壽山師云三千年黃河一度清進云我本無心有所希求今此灋王大寶自然而至且如何是灋王大寶師云有眼者見有耳者聞進云莫祇者便是麼師云擊碎彌勒搜脫鼻孔進云如何受用師云直待雨淋頭僧禮拜師乃云未離兜率已降王宮未出母胎度人已畢三世諸佛歷代

卷一

楚石語錄卷一

八

祖師天下老和尚說心說性舉古舉今總是無風雨之波實情好與二十拄杖新福臻今日不是盡灋無民打頭不遇作家到底翻成骨董人若相委悉拈却炙脂帽子脫却鶻鼻布衫其或未然明朝後日大有事在復舉臨濟示衆云赤肉團上有一無位真人常在汝諸人面門出入未證據者看看時有僧出問云如何是無位真人濟下繩牀搦住云道遣僧擬議濟托開云無位真人是什麼乾屎橛便歸方丈師云臨濟若無後語泊被打破蔡州雖然家無白釋之圖必無如是妖怪

楚石禪師語錄

卷一

除夜小叅善哉三下板知識盡來叅託善知時節吾今不再三諸仁者一舉更不再舉今已再舉一聞更不再聞今已再聞頭頭上明物物上了如理如事亘古亘今不是涅槃心亦非正灋眼恁麼恁麼三世諸佛祇言自知不恁麼不恁麼六代祖師無啓口處設使言前薦得猶爲滯殼迷封假饒句下精通未免觸途狂見今夜向紅爐上拾一點雪枯木上糝些子花與你諸人赴個時節殘燈隨臘盡爆竹送春來復舉盤山云向上一路千聖不傳慈明云向上一路千聖不然妙喜云向上一路熱益鳴聲師云三大老盡力

卷一

楚石語錄卷一

九

道只發明得向下一路若是向上一路驢年夢見麼元宵上堂今朝正月半燈月光撩亂目前無一物打鼓普請看復云刺破眼上堂僧問不愁念起惟恐覺遲如何是覺師云牛角馬角進云如何是念師云四五十也不識僧禮拜乃云心不是佛智不是道開口卽錯動念卽乖諸聖競出頭來未免指鹿爲馬到者裏說個什麼卽得指東指西得麼點胸點肋得麼好晴好雨得麼行棒行喝得麼總是弄粥飯氣佛灋未夢見在平白散太孤負上來鼓這兩片皮謾大衆不少今作麼生歸堂

上堂巖頭道須是一一從自己胸中流出與我盡天
盡地去甚麼道被他相害我埋了也箇箇宇宙人無
氣那個男兒是丈夫男兒丈夫相去多少待你出窖
來印向你道

朝京回上堂祝聖罷僧出問云奉詔迢迢上玉京京
師早已播師名天香滿袖歸來也恰值黃河一度清
半人上來請師祝贊師云天無私覆進云金枝永茂
千千界玉葉長較萬萬春師云且得閣黎證明進云
晉曰宋太宗皇帝因僧朝見坐問云甚處來答云廬
山臥雲菴帝云朕聞臥雲處不朝天因甚到這裏

當時無對還作麼生師云這僧豈不作家進云後來
雪竇代云難逃至化還契得太宗也無師云直是千
里萬里乃云風不鳴條雨不破塊民不失所不恰
是正恁麼時好個太平時節山僧近承使命遠謁上
下面對龍顏親聞詔旨風雲慶會千載一時及此還
山將何報答也不出這個時節諸佛出世祖師西來
天下老和尚直指曲說總不出這個時節所以道欲
識佛性義當觀時節因緣時節若至其理自彰且作
上堂是自彰底理皇圖齊北極聖壽等南山
佛上堂一手指天已在言前一手指地莫教錯會

天上天下可知禮也惟吾獨尊口是禍門正恁麼時
如何委悉拈拄杖千古長如白練飛一條界破青山
色

端于上堂今朝五月五不打禪鼓荒却自家田昧
却家中主報諸人休莽齒赤口白舌盡消除無位真
人汗如雨

上堂舉僧問南院從上諸聖什麼處去院云不上天
堂便入地獄僧云和尚作麼生院云還知寶應老落
處麼僧擬議院以拂子掃口打復喚僧近前云令合
是汝行又打一拂子雪竇云令既自行且拂子不知

東堂雪竇道個時且要雪上加霜妙喜云權衡臨濟
三要三玄須還他南院始得雪竇爲什麼却道拂子
不知來處妙喜道個時且圖兩得相見師云雪竇雖
是明眼宗師要且未知寶應老落處既未知寶應老
落處因什麼却道拂子不知來處只具一隻眼妙喜
老漢道個時也是東家人歎西家人助哀

上堂幾回生幾回死生歎悠悠無定止自從頓悟了
無生於諸榮辱何憂喜驀拈拄杖云這個不是無生
永嘉大師什麼處去也擊香臺云在這裏擲下云急
急如律令

上堂滿耳非聲滿眼非色刹刹觀音塵塵彌勒當陽
有指示徧界無踪跡無踪跡何所得你還見壁麼
上堂什麼物恁麼來莫認驢鞍橋作可爺下領便下
座

上堂林間鵲噪水底魚行胡僧兩耳帶金環踏破草
鞋赤脚走若作奇特解會不直半文錢若作平實商
量總在我手裏拈拄杖云吽吽

上堂竺土大仙心東西密相付纔聞舉着打破觸體
早是被他丈二釘八尺楮橋了也更開大口道我超
佛越祖坐斷古今與麼不識好惡切不可向衲僧門

下過

聖旨錄卷一

三

下過何故殺人可恕無禮難容

上堂一是一二是三是四是四南北東西位
次于細看來三家村裏土地相似只是個無轉智大
王忽若東弗于逮撥過西瞿耶尼南瞻部洲翻作北
鬱單越大洋海底走馬須彌山上行船你又向什麼
處摸索

經會上堂僧問一大藏教是個切脚未審切個什麼
字師云切個不字進云只如不字又切個什麼字師
云莫踏舉似人進云謝師指示師云石羊頭子向東
行乃云諸供養中瀆供養最供養即不無如何是瀆

是石禪師語錄

卷一

莫道我謾你有無佛施南無達磨南無僧伽卓拄杖
云山河大地草木叢林盡向這裏平等證入未解脫
者令得解脫未涅槃者令得涅槃雖在衲僧分上如
經盡毒之家水也不得沾他一滴靠拄杖下座

上堂長長短短新筍芽零零落落舊離芭疎疎密密
蠶豆莢紅紅白白鴛鴦花山又青水又綠美又香飯
又喫喫了東西自在行誰能受你閒拘束拈拄杖云
還拘束得麼擲下云不可不自在也

施主莊佛上堂舉皆有秀才問長沙某甲曾看千佛
經百十諸佛但見其名未審居何國土長沙召秀才

下過

聖旨錄卷一

十三

才應諾沙云黃鶴樓崔顥題後秀才還曾題否才云
不曾題沙云得閒題取一篇好師頌云百千諸佛但
聞名國土從來作麼生黃鶴樓中詩一嘗任教今古
競頭爭

上堂彌勒真彌勒分身千百億時時示時人時人自
不識拈拄杖云衝開碧落松千丈截斷紅塵水一溪
佛日普照慧辯楚石禪師語錄卷第一

音切

序

將

詠

老

獻

疾

慕

懋

錄

汾陽子嘉祥子欽

鵲

樂道子

禪錄

靠

禪錄

同京吏部尚書平江府知府王守仁
楚石禪師語錄第一卷
萬曆庚寅秋五堂山抄德源齋

楚石禪師語錄

卷一

西星

佛日替我楚石禪師語錄卷第二

住海鹽州天寧永祥禪寺語錄上

參學比丘文玆等編

師於天曆元年二月初三日入寺

山門開市門頭來千去萬人寺看額能有幾人復云

是什麼便入

佛殿是你我撒土撒沙同門出入生家索家

據室這裏無密室傳授底濃痛棒熱喝白日青天儻

或躊躇君住西秦我之東魯

祐宣政院疏管日靈山親付囑今朝付囑與靈山以

楚石禪師語錄

卷二

一一

何為驗度疏云以此為驗

濃座靈山堂已為諸人說濃了也還聞麼若不聞未

免為蛇盡足遂陞座

拈香云此一辦香端為祝延今上皇帝聖躬萬歲萬

歲萬萬歲

此一辦香奉為宣政院官嘉興路官海鹽州官同增

祿筭

此一辦香奉為見住徑山興聖萬壽禪寺妙喜第四

世天下老和尚元叟端禪師以酬濃乳乃就座

師云把定乾坤不通水泄放開線道許你商量有麼

有麼僧問山青水綠李白桃紅南北東西總是國王
水土四維上下無非佛祖門庭正與麼時請師祝贊
師云五日風十日雨進云與麼則染着磕着么也師
云間進云春色無高下花枝自短長師云只恐不是
玉進云院堂宰相公選住持合都尊官同臨瀟席未
審發明什麼事師云驗在目前進云五祖演和尚道
山前一片閒田地义手丁寧問祖翁幾度賣來還自
買為憐松竹引清風且如何是祖翁田地師云看脚
下進云賣與阿誰師云聽事不真進云不作貴不作
賤作麼生買師云三生六十劫進云爭柰破和尚坐

楚石錄卷二

二

斷了也師云牆壁有耳進云只如上手契書是什麼
人寫師云今日東風起進云謝師指示師云三十棒
且待別時乃云山僧答在此山得度是個親白沙彌
無端被人推出人天眾前稱為長老泥猪疥狗還避
得麼今日掇向曲录木牀指東畫西是窋初入門第
一杓惡水到這裏事不獲已只得壁破面皮將些葛
藤東葛西葛是以釋迦老子於正覺山前明星出時
忽然大悟且道悟個什麼山僧今日開堂說濃又說
個什麼不免將第二杓惡水澆潑諸人本也拈拄杖
卓一下喝一喝

楚石禪師語錄

卷二

復舉六祖至廣州凜性寺寓止廊廡間暮夜風颯利
幡聞二僧對論一云幡動一云風動往復酬答曾未
契理祖云可容俗流輒與高論否直以非風幡動仁
者心動耳師云諸禪德風動幡動心動爲你拈了也
向什麼處見祖師

當晚小參舉同安丕和尚因僧問如何是和尚家風
安云金雞抱子離霄漢玉兔懷胎入紫微僧云忽遇
客來將何祇待安云金果早朝猿摘去玉華晚後鳳
銜來師云正偏回互不犯鋒鋌問答縱橫惟明尊貴
同安老人慣得其便或有人問天寧如何是和尚家

楚石錄卷二

三

風向道鉢盂饋子忽遇客來將何祇待飯後一杯茶
且道與古人是同是別

上堂金刀剪不破彩筆畫難成千里莫持來萬般俱
刻却釋迦老子道應如是知如是見如是信解不生
濃相正是推波助瀾未得脫洒在如何是脫洒一句
芍藥花開菩薩面櫻欄葉散夜叉頭

上堂米裏有蟲麥裏有麵厨庫僧堂山門佛殿蓋子
撲落地櫟子成七片

淨慈雪窓充書記至上堂上大人丘乙巳化三十七
十士爾小生八九子佳作仁可知禮也召眾云是什

夢語話孔門弟子無人識碧眼胡僧笑點頭

上堂鴉啼古木犬吠溪林雲橫不斷青山潮落無邊
倉海漁歌出浦行行宿鷺羣飛日影穿林處處炊煙
競出田家麥熟即便栽禾隣婦蠶眠相將剝繭沽鹽
買醋運水搬柴解纜張帆坐鞭鞭袖燒香掃地合掌
搖頭文殊普賢無端起佛見處見貶向二鐵圍山了
也還有人救得麼若不妨起死回生如無且聽填
溝塞壑

施主入山上堂南泉遺盡大地是王老師檀越施者
作施想不作施想受者作受想不作受想若施者作

楚石語錄卷二

四

施想入地獄如箭射若受者作受想亦須銜鐵負鞍
莫教蹉過南泉

上堂天上無彌勒地下無彌勒白月印千江清風生
八極豎拂子云是什麼復云塵尾拂子也不識

上堂舉僧問夾山如何是相似句山云荷葉團團團
似鏡菱角尖尖尖似錐復云會麼僧云不會山云風

吹柳絮毛毬走雨打梨花蛟蝶飛師云夾山老漢與
麼答話恰似夾竹桃花錦上鋪華只是未曾點着本

分事在若有人問天寧如何是相似句向他道莫將
支遁鶴喚作右軍鵝

施主請上堂僧問混沌未分時何如露柱懷胎請師

指示師云諸方舊話子進云教學人如何趨向師云
棒上不成龍進云分後如何如片雲點太清裏諦當
不諦當師云一言既出駟馬難追進云未審太清還
受點也無當時靈雲不對意在什麼處師云無朕跡
進云怎麼則合生不來也亦不對且道對即是不對
即是師云半夜放烏雞進云直得純清絕點時如何
猶是真常流注與者僧問處是同是別師云據款結
案進云如何是真常流注似鏡常明為什麼呼他作
鏡師云可惜許進云向上更有事也無云打破鏡來

楚石語錄卷二

五

與汝相見古人意作麼生師云也是徐六擔板進云
萬古碧潭空界月再三撈漈始應知師云墮坑落壑
僧禮拜師乃云若論生佛未具以前一段大事只在
諸人脚跟下動便踏着只是不知起處你道從甚處
起掀翻四大海踢倒五須彌正覓起處不得豈不見
東山演祖云山僧昨日入城見一棚傀儡不免近前
看或見端嚴奇特或見醜陋不堪動轉行坐青黃赤
白一一見了子細看來元來青布幕裏有人山僧忍
俊不禁乃問長史高姓他道老和尚看便了問什麼
姓師云誰家別館池塘裏一對鴛鴦盡不成

上堂千人排門不如一人拔關若一人拔關千人萬人得到無爲安樂之地山僧與你諸人着力看以手招云歸來歸來

上堂寒食前清明後雨打飛花風吹石臼近來百物價平白米三錢一斗好大哥參堂太

上堂舉僧問乾峯十方薄伽梵一路涅槃門未審路頭在什麼處峯以拄杖畫一畫云在這裏師云白雲萬里僧舉前話問雲門門云扇子跨跳上三十三天築着帝釋鼻孔把東海鯉魚打一棒雨似盆傾師云白雲萬里忽有人出來問天寧與麼批判還慳得二

文部

楚石語錄卷二

六

無你下箇處

上堂眉毛雖長不礙眼鼻孔雖高不礙面諸佛雖悟無二心眾生雖迷無二見見不見倒騎牛兮入佛殿佛涅槃上堂披胃示眾云要見釋迦老子向這裏識取汝等善觀吾紫磨金色之身今日則有明日則無咄這野狐精縮頭太過太諸佛亦如是現在諸佛亦如是未來諸佛亦如是卓拄杖云如是如是又卓一下云不是不是

進退兩序上堂東邊的東邊太西邊的西邊太太實不去生鐵稱銼被蟲蛀來來實不來燈籠沿壁上

文部

楚石語錄卷三

七

大老意麼向他道白雲萬里呵呵囉囉哩囉囉哩刹刹塵塵知幾幾十字街頭石敢當忽然吸竭滄溟水你輩茄子瓠子那裏知得拍禪牀便起

聖節上堂僧問佛祖因緣卽不問君臣慶會事如何師云瑞草生嘉蓮林花結早春進云如何是君師云莫觸龍顏進云如何是臣師云量材補職進云如何是臣向君師云赤心片片進云如何是君視臣師云如月入水進云如何是君臣道合師云俱乃舉無着與外道論義着云天下太平國王長壽外道杜口不能破師頌云義有河泓數不出這一句蚊子上鐵牛

天台且道不動尊居何國土一簇破三關分明前後路

上堂心本是佛造作還非道不用修染汚不得只此不染汚是諸佛之所護念與麼道早是染汚了也絲毫繫念三塗業因贅爾情生萬劫羈鎖所以經云若以色見我以音聲求我是人行邪道不能見如來你道那個是如來銅頭鐵額鳥嘴魚腮

上堂見色便見心大地山河是心作麼生見又云心不見心無相可得拈拄杖云觀世音菩薩變作一條墨漆拄杖子繞四天下走一遭回到山僧手裏却是

芭蕉和尚你有拄杖子我與你拄杖子你無拄杖子我奪却你拄杖子若作佛法商量生身陷地獄靠拄杖

結夏小參僧問大通智勝佛十劫坐道場佛法不現前不得成佛道此意如何師云也無此意也無如何進云未審何時得成佛道師云也無佛也無道進云莫落空否師云空亦空進云卽今道空的是什麼人師云這漆桶進云本來無量礙隨處任方圓師云玄派道底乃云以大圓覺爲我伽藍身心安居平等性智召衆云性智既然平等說什麼聖說什麼凡說什麼

楚石語

楚石語錄卷二

八

麼迷說什麼悟古也如是今也如是僧也如是俗也如是出出入入何礙安居往來來是真禁足譬如蟪蛄在蚊子眼睫上作窠向十字街頭叫云土曠人稀相逢者少復有頌云金毛獅子喋屎狗雪白象王推磨驢直下不生顛倒見九旬無欠亦無餘靈隱古鼎銘書記至上堂世尊三昧迦葉不知迦葉三昧阿難不知阿難三昧商那和修不知商那和修三昧優波毼多不知諸祖三昧各各不知且置喚什麼作三昧良久云除却黃龍頭角外其餘盡是赤斑

蛇

上堂拈拂子敲禪牀云觀音妙智力能救世間苦還聞麼復敲一下云我爲什麼不聞召衆云莫道我謾你你更謾我太煞也

上堂兔角不用無牛角不用有兩兩不成雙三三亦非九夜來空手把鉏頭天曉面南看北斗上堂或時語須辨取或時默誰委悉久參上士不要丁寧晚學初機卒難話會只如道近上人問道則失道近下人問道則得道不上不下不得不得失道在阿那頭有時乘好月特地過滄洲上堂若能轉物卽同如來你道物作麼生轉僧堂入

楚石語

楚石語錄卷二

九

佛殿裏行佛殿入僧堂裏過須彌山騎牛說話木人打鼓唱歌露柱每日搗箠健推拍手笑他且道笑個什麼呵呵便下座

解夏小參僧問如何是學人自己師云你問我覓乃云諸仁者百了千當名爲無事道人若到諸方管取明牕下安排永祚這裏放過卽不可何謂如此百了千當底猶在半途豈不見圓悟和尚道以世諦法接人去落在世諦法中以祖佛機接人去落在祖佛機中以向上拈提接人去落在向上拈提中以恁麼恁麼接人去落在恁麼恁麼中以不恁麼不恁麼接人

去落在不恁麼不恁麼中以總不恁麼總不恁麼接
人去落在總不恁麼總不恁麼中直從萬里無片雲
青天也須喫棒當知此事不從他處得來我王庫內
無此刀此刀不離王庫內末後一句始到牢關把斷
要津不通凡聖九十日末後句作麼生道來夏火雲
燒碧洞清秋危露滴金盤復舉僧問雲門樹凋葉落
時如何門云體露金風師云這僧若道個謝師答話
雲門大師管取有理難伸山僧即不然樹凋葉落時
如何拈起拄杖纔佇思打下灤堂免致諸方檢點
中秋上堂貴買朱砂畫月筆來枉用工夫純將白粉

重次要且未是真月文殊道但一月真中間自無是
月非月豈拂子云本無偏聚處則有不明時
靈隱竹泉和尚至上堂舉廣慧連和尚道我在先師
會中見舉竹篋問省驢漢云喚作竹篋則觸不喚作
竹篋則背作麼生省近前奪得拋向地上云是什麼
先師云暗省從此悟入我道省驢漢悟則太煞悟要
且未盡先師意旨師云大小廣慧恁麼道先師實有
意旨那將一把火炙看面皮厚多少下賊不走快便
難逢若是向上提持還我竹泉師兄始得
建實塔上堂僧問管日南泉和尚因趙州問云如何

是道泉云平常心是道如何是平常心師云敲水取
火掘地覓天進云大好平常心師云我不如你你自
會得好乃云問既不弱答得又奇你道契二大老不
契二大老還有人道得麼試出來道看如無人道得
自道去也一分奉釋迦牟尼佛一分奉多寶佛塔
上堂汝等諸人見我開口便作說盡會見我無言便
作默然會趣向兩頭覓我爭知不在兩頭你道尋常
在什麼處真是高高峯頂上不露頂麼深深海底行
不露脚麼若恁麼早被伊尋着也還知山僧有隱身
訣麼終朝不見長相見盡日相逢却不逢有念盡為

煩惱鎖無心端是水晶宮喝一喝
上堂古人真實相為放下便穩我却不知恁麼撩起便
行一等是踏破草鞋何故隨人脚後跟轉拈拄杖云
拄杖子騎佛殿出山門太也
上堂大樹大皮裹小樹小皮纏若不同牀睡焉知被
底穿
冬夜小參僧問萬丈寒潭徹底冰時如何師云陽氣
發時無硬地乃云欲得恁麼事須是恁麼人若是恁
麼人何愁恁麼事喚作恁麼事早是無事生事何況
歌頭藻話趁韻過時今日三明日四肚裏黑漫漫地

脚下浮逼逼地粘地登梯他又見彈指聲咳他又
不聞開口動舌他又不曾如無孔鐵槌相似養得一
萬個有什麼用處龍象蹴踏非驢所堪鴉王擇乳素
非鴨類只貴直下便領更不回頭轉腦不立毫末盡
無邊香水海刹刹全收說一句子滿龍宮益海藏無
塵不具行一步踏折釋迦老子脊梁骨墜一塵粉碎
百千萬億須彌盧猶是奴兒婢子邊事衲僧門下還
作麼生五九盡日又逢春上元定是正月半
復舉僧問投子大威的人却后時如何子云不許反
行投明須到師云鐵騎入十雲中勅帝釋宮中放放

釋師

卷二

二

卷二

卷二

卷二

494

上堂一塵纔起大地全收羅毗盧羅王本身長七
百由旬化身身長十六萬八千由旬將四種兵與天帝
釋闍戰修羅不勝走入藕絲囊中仰面看天低頭看
地呵呵大笑云到處去來不如這裏修羅修羅今後
更敢也無
上堂極小同大念絕境界極大同小不見邊表昨夜
濃霜似雪今朝暖日如春父母未生已前何似這個
特節無事晚來江上望數株寒栢倚斜陽
上堂釋迦老子道若有一人發真歸源十方虛空悉

上堂目前無濃毛氍毹地意在目前風颯颯地不是
目前濃平坦坦地非耳目之所到黑漆漆地上是天
下是地靈利衲僧不替地既是靈利衲僧因什麼不
替地只為分明極翻令所得遲
施主入山上堂僧問具足凡夫濃凡夫不知時如何
師云純鋼打就進云具足聖人濃為什麼聖人不會
師云生鐵鑄成進云聖人若會即是凡夫且道會個
什麼師云寸釘入木進云凡夫若知即是聖人未審
知個什麼師云一筆勾下進云只如今日施主入山
請和尚說濃為說凡夫法為說聖人濃師云吹毛寶

494

劍逼人寒進云與麼則大衆獲聞於未聞也師云有
什麼了期乃云十方刹土一毫端總是諸人眼自瞞
一一三千大千界拋來擲去又何難豎拂子云三世
諸佛盡向這拂子頭上成等正覺轉大法輪歷代祖
師盡向這拂子頭上與慈悲運悲解粘去縛山僧即今
與你諸人向這拂子頭上一剎那間入華藏世界海
入毗盧樓閣入淨入藏入凡入聖入修羅地獄畜生
餓鬼現種種形作種種神通變化承事諸佛教化衆
主還信得及麼你信也好不信也好擲拂子云拋來
擲去有什麼過

度僧上堂未出家時父母兄弟爭障你光明不得既出
家了師僧道伴障你光明不得觀山翫水處拈香發
火處著衣喫飯處局屎送尿處總是你光明發現處
且如父母未生已前這一段光明在什麼處寶月當
空圓聖智何山松檜不青青

結夏上堂今日結也憍陳如尊者領衆歸堂鉢盂口
向天露柱腳踏地一要掃刮牀帳防備蚊蟲二要晒
眼蒲團免教搭濕三要熱時揮扇困時打眠切不得
將禪道佛凈貼在額尖上靈龜負圖自取喪身之兆
九十日內作麼生薰風自南來殿閣生微涼復舉雲

蓋安和尚問石霜萬戶俱開即不問萬戶俱開時如
何霜云堂中事作麼生安云無人接待渠霜云道也
太煞道只道得八成安云却請和尚道霜云無人識
得渠師云或有人問永祚萬戶俱開時如何向他道
且喜到來你道與古人是同是別
中夏上堂前四十五日已過去後四十五日尚未來
正當四十五日之中覓現在相不可得所以道過去
心不可得現在心不可得未來心不可得此不可得
亦不可得平生肝膽向人傾相識猶如不相識
教授俞觀允入山上堂舉重巖示衆有個人家兒子

問着無有答不得者洞山問云他屋裏有多少典籍
巖云一字也無山云爭得恁麼多知巖云日夜不曾
眠山云問一段事得否巖云道得即不道師云道得
即不道作麼生會長恨春歸無覓處不知流入此中
來

上堂山是山水是水僧是僧俗是俗恁麼會又爭得
山是山水是水僧是僧俗是俗恁麼會較此子
解夏上堂今日解也南天台北五臺一任七縱八橫
前程忽有人問永祚近日如何作麼生祚對但道來
時不教某甲傳語管取坐斷天下人舌頭雖然這個

是永祚的邪個是上座的

上堂舉祖師道在胎名身處世名人在眼曰見在耳曰聞在鼻嗅香在舌談論在手執捉在足運奔徧現俱該邊界收攝在一微塵識者知是佛性不識喚作精魂師云書頭教娘勤作息書尾教娘莫瞌睡還識娘面紫壓玉容寂寞淚闌干梨花一枝春帶雨喝一喝

上堂若據一大藏教說少一字若據祖師門下說多一字不多不少恰好處道將一句來僧擬進語師便打出

上堂

楚石禪師語錄卷二

十六

上堂與方集師喝一喝便下座

上堂是什麼聲雨箇芭蕉聲又道是打板聲觀世音菩薩將錢買胡餅放下手元來却是生鐵且道爲你說不爲你說

說與施主上堂舉黃龍南和尚因化主歸示衆有五種不易一施主不易二化者不易三學生爲熟不易四端坐食者不易且道第五不易是什麼人良久云聖便下座時翠巖真爲首座藏主問真第五不易是誰真云腦後見腮莫與往來師云山僧卽不然第五不易是誰真怪坐來頻動酒自從別後見君稀

冬至小參僧問甚運推移日南長至阿那個是常住塵師云冬不寒臘後看進云教學人如何履踐師云獨木橋子乃云無陰陽地舍受四時大寂滅場發生萬物旋嵐偃岳而常靜江河競注而不流野馬飄鼓而不動日月歷天而不周千言萬言但識取一言自然言言見語千句萬句但識取一句管取句句朝宗直下脫根塵透聲色泯今古離去來水潦和尚被馬祖一踏踏到起來呵呵大笑云百千灋門無量妙義只向一毫頭上識得根源去豈不是了事衲僧趙州道諸人被十二時辰使老僧使得十二時辰你且思

上堂

楚石禪師語錄卷二

十七

量看行住坐臥語默動靜更有什麼物爲緣爲對盡乾坤大地何曾有一縷繫綴於人若有針鋒許與我拈將來我與麼道已是不着便更說什麼羣陰剝盡一陽復生大似嘉草與虛空安耳穴雖然如是豈敢違背於他且道他是阿誰咄縮頭去復舉僧問清平連和尚如何是小乘平云錢貫僧云如何是大乘平云井索僧問如何是有漏平云茶籠僧云如何是無漏平云木杓僧云覩面相呈時如何平云分付與典座師云永祚不避諸方檢責也要矢上加尖打破大唐國覓一個會佛塵的不可得

歲旦上堂祖師道果滿菩提園花開世界起枯柱杖
云一花開也是禿是李今日新年頭昨日舊年尾識
得本來人無憂亦無喜卓一下云處處綠楊堪繫馬
家家門底透長安

上堂萬籟歸真真歸何所白鷺下田千點雪黃鸝上
樹一枝花

州中謝雨歸上堂正說知見時知見即是心當心卽
知見知見卽如今娑竭羅龍王出海繞須彌山三市
一頭直至梵天口吐黑雲遮却大千世界然後降雨
於是梵王問云雨從何來龍王答云從問處來又問

法華

聖旨錄卷三

十八

云問從何來龍王懔懔而退起一陣猛風吹散黑雲
依舊天晴日頭出顧視大眾云我適來道個什麼衆
無語師乃呵呵大笑

經會上堂僧問一切諸佛及諸佛阿耨多羅三藐三
菩提蘊皆從此經出如何是此經師云更要注解那
乃舉洞山問講維摩詰經僧云不可以智知不可以
識識喚作什麼語僧云贊灑身語洞山云喚作灑身
早是贊也僧無語師云這裏下得什麼語塞却洞山
口乃云云

佛曰普賢慧辯楚石禪師語錄卷第二

楚石禪師語錄

卷二

音切

鎮甫云劉定簡彈丁可慳起類熈填上子捷
式涉喋文口邇巨六楊切先合颯思合局烏何眼力咳
擊尼聒居美嘉直上力憊憊下力憊憊下力憊憊下力

貴州提學副使嘉興包禮芳施贊刻此
楚石禪師語錄第二卷 昆明沙彌真玄對真州
王國英書 陳水毛詩賦刻
萬曆庚寅秋五意山慈德齋識

法華

聖旨錄卷三

九

佛日普賢慧辯楚石禪師語錄卷第三
住海鹽州天寧永祚禪寺語錄下

參學比丘文玄等編

上堂一道圓光阿誰無分猫兒若無分爲什麼捉老鼠若有分爲什麼却做猫兒千年田八百主
上堂若是得的人難覓伊去處大無方所細絕毫釐永嘉道如我身空灑亦空千品萬類悉皆同雲門道你立不見立行不見行四大五蘊不可得何處見有山河大地來我且問你銅砂鑼裏滿盛油因什麼不遺一滴

大勝一

楚石語錄卷三

一

浴佛上堂清淨灑身簸土揚塵圓滿報身倚富欺貧千百億化身弄假像真三身中浴那一身謝三娘秤銀

解夏小叅僧問西天以蠟人爲驗未審此間以何爲驗師云驗什麼梳進云和尚豈無方便師云鴛子過新羅乃云金風扇野素月流天遠水平鋪纖雲盡捲是處蟬聲噪晚連山木葉驚秋明月無覆藏歷歷絕滲漏高不在絕頂富不在福嚴樂不在天堂苦不在地獄諸仁者只如生歟交謝寒暑迭遷結解相尋光陰似箭無位真人畢竟向什麼處安着披義倒笠子

學外引水澆疏五老前復舉翠巖夏末示眾云一夏已來爲兄弟說話看翠巖眉毛在麼保福云作賊人心虛長慶云生也雲門云關師頌云傑出叢林是翠巖舌元不動爲誰談如今且喜眉毛在鐵額銅頭總未諸

上堂明還日輪爲什麼不稍稍還黑月爲什麼不明要知明暗何來待你眼開始得如何是眼復云瞎上堂舉灑眼問永明云隔壁聞釵釧聲卽名破戒現見金銀合襖未紫駢圓是破戒是不破戒明云好箇入路師云眞箇入得錦上鋪花若入不得眼中着屑

大勝一

楚石語錄卷三

二

上堂觀色卽空成大智故不墮生歟觀空卽色成大悲故不墮涅槃西天此土一隊不唧唧漢寐語住也未拈拄杖云吽吽

薦上堂舉天衣懷和尚云百骸俱潰散一物鎮長靈百骸潰散皆歸土一物長靈甚處安南堂靜和尚云一物長靈甚處安長空雲散碧天寬蓮宮佛剎花無數眨起眉毛子細觀師云觀則不無喚什麼作一物喝一喝

上堂舉仰山到東寺寺問汝是什麼處人山云廣南人寺云我聞廣南有鎮海明珠是否山云是寺云此

珠如何山云白月卽隱黑月卽現寺云還將得來麼
山云將得來寺云何不呈似老僧山又手近前云昨
到爲山被索此珠直得無言可對無理可伸寺云真
師子兒善師子吼師云仰山雖是箇師子兒爭奈把
鎮海明珠作豌豆賣却千古之下遭人點檢山僧今
日黨理不黨親便是東寺到來也須勸過了打
上堂頭上是天脚下是地青山是青山白雲是白雲
你會也有馬騎馬無馬步行你若不會夜行莫踏白
不是水定是石

上堂山門頭合掌佛殿裏燒香且道有指示無指示

聖賢錄

聖賢錄卷三

三

劍去久矣爾方刻舟

除夜小參僧問一年將盡夜萬里未歸人還許歸去
也無師云十里長亭五里短亭進云與麼則不歸也
師云直須歸去進云作麼生是到家一句師云天寒
日短兩人共一椀乃云作一句商量師子吼野干鳴
不作一句商量野干鳴師子吼一時坐斷未許作家
千里持來堪作何用盡乾坤大地無不說老婆禪爭
知永祚這裏不打這鼓笛雲門大師云諸方老和尚
道須知聲色外一段事這箇說話誑譎人家男女三
間廬堂裏獨自妄想未曾夢見我本師意旨枉作麼

楚石禪師語錄

卷三

生消他信施臘月三十日又須償他始得當時早有
與麼說話如今是什麼時節師召大眾眾纔舉頭師
便喝復舉藥山一日謂雲巖云與我喚沙彌來巖云
和尚喚他作什麼山云我有箇折脚鐺子要伊提上
挈下巖云與麼則與和尚出隻手去也師云見與師
齊減師半德見過於師方堪傳授雲巖當時也欠一
著待他道我有箇折脚鐺子要伊提上挈下抽身便
出雪後始知松柏操事難方見丈夫心

鑄佛上堂僧問如何是金佛不度鑪師云填溝塞壑
進云如何是木佛不度火師云正是時進云如何是

聖賢錄

聖賢錄卷三

四

泥佛不度水師云東西南北十萬八千乃云泥佛浸
了也木佛燒了也金佛鎔了也眞佛勘破了也趙州
老漢趂出院了也一去更不再來咄

上堂無手人行拳無舌人解語忽若無手人打無舌
人無舌人連忙道箇不必復云只箇不必天下衲僧
跳不出

上堂鼓聲昨夜問鐘聲今日鐘聲答鼓聲廊下木魚
開口笑賤將佛廬作人情

上堂天高東南江河淮濟注於海而海不溢地傾西
北日月星辰繫於空而空不低人人鼻直眼橫日日

晝明夜暗諸佛不出世祖師不西來佛灑徧天下談玄口不開會麼釋迦老子在西天文殊大士居東土上堂未曾親近早隔大千駕頭已入含元殿猶向空堵擊靜鞭

上堂對一說水派濕火就燥倒一說風從龍雲從虎何故人心難滿裕堅易盈

結夏小叅僧問如來聖制禁足護生一蟻子性命與諸人性命是同是別師云猴愁慢搜頭進云諸人性命與佛祖性命是同是別師云狗走抖擻口進云云人道護生須是殺殺盡始安居未審殺箇什麼師云

更相

更相語錄卷三

五

更相三十年進云難相難各人不稟吹毛用了急須磨師云鎔僧便喝師拈拄杖僧禮拜師乃云一蟻子性命即是諸人性命諸人性命即是佛祖性命丁一卓二踢七踏八長者長蘆身短者短蘆身只如寒暑交遷陰陽互換日日日東上日日日西沒是心是境是有是無是箇什麼道理今日結却布袋口有也被布袋罩却無也被布袋罩却總未有出頭分在若要布袋口開定九十九日一日也減他不得復舉世尊陞座文殊白槌云諦觀灑王灑灑王灑如是世尊便下座師云將謂世尊別有長處也只憊懣便休致令

後代兒孫箇箇龍頭蛇尾

上堂閉却僧堂門倩人守院未稱全提盡大地荒却正好喫棒人無遠慮必有近憂

端午上堂今朝五月五艾人騎艾虎南北東西走一遭回來說道大地眾生皆受苦所謂生苦老苦病苦死苦乃至五陰盛苦一切諸苦皆可醫惟有禪和子心病最難醫用不得砒霜石蜜甘草陳皮作麼生醫得我有一隻古方無有醫不得者僧問趙州學人乍入叢林乞師方便州云喫粥了也未僧云喫粥了也州云先鉢盂去粥了先鉢不用狐疑鯨吞海水盡露

更相

更相語錄卷三

六

出珊瑚枝撫掌下座

上堂佛佛斯屈祖祖太莽爾禪禪幾何般道道直下掃這琉璃瓶子護惜是箇什麼盡是諸人撲碎了也更來這裏覓什麼盤

解夏上堂僧問空劫已前威音那畔還有結解也無師云莫妄想進云不妄想時如何師云嗑睡漢進云摩竭他國親行此令師云西天新頭截臂進云當時得道如恒河沙未審今日山中幾人得道師云蠅子放卵進云與麼則靈山一會儼然未散也師云上上更加泥乃云盡十方世界是箇真實人體苦提煩惱

生或涅槃有為無為前聖後聖結制解制長期短期
真實體上了沒交涉雪峯三到投子九上洞山末後
鰲山店上打失鼻孔大隋叅六十餘員善知識長慶
坐破七箇蒲團興化於大覺棒頭漢明黃檗意旨掀
翻海岳罷却干戈如將谷響千斤換得空花萬片威
音那畔空劫已前但有言說都無實義穿却天下人
鼻孔一句作麼生道大鵬展翅蓋十洲籬邊燕雀空
秋啾復舉雲門秋初夏末前程忽有人問未審對他
道什麼門云大叡退後僧云過在什麼處門云還我
九十日飯錢來師云放過即不可未審道什麼但對

大
師

碧岩錄卷三

七

他道七十二棒翻成一百二十過在什麼處對他道
你但喫棒我要這話行

上堂箇箇抱荆山之璧人人懷滄海之珠斡旋佛祖
樞機提掇衲僧巴鼻盡謂頂門眼正咸言肘後符靈
殊不知靈龜負圖自取喪身之兆出格一句作麼生
朝霞不出市暮霞行千里

聖旨看藏經上堂僧問一封丹詔九天來大地山河
唱善哉滿藏不知何所說青蓮華向口中開奉詔旨
看藏經請禪師祝聖壽師云一字是一歲進云堆山
積岳知多少共祝龍樓不盡年師云爛葛藤進云依

楚石禪師語錄

卷三

經解義三世佛冤離經一字如同魔說去此二途請
師甄別師云蟻子不食鐵乃云百千魔門同歸方寸
河沙妙德總在心源大福德人修大福德人受是以
恒沙刹土莫不稟其威靈草木昆蟲亦皆資其化育
今則蘆筵洞啓教藏安開重重福德門種種壽量海
如天普覆如地普擎如日普照如風普吹仲尼云吾
禱久矣復舉宋太宗皇帝因入寺問僧云看什麼經
僧云仁王護國經帝云既是寡人經因什麼落在卿
手裏僧無對後來雪竇代云皇天無親惟德是輔師
云若問永祚但以頂戴經云萬歲萬歲

大
師

碧岩錄卷三

八

上堂舉南泉問黃檗黃金為世界白銀為壁落是什
麼人居處檗云是聖人居處泉云更有一人居何國
土檗叉手而立泉云道不得何不問王老師檗却問
更有一人居何國土泉云可憎許師云二大老一人
無事生事一人將錯就錯直是好笑當時若作黃檗
待他道更有一人居何國土但道這野狐精設使南
泉通身是口也須飲氣吞聲

初祖忌拈香這漢西來特地癡獸不立文字處張意
氣直指人心轉見病深見性成佛翻成窠窟靈山直
是不甘他牛糞燒香狗屎茶因甚如此祇為如此報

德酬恩只這是

上堂師到灤堂前與大眾和南畢便歸方丈眾隨後
師云更無一箇靈利處乃散

施主捨米入山上堂舉雪峯示眾云盡大地說來如
粟米粒大拋向面前漆桶不會打鼓曾請音師云你
諸人看不出時僧堂裏長連牀上疊足坐了子細交
審去

佛涅槃日上堂二月十五中春節紅花白花相間發
金棺不獨示雙趺花裏靈龕更繞舌說箇什麼喝一
喝

楚石

楚石語錄卷三

七

上堂三身四智非聖人不無八解六通非凡夫不有
木人把板雲中拍石女含羞水底文是何曲調破陣
子

楊府安人真如善住二居士入山齋僧上堂承明釋
子頭戴施主屋脚踏施主地口喫施主飯身看施主
衣將什麼報答施主入道不通理復身還信施長者
八十一其樹不生耳若終口喫飯不曾咬破一粒米
終日著衣不曾掛著一縷絲行不見行立不見立十
二時中不依倚一物不見施者不見受者亦無施物
恁麼見解正是增上慢人別道地獄著你在總不恁

麼時如何大眾歸堂喫茶去

上堂舉大愚芝和尚一日問侍者云你問訊了一邊
立地是什麼道理答云不會愚云過這邊立侍者便
過愚云無端無端師云成人者少敗人者多

結夏小參曾問觀山駝水訪道尋師離此二途請師
指示師云亂走作麼進云和尚恐某甲不實師云草
賊大敢進云莫地不收秦不管夜來明月上高峯師
云引不著進云四月十五日結為什麼人結師云願
馬繫枯椿進云七月十五日解又作麼生解師云達
吾來也進云還有不在裏許者麼師云漫天網子百

楚石

楚石語錄卷三

十

千重進云本來無量礙隨處任方圓師云放過一著
會禮拜師乃云或有南檀叢林梅檀圍繞或有荆棘
叢林荆棘圍繞或有荆棘叢林梅檀圍繞或有梅檀
叢林荆棘圍繞汝等諸人橫擔拄杖繫梢芒鞋這邊
那邊東去西去在那箇叢林中若在那箇叢林則是
金毛獅子能縱能奪能殺能活若在那箇叢林則是
孤狼野干不能縱不能奪不能殺不能活隨羣逐隊
師次食主推殺千萬箇有什麼罪過且如兩種叢林
交互圍繞時喚作金毛獅子又是孤狼野干喚作孤
狼野干又是金毛獅子畢竟喚作什麼能縱不能縱

能奪不能奪能殺不能殺能活不能活又如何定當
若定當得出許你天下橫行若定當不出九旬無解
脫之期百劫受沈淪之苦

復舉僧問趙州如何是咬人獅子州云歸依佛歸依
灋歸依僧莫咬老僧師云這僧也只是箇喋屎狗爲
什麼趙州一見便撒屎撒屎彩奔衲家

上堂晝昇兜率夜降閻浮爲什麼摩尼珠不現師云
現也現也薰拈拄杖卓一下云百禪碎了也諸人總
來這裏覓箇什麼擲拄杖下座

上堂長廊下與你說後架頭與你說灋堂上卽不與

你說何也不說不說

施主設齋上堂供養百千諸佛不如供養一箇無心
道人百千諸佛有何過無心道人有何德若會箇中
意牛頭尾上安

解夏小叅僧問直下便是時如何師云剗進云高高
處觀之不足低低處平之有餘師云學語之流進云
一夏九旬今已滿請師方便指迷津師云口只好喫
飯進云前程忽有人問和尚近日如何爲人向他道
什麼卽得師云西天令嚴進云和尚三寸太密師云
紅霞穿碧落白日繞須彌進云一句已徧行天下了

也師云也是無端僧禮拜師乃云平地上喫交郎當
不少脚跟下蹉過笑殺傍觀卽心卽佛非心非佛此
地無金二兩俗人沽酒三升更有不啣嚼底風前月
下幾度沈吟海角天涯一生流浪西天以蠟人爲驗
我這裏以竹篋爲驗喚作竹篋則觸不喚作竹篋則
背速道速道擬議不來劈脊便棒復舉長慶云淨潔
打疊了也却近前就我覓我劈脊與你一棒有一棒
到你你須生慚愧無一棒到你你又向什麼處會雪
竇云雪竇卽不然淨潔打疊了也直須近前我劈脊
與你一棒有一棒到你你卽受屈無一棒到你與你

平出但與麼會師云眾中商量道坐在淨潔地上必
須打疊近前覓的掣棒有分覓的是病棒卽是藥所
以雪竇云有一棒到你你卽受屈無一棒到你與你
平出杜撰禪和如麻似粟妹不知二大老一箇掘地
爲坑一箇夷井塞竈皆欲坐致太平爭奈反招怪笑
毗婆尸佛早留心直至今不得妙

無夢噩書記至上堂舉白雲端和尚云寫盡千張紙
徒煩心手勞人情如太華爭似道情高師云大小白
雲猶有這箇在永祚承無夢師兄相訪麤茶淡話兀
坐忘懷若有一箇元字脚彼此不着便何也人平不

語水平不流

上堂黃葉手中棒剝肉作瘡大愚肋下拳擲鹽救渴速則易改久則難追選佛若無如是眼假饒千載亦奚爲喝一喝

看華嚴經上堂東西南北四維上下塵刹刹總不離箇華藏世界海有高有下有闊有狹有具有不具等等有不等有清淨有不清淨有短壽有長年且道毗盧透那如來卽今在阿那箇世界中說麼又說什麼麼爲說三乘麼爲說一乘麼爲說無上乘麼爲無所說試道看若道得許你淨佛國土遊戲神通有惜

楚石語錄

卷三

十三

無情同證同入若道不得生死海內沈浮

慧銳巖預修請陞座僧問如意珍用無盡應物遇緣終不悟如何是如意珍師云多少人用不得進云莫只這便是麼師云你試用看進云掬水月在手弄花香滿衣師云話墮也進云今晨施主鈍巖提點預修寄庫請和尚陞座回向功德一句作麼生舉師云彈指圓成八萬門一超直入如來地乃云有情之本依智海以爲源含識之流總凜身而爲體諸仁者還識此源麼若識此源則千源萬源只是一源還見此體麼若見此體則千體萬體同爲一體上則爲聖下則

爲凡其狂聖也諸佛菩薩緣覺聲聞一向淨用而證

解脫其在凡也天人修羅及三惡道一向染用而墮輪回欲出輪回全成解脫如人因地而倒因地而起離却纜盤釵釧真金不自外來就平鉢酪醍醐美味悉從中出以至乾坤大地日月星辰草木昆蟲森羅萬象莫不鉤騰今古迴絕見聞透一金剛圈吞一栗棘蓬則不可說金剛圈栗棘蓬一時吞得透得豈不是了事漢更聽一偈一微塵裏大寶藏十方虛空悉充滿普放光明獎塵刹蒙允觸者煩惱除煩惱除放覺道成能爲羣生作佛事福德壽量咸增益此妙解

楚石語錄

卷三

十四

脫鈍巖證不動本際常寂然極未來時闍斯道

鑄大悲像上堂有一居士出問云大悲菩薩通身是手眼是否師云是進云弟子還具否師云具進云只如半夜裏不見一物時手眼在什麼處師云直是通身手眼進云謝師指示師云噓噓乃云據教中道衆生妄見不離前塵開眼見明明不是明合眼見暗暗不是暗在佛殿前過不見佛殿後事在佛殿後過不見佛殿前事皆屬妄見前塵所遮若離前塵無物可見約永祚見處大悲菩薩本自無身亦無手眼有的便道我會也我會也打二十九棒趁出箇一棒自喫

墓有人下得手麼如無今日失利舉麻谷問臨濟大悲千手眼阿那箇是正眼濟云大悲千手眼阿那箇是正眼速道速道谷拽濟下禪牀谷却坐濟云不審谷便喝濟拽谷下禪牀濟便坐谷便出去濟歸方丈師云二大老主賓互換縱奪可觀如猛焰燒空忽雷震地相似雖然與他大悲千手眼有何交涉只見波濤湧不見龍王宮

上堂有僧作禮擬伸問次師便下座

上堂道遠乎哉觸事而真喚什麼作真聖遠乎哉體之即神喚什麼作神驀拈拄杖劃一劃喝一喝便起

大正

寒石錄卷三

十五

冬至小叅僧問羣陰剝盡一陽復生此性還屬消長也無師云定花板上進云如何是此性師云寒時言寒熱時言熱進云便與麼去時如何師云依稀似佛莽鹵如僧乃云諸人在這裏經冬過夏豈爲身衣口食看山水過時單明自己生歟大事永祚亦不將一縷繫綴諸人初無一箇佛字到汝分上污汝心田若有纖毫直須吐却嗽口三日此是生歟根本頭出頭沒未有了期從無始劫被身口意使總是汝自家擔帶得來非天降非地湧非人與如今不了更待何時一九二九三九四九九九八十一了前頭尚有寒在

復舉文殊菩薩所說般若經云清淨行者不入涅槃破戒比丘不入地獄師頌云常拚白日尋花巷盡把黃金作酒錢翻着襴衫高拍手大家齊唱太平年上堂拈却鉢盂匙箸喫飯不得屏却咽喉唇吻出氣不得色身安瀾身不可不安瀾身色身是一是二花須連夜發莫待曉風吹

覺首座請小叅僧問世尊拈花迦葉微笑此意如何師云一手不獨拍進云世尊曰吾有正瀾眼藏涅槃妙心付囑摩訶迦葉畢竟作麼生付囑師云不知進云今古應無墜分明在目前師云暗進云盡大地是

大正

寒石錄卷三

十六

一句子請和尚直下全提師云春日晴黃鸝鳴進云這箇猶是半提作麼生是全提時節師云喫得棒也未進云閒梳野菜和根煮旋所生柴帶葉燒師云杜撰禪和如麻似粟乃云我宗無語句亦無一瀾與人若有一瀾與人士也消不得呵呵呵呵笑箇什麼我笑江西馬大師道即心即佛又說非心非佛話作兩概臨濟道我在黃檗先師處三度問佛瀾的的大意三度被打六十拄杖如蒿枝拂相似如今思得一頓喫還有人下得手麼頭長三尺項短二寸這兩箇老漢一向懸羊頭賣狗肉誑誑間闕自餘固是敗將不斬

祚這裏未免作歎馬醫但是從前事褫記憶把佛
瀟禪道築一肚皮到處逞驢唇馬嘴謾人自謾底盡
情與我颺在垃圾堆頭更不要拈着只麼饑餐渴飲
閒坐困眠雖是博地凡夫便與古佛同參且道參什
麼人復舉臨濟會中兩堂首座齊下喝僧問還有賓
主也無濟云賓主歷然師喝一喝

上堂把禪牀拍一拍云看看大地平沈也四大海水
沒至梵天其中眾生受無量苦叫云相救相救梵王
告曰汝等眾生不敬三寶殺盜淫妄飲酒食肉造種
種罪罪來歸身終不他作自受若能改惡修善卽生

楚石語錄卷三

十七

天上受種種樂樂盡還墮地獄中不如一念無生便
成正覺道罷扣齒云無端瞎却眾生眼然雖如是禍
不入慎家之門

元宵上堂始賀大年朝又當正月半看看百草長急
急三春換世事密如麻允陰恹似鑽杖頭窟子舉
動令人美村歌社舞闌施呈直截示人人不薦

上堂有情說瀟無情說瀟作麼生是有情山河大地
竹頭木屑總是有情作麼生是無情諸佛菩薩畜生
驢馬總是無情召眾云山河大地竹頭木屑總是無
情因什麼却成有情去諸佛菩薩畜生驢馬總是有

情因什麼却成無情去分明記取舉似作家

上堂芭蕉聞雷而開葵花見日而轉木人拍手石女
唱歌筆描菩薩火中行泥捏金剛水底走發揚妙旨
指示玄徒只要諸人識取無面目的且道無面目的
如何識未明心地印難透祖師關

上堂舉鏡清問玄沙學人乍入叢林乞師指箇入路
沙云還聞偃溪流水聲麼清云聞沙云從這裏入鏡
清於此得箇入處五祖鄧祖翁云果然得入一任四
方八面若也未然輒不得離却這裏大慧云若要真
箇得入直須離却這裏師云這裏是什麼所在離與

楚石語錄卷三

十八

不離夏問阿誰憶管東溪日花開葉落時幾擬以黃
金鑄作鐘子期

解夏上堂今朝七月十五行者先來打鼓長老口裏
喃喃恣意拋沙撒土若是靈利衲僧直下剷除佛祖
且喜慶歲周圓莫道勞而無補

道舊至上堂舉颯颯颯涼風景同人訪寂寥煮茶山下
水燒鼎洞中樵師云白雲老人家貧難辦素食事忙
不及草書只是不合將常住物入自己用

佛日普獎慧辯楚石禪師語錄卷第三
音切

闌徒堅切 咩許今切 漬胡對切 𦵏仄合切 𦵏松元切 諱亮烏切 砥合力切
吸渠切 濕古沒切 涪力罪切 𦵏又遲切 𦵏五各切 𦵏直知切 坵合力切

翰林院編修嘉興馮夢禎施贊刻此
楚石禪師語錄第三卷 昆明沙彌真一對真州
王國英善 數州吳慶芝刻
萬曆庚寅秋五臺山妙德菴識

楚石語錄卷三

楚石語錄卷三

七尾

佛日普照慧辯楚石禪師語錄卷第四
住杭州路鳳山大報國禪寺語錄

叅學比丘曇紹等編

師於至元元年七月二十五日入寺

山門東門南門西門北門門門有路路頭在什麼處

五鳳樓前

佛殿黃金殿上釋迦老子不合向這裏局展坐具云
且禮拜蓋覆却

土地堂龍王殿赫赫厥聲濯濯厥靈前朝鳳闕萬古
龍庭雨過吳山插漢青

楚石語錄卷四

楚石語錄卷四

一

據室臨濟在黃檗喫六十拄杖如蒿枝拂相似如今
莫有恁麼衲僧麼設有更須勘過始得

拈宣政院疏白雲出岫本自無心赤水求珠還他罔
象萬般存此道一味信前緣

兩浙諸山疏真不掩偽曲不藏直落霞與孤鶩齊飛
秋水共長天一色

方外交疏一句子無彼此以我為隱乎吾無隱乎爾
法座這箇寶華王座常在諸人面前晝夜放光因什
麼不見山僧今日指出便乃與三世諸佛六代祖師
天下老和尚同一受用也遂陞座拈香云此一瓣香

天上下世出世間並屬喚臨皆承恩力薰向爐中
端爲祝延今上皇帝聖躬萬歲萬歲陛下恭願乃
聖乃神乃武乃文四海咸歌有道自西自東自南自
北八方盡樂無爲次拈香云此一辦香奉爲皇天之
下一人之上西天佛子大元帝師大寶法王資培福
慧復拈香云此一辦香奉爲行省大丞相行宣政院
官文武寮寮同增祿算欽衣就座師云寶印當空妙
重重錦縫開不費纖毫力提掇鳳山來放行則萬象
回春把住則千峯寒色且道把住好放行好試出來
道看僧問虛空爲鼓須彌爲槌請和尚一揮祝皇王

教部

楚石語錄卷四

二

萬壽師云天長地久進云可謂日月先天德山河壯
帝居師云多少分明進云錢塘乃江南第一郡鳳山
乃錢塘第一峯和尚以公選住持如何報答君相師
云愈令心似鐵進云此山唐時號羅漢院黃蘗下宗
徹禪師因僧問如何是祖師西來意答云骨剗也此
意如何師云我道你觸髅百碟碎進云又問他南宗
北宗他答云心爲宗宗卽不問未審喚什麼作心師
云速禮三拜進云橫擔柳栗不顧人直入千峯萬峯
去師云且莫詐明頭僧禮拜師乃云三世諸佛橫說
豎說不曾道著一字六代祖師全提半提不曾接得

一人雖然不接一人各各眼橫鼻直雖然不道一字
言言玉轉珠回雙放雙收同生同死全明全暗有殺
有活德山入門便棒臨濟入門便喝睦州見僧便道
現成公案資福道隔江見剎竿便回去脚跟下好與
三十棒八十翁翁入場屋真誠不是小兒戲你若對
衆決擇分明山僧分付鉢袋子復舉白雲端和尚示
衆云若端的得一回汗出便向一莖草上現出瓊樓
玉殿若未端的得一回汗出縱有瓊樓玉殿被一莖
草蓋却師云拈却一莖草瓊樓玉殿在什麼處到江
吳地盡隔岸越山多

教部

楚石語錄卷四

三

當晚小叅僧問諸佛不出世祖師不西來佛法徧天
下談玄口不開既是佛法徧天下爲什麼談玄口不
開師云南斗七北斗八進云未審此理如何師云去
去西天路迢迢十萬餘乃云人天衆前激揚此事也
須是本分衲僧始得若非本分衲僧未免遭人怪笑
只如適來禪客立箇問頭恁麼答他却理會不得再
舉一徧既是佛法徧天下爲什麼談玄口不開聲聲
未斷前宵雨電影還連後夜雷

省中把茶回上堂舉風穴在鄂州衙內上堂云祖師
心印狀似鐵牛之機去卽印住住卽印破只如不去

不住印卽是不印卽是時有盧陂長老出問某甲有鐵牛之機請師不搭印風穴云慣釣鯨鯢澄巨浸却嗟蛙步輾泥沙陂佇思穴喝云長老何不進語陂擬議穴打一拂子云還記得話頭麼試舉看盧陂擬開口穴又打一拂子牧主云將知佛法與王法一般穴云見箇什麼道理牧主云當斷不斷反招其亂穴便下座師云擊石火閃電光構得構不得未免喪身失命風穴壁立千仞坐斷盧陂舌頭盧陂若是箇人未到牧主檢責纔見他道祖師心印狀似鐵牛之機呵呵大笑若擬議拍一拍便行無端請師不搭印倚他

數棚

楚石語錄卷四

四

門戶傍他牆剽被時人喚作郎如今有人與風穴作主我要問他心印在什麼處中秋上堂鳳山說何似萬象說八月十五夜月最親切八月十八日潮更直截聞不聞瞥不瞥嘉州大象舉疾築陝府鐵牛流出血

上堂佛法兩字不要拈著拈著則不堪這裏龍地混襍凡聖同居若起無事心棒了趁出院金不博金水不流水一句作麼生道放憨作麼

上堂千聖頂額上點著便知萬象森羅前突出難辨亘古亘今無縫罅蓋天蓋地絕羅籠挽之不來推之

楚石禪師語錄

卷四

不去擁之不聚撥之不散直得秋光湛湛體露金風夜色澄澄涼生玉宇高枝多宿鳥腐草足流螢卽舍靈顛倒之心見諸佛圓常之性恁麼說話笑殺衲僧衲僧畢竟有甚長處喝一喝

冬至小叅僧問世事悠悠不如山丘臥藤蘿下塊石枕頭未審與垂手入鄺的相去多少師云也不較多進云豈無緇素師云一對無孔鐵槌就中一箇最重進云與麼則天下老和尚總在裏許也師云因誰置得進云數聲清磬是非外一箇閒人天地間師云方纔撻彈子便要捻金剛進云明日書雲令節畢竟書

楚石語錄卷四

楚石語錄卷四

五

什麼雲師云那邊是什麼雲進云但願來年蠶麥熟羅睺羅兒與一文師云一日便頭白乃云垂萬里釣竿千里烏騅布漫天綱打衝浪錦鱗如大力魔王道我待一切衆生成佛盡衆生界空無有衆生名字我乃發阿耨多羅三藐三菩提心廣額屠兒放下屠刀道我是千佛一數早是不啻囉更向長連牀上坐長連牀上臥眼耽瞪地殺不灰羊相似萬年一念有什麼益不如泥猪疥狗却有出離之期明明向你道開口不在舌頭上要急相應來日是書雲復舉龍濟道萬法是心充諸緣唯性曉本無迷悟人只要今日了

師云既無迷悟了箇什麼從前汗馬無人識只要重論蓋代功

上堂上是天下是地耳裏聽聲鼻中出氣喉府藏牛吞嘉州大像則且置拽取瞻波國與新羅國鬪額是第幾機

上堂拈拄杖卓一下召眾云我這裏卓拄杖你那裏聞聲爲將耳聞爲將心聞若將耳聞耳朵兩片皮作麼生聞若將心聞心如工伎兒意如和伎者又作麼生聞終不虛空裏聞也若是虛空裏聞卽是常聞何待這裏卓拄杖然後聞鳳山不卓拄杖爲什麼不聞

教訓

楚石語錄卷四

六

去豈不見文殊道聲無既非滅聲有亦非生生滅二圓離是則常真實却因後語爲地畫足盡情放捨脫體無依轉向那邊更那邊亦未是到家時節到家一句作麼生道只知事逐眼前過不覺老從頭上來上堂若有老僧卽無聞衆若有聞衆卽無老僧聞衆自聞衆老僧自老僧喚作聞衆也得喚作老僧也得驀拈拄杖卓一下喝一喝

上堂茅堂月淡竹戶風淒冰枯雪稿之時鼓寂鐘沈之夜心心永寂石女剪於龜毛念念攀緣木人栽於兔角不是洞山五位亦非臨濟三玄齒牙敲磕處一

李元無父母未生前全機獨脫透頂透底亘古亘今飯是米做一句作麼生道久立

上堂徧界是通身是無一處不是無一念不是忽然拈起拄杖子問他這是不是便見一千箇內九百九十九箇口如匾擔相似直須自己偷心欺方信從前都不是都不是只是吉了舌頭三千里喝一喝

上堂見拄杖不喚作拄杖見屋不喚作屋正是癡狂外邊走見拄杖但喚作拄杖見屋但喚作屋又是依樣畫描兒兩人同到山中總與一杯茶喫要辨細素且待別時

教訓

楚石語錄卷四

七

佛成道上堂三千大千世界日月星辰山河淮海昆蟲草木有情無情拈拄杖卓一下云盡向這裏成正覺然後鳳山不入這保社何也石頭道底除夜小參僧問日從東上月向西沒作麼生是不遷義師云柳絮隨風自西自東進云年年是好年日日是好日師云瞎老婆吹火乃云未達境惟心起種種分別達境惟心已分別卽不生不生法中具足世間出世間法一立一切立一破一切破一放一切放一收一切收觀體全該當陽廓示方便喚作常住法身流出無邊諸三昧海文殊普賢大人境界德山臨濟

向上提持此方他方齊成佛道有說無說俱轉法輪
極三際爲一時統十方爲一刹二十四氣七十二候
三百六十五日只在刹那悟之則當念圓明迷之則
永沈生死復舉保寧永和尚示衆云世尊不說說迦
葉不聞聞卓拄杖云水流黃葉來何處牛帶寒鴉過
遠村師云青州黎鄭州棗大抵無過出處好
歲旦上堂半夜起來赴省堂焚祝焚祝了丞相府諸
衙門人事人事畢卽回殿堂行香撒沙呪土遶廊行
道次第諸山報禮準備接官若作新年頭佛法會入
地獄如箭射

文耶
撰述

楚石錄卷四

八

進退兩班上堂虎豹文章全歸爪牙之力鯢鵬變化
必藉羽翼之功法社要在人叢林自然增氣睦州佐
黃檗楊岐輔慈明相與建法幢展衲僧巴鼻
元宵上堂一切月以一月爲真一切燈以一燈爲體
一卽一切一切卽一一從什麼處起泊合錯下註脚
諸山講主至上堂先聖道諸法不自生亦不從他生
不共不無因是故說無生盡大地是胡餅任你橫咬
堅咬西天那爛陀寺裏一萬來僧人人得喫只有摩
訶迦羅大神不得喫把須彌山一摑百襍碎帝釋踣
跳上梵天去也

楚石禪師語錄

卷四

上堂卽心卽佛禍不入慎家之門非心非佛舌是斬
身之斧古人的今人用今人的古人爲一犬吠處千
條哩實鳳山今日不惜性命與你諸人抽釘拔楔去
也茶

佛涅槃上堂東西南北空中鳥跡南北西東水底魚
蹤瞿曇用盡平生力直至而今歸不得

忽都達兒狀元入山上堂舉玉泉浩布禪因東坡居
士微服相訪浩問云尊官何姓坡云姓秤是秤天下
長老的秤浩喏地云這一唾重多少坡休去師云玉
泉是作家宗匠東坡是當世大儒鶩割相逢發揮此

文耶
撰述

楚石錄卷四

九

道盡謂東坡休去秤尾無星殊不知八兩半斤總在
自家手裏雖然如是也須扶起玉泉只如他道這一
唾重多少多少人道不得直饒道得更與一唾

上堂景物舒晴湖山疊翠相將寒食共賞芳菲畫船
處處笙歌花市重重錦繡風流公子全彰古佛家風
紅粉佳人廊示祖師巴鼻便請拘折拄杖高挂鉢囊
不用低頭思量難得

上堂這裏鳴鐘擊鼓拈槌豎拂說黃道黑也只爲你
諸人那下長街短巷負兒挾女嗔拳惡罵也只爲你
諸人地獄未是苦在此衣線下不明大事却是苦此

時若不究根源直待當來問彌勒

浴佛上堂僧問護明大士未降王宮釋迦老子在什麼處師云取上眉毛進云謝師答話師云恰值拄杖不在師乃以拂子打一圓相云三十二相無此相八十種好無此好跛跛挈挈且過時人來不必重尋討喝一喝

結夏小叅僧問盡大地是箇佛身向什麼處安居禁足師云錦上鋪花又一重進云竹密不妨流水過山高豈礙白雲飛師云隨語生解乃云摩竭陀國親行此令抵死要知換却性命設使懸崖撒手自肯承當

楚石語錄卷四

楚石語錄卷四

十

絕後再甦欺君不得也是棺木裏瞠眼鳳山這裏無許多事尋常只是九十日爲一夏黃陳米飯苦益菜羹尊勝寺前疊疊青山不盡西興渡口茫茫白浪無窮行也任你行坐也任你坐出也任你出入也任你入卷舒自在彼此何拘却不許埋在聲色堆頭亦不許離他聲色總不與麼還作麼生錦衣公子貴林下道人高復有頌云拈却東山水上行薰風殿閣生微涼住山不費纖毫力自有人提折脚鐺

上堂一句合頭語萬劫繫驢橛靈利漢聞得便行早遲八刻了也

同叅至上堂舉泉大道訪慈明明云片雲橫谷口遊人何處來泉云夜來何處火燒出古人境明云未枉更道泉便作虎聲明便打一坐具泉推明向禪牀上明却作虎聲泉云我見八十餘員善知識惟師繼得臨濟宗風師云錯下名言當時慈明爭客得這風顛漢恁麼道更與一坐具且看他作箇什麼伎倆纔眼目定動便連棒趁出臨濟法道未致家

上堂紅塵鬧市公子家風曠野溪山道人活計一則穿花度柳一則嘯月眠雲那箇得那箇夫雲在嶺頭閒不徹水流澗底太忙生

楚石語錄卷四

楚石語錄卷四

十一

上堂不落因果不昧因果總未脫野狐身若要脫野狐身更過五百生始得召眾云還肯鳳山與麼道麼盡大地人不肯總是野狐種族喝一喝

中夏上堂和尚子莫妄想起心動念是妄想澄心息念是妄想成佛作祖是妄想往往將妄想滅妄想無有了期直饒古今言教一時明得如珠走盤敢保此人未出陰界礙膺之物誰與消除若得消除名爲解脫其實未得一切解脫超毗盧越釋迦大丈夫兒合到如此點眉點肋稱楊稱鄭作什麼我未曾向六月裏下一陣大雪與你諸人在

上堂打鐘鐘鳴打鼓鼓響三世諸佛競出頭來六代祖師沒藏身處鐘中無鼓響鼓中無鐘聲鐘鼓不交叅句句無前後畢竟喚什麼作句喝一喝
施主看楞嚴上堂體理得妙了了常知一種平懷綿綿不漏著衣喫飯蓋是尋常見色聞聲猶如聾瞽但可入佛不可入魔透得十種禪關出得五陰區宇處處無非佛事頭頭總是道場酒肆淫坊了無罣礙龍宮虎穴任便經過亦可入魔亦可入佛然後佛魔俱遣凡聖不存不取涅槃不居生死道我大事了畢拄杖不在荅帚柄聊與三十

大
部

楚石語錄卷四

十二

上堂纔有是非紛然失心還識祖師面目麼
入新僧堂上堂舉王常侍一日訪臨濟同至僧堂前侍云這一堂僧還看經麼濟云不看經侍云還坐禪麼濟云不坐禪侍云既不看經又不坐禪畢竟作箇什麼濟云總教伊成佛作祖去侍云金屑雖貴落眼成翳濟云我將謂你是箇俗漢師云臨濟吹毛劍什麼處去也若也拈出有什麼王常侍在自出洞來無敵手得饒人處且饒人
因齋羅漢上堂風生古殿月轉回廊香煙合匝燈燭熒煌賓頭盧尊者應供四天下無一處不到還到此

楚石禪師語錄

卷四

間麼此間是什麼所在說到不到合掌云三德六味施佛及僧便下座
上堂靈鷲山中量材補職曹溪路上少實多處不論薄地凡夫便請丹青獨步快與快與有麼有麼比擬張麟兔亦不遇
上堂好諸禪德菴紅李白水綠山青煙雨樓臺市廊車馬雲舒雲卷露出幾箇峯巒船去船來驚散一行鷗鷺橋邊酒店柳外人家子細觀瞻分明畫出畫出則不無如何著筆無風荷葉動必定有魚行
上堂婆餅焦斷消息花底春禽鳴歷歷不如歸去不

大
部

楚石語錄卷四

十三

如歸自是不歸歸便得喝一喝
松林施主妙蓮居士項氏捨寶蓋入山上堂生心受施淨名早訶有法可說如來不許直得無物可施無法可說牢籠佛祖含育聖凡猶是半珠未爲全寶到箇裏明如日寬若太虛千聖不攜萬機寢削塵塵爾剎剎爾念念爾法爾盡十方微塵國土一時拈來著在針鋒上却從針鋒上流出一切智光明雲於其雲中現妙蓮華量等十方微塵國土合爲一蓋內出百千佛異口同音而說偈言一念普觀無量劫無去無來亦無住如是了知三世事超諸方便成十力

說是偈已卽入針鋒裏去也

上堂如來涅槃心祖師正法眼衲僧奇特事知識解脫門總是十字街頭破草鞋拋向錢塘江裏著歸堂解夏小叅僧問如何是先獎後用師云擘開太華連天色放出黃河到海聲進云如何是先年後獎師云劍爲不平離寶匣藥因救病出金瓶進云如何是獎用同時師云定允金地遙招手智者金陵暗點頭進云如何是獎用不同時師云三月懶遊花下路一家愁閉雨中門僧禮拜師云更問一轉豈不好僧便退師乃云臨濟宗風直須辨主若不辨主有眼如盲所

大正

楚石語錄卷四

十四

以道不容擬議斬全身始得名爲主中主靈鋒寶劍常露現前擬犯鋒鉞橫風萬里一等擔拄杖行脚還會辨得主麼你若辨得主見他禪牀上老漢纔開口動舌背却法堂著草鞋便行較有些子衲僧氣息但與麼軟嫩嫩地無骨頭相似見人說有便著有說無便著無十二時中全沒主宰將什麼敵他生或消他信施埋沒自己屈辱先宗無過此人纔方結夏又見解夏日復一日歲復一歲待間老子徵飯錢遲了何不及早回頭子細尋思看是什麼道理髑髏常千世界鼻孔摩觸家風萬里神光頂後相直下會得轉凡

成聖只在片時其或未然換手搥臂去在復舉外道問世尊昨日說何法尊云說定法外道云今日說何法尊云說不定法外道云因什麼昨日定今日不定尊云昨日定今日不定師頌云行盡江南數十程曉風殘月入華清朝元閣上西風急都入長楊作雨聲徑山送寂獎先師入塔回寺上堂鳳山夜來夢見阿耨達池龍王請五百羅漢齋徑山末後方至於是龍王問云賓頭盧尊者一日應供四天下徑山因什麼來遲徑山云聽取我四句本無生滅寧有去來河水發談枯木花開道了便把井底蓬塵一撒却騎山上

大正

楚石語錄卷四

十五

鯉魚歸天台去也大奴夜來夢的是今日舉的是同諸山揆院官回上堂舉石門聰和尚入州看官路逢延慶長老問云中路相逢一句作麼生道門云某甲禮拜和尚有分明日到院茶話次慶云昨日聞學士說新石門和尚和尚久在石門爲什麼却新去門云腦後合掌問云來時無物去時空二路都迷且如何得不迷去門云秤頭半斤秤尾八兩師云石門道某甲禮拜和尚有分延慶著賊也不知要識石門麼李靖三兄久經行陣雖然如是未免倚勢欺人中秋上堂一月普現一切水一切水月一月攝盡大

地是水阿那箇是月盡大地是月阿那箇是水你若不信錢塘江裏少哩

上堂鑪鞴之所多鈍鐵良醫之門足病夫不因柳穀傳書信何緣得到洞庭湖

歲旦上堂舉香巖云去年貧未是貧今年貧始是貧去年貧有卓錫之地今年貧錫也無真淨云去年富未是富今年富始是富去年富惟有一領黑黪布衫今年添得一條百衲袈裟歲朝抖擻呈禪眾實謂風流出當家師云香巖貧未是貧奈何猶有箇渾身真淨富未是富家私未免俱呈露鳳山這裏不說富不

巖

楚石語錄卷四

十六

說貧隨家豐儉沒疎親豈拂子收來兔角長三尺放去龜毛重九斤

元宵懺會上堂僧問二祖謁初祖便云我心未寧乞師安心初祖向他道將心來與汝安且道是有心可安無心可安師云剗進云二祖云覓心了不可得初祖云與汝安心竟還端的也無師云曾經霜雪苦楊花落也驚進云及三祖問二祖云弟子身纏風恙請師懺罪意作麼生師云蹉過了也進云二祖云將罪來與汝懺爲復是因風吹火爲復是入草求人師云有甚共語處進云三祖道覓罪了不可得二祖云與

楚石禪師語錄

汝懺罪竟請和尚分明指示師云朝三千暮八百進云只如二祖安心三祖懺罪是多是別師云雪上加霜進云與麼則前無釋迦後無彌勒也師云過這邊立進云今晨施主禮懺設齋特請和尚陞堂未審獲什麼福報師云連禮三拜進云路逢死地莫打殺無底籃子盛將歸師云一狀領過乃云有一人具大闢提作無間業捨戒定慧行貪嗔癡殺盜於三有田中種荆棘於一真地上乃至謗佛毀法破和合僧能可永劫沈淪不求諸聖解脫直待一切衆生成佛盡乃發阿耨多羅三藐三菩提心未審此人如何懺悔

巖

楚石語錄卷四

十七

良久鑊湯鑪炭吹教滅劍樹刀山喝使摧上堂問侍者云三月屬什麼生者答云屬龍師拈拄杖云忽然轟一箇霹靂山河大地百骸碎菩提涅槃真如解脫何處有也

浴佛上堂今日如來降誕之日灌沐金軀之時爲復是有塵灌沐爲復是無塵灌沐若道有塵灌沐與如來敵體相違若道無塵灌沐早是塗汙了也畢竟如何可憐一盆湯

上堂俱胝豎一箇指頭雪峯峴三箇木毬石鞞張弓架箭擎亭短棹孤舟鳳山無法可說不妨坐斷杭州

就中却有箇好處好在什麼處四五百條花柳巷二三千所管絃樓

上堂梯雖高不能達河漢歛雖利不能到風輪通上徹下一句作麼生道良久云確

佛日普獎慧辯楚石禪師語錄卷第四

音切

局烏何切柳阻瑟切慙火合切鐸呼嫁切撻七何切捻乃協切眈徒切

又洽大證切猱乃刀切唯魚佳切禪古廉切瞠丑庚切茗徒切

帝之酉切輔蒲拜切黥十敢切鈹七計切

楚石

楚石語錄卷四

六尾

佛日普獎慧辯楚石禪師語錄卷第五
住嘉興路本覺寺語錄

侍者祖濤等編

師於至正四年八月初八日入寺

山門蟄戶未開龍無龍句打破虛空全體顯露復云

步

佛殿佛者覺義覺的是誰西天移來此土藕絲牽著

須彌

祖堂達磨師不是祖半夜下閭浮日輪正草午

據室踞虎頭收虎尾第一句下明宗旨直饒明得已

楚石

楚石語錄卷五

一

是第二句若明不得更叅三十年

拈宣政院疏劄輟芥投針則易轉凡成聖非難不假

他求盡在箇裏還見麼更聽知事宣白

指灤座陽春白雪唱高和寡村歌社舞到處合得著

新本覺今日相席打令去也陞座拈香祝聖畢師云

現成公案不用安排無孔鐵槌有什麼限稍知觸淨

便好商量僧問先聖道帝王長壽天下太平此意如

何師云帝王長壽天下太平進云學人與麼問和尚

因什麼也與麼答師云好本天下同進云不是心不

是佛不是物是什麼師云破草鞋進云還許學人露

秀水東禪寺比丘明得施贊刻此
楚石禪師語錄第四卷
吳明沙彌真玄對
萬曆庚寅秋五臺山妙德齋識

箇消息也無師云苦屈之詞不妨難吐進云衝開碧落松千尺截斷紅塵水一溪師云如蟲御木乃云百尺竿頭進一步海闊天寬萬人叢裏奪高標眼親手辦空劫已前自己卽是日用自己日用自己卽是空劫已前自己不可說不可說香水海浮幢王刹都盧在你眉毛眼睫上普光明殿本是盧舍那與文殊普賢觀音彌勒目連鶯子馬鳴龍樹一一爲諸人演說心地灑門了也還聞麼若聞去不妨隨處度生若不聞壽山入院事繁未有工夫與你說在復舉僧問曹山諸佛未出世時如何山云曹山不如僧云出世後

教部

楚石語錄卷五

二

月得失俱喪是非杳忘撥轉向上關數瞎頂門眼拋却空王殿卸下本來私猶未是衲僧受用處還委恁麼家無小使不成君子復舉智者銓和尚示衆云要扣玄關須是有節操極慷慨斬得釘截得鐵硬剝剥地漢始得若是畏刀避箭之徒看卽有分師云大小智者用盡自己心笑破他人口壽山別無奇特朝晨熱水洗面黃昏脫襪打睡大海從魚躍長空任鳥飛上堂日裏開浩浩不妨靜悄悄夜間靜悄悄不妨鬧浩浩靜的鬧的輟作一團是業識是佛性喝一喝中秋上堂天上月圓人間月半古人道赫日猶虧半

教部

楚石語錄卷五

三

如何山云不如曹山師云大小曹山口甜心苦或有人問壽山諸佛未出世時如何向他道好出世後如何好與他三箇好且聽一生叅

當晚小叅僧問天不能蓋地不能載時如何師云看你分疎不下進云因什麼向芥子裏出頭師云若要好大做小進云莫是他安身立命處也無師云渠儂得自由乃云眼裏著沙不得耳裏著水不得恁麼來者不向一人眼裏著得須彌山耳裏著得大海水恁麼去者不肯一人無言處演言無事處成事無佛處作佛無生處度生卷舒立方外乾坤縱橫掛域中日

烏沉始得圓且那一半落在什麼處更深夜靜共伊商量

上堂舉傳大士云灑地若動一切不安師云壽山從朝至暮不知走了幾遭若是灑地誰敢動著一莖草復云我不爭恁麼道傳大士坐了起不得

上堂此事如一隻手相似開也在我合也在我伸也在我縮也在我只是不許喚作手若喚作手頭上安頭不喚作手斬頭覓活畢竟喚作什麼總道不得壽山通袖去也便下座

上堂三通鼓罷一炷香焚老僧坐定諸人總立古人

道目前無闇黎座上無老僧意作麼生莫是一切皆空麼莫是泡幻之質終歸敗壞麼莫是有形有相便是無形無相麼莫是正恁麼時全明向上事麼莫是換人情識麼總不是這箇道理若與麼見解實未得安樂在行住坐臥動靜去來子細躊躇看

上堂達磨不來東土二祖不往西天臨濟不叅黃檗趙州不見南泉是處池中有月誰家竈裏無煙有問分明向伊道新羅國在海東邊

上堂是柱不見柱非柱不見柱是非已去了是非裏薦取師云教裏少哩修山主有多少奇特也只是座

楚石禪師語錄

楚石禪師語錄

四

主見解未夢見我祖師意旨在見露柱但喚作露柱見燈籠但喚作燈籠不得動著動著三十棒上堂祖禪不了殃及兒孫壽山無端走入水牯牛隊裏牽犁拽耙與你諸人抵債還有人相教麼若有不妨出來道看如無釣竿斫盡重栽竹不計功程得便休

上堂言發非聲色前不物泥像手中拂子踣跳上三十三天水魚口裏明珠吞却山河大地諸人向什麼處安身立命不得春風花不開

開爐上堂寒則普天普地寒熱則普天普地熱百億

世界百億日月總與這裏不別你道西天那爛陀寺裏今日有幾人開爐

上堂召大眾云若道說的是爭奈諸濃寂滅相不可以言宣若道默的是爭奈佛濃無人說雖慧莫能了莫是說時默默時說麼向下又長付在來日

冬至小叅拈拄杖卓一下云三九二十七菩提涅槃真如解脫什麼處去也古人事不獲已向你諸人道目前無濃意在目前不是目前濃非耳目之所到便與麼會去早是第八頭更若躊躇又落第九首德山到此入門便棒臨濟到此入門便喝雪峯到此便道

楚石禪師語錄

楚石禪師語錄

三

南山驚鼻蛇趙州到此便道庭前栢樹子雲門到此便道手中扇子踣跳上三十三天築著帝釋鼻孔把東海鯉魚打一棒雨似盆傾濃眼到此便道叅同契云竺土大仙心遂云無過此語也向下中間也只是應時節說話至最後謹白叅玄人允陰莫慮度乃云住住恩大難酬師云設使粉骨碎身亦報此恩不得若報此恩不得總是虛度允陰只這竺土大仙心未審諸人明也未於此明得冬至一陽生於此不明更過恒河沙劫又卓一下復舉須菩提尊者因帝釋雨花問云此花從天得耶帝釋云弗也尊者云從人得

耶帝釋云弗也尊者云從何得耶帝釋舉手尊者云如是如是師云澤廣藏山裡能伏豹帝釋放過頃善提摩者尋常將什麼說塵也好與一撥

上堂黃帝求珠可貴可賤下和泣玉堪笑堪悲老聃西出函關多處不如少實孔子南游江漢遠親不如近隣潘閭倒騎驢楚志輞音曉這一隊漢生前莽國後顛頑德山令行並須瓦解

上堂舉雲門大師因肇塵師云諸塵不異者不可續是截鷗夷岳盈堅然後為無異者哉門云長者天然長短者天然短又云是塵住塵位世間相常住乃拈

起往杖云不是常住塵師云一家有事百家忙喝一喝下坐

了菴和尚赴靈巖進發上堂僧問西天二十八祖也與麼東土六祖也恁麼恁麼恁麼如何指示師云我却恁麼進云如是則超佛越祖羣古籠今也師云也不消得進云自有一雙窮相手不曾低揖等閒人師云可惜許進云三聖道我逢人即出出即不為人

意旨如何師云頭重尾輕進云興化道我逢人即不出出即便為人作麼生會師云惱亂春風卒未休進云只如新靈巖和尚今日進發且道與兩箇老古錐

是同是別師云還識靈巖麼進云玲瓏八面自回合峭峻一方誰敢窺師云不信道進云昔日和尚來住此山新靈巖與和尚交代今日進發不可空然師云早已龜毛長數丈進云薄批明月高高飮細切清風滿滿盤師云謝供養僧便喝師云禮拜了退乃云三聖道我逢人即出出即不為人興化道我逢人即不出出即便為人你看他臨濟兒孫如水銀落地相似大底大圓小底小圓卒討他頭鼻不著新靈巖和尚

灌衡佛祖鎔鍛聖凡為四海禪流掃諸方露布洞庭湖上豎起金剛幢智積山中豁開正塵眼畢竟憑箇

什麼拈拄杖卓一下下坐

上堂臭肉上蒼蠅坑廁裏蟲子還有佛塵也無有則淨纖懸殊無則聖凡隔絕諸人作麼生下得一轉語

得得病僧意

上堂攪長河為酥酪變大地作黃金供養什麼人盡十方世界是沙門一隻眼水陸空行蜎飛蠕動著在什麼處諸佛非我道誰是寃道者父母非我親誰是最親者國無定亂之劍家無白禪之圖晴是晴雨是雨作麼生道桑樹上著前穀樹上汁出上堂車不橫推理無曲斷非俱盧洲長梗米飯下座

病起上堂壽山不會說禪病起骨露皮穿判得閻羅老子一朝催討飯錢劍樹刀山未免鑊湯爐炭交煎更入驢胎馬腹不知脫離何年因什麼如此是他家常茶飯

除夜小叅僧問臨濟大師道第一句中薦得與佛祖爲師第二句中薦得與人天爲師第三句中薦得自救不了如何是第一句師云咄進云如何是第二句師云墮進云如何是第三句師云去僧禮拜乃云古風大好初無佛祖禪道隨緣放曠任性逍遙當恁麼時不可道你強我弱也見直言見不見直言不見知

楚石禪師語錄

八

直言知不知直言不知東西南北陰陽寒暑高低貴賤是非人我邪裏得許多消息來纔分四聖六凡便見七差八錯有佛有祖有禪有道掀翻海岳抖擻乾坤縱使德山棒如雨點打他不住臨濟喝似雷奔禁他不得壽山這裏只有一口劍佛之與魔總與一刀兩段貴圖天下太平汝等諸人但管饑來展鉢困來合眼復有何事臘月三十日也只是尋常不起纖毫修學心無相允中常自在喝一喝復舉僧問九峯虔和尚祖祖相傳傳箇什麼峯云釋迦慳迦葉富僧云畢竟傳的事作麼生峯云同歲老人分夜燈師頌云

同歲老人分夜燈這頭點著那頭明從來不借他人口切忌如何作麼生

歲旦上堂拈拄杖云山僧一條拄杖不曾胡亂打人今日新正開封去也釋迦老子達磨大師放過不可自餘之輩車載斗量利劍不斬歟漢忽有人出來道長老聾勞脊便棒不是與人難共住大都緇素要分明靠拄杖下座

上堂水中鹽味色裏膠清決定是有不見其形傳大士也是夢中了了醉裏惺惺要識心王猶欠悟在上堂頭上漫漫脚下漫漫爍迦羅眼莫能窺盧舍那

楚石禪師語錄

楚石禪師語錄

七

身全體現便是須彌撲碎海水沸騰大地叢林一時火起也未曾動著一毫毛在天人叅陪無路魔外人作無門任從天下樂訴訴我獨不肯不見道塵中不深丈夫兒喝一喝

上堂一樹兩樹莢花三莖四莖修竹昔年謾說靈雲今日休談多福紅的自紅綠的自綠斜的自斜曲的自曲南北東西叅學人畫蛇往往重添足休添足六六元來三十六

佛涅槃上堂末灋比丘有三種執一人云如來決定在娑羅雙樹間入般涅槃執此爲實累他釋迦老子

歿了活不得一人云常在靈鷲山及餘諸住處執此爲實累他釋迦老子活了歿不得一人云一切塵不生一切塵不滅若能如是解諸佛常現前活的釋迦老子便是歿的釋迦老子歿的釋迦老子便是活的釋迦老子執此爲實正是大病世醫拱手總不與麼時什麼處與釋迦老子相見風爇鳥聲碎日高花影重

浴佛上堂未有世界早有此性世界壞時此性不壞出世不出世成佛不成佛總是閒言語淨灑界身本無出沒大悲願力示現受生恁麼說話正是俗氣不

鼓頌

楚石禪師語錄卷五

十一

除且道喚作釋迦老子不喚作釋迦老子一舉四十

九
結夏小叅僧問巍巍堂堂煒煒煌煌聲前非聲色後非色未審是箇什麼師云無面目漢進云卽今在什麼處師云眼見如盲口說如啞進云此人還曾禁足也無師云脚不離地走進云且道此人肯成佛麼師云莫謗他好進云旣不成佛却教誰度眾生師云有眾生卽須度無眾生度什麼進云如今三界二十五有浩浩地喚作無眾生得麼師云癡人面前不得說夢乃云諸禪德你無外邊世界內脫身心心不繫身

身如虛空身不繫心心如灑界如是禁足無足可禁如是安居無居不安猶未是衲僧行履處直得文殊普賢掃牀摺被等妙二覺隨驢把馬到與麼田地日消萬兩黃金雖然如是西天有人未肯在復舉教中道種種取舍皆是輪迴未出輪迴而辨圓覺彼圓覺性卽同流轉若免輪迴無有是處諸禪德喚什麼作圓覺又如何免得輪迴去東澗水派西澗水南山雲起北山雲

上堂雨後橋平水滿山前麥熟鳥啼岸柳毵毵林花灼灼溪光湛湛草色青青是心耶境耶迷耶悟耶我

鼓頌

楚石禪師語錄卷五

十一

觀三千大千世界迺至無有如芥子許非是菩薩捨身命處你若會得釋迦老子且過一邊

上堂縱橫不礙華藏海中一微塵逆順何拘刹竿頭上翻筋斗無理外之事無事外之理無心外之物無物外之心在蚌爲珠在龜爲兆在牛爲角在馬爲蹄一一交叅重重攝入釋迦彌勒雖然十字當習文殊普賢也只鼻頭向下諸人幸自無事須要護身符子作麼喝一喝

上堂三乘十二分教大似屎害子你無端刺頭入裏許作麼來來我共你葛藤拈拄杖云百千諸佛天下

老和尚到這裏口鋒結舌你試吐露看取箇措師云賺殺人

上堂大事未明如喪考妣大事已明如喪考妣你道有成說無成說長因送客處憶得別家時

上堂聞茶板啀茶去聞浴板洗浴去聞壽山道你諸人休去歇去爲什麼不肯與麼去忽有人出來道和尚怪某甲不得向他道未到壽山與你三十棒了也解夏小叅僧問鐵作脊梁骨金鑄堅實心時如何師云此去錢塘不遠進云壽山門下若有此人未審如何相待師云殷勤送出荒郊外進云謝和尚證明師

散部

楚石語錄卷五

十三

便喝僧禮拜師乃云天地同根萬物一體在谷滿谷枉坑滿坑量過虛空虛空猶有其名號明踰日月日月猶並其光綸彌候各佩古菱花樹木皆爲師子吼塵塵剎剎密密堂堂所以道灋王灋力超羣生常以灋財施一切久積淨業稱無量導奴以寂故稽首有如是奇特有如是靈明但衆生背覺合塵故諸聖應病與藥或立結制或立解制或現全身或現半身但貴正灋流通不許妄生穿鑿火不待日而熱水不待月而涼鷄白鳥玄松直棘曲清風月下守株人涼兔漸逢春草綠復舉世尊因自恣日文殊在三處度夏

迦葉欲白槌擯出方拈槌乃見百千萬億文殊迦葉盡其神力槌不能舉世尊還問迦葉汝擬擯邪箇文殊迦葉無對師云迦葉好不丈夫莫道百千萬億文殊便是百千萬億世尊也下一槌擯出不見道棒下無生忍臨機不見師

了菴和尚退靈巖回叙謝上堂夫爲善知識者驅耕奪食轉凡成聖其見善知識者如見青蓮華眼根清淨其聞善知識說灋者如餐香積國飯毛孔俱香靈巖禪師之謂也再歸檣李溪樞鄙懷龍象叅陪幸希珍重

散部

楚石語錄卷五

十三

上堂天上天下脚頭脚尾橫三豎四是我尋常用的你諸人只好旁觀諸方學得來的不要有時教伊揚眉瞬目有時不教伊揚眉瞬目有時教伊揚眉瞬目是有時教伊揚眉瞬目不是智者聊聞猛提莫待天明失却雞

看田回上堂舉爲山問仰山云何處來仰云田中來爲云田中有多少人仰鍾鋏叉手而立爲云今日南山大有人刈茅仰拽鋏而去雪竇云諸方咸謂鍾鋏話奇特大似隨邪逐惡據雪竇見處仰山被爲山一問直得草繩自縛去處十分妙喜云仁者見之謂之

仁智者見之謂之智百姓日用而不知故君子之道鮮矣師云幸是無事被妙喜老漢念一道真言直得天左旋地右轉

新贈藏經上堂舉雪峯一日普請搬柴次中路逢一僧乃擲下一段柴云大藏教只說這箇後來真如詰云一大藏教不說這箇師云只這箇是什麼說與不說且諸人向什麼處見二大老中岳能堅起拂子云提起則知是我聞放下則信受奉行師云若作佛魔商量須須墮落

建萬佛閣上堂僧問通塞處空不是莊嚴樓閣分明

一

聖石語錄卷五

十四

面目亦非一萬如來敢問壽山憑何建立師云魯班繩墨連云物見主眼卓豎師云鈎在不疑之地連云若不登樓望焉知滄海深師云亂走作麼乃云一拽石二搬土發機不用千鈎弩無邊樓閣滿虛空曠大劫來誰是主誰是主須辨取最好一梁對一柱便下座

謝首座秉拂都寺辦齋上堂禪非意想以意想求之則乖道絕功勛以功勛擬之則錯安箇是立箇非捨箇迷就箇悟轉急轉緩轉親轉疎不能透過那邊多只住在這裏進則銀山萬疊退則鐵壁千尋搜得一

聖石語錄

卷五

路開挨得一線入元來自己便是銀山鐵壁到與麼田地有什麼奇特三德六味味逾多一句了然超百億

上堂一切處是自己已饅頭餛子是也不是語默動靜無第二人東廊下西廊下口吧吧地如瓶瀉水相似驀節被人問如何是上座自己答不得雖然答不得要且不會失呵呵下座

歲旦上堂拈拄杖云新年頭有佛灑拄杖子也未敢相許新年頭無佛灑拄杖子也未敢相許離四句絕百非總是諸方舊話子拄杖子也未敢相許畫一畫

一

聖石語錄卷五

十五

元正啓祥萬物咸新

上堂過去諸如來且居門外現在諸菩薩更莫躊躇未來修學人快走始得十方虛空撲落地上海海底火發燒著帝釋眉毛東海龍王轟一箇霹靂新羅國裏拍手大笑出門頭金剛豎起拳華光土地道用盡自己心笑破他人口喝一喝

結夏小參僧問一言道盡時如何師云開口了合不得連云不假一言時如何師云合口了開不得進云總不與麼時如何師云七棒對十三乃云眨上眉毛早踉過開得口來已話墮祖師關換小人知徧界慈

范脚踏火聲前展演賺殺閻梨句後商量翻成途轍
一踢踢翻大海水一拳拳倒須彌山猶未是性躁漢
在何況起模畫樣詐啞伴聾斷妄攀緣求真解脫大
似認鶻鷹作水買朱砂畫月驢年解休歇麼壽山不
惜口業爲你諸人點破豎拂子云還見麼這箇是文
殊門若從文殊門入者山河大地墻壁瓦礫教你背
塵合覺擊拂子云還聞麼這箇是觀音門若從觀音
門入者松風澗響鴉鳴鵲噪教你返本還源到箇裏
證不動尊成無上覺更須知有頂門一竅還委麼
麥秋晨氣潤槐夏午陰清復舉龐居士參馬大師不

支那

楚石語錄卷五

十六

與萬漚爲侶是什麼人大師云待汝一口吸盡西江
水却向汝道師頌云蓋天蓋地一句子馬師盡力提
不起好笑青原接石頭逢人但問廬陵米

上堂古人云擬爲你吞却只爲當門齒礙如今不礙
也吞得麼擬爲你吐却只怕咽喉小如今不小也吐
得麼吞得一任吞吐得一任吐設你吞得吐得我更
問你是什麼乾屎橛

上堂是凡是聖半合半開非佛非心全生全殺直似
排空健翮萬里橫翔透網金鱗一絲不挂豈不俊快
衲僧有時句到意不到有時意到句不到有時意句

俱到有時意句俱不到若意句俱到你作麼生商量
若意句俱不到你又向什麼處鴿啄上上人來時如
何點

中夏上堂舉龐居士云護生須是殺生薑不改辣殺
盡始安居到處得逢渠欲識箇中意爛泥裏有刺鐵
船水上浮鬚子沒髭須有底見他道殺也便道殺佛
殺祖揀箇什麼恁麼見解鄭州出曹門不如休去歇
去好忽然築著鼻孔鐵船水上浮是真實語

上堂大道只在目前要且目前難覩欲識大道真體
不離聲色言語諸仁者佛殿裏香爐東司頭籌子爲

支那

楚石語錄卷五

十七

你說了也憍陳如尊者醉後添杯來我這裏聽的總
是註脚當初只謂茅長短燒却元來地不平

上堂彈指一下云這裏聞去一根旣返源六處咸休
復眼處作耳處佛事耳處作鼻處佛事鼻處作舌處
佛事舌處作身處佛事身處作意處佛事意處作一
切處佛事畢竟是一耶是六耶纔有一便有六纔有
六便有一此是一六之義不可道是無也無眼耳鼻
舌身意無色聲香味觸灑又不可認有也這箇是教
意那箇是祖意喝一喝

解夏小叅僧問九夏償勞如何言薦師云重疊關山

路進云便與麼去時如何師云江南僅有江北絕無乃云數日已來可謂極熱晚間得雨便覺清涼熱既不從外來涼亦非從內出不離當處廓爾現前則古釋迦不先今彌勒不後何待精修六度始至灋雲遠涉僧祇方階佛果便可於一毫端現寶王刹坐微塵裏轉大灋輪有時拈一莖草作丈六金身用有時拈丈六金身作一莖草用如斯坐夏功不浪施端的蠟人冰純成鐵彈子功圓果滿一句作麼生道一片月生海幾家人上樓復舉僧辭歸宗宗云什麼處去僧云諸方學五味禪去宗云我這裏有一味禪僧云如

敲禪一

楚石語錄卷五

六

何是一味禪宗便打僧云我會也我會也宗云道道僧擬開口宗又打黃檗曰馬大師出八十四人善知識問著箇箇灋鹿地祇有歸宗較些子師云說什麼較些子直是未在我這裏有一味禪便與掀倒禪牀見之不取思之千里上堂聞聲悟道塞却你耳根見色明心換却你眼睛蒲團上端坐針眼裏穿線西風一陣來落葉兩三片上堂東弗于逮普請搬柴西瞿耶尼和南不審南瞻部洲作什麼復云適來猶記得離千手千眼大悲像上堂僧問大悲菩薩用許多手

眼作什麼師云春風不裏頭乃舉南泉喚院主主應諾泉云佛昔九十日在初利天爲母說灋時優填王思佛請目連運神通三轉攝匠人往彼雕佛像只雕得三十一相爲什麼梵音相雕不得院主問云如何是梵音相泉召院主主應諾泉云賺殺人師召奴云若識得梵音相應以佛身得度者卽現佛身而爲說灋乃至應以天龍夜叉乾闥婆阿修羅迦樓羅緊那羅摩睺羅伽人非人等身得度者卽皆現之而爲說灋且道說什麼灋便下座龍翔曇芳和尚遺書至上堂心同虛空界示等虛空

敲禪一

楚石語錄卷五

十九

灋證得虛空時無是非灋既無是非灋又無非灋則諸佛戎等正覺轉妙灋輪入般涅槃如夢相似曇芳老子佛海禪師屢重名蓋親承眷遇方辭徑塢卽據龍翔末後光明全身舍利八斛四斗未足爲多試拈一粒與諸人看豎拂子云海神知貴不知價畱與人間允照夜郎拂子上堂函蓋乾坤句隨波逐浪句截斷叟流句更有一句喚作什麼寢人面前莫說打你頭破額裂上堂好雪從什麼處來山河大地白皚皚畢竟向什麼處去日出後一時吐露

我且上堂今年年是去年年年去年來知幾年昨日是今日日日日出日入非一日口箇裏去來無出入年年是好年日日是好日四俱東海派投若波羅蜜上堂舉濃華云止止不須說我適嫌難思諸僧上慢者聞必不敬信師云說了也止得麼黃面老人小疎不下卓拄杖有時拈拄千峯頂劃斷天雲不技高上堂豎拂子云知有底喚這箇作拂子不知有底亦喚這箇作拂子作麼生辨什麼難辨就中知有底把來使用不知有底用不得如今在壽山手裏知有不知有那裏得這消息來擲拂子下座

上堂白牡丹紅芍藥開是春風開落是春風落開落春風總不知不知蚤已成圖度搖手云莫莫蘭華嚴至上堂善財歷一百一十城參五十三員善知識末後再見文殊方了大事古人道更有一人爲什麼善財不參且道是什麼人咄上堂鴉鳴鴉鳴鴉鳴郭公鳴郭公姑惡鳴姑惡亦何必續鳬截鶴夷岳盈整禪子相投西山月落浴佛上堂未出胞胎以前有一轉語山僧四處住山不曾說著今日如來降誕未免舉似諸人便下座結夏上堂汝諸人見壽山搖唇鼓舌便擬聚頭鴉啄

句意只下傳星及乎放出金剛圖地下果轉迷十箇三雙吾道不得此無也從前在羈轡裏妄想慣了又習習中我風物未除卒遇惡辣鉗鎚便生退屈明明何你道此事不在言語上千經萬論可是無言語還使得喻心也無端的要及喻心不用九十日內參取上堂參禪羅道我從無量劫來未嘗殺生諸人作麼生會不可作無生話會也若與麼會生身陷地獄上堂十方世界開豁豁山河大地只一撮是非長短與不說何以壽山廣長舌既是廣長舌因什麼不說珊瑚枝枝撐著月

上堂一向面壁道絕人荒一向食程眼睨耳熱未有長行而不住未有長住而不行或時十字街頭拈起拄杖和其兒同其聖灼然一切處光明燦爛去或時孤峯頂上放下鉢囊杜其鉢塞其穴灼然一切處枯淡去卽心是佛也不得非心非佛也不得不是心不是佛不是物也不得我見兩箇泥牛闌入海直至如今無消息喝一喝上堂得之於心伊闌作梅檀之樹失之於旨甘露乃羨藥之園生佛本同因什麼有得有失若道聖凡差別證修不諦心旨故殊與麼喚作三家村裡瞎老婆

說話未曾夢見我衲僧腳下一莖毛在。有般漢便道：「此事得者本不得，不得者亦不失。」盡是野狐精、魘魅。人家男女未有了日，更撞著禪牀上老比丘，又不識好惡，三百五百聚頭商量道：「我開鑿人天眼目，著甚來由滴水寸絲也須償他始得。」

解夏小叅，僧問一人：「因說得悟，一人因叅得悟，一人無師自悟。」三人回到壽山，未審接那一人。師云：「師子咬人，韓盧逐塊。」進云：「總不與麼來，時如何？」師云：「却較些子。」進云：「壽山門下風吹不入，水洒不著。」師云：「罕逢罕耳。」

客多遇刻舟人，進云：「和尚只有受壁之心，且無割城之意。」師云：「莫錯怪老僧。」僧禮拜，師乃云：「黃面老人於三七日中思惟如是事，作麼生？是如是事，莫是前後際斷？是如是事，莫是度生？既畢入般涅槃，莫是如是事，麼？若喚這箇作如是事，正是水母以蝦爲目，無自由分。謗他黃面老人，卑鐵棒有日汝等諸人九十日內，畢竟思惟箇什麼？我道黃面老人與你同一眼見，同一耳聞，同一鼻嗅，同一舌嘗，同一身觸，同一意知，一切智智清淨無二，無二分，無別無斷。故雲：門中扇子踣跳上三十三天，築著帝釋鼻孔，把東海鯉魚。」

打一棒雨似盆傾，又作麼生？昔年枉向途中覓，今日看來火裏冰。復舉保寧勇和尚示寂洞山云：「五臺山上雲蒸飯，佛殿階前狗尿天。利竿頭上煎餛飩，子三箇胡孫夜簸錢。石霜云：風吹石曰爭，哮吼泥捏金剛空裏走，趯翻海月亂波生。驚起土星犯南斗，道吾云：三面狸奴脚踏月，兩頭白牯手拏煙。戴冠碧兔立庭栢，脫殼烏龜飛上天。此三頌一與祖佛爲師，二驗衲僧眼目。三與天下人作榜樣。若人定當得出許具一隻眼。」師云：「保寧批判此三頌，易分雪裡粉難辨，墨中煤壽山不惜眉毛從頭注破，一與祖佛爲師，分文不直。」

二驗衲僧眼目，是甚泥彈丸。三與天下人作榜樣，且莫錯會。直饒會得萬里望鄉關，造萬佛上堂，僧問：「爲山和尚道：凡聖情盡，體露真常。事理不二，即如如佛。」師云：「佛在什麼處？」師云：「南地竹北地木。」進云：「此佛還有形相也。」無師云：「胡人飲乳，返怪良醫。」進云：「和尚爲什麼特地起模畫樣？」師云：「打草只要蛇驚。」進云：「未審有功德無功德？」師云：「放待冷來看。」進云：「但願東風齊著力，一時吹入我門來。」師云：「又恁麼去也？」乃云：「夜夜抱佛眠，喚什麼作佛？朝朝還共起，莫錯認定盤星。」起坐鎮相隨，畢竟是阿誰？語默同。」

佛日普災慧辯楚石禪師語錄卷第六
住嘉興路報恩炎孝禪寺語錄

參學比丘景獻等編

師於至正十七年八月初一日入寺

山門無門之門不入而入雲坐四野水滿雙湖若要天下橫行親到一回始得

佛殿還識佛麼面如滿月目如蓮天上人間咸恭敬祖堂一花五葉起必有因且道從什麼處起岸上蹠踏蹠水中嘴對嘴

據室潤一丈高十尺是你諸人爲什麼入作不得鐵

壁鐵壁

楚石語錄卷六

一

壁鐵壁

拈行宣政院疏燮理陰陽旁通造化充錫佛日普扇真風還他大力量人成此大力量事召衆云高著眼拈諸山疏江南北浙西東同中有異異中有同野色更無山隔斷天允直與水相通會麼若也不會看取下面註脚

指灋座諸灋以空爲座空尚不有說什麼諸灋便恁麼散去豈不丈夫更待如何若何且聽喚五作六遂陞座拈香祝聖畢師云言迹之興異途之所由生直截根源的出衆相見僧問天得一以清地得一以寧

聖人得一以治天下如何是天得一以清師云有星皆拱北進云如何是地得一以寧師云無水不朝東進云如何是聖人得一以治天下師云一人有慶兆民賴之進云衲僧得一又作麼生師云斬草蛇頭落進云今日和尚開堂演灋文武臨進一切人天悉皆圍繞未審一耶一切耶師云普進云一寸筆頭三尺劍盡是安邦定國人師云更不切切僧禮拜師乃云孤迥迥峭巍巍聖賢罔措活滾滾明落落周而無餘有世界以光明爲佛事有世界以莊嚴爲佛事有世界以香飯爲佛事有世界以音聲爲佛事有世界以

寂默爲佛事且道報恩這裏以何爲佛事以不可思議爲佛事所謂諸佛出現不可思議衆生業果不可思議世界成壞不可思議此不可思議亦不可思議是故一爲無量無量爲一大中現小小中現大於一毫端現寶王刹坐微塵裏轉大灋輪畢竟承誰恩力喝一喝復舉南堂靜和尚云君王了了將帥惺惺一回得勝六國平寧師云雖然如是堯舜之君猶有化在大助不豎賞一句作麼生秋風吹渭水落葉滿長安

楚石語錄卷六

二

當晚小叅舉臨濟大師道有時一喝如金剛王寶劍

有時一喝如踞地獅子有時一喝如撲竿影草有時一喝不作一喝用師便喝云且道這一喝落在什麼處爲復是金剛王寶劍爲復是踞地師子爲復是撲竿影草爲復是一喝不作一喝用試辨看若辨不出報恩與你註破金剛王劍目前可驗擬議不來墮坑落塹踞地獅子直下便是打破彌樓拈却牙齒撲竿影草好也不好左手扶起右手推倒有時一喝不作一喝用大小臨濟只管說夢便與麼會猶欠一喝在喝一喝

中秋上堂天地未分時高低覆載何在日月不到處

楚石語錄卷六

三

允明燭燭無偏真箇是描不成畫不就昨夜三更白如畫

上堂拈拄杖召大眾云還識拄杖麼回天轉地更是阿誰打雨敲風不借他力若也識得便能不起滅盡定而現諸威儀不歷僧祇劫而成一切智不斷煩惱而證涅槃聲聞人斷煩惱菩薩了煩惱體空嗔時無嗔相喜時無喜相嗔喜不相關本來無體相擲拄杖下座

上堂通身是眼爲什麼覷不見通身是耳爲什麼聽不聞通身是口爲什麼說不到通身是心爲什麼鑒

不出報恩有一道聰明神呪布施諸人去也便下座上堂舉教中道耶輸提比丘觀視於地而心得解脫婆伽梨比丘觀視於刀而心得解脫豎拂子云報恩豎起拂子諸人得解脫麼若道我得解脫未舉拂子時誰縛你

冬至小叅僧問去年冬至時滿目是旌旗今年冬至到由斯免亂離畢竟這裏無兵甲師云恰好進云千兵易得一將難求如何是難求之將師云低聲低聲進云忽遇軍期急速時如何師云自有彈壓在進云與麼則從前汗馬無人識只要重論蓋代功也師云

楚石語錄卷六

四

落任什麼處進云紫羅袋裏盛官詰金榜題名天下傳師云且緩緩乃云成就一切不由他破壞一切無別處天上人間得自在十方世界橫該抹便與麼會喚作依通已眼未開無自由分直須識渠面目次盡偷心絕後再蘇方堪進步無量世間瀟灑無量出世間瀟灑無量神通妙用無量殊勝莊嚴一一現前一一解脫一一明妙一天真所以道真性心地藏無頭亦無尾應緣而化物方便呼爲智向上還有事也無有今日十五明日十六復舉鹽官道虛空爲鼓須彌爲鼓甚麼人打得南泉道王老師不打這破鼓灑眼道

王老師不打自然是箇破鼓師云且道什麼處是他破處驢年夢見麼

上堂舉承天嵩和尚示衆第一單鎗甲馬第二甲馬單鎗第三撒星排陣第四衣錦還鄉有僧便問如何是單鎗甲馬嵩云不是金牙作爭能射尉遲僧云如何是撒星排陣嵩云金鐵馬前落樓煩喪膽魂僧云如何是衣錦還鄉嵩云四海無消息回奉聖明君師云承天幸是太平時節何得干戈相待報恩今日也不用單鎗甲馬也不用甲馬單鎗也不用撒星排

鼓師

楚石錄卷六

五

陣也不用衣錦還鄉寒來向火熱則乘涼撒手到家人不識了無一物獻尊堂

佛成道上堂如來明星現時成道你道半夜裡瞌睡

的還見明星麼
上堂南泉道我十八上解作活計趙州道我十八上解破家散宅諸人向什麼處見二大老若向作活計處見南泉又不見趙州若向破家散宅處見趙州又不見南泉不如和會一家免致遮相矛盾却教作活計的破家散宅淨僂僂赤洒洒沒可把好快活破家散宅的作活計七珍八寶一齊拏更無欠少也好快

活然後報恩坐地看揚州總爲戰爭收拾得却因歌舞破除休

除夜小參是日已過命亦隨滅如少水魚斯有何樂陸居者以陸居爲樂水居者以水居爲樂麀居者以麀居爲樂郊居者以郊居爲樂乃至蜎飛蠕動一切含靈運用去來莫不有樂釋尊與麼道意在於何可來白雲裡教你紫芝歌復舉興化和尚道我聞長廊也喝後架也喝諸子莫盲喝亂喝直饒喝得興化向半天裏住却撲下來一點氣也無欸欸地蘇醒起來向你道未在何故我未曾向紫羅帳裏撒真珠與你

鼓師

楚石錄卷六

六

諸人在師云我當時若見只向他道何必待這老漢東西顧視却與一喝驚羣須是英靈漢勝敵還他師子兒

正旦上堂三百六旬之始二十四氣之初斗柄回春風兌奪目或晝短而夜長或夜短而晝長或暑往而寒來或暑來而寒往花根本體虎體元斑雖然不改舊時人未免人人添一歲召衆云祇這一歲添到盡未來際那裡泊在

元宵上堂烈燄爐中撈得月此月了無圓缺大洋海底剔金燈此燈不屬晦明正當正月十五日天上人

開標不出黑似漆明如日自古自今誰得誰失皆吾心之常分非有假於他術喝一喝

上堂拈拄杖云報恩未踞曲录木牀已前與拄杖子同叅四十年來五處住山與拄杖子同樂畢竟作麼生叅又有什麼樂教拄杖子開口即易教報恩開口即難何也父母所生口終不爲汝說且聽拄杖子說看卓一下云此是截鐵之言

上堂深深海底撥得一星火高山頂釣得一雙魚然此火煮此魚喚取木人開鉢孟石人聞得暗嗟吁莫嗟吁爭之不足讓之有餘

文那

楚石語錄卷六

七

華嚴經會陞座僧問一塵含瀟界無邊時如何師云三更不閉戶進云善財童子爲什麼往南方師云一步不曾移進云五十三人善知識各談瀟要不可是虛說也師云一家有事百家忙進云如何是普光明殿師云草裏覩進云如何是盧舍那身師云上是天下是地進云竹影掃堦塵不動月穿波底水無痕師云蝦跳不出斗進云今日元帥恭請本山一眾闍華嚴經未審八十一卷中那一句最親切師云合眼跳黃河進云若將耳聽終難會眼處聞聲方得知師云一任鑽龜打瓦乃云說眞說妄眞妄本處如理如事

理事常寂問也言言絕待答也句句通宗經中道華藏世界所有塵一一塵中現瀟界寶光化佛如雲集此是如來刹自在刹自在故即凡身而證佛身現瀟界故處截土而同淨土開市裏天子百草頭老僧前三三後三三你又作麼生會喝一喝復舉僧問上藍超和尚善財既見文殊爲什麼却往南方此意如何藍云學憑入室知乃通方僧云到蘇摩城後彌勒爲什麼遣見文殊藍云道曠無涯逢人不盡師云奇特中奇特玄妙中玄妙達瀟源的須是上藍始得祖師門下直是未在

文那

楚石語錄卷六

八

結夏小叅僧問如何是山裏禪師云胡孫上樹尾連頭進云如何是城裏禪師云十字街頭一片瓢進云如何是村裏禪師云扶桑人種陝西田進云謝師答話師云蒼天蒼天乃云衣食養壽命一日不可無糞掃散寒暑羶癘瘵形枯昨日三春今朝九夏何不趁色身强健時撥教生次路頭明白要去便去要住便住誰障得你誰礙得你豈不俊哉豈不快哉且道生次路頭作麼生撥空手把鉏頭步行騎水牛人從橋上過橋流水不派若不會與你下箇註脚空手把鉏頭驟馬上高樓步行騎水牛鬧處冷湫湫人從橋上

過飯羅頭受餓橋流水不流撥火覓浮溫時不待人
參復舉圓覺經云居一切時不起妄念於諸妄心亦
不息滅住妄想境不加了知於無了知不辨真實師
云若然者道有也得道無也得向上也得向下也得
得也得不得也得數片白雲籠古寺一條綠水繞青
山

上堂羣芳已謝百穀云滋綠樹鶯啼雕梁燕語大野
涼風颯颯長天細雨濛濛一堅密身一切塵中現
還有不現的時節麼卓拄杖一下
上堂鷹化爲鳩眼在魚化爲龍鱗在凡化爲聖心在

楚石語錄卷六

楚石語錄卷六

九

阿那箇是你心喝一喝

上堂天不能蓋誰是能蓋者地不能載誰是能載者
日月不能照誰是能照者父母不能生誰是能生者
這一句子亦能迷却天下人亦能悟却天下人豎拂
子云開眼也著合眼也著擲拂子云是什麼

上堂知見立知卽無明本知見無見斯卽涅槃無明
涅槃相去多少良久行到水窮處坐看雲起時

上堂宗門中瓶中鵝喻井中人喻窻中山喻教乘中
水中月喻鏡中像喻庫中刀喻鼎中金喻瓶中空喻
諸有智者要以譬喻而得開解三十年後悟去不得

孤負老僧

久雨不晴割上堂太陽溢目萬里不挂片雲古人道
青天也須喫棒空將未歸意說與欲行人

上堂舉手云開卽成掌五指參差在臨濟則三要三
玄在洞山則正偏回互在雲門則三句擡薦在瀉仰
則父子唱酬在澧眼則唯心唯識禪門五派有卷有
舒乃握拳云如今爲拳必無高下旣無高下坐斷古
今拈燈籠向佛殿裏將三門來燈籠上

上堂半夜子心住無生卽生歟拈拄杖云這箇不是
無生卓一下云生歟向什麼處去也昨夜三更在方

楚石語錄卷六

楚石語錄卷六

十一

丈內偶然踏著一物不知是瓦不知是石天曉看來
元是一顆爛瓦一疑是瓦也不是一疑是石也不是
天曉看來是爛瓦祇這疑心何處起亦無神亦無鬼
子細思量祇是你昔日玄沙同僧入山見虎僧云和
尚虎沙云是你虎乃撫掌三下下座

解夏小叅僧問佛佛授手祖祖相傳未審是授衣耶
傳澧耶學人上來請師指示師云黃河九曲進云昔
日大慧和尚居洋嶼菴一夏打發一十三人畢竟是
有傳授無傳授師云所願望扶桑進云報恩一叟還
有人得道也無師云青天白日進云學人未得入處

請師不吝慈悲師云莫鬼語進云携取詩書歸舊隱
野花啼鳥一般春師云取性乃云報恩一夏說的諸
人一夏叅的須知說的不道一字叅的不資一灋不
道一字說而無說不資一灋叅而無叅叅而無叅真
叅說而無說真說所以道十方同聚會箇箇學無爲
此是選佛場心空及第歸大丈夫不可受人處分也
心空及第壓良爲賤成佛作祖愛聖憎凡總不與麼
無繩自縛直下如獅子兒哮吼一聲孤狼野干一時
屏跡如塗毒鼓一擊遠近聞者皆喪九旬制滿又作
麼生尋常恰似秋風至無意涼人人自涼復舉洞山

楚石

楚石語錄卷六

十二

與密師伯叅鄂州哲禪師哲問曰閤梨近離什麼處
山云湖南哲云觀察使姓什麼山云不得他姓哲云
名什麼山云不委他名哲云還治事否山云自有廊
幕在哲云還出入否山云不出入哲云豈不出入洞
山拂袖便行明日哲入僧堂云昨日對二閤梨一轉
語不稔今請二閤梨道若道得開粥相待過夏速道
速道山云太尊貴生師云要會尊貴麼報恩不開這
兩片皮諸人向什麼處摸索
上堂秋風涼秋夜長天河無起浪月桂不聞香耳到
聲邊聲到耳從教露草泣寒蟬

中秋上堂舉雲巖掃地次道吾云何得太區區生巖
云須知有不區區者吾云與麼則第二月也巖豎起
帚云這箇是第幾月吾拂袖出去雲門云奴見婢殷
勤師云雲巖豎起帚道吾便出去總是第二月那箇
是不區區者此夜一輪滿清光何處無
探元帥回上堂兵隨印轉紀信登九龍之輦將逐符
行霍充賣假銀之賊然則有符必有將有印必有兵
兵在這裏印在什麼處良久云報恩今日小出大遇
上堂如我按指海印發光汝暫舉心塵勞先起師云
我不似黃面老人打破狼藉喚什麼作海印將那箇

楚石

楚石語錄卷六

十三

爲塵勞竟針鋒許了不可得
諸山至上堂僧問如何是在窟師子師云頭頂天進
云如何是出窟師子師云腳踏地進云如何哮吼師
子師云還聞麼進云卽今聞也作麼生師云伏唯尚
享乃云一花開大地春一葉落天下秋動絃別曲貴
知音瞬目揚眉早蹉過然則不犯之令把斷要津無
味之談塞斷人口德山棒臨濟喝俱抵豎指眷祖面
壁歸宗斬蛇大隋燒畬石鞏張弓子湖看狗或則平
田淺草或則鐵壁银山或則掣電轟雷或則和泥合
水全提正印獨振宏綱檢點將來不無滲漏所以卽

心卽佛今時未入玄微非心非佛猶是指蹤之極向上一路千聖不傳學者勞形如猿捉影還有趣向分也無平蕪盡處是青山行人更在青山外復舉僧問黃龍幾和尚云禪以何爲義幾云以謗爲義師云若有人問南湖禪以何爲義向他道以贊爲義且道謗的是贊的是眼見則瞎耳聽則聾口說則啞心思則窮天際雪埋千丈石洞門凍折數株松初冬回寺上堂僧問昔日有僧問大隋劫火洞然大千俱壞未審這箇壞不壞隋云壞僧云與麼則隨他去也隋云隨他去也此意如何師云疑則別參進云

十一

楚石錄卷六

十三

後來雪竇頌云劫火炎中立問端衲僧猶帶兩重關可憐一句隨他去萬里區區獨往還如何是兩重關師云十重也有進云這僧因什麼有疑師云裂破進云未審大隋意作麼生師云前不迭村後不構店進云白雲乍可離青嶂明月難教下碧天師云你猶醉在乃云一毫吞却山河大地則易山河大地吞却一毫則難也不難也不易鋪箇破席日裏睡料想上方兜率宮也無如此日炙背復舉青蘿食緣直上寒松之頂白雲淡泞出沒太虛之中萬灩本閒而人自鬧黃龍云關箇什麼師云莫道無事好

佛日普獎慧辯楚石禪師語錄卷第六

音切

獄胡官切號徒奚切燮蘇切羈力葛切釐師長切會與居切汔

直與

嘉興卽世熙施贊刻此
楚石禪師語錄第六卷
州王國英書應天六府深木縣端本澄刻
萬曆庚寅秋五臺山妙德菴識

十一

楚石錄卷六

十四

佛日普獎慧辯楚石禪師語錄卷第七
再住海鹽州天寧永祚禪寺語錄

侍者良彥等編

示眾祖師言句無你師噉處如今兄弟行脚傍人門戶弊他殘羹餽飯好不惺惺只管橫咬豎咬不肯放糞堆頭繩子一般纔拂他反生嗔怪眾生顛倒以觸爲淨莫教一場契病到時求生不得生求死不得死却思量從前做的全未了在這箇說話不是山僧誑你賺你看他從上佛祖怎生爲人南泉道不是心不是佛不是物又僧問洞山如何是佛山云麻三斤

楚石語錄卷七

楚石語錄卷七

一

許你師噉麼終不教你意根下卜度盡是從千聖頂額上拈出倚天長劍向你第八識上斷一刀教你放身捨命死中得活方好開大口道我是衲僧自既解粘去縛亦能與人解粘去縛自既作佛亦令大地眾生作佛解好麼

示眾十二時中不依倚一物尚未是作家我宗門中不似三經五論座主向葛藤裏埋却兄弟開口便道我是禪和及乎問他如何是禪便東覷西覷口如匾擔相似苦哉屈哉達磨一宗看看委地也弊却佛祖飯了不去理會本分事爭持文言俗句高聲大語略

無忌憚全不識羞有般底不去蒲團上坐究明父母未生以前本來面目令地裏學客春指望求福餘業障與道太遠在不見道只今休去便休去欲覓了時無了時

示眾一朝村院主萬劫出頭難大難大難若是箇漢佛語祖語不教蘊在胸襟掉向他方世界何況世間淺近之學便誦得四常施典但增妄想堪作什麼食人涎唾未有了日不如無事好見我道無事便作無事會又爭得若要真箇無事須下死工夫大死一回死中得活便能超毗盧越釋迦百千重七通八達

楚石語錄卷七

楚石語錄卷七

二

祖師巴鼻向上宗乘盡與埽除不勞拈出雲門云我今日共你說葛藤屎尿火泥猪疥狗不識好惡屎坑裏作活計汝若跳出屎坑却來山僧手裏請棒擗示眾看這般時節有志學道兄弟那裏放包從上來建立門庭爲什麼事可但爲你幾箇鄉親法眷圖口腹恣無明成羣作隊造地獄業佛法禪道推向一邊爭知業報來卒難避不得刀山劍樹鑊湯爐炭無人替代渠如今大方叢林兵變以來南北東西萬中無一因什麼如此蓋是惡貫滿業果熟自作自受更教誰承當祖師勸你出家終不但爲衣食名利拋鄉別

并也只爲生處事大無常迅速尋師訪友切切究明
噴地一發成佛佛祖去報父母深恩去度脫天下人
去既不如此因何出家冷地思量古風大好饑則乞
食寒則補衣日中一餐樹下一宿旅泊三界示一往
還永斷無明方成佛道豈不見無業國師示衆云古
人得意之後茅茨石室折脚鐺子裏煮飯喫過三二
十年名利不干懷財寶不爲念大忘人世隱跡巖叢
君王命而不來諸侯請而不赴豈同吾輩貪名愛利
汨沒世塗如短販人有少希求而忘大果與麼指示
可煞分明作福不如避罪多虛不如少實在此衣線

支那

楚石語錄卷七

三

下一道圓光阿誰無分莫教失却人身只要你直下
構取便與佛祖齊肩若道山僧妄語甘入拔舌地獄
示衆因舉教中有六念念佛念法念僧念戒念天念
施納僧門下念箇什麼若道念佛道著佛字漱口三
年不可是念佛也若道念法尚應捨何況非法不
可是念法也清淨行者不入涅槃破戒比丘不入地
獄不可是念僧也持犯但束身非身無所束不可是
念戒也三界無安猶如火宅不可是念天也施者受
者併所施物三輪空寂俱不可得不可是念施也莫
是無念麼纔是無念便是有念避溺投火轉見病深

楚石禪師語錄

直饒獨脫無依要作衲僧奴子亦未可枉欲得會麼
千年無影樹令時沒底轡
示衆上來下去總似衲僧子細檢點將來只這上來
下去全無衲僧氣息莫是不上來不下去是衲僧麼
不可燈籠露柱便是不思議人也佛法不是這箇道
理終不禁你上來下去上來下去沒嫌底法但只怕
你肚裏有疑設使禪牀上坐閉眉合目不免心念紛
飛廊下經行依舊七顛八倒祖師見你如此立箇繫
驢橛了事衲僧拽脫便行上來下去有什麼事法眼
和尚云昨夜鐘鳴時諸人盡來此今夜鐘鳴時復來

支那

楚石語錄卷七

四

有何事有何事無一事無事人佛也不奈他何洞山
和尚云我這裏尋常方丈內不似諸方一箇上來一
箇下去啾啾唧唧私地裏說的禪道佛法盡是向你
兄弟面前滿口說滿口道滿口拈提滿口樂揀無你
左遮右掩處這箇說話是事不獲已一時和底翻出
喚作歎馬醫約山僧見處無佛無祖無生處無涅槃
只要你直下無事更問如何苦哉佛陀耶
示衆可中學道多只認得箇昭昭靈靈殊不知昭昭
靈靈正是生處根本長沙和尚道學道之人不識真
只爲從前認識神無量劫來生處本癡人喚作本來

卷七

人楞嚴會上釋迦老子爲阿難說一切眾生從無始來種種顛倒業種自然如惡叉聚諸修行人不能得成無上菩提乃至別成聲聞緣覺及成外道諸天魔王及魔眷屬皆由不知二種根本錯亂修習猶如煮沙欲成嘉饌縱經塵劫終不能得云何二種阿難一者無始生滅根本則汝今者與諸眾生用攀緣心爲自性者二者無始菩提涅槃元清淨體則汝今者識精元明能生諸緣緣所遺者由諸眾生遺此本明雖終日行而不自覺諸仁者且道生滅根本與菩提涅槃是同不同若道同生滅自生滅涅槃自涅槃若道

大耶

楚石語錄卷七

三

不同阿難一身便成兩佛何不出來通箇消息莫只背地裏逞奴唇婢舌臘月三十日間老子徵你草鞋錢別人替得你麼

示眾諸仁者聖人全體卽是凡夫而凡夫不知凡夫全體卽是聖人而聖人不識不識故念念純真不知故頭頭屬妄諸佛出世祖師西來全妄卽真全凡卽聖何人皮下無血誰家竈裏無煙有時踢出脚尖頭露迴迴地針劄不入有時攤開手面上風颯颯地水洒不著無一塵不攝無一刹不周無一體不該無一根不備能巧能拙能隱能顯能大能小能合能開且

道是什麼物恁麼奇特喝一喝

示眾從上來無傳授的濃亦無承當的人覓師弟子了不可得於中借一句子如節度使信旗相似要用便用不用便休初無實法一大藏教教外別傳石上種瓢苗特地尋枝葉三世諸佛夢中說夢六代祖師夢中說夢天下老和尚夢中說夢山僧夢中說夢諸人夢中說夢這一場大夢直到盡未來際卒未覺在你要出生死被生或羈絆你要斷無明受無明纏縛有底便道無明卽大智要斷做什麼生死卽涅槃要出做什麼癡漢什麼人在三界內什麼人在三界外

大耶

楚石語錄卷七

六

直下會去口是禍門

示眾古釋迦不前今彌勒不後正當今日凡聖情盡體露真常事理不二卽如佛我此一衆人人本具箇箇圓成在圓覺大伽藍了衲僧本分事可與人天作眼人天窺覷無門可與佛祖爲師佛祖贊歎有分饒你八萬四千母陀羅臂高高托至梵天欸欸地放下來何曾動著脚下一莖毛子因甚如此爲他不立一法不守一玄通宗通塗透頂透底得大解脫住不思議與麼安居方堪持論

示眾據說婆婆世界坑坎堆阜瓦礫荆棘土石諸山

高下不平極樂世界地平如掌宮殿樓閣珍寶莊嚴
水鳥樹林常宣妙法雖然有夭有壽有苦有樂若論
箇此子那邊八兩這裏半斤非淨非穢非生非佛不
用厭此忻彼愛聖憎凡既無忻厭等心又無聖凡等
見隨緣放曠任性縱橫變大地作黃金攪長河爲酥
酪改禾莖爲粟柄易短壽作長年皆吾心之常分非
有假於他術拈拄杖云十方世界只在目前

示衆教乘中也大可畏爛泥裏有刺踏著方知如華
嚴云有大經卷在微塵中量等三千大千世界書寫
三千大千世界中事無不盡有一智人破塵出經汝

【支那】

楚石錄卷七

七

若會得釋迦何別有時拈一莖草作文六金身用有
時將丈六金身作一莖草用三千大千世界只在一
毫端一毫端處收攝三千大千世界用也得不用也
得何處更有涅槃生歟名字亦不見有諸佛菩薩三
乘次第總是諸人擔帶得來只恐識不破若識破後
有什麼事饑時喫飯寒則著衣

示衆一人得道地神報虛空神虛空神報非想非非
想天遞相告報云下界有人得道有濟人之分若據
此說決定不虛我輩沙門釋子克徧大地不可無一
人也實不敢欺兄弟總道我尋師擇友行脚參禪遠

楚石禪師語錄

卷七

是三千近是五百尋得多少師擇得多少友行得多
少脚參得多少禪畢竟得道也未古人有言如人飲
水冷暖自知又道隔山見煙便知是火隔牆見角便
知是牛只怕你不得那裏有不知的且喚什麼作道
試吐露看是處是實有麼有麼如無銜鐵負鞍有日
在

示衆無事珍重大衆人不散師乃云有什麼事近前
決擇如今說箇無事多少人錯會便道無事好若比
羶煩惱難斷却輕耽著無事病竟難治却重不見
道無爲無事人猶是金鎖難抵如二乘斷結證得阿

【支那】

楚石錄卷七

八

羅漢便自謂百了千當住大解脫更不前進正眼觀
之如溪坑相似直須回心向大到十地滿足見性猶
隔羅縠在所以彌勒阿閼及諸妙喜等世界尚被他
向上人喚作無慚愧懈怠菩薩此中學道大難大難
不坐空王殿不挂本來衣何須在恁麼切忌未生時
到這田地有些些子衲僧氣息

示衆見老和尚陞堂舉起拂子便道指示學人你在
長連牀上開單展鉢喫粥喫飯這裏何不悟去你妄
想起時便有禪你不起妄想時便無禪禪不是你妄
想得的山僧尋常道語默動靜折旋俯仰一一明妙

一天真德山臨濟不假棒喝直下見得可煞分明
祇這些子透不過誰障礙你何不即今了却雖然了
了時無可了玄玄處處直須訶會麼
示衆如今要見自心作麼生見且那箇是心若道只
這推窮尋逐的是心又遭佛訶斥推窮尋逐的決定
不是心此但妄識識有生滅心無生滅生滅屬識不
屬心衆生從無始劫來不得道者爲妄識所惑永轉
生歟諸佛菩薩悟真心者則不被生歟之所流轉真
心處垢不垢處淨不淨處生不生處滅不滅譬如隨
色摩尼寶珠若人得之無不成佛

支那

卷七

九

示衆玄沙道道人行處如火消冰箭既離弦無返回
之勢所以牢籠不肯住呼喚不回頭古聖不安排至
今無處所又云道人不悟妄自涉塵處處築著頭頭
繫絆更擬疑心歛念攝事歸空隨有念起旋旋破除
細想纔生即便遏捺如此見解即是落空亡的外道
魂不返的死人冥冥漠漠無覺無知塞耳偷鈴徒自
欺誑近來多有此輩盛行世間又有一等驢前馬後
漢遞相傳授妄認幻夢伴子能嗔能喜能見能聞爲
出世大事教他認得明白了便是一生參學事畢山
僧向他道不是古聖喚作識神生於根本我且問你

這箇本來人無常到時燒作一堆灰了且道能嗔能
喜能見能聞的什麼處去也恁麼參的是藥汞銀禪
此銀非真一煆便流又如驢乳構來純成屎尿要做
酥酪實難更討什麼醍醐因問他你尋常參誰他道
有人教我只參萬法歸一一歸何處又教我如此會
今日方知不是就和尚請箇話頭我道古人公案有
什麼不是者我眼本正因師故邪累請不已向他道
去參趙州狗子無佛性話忽然打破漆桶却來山僧
手裏請棒喫

示衆百尺竿頭坐的人雖然得人未爲真百尺竿頭

支那

卷七

一

須進步十方世界現全身只如百尺竿頭如何進步
你纔礙心早落地上了也不動一塵又是鈍鳥逆風
飛與他坐的何別還有人構得壓石火電光那容眨
眼快與快與時不待人有志參禪終不得少爲足登
山須到頂入海須到底登山不到頂不知宇宙之寬
廣入海不到底不知滄溟之淺深既到百尺竿頭直
須進步始得我這裏無解路教你入無言句共你商
量一味朴實頭如馬前相撲更不周由者也倒地便
休不似諸方老宿密室裏說的禪道佛法有不啗啄
處口邊一口人傳一人將爲向上提持宗門命脉冷

地觀見鑊湯爐炭一般得便宜是落便宜若是真正道流爭肯喫他這般茶飯急須吐却

示衆一大藏教只是箇賣田鄉帳東西四至一分明畝步短長亦無增減買者却須親到地頭五十年前有人將鮑郎浦爲田賣與楊總管宅及乎驗實竝是虛文西天九十六種外道所說以訛傳訛惟佛一人是真實語達磨不立文字直指人心見性成佛只與買田的作箇證見而已諸人曾到地頭麼須知盡十方乾坤大地人畜草芥高低闊狹無空缺處總是自家屋裏的所以道山前一片閒田地又手丁寧問

卷七

禪語錄卷七

十一

祖翁幾度賣來還自買爲憐松竹引清風五祖老人與麼道大似冑姓佃官田更不納租稅別無定奪依例施行拈拄杖云吽吽

示衆行脚高人總道我穿雲度水擔囊負鉢爲生炊事大叅善知識來及乎問他那箇是你叅的善知識卽今在什麼處便道諸方踞曲录木林把拂子柄談玄說妙的是我道你錯會了也這箇是名字善知識須知真善知識不踞曲录木林不把拂子柄不談玄不說妙你未出家時怨親眷屬人我是非是你真善知識旣出家了燈籠露柱香爐椅子鉢囊鞋袋是你

真善知識以至若聞若見鐘魚鼓板水鳥樹林這邊那邊靜的鬧的總是你真善知識不消起一念動一塵直下悟去許你出意想知解五蘊身田一生叅學事畢何在三條椽下七尺單前晝三夜三背廬都地方爲究竟者哉

示衆祖師門下客自有本叅事合去理會只管看他經論大不相同經有經師論有論師旣稱禪師却鑽頭入故紙堆裏作麼佛自說三乘十二分教如空拳誑小兒是不知號曰無明要做沒量漢須真叅實悟始得他時後日不被生處拘絆去住自由不然悞你

卷七

楚石禪師語錄

十二

去在豈不見晏國師道西天一段事總被今時人埋沒却覓箇出頭處不得更有老宿道大唐國內盡是滅胡種賊人家男女作人叢林何曾會得聞舉經舉論便刺頭入裏許念念語賺他多少人十生累劫擔枷帶鎖於自己轉踈轉遠且宗門中事合作麼生不惜口業向汝諸人道不假記一字亦不用一功亦不用貶眼亦不用呵氣大坐著紹却去這裏會得多少省力更賺他太絮道我拈得不分明自是你根性遲鈍干別人什麼事珍重

示衆昨日有一座主來問山僧云禪門何故不許人

看經論我向他道你若知得釋迦老子舌頭落處千經萬論一任看取只如經云一切諸佛及諸佛阿耨多羅三藐三菩提法皆從此經出喚什麼作此經却又答不得論云一切諸法從本已來離言說相離名字相離心緣相畢竟平等無有變異不可破壞唯是一心故名真如當恁麼時喚什麼作論又無語因舉祖師偈云正說知見時知見即是心當心即知見知見即如今乃拈起拄杖云會麼主云不會云何不會取箇不會的主云只如不會作麼生會我以拄杖向空中點三點云分明記取舉似作家召喚云昨日那

支那

楚石語錄卷七

十三

裏落節今日這裏拔本

示衆有人問南泉和尚云黃梅門下有五百人爲什麼盧行者獨得衣鉢泉云只爲四百九十九人皆解佛法獨有盧行者一人不解只會其道所以得他衣鉢且如道作麼生會向這裏亂統得麼豎拂子云這箇不是色作麼生見擊拂子云這箇不是聲作麼生聞既不可見又不可聞畢竟道在什麼處傳大士云東山水上浮西山行不住北斗下閭浮是真解脫處洞山和尚道向前物物上求通只爲從前不識宗如今見了渾無事方知萬法本來空這兩箇老漢於無

言中顯言無相中示相無意中立意無性中說性此無性之旨是得道之宗所以教中道念念攀緣一切境心心永斷諸分別了達衆生無有性而於衆生起大悲分明說了尚自不會更近前就我覓我與你一棒還知慚愧麼

示衆舉真淨和尚一日在室中問僧云了也未僧云未了淨云你契帶了也未僧云了淨云又道未了復云門外是什麼聲僧云雨滴聲淨云又道未了復云面前是什麼僧云屏風淨云又道未了復云還會麼僧云不會乃云聽取一頌隨緣事事了日用何欠少

支那

楚石語錄卷七

十四

一切但尋常自然不顯倒師云要識真淨麼家住海門東扶桑最先爽一一超佛越祖頭頭蓋已驕聲也不屬凡也不屬聖快活中快活自由中自由漢地不收秦不管又騎驢子下揚州

示衆釋迦老子道當處出生隨處滅盡還會麼昨日雨今日晴堯花紅李花白登山者不知涉海之疲勞涉海者不知登山之辛苦龍門和尚道山僧過在寢堂中法堂上無山僧寢堂中有山僧下至法堂法堂上有山僧寢堂中無山僧有則心外有法無則心法不周諸上座在衣鉢下聞打鼓便上法堂法堂上添

得上座衣鉢下減却上座添則成增減則成減減故落斷增故落常如何得離有離無離常離斷生疑情大難透脫此是如來清淨心要直須決擇不可等閒召眾云古人恁麼說話且道與德山臨濟相去多少塞北千人帳江南萬斛船

佛日普照慧辯楚石禪師語錄卷第七

音切

餽色來切 犍肝廣切 佃同見切

楚石語錄卷七

楚石語錄卷七

十五

佛日普照慧辯楚石禪師語錄卷第八
代別

侍者應訢等編

上堂一不得有二不得無有之與無尖斗量不盡淨潔打疊一句作麼生代云天晴日出又云天晴日出自古自今作麼生是隨派一句代云哪又云是什麼又云釣絲絞水或云孤負諸聖埋沒已靈且道此人向什麼處行履代云賊不打貧兒家又云賊不打貧兒家尚有人不放伊過請訛在什麼處代云一人之力不如百人

楚石語錄卷八

楚石語錄卷八

一

上堂晝見日夜見星將什麼見代云問取露柱又云平地界交又云平地界交多少人不知又云不知且置作麼生扶起代云合識此子好惡

上堂有一人朝看華嚴暮看般若問他教意作麼生起來問訊叉手而立誰敢道他不曾代云更要棒那又云利劍不斬歟漢有時云利劍不斬歟漢這裏莫有獨脫無依的麼代云填溝塞壑又云錢塘去國三千里

上堂釋迦已滅彌勒未生正當今日佛法委任何人代云非但今日又云非但今日前無釋迦後無彌勒

還有叅學分也無代云官不容針又云官不容針因什麼知而故犯代云孟嘗門下或云久戰沙場爲什麼功勳不立代云日月易流又云日月易流千年田八百主又云叅堂去

上堂鬧市裏天子百草頭老僧你爲什麼不領代云滿眼滿耳又云滿眼滿耳且莫認奴作郎代云松不直棘不曲有時云毛吞巨海芥納須彌如何是毛吞巨海芥納須彌代云舌頭不出口又云舌頭不出口蓋是尋常爲什麼天高東南地傾西北代云理長則就或云日輪繞四天下半夜不照閣浮提閣浮提人

擬議

楚石語錄卷八

二

將什麼作眼目代云東西南北又云東西南北時人知有不屬明暗道將一句來代云谷谷孤

上堂太平只許將軍建不許將軍見太平作麼生明得失代云好事不如無又云好事不如無未枉更道代云教休不肯休直待雨淋頭有時云治生產業皆與實相不相違背如何是實相代云上是天下是地又云上是天下是地俗氣不除作麼生除得代云要除什麼一日云古聖不安排至今無處所爲什麼北斗在北南斗在南代云一字兩頭垂

上堂空劫中什麼人爲主代云庵箇臨庵部臨又云

毒蛇不咬人代云毒蛇不咬人看你親遭一口又云禍不入慎家之門

上堂泡幻同無礙如何不了悟這裏還見祖師麼代云來也來也又曰成人者少敗人者多又云成人者少敗人者多你又刺頭入裡許作什麼有時云巢知風穴知雨未有風雨時憑什麼便知代云白日無閒人又云白日無閒人成得箇什麼邊事代云夢見又云六六元來三十六

上堂三世諸佛不知有狸奴白牯却知有那箇合受人天供養代云鉢裏飯桶裏水又云鉢裏飯桶裏水

擬議

楚石語錄卷八

二

識得來處卽消得又云又怎麼去也一日拈拄杖云我不在此住且道在什麼處住你若道得我賞你三十代云惜取眉毛又云停囚長智或云是法平等無有高下爲什麼須彌山不見其頂大海水不見其底代云俱又云空尚不可得

上堂觀方知彼去去者不至方阿耨達池分爲四河因什麼各不至海代云滔滔地有時云打破虛空的人向什麼處藏身代云善財拄杖子又云善財拄杖子拈起則是放下則是代云渠儂得自由又云渠儂得自由我道此人脚下紅絲索未斷在又代云以已

妨人

上堂諸方三百五百說禪浩浩地我這裏燒香袖火煮野菜羹喫却飯了瞌睡去你道當宗乘不當宗乘代云萬瓦清霜一總紅日或云如來有密語迦葉不覆藏你爲什麼在露柱裏踉蹌跳代云漫別人卽得又代云驢年

上堂事存函蓋合理應箭鋒柱天寧答話也致將一問來代云一言旣出駟馬難追又云見義不爲何勇之有有時云臨濟下也恁麼道曹洞下也恁麼道其餘固是不問可知你且道威音王已前畢竟如何道

支那

楚石錄卷八

四

代云狼籍不少又代云初三十一中九下七或云去却一拈得七是少多少代云無這閒工夫又云蜜忙哩孤蜜忙哩智

上堂各各不相知各各不相借是箇什麼得與麼難會代云龍蛇易辨衲子難謾或云雞不鷄無功之食禾出常情不涉兩頭作麼生道代云人貧智短馬瘦毛長有時云青山白雪裏人只知青山白雪裏事紅塵鬧市裏人只知紅塵鬧市裏事作麼生得一如去代云六耳不同謀又云更嫌鉢盂無柄那有時云路逢達道人將語默對將什麼對代云鼻曲面藍巉

楚石禪師語錄

又云君往西秦我之東魯

上堂赤肉團上壁立千仞還有商量分也無代作掀倒禪牀勢或云語不離巢道焉能出蓋纏古今佛祖言教如恒河沙什麼處是他滲漏處代云寰中天子塞外將軍一日云舉不顧卽差互擬思量何劫悟莫有人出得此語麼代搖手而已又云維那不在又代云千日所柴一日燒

上堂擾擾匆匆晨雞暮鐘你道那一人任三界內三界外代云不經一事不長一智有時云說禪說道易成佛作祖難代云近日世界不好又云近日世界不

支那

楚石錄卷八

五

好雲門大師拈了也不要代云有什麼了期或云日就聰聰就日人搬柴柴搬人甕吞地地吞甕與麼說話一去三十年不要提著提著打折你腰代云悔不愼當初又云彼此

上堂應緣而化物方便呼爲智若不方便喚作什麼代云突出難辨又云轉掃轉多或云日用事無別爲什麼昨日栽茄子今日種冬瓜代云一擔兩桶又云分付與典座

上堂了卽業障本來空如今作麼生了代云洗脚上船有時云如許多時雨水無根樹子長多少代云芽

卷八

尚未全又代云或則穿沙或則逗石或云無邊身菩薩不見如來頂相卽且置你道如來還見無邊身菩薩頂相麼代云事不孤起或云我不見一法在門外猶是門外句作麼生是門內句代云還見儂家麼又代云此去西天十萬八千

上堂在天中尊在人中尊畢竟是天耶人耶代云噫

上堂拄杖橫挑日月鉢盂倒覆乾坤如何是行脚事代云此去客亭不遠一日云大耳三藏第三度不見國師國師在什麼處代云曲不藏直或云心不是佛

又代

梵石語錄卷八

六

智不是道猶是水母借鰓爲目生機一路熱撋鳴聲總不與麼眉須墮落諸人作麼生代云惡又云賊是小人又云消得龍王多少風

上堂古人道二龍爭珠有爪牙者不得意在於何莫是不爭者得麼龍在這裏珠在什麼處代云什麼處去來又云且莫造次又云百襍碎一日云明眼衲僧好與二十拄杖過在什麼處代云伏惟尚享又云一箇閒人天地間

上堂說則千句萬句如錦上鋪花不說則盡大地人竝皆以鋒結舌如無孔鐵槌相似說與不說拈了也

作麼生代云一堵牆百堵調又云某甲不會或云王索仙隨婆一名四義王不索時義在阿那頭代云風不來樹不動又云一筆勾下

上堂三世諸佛骨髓六代祖師眼睛應是從前肯重底盡情颺却管取一員無事道人代云穿却鼻孔又云棒上不成龍又云朝三千暮八百或云殺人刀活人劍上古之風規今時之樞要用則星飛火迸不用則浪靜風恬諸人作麼生話會代云口挂壁上又云這野狐精又云點

上堂江東西湖南北到處行脚也曾聽尊宿說話來

又代

梵石語錄卷八

七

且道邪一句最親切代云一札十行又云兩重公案又云掩耳便出

上堂城東老母不願見佛爭奈冤家難脫離如今不要見佛有什麼難以手掩面云見箇什麼代云轉近轉疎又云青天白日又云且喜沒交涉或云但莫憎愛洞然明白衲僧到這裏便道我只管閒坐困眠更有什麼事忽然拈山門來佛殿裏將佛殿向燈籠上你又作麼生商量代云物見主眼卓豎又云不得春風花不開又云舌是斬身之斧

上堂若一毫頭凡聖情念未盡不免入驢胎馬腹裏

去則固是設使一毫頭凡聖情念淨盡因什麼亦未
免入驢胎馬腹裏去代云剗又云有利無利不離行
市

上堂萬里神光頂後相你道雪山南面即今有什麼
人代云鏊湯無冷處又云夜暗晝明又云泊合錯下
註脚有時云拈一放一邊那邊膠盆子相似直須
揮劍若不揮劍漁父棲巢如今作麼生理會代云合
取口又云月似彎弓又云七穿八穴
上堂真如凡聖菩提涅槃有時舒有時卷舒也攢花
簇錦不露鋒鋷卷也削迹收聲全無向背高高處觀

楚石錄

楚石語錄卷八

八

之不足低低處平之有餘前三三後三三作麼生會
代云一口針三尺線又云入水見長人又云莫塗污
人好或云三界無法何處求心代云眼不見鼻孔又
云小魚吞大魚又云這掠虛漢

上堂不用朝參暮請也只是箇仲冬嚴寒添一毫不
得減一毫不得代云用盡自己心又云腦後少一推
在又云寐語作麼或云離却四大五蘊阿那箇是你
主人公代云全火抵候又云入石三分又云兩箇有
時云一毛頭師子百億毛頭一時現現即不無作麼
生收代云藏頭露尾又云不消一捏又云善來文殊

上堂毫釐有差天地懸隔毫釐不差天地懸隔直饒
明得也是蝦蟇窟裏出頭代云腦後見腮又云一得
一失又云少賣弄有時云保無願不撒沙因什麼
却撒代云口甜心苦又云看春日落狂眼上又云自尿
不覺臭或云盡大地是般若光光未發時向什麼處
摸索代云天上星地上木又云這漆桶又云冰消瓦
解

上堂即今你去便休去欲覓了時無了時你諸人了
得也未代云遇飯飯喫遇茶茶喫又云明月照見夜
行人又云餠餅裏覓甚汁或云動若行雲止猶谷神

楚石錄

楚石語錄卷八

九

不動不止作麼生辯代云野狐過水又云相隨來也
又云一鏃破三關

上堂不受是眼將來的必應是瞎你道老胡十萬里
西來將得箇什麼來既是不將來此土亦無受者可
謂彼既丈夫我亦爾與麼說話已是謗祖師作麼生
免得此過代云謝三娘不識四字又云勞而無功又
云當爐不避火逆或云三界惟心萬法惟識你尋常
見露柱喚作什麼若喚作露柱又是心識若喚作心
識又是露柱畢竟喚作什麼代云坐斷天下舌頭又
云大斧斫不開又云築著鼻孔

上堂靈山密旨迦葉親聞少室單傳神光默契諸人來這裏還知天靈有講麼代云也不消得又云實謂罕聞又云和泥合水有時云太陽溢目萬里不挂片雲拈却青天與棒合下得箇什麼語代云矢上加尖又云一任蹉跳又云囉囉哩囉囉哩或云直下是直下是直下是什麼代云鐵蛇橫古路又云多少人踏不著又云與你拈將來看

上堂揚眉瞬目敲牀豎拂向上向下說心說性總是依草附木精靈格外提持泥裡洗土塊還有爲人處也無代云却較此子又云把纜放船又云烏龜入水

擬述

楚石語錄卷八

十一

或云兔馬有角牛羊無角你作麼生商量代云如理如事又云棒打石人頭又云倒退三千里

上堂諸方老宿盡道我接物利生檢點將來大似漫天網子十有九箇墮在其中了事衲僧終不受他籠罩有麼有麼一僧出禮拜師云如今是什麼時節出頭來僧無語代云某甲罪過或云日可冷月可契衆魔不能壞真說且如何是真說代云怕爛却那又云痛領一問又云山河大地

上堂昨日晴乾鵲鳴今日雨鴉鵲語趙壁本無瑕相如誑秦主隨時及節一句作麼生道代云日日是好

日又云君子可入又云東壁挂葫蘆或云開眼也著合眼也著佛祖出來作什麼代云明破則不堪又云中逃影又云功德天黑暗女

上堂直得無一法可當情猶未是衲僧行履處作麼生是衲僧行履處代云話墮也又云驗在目前又云脚下泥深三尺有時云悟則剎那間操履須長久上無攀仰下絕已躬喚作道人暫時岐路光前絕後一句作麼生代云說夢又云皮下還有血麼又云胡地冬抽笋

上堂爲無爲益無益梯航九有津濟四生未必善因

擬述

楚石語錄卷八

十二

而招惡果什麼處著得此人代云當陽揮寶劍又云一槩在手又云石上栽花或云不與一法作對便是無證三昧恁麼則門前樹子消得人天供養也代云且莫錯會又云舌頭無骨又云刹竿頭上仰蓮心師室中示衆云開口不在舌頭上作麼生問六隻骰子滿盆紅作麼生賽頂罩燒鐘一萬斤作麼生出知從心起爲什麼心不知心見從眼生爲什麼眼不見眼衆生卽是諸佛迷從什麼處來諸佛卽是衆生悟從什麼處發一切智通爲什麼明前不明後無邊行滿爲什麼論果不論因日月行四天下爲什麼不周

世界在一塵中爲什麼不大

師一日出城逢僧緣化師拈起鉢問云如許大鉢盂盛得多少飯僧云有什麼布施快下將來師云太無厭生僧無語代云餒驢餵馬師一日出門迎接次僧問開門待知識知識不來過不來過者是什麼知識師便不審僧云和尚見箇什麼師云好心不得好報僧無語師云一狀領過師一日因送亡僧僧問亡僧遷化向什麼處去師云識得來處卽知去處僧云畢竟從什麼處來師云石牛沿江走一馬生三寅僧云與麼則無來處也師云你適來問什麼僧擬議

支那

楚石錄卷八

十二

師便打師一日因修佛殿問掌事僧這殿是什麼年中蓋造僧擱露柱云何不祇對和尚師云克由耐耐倒來這裡將虎須三十棒一棒也不恕僧云容某甲申說便禮拜師云且放過一著師一日除草次僧問有根草任和尚除無根草作麼生除師鉏地一下僧便放身倒師云諸方火堊我這裏活埋僧起走師呵呵大笑師在鳳山一日入省次高右丞問禪分五派教列三乘教則不問如何是禪師云正值歲朝公讌高云達磨西來不立文字直指人心見性成佛佛在什麼處師云管絃襍遯朱紫焚煌高云莫便

楚石禪師語錄

是長老見處麼師云不敢高云嘗在別日說話師云

諾諾便退師在壽山一日栽松次僧問這一片山擬栽多少松師云三十萬株僧云莫太多麼師云一教他蓋天蓋地去僧云昔年臨濟今日壽山師云且得闍黎證明僧云只如臨濟以鉏頭築地三下黃檗道吾宗到汝大興於世爲復只記臨濟一人爲復通囑後嗣師云一點墨水兩處成龍僧云一與山門爲境致二與後人作標榜和尚作麼生師豎起鉏頭僧云與麼則超出古人也師拋下鉏頭便歸方丈師一日忽聞鐘聲起立合掌云觀世音菩薩大慈悲

支那

楚石錄卷八

十三

菩薩僧云卽今在什麼處師云却歸南海去也師一日華嚴座主相訪師問座主華嚴有幾種法界主云四種法界師云卽今在那箇法界中主罔措師云理事無礙也不會主云我會也師云鄭州出曹門師一日與衆觀雪次問僧好雪麼僧云好在什麼處師指雪良久云會麼僧云不會師云無火凍成的有什麼數師一夕在中庭與僧望月次僧指月問師那一半得什麼明這一半得什麼暗師云明者從他明暗者從他暗僧云十五夜圓時暗向什麼處去師云也與三十不較多僧云恁麼則全無明暗也師云

卷八

還見真月麼僧云如何是真月師云不照燭僧云不照燭時如何師云多少人撈天摸地僧云莫祇這便是麼師云猶是影在僧擬進語師便喝師一日赴施主齋問僧借座燈王取飯香積今日供養何似生僧云難消師云急須吐却僧云將什麼報答施主師拈起鉢盂云你也隨例得飯喫僧無語師云苦哉佛陀耶師一日因座主來叅問云講什麼經主云法華經師云經中道是真精進是名真法供養如來是否主云是師云供養卽不無如何是真法主云具在築王菩薩品師云將謂是金毛師子元來却是野干

楚石語錄

卷八

十四

眷屬土云如何是真法望和尚慈悲指示師云汝豈不從天台來主云是師云天台山高一萬八千丈頂上著得幾人主無語師云喫茶去師一日受齋諸山旣至百戲皆集齋畢有一長老問云適來開浩浩而今靜悄悄開浩浩的向什麼處去也師云大家在這裏長老云本來無一事變現百千般師云彼此出家兒放教肚皮大長老云只如雪峯三到投子九上洞山還有這箇道理也無師云我見燈明佛本光瑞如此長老便喝師亦喝復云因風吹火用力不多便打長老云莫盲枷瞎棒師云你但喫棒我要這話行

師一日示眾云老僧泰定元年正月十一日採樓在崇天門外其時五更樓上箭發射透二十四面金鼓自此天下太平僧便問如何是箭師云十字街頭折筯莖有演福潤法師者問云我聞和尚投機頌云崇天門外鼓騰騰鸞割虛空就地崩拾得紅爐一點雪却是黃河六月冰六月冰在什麼處師展兩手法師無語師云向下文長赴在來日師一日因施主送楊梅僧就盒拈起問師云一般楊梅為什麼有亦有白師以盒子合却云見箇什麼僧無語師又揭開盒云疊僧又無語師云你只是箇無開合漢師一

楚石語錄

卷八

十五

日入經寮見僧看經問云看的是什麼經僧云金剛經師云我不問你全剛經看的是什麼經僧無對師召寮元來日不得上案師一日與僧觀稻次僧問春種一粒穀秋收萬顆子四海無閒田農夫猶餓死爲復根苗有異爲復天澤不齊師云疎田不貯水難怨碧潭龍僧云與麼則時人失望也師云你尋常喫箇什麼僧無語師云這孤恩負德漢便打師因元宵殿堂上燈次僧問如何是本來燈師云猶是今日事僧云今日事本來燈有什麼交涉師指燈云一二三四五僧云謝和尚指示師云劍閣路雖險夜行人

更多僧無語師代云切忌鑽龜打瓦 師一日因僧
送拄杖師云莫從天台得麼師云不從天台得師云
莫從南岳得麼僧云不從南岳得師云從什麼處得
僧度拄杖師豎起云是體是用僧云拈也從體起用
放也攝也歸體師云你與麼來只得其體不得其用
僧云和尚與麼舉只得其用不得其體師卓一下靠
拄杖云體用一時收 師應詔赴都書金字藏經一
日入內殿呈卷次有學士問云以字不成八字不是
是什麼字師舉筆云金滴商地士云信受奉行去也
師云學士也不得草草士乃禮謝 師一日遊山見

跋尾

楚石錄卷八

十六

兩頭路問僧東去西去僧云請和尚鑑師便行至中
路問僧此去峯頂幾里僧云三里師云路逢猛虎時
如何僧作虎聲師便打云今日等閒打著一虎僧不
肯師云分明記取舉似作家 師一日有數僧來叅
師問叅頭名什麼僧云普通師云普即不問如何是
通僧側身叉手而立師云你擬鼻孔裏祇對我僧無
語師云第二第三不勞再勘同坑無異土便打 師
一日入城揆官回僧問和尚出入不易師云夜來好
風僧云夜來好風師云明日定有雨僧無語師云噓
噓 師一日入園問園頭瓜熟也未頭云熟來久矣

師云甜瓜摘一顆來頭取瓜與師云大刀三十口師
云飽叢林 師一日索麵次有僧來叅師引麵示之
僧珍重便出師召僧僧回首師云有口不得麵粍者
多 師一日採芡粟次問僧芡裏有幾粟僧剖粟便
寫師云不得亂瀉僧云不亂瀉時如何師云驢年
麼 師一日與數僧觀海次僧問祇是一片水因什
麼喚作海師云祇是一片海因什麼喚作水你且道
源從何來僧云從一滴來師云一滴又從何來僧無
語師云這箇無地頭漢不打更待何時連打數棒別
喚一僧近前云請上座代一轉語僧擬議師亦打叉

跋尾

楚石錄卷八

十七

有一僧出云某甲却道得師云你作麼生道僧珍重
便行師亦打 師一日因僧點茶問云今日為什麼
入點茶僧云特為和尚師云恰值老僧不在僧便行
茶師却縮手僧擬議師撲破盞子便歸方丈 師一
日過隣菴問僧庭下是什麼花僧云怕癢花師云花
為什麼怕癢僧云一家有事百家忙師別云鼓角動
也 師一夜與僧暗坐童子點燈來師問兩箇相似
一箇是影邪一箇是什麼僧無語師代云更問阿誰
無著與文殊茶次殊拈起玻璃盞云南方還有這箇
麼著云無殊云尋常將什麼契茶著無語代云點即

不到 阿育王問賓頭盧承聞尊者親見佛來是否
盧以手撥開眉云親見佛來王無對代云宿生多幸
漢國有一菴主遇帝出遊人報云大王來請起主
云非但王來佛來亦不起帝宣問佛豈不是汝師主
云是帝云弟子見師因什麼不起主無語代云欲觀
其師先觀弟子 迦葉踏泥次有一尊者問云何得
自爲葉云我若不爲誰爲我爲者無語代云令人疑
著 武帝問達磨如何是聖諦第一義磨云廓然無
聖帝云對朕者誰磨云不識代云大師早晚離西天
太宗皇帝問僧什麼處來僧云臥雲帝云臥雲深

楚石

楚石語錄卷八

大

處不朝天因甚到此僧無對代云雲開日現 寂大
師進三界圖帝問朕居何界寂無語代云陛下天垂
海外 王太傅迎木佛至明招乃問忽遇丹霞來時
如何招提起佛云也要分付著人代云今日小出大
遇 陸亘大夫問南泉肇法師也奇怪解道天地與
我同根萬物與我一體泉指庭前華云時人見此一
株華如夢相似大夫休去代云十方世界只在目前
韓侍郎與肇論主茶次乃問聞座主講得肇論是
否主云不放韓云有物不遷義是否主云是韓乃撲
破蓋云這箇是什麼義主無對代云又被風吹別調

中 僧問趙州學人乍入叢林乞師指示州云喫粥
了也未僧云喫粥了也州云洗鉢盂去僧有省代云
更不切切 裴相國泰石霜霜奪笏問云在一人手
裏爲主在公手裏爲客在老僧手裏喚作甚麼國無
對代云渠無名字 陶相公見人犯法當取問僧云
殺則違佛戒不殺又犯王法未審如何則是代云喜
時菩薩嗔時刹利 洪州大寧衆陳狀請第二座住
持宋令公云何不請第一座代云令公愛把不定
有僧化金錢佛官人云本望佛度弟子因什麼弟子
度佛代云物逐人興 湖南護國僧抄化次官人問

楚石

楚石語錄卷八

十九

既是護國唐家三百年社稷何在代云只是舊山河
韶山訪李副使次李令人傳語云正與祖師談話
也代云祖師說箇什麼 洞山行脚次見一官人云
我要註三祖信心銘得否山云只如纔有是非紛然
失心作麼生註代云裴香著 高舍人看鏡燈乃問
僧云十方總是佛身那箇是報身那箇是法身代云
報身法身 陳操尚書齋僧次乃自行食僧方展手
書却縮手僧無對書云果然代云久知尚書不恪
又齋僧次亦自行食至首座前云請施食座云三德
六味書云錯代首座敲鉢作聲 十一祖問十二祖

云汝非諸佛十二祖云諸佛亦非代云非吾弟子
麗居士問馬祖不與萬法爲侶者是什麼人祖云待
汝一口吸盡西江水卽向汝道代云將謂有多少奇
特耽源禮拜馬祖乃就地畫圓相便拜祖云汝擬
作佛那源云某甲終不捏目代云七棒對十三南
源云快人一言快馬一鞭僧云如何是一言源云待
我有廣長舌相卽向汝道代云是展是縮 馮山云
老僧百年後向山下檀越家作一頭水牯牛腸下書
馮山僧某甲當恁麼時喚作馮山僧又是水牯牛喚
作水牯牛又是馮山僧且如何則是代云東西南北

教訓

楚石錄卷八

三

一任縱橫 馮山令侍者喚院主至馮云我喚院主
汝來作麼代云怪某甲不得 馮山又令喚第一座
至馮云我喚第一座汝來作麼代云和尚慣得其便
僧叅馮山山作起勞僧云請莫起山云我未曾坐
僧云某未曾拜山云何得無禮代云得便宜是落便
宜 仰山問僧什麼處來僧云岳州仰云我恰要箇
幽州信米什麼價僧云某甲來時向彼中過無端踏
折他橋梁代云日勢早晚也 仰山問僧名什麼僧
云靈通仰云便請入露柱代云有什麼交涉 仰山
執杖行次僧問什麼處得來仰拈向背來代云和尚

莫謾某甲 睦州見僧來叅便喝云上座如何偷常
住菓子僧云某甲方到因什麼道偷菓子州云賊物
見在謾代云也是倚勢欺人 雪峯問洞山入門須
得箇語莫道早箇入來了也山云某甲無口峯云還
我眼來代云何得當面諱却 雪峯問僧什麼處來
僧云覆船峯云生歟海未渡因什麼覆却船代云一
踏兩頭空 雪峯在洞山搬柴次乃對山拋下云重
山云重多少峯云盡大地人提不起山云因什麼得
到此代挑柴便行 雪峯問德山從上宗乘中事學
人還有分否山打云道什麼代云何必 雪峯問僧

教訓

楚石錄卷八

三

什麼處來僧云疎山峯云我以前到時是事不足而
今足也未僧云足峯云粥足飯足代云千年常住一
朝僧 雪峯見僧來峯云作什麼僧云禮拜和尚峯
云你向什麼處見老僧僧便珍重去峯隨後與一踏
僧倒地峯云這野狐精放你三十棒僧無語峯云苦
哉苦哉今時例皆如此代云賺我來賺我來 興化
因對御騎馬乃撲折脚歸院令院主作兩箇拐子拄
却乃達廊行云說得行不得要識跛脚師祇老僧便
是代云老和尚口不救脚 雲居令侍者送袴與菴
主主云我自有娘生袴者同舉似居居再令去問娘

未生時著什麼主無對代與侍者一踏云歸去舉似和尚 僧問雲居曰瞳無影時如何代居云臥龍常怖碧潭清 僧問古德乾坤之內宇宙之間中有一寶祕在形山寶卽不問如何是形山德展兩手僧問措代云通上孤危直下峭絕 僧問寶壽萬境來侵時如何壽云莫管他僧便拜壽云莫動著動著卽打折汝腰代云多少人坐起了起不得 南泉因兩堂首座爭猫兒泉拈起猫兒云道得卽收取道不得卽斬爲兩段衆無語乃斬之代云負命者上鈎來 僧參南泉乃叉手而立泉云太俗生僧合掌泉云太僧生

默押

楚石語錄

三

僧無語代云老人大見人過在 南泉見僧洗鉢孟乃奪却其僧空手而立泉云鉢孟在我手裏汝口喃喃作什麼代云本自不將來 南泉問良欽空劫中還有佛否欽云有泉云是阿誰欽云良欽泉云居何國土欽無語代就地作一圓相以足抹却 僧問龍牙如何是祖師西來意牙云待石龜解語卽向汝道僧云石龜解語也牙云向汝道什麼僧無對代云不說不說 欽山問巖頭今生受施主供養來生作什麼去頭以手點鼻山云何不向頂額上生頭推出閉却門代叩門三下 黃檗問百丈從上諸聖以何

法示人丈踞坐葉巖進語丈云我將謂你是箇漢便入去代云謝和尚重重相爲 趙州見授子教化乃問莫是授子否授子云未鹽錢布施將來州休去代云客到方丈 僧問洞山如何是祖師西來意山云待洞水逆流卽向汝道代僧云那箇無舌 趙州順世令僧馳拂子與趙王云此是老僧一生用不盡的代王拈起拂子云靈山付囑何似今日 興化問雲居權借一問爲探竿影草如何居三次疊語不能對代居云上大人丘乙已 翠巖云一夏以來爲兄弟東語西話且看翠巖眉毛在麼師云遲八刻 玄沙

默押

楚石語錄

三

問僧近離甚處僧云瑞巖沙云近日有何言句僧云常喚主人公云惺惺著他後莫受人謾沙云一等弄精魂就中也奇怪上座何不且住僧云已遷化沙云只今喚得應麼僧無對代云終不借他人口 玄沙問鏡清不見一法是大過患且道不見箇什麼法清指露柱云莫是不見這箇法麼沙云浙中清水白米且從汝喫佛法未夢見在代策起眉毛云聲 玄沙問僧近離甚處僧云德山沙云近日有何言句僧云一日上堂奴纔集乃擲杖便歸閉却門沙云錯舉了也僧問措代云比來拋擲引玉 雲門問僧近離甚

處僧云江西門云江西一隊老宿寐語住也未僧問
措代云鸛鵲語鶴 德山問龍潭久嚮龍潭及乎到
來潭又不見龍又不現潭云子親到龍潭代搬到禪
牀 德山問維那今日幾人新到那云八人山云喚
來我與汝一時生按過那無對代云將頭不猛累及
三軍 明招在法雲一時挿火從食堂前過有僧云
這箇是衆僧的盜向什麼處去招乃轉火插上座
分上有多少僧無對招云這一隊漢今夜總須凍死
代云這賊 明招問國泰古人道俱抵抵念三行呪
便得名超一切人作麼生與他拈却三行呪便超得

教部

楚石語錄卷八

二十四

一切人泰豎一指招云不因今日事爭見得爪州客
泰無語代云未問以前錯 楊岐在九峯受請方下
座峯把住云今日喜得箇同叅岐云同叅事作麼生
峯云九峯牽犁楊岐拽耙岐云正恁麼時阿誰在前
峯擬議岐托開云將謂同叅元來不是代擬議處使
喝於托開處云心不負人面無慚色 興化問克賓
汝不久爲唱道之師賓云不入這保社化云子會了
不入不會不入賓云總不恁麼化便打來日化白槌
云克賓法戰不勝罰錢作饌飯一堂仍趣出院代於
總不恁麼處別云不敢自謾代賓受打處云蒼天蒼

天 石室擣米次杏山見云不易室云有什麼不易
無心斲子盛將來沒底盤子托將去山無對代云何
得將常住物入衣鉢下用 丹霞問僧什麼處來僧
云山下霞云喫飯也未僧云喫了霞云與汝飯的還
具眼否僧無對代云某甲行脚不逢人 徑山問僧
什麼處來僧云天台來山云阿誰問汝天台來僧無
對代云與麼則叅堂去也 鼓山點茶見僧來乃提
起盞云道得卽與汝茶喫僧無對代云阿誰無分
僧問忠國師百年後人問極則事如何國師喝云幸
自可憐生須要箇護身符作麼代云賊不打貧兒家

教部

楚石語錄卷八

二十五

法眼問修山主毫釐有差天地懸隔時如何修云
毫釐有差天地懸隔眼云恁麼會又爭得修云某甲
祇如是和尚又如何眼云毫釐有差天地懸隔代云
面赤不如語直 南泉問僧什麼處來僧云神山打
羅來泉云手打脚打僧無對代云更飾一和 洞山
同密師伯入餅店密於地上畫圓相云將取去山云
拈將來密無對代云爭之不足讓之有餘 僧問疎
山索然便去時如何山云塞却虛空向什麼處去僧
無對代云什麼處去不得 漳江云天門一合十方
無路有人道得擺手出漳江師云猶隔海在 老宿

送官次乃云老僧尋常不曾行此路官人云尋常行什麼路宿無對代云尊官不問老僧不答 施主入山行隨年錢僧云聖僧前下一分主云聖僧年多少僧無語代云鉢盂無底 僧問古德得船便渡時如何德云棹在何人手裏僧無語代云快便難逢 陸巨大夫問南泉大悲菩薩何處得許多手眼來泉云如國家用大夫作什麼別云隨家豐儉 梁朝藏法師令人傳語思大何不下山教化衆生一向目視雲漢作什麼大云三世諸佛被我一口吞盡何處更有衆生可度代復傳語云勘破了也 雪峯領衆遊天

跋

楚石語錄卷八

三六

台至涌泉臨行次泉把住轎云這箇四人昇那箇幾人昇峯云道什麼泉又問峯拍轎云行行別於幾人昇處云莫鈍置我於拍轎處別云客是主人相師 僧問雪峯學人未盡其機乞師盡峯良久僧禮拜峯云若到諸方作麼生舉僧云某終不敢錯峯云你未出門早錯了也別於僧云某終不敢錯處云車不橫推 雪峯問投子此間還有人然否投子擲出鏝峯云恁麼則當處掘去也投云不快漆桶代拈鏝拋向背後 雪峯問投子龍眠路甚處去投以杖拄峯峯云東去西去投云不快漆桶別峯接拄杖便推倒

投子指石頭云三世諸佛總在裏許雪峯云須知有不在此裏許者投云不快漆桶別峯云千石頭什麼事南泉歸宗麻谷禮觀國師至中路泉於地畫圓相云道得即去宗於圓相內坐谷作女人拜泉云恁麼則不去也宗云是何心行別歸宗云賊無種相鼓籠米七師還鄉有老宿問云月夜斷井索時人喚作她未審七師見佛喚作什麼米云若有佛見即同衆生宿云千年覓核代老宿云泊不問過 大隋問僧什麼處去僧云西山住菴去隋云我向東山喚汝便來得否僧云不然隋云汝住菴未得在代云和尚有

跋

楚石語錄卷八

三七

什麼事 晏國師赴鼓山辭雪峯次峯云一隻聖箭子射入九重城裏去也太原孚云未枉待某勘過始得至中路問云什麼處去晏云九重城裏去孚云忽遇三軍圍閉時如何晏云他家有通霄路孚云恁麼則離宮失殿去也晏云何處不稱尊孚回見峯云聖箭子折子也峯云恁麼處是箭折處孚舉前話峯云渠有語在孚云這老漢終是鄉情代峯云你要勘破鼓山已被鼓山勘破 僧到水潦乃畫圓相放潦肩上潦撥三下却畫圓相指其僧僧禮拜潦打云這掠虛漢別後語云我不與麼你却與麼棒了却出

明招問僧側飛鷄子眼落在甚處僧展手云還解變
得麼招云放子三十棒僧云話在和尚招乃集眾勸
辨僧無語招乃打代便擱傍僧 明招叅次乃指座
上回頭獅子云這箇尋常爲什麼要向我恁麼道僧
云什麼劫中向和尚恁麼道招云噫汝猶隔海在代
云我不哮吼和尚拾得口驛飯 雲門問洞山近離
甚處山云查渡門云夏在什麼處山云湖南報慈門
云幾時離彼山云八月二十五門云放你三頓棒山
次日却上問云昨日蒙和尚賜棒且過在什麼處門
云飯袋子江西湖南便恁麼去別後語云緊峭草鞋

支那

楚石語錄卷八

二十八

雲門問僧甚處來僧云徑山門云你因什麼五戒
不持僧云某甲過在什麼處門云這裏不著沙彌別
云未到雲門與你三十棒了也 雲巖順世道吾問
離却殼漏子向什麼處相見巖云不生不滅處相見
別云三生六十劫 僧問法燈百骸俱潰散一物鎮
長靈未審百骸一物相去多少燈云百骸一物一物
百骸別燈云直是天地懸隔 明招在昭慶席坊打
席慶見招失一目乃問失幾時也招起身叉手云某
甲不會慶云賴汝不會招云和尚作麼生會箇不會
的慶休去別慶云饒你頂門上更著一隻也須數瞎

楚石禪師語錄

卷八

雪峯云世界闊一尺古鏡闊一尺世界闊一丈古
鏡闊一丈玄沙指火爐云這箇闊多少峯云如古鏡
闊別峯云流俗阿師 劉鐵磨到馮山山云老牯牛
汝來也磨云來日臺山有齋和尚還去否山放身作
臥勢代山云好不丈夫 僧問魯祖如何是不言言
祖云汝還有口麼僧云無祖云尋常將什麼喫飯僧
無對代云不曾咬破一粒米 趙州一日從殿上過
乃喚侍者一聲者應諾州云好一殿功德者無對代
云一回拈起一回新
佛日普照慧辯楚石禪師語錄卷第八

支那

楚石語錄卷八

三九

音切

哪

啗

鵠

曉

賺

餵

餵

餵

餵

餵

擱

截

截

截

截

截

截

截

截

截

九經舉施實刻此
王國英書 金陵劉貴刻
寶曆庚寅秋五臺山妙德菴識

佛口昔獎慧辯楚石禪師語錄卷第九
秉拂小參

侍者 等編

徑山首座寮結夏秉拂師拈拄杖云這箇是徑山拄杖子爲什麼在琦上座手裏已知來處何假繁詞脫或未知不免露箇消息凌霄峯頂選佛場開一句當陽十方坐斷果然坐斷去久參先德不妨禁足護生後學初機誰敢違條起例上無攀仰下絕已躬人人常光現前箇箇壁立萬仞三世諸佛舌頭無骨六代祖師眼上安眉德山見僧入門便棒畫餅充饑臨濟

撰述

楚石語錄卷九

一

見僧入門便喝望海止海老妙喜見僧入門便道喚作竹篋則觸不喚作竹篋則背不得下語不得無語離沙無鏤玉之譚結草乖道人之意既不得下語又不得無語拈來拘作兩截看他作得箇什麼伎倆廣澤龍王忍俊不禁把須彌山一個百禪碎躡跳上梵天去也召衆云且道這一期佛事還有爲人處也無以拄杖連卓三下復舉南嶽讓和尚遣一僧往江西揆馬大師候大師上堂出問云作麼生大師云自從胡亂後三十年不曾少鹽醬師云馬大師道三十年不曾少鹽醬早是費卻多少鹽醬了也我若作馬大

師纔見這僧出來便下禪牀擒住痛與一頓教他歸去舉似南嶽且顯師承有據自家眼目分明管取坐斷天下人舌頭曹溪一脉未致寂寥在

梁王懺會觀藏主請小參師云只這箇會得在凡不滅在聖不增超百千萬億日月光明徧不可思議虛空分劑無一理不顯無一事不周無一物不玄無一土不妙無明即是佛性煩惱即是菩提生歟即是涅槃塵勞即是解脫譬如虛空體非草相而不拒彼衆相發揮然而青不自青黃不自黃赤不自赤白不自白但是意識於中搏量是青是黃是赤是白意識不

撰述

楚石語錄卷九

二

起根境湛然水之與波拳之與掌卷舒開合豈有兩般動靜去來皆無二致攪酥酪醍醐爲一味鎔餅盤釵釧爲一金總陰陽寒暑爲一時混江河淮濟爲一水一印一切印一門一切門一成一切成一切破一切破所以道佛說一切瀝爲治一切心我無一切心何用一切瀝如是則集衆者無衆可集說瀝者無瀝可說度生者無生可度懺罪者無罪可懺豈不見三祖僧粲大師問二祖云弟子身纏風恙請師懺罪二祖云將罪來與汝懺三祖云覓罪了不可得二祖云與汝懺罪竟諸仁者還委恁麼若不蓋田射石虎幾乎

誤殺李將軍

真如華嚴經會鈔維那請小叅師云看經須具看經眼見地須得見地句釋迦老子正覺山前半夜子時明星出現忽然大悟是第二句三乘十二分教權實頓漸半滿偏圓是第三句三世諸佛六代祖師天下老和尚盡力道也只道得第三句華嚴會上文殊菩薩及四十二位法身大士五十三位諸善知識各各演說無盡法門何曾道着第一句來若有一人道得第一句須彌直須粉碎海水直須枯乾十方虛空撲落地上何故如此難信難解之法今古罕聞諸仁者

楚石禪師語錄卷九

二

還知麼如今目前山河大地萬象森羅草木叢林牆壁瓦礫晝夜說熾然說無間歇却是他說得親說者既不開口聽者亦不須耳明眼歷歷地沒一絲毫覆藏真經現前多少省力何待拈香展卷方轉塵輪便好向華藏海中左出右入毗盧頂上倒臥橫眠更說什麼菩提涅槃真如解脫一切名字是什麼熱枕鳴聲一切語言是什麼繫驢橛子所以臨濟大師道但有聲名文句皆悉是依變從臍輪氣海中鼓數牙齒敲磕成其句義明知是幻化外發聲語業內表心所法以思有念皆是依通只麼認他着底依為實解

楚石禪師語錄

縱經塵劫只是依通我喚作真經亦是假說了也畢竟如何慈舟不汎滄波上劍閣徒勞放木鴉

慧明院華嚴經會椿藏主請小叅師云處處真處處真塵塵盡是本來人真實說時聲不現正體堂堂沒卻身諸仁者還見堂堂正體麼乾坤大地日月星辰萬象森羅山林河海人天鬼畜蠢動含靈莫不皆有毗盧遮那宴坐其中成等正覺而為眾生轉大法輪然而眾生分上不取一塵不捨一塵所以道一切諸佛身即是一法身一心一智慧力無畏亦然不妨各自住境界各各自證解脫各各自作佛事各各自

楚石禪師語錄卷九

楚石禪師語錄卷九

四

現神通於眼處現神通時即於耳處作佛事於耳處現神通時即於鼻處作佛事於鼻處現神通時即於舌處作佛事於舌處現神通時即於身處作佛事於身處現神通時即於意處作佛事於意處現神通時即於一切處作佛事意處無盡則虛空無盡虛空無盡則世界無盡世界無盡則眾生無盡眾生無盡則諸佛無盡諸佛無盡則行願無盡行願無盡則不可說不可說境界解脫神通佛事無盡無盡雖然猶在法界量裏量外一句作麼生道還委麼山花開似錦間水湛如藍

圓明院起相懋藏主請小叅師云永嘉道行亦禪坐亦禪語默動靜體安然假使鋒刀常坦坦直饒毒藥也閒閒禪則不無作麼生是體莫是上是天下是地僧是僧俗是俗是體麼莫是巍巍堂堂煒煒煌煌聲前非聲色後非色是體麼莫是休去歇去一念萬年去冷湫湫地去一條白練去古廟香爐去寒灰枯木去是體麼莫是恁麼中不恁麼不恁麼中却恁麼是體麼若無麼搏量正是虛空裏打鐵槌莫將閒學解埋沒祖師心只如坐禪須是了却自己偷心始得若不了却自己偷心空坐何益且阿那箇是偷心但是

楚石語錄卷九

五

一切不了念起念滅總是偷心死得偷心便與佛祖不別佛祖要人速證無上妙道長期短期尅期取證畢竟所證何事只教你死盡偷心頓明自性而已於靜坐時須有方便六祖大師道不思善不思惡正與麼時作麼生是本來面目諸仁者現今目前露迥迥地是箇什麼自己本來面目不可就他覓也就他覓得不是自己從生至老著衣喫飯屙屎送尿底喚作臭皮袋忽然報滿四大分散時自己本來面目却在什麼處石頭和尚道欲識菴中不死人豈離而今這皮袋叅

坐期滿散威監院請小叅師云大道絕言詮真機無背面纖塵不盡突出須彌山見地未忘脚下五色索將知此事本自現成不用低頭思量難得所以德山道毫釐繫念三塗業因管爾情生萬劫羈鎖豈可坐在這裏直須轉向那邊更那邊不立佛不立祖自己如生冤家方有些子衲僧氣息若只向千聖背後叉手堪作什麼倚他門戶傍他牆剛被時人喚作郎巖頭道是我向前行脚時見一兩處寧宿只教日夜帶坐得臂上生胝口裏水漉漉地道我坐禪守取與麼時猶有欲在無依無欲便是能仁諸仁者如今學

楚石語錄卷九

楚石語錄卷九

六

道之人那箇無依那箇無欲有依有欲生於海裏浮沈這老古錐當會昌沙汰時去下鄂湖邊作一渡子兩岸各挂一版有人過渡敲版一聲問云阿誰人云我要過那邊去舞棹迎之一日有婆子抱一孩兒問巖頭道且道婆子手中兒子從甚處得來巖頭便打婆云婆生七子六箇不遇知音只這一箇也不消得乃拋向水中雪後始知松栢操事難方見丈夫心雖然切不得認驢鞍橋作阿爺下頷喝一喝薦盛南山師孫義方外請小叅師云這一段事近在口皮邊遠在河沙國不可以有無卜度不可以難易

論量帶於文字語言則爲文字語言所縛泥於清園
禪版則爲蒲團禪板所拘凡坐禪者多不脫透若不
着有卽便着無着有則以無除之着無作麼生除得
欲與空王爲弟子莫教心病難離懸據實而論釋迦
出世達磨西來歷代傳燈無風起浪忽然觀破三界
平沈却來觀世間猶如夢中事到這箇田地始好
坐禪坐是何人禪是何物勘破了也說有也得說無
也得說難也得說易也得得也得不得也得生從何
來鐵鋸舞三臺从從何去牛皮鞦露柱咎曰太原孚
上座問鼓山父母未生以前鼻孔在什麼處山云卽

一教

楚石禪師語錄

七

今生也在什麼處乎上座不肯乃云你問我我與你
道山云父母未生以前鼻孔在什麼處乎但搖扇而
已我當時若作鼓山與他掀倒禪牀見之不思思之
千里諸仁者要識南山鼻孔落處麼良久犀因點月
文生角象被雷驚花入牙

無學長老豫修徒弟固維那請小叅師云佛渡本無
玄妙解會向道直下無事休去歇去好箇脫洒衲僧
若亂踏步向前則千里萬里若論此事從與麼來未
嘗昏昧聲色籠罩不住生灭繫縛不得自由自在無
得無失一切處解脫一切處圓滿淨俱俱絕承當赤

楚石禪師語錄

濯灑沒可把穿却天下人鼻孔全憑箇一着子若無
箇一着子老胡又特地西來做什麼且如石頭馬祖
百丈黃鶯臨濟德山爲仰曹洞雲門潑眼此等皆是
從上宗師亦不得至今日所謂坐釣四海只釣得龍
絡外玄談爲尋知已豈不見仰山一日問同叅云師
弟近日見處如何對云實無一瀟可當情仰云汝解
猶在境問云何故仰云汝豈無能知一瀟可當情者
圓悟老祖云他直得無一瀟可當情尚遭仰山點檢
到這裏無能知所知無一瀟無無一瀟也須是箇人
始得欲窮千里目更上一層樓須知得底人一語不

一教

楚石禪師語錄

八

處發如今不用回頭轉腦只貴直下承當可以作奇
特因可以現殊勝相竭苦海摧障山斷生灭根源碎
無明窠臼正與麼時因齋慶贊一句作麼生道域中
日月縱橫挂一亘晴空萬古春

興化院華嚴經會主監院請小叅師云懷州牛喫禾
益州馬腹脹天下覓盡人參猪左膊上毗盧遮那如
來呵呵大笑云二十重華藏世界海中間所有諸佛
菩薩畜生牛馬被杜順和尚下這一炷不妨應時應
節徹骨徹髓了也召衆云且道適來四句是教耶是
禪耶若道是教八十一卷華嚴經那一卷中有這般

說話若道是禪杜順和尚自是賢首宗師爲什麼却恁地說還有人定當得出也無若定當不出山僧不陷口業與諸人註解一偏肇慶師道古鏡契精其精自形古鏡契心其心自明教亦何曾異禪歸宗和尚云吾今欲說禪諸子總近前汝聽觀音行善應諸方所禪亦何曾異教教是佛口禪是佛心未了之人聽一言只這如今誰動口便向箇裡會得坐斷天下人舌頭更分什麼禪揀什麼教立也在我掃也在我我爲禪王於禪自在若立去有禪有教若掃去禪教皆除禪教既除二十重華藏世界海在什麼處安着聽

楚石禪師語錄

楚石禪師語錄

七

吾偈曰如行東方諸佛刹盡取大地及須彌一一盡抹爲微塵一一塵點一一利四維上下亦如是乃至充滿虛空界卽以如上諸塵數一一化現爲衲僧一一僧示塵數身一一僧具塵數口一一口中塵數舌一一舌宣塵數義盡於未來一一劫度脫不可說眾生一一位登虛舍那不可說劫常開演如此功德不可說世間無能測量者譬如幻師歌幻衆復爲幻衆說幻瀛聞幻瀛已了幻心既了幻心圓幻行坐幻道場成幻佛度脫無量幻衆生展轉成佛亦復然畢竟不離於幻瀛本來實際常寂滅同彼虛空無增減者

能悟此真瀛界誰是成佛不成佛毗盧遮那我同證普賢文殊妙瀛身五十三人善知識爲我印知如是

延福院戲期滿敬維那請小參師云一念普觀無量劫無去無來亦無住如是了知三世事超諸方便成十力拈拂子作一圓相云盡十方世界有情無情向這裏成等正覺全心卽佛全佛卽心竊心既無佛亦不立所以道了了見無一物亦無人亦無佛大千沙界海中漚一切聖賢如電拂與麼則處處解脫而不墮在解脫溪坑處處光明而不滯於光明勝相行住

楚石禪師語錄

楚石禪師語錄

十

坐臥不著音帶而常歷歷惺惺長短方圓不假安排而能綿綿密密終日說不動舌頭終日默不居陰界終日喫飯不曾咬一粒米終日着衣不曾挂一縷絲直下似長劍倚天千日並照諸天捧花無路外道親親無門不是強爲瀛如是故在菩薩則謂之六度萬行在聲聞緣覺則謂之四諦十二因緣在天則天莊嚴在人則人富樂在修羅則修羅滅諍在餓鬼則餓鬼除饑在地獄則地獄清涼在旁生則旁生點慧福無不畢罪無不消拔濟四生梯航九有收因結果一句作麼生道煩惱海中爲雨露無名山上作雲雷

志侍者請普說師云當人脚根下一段大事如千日
並出日上無雲萬鏡臨臺鏡中無像初不分真俗好
醜亦不帶物我是非從父母未生已前至地水火風
分散之後未曾有纖毫相貌及一絲間隔蓋天蓋地
亘古亘今乃佛乃祖同證同入如石室和尚纔見人
來便拈起拄杖云過去諸佛也怎麼現在諸佛也怎
麼未來諸佛也怎麼如是三十年驢屎濕處尿一日
長沙岑大蟲向他道和尚放下手中拄杖別通箇消
息來石室休去一不成二不是又踈山示眾云老僧
咸通年已前會得灋身邊事咸通年已後會得灋身

卷一

卷一

十一

向上事兩重公案雲門出問云如何是灋身邊事山
云枯椿鐸門云如何是灋身向上事山云非枯椿了
門云還許學人說道理也無山云許勾賊破家門云
只如枯椿豈不是明灋身邊事山云是明破則不堪
門云非枯椿豈不是明灋身向上事山云是落七落
八門云灋身還該一切也無山云灋身周徧豈得不
該口只好吃飯門指淨瓶云這箇還有灋身也無山
云閻黎莫向淨瓶邊會鷄子過新羅二大老一問一
答直是風凜凜地傍觀只取得眼你道枯椿與非枯
椿灋身邊事與灋身向上事作麼生辨若辨得便知

楚石禪師語錄

二大老問答分明若辨不得對面三千里又僧問趙
州未生世界早有此性世界壞時此性不壞如何是
不壞之性州云四大五蘊甘草甜僧云這箇是壞底
如何是不壞之性州云四大五蘊黃連苦還知趙州
老漢舌頭落處麼盡山河大地是四大五蘊盡山河
大地是不壞之性若未知趙州老漢舌頭落處則四
大五蘊自在一邊不壞之性自在一邊驢年得休歇
去拈拄杖畫一畫云畫斷葛藤蝦蟇跳上天蚯蚓
抹過東海
海印蘭若華嚴經會華月意請普說師云震灋雷擊

卷一

卷一

十二

灋鼓布慈雲兮灋甘露只如灋雷未震灋鼓未擊慈
雲未布甘露未灋還有為人道理也無若有爲人道
理何用強生節目是故說灋者無說無示聞灋者無
聞無得無說無示真說真示無聞無得真聞真得然
則一時佛事既已周圓汝等諸人如何體悉依希似
曲纔堪聽又被風吹別調中復云此是月窓藏主建
華嚴經會底意旨山僧未免陞座舉揚約山僧見處
你諸人卽是毗盧遮那毗盧遮那與你諸人無二無
別念念中有無量諸佛降生成道轉灋輪入涅槃念
念中文殊普賢觀音彌勒出現念念中善財童子五

十三善知識同因同果同學同行山僧今日都將不可說華嚴世界海枯來着諸人眉毛眼睫上却把大本華嚴十三大千世界微塵數品一四天下微塵數偈總作一句頓在三寸舌頭爲諸人一時吐露直下信得及去此會功不浪施便乃與摩竭提國須彌山頂夜摩兜率他化自在所說底禪門十信十住十行十回向十地等妙二覺不增一字不減一字皆請若凡若聖若幽若顯立地成佛還省力麼若信不及又增口業去也經中道古人欲了知三世一切佛應觀塵界性一切惟心造喝一場三覺心了不可

得

更說什麼

惟心

得更說什麼惟心既不可得毗盧遮那亦不可得無量諸佛亦不可得文殊普賢觀音彌勒亦不可得善財童子五十三善知識亦不可得十信十住十行十回向十地等妙二覺亦不可得不可得亦不可得却從不可得中流出一切言教所以道教是佛語禪是佛意誦佛語者須識佛意識佛意者必通佛語千差萬別七縱八橫辯才無礙底說禪說教如珠走盤你看他華嚴下尊宿圭峯和尚他是真箇悟得底會著禪源集和會禪講兩家云諸祖相承根本是佛況迦葉乃至邈多弘傳皆通三藏提多迦以下因僧乖

諍乃律教別行罽賓國以來因遵王難始經論分化師子尊者受二十三祖鵬勒那悉記先以弘農付囑婆舍斯多獨留罽賓酬償宿債經論家便道師子遭難禪宗絕而不傳不知婆舍斯多早傳衣纓去了所以圭峯說到這裏又云中間馬鳴龍樹是祖師造論釋經數十萬偈觀風化物無定事儀未有講者毀禪禪者毀講今時弟子彼此迷源修心者以經論爲別宗講說者以禪門爲異塵苦談因果修證便推屬經論之家而不和修證正是禪門之本事聞說即心即佛便推屬經論之禪而不知心佛乃是經論之本

得

更說什麼

惟心

雲山僧三十年前出世性院見天台十講人心憤憤口畔非說者禪字頭紅面亦何消得如此近與獨芳和尚幾處是緣又夜來聞其提唱多是禪門說話益此老本領端正取之左右逢其源且如圭峯所詮自是禪門標表亦是教來骨髓應麼和會可然明白後來汴梁有箇淨因戒長老一日與塵真圓悟慈受三大禪老并十大禪師在陳太尉府受齋次徽宗皇帝微服臨幸觀其灋會有善華嚴者對眾問曰吾佛說教自小乘至圓頓掃除空有獨證真常然後萬德莊嚴方名爲佛禪師一喝轉凡成聖與經論似相違背

今一喝若能入五教是爲正說若不能入是爲邪說他置箇問頭不是逞人我爭是非要知禪教分曉若不通經達論如何胡亂答他撞着淨因是箇有地頭無面目漢回天輪轉地軸不爲難只怕你不問不怕我答不得當時善華嚴麼問正是抓着他痒處更不着忙欸欸地向他道如濃師所問不足三大禪師之酬淨因小長老足以解濃師之惑乃召善華應諾成曰濃師所謂小乘教者乃有義也大乘始教者乃空義也大乘終教者乃不有空義也大乘頓教者乃卽有卽空義也一乘圓教者乃不空而不有

聖師

楚石禪師語錄卷九

十五

而不空義也如我一喝非惟能入五教至於百工伎藝諸子百家悉皆能入乃喝一喝問善曰還聞麼善曰聞成曰汝既聞則此一喝是有能入小乘教須更又謂善曰還聞麼善曰不聞成曰汝既不聞則此一喝是無能入始教又顧善曰我初一喝汝卽道有喝久聲消汝復道無道無則元初實有道有則於今實無不有不無能入終教又曰我有一喝之時有非是有因無故有我無一喝之時無非是無因有故無卽有卽無能入頓教又曰我此一喝不作一喝用有無不及情解俱忘道有之時纖塵不立道無之時橫徧

虛空卽此一喝入百千萬億喝百千萬億喝入此一喝是能入圓教善不覺起立向前作禮成又曰非惟一喝爲然乃至語默動靜一切時一切處一切物一切事契理契機周徧無餘於是四眾歡喜龍顏大悅淨因可謂識佛意通佛語千差萬別七縱八橫辯才無礙把這一喝什麼說出來理上也着事上也着禪上也着教上也着喚作鬧市裡鷄碌磚無有不着者今日一會却非偶然建會華月愈與學般若菩薩旣在禪門又通教相欲報佛恩德無過流通正法而況獨芳和尚久專講席特重禪宗山僧此來不勝慶幸

聖師

楚石禪師語錄卷九

十六

因華嚴大教發明臨濟禪諸供養中濃供養最喝一喝云且道山僧適來一喝與淨因一喝相去多少復喝一喝珠維那請普說師云妙喜老人道命根斷家活大慶性寬波瀾闊乃是禪病科立效散你諸人要識命根麼只是第八識如今禪和子病痛昏沈掉舉總在第八識中若要獨脫無依須是把第八識一刀兩段方始快活教中所謂拚命不歟難僧問投子大底人却活時如何投子云不許夜行投明須到這僧問得旣切投子答得又親伯牙與子期不是閒相識第八

識既斷蛇無頭尾不行正賊斬了論什麼賊黨無始至今來爲先鋒去爲殿後風動塵起榮祿殺人但得一念不生自然前後際斷便見爲山道靈光洞耀迴脫根塵體露真常不拘文字心性無染本自圓成但離妄緣卽如如佛僧也如如佛俗也如如佛來也如如佛去也如如佛盡十方世界無一人不是如如佛者嫌箇什麼欠少箇什麼英靈弱子便好向這裏全身擔荷不用回頭轉腦持地起疑疑佛疑祖疑友疑生如染一線絲一染一切染如新一線絲一新一切斬先聖苦口相勸蓋爲袈裟同肩已事明曰他事亦

楚石語錄卷九

楚石語錄卷九

楚石語錄卷九

明白已事了辦他事亦了辦豈可如獐獨跳不顧後輩既住佛屋踏佛地弊佛飯著佛衣須行佛行始得且如何是佛行佛讀者是佛行佛訶者是魔魔說什麼尼薩耆波逸提纔舉心動念早破了也大難大難且怖心難發怖心若發生根本必除須要入門一着真正欲行千里一步爲初皆曰南嶽讓祖因馬大師坐禪一日問他道大德坐禪圖什麼師云圖作佛祖遂將磚就他菴前石上磨師見問云作什麼祖曰磨作鏡師云磨磚豈得成鏡祖曰坐禪豈得成佛師云如何卽是祖曰如牛駕車車若不行打車卽是打

牛卽是馬師休去祖曰汝學坐禪爲學坐佛若學坐禪禪非坐臥若學坐佛佛非定相於無住相不應取捨汝若坐佛卽是殺佛若執坐相非達其理馬師言下大悟作禮問云如何用心卽合無相三昧讓祖曰汝學心地禪門如下種子我說禪要譬彼天澤汝緣合故當見其道師曰云何能見祖曰心地禪眼能見乎道無相三昧亦復然矣師又問有成壞否祖曰若以成壞而見道者非也後來馬大師出世有僧問如何是修道答曰道不屬修若言修得修成還壞卽同聲聞苦言不修卽同凡夫僧云作何見解卽得修道

楚石語錄卷九

楚石語錄卷九

楚石語錄卷九

師曰是性本來具足但於善惡中事不滯喚作修道人取善捨惡觀空入定卽屬造作更若向外馳求轉疎轉遠但盡三界心量一念妄心卽是三界生處根本又曾問和尚爲什麼說卽心卽佛曰爲止小兒啼曾曰啼止後如何曰非心非佛僧曰除此二種人來時如何指示曰向伊道不是物馬大師因讓祖一言之下會去便力荷百二十觔擔子一氣走百二十里更不回頭及乎爲人拈出箇卽心卽佛非心非佛不是物殺人刀活人劍能斷自己命根又能斷他命根臨濟道沿流不止問如何真契無邊說似他難相離

名人不稟吹毛用了急須磨即今吹毛在什麼處已
颺在垃圾堆頭了也

佛日音獎慧辯楚石禪師語錄卷第九

音切

踣跳上蒲反切鉗蒲丁切礫力切振力切盪力切秋

即由四切漉力切羈力切醫力切脹力切鄂力切各

寧力切膊力切覷力切椿力切鵠力切蝦蟇力切加切

下美力切蚯力切上血力切下力切罰力切憤力切排力切抓力切加切

切力切痒力切颺力切碌力切絆力切緜力切僮力切加切

文部

楚石禪師語錄

下九星

佛日音獎慧辯楚石禪師語錄卷第十

舉古上

侍者明遠等編

舉雲門一日拄拄杖云凡夫實謂之有二乘祈謂之
無緣覺謂之幻有菩薩當體即空衲僧見拄杖但喚
作拄杖行但行坐但坐總不得動着妙喜云我不似
雲門老人將虛空剗窟窿驀拈拄杖云拄杖子不屬
有不屬無不屬幻不屬空卓一下云凡夫二乘緣覺
菩薩盡向這裏各隨根性悉得受用惟於衲僧分上
爲害爲冤要行不得行要坐不得坐進一步則被拄

文部

楚石禪師語錄

一

楚石禪師語錄卷第九
楚石禪師語錄卷第九
楚石禪師語錄卷第九
楚石禪師語錄卷第九
楚石禪師語錄卷第九

楚石禪師語錄

杖子迷却路頭退一步則被拄杖子穿却鼻孔只今
莫有不甘底麼試出來與拄杖子相見如無來年更
有新條在惱亂春風卒未休師云凡夫不合起有見
二乘不合起無見緣覺不合起幻有見菩薩不合起
當體即空見不可放過雲門老漢貪觀白浪失却手
撓累他天下衲僧總落拄杖圈裡放過不可好與一
坑埋却
舉僧問香巖如何是道巖云枯木裏龍吟僧云如何
是道中人巖云觸體裏眼睛僧又問石霜如何是枯
木裏龍吟霜云猶帶喜在如何是觸體裏眼睛霜云

僧帶識在又問曹山如何是枯木裏龍吟山云血脉不斷如何是觸髅裏眼睛山云乾不盡遂有頌云枯木龍吟真見道觸髅無識眼初明喜識盡時消息盡當人那辨濁中清圓悟老人云一人透語滲漏一人透情滲漏一人透見滲漏妙喜云諸人還揀得出麼若揀不出不憎眉毛爲諸人說破香巖透語滲漏被語言縛殺石霜透情滲漏被情識使殺曹山透見滲漏被見聞覺知惑殺分明說了具眼者辨取師云妙喜老人全身坐在三種滲漏裏却不被三種滲漏所拘雖然要見古人直是遠在爲什麼如此無事故壞

楚石語錄卷十

楚石語錄卷十

二

人家男女

舉提婆達多在地獄中世尊令阿難傳問云汝在地獄中可忍受否云我雖在地獄中如三禪天樂世尊又令阿難傳問你還求出否云待世尊入地獄我即出阿難云世尊是三界大師豈有入地獄分云世尊既無入地獄分我豈有出地獄分妙喜云既無出分又無人分喚什麼作釋迦老子喚什麼作提婆達多喚什麼作地獄還委恁麼自構瓶去沽村酒却着衫來作主人師云妙喜與麼批判刁刁相似魚魯差殊不知釋迦老子自是釋迦老子提婆達多自是提婆

達多地獄自是地獄料掉沒交涉一夜落花雨滿城流水香

舉招慶問羅山有人問巖頭塵中如何辨主頭云銅鉢羅裏滿盛油意作麼生山召大師慶應話山云獼猴入道場山却問明招云有人問你作麼生招云箭穿紅日影妙喜云還會麼獼猴入道場箭穿紅日影兩箇老古錐擔雪共填井喝一喝師云我當時若作羅山待招慶問銅鉢羅裏滿盛油意作麼生便喝山却問明招或有人問你作麼生也與一喝召衆云且道天寧兩喝與妙喜一喝是同一喝

楚石語錄卷十

楚石語錄卷十

三

舉招慶普請擔泥次中路按拄杖問僧云上窟泥下窟泥僧云上窟泥慶打一棒又問一僧上窟泥下窟泥僧云下窟泥慶亦打一棒又問明招招放下泥擔叉手云請師鑑慶便休妙喜云招慶雖然休去爭奈明招不甘雲門當時若見他放下泥擔云請師鑑勞脊也與一棒看他如何折合師云國清才子貴家富小兒驕

舉睦州問僧近離甚處僧云河北州云河北有箇趙州和尚上座曾到彼麼僧云某甲近離彼中州云趙州有何言句示徒僧遂舉與茶話州乃云慚愧却問

僧趙州意作麼生僧云只是一期方便州云云哉趙州被你將一杓屎潑了也便打後來雪竇云這僧克由耐耐將一杓屎潑他二員古佛妙喜云雪竇只知一杓屎潑了他趙睦二州殊不知這僧末上被趙州將一杓屎潑了却到睦州又遭一杓只是不知氣息若知氣息甚麼處有二員古佛師云這僧不會喫茶意旨不知潑屎氣息帶累好人墮屎坑中合與多少拄杖雪竇妙喜一時放過也須替他入涅槃堂始得舉僧問雲門如何是超佛越祖之談門云胡餅妙喜云雲門直是好一枚胡餅要且無超佛越祖底道理

教訓

雪竇

三

教訓

雪竇

三

師云聖

舉洞山云須知有佛向上事僧問如何是佛向上事山云非佛雲門云名不得狀不得所以非妙喜云二尊宿怎麼提持佛向上事且緩緩這裏即不然如何是佛向上事拽拄杖劈脊便打免教伊在佛向上躲根師云我這裏無向上向下佛是西天老比丘今朝有酒今朝醉明日無錢明日求舉石門聰和尚云十五日已前諸佛生十五日已後諸佛滅十五日已前諸佛生你不得離我這裏若離我這裏我有鈎鈎你十五日已後諸佛滅你不得住

我這意若生我這裏我有誰誰你且道正當十五日用鈎即是誰即是遂有頌云正當十五日鈎誰一時息更疑如何回頭日又出妙喜云張三玄三要扶登臨濟正宗須是怎麼人始得雖然如是雲門即不然十五日已前諸佛本不曾生十五日已後諸佛本不曾滅十五日已前你若離我這裡我也不用鈎鈎你一任橫擔拄杖緊峭草鞋十五日已後你若住我這裡我也不用誰誰你一任物折拄杖高挂鉢囊且道正當十五日合作麼生乃云十五日前後鈎誰徒爾爲今朝是十五正好用鈎誰且作麼生用路

逢次她莫打殺無底籃子盛將歸師云用盡自己心笑破他人口舉白雲祥和尚問僧不喚假名而談實相作麼生僧云這箇是椅子白雲以手撥云將鞋袋來僧無對白雲云這虛頭漢雲門聞云須是祥兄始得妙喜云雲門扶強不扶弱爭奈隣兒不覺覷這僧當時若是箇漢待他道將鞋袋來便與掀倒禪床直饒白雲牙如劍樹口似血盆也分疎不下師拈起拄杖云這箇是假名那箇是實相這箇是實相那箇是假名一不是二不成路遠夜長休把火大家吹殺暗中行擲拄杖

聖石頭問長髯甚處來髯云嶺南來頭云大庾嶺頭
一鋪功德成就也未髯云成就久矣只欠點眼在頭
云莫要點眼麼髯云便請頭坐下一足髯便禮拜頭
云子見箇什麼便禮拜髯云如紅爐上一點雪妙甚
云叟中商量甚多或云無眼功德有甚點處或云莫
要點眼麼待他道便請好勞脊便打若恁麼未免穢
汚這功德雲門即不然待這老漢坐下一足但道起
動和尚師云長髯親從大庾嶺來平白被石頭點護
一上見箇什麼便問一鋪功德成就也未虛空裏釘
眼又有長髯把不定便道成就久矣只欠點眼在一

一

是口便活後

一

一

是口便活後

一

一

盲引眾盲石頭坐下一足還當得點眼也無一箇既
不惺惺兩箇更是懺懺如紅爐上一點雪果然諸人
切忌接響承虛脫空妄語
舉王大王向雪峯會裏請晏監寺住鼓山雪峯與子
上座送出門回至灑堂上乃曰一隻聖箭直射入九
重城裏去也乎云和尚是伊未枉峯曰渠是徹底人
乎云若不信待某甲去勘過遂往路中把住云師兄
向甚麼處去鼓山云九重城裏去乎云忽遇三軍圍
閉待如何山云他家有通霄路乎云恁麼則離宮
失殿去也山云何處不稱尊乎便回謂雪峯云行一

聖聖新折却也遂舉前話峯云渠有語在子云這老
東隱畢竟有鄉情在妙喜云叟中商量道什麼處是
聖箭折處云鼓山不合答他話是聖箭折處鼓山不
合說道理是聖箭折處恁麼批判非惟不識鼓山亦
乃不識子老殊不知乎上座正是一枚賊漢於鼓山
面前納一場敗關麼羅而歸却來雪峯處拔本大似
星裏取陽州若非雪峯有大人相這賊向甚麼處容身
當時可惜放過却成箇不了底公案只今莫有爲古
人出氣底麼試出來我要問你甚麼處是聖箭折處
師云鼓山聖箭折入九重城甚上氣槩乎上座等

問殺看喀露鋒謎回至聖堂却云箭折誣人之罪以
罪加之妙喜老人謂乎上座是一枚賊漢向鼓山面
前卸教關而歸騎賊馬殺賊大凡事不孤起當時雪
峯只因賣弄這一隻聖箭子勾賊破家若也較定子
關誰敢無風起浪便是盡大地稻麻竹葉化作和尚
要勘鼓山也無啓口處天寧不是貳則古人聖箭子
是什麼則草莖拋向垃圾堆頭着更問他折處且莫
哀涕好
舉明招司人大曾忽問目前無灑意在目前不是目
前灑非耳目之所到未審比四句那句是實那句是

主明招撥開火云你向這裏與我拈出一莖眉毛看
僧云非但某甲盡大地人喪身失命招云何故自把
髻投衙妙喜云這僧有頭無尾明招有尾無頭若人
道得頭尾圓全句雲門與你拄杖子師云不解拈出
火裏眉毛未知四句中哪一句是賓哪一句是主妙
喜道這僧有頭無尾明招有尾無頭直饒妙喜道得
頭尾圓全句天寧拄杖子未放伊在

舉南泉坐次一僧問訊叉手而立泉云太俗生僧合
掌泉云太僧生僧無語妙喜云合掌太僧生叉手又
俗氣總不恁麼時尊體無頓處有巴鼻蘇魯蘇魯

卷之三

慧語錄

悉喇悉喇喝一喝云是甚麼近來王令稍嚴不許攙
行奪市師云叉手太俗合掌太僧不僧不俗誰敢安
名檢點將來也是垛生招箭且道落在這僧分上落
在南泉分上

舉麻谷持錫到章敬遶禪牀三匝振錫一下卓然而
立妙喜云純鋼打就生鐵鑄成敬云是是妙喜云錦
上鋪花三五重谷又持錫到南泉遶禪牀三匝振錫
一下卓然而立妙喜云已納敗闕了也泉云不是不
是妙喜云枷上更着桎谷云章敬道是和尚爲什麼
道不是妙喜云愁人莫向愁人說泉云章敬則是是

汝不是此是風力所轉終成敗壞妙喜云試把火炙
看南泉面皮厚多少復召大眾云雲門恁麼批判且
道肯他不肯他師云麻谷遶牀振錫參禮常儀爲什
麼章敬道是南泉道不是苦瓠連根苦甜瓜徹蒂甜
舉讓和尚遣僧問馬祖云作麼生祖云自從胡亂後
三十年不曾少鹽醬妙喜云雲門即不然夜夢不祥
書門大吉師云且道妙喜與馬祖是同是別如何黑
漆屏風上更寫盧仝月蝕詩

舉僧問雲峯如何是心地灋門峯云不從人得僧云
不從人得時如何峯云此去衡陽不遠妙喜云雲門

卷之三

慧語錄

七

即不然如何是心地灋門不從人得不從人得時如
何看脚下師云或問天寧如何是心地灋門不從人
得不從人得時如何早晨有粥齋時有飯

舉僧問巖頭三界競起時如何頭云坐却着僧云未
審師意如何頭云移取廬山來即向汝道妙喜云巖
頭古佛向萬仞崖頭坐手鑊湯鑪炭裏橫身益爲慈
悲之故有落草之談今日若有人問雲門三界競起
時如何只向他道快便難逢未審師意如何移取雲
門山來即向汝道師云三界競起巖頭道坐却着見
怪不怪其怪自壞妙喜道快便難逢順水采舟更加

櫓棹天寧道在什麼處長安甚開我國晏然未審師意如何待我上山斫棒來却向汝道三段不同收歸上科

舉僧問五祖如何是佛祖云露冒跣足如何是灋云大赦不放如何是僧云釣魚船上謝三郎妙喜云此三轉語一轉具三玄三要四料揀四賓主洞山五位雲門三句百千灋門無量妙義若人揀得許你具一隻眼師云三玄三要四料揀四賓主洞山五位雲門三句百千灋門無量妙義大似頭上安頭天寧今日爲你諸人抽却釘拔却楔做箇洒洒落落地丈夫兒

數種

楚石禪師語錄

豈不好何故畀他殘羹餽飯隨他脚後跟轉被他咬作無地頭漢慚惶殺人

舉僧問雲門如何是道門云透出一字妙喜云透出一字却不相似急轉頭來張三李四師云天寧作麼生拈拄杖擊禪牀云泊合停囚長智

舉教中道生滅滅已寂滅現前妙喜云真生無可生真滅無可滅寂滅忽見前蝦蟇吞却月師云寂滅不現前心心生與滅龜毛扇子扇泥牛一點血
舉僧問趙州百骸俱潰散一物鎮長靈時如何州云今朝又風起妙喜云今朝又風起開處莫揷嘴觸着

問羅王帶累陰司鬼師云天寧下箇注脚也要醉後添杯今朝又風起不必更疑猜就地撒將黃葉去入山推出白雲來

舉法眼問覺鐵背近離甚處覺云趙州眼云承聞趙州有栢樹子話是否覺云無眼云往來皆謂僧問如何是祖師西來意州云庭前栢樹子上座何得道無覺云先師實無此語和尚莫謗先師好妙喜云若道有此語蹉過覺鐵背若道無此語又蹉過法眼若道兩邊都不涉又蹉過趙州直饒總不恁麼別有透脫一路入地獄如箭射畢竟如何舉起拂子云還見古

數種

楚石禪師語錄

人麼喝一喝師云祖師西來意庭前栢樹子此話已偏行天下也因甚麼覺鐵背却道先師無此語果中往往西來趙州只是一期方便不可作實解所以道無與麼亂統謗他古佛不少妙喜云若道有此語蹉過覺鐵背若道無此語又蹉過法眼若道兩邊俱不涉又蹉過趙州今日煙波無可釣不須新月更爲釣

舉青原思和尚問六祖當何所務卽不落階級祖云汝曾作什麼來思云聖諦亦不爲祖云落何階級思云聖諦尚不爲何階級之有祖深器之妙喜云莫將

閑話爲閑話往往事從閑話生師云弄泥團漢有什麼限

舉龐居士問靈照女明明百草頭明明祖師意作麼生會照云這老漢頭白齒黃作這箇見解居士云你作麼生照云明明百草頭明明祖師意妙喜云龐居士先行不到靈照女末後太過直饒齊行齊到若到雲門一坑埋却且道過在什麼處明明百草頭明明祖師意師云明明百草頭明明祖師意龐公只解拋磚靈照何曾瞥地從教千古萬古黑漫漫填溝塞壑没人會

卷一

寒山轉苍翠

舉雲門云百草頭上道將一句來衆無語自代云俱圓悟老人云割妙喜云普復云俱割普曰輪午李將軍射石虎雖然透過那邊枉發千鈞之弩師云雲門俱少實多虛圓悟割了無交涉妙喜普直須薦取這三箇漢各立生涯搖頭擺尾到處逢他深山藏獨虎淺草露羣地

舉僧問趙州四山相逼時如何州云無路是趙州妙喜云無路是趙州老將足機籌關南并塞北當下一時收師云四山相逼時無路趙州老黃葉落紛紛一任秋風掃

寒山轉苍翠

卷一

舉裴相國入寺見壁間書像問院主云壁間是甚麼主云高僧裴云形儀可觀高僧在甚麼處主無語裴云這裡更有禪僧麼時黃葉在衆主云有一希運上座頭似禪僧裴遂召黃葉舉前語似之裴云但請問來裴云儀形可觀高僧在甚麼處葉召相公公應諾裴云在甚麼處裴於言下領旨妙喜云裴公將錯就錯脫盡展應黃葉信口垂慈不費心力似地槃山不知山之孤峻如石含玉不知玉之無瑕雖然如是黃葉只有殺人刀且無活人劍今日大資相公或問雲門形儀可觀高僧在甚麼處雲門亦召云相公相公

卷一

寒山轉苍翠

卷一

若應諾雲門卽向道今日堂中持謝供養師云裴相國這高僧在甚麼處分明換却眼睛黃葉更召相公則把鉢盂安柄老妙喜與人錯下注脚便道似地槃山不知山之孤峻如石含玉不知玉之無瑕蹉過了也天寧卽不然亦召相公相公應諾劈脊便棒免教這漢向灰水裏淹殺

舉僧問趙州如何是祖師西來意州云庭前栢樹子僧云和尚莫將境示人州云我不將境示人僧云如何是祖師西來意州云庭前栢樹子妙喜云庭前栢樹子今日重新舉打破趙州關特地尋言語既是打

破關爲什麼却尋言語當初將謂茅長短燒了元來地不平師云庭前栢樹子天下杜禪和只管尋枝葉還會夢見麼四海幸然清似鏡莫來平地起風波舉裴相國捧一尊像胡跪於黃檗前云請師安名裴云裴休裴應詰裴云與汝安名竟裴作禮云謝師安名妙喜云裴公黃檗可謂如水入水似金傳金雖然如是檢點將來不無滲漏今日蔡中郎或捧一尊像請雲門安名卽向道清淨法身毗盧遮那佛若云謝師安名卽向道下坡不走快便難逢師云裴公捧像黃檗安名令地看來如大家教新婦相似直是好笑

楚石

楚石語錄卷一

一

笑須三十年妙喜既不能坐斷未免隨例顛倒與作清淨癡身毗盧遮那佛周人以栢殷人以果舉外道問佛不問有言不問無言世尊良久外道讚嘆云世尊大慈大悲開我迷雲令我得入外道去後阿難問佛外道有何所證而言得入世尊云如世良馬見鞭影而行雪竇云邪正不分過由鞭影妙喜云邪正兩分正由鞭影師云欲識邪正不分麼誰是外道誰是世尊欲識邪正兩分麼世尊自世尊外道自外道此是天寧見處一任諸方貶刺舉僧問趙州如何是趙州州云東門南門西門北門

僧云不問這箇州云你問趙州聲妙喜云這僧問趙州趙州答趙州得人一馬還人一牛人平不語水平不流會麼受思深處玄先退得意濃時便好休師云儘這僧神通跳趙州關不過大丈夫漢當與決擇未到弓折箭盡卽便拱手歸降何不着一轉語教他納欵去且道着得箇什麼語

舉僧問長沙南泉遷化向甚麼處去冰云東家作驢西家作馬僧云未審意旨如何冰云要騎便騎要下便下妙喜云今日或有人問雲門圓悟老人遷化向甚麼處去卽向他道入何尊大地獄去也未審意旨

楚石

楚石語錄卷一

二

如何欽洋銅汁吞熱鐵團或問還救得也無云救不得爲什麼救不得是這老漢家常茶飯師云若欲報德酬恩願是長沙妙喜忤逆兒孫始得雖然珊胡枕上兩行淚半是思君半恨君

舉百丈凡來欠有一老人常隨衆聽麈奴人退老人亦退忽一日不退丈遂問面前立者復是何人老人云某甲非人也於過去迦葉佛時曾住此山因學人問大修行底人還落因果也無對云不落因果五百主墮野狐身今請和尚代一轉語貴脫野狐身老人遂問大修行底人還落因果也無丈云不昧因果老

人於言下大悟便脫野狐身妙喜云不落與不昧半
明兼半晦不昧與不落兩頭空索索五百生前箇野
狐而今冷地護追呼喝一喝云座中既有江南客休
向樽前唱鷓鴣師云這箇公案批判者多盡向不落
不昧上妄生卜度未有一箇格外提持帶累百丈老
人也枉野狐隊裏天寧不是釘椿搖櫓膠柱調絃海
枯終見底人歟脚皮穿

舉道吾與漸源至一家吊樹源拊棺云生耶歟耶吾
云生也不道歟也不道源云爲什麼不道吾云不道
不道回至中路源云和尚快與某甲道若不道打和

楚石

楚石語錄卷十

一六

尚去吾云打卽任打道卽不道妙喜云生也不道歟
也不道公案兩重一狀領到靈刀吹毛截斷縹緲脫
却鶻鼻衫拈却炙脂帽大坐當軒氣結結喝一喝師
云生耶歟耶動念卽乖不道不道何處尋討拽脫鼻
孔打破髑髏腰纏十萬貫騎鶴上揚州有意氣時添
意氣不風流處也風流

舉僧問睦州一言道盡時如何州云老僧在你鉢囊
裏又問雲門一言道盡時如何門云裂破妙喜云或
有人問山僧一言道盡時如何這漆桶師云有人來
問天寧一言道盡時如何隔

舉僧問雲門達磨九年面壁意旨如何門云念七妙
喜云念七念七全無消息背看分明正觀難識既是
正觀爲什麼難識可知禮也師云達磨面壁雲門念
七更問如何啼啼啞啞

舉龐居士問馬大師不昧本來身請師高着眼大師
直下覷士云一種沒弦琴惟師彈得妙大師直下覷
居士禮拜大師歸方丈居士隨後至方丈云適來弄
巧成拙妙喜云且道是馬大師弄巧成拙龐居士弄
巧成拙還有絛素得出者麼若絛素不出癩馬繫枯
椿直饒絛素得出也是蝦蟇口裏一粒椒師云馬大

楚石

楚石語錄卷十

十七

師彈得沒弦琴調高千古龐居士和得無譜曲響徹
九霄溪邊石女暗嗟吁海底泥牛亂奔走雖然如是
也未契本來身在不見道蝦蟇口裡一粒椒
舉龐居士云心如境亦如無實亦無虛有亦不實無
亦不拘不是聖賢了事凡夫妙喜云白的好清寂寥
水不能濡火不能燒是箇什麼切不得問着問着則
瞎却你眼以拄杖擊香臺一下師云要作了事凡夫
更須進前三步

舉古德云佛濃也大有只是舌頭短妙喜云向道莫
行山下路果聞猿叫斷腸聲師云古德元不知有佛

灤一箇箇舌頭偏覆十方世界特地說無說有說短說長好劈口便掌且道天寧意在什麼處河裏失錢河裏撿

舉洛浦示眾云孫贖收鋪去也有卜者出來時有僧出曰請和尚一卜浦云汝家爺歟僧無語灤眼代拈掌三下妙喜云這僧沒興歟却爺又被他人拈掌信知禍不單行福無雙至然洛浦善卜灤眼善斷若子細思量又象吉凶二老一時漏逗既占得火風鼎卦何故斷作地火明夷雲門即不然舊拈拄杖云孫贖門下歟却即罷連卓三下云會麼內屬良言再求外

數師

楚石禪師語錄

九

象又卓三下云千靈萬聖萬聖千靈莫順人情復卓一下云吉凶上卦師云洛浦道汝家爺歟拄却古頭妙喜牙上生牙角上生角妄談休咎強說是非一時抖亂六十四卦了也

舉巖頭叅德山纔跨門便問是凡是聖山便喝頭便禮拜後有僧舉似洞山云若不是巖公也大難承當巖頭聞云洞山老漢不識好惡錯下名言我當時一手擡一手搦妙喜云猛虎不識窠中身歟蛟龍不怖劍下身凶巖頭雖於虎奔中有透脫一路向劍刃上有出身之機若子細檢點將來猶欠悟在只

今還有爲巖頭作主底麼出來與果上座相見良久喝一喝拍一拍云泊合停囚長智師云德山咬猪狗手脚巖頭鑽了底情金臺劉相逢更無回互將他八兩換得半斤洞山雖是作家也只傍觀有分妙喜費許多氣力作什麼拈拄杖畫一畫云一舉本仁示眾云尋常不欲向聲前句後鼓弄人家男女何故且聲不是聲色不是色時有僧問如何是聲不是聲仁云喚作色得麼僧云如何是色不是色仁云喚作聲得麼僧禮拜仁云且道爲你說答你話若人辨得許你有箇人處妙喜云本仁將一穿雲居子

數師

楚石禪師語錄

九

換却天下人眼睛却被這僧將一條斷貫索不動干戈穿却鼻孔後來舜老夫拈云本仁既已入草這僧又落深村然則陽春雪曲時人難和却歌社舞到處與人合得着妙喜云舜老夫是則也是未免隨樓搜果上座不惜眉毛爲諸人說破聲不是聲色不是色馬後驢前神出鬼沒雪曲陽春和不齊却歌社舞且泥滑以拂子擊禪牀云這箇決定不是聲復舉起云這箇決定不是色且畢竟是箇甚麼喝一喝云此時若不究根源直待當來問彌勒師云本仁也只道得箇聲不是聲色不是色別有甚麼奇特白雪陽春雖

唱得爭奈時人和不得請訛在甚麼處聲不是聲色不是色

舉雪峯問僧近離甚麼處僧云覆船峯云生處海未渡爲什麼覆却船僧無語歸舉似覆船船云何不道渠無生處僧再至雪峯峯再舉前話問僧僧云渠無生處峯云此不是汝語僧云是覆船恁麼道峯云我有二十棒寄與覆船二十棒老僧自喫要且不干閣梨事妙喜云作家宗師天然猶在雖然如是也是作賊人心處是則不干這僧事二十棒何須白喫但更添二十棒只打覆船便了且道渠過在甚麼處老老大

鼓部一

楚石語錄卷十

二十一

大不合與人代語師云覆船道渠無生處還契得雪峯意麼若契得雪峯意爲什麼道我有二十棒寄打覆船二十棒老僧自喫會麼這裏若會便見妙喜道作賊人心處勘破雪峯了也是則不干這僧事二十棒何須自喫但更添二十棒只打覆船便了你道妙喜還有過也無頭上着枷脚下着杻

舉僧問鏡清新年頭還有佛灋也無清云有僧云如何是新年頭佛灋清云元正啓祚萬物咸新僧云謝師答話清云山僧今日失利又僧問明教新年頭還有佛灋也無教云無僧云年年是好日日是好日日

楚石禪師語錄

爲什麼却無教云張公與李公禪僧云老老大大龍頭蛇尾教云山僧今日大利妙喜云二尊宿一人向高高峯頂立不露頂一人向深深海底行不濕脚是則也是未免有些請訛今夜或有人問果上座新年頭還有佛灋也無只向他道今日一隊奴僕在茶堂裏却歌社舞弄些神鬼直得點習尊者惡發把鉢盂峯一擲擲過恒河沙世界之外驚得憍陳如怕怖障惶倒騎露柱跳入擔板禪和鼻孔裏撞倒舒州天柱峯安樂山神忍俊不禁出來攔臂搗住云尊者你既稱阿羅漢出三界二十五有塵勞超分段生處因

鼓部一

楚石語錄卷十

二十二

甚麼有許多無嗣被這一問不勝慙懣却回佛殿裏第三位打坐依舊點習點助道天上天下惟我獨尊自云住住果上座他問新年頭佛法爲什麼一向虛空裏打筋斗說脫空謾人良久云果上座今日失利師云有佛灋無佛灋盡被鏡清明教二大老當頭坐斷不許後人搏量妙喜以虛空口掉廣長舌將三千大千世界過現未來佛及眾生真如凡聖陰陽寒暑乘除加減束作一句卷舒無礙收放自由管什麼新年頭舊年尾佛灋道有也得道無也得誰敢正眼覷着若到天寧門下更須勘過少年曾決龍蛇陣潦倒

還聽稚子歌

舉僧問睦州經頭以字不成八不是未審是什麼字
州彈指一下云會麼僧云不會州云上來講讚無限
勝因蝦蟇蟀跳上天蚯蚓驚過東海妙喜云這僧只
問經頭一字睦州盡將善知眾藝差別字輪以龍龕
手鑑唐韻玉篇從頭注解撒在這僧懷裏這僧也不
妨奇特直下便肯承當且道什麼處是他承當處聽
取箇註脚以字不成八字不是彈指未終普天匝地
擊開四十二般若波羅蜜門叅透華嚴會中善知眾
藝教內教外一時收世出世間皆周備無邊罪咎如

數鄉

楚石禪師語錄

卷一

火消冰無量勝義如恒沙聚更有箇末後句堅牢庫
藏永收藏總屬山前熊伯莊師云經頭一字是什麼
字睦州彈指一下將黃面老人四十九年說不盡底
一時吐露了也妙喜矢上加尖道更有末後一句諸
人還委悉麼良久山斷疑休去峯高又起來
舉龍牙頌云一切名山到因脚辛苦年深與襪着而
今年老不能行手裏把箇破木杓白雲端和尚云龍
牙老人可謂契處難忘妙喜云端和尚恁麼道大似
以已方人果上座即不然家貧難辦素食事忙不及
草書師云這一箇那一箇和本三人一時放過是非

終日有不聽自然無

舉三聖道我逢人即出出則不為人興化道我逢人
即不出出則便為人真淨和尚云這兩箇老古錐竊
得臨濟些子活計各自分疆列界氣衝宇宙使明眼
人只得好笑妙喜云真淨老人太似欺誣亾沒果上
座即不然豁開三要三玄路坐斷須彌第一峯且道
在三聖分上耶在興化分上耶具眼者辨取師云三
聖興化明眼宗師因什麼活計本同生涯迥異但有
路可上更高人也行
佛日普獎慧辯楚石禪師語錄卷第十

數鄉

楚石禪師語錄

卷一

音切

剗切於九窟龍繞交積止髭子葦

尿切提切蒂切鯀切鯀切鯀切鯀切

佛切垢切囉切囉切囉切囉切囉切囉切

歲切龕切龕切龕切龕切龕切龕切龕切

楚石禪師語錄

楚石禪師語錄

楚石禪師語錄

楚石禪師語錄

楚石禪師語錄

佛日普獎慧辯楚石禪師語錄卷第十一
舉古下

侍者明遠等編

舉百丈再參馬祖侍立次祖豎起拂子云云卽此用離此用祖挂拂子於舊處良久云你他後開兩片皮將何爲人丈取拂子豎起祖云卽此用離此用丈亦挂拂子於舊處祖便喝後黃檗到百丈一日辭欲禮拜馬祖去丈云馬祖已遷化也檗云未審馬祖有何言句丈遂舉再參因緣云我當時被馬祖一喝直得三日耳聾黃檗聞舉不覺吐舌百丈云子已後莫承

楚石語錄卷十一

一

嗣馬祖否檗云不然今日因師舉得見馬祖大機之用且不識馬祖若嗣馬祖已後喪我兒孫妙喜云百丈被喝直得三日耳聾黃檗聞舉不覺吐舌百丈疑其承嗣馬祖後因臨濟三度問佛法大意三度打六十棒便與三日耳聾出氣臨濟始覺如蒿枝拂相似敢問大眾既是師承有據因什麼用處不同會麼曹溪波浪如相似無限平人被陸沈師云百丈豎拂馬祖一喝黃檗聞舉不覺吐舌臨濟宗興正法眼滅父子不傳神仙秘訣奈何後代兒孫盡喚烏龜作鼈乃喝一喝

楚石禪師語錄

舉昔有一婆子施財請趙州和尚轉大藏經趙州下禪牀遶一币云轉藏已畢人回舉似婆子婆云比來請轉一藏如何和尚只轉半藏妙喜云衆中商量道如何是那半藏或云再遶一匝或彈指一下或咳嗽一聲或喝一喝或拍一拍恁麼見解只是不識羞若是那半藏莫道趙州更遶一匝直饒百千萬億币於婆子分上只得半藏設使更遶須彌山百千萬億币於婆子分上亦只得半藏假饒天下老和尚亦如是遠百千萬億币於婆子分上也只得半藏設使山河大地森羅萬象若草若木各具廣長舌相異口同音

楚石語錄卷十一

二

從今日轉到盡未來際於婆子分上亦只得半藏諸人要識婆子麼良久云鴛鴦繡出從君看不把金鍼度與人師云這婆子謂趙州只轉半藏弄假像真當時只消道何不向未遶禪牀時會取舉世尊將諸聖衆往第六天說大集經勅他方此土人間天上一切憍惡鬼神悉皆集會受佛付囑擁護正法脫有不赴者四天門王飛熱鐵輪追之令集旣集會已無有不順佛勅者各發弘誓擁護正法唯有一魔王謂世尊云瞿曇我待一切衆生成佛盡衆生界空無有衆生名字我乃發菩提心薦福懷云臨危

不變真大丈夫諸仁者作麼生着得一轉語與黃面老子出氣尋常神通妙用智慧辯才到此總用不着盡閣浮大地人無不愛佛到者裏何者是佛何者是魔還有辨得出麼良久云欲得識魔麼開眼見明欲得識佛麼合眼見暗魔之與佛以拄杖一時穿却鼻孔雪上加霜妙喜却與釋迦老子代一轉語待

又

楚石語錄卷十一

三

這魔王道眾生界空無有眾生名字我乃發菩提心只向伊道幾乎錯喚你作魔王此語有兩負門若人檢點得出許伊具衲僧眼師云澤廣藏山狸能伏豹二大老何用多言只消對魔王道魔王魔王你認那箇作菩提心還識得也未設使一切眾生成佛盡眾生界空無有眾生名字你要發心也未許你在管取拱手歸降

舉障蔽魔王領諸眷屬一千年隨金剛齊菩薩覓起處不得忽因一日得見乃問云汝當依何住我一千年覓汝起處不得菩薩云我不依有住而住我依無

住而住如是而住妙喜云既覓起處不得一千年隨從底是什麼金剛齊云我不依有住而住不依無住而住如是而住互相熱謗法眼道障蔽魔王不見金剛齊則且置只如金剛齊還見障蔽魔王麼恁麼批判也是看孔着楔即今莫有知妙喜起處底麼喝云寐語作麼師云金剛齊道我不依有住而住不依無住而住如是而住一時被障蔽魔王捉敗了也雖然也須扶起金剛齊始得

舉二十四祖師子尊者因霸賓國王秉劍於前云師得蘊空否祖云已得蘊空王云既得蘊空離生歟否

又

楚石語錄卷十一

四

祖云已離生歟王云既離生歟就師乞頭得否祖云身非我有豈況於頭王便斬之白乳涌高數尺王臂自墮妙喜云孟八郎漢又與麼去師云似則也似是則未是

舉二十五祖波舍斯多因與外道論義外道云請師默論不假言說祖云不假言說孰知勝負外道云但取其義祖云汝以何為義外道云無心為義祖云汝既無心安得義乎外道云我說無心當名非義祖云汝說無心當名非義我說非心當義非名外道云當義非名誰能辨義祖云汝名非義此名何名外道云

爲辨非義是名無名祖云名既非名我亦非義辨者是誰當辨何物如是往反五十九番外道杜口信伏妙喜云婆舍斯多何用切怛當時若見他道請師默論不假言說便云義墮了也卽今莫有與妙喜默論者麼或有箇衲僧出來道義墮了也我也知你向鬼窟裡作活計師云我若作二十五祖纔見外道人門便連棒打出豈不丈夫更待他道請師默論至於往反五十九番遠之遠矣

舉六祖能大師因僧問黃梅意旨什麼人得祖云會佛法人得僧云和尚還得否祖云我不得僧云和尚

爲什麼不得祖云我不會佛法妙喜云還見祖師麼若也不見徑山與你指出芭蕉芭蕉有葉無了忽然一陣狂風起恰似東京大相國寺裏三十六院東廊下壁角頭王和尚破袈裟畢竟如何歸堂喫茶師云棒打石人頭曝曝論實事

舉牛頭下安國玄挺禪師因僧問五祖云真性緣起其義云何祖默然時師侍次乃謂大德正興一念問時是真性中緣起其僧言下大悟妙喜云未興一念問時不可無緣起也時有僧云未興一念問時喚什麼作緣起妙喜云我也只要你怎麼道師云崑崙奴

著鐵袴打一棒行一步

舉杭州徑山國一欽禪師因馬祖遣人送書到書中作一圓相師發紙見遂於圓相中着一點却封回後忠國師聞乃云欽師猶被馬師惑雪竇云徑山被惑且置若將呈似國師別作箇什麼伎倆免被惑去有老宿云當時坐却便休亦有道但與畫破若與麼只是不識羞敢謂天下老師各具金剛眼睛廣作神通變化還免得雪竇見處也要諸人共知只這馬師當時畫出早自惑了也妙喜云馬師仲冬嚴寒國一孟夏漸熱雖然寒熱不同彼此不失時節忠國師因

甚却道欽師猶被馬師惑還委麼無風荷葉動決定有魚行師云圓相中着點墨日月無光天地黯黑初未惑欽師馬師先自惑累及老南陽也一場狼籍良久平生肝膽向人傾相識如同不相識

舉烏窠禪師因侍者會通一日作辭師乃問汝今何往通云某甲爲法出家和尚不垂慈誨今往諸方學佛法去師云若是佛法吾此間亦有少許通云如何和尚尚此間佛法師於身上拈起布毛吹之侍者因而有省大瀉秀云可惜這僧認他口頭聲色以當平生殊不知自己充明蓋天蓋地妙喜云瀉山與麼批

判也未夢見鳥窠狂師云會通於拈起布毛處便喝
免致諸方檢點我恁麼道也是爲他間事長無明
舉無着和尚送供往臺山文殊相迎次問大德從何
方而來着云南方文殊云南方佛法如何住持着云
末法比丘少奉戒律文殊云多少衆着云或三百或
五百着却問文殊此間如何住持文殊云凡聖同居
龍蛇混雜着云多少衆文殊云前三三後三三妙喜
云當時若見只向他道和尚如是住持直是不易師
云畢竟前三三後三三三三三三三三三三三三三
三我不如你你自會得好

楚石語錄

卷二

七

舉南泉示衆云江西馬祖說卽心卽佛王老師不恁
麼不是心不是佛不是物恁麼還有過麼時趙州出
禮拜了去有僧問趙州云上座禮拜了去意作麼生
州云汝却問取和尚僧遂問泉適來論上座意作麼
生泉云他却領了元僧意旨妙喜云兩箇老漢雖然
轉裏動指殊不知傍觀者哂師云南泉趙州總被這
僧一狀領過

舉南泉一日問座主講得什麼經主云彌勒下生經
泉云彌勒什麼時下生主云現在天宮未來泉云天
上無彌勒地下無彌勒洞山价舉問雲居居云天上

無彌勒地下無彌勒未審誰與安名洞山被問直得
禪牀震動乃云吾在雪岩曾問老人直得火爐震動
今日被子問直得通身汗派大陽云云如今老僧舉
起也有解問者致將一問來乃云地動也妙喜云禪
牀動火爐動地動卽不無這三箇老漢要見南泉直
待彌勒下生始得忽有箇漢出來道天上無彌勒地
下無彌勒却教什麼人下生又作麼生對但向他道
老僧罪過師云啼得血流無用處不如緘口過殘春
舉南泉因陸亘大夫云肇法師也甚奇怪解道天地
同根萬物一體泉指庭前牡丹云大夫時人見此一

楚石語錄

卷二

八

株花如夢相似妙喜云若向理上看非但南泉謾他
陸亘大夫一點不得亦未摸着他脚跟下一莖毛在
若向事上看非但陸亘大夫謾他南泉一點不得亦
未夢見他汗臭氣在或有出來道大小徑山說理說
事只向他道但向理事上會取師云大眾還會麼你
若向天地同根萬物一體上會落在肇法師圈裏
若向理事上會又落在妙喜葛藤中總無自由分只
如南泉指牡丹向陸亘道大夫時人見此一株花如
夢相似你畢竟如何會天寧不惜眉毛爲你諸人下
箇註脚平蕪盡處是青山行人更在青山外

舉鵝湖問諸頭德行住坐臥畢竟以何爲道對云知者是湖云不可以智知不可以識識何謂知者是有對云無分別別是湖云善能分別諸法相於第一義而不動安得無分別有對云四禪八定是湖云佛身無爲不墮諸數安得四禪八定是耶舉奴杜口妙喜云相罵饒你接嘴相啖饒你潑水師云僧投寺裡宿賊打不防家

舉百靈一日路次見龐居士乃問昔日南嶽得力句曾舉向人麼士云曾舉來靈云舉向甚人士以手自指云龐公靈云真是妙德空生也贊之不及士却問

靈得

楚石語錄卷一

九

靈得力句是誰得知靈便戴笠子而去士云善爲道路靈一去更不回首妙喜云這箇話端若不是龐公幾乎錯舉似人雖然如是百靈輸他龐老一著何故當時不得箇破笠頭遮却髑髏有甚面目見他龐公師云百靈戴笠便去得力句分明舉似來因甚麼妙喜老人道百靈有甚面目見他龐公也是扶強不扶弱有人與妙喜作主要問作麼生是得力句速道速道擬議不來劈脊便棒

舉龐居士問馬祖不昧本來人請師高着眼祖直下覲士云一種沒弦琴唯師彈得妙祖直上覲士乃作

禮祖歸方丈士隨後入云弄巧成拙妙喜云馬大師覲上覲下不無爭奈昧却本來人居士雖禮拜也是渾崙吞箇棗馬師歸方丈士隨後乃云弄巧成拙救得一半師云說甚麼救得一半三十年後換手惟覲去在

舉趙州因僧問學人乍入叢林乞師指示州云弄粥了也未僧云弄粥了也州云洗鉢盂去其僧因此契悟雲門云且道有指示無指示若言有趙州向伊道箇什麼若言無這僧爲甚悟去妙喜云雲門大似阿修羅王攪動三有大城諸煩惱海復喝云寐語作麼

靈得

楚石語錄卷一

十

師云諸仁者要見雲門則易要見妙喜則難諸訛在什麼處劍去久矣你方刻舟

舉趙州因僧辭州問什麼處去僧云諸方學佛法去州豎起拂子云有佛處不得住無佛處急走過三千里外逢人不得錯舉僧云與麼則不去也州云摘楊花摘楊花妙喜云有佛處不得住生鐵秤錘被蟲蛀無佛處急走過撞着嵩山破龜墮三千里外逢人不得錯舉兩箇石人鬬耳語恁麼則不去也此話已徧行天下摘楊花摘楊花啗摩尼達里咤嚙吒靈隱岳舉妙喜語了云妙喜老人盡力道只道得到這裏還

知香山落處麼鐵山崩倒壓銀山盤走珠分珠走盤密密鴛鴦間繡出金針終不與人看師云妙喜老祖唱之於前天寧遠孫和之於後門前種高荳高荳生火筋火筋開蓮華蓮華結木瓜木瓜忽然顛落地撒出無數無數脂麻何也且要入拍

舉趙州與文遠論義鬪劣不鬪勝勝者輸胡餅遠云請和尚立義州云我是一頭驢遠云某甲是驢胃州云我是驢糞遠云我是糞中蟲州云汝在彼中作什麼遠云我在彼中過夏州云把將胡餅來妙喜云文遠在驢糞中過夏面赤不如語直趙州貪他少利糞

楚石

楚石語錄卷十一

十二

得箇胡餅檢點將來也是普州人送賊畢竟如何鵝王擇乳素非鴨類師云當時文遠待趙州老漢道我是一頭驢便道輸却胡餅了也老漢取胡餅就手奪却便行

舉長沙一夕翫月次仰山云人人盡有這箇事祇是用不得沙云恰是倩汝用去山云你作麼生用沙乃與一踏踏倒山起來云爾直下似箇大蟲妙喜云咬潔一輪寒光萬里靈利者葉落知秋闌茸者忠言逆耳不休已不已小釋迦有陷虎之機老大蟲却無牙齒當時一踏豈造次驀然倒地非偶爾眾中還有

緇素得二老出者麼良久云設有也是掉棒打月師云小釋迦云你作麼生用岑大蟲便與一踏盡謂高超物外獨步寰中天寧忍俊不禁也擬令處着把火二大老如斯吐露於建化門頭足可觀光若是這箇事料掉無交涉

舉甘贄行者入南泉設齋黃檗爲首座行者請施財藥云財法二施等無差別行者昇錢出去須臾復云請施財藥云財法二施等無差別行者乃行覲妙喜云一等是隨邪逐惡雲居羅漢却較此子師云恁麼恁麼扶起甘贄推倒黃檗不恁麼不恁麼扶起黃檗

楚石

楚石語錄卷十一

十二

推倒甘贄只如恁麼中不恁麼不恁麼中却恁麼又作麼生師子咬人韓獪逐塊

舉爲山同百丈入山作務丈云將得火來麼爲云有丈云在甚處爲把一枝柴吹兩吹度與丈云如蟲御木妙喜云百丈若無後語泊被典座謗師云百丈却因後語被人覷破帶累典座隨邪逐惡天寧幸是無事汝等諸人來這裏覷箇什麼一言引眾言相牽入火坑以拄杖一時趕散

舉黃檗示眾云汝等諸人盡是啗酒糟漢與麼行脚何處有今日還知大唐國裏無禪師麼時有僧云只

如諸方匡徒領衆又作麼生。禪云：不道無禪，只是無師。妙喜云：且道是醍醐句，毒藥句？師云：殺人刀，活人劍。具眼者辨取。

舉黃檗一日因南泉問定慧等學。明見佛性，此理如何？禪云：十二時中不依倚一物，始得。泉云：莫便是長老見處麼？禪云：不敢。泉云：聚錢且置，草鞋錢教誰還？禪休去。妙喜云：路逢劍客須呈劍，不是詩人不獻詩。師云：又是逢便室，又是落便宜。

舉仰山因僧問法身還解說法也無。山云：我說不得。別有一人說得。僧云：說得底人在甚麼處？山乃推出。

法苑珠林

聖賢錄卷十一

十三

枕子爲山間乃云：寂子用劍刃上事。妙喜云：爲山正是憐兒不覺醜。仰山推出枕子，已是漏逗。更着名字喚作劍刃上事，悞他學語之派，便恁麼承虛接響，流通將去。妙喜雖則借水獻花，要且理無曲斷。卽今莫有傍不肖底出來，我要問你推出枕子還當法身說法也無？師云：這僧問法身說法，蹉過也。不知仰山推出枕子，又何曾見大小？爲山將錯就錯，配作劍刃上事，縛作一束。秤上秤來八兩半斤，如無輕重。若也當時纔見這僧道法身還解說法也無，便驟步歸方丈，豈不是出格？宗師免得天下衲僧貶剝。

舉仰山因問香嚴師弟近日有悟道頌，試舉看。遂舉擊竹頌。山云：此是閒時構置。又舉一偈云：去年貧未是貧，今年貧始是貧。去年貧尚有卓錫之地，今年貧錫也無。山云：你只得如來禪，不得祖師禪。又呈一偈云：吾有一機，瞬目視伊。若人不會，別喚沙彌。山云：且喜師弟會祖師禪。妙喜云：爲山晚年好，則劇教得一棚肉傀儡，直是可愛。且作麼生是可愛處？面面相看，手脚動爭知？語話是他人。師云：師兄師弟，去年今年論什麼道？說什麼禪？總是掉棒打月，何異掘地討天？禪禪也無妙也無玄，莫把封皮作信傳。

法苑珠林

聖賢錄卷十一

十四

舉香嚴示衆云：如人在千丈懸崖口，銜樹枝，手無所攀，脚無所踏，忽有人問西來意，不對則達他所問。若對則喪身失命。當恁麼時，作麼生？卽是時有虎頭上座云：上樹卽不問，未上樹請和尚道。嚴呵呵大笑。妙喜云：吞得栗棘蓬，透得金剛圈，看這般說話，也是泗洲人見大聖師云：香嚴老人曲說方便，虎頭上座未辨端倪。若論激揚此事，三生六十劫。舉靈雲見桃花悟道，有頌三十年來尋劍客，幾回落葉又抽枝。自從一見桃花後，直至於今更不疑。舉似爲山山云：從緣得人，永不退失。汝善護持，次舉似玄。

沙云諦當甚諦當敢保老兄未散在妙喜云一家有事百家忙師云人無遠慮必有近憂直饒百鍊精金不免入爐再煅

舉睦州見僧來云見成公案放你三十棒僧云某甲如是州云門前金剛爲什麼整拳僧云金剛尚乃如是州便打妙喜云雖然無孔笛撞着檀拍板直是五音調暢六律和諧子細檢點將來未免傍觀者哂且道誰是傍觀者良久云不得動着動着打折驢腰師云睦州與這僧二俱作家二俱不作家還有人辨得出麼

數

楚石語錄卷一

十三

舉臨濟侍德山次山云今日困濟云這老漢寐語作麼山便打濟掀倒禪牀雲峯悅云奇怪諸禪德此二員作家一撥一捺略露風規大似把手上高山雖然如是未免傍觀者哂且道誰是傍觀者喝一喝下座妙喜云雲峯與麼批判大似普州人徑山若見縛作一束送在河裏不見道蚌鷸相持俱落漁人之手師云衆中道德山臨濟好手手中呈好手紅心心裏中紅心殊不知用盡自己心笑破他人口

舉臨濟垂問有一人論劫在途中不離家舍有一人離家舍不在途中阿那箇合受人天供養妙喜云賊

身已露師云天共白雲曉水和明月流

舉保壽問胡釘鉸云莫是胡釘鉸麼胡云不敢壽云還釘得虛空否胡云請和尚釘破來壽便打胡云莫錯打某甲壽云汝向後遇多口阿師與汝點破在胡後到趙州舉前話問不知某甲過在甚處州云只這一縫尚不奈何釘鉸於此有省妙喜云直饒釘得這一縫檢點將來亦非好手可憐兩箇老禪翁却對俗人說家醜師云胡釘鉸元不知這一縫當時趙州若不與賊過梯便是踏破百二十兩草鞋也未瞥地在雖然釘鉸明得也較保壽三千里

數

楚石語錄卷一

十六

舉三聖問雪峯透網金鱗以何爲食峯云待汝出網來却向汝道聖云一千五百人善知識話頭也不識峯云老僧住持事繁妙喜云一人麤似丘山一人細如米末雖然麤細不同秤來輕重恰好徑山今日真實告報諸人切忌鑽龜打瓦師云透網金鱗以何爲食待汝出網來却向汝道衝開碧落松千尺截斷紅塵水一溪

舉南院因僧問赤肉團上壁立千仞豈不是和尚恁麼道院云是僧便掀倒禪牀院云你看這瞎漢亂做僧擬議院打出妙喜云吾今爲汝保任此事終不虛

也師云這僧敢在毒地頭上揩痒蒼龍領下批鱗誰不賞他大膽只是末上少了一着自出洞來無敵手得饒人處且饒人

舉興化一日云克賓維那爾不久爲唱導之師賓云我不入這保社化云會了不入不會不入賓云總不與麼化便打乃云克賓維那法戰不勝罰錢五貫設饌飯一堂至明日興化自白龍云克賓維那法戰不勝不得喫飯即便趕出雲居舜云大冶精金應無變色其奈興化令行太嚴不是克賓維那也大難承當若是如今汎汎之徒翻轉面皮多少時也妙喜云雲

教訓

楚石錄卷十一

一七

居杓曲作直妙喜道要作臨濟烜赫兒孫直須翻轉面皮始得師云克賓法戰不勝興化據令而行稱提臨濟宗風揭示正法眼藏棒頭出孝子佛法無人情當時將謂茅長短燒却元來地不平

舉石頭因藥山問三乘十二分教某甲竊知嘗聞南方直指人心見性成佛實未明了伏望和尚慈悲指示頭云與麼也不得不與麼也不得與麼不與麼總不得汝作麼生山佇思頭云汝因緣不在此江西有馬大師子往彼去應爲汝說山至彼准前請問馬師云我有時教伊揚眉瞬目有時不教伊揚眉瞬目有

時教伊揚眉瞬目是有時教伊揚眉瞬目不是山於是時有省便作禮馬師云子見箇什麼道理山云某甲在石頭時如蚊子上鐵牛馬師云汝既如是宜善護持妙喜云好箇話端阿誰會舉舉得十分未敢相許師云藥山只知蚊子上鐵牛不知鐵牛叮蚊子露柱親遭一口燈籠無地藏身嚇得馬大師變作老妙喜我且問你話端從甚麼處說起相罵饒你補背相唾饒你潑水

舉洞山示眾云秋初夏末東去西去直須向萬里無寸草處去始得只如萬里無寸草處作麼生去後有

教訓

楚石錄卷十一

一八

舉似石霜霜云出門便是草山聞乃云大唐國內能有幾人妙喜云師子一滴乳迸散十斛驢乳師云賊是小人智過君子

舉夾山示眾云百草頭薦取老僧開市裏識取天子雲門云煅慕鑽你鼻孔毒蛇穿你眼睛且向葛藤裡會取妙喜云夾山塚生招箭雲門認賊爲子雖然如是知恩者少負恩者多師云百草頭薦阿誰開市裏識什麼

舉九峯在石霜爲侍者因普會遷化眾舉首座住持峯云須明得先師意始可住遂問先師道如古廟裏

香爐去冷秋地去如一條白練去口邊生蹊去首座作麼生會座云明一色邊事峯云未曾先師意在不得住座云裝香來我若不會先師意香煙起時脫去不得及至香煙纔起首座脫去峯乃於背上撫云坐脫立亡即不無首座先師意未夢見在妙喜云兩箇無孔鐵鎚就中一箇重師云首座坐脫立亡侍者說黃道黑先師意在鈎頭須信曲中有直若在臨濟門下三十棒教誰喫纔說是非者便是是非人舉曹山示眾云諸方盡把格則何不與他一轉語教他不疑去雲門便問密密處處爲甚不知有山云只爲

教訓

龍石語錄卷十一

十一

密密所以不知有門云此人如何親近山云莫向密密處處親近門云不向密密處處親近時如何山云始解親近門應諾諾妙喜云濁油更點濕燈心師云雪山南面三千里

舉乾峯示眾云舉一不得舉二放過一着落在第二雲門出眾云昨日有人從天台來却往徑山去峯云明日不得普請便下座妙喜云乾峯洗面摸著鼻雲門喫飯咬着沙二人驀地相逢着元來却是舊冤家雖然如是只許老胡知不許老胡會又云彼此揚家醜相遇無傍觀者師云兩箇駝子相逢着世上如今

無直人舉雪峯因僧問古澗寒泉時如何峯云瞪目不見底僧云飲者如何峯云不從口入趙州聞僧舉乃云終不從鼻孔裏入僧却問古澗寒泉時如何州云苦僧云飲者如何州云歟峯聞得乃云趙州古佛遂遙望作禮從此不答話妙喜云雪峯不答話疑殺天下人趙州道苦面赤不如語直若是妙喜則不然古澗寒泉時如何到江扶櫓棹出岳濟民田飲者如何清涼肺腑此語有兩負門若人辨得許你有叅學眼師云妙喜老人可謂人平不語水平不流

教訓

龍石語錄卷十一

十二

舉高亭初往叅德山隔江見德山在江岸坐乃隔江問訊山以手招之亭忽開悟便迴更不渡江遂逐高亭住持妙喜云高亭橫越而去許伊是箇靈利師僧若要法嗣德山則未可何故猶與德山隔岸在師云如今要中商量道高亭見德山不與他說話便去所以妙喜道猶與德山隔岸在還曾夢見高亭麼拈起拄杖云便好喚回與一頓且道是實伊是罰伊舉玄沙示眾云諸方盡遵接物利生忽遇三種病人來且作麼生接愚盲者拈提豎拂他又不見患聾者語言三昧他又聞患瘡者教伊說又說不得且作

麼生接若接不得佛法無靈驗當時地藏出云某甲有眼耳和尚作麼生接沙云慚愧便歸方丈雲門因僧請益云汝禮拜着僧拜起門以拄杖拄之僧乃退後門云汝不是愚盲復喚近前來僧纔近前門云汝不是愚聾門云還會麼僧云不會門云汝不是愚啞其僧於是有省妙喜云這僧雖然悟去只悟得雲門禪若是玄沙禪更着草鞋行脚師云玄沙雲門氣急殺人彼自無瘡勿傷之也

舉玄沙與天龍入山見虎龍云前面是虎沙云是汝阿虎龍歸院乃問適來山中未審和尚尊意如何沙

語錄

楚石錄卷十一

二十一

云娑婆世界有四種重障若人透得許出陰界妙喜云也知和尚爲人切師云畢竟見箇什麼隨例道虎蝦跳不出斗

舉雲門問直歲什麼處去來歲云刈茅來門云刈得幾箇祖師歲云三百箇門云朝打三千暮打八百東家杓柄長西家杓柄短又作麼生歲無語門便打妙喜云直歲無語自有三百箇祖師證明雲門令雖行要且棒頭無眼師云大小雲門却被直歲勘破舉雲門示衆云聞聲悟道見色明心作麼生是聞聲悟道見色明心乃云觀世音菩薩將錢來買胡餅放

下手元來却是饅頭妙喜拈拄杖云者箇是色卓拄杖云這箇是聲諸人總見總聞那箇是明底心那箇是悟底道喝一喝云貪他一粒粟夫却半年糧復卓一下師云汝等諸人不是不聞聲因什麼不悟道不是不見色因什麼不明心雲門潛麼提撕妙喜潛麼判斷一曲兩曲無人會兩過夜塘秋水淡舉保福因僧問家貧遭劫時如何福云不能盡底去僧云爲什麼不盡底去福云賊是家親僧云既是家親爲什麼翻成家賊福云內既無應外不能爲僧云忽然捉敗功歸何處福云賞亦不會聞僧云恁麼則

語錄

楚石錄卷十一

二十一

勞而無功福云功即不無成而不取僧云既是成功爲什麼不取福云不見太平本是將軍致不許將軍見太平妙喜云絲來線去弄精蒐師云家無白澤之圖必無如是妖怪

舉法眼問修山主毫釐有差天地懸隔兄作麼生會主云毫釐有差天地懸隔眼云與麼又爭得主云某甲只與麼未審和尚作麼生眼云毫釐有差天地懸隔主便拜妙喜云法眼與修山主絲來線去綿綿密密扶起地藏門風可謂滿目光生若是徑山門下更買草鞋行脚始得何故毫釐有差天地懸隔甚麼處

得這消息來師云二老漢不會轉身句如今忽問天
寧毫釐有差天地懸隔時如何向他道昨日有人問

三十棒趁出院去也

舉法眼有時指堯子云識得堯子周匝有餘後來雲
門道識得堯子天地懸隔妙喜云識得堯子好剃頭
洗脚雖然如是錯會者多師云莫將閒話當閒話往
往事從閒話生

舉修山主示眾云具足凡夫法凡夫不知具足聖人
法聖人不會聖人若會即是凡夫凡夫若會即是聖
人此語具一理二義若人辨得不妨於佛法中有箇

跋

楚石語錄卷十一

二十三

入處若辨不得莫道不疑妙喜云點鐵化為金玉易
勸人除却是非難師云修山主契處難忘也是胡地
冬抽筭

舉法雲因百法座主云禪家流多愛脫空雲造前問
承聞座主講得百法論是否主云不敢雲云昨日晴
今日雨是甚麼法中收主無對雲云莫道禪家流多
愛脫空好主抗聲云和尚且道昨日晴今日雨是什
麼法中收雲云四十二時分不相應法中收主乃屈
服作禮而謝妙喜云昨日雨今日晴時分不相應三
日後看取師云雲自帝鄉去水歸江漢派

佛日普照慧辯楚石禪師語錄卷第十一
音切

蒿切 鉞切 絨切 爲切 顛切 傀切 指切
撥切 捺切 蚌切 鵲切 鉸切 指切

嘉興信官張如鏡 立文學 虎可大 馮胤順
是石禪師語錄第十一卷 見明沙彌真玄對
萬曆庚寅秋五臺山姚德菴藏

跋

楚石語錄卷十一

五

佛日普賢慧辯楚石禪師語錄卷第十二
頌古

侍者胤丘等編

舉德山小叅示眾云老僧今夜不答話問話者三十棒時有僧出禮拜德山便打僧云某甲話也未問爲什麼打某甲山云你是甚處人僧云新羅人山云未跨船舷好與三十棒廣眼云大小德山話作兩橛圓明云大小德山龍頭蛇尾雪竇云德山握閫外之威權有當斷不斷不招其亂底劍要識新羅僧只是撞着露柱底瞎漢

楚石語錄卷十二

楚石語錄卷十二

一

塗毒鼓未擊早是鴨聞雷漫天網未收躍鱗衝浪來德山老德山老正令當行非草草灋眼重加矢上尖圓明更向聲前掃千古流芳雪竇師長劍在手親提持

舉德山挾複子到爲山上灋堂從東過西從西過東爲山默坐不顧德山云無無便下去復云也不得草草遂具威儀見爲山提起坐具云和尚爲山擬取拂子德山便喝當時背灋堂着草鞋便去爲山至晚問首座適來新到在什麼處首座云當時背灋堂着草鞋便去爲山云還識此子麼已後向孤峯頂上蟠結

草庵呵佛罵祖去在

作家相見無背無面眼似流星機如閃電提起坐具略露鋒鋷擬取拂子聊乘快便已後孤峯結草庵牛頭向北馬頭南

舉南泉叅百丈涅槃和尚丈問從上諸聖還有不爲人說底灋麼泉云有丈云作麼生是不爲人說底灋泉云不是心不是佛不是物丈云說了也泉云普願只恁麼未審和尚如何丈云我又不是善知識爭知有說不說泉云普願不會丈云我太煞爲你說了也爲人不爲人水上捉麒麟說灋不說灋證龜却成

楚石語錄卷十二

楚石語錄卷十二

二

驚百丈南泉陣勢既圓只拋瓦子相擊錯教千古流傳

舉百丈再叅馬祖祖舉拂子丈云卽此用離此用祖掛拂子於舊處侍立少頃祖云你已後鼓兩片皮如何爲人丈取拂子舉起祖云卽此用離此用丈掛拂子祖便喝丈大悟後謂黃檗云我當時被馬師一喝直得三日耳聾

大丈夫須勦絕纔涉商量便成塗轍畫餅不可充饑弊鹽那能止渴馬駒踏殺天下人未是當時這一喝

舉道吾至一家吊慰漸源撫棺問生耶歎耶吾云生也不道歎也不道源云爲什麼不道吾云不道不道後於石霜再舉始知落處一日將鉢子於禪堂上從東過西從西過東霜云作什麼源云覓先師靈骨霜云洪波浩渺白浪滔天覓什麼靈骨源云正好着力太原孚云先師靈骨猶在

生也不道歎也不道滿口含霜全身入草先師靈骨廓爾現前不用鐵鉢斷地從教白浪滔天大可憐不是□海枯終見底人歎脚皮穿

舉靈山會上一女子於佛前入定佛勅文殊出之

徵事

楚石錄卷十二

三

文殊遶女子三遭鳴指一下女子入定儼然文殊遂運神力托至梵天撲下女子亦復儼然佛云非但汝一人出此女子定不得設使千百萬億文殊亦出不得下界有罔明菩薩能出此定佛語未竟罔明從地湧出佛勅令出定罔明遶女子三匝鳴指一下女子遂出定老宿徵云文殊是七佛之師爲什麼出女子定不得罔明爲什麼却出得

一切處是定出入有何拘瞿曇推倒女子罔明扶起文殊咄咄噓噓噓覷面相逢不識渠

舉青原謂石頭云人人盡道曹溪有消息頭云有人

不道曹溪有消息原云大藏小藏從何得頭云盡從這裏去諸事總不關

有消息無消息誰辨的無消息有消息也奇特大藏小藏從何得生鐵蒺藜當面擲

舉僧問雲門佛灋如水中月是否門云清波無透路僧云和尚從何得門云再問復何來僧云便與麼去時如何門云重疊關山路

水中本無月捏目自生花到處覓相似苦哉佛前耶問前三十棒問後趂出院大小大雲門與人一線

徵事

楚石錄卷十二

四

舉僧問龍牙二鼠侵藤時如何牙云須知有隱身處始得僧云如何是隱身處牙云還見儂家麼藤枝迴秀二鼠難侵不如不異非古非今儂家面目只這是曠劫何人住生歎

舉圓覺經云以大圓覺爲我伽藍身心安居平等性智
虛空包不盡大地載不起任是老瞿曇於斯難下
背黃金粧白拈五彩畫狸奴脚不離門限長年走長途

舉僧問雪峯古澗寒泉時如何峯云瞪目不見底僧

云飲者如何峯云不從口入後有僧舉似趙州州云不可從鼻孔裏入去也僧却問古澗寒泉時如何州云苦僧云飲者如何州云从雪峯聞之云趙州古佛從此不答話

來問不離窠應機非逸格雪峯與趙州一害俱埋却要知古澗寒泉初非湛湛涓涓無限言驢拽磨大鵬背負青天

舉外道問佛不問有言不問無言時如何世尊良久外道云世尊大慈大悲開我迷雲令我得入外道既去阿難問云外道有何所證世尊云如世良馬見鞭

影而行

有言無言俱不問追風駿馬猶爲鈍忽然自肯點頭時豈待重將鞭影施誰又何疑巍巍堂堂三界大師

舉僧問六祖黃梅意旨是甚麼人得祖云會佛塵人得僧云和尚還得也無祖云我不得僧云爲甚麼不得祖云我不會佛塵

黃梅有甚意旨六祖元是樵夫道我不會佛塵茫茫接響承虛若非一筆勾下轉見滋蔓難圖六六元來三十六長江風緊浪花轟

舉太原孚上座問鼓山父母未生時鼻孔在什麼處山云卽今生也鼻孔在什麼處孚不肯乃云你問我與你答山云父母未生前鼻孔在什麼處孚乃搖扇而已

父母未生鼻孔崢嶸及乎生也大頭向下鼓山放過太原太原勘破鼓山拈起手中扇子是非都不相關

舉乾峯示衆云舉一不得舉二放過一著落在第二雲門出云昨日有一僧從天台來卻往徑山去峯云典座今日不得普請

赤烏飛白兔走山茶華水酒桺兩雨不成雙三三

亦非九夜來海底剔金燈天曉面南看北斗

舉雲巖問道吾大悲菩薩用許多手眼作麼吾云如人夜間背手摸枕子相似巖云我會也吾云你作麼生會巖云偏身是手眼吾云太煞道只道得八成巖云你又作麼生吾云通身是手眼

通身偏身是手是眼一物元無十虛充滿雲巖盡力道只道得八成不是僧繇手徒說會丹青

舉洞山夏末示衆云秋初夏末東去西去直須向萬里無寸艸處去衆無語僧舉似石霜霜云何不道出

門便是草

靜悄悄開浩浩開浩浩靜悄悄新豐萬里無寸草
劉陽出門便是草如今要見二大老鵲眼龍睛何
處討

舉定山夾山同行定山云生處中無佛則無生處夾
山云生處中有佛則不迷生處二人各謂已語親切
往大梅舉而質之梅云一親一疏二人下去次日夾
山往問阿那箇親梅云親者不問問者不親夾山住
院後舉此謂眾云我當時失却一隻眼雪竇云夾山
畢竟不知當時換得一隻眼

楚石語錄卷十二

楚石語錄卷十二

二

論佛論生處有無俱未是大梅老凍臆失却拄杖
子當時各與三十徧界無錐可立特地分別親疎
受他當面塗糊點瞎摩醯頂門眼開發人天有何
限

舉趙州云老僧答話去也有解問底致將一問來時
有僧出禮拜州云此來拋擲引玉却引得箇墜子下
座後灋眼舉問覺鐵嘴此意如何覺云與和尚舉箇
喻如國家拜將相似問云誰人去得有一人云某去
得答云汝去不得灋眼云我會也

爽雪橫戈撒星排陣索戰無功一場氣悶老僧答

話也豈是教你問拋擲引玉大坐慈脫穎囊雖徒
遲俊覺鐵嘴覺鐵嘴看看平地波濤起

舉馬祖百丈西堂南泉既月次祖指月問西堂正當
恁麼時如何西堂對云正好供養問百丈丈對云正
好修行問南泉南泉拂袖便去祖云經入藏禪歸海惟
有普願獨超初外

描也描不成畫也畫不就大地與山河光明處處
透百丈西堂供養修行金春玉應虎步龍驤獨有
南泉較些十星流不問三千里

舉金牛行食次問龐居士云生心受食淨名已訶去

楚石語錄卷十二

楚石語錄卷十二

八

此二途居士還甘否士云當時善現豈不作家牛云
豈干他事士云食到口邊被人奪却牛便行食士云
不消一句子

金牛句賊破家龐公據欵結案往來古路條然翻
憶淨名善現一句子沒疏親錦上鋪花色轉新

舉師祖問南泉摩尼珠人不識如來藏裏親收得如
何是藏泉云王老師與你往來者是藏雪竇云草裏
漢祖云直得不往來時如何泉云亦是藏雪竇云雪
上更加霜祖云如何是珠泉云師祖祖云諾雪竇云
百丈茅頭作伎倆未是險若向箇裏着得一隻眼寶

主互換便能深入虎穴或不恁麼直饒師祖悟去也是龍頭蛇尾漢

聲前拋不出句後覓無踪今古強描遶墮他光影中摩尼珠作麼會提起金鎚百鍊碎

舉僧問藥山如何是道中至寶山云莫諂曲僧云不諂曲時如何山云傾國不換

道中至寶傾國不換捨已從人藥山老漢分明莫

諂曲萬古歸一貫白璧與黃金從教泥土賤

舉僧問雲門學人不起一念還有過也無門云須彌

山

大聖

寒石錄卷十二

九

須彌山見何難日晝月夜地瀾天竟君不見神光

斷臂立溪雪覓不得心心自安

舉僧問投子一大藏教還有奇特事也無子云演出

一大藏

投子一言旋乾轉坤指不自觸舌何可捫量外提

持兮盡同魔說目前包裹兮三世佛冤也無妙也

無玄可憐尋劍客空認刻舟痕

舉智門問五祖戒和尚暑往寒來則不問林下相逢

事若何戒云五鳳樓前聽玉漏門云爭奈主山高案

山低戒云須彌頂上擊金鐘

耳卓朔頭鬚鬆斬釘截鐵超格超宗五鳳樓前聽玉漏須彌頂上擊金鐘

舉本仁示眾云尋常不欲問聲前句後鼓弄人家男女何故且聲不是聲色不是色僧問如何是聲不是聲仁云喚作色得麼僧云如何是色不是色仁云喚作聲得麼僧無語仁云且道爲汝說答汝話若人得許你有箇入處

沙裡尋油爐邊聽水非色非聲滿眼滿耳不施本分鉗鎚空費自家唇齒問到甚時休答從何處止比他臨濟德山直是白雲萬里

大聖

寒石錄卷十二

十

舉雲門問僧云古佛與露柱相交是第幾機僧無語

門云你問我與你道僧遂問門云一條條三十文僧

云如何是一條條三十文門云打與代前語云南山

起雲北山下雨

雲門跛脚師只有一張口嚼碎本虛空須彌顛倒

走南山起雲北山下雨知音何在頻頻舉

舉教中道未離兜率已降王宮未出母胎度人已畢

一二三四五六七六五四三二一一言勘破維

摩詰鼻孔眼睛俱打失黑如漆明如日四溟東海

流般若波羅蜜

舉僧問雲門生處到來如何回避門云在什麼處

華落華開月圓月缺寒則普天普地寒熱則普天普地熱踏著秤錘硬似鐵甕裏何曾大卻鼈

舉丹霞初見馬祖以兩手托幞頭祖云吾非汝師南嶽石頭處去霞遂至石頭如前托幞頭頭云著槽廠去霞依童行次一日石頭為眾云今日齋後普請刻佛殿前艸叢鏡具鋤鋤霞獨洗頭棒剃刀於石頭前胡跪頭云作什麼霞云請師刻艸石頭笑為剃髮呼為授戒霞掩耳而去卻回江西馬祖院騎聖僧項眾驚報馬祖祖親來見乃云我子天然霞遂作禮云謝

文冊

楚石語錄卷十二

十二

師安名祖問甚處來霞云石頭來祖云石頭路滑子莫曾蹉倒麼霞云若蹉倒則不來也

別起便行太遲鈍生石頭刻草馬祖安名黃河水

清丹山鳳鳴見斯人今駕馭崢嶸

舉雲門示眾云乾坤之內宇宙之間中有一寶秘在形山著燈籠向佛殿裏拈三門安燈籠上

有句無句是住非住形山在這裏實在甚麼處陵宇宙鑠乾坤燈籠佛殿及三門從來沒一絲頭許

北地黃河徹底渾

舉雪峯示眾云盡大地撮來如粟米粒大拋向面前

漆桶不會打鼓普請看

鰲山店上成道家骨峯前入草三箇木毬輓來一粒粟米全該直饒打鼓普請看只在目前人不見

舉僧問馬祖如何是佛祖云卽心卽佛

卽心卽佛亘古亘今虛空撲落大地平沈昨夜三更日卓午大蟲咬殺南山虎

舉僧問馬祖如何是佛祖云非心非佛

非心非佛將錯就錯不入丹青如何描邇窅花雪白空花紅日出西方夜落東

舉馬祖與百丈同遊山見野鴨子飛過祖云是什麼

文冊

楚石語錄卷十二

十二

丈云野鴨子祖云向什麼處去也丈云飛過去也祖將百丈鼻孔扭丈作忍痛聲祖云何曾飛去丈於此有省

野鴨子飛過去有來由無覓處枉量從教爾徹天

師資切忌尋言路言路絕千里萬里一條鐵

舉僧問鏡清新年頭還有佛灋也無清云有僧云如何是新年頭佛灋清云元正啓祚萬物咸新僧云謝師答話清云鏡清今日失利又僧問明教新年頭還有佛灋也無教云無僧云年年是好年日日是好日爲什麼却無教云張公勑酒李公醉僧云老老大大

龍頭蛇尾教云明教今日失利

新年頭佛慶一有還一無明教與鏡清同歸固殊途張公喫酒李公醉贏得清風動天地

舉僧問琅玕清淨本然云何忽生山河大地玅云清淨本然云何忽生山河大地其僧有省

同不同別非別機奪機擲出楔山河大地紅爐雪莫問如今誰動舌

舉僧問長沙本來身還成佛否沙云你道大唐天子還刈茆割稻否僧云成佛又是何人沙云是你成佛知不知

支那

楚石語錄卷十二

十三

成佛不成佛有言殊未親大唐天子貴不是刈茅人無端拈出本來身已是重添鏡上塵

舉僧問百丈如何是奇特事丈云獨坐大雄峯僧禮拜丈便打

仰面不見天低頭不見地獨坐大雄峯全明奇特事龍吟霧起虎嘯風生大家携手向崢嶸

舉僧問杏林如何是室內一盞燈林云三人證龜成鳖

撥動竿頭線來挑室內燈本無恁麼事今古競頭爭自從香林撲滅誰敢證龜成鳖君不見德山棒

楚石禪師語錄

卷二

臨濟喝但有纖毫帶影來金剛寶劍當頭截

舉麻谷持錫見章敬遠禪牀三帀振錫一下卓然而立敬云如是如是後到南泉亦遠禪牀三帀振錫一下卓然而立泉云是不是谷云章敬道是和尚爲什麼卻道不是泉云章敬則是是汝不是此是風力所轉終歸敗壞

如是如是猛虎插翼不是不是青天霹靂遶牀振錫歸風力一句了然超百億

舉僧問藥山平田淺草塵鹿成羣如何射得塵中塵山云看前僧便放身倒山云侍者拖出這死漢僧便

支那

楚石語錄卷十二

十四

起走山云弄泥團漢有什麼數

塵中塵誰解舉射不着有甚數千千萬萬弄泥團到此方知發箭難試與諸人發箭看乃云中也又云過也

舉雲門示眾云藥病相治盡大地是藥那箇是自己拈却藥病不立自己一切時中迴無依倚了事衲僧坐在這裡國有憲章三千條罪

舉乾峯示眾云灋身有三種病二種尤須是一一透得始解穩坐雖然如是更須知有契用同時向上一竅始得雲門出眾問云只如庵內人爲什麼不見庵

外事峯呵呵大笑門云猶是學人疑處在峯云子是
什麼心行門云也要和尚相委悉峯云直須恁麼始
解穩坐

十字街頭問路三千里外知音乾峯呵呵大笑雲
門不是好心子期端可鑄黃金山未高今未未
舉靈雲見堯花悟道有頌三十年來尋劍客幾回落
葉又抽枝自從一見堯花後直至如今更不疑玄沙
云諦當甚諦當敢保老兄未徹在

車不橫推理無曲斷兩箇五伯元是一貫春至堯
花滿樹紅爲誰開口咲東風玄沙有語無人識只

跋語

楚石語錄卷十二

十五

要重論汗馬功

舉雲門問洞山近離甚處山云查渡門云夏在甚處
山云湖南報慈門云幾時離彼中山云今年八月門
云放你三頓棒次日洞山往問昨蒙和尚放某三頓
棒未審過在什麼處門云飯袋子江西湖南便恁麼
去洞山大悟

近離查渡夏在報慈一一通來歷一一絕思惟放
汝三頓棒天下人標榜與雪吹毛兌晃晃

舉三聖問雪峯透網金鱗以何爲食峯云待你出網
來向你道聖云一千五百人善知識話頭也不識峯

云老僧住持事頗

透網金鱗以何爲食待汝出網來話頭也不識放
行把住把住放行不知白雪陽春曲更有何人和
得成

舉僧問趙州見說和尚親見南泉是否州云鎮州出
大蘿蔔

趙州親見南泉鼻孔元無半邊鎮州出大蘿蔔天
下衲僧取則打破漆桶坐斷舌頭蘆花明月夜隨
意泊漁舟

舉陸亘大夫謂南泉云肇廬師也甚奇怪解道天地

跋語

楚石語錄卷十二

十六

與我同根萬物與我一體泉云大夫陸應諾泉指花
云時人見此一株花如夢相似

天地同根萬物一體金不博金水不洗水此一株
花如夢相似陸亘大夫南泉老子

舉雲門示眾云十五日已前則不問汝十五日已後
道將一句來衆無對自代云日日是好日

暑往寒來東湧西沒韶陽老人舌頭無骨一句絕
商量日日是好日咄肯與時人作窠窟

舉僧問洞山如何是佛山云麻三斤
物見主眼卓豎水中月作麼取提起麻三斤休教

地主嗔輸納官租了天地一閑人

舉雪峯示眾云三世諸佛在火燄裏轉大濃輪玄沙云火燄爲三世諸佛說塵三世諸佛立地聽

三世諸佛一堆紅燄若說若聽無剩無欠雪峯與玄沙父子真冤家麻上生繩猶自可那堪繩上更生她

舉東寺問仰山甚處人山云廣州寺云我聞廣州有鎮海明珠是否山云是寺云作何顏色山云黑月則現白月則隱寺云子還帶得來麼山云帶得來寺云何不呈示老僧山云諾慧寂昨到爲山亦被索此珠

徵事

楚石語錄卷十二

十七

直得無言可對無理可伸寺云真師子兒大師子吼舉世無倫匹當機有舒卷須彌山不高滄浪水猶淺覲面相呈鎮海珠黑月白月空名模真師子兒大師子吼頭上著枷脚下著扭仰山幸自可憐生奈何東寺揚家醜

舉趙州示眾云至道無難唯嫌揀擇但莫憎愛洞然明白纔有言語是揀擇是明白老僧不在明白裏汝等還護惜也無僧問既不在明白裏未審護惜箇什麼州云我亦不知僧云和尚既不知爲什麼不在明白裏州云問事則得禮拜了退

本無虧曾不隔誰揀擇是明白心憤憤口喃喃幾度浮雲生碧落依然明月照寒潭

舉石頭示眾云言語動用沒交涉藥山云非言語動用亦沒交涉頭云我這裏針劄不入山云我這裏如石上栽花

輓芥投針買鉄得金把檀拍板彈沒絃琴承虛接響人無數到底難傳太古音

舉雪峯示眾云望州亭與諸人相見了也烏石嶺與諸人相見了也僧堂前與諸人相見了也後保福舉問鵝湖僧堂前則且置什麼處是望州亭烏石嶺相

徵事

楚石語錄卷十二

十八

見鵝湖蹶步歸方丈保福便入僧堂

現前碧綠間青黃萬象森羅不覆藏揭示雪峯相見眼望州烏石與僧堂古人恁麼道只道得一半那一半君自看

舉代宗皇帝問忠國師和尚百年後所須何物國師云要箇無縫塔子帝云請師塔樣國師云會麼帝云不會國師云吾有付灋弟子耽源却語此事請詔問之國師遷化後帝召耽源問此意如何耽源呈頌云湘之南潭之北中有黃金克一國無影樹下合同舡瑠璃殿上無知識

只這箇無縫塔上下四維十方周市長天月落兮影絕光沈大海波生兮聲傳響答峭巍巍風颯颯與他知識何交涉

舉石頭見藥山坐次問你在此作什麼山云一物不爲頭云恁麼則閑坐也山云閑坐則爲也頭云汝道不爲不爲箇什麼山云千聖亦不識石頭以頌讚之從來共住不知名任運相將只麼行自古上賢猶不識造次凡派豈可明

一物不爲合水和泥千聖不識隨聲逐色無繩自縛數如麻客至燒香飯後茶

楚石語錄卷二

楚石語錄卷二

十七

舉雲門示眾云人人盡有光明在看時不見暗昏昏作麼生是光明眾無對自代云僧堂佛殿廚庫山門青山青白雲白玉轉珠回龍騰鳳躍佛殿與山門到此俱拈卻眼裏瞳人吹尺八

舉世尊生下周行七步目顧四方一手指天一手指地自云天上天下惟我獨尊

九龍吐水自空來襯足金蓮徧地開天上人間藏不得這回未免出胞胎獨稱尊向誰說錯承當第二月且如何是第一月咄

舉雪峯住菴有二僧到峯見以手托菴門放身出云

是什麼僧亦云是什麼峯低首歸菴其僧後至巖頭頭問云雪老有何言句僧舉前話頭云雪峯道什麼僧云雪峯無語頭云噫我悔不當初向伊道有箇末後句我若向伊道已後天下人不奈雪老何僧至夏末舉此話請益頭云汝何不早問僧云不敢造次頭云我雖與雪峯同條生不與雪峯同條歟要識末後句只這是

巖頭末後句對面三千里雖與雪峯同條生不與雪峯同條歟只這是是何物爲君打破精靈窟

舉天平從漪和尚行腳在西院常云今時莫道會佛法只覓箇舉話底人也難得一日從西院法堂下過西院高聲喚從漪頻舉首院云錯行三兩步院又云錯院云適來兩錯是老僧錯是上座錯平云是從漪錯院云錯錯少頃院云上座且在此度夏待與你商量這兩錯定當時便去後住天平示眾云老僧當年行腳被業風吹到汝州西院有箇思明長老勸我兩錯便待留我過夏待共我商量我不道恁麼時錯我未行腳發足南方行腳時早知道錯了也

應病與藥且下兩錯從公處斷直須出院天平老天平老休懊惱客行何似歸家好卻把住道道

楚石語錄卷二

楚石語錄卷二

三

舉疎山在香巖巖一日上堂有僧問不慕諸聖不重已靈時如何巖云萬機休罷千聖不攜疎山作嘔吐勢巖云師叔不肯那山云不得無過巖云過在甚處山云萬機休罷猶有物在千聖不攜亦從人得巖云師叔莫道得麼山云還我讓座與你道於是巖令陞座如前問之山云何不得肯諾不得全巖云肯又肯箇什麼諾又諾箇什麼山云肯則肯他諸聖諾則諾於已靈巖云師叔恁麼道也須倒屣三十年始得後住疎山常病返胃一日舉此問鏡清病僧肯諾不得全道者作麼生會清云全歸肯諾山云不得全又作

數語

楚石語錄卷二

二十二

麼生清云箇中無肯路山云始慙病僧意

良工列規矩古鑑辨妍媸掉臂過關者難藏毫髮私石火鈍電光遲不留肯諾切忌針錐閑把一枝無孔笛逆風吹了順風吹

舉趙州問南泉如何是道泉云平常心是道州云還許趣向也無泉云擬向即乖州云不擬爭知是道泉云道不屬知不屬不知知是妄覺不知是無記若真達不疑之道廓同太虛豈可強是非耶州於言下大悟

南人不相耳北人不相鼻眉毛在眼上鼻孔裏出

楚石禪師語錄

卷二

氣巍巍堂堂煒煒煌煌劍號巨關珠稱夜光莫動著動著三十棒

舉百丈每至陞座常有一老人聽灑一日奴去老人獨留丈云汝是何人老人云某非人然某緣五百生前迦葉佛時曾住此山錯答學人一轉語所以五百世墮野狐身今欲舉此話請和尚爲答丈云汝試舉看老人云大修行人還落因果也無某對云不落因果也無丈云不昧因果老人遂悟得脫野狐身化去

數語

楚石語錄卷二

二十二

百丈野狐蘇盧蘇盧不落不昧悉哩悉哩三三兩兩過遼西一雙紅杏換消梨

舉風穴在郢州衙內陞座示衆云祖師心印狀似鐵牛之機去即印住住即印破只如不去不住且道印即是不印即是時有盧陂長老出問某甲有鐵牛之機請師不搭印穴云慣釣鯨鯢澄巨浸却嗟蛙步輾泥沙陂佇思穴便喝云長老何不進語陂擬議穴便打一拂子云長老還記得話頭麼試舉看陂擬開口穴又打一拂子牧主云將知佛灑與王灑一般穴云見箇什麼道理主云當斷不斷返招其亂穴便下座

鐵牛機不搭印堪笑盧陂衝雪刃興化端然坐受
降纖塵不犯碧油幢李將軍有嘉聲在赫赫神威
臨四海

舉僧問洞山寒暑到來如何回避山云何不向無寒
暑處回避僧云如何是無寒暑處山云寒時寒殺閻
黎熱時熱殺閻黎

閉門造車出門合轍換斗移星拈日作月寒時寒
熱時熱木馬走如煙泥牛派出血

舉金牛每至食時自攜飯至僧堂前撫掌呵呵大笑
云菩薩子喫飯來菩薩子喫飯來後僧問長慶菩薩

楚石語錄卷二

楚石語錄卷二

二二

子喫飯來意旨如何慶云大似因齋慶贊又僧問大
允長慶道因齋慶贊意旨如何允作舞僧便禮拜允
云作麼生會僧亦作舞允云這野狐精

金牛一盤飯特地糝椒薑不中飽人喫徒勞舞袖
長這僧若是英靈漢毛孔猶須七日香

舉疎山示眾云病僧咸通年已前曾法身邊事咸通
年已後曾法身向上事雲門出問云如何是法身邊
事山云枯椿門云如何是法身向上事山云非枯椿
門云還許學人說道理也無山云許門云只如枯椿
豈不是明法身邊事山云是門云非枯椿豈不是明

塵身向上事山云是門云未審塵身還該一切也無
山云塵身固偏爭得不該門指淨瓶云還有灋身也
無山云莫向淨瓶邊覓門云諾諾

猛虎口中奪麀鷩鷹爪下分兔疎山撞著雲門可
見震區獨步咸通已後咸通前灋身向上灋身邊
一條紅線兩人牽只是當時話未圓

舉臺山路上一婆子僧問臺山路向甚處去婆云
驀直去僧纔行婆云好箇阿師便恁麼去前後僧問
皆如此後有僧舉似趙州州云待我為你勘破這老
婆遂往問臺山路向甚處去婆云驀直去州纔行婆

楚石語錄卷二

楚石語錄卷二

二二

云好箇阿師又恁麼去州歸舉似大眾云我為你勘
破這婆子了也老宿拈云什麼處是勘破處

先行不到末後太過趙州屋裏坐勘破臺山婆師
子咬人韓盧逐塊七百甲子老兒今日和賊捉敗

舉雲門示眾云聞聲悟道見色明心作麼生是聞聲
悟道見色明心舉手云觀世音菩薩將錢買胡餅放
下手元來却是饅頭

詔陽老人口頭聲色稻麻竹草衲僧幾箇解知端
的元來胡餅是饅頭大丈夫合自由
舉鏡清問僧門外什麼聲僧云雨滴聲清云眾生顛

倒迷已逐物僧云和尚作麼生清云泊不迷已僧云
意旨如何清云出身猶可易脫體道應難

雨滴聲若爲聽不迷已誰側耳爲復聲來耳畔爲
復耳往聲邊兩岸俱玄一不全

舉南泉示眾云昨夜文殊普賢起佛見塵見每人與
二十棒貶向二鐵圍山了也趙州出眾云和尚棒教
誰擲泉云王老師有什麼過州禮拜泉下座歸方丈
二鐵圍山佛見塵見南泉趙州慣得其便窮則變
變則通風從虎兮雲從龍

舉雪峯問僧近離甚處僧云覆船峯云生从海未度

吳郡

楚石語錄卷十二

二十五

爲什麼覆却船僧無語覆船代云渠無生从雪竇代
云久嚮雪峯

生从海無邊不知誰解度覆船一句子截斷兩條
路雪竇老徒勞勞我王庫內無如是刀

舉僧問雲門如何是一代時教門云對一說

訝郎當對一說膠柱調絃掉棒打月出頭天外是
何人鼻孔依前搭上唇

舉僧問雲門不是目前機亦非目前事時如何門云
倒一說

誰當機倒一說七縱八橫千差萬別石田喚起土

牛耕無種靈苗徧界生

舉爲山問仰山云天寒人寒仰云大家在這裏爲云
何不直說仰云適來也不曲和尚如何爲云且須隨
流

爲山仰山天寒人寒隨流一句萬種千般盤走珠
珠走盤憑君子細好生觀不增不減金剛體無聖
無凡赤肉團

舉世尊於一處九旬安居至自恣日文殊條來迦葉
問今夏在何處安居文殊云在三處安居迦葉於是
白眾欲擯文殊出纔舉捷槌乃見無量佛刹一一佛

吳郡

楚石語錄卷十二

二十六

所有一一文殊一一迦葉舉槌欲擯之世尊於是告
迦葉云汝今欲擯出那箇文殊

唯一文殊無二文殊百千萬億徧滿塵區可惜飲
允尊者當時蹉過了也既然舉起槌來何不便揮
一下見之不取千載難忘總是喪車後藥囊

舉巖頭示眾云涅槃經道吾教意如塗毒鼓擊著遠
近聞者皆喪僧問如何是塗毒鼓頭亞身云韓信臨
朝底

塗毒鼓聞者喪多少从人平地上从中得活是非
常堪與叢林作榜樣韓信臨朝知不知突出當陽

舉話時

舉文殊問菴提遮女生以何為義女云生以不生生
為生義殊云如何是生以不生生為生義女云若能
明知地水火風四緣未曾自得有所和合而能隨其
所宜以為生義殊云如何是義女云如何是義女云若能
為義殊云如何是義女云如何是義女云若能
明知地水火風四緣未曾自得有所離散而能隨其
所宜以為義

生以不生生為生冬瓜掛在胡蘆棚以不瓜
為瓜熊羆眼中放夜市和合離散各隨所宜畢竟

楚石語錄卷十二 二十七

他是阿誰

舉歸宗示眾云吾今欲說禪諸子總近前大眾進前
宗云汝聽觀音行善應諸方所僧問如何是觀音行
宗彈指云諸人聞麼僧云聞宗云一隊漢向這裏覓
箇什麼以拄杖打趂呵呵大笑歸方丈

歸宗一彈指利利塵塵從定起眼裏著得百千萬
億須彌山耳裏著得不可思議大海水觀音行何
可擬少林謾說分皮髓

佛日普喚慧辯楚石禪師語錄卷第十二
音切

胤羊音切 舷胡切 聞苦本切 撞徒江切 挾胡切 複方復切 鋒

手逢切 鉢無方切 勦子小切 斲竹足切 咄丁骨切 噓音虛切 靦音連切

枯姑切 蔓公切 崢上士切 嶸上士切 逞上士切 讓思良切 脩蕭切 條音周切 醺

切呼切 輓職緣切 整居切 逞上士切 讓思良切 脩蕭切 條音周切 醺

直危切 鋤仕切 馭魚據切 扭細切 剎魚切 塵之庚切 漪音宜切 蛙

懊於切 妍除切 娵上苦堅切 陂彼皮切 鯨巨京切 鯢五切 蛙

烏瓜切 佇除切 針荷切 慘思切 條武切 蛙

嘉興府志卷五 王太周 王太周 洪邦基 王

嘉興府志卷五 王太周 王太周 洪邦基 王

楚石語錄卷十二 三

佛日普照慧辯楚石禪師語錄卷第十三
佛祖偈贊上

侍者文晟正隆等編

梅檀瑞像贊

至治三年歲在癸亥六月被 詔至京師入
月詣白塔寺觀優填王所刻梅檀瑞像百拜
稽首而爲之贊

不取一法如微塵不捨一法如秋毫我常如是見於
佛而亦無見不見者善哉優填亦如是不取不捨於
釋迦目連神足亦復然三十二匠無不爾所以成此

跋

楚石語錄卷十三

一

梅檀像八十種好皆具足惟於世間無取捨乃能取
捨於世間眾生心欲種種殊佛之所化亦差別眾生
不孝化以孝是故爲母昇切利眾生不慈化以慈是
故復從切利下世間尊邪而背正是故太霸而就王
欲令閉惡開大道示現如斯來去相咨爾十方瞻禮
敬作是觀者名正觀我今稽首釋迦文利利塵塵爲
坐證

王振鵬手畫梅檀瑞像贊

佛在天宮度母親優填刻像竄稱眞永傳瑞相三千
界精選良工四八人只有梵音雕不得若非宿福觀

何因區區色見聲求者踰過如來妙相身

阿育王所造佛眞身舍利塔贊

無憂王鑄小浮圖八萬四千同一鑪每塔中藏眞舍
利眾生共禮佛形軀梵天影現紫金剎絕頂允標明
月珠我等有緣能供養盡塵沙界證毗盧

多寶佛塔贊

無量劫來多寶尊全身在塔至今存五千欄楯繞龕
室萬億金鈴垂寶幡此日聽經從地湧滿空奏樂雨
花繁須知兩佛跏趺坐度盡眾生始掩門

釋迦文佛贊

跋

楚石語錄卷十三

二

三世如來共一心一心不隔去來今然燈授記緣無
得般若譚空嘆甚深罪子攝歸安養土道場唱出涅
槃音雲門最是知恩者解向禪流痛處針

無量壽佛贊

濁惡眾生信可悲不投慈父更投誰一家教攝三乘
眾九品蓮開七寶池得佛來從無量劫臨終念在刹
那時願門六八客人人入者皆成出世師

彌勒尊佛贊

彌勒何時不降生人間天上但稱名伽藍始向晨朝
入正覺俄聞暮景成三會度人雖有限一心作佛本

無程從初念念修慈忍大地山河似掌平

第一祖摩訶迦葉贊

昔者如來滅度時丁寧衣法好傳持頭陀行滿無雙
士優鉢花開第二枝雞足山中待彌勒龍華會上付
伽梨古今一念超三際佛祖相傳信在斯

第二祖阿難尊者贊

輪王伯仲法王資第一多聞只我師畢鉢巖前諸漏
盡修多藏裏幾生持來從曠劫無傳授唱出三乘住
設施堪咲誦茗忌帝者也言芥子納須彌

第三祖商那和脩贊

楚石語錄卷三

三

九枝秀草自然衣未出胎來早已披昔日世尊曾記
我百年羅漢更由誰火龍始信慈悲大神力還因解
慢施畢竟無心又無法何妨弟子去求師

第四祖優波鞠多贊

性十七耶年十七時人到此盡沉吟眼前固是難開
口髮白由來不屬心丈室盈籌多士至三辰脫頂戴
寬欽吾徒往往如以劍但向船舷刻處尋

第五祖提多迦贊

不爲身心自出家紹隆佛種竟誰耶分明指示聲前
路切忌添栽眼裡花夢見日輪高出屋行隨仙叟盡

除邪最初一念須真正只恐中間報分差

第六祖彌遮迦贊

無心無法又無師悟了還同未悟時不見此門成解
脫都忘前劫遇阿私在今幸得空諸漏臨滅何妨露
一寺截斷此生身便是八千仙侶莫狐疑

第七祖婆須蜜贊

金色祥雲雜蝶間道逢六祖便承顏手持酒器長吟
嘯身在城隍任往還卻話檀因無量劫須知佛果不
相關臨終示現慈三昧化火焚軀只等閑

第八祖佛地難提贊

楚石語錄卷三

四

迦羣提國小瞿曇肉髻如珠出翠嵐義論休誇風稟
凜心明不在口喃喃無言弊棒知多少有語投機落
二三後代兒孫徒費力森羅萬象却能諱

第九祖伏駄密多贊

毗舍羅家起白允便知此有聖人藏年過五秩瘡無
語意恐雙親愛未忘諸佛尚言非我道後昆何處見
空王隨機化物來中印所至青山是道場

第十祖脇尊者贊

六十年中處母胎待他白象送珠來中天竺有難生
號優鉢花從此地開不夜祥光流日月無眠寶席委

塵埃重茵更着高高枕後世禪流可嘆哉

第十一祖富那夜奢贊

地性無常可變金衆生但向外頭尋去來不定心非
佛問答縱橫佛是心語妙須教真性顯情消豈受妄
緣侵前賢後聖清規在華葉重重覆祖林

第十二祖馬鳴大士贊

不識方爲識佛身前身了了是慧身大心自足收龍
藏深願何妨度馬人毗舍離王名不朽波羅奈國化
方新有無作者功殊勝到處隨機轉法輪

第十三祖毗摩羅贊

跋婆

楚石語錄卷十三

五

初現神通亦異哉轉魔成佛始心開三千眷屬歸依
後五百神僧羯磨來巨海包含真性海仙才變化豈
庸才衆生不必論凡聖只一毫端攝九垓

第十四祖龍樹尊者贊

溪山孤寂斷人蹤大樹潛藏五百龍常願求師殊未
遇有緣聞法幸相逢人間但愛生天福座上俄瞻滿
月容到此不明無相理迷雲猶鎖一重重

第十五祖迦那提婆贊

佛性猶如滿月輪堂堂無相實爲真從師聽法開心
地徹水投針顯智人福業翻成調御業邪因轉作涅

槃因巴連弗邑長幡下蓋色騎聲一句親

第十六祖羅睺羅多贊

無情說法有來由木菌前身是比丘父子同餐今未
已因緣報復後當休釋尊已記千年事教主宜爲衆
聖儔指點梵宮金鉢鉢師資贏得飽齋齋

第十七祖僧伽難提贊

過去娑羅樹王佛還生塵世度羣迷俄因半夜天光
照直至高巖石窟栖金在井中元不動飯來天上爲
誰攜我無我故成於汝此事分明覲面提

第十八祖伽耶舍多贊

跋婆

楚石語錄卷十三

六

紫雲如蓋出峯頭童子方持寶鑑遊正是善機年百
歲兼將道德繼前修風鈴但爲心鳴起花果還因地
種求內外無瑕何所表莫教錯認水中漚

第十九祖鳩摩羅多贊

纔聞扣戶忽生疑此舍無人答者誰萬里雲端吐明
月千尋水底見摩尼馳求佛祖緣何事故捨身心正
此時一念不生三際斷元來鼻孔大頭垂

第二十祖闍夜多贊

此心清淨無生滅寂寂靈靈現在前入得此門皆是
佛向來諸祖本無傳重牙石虎山中吼闍角泥牛水

底眠若更厭人談罪福不惟堪咲亦堪憐

第二十一祖婆修槃頭贊

此日頭陀徧行名前身長樂國中生杖檮畫佛親曾
戲祖繼空宗道已成光度入門回禮竟芻尼同座寶
珠明了知宿業由心現篇聚須當識重輕

第二十二祖摩拏羅贊

捨父從師恰壯年亭亭一朵火中蓮王宮但作浮雲
想祖位親承列聖傳宴坐何嘗嫌聚落遊行只是化
人天因思後世多庸妄誰汎如來大法船

第二十三祖鶴勒那贊

第四劫中爲比丘龍宮赴會引緇流今來眾鶴飛相
伴總爲當時德不脩七佛金幢曾有禱二人緋素本
同儔閣維復向空中現舍利還將一塔收

第二十四祖師子尊者贊

道人何必用心求畢竟無心是道流第慧方嗟龍子
天魔強未免鶴師憂白虹直貫綠吾黨黑氣橫分信
有由且把伽梨傳嫡嗣蘊空不復較恩讐

第二十五祖婆舍斯多贊

婆舍斯多是兩生彼身纔壞此身成方當左手開拳
日始得神珠獎座明五十九番邪論伏一千餘載祖

風清先師表信衣難毀足使天魔外道驚

第二十六祖不如蜜多贊

昔年爲法受拘籠今日還歸太子宮本願出家爲佛
事須來嗣祖振玄風年湮愈薦沙彌敬地動皆知羯
磨功將度眾生有何法且教梵志伏神通

第二十七祖般若多羅贊

無父無名世混融若非智眼莫能窺當知佛國大勢
至卽是王都纓絡童印度不居玄化外真丹皆在妙
心中他年二子弘吾道一箇西行一箇東

第二十八祖菩提達磨贊

一言盡破六宗迷在國還除異見非漢土初來空聖
諦梁王不免挫天威度僧造寺難論德斷臂安心未
入微留得少林花木在翩翩隻履自西歸

第二十九祖慧可大師贊

博覽羣書有正知少林大士是吾師願教下聞心
要來向庭前立雪時徧界皆空無一物眾生不了謾
多知屠門酒肆元平等肯捨冤親別起慈

第三十祖僧璨大師贊

當念推尋罪性空不居內外不居中吾人欲懺如何
懺底處藏風更有風十載往來無定所多方檀信此

心同平生最愛羅浮好末後依前葬皖公

第三十一祖道信大師贊

惡人縛汝謾嗟吁何更來求解脫乎到此身心俱放捨從前苦樂免囚拘破頭山上雲如蓋武德年中事已符天子詔來堪一笑浮生萬事總區區

第三十二祖弘忍大師贊

拾得黃梅路上兒能言佛性早非癡前生過去身何限此日還歸母未知但缺如來七種相傍分信祖一橫枝中宵有客傳衣去不復陞堂眾始疑

第三十三祖慧能大師贊

本是新州負擔郎偶聞市客誦金剛便投五祖叅禪去却笑三更寫偈忙議論風幡從此定流傳衣鉢至今藏謾人自謂來無口不道壇經話更長

文殊大士贊

閻浮東北最清涼此有文殊妙吉祥紫府山川行道處黃金宮殿攝身光十千菩薩為徒眾五百那伽護道場雖是當來普見佛看他伎倆亦尋常

普賢大士贊

如來長子普賢尊行願宏深口莫論一色爛銀鋪世界六牙香象振乾坤無邊剎海微塵數不可思議大

法門始末何曾離當念凡夫只是弄精魂

觀音大士贊

海上名山多聖賢慈悲願力敢居先面如寶月當三五化等油雲覆大千纓絡聚中常說妙梅檀林裏每譚玄何時此界無生佛直待處空落地年正生過去如來正法明須知佛道已圓成再為菩薩酬深願常向娑婆度有情巡禮寶隨巖上去引歸極樂國中生六根互用君知否滿耳青黃滿眼聲補陀示現東大洋西西海南海雲深處善財叅山頭有月光流永水面無風影在潭自遠尋聲先救苦因聞入理併

除貪閻浮界上根尤勝日夜香燈共一龕水月善財

前觀音即後觀音不離眾生信解心三十二身隨所應百千萬劫在如今根塵盡向聲塵脫業海咸歸願海深早晚蓮舟蒙救度盲龜值木芥投鍼蓮舟

本自端居不動身隨機說法化天人波間頓現孤輪月雪裏潛行萬國春迷去有情償業果悟來無耳著聲塵堂堂密密圓通境大地山河為指陳天人水月

文殊子細揀圓通一一根門一一功諸聖盡推闡理妙六塵皆到用時空隔垣響徹無遐邇入道言詮有始終收得光明如意寶利人利己樂何窮珠瓶寶座

聖師莫把古今論真教難將體用分無相未嘗離有相我聞終不異他聞全憑一念慈悲力亦藉多生定慧熏末法比丘皆可證如來實語不欺君
遙瞻補怛洛伽山小白花開正可攀拍岸潮聲時浩浩穿林鳥語日關關普門一品長宣誦薄福眾生當等閒只箇聞思修不昧經行坐臥見慈顏

東林僧景潛一夕夢觀音大士謂曰我以三珠施女起起檀越求矣明日某氏至願莊嚴寶像因發像腹得方寸之鏡一銀泥細書經一瑠璃瓶一瓶之大如指三舍利於中躍躍

楚石語錄卷十三

十二

有光出試以鐵錐錐陷而舍利無損余適見之百拜稽首而爲贊曰

世間之聲皆以耳聽而此大士獨以眼觀眼既觀聲耳亦聽色色不自色聲不自聲一心不生六用俱寂以俱寂故能興大悲以大悲故度諸眾生或爲畫師自畫其像或爲雕者自雕其形或現鷹隼或現蛤蜊及種種相而此大悲無興大悲受大悲者我作是說如眼於色如耳於聲雖不可取要不可滅皆如幻故皆如夢故稽首如幻如夢之像稽首如幻如夢之經稽首如幻如夢之珠稽首如幻如夢之鏡願令如幻

如夢之衆皆悟如幻如夢之心皆成如幻如夢之佛稽首此方真教體廣大無礙徧沙界隨諸眾生顛倒想一切所求無不獲雖應其身三十二所說法句惟一音此音不從舌根生亦復不從耳根入如是六處本寂滅故稱名者得解脫我亦證此解脫門與觀世音等無異異無異者亦寂滅亦無寂滅寂滅者故我同是觀世音一切眾生亦同證

凡心淨如水聖化圓如月一影落千波高低共澄徹本不非垢淨豈復論圓缺同一不思議如何妄分別我觀觀音氏體用俱絕絕於此蚌蛤中攝受微塵刹

楚石語錄卷十三

十三

彈指阿僧祇大千一毛髮衣冠儼可數纓絡知誰設欲將心喻珠乃以身爲舌大啓圓通門令除煩惱結隨機三十二一一熾然說說者言語斷聽者心行滅大士長現前清涼洗炎熱

湛然不動體若虛空高下隨入根塵互融在耳何觀幽谷傳聲而答響在眼何聽春華發色而耀叢大地山河咸宣妙智金石絲竹盡演圓通頂奉如來之像眉橫帝釋之弓燦迦羅首清淨寶目母陀羅臂皆具八萬四千無求而不得者眾生行住坐臥長在其中只者蒲動新卷葉都因幻妄顯全功

我觀三界塵勞羣生擾攘自性不明貪欲所障溺於苦海隨於識浪從劫至劫捨妄取妄故聞思大士以慈悲方便爲蓮葉之舟出而置之於彼岸之上頭明自性不向外尋觀音卽汝汝卽觀音

稱名者同六十二億恒沙菩薩之福退機則異三十二應國土說法之身法身無爲不墮諸數無方不現無感不赴我觀此像如月在天其輪雖一而光徧百川者焉

空覺覺空覺空空覺重重幻滅念念道圓繞八萬四千波羅蜜門爲一普門無門可闢卽不可思議妙觀

大佛

楚石禪師語錄卷三

十三

察智爲一聖智無智可詮烈燄堆中撈得月須彌頂上浪翻天

一稱名拔無量苦一觀相與無量樂不動神情而頓現十方普運悲智而長居五濁聞無所聞覺無所覺長天月皎兮片片石雲收大野風生兮四溟潮落

宴坐磐石心無所緣冥應萬機道何可議能使苦者樂晦者明天者壽歟者生聽十方之色像觀徧界之音聲巍巍乎蕩蕩乎益不可得而名也

念念興慈運悲人人離苦得樂一瞻一禮同證常住法身若聖若凡咸令成等正覺久從無量劫中來月

楚石禪師語錄

石滄波撈不着

眼裏耳裏鼻裏小千中十大千隨一有情受苦便蒙大士哀憐水在地月在天眞體堂堂在目前

天上月水中月同古今共圓缺只這圓通門何曾費言說大海茫茫一葉蓮虛空有盡香無絕

聖師無所說童子無所聞青山自青山白雲自白雲陳盡圓通二十五文殊之辯謾紛紛

一卷普門品縱橫在筆頭通身無影像滿紙黑虬蟬虛空撲落須彌碎度盡眾生願未休

大士眾生父眾生大士兒父憐兒最苦寧不起慈悲

大佛

楚石禪師語錄卷三

十四

芳草座綠楊枝正是全超八難時

隨類應身卽身爲舌其圓通門熾然常說能以眼聽音無聞歇巍巍堂堂常住不滅

藍不見魚通身是眼眼若有見如魚墮藍見不見離聞非聞滅善哉大士常現娑婆

覺天空濶心月孤圓宴坐不動光明無邊狹則一毫寬則大千捲却幃子眞身現前

現天女相攝眾生心如青蓮花出大火聚清涼契惱是二俱空稽首慈悲不離當處

從聞而入卽思以修眾生解脫非向外求大地一塵

卷二三

大海一漚正體不動分身徧周

圓通面目描寫難成直下便是多少分明風動綠楊
千萬葉曉來黃鳥兩三聲

妙智之力眼聲耳色逼塞虛空了無痕迹遮身向上
數重雲應念現前元不隔

慈悲誓願如山重業識塵勞似海淡十字街頭賣魚
去護生心是殺生心

金剛石畔善財叅未免慈悲爲指南但道現前無可
說一輪明月在寒潭

圓通不許離塵寰道在尋常日用間數抹淡煙龍碧

楚石

楚石語錄卷十三

十五

樹一條飛瀑下青山

水中月影如何取脚下蓮舟不用撐提起數珠一百
八何曾佛外覓眾生

聞思修悲智願此身本空無刹不現碧落宛明白月
輪玉毫突出黃金面

婆婆人有因緣但一稱名現在前只這如今誰動
口却須問取白衣仙

分明覺觀離根塵普度羣迷出苦輪須信熾然聲色
裏如如不動現全身

出海鯨魚擺浪開街花鸚鵡自空來淨瓶口裏喃喃

地盡說圓通向善財

見色心先現聞聲道已彰慈容一輪月瞻禮獲清涼
石露珊瑚樹山舍瑪瑙雲虛空無說說大地不聞聞

雨過碧天空雲橫紫霧重忽然瞻妙相滿海是芙蓉
浪打蒼崖石風吹紫竹林飛來兩鸚鵡相對說惟心

遇苦救苦隨流入流無邊利海一葉蓮舟
鄆市賣魚腥風滿途眾生易度邪法難扶

如意寶輪王菩薩贊

稽首大士如意輪王本無一法彌滿十方是故誦眞
言者聲未發而身心安樂瞻聖像者目未舉而動靜

楚石

楚石語錄卷十三

十六

吉祥成就萬德滅除千殃我今以四大海水爲乳以
五須彌山爲香以山川草木爲供養之具以日月星
辰爲燈燭之光世界不可說虛空莫能量與一切衆
生同修如法供養極未來際劫嚴淨菩薩道場者也
地藏王菩薩贊

從久遠劫現慈悲身處處地獄如遊園觀使眾生永脫
苦輪一顆寶珠提掇處照開黑暗六環金錫動搖時
增長威神持其名者免生死罪觀其像者了涅槃因
不可思議大願力無邊利海未來人

文殊問維摩疾圖贊

文殊大士贊

山玉有鐳盤珠無滯毗贊空王激揚勝義卽衆生根
本無明是諸佛簡擇妙智或持千鉢或現五髻或敎
導十六王子爲妙兌法師或提獎六千比丘於覺城
東際象王回旋師子遊戲一切處金色世界一切處
文殊室利直說與人人不會虛空更展黃金臂

維摩居士贊

1941

焚石語錄卷十三

44

三萬二千猊座不離方丈室中只因當時一默喚作
多口老翁

彌勒菩薩贊

五十六億萬歲方始下生人間知足天中不住身心到處安閒

辟支佛牙贊

日本成藏主入吳逢一童子施辟支佛牙得而寶之請贊贊曰

有一衆生出無佛世曾從往劫受獨覺記花開葉落
心融神會觀此因緣豁然超詣於三界中如鳥出籠

雖不說法但現神通手捫日月身臥虛空十有八變
開豁羣蒙至涅槃時吐三昧火自化形骸惟留骨鎖
妙設利羅而苦千顆累累如珠頭頭而墮維道人成
得其大牙堅若金剛淨如蓮花砧杵不碎玉雪無瑕
再拜稽首寧小幸耶我作贊辭仰其高躅冥熏法界
淨洗心目神物訶護無忘付囑人能敬信莫不生福
佛日普照慧辯楚石禪師語錄卷第十三

墳丁公切 彫丁公切 楯丁公切 堞丁公切 秩丁公切 瘡丁公切 脇丁公切
 垓三皆切 菌三皆切 羸三皆切 勦三皆切 搯三皆切 沆三皆切

100

楚石語錄卷十三

十八尾

切扶牛
燈歷切
挫無切
皖戶板切
蛤古合切
撈路高切
蚍毗音
蜉

佛日普煥慧辯楚石禪師語錄卷第十四
佛祖偈贊下

侍者文晟正隆等編

十六大阿羅漢贊

第一位西瞿耶尼洲密度羅跋羅墮闍尊者
三明六通八解脫乃是人天良福田設供能招來果
勝鼓牀且驗坐花鮮龍王殿裏饒珍饌牛貨洲中有
大緣海水攪成甘露味檀波羅蜜此心圓

第二位迦濕彌羅國迦諾迦伐達迦尊者

迦濕彌羅大士居巖間樹下更清虛時來利物先忘

楚石語錄卷十四

一

我食取資身不願餘聽塵青龍安鉢內街花白鹿走
階除長宵皓月光如洗坐聽沙彌讀梵書

第三位東勝身洲迦諾迦跋釐墮闍尊者

聖者常居東勝身坐來但見海揚塵渡河且自分三
獸標瑞終能效一麟天上時長何倏忽世間劫短太
遙巡性空念念離貪欲珍重全拋火宅人

第四位北俱盧洲蘇頻陀尊者

大千沙界北俱盧此地常言佛灑無劫樹衣裳心不
貴長粳米飯飽何須但令受化人心伏豈患迷方刹
土拘此道周流四天下眾生業果易凋枯

第五位南瞻部洲諾巨羅阿氏多尊者

在世分明出世間或遊鄆市或居山自來鴈蕩栖心
久長向龍宮說蓮還三石迸開雲片片高崖飛下瀑
潺湲經行坐臥無非定誰道清宵白晝閒

第六位耽沒羅洲跋陀羅尊者

耽沒羅洲八百里漫空海浪隔雲巒眾生有念頭頭
錯大士無心處處安近澗水紫紅瑪瑙疎林雪洒碧
琅玕諸天所散花成積早晚風來掃石壇

第七位僧伽茶洲迦理迦尊者

如來付囑固難忘利物何曾密處藏久住世間終不

楚石語錄卷十四

二

厭暫遊天上亦無妨蠹衣綴鉢資生具曠野溪山聖
道場自在還同師子子從他節序變炎涼

第八位鉢囉羅洲伐闍羅吠多羅尊者

仙洲住在鉢囉羅有識俱令出愛河美甚雪山生樂
味奇哉火聚聚芬陀龍宮水湧階前地鷲嶺雲連戶
外坡況乃禪居人不到街花時見鹿麋過

第九位香醉山中戌博迦尊者

香醉山中水石奇折旋俯仰四威儀身心脫去閑糠
粃語默由來妙總持秀草自然香綺旒遙山無限碧
叅差天人向午供甘露正是城隍乞食時

第十位三十三天中半托迦尊者

三十三天帝釋宮圓顙方服住其中黃金鉢有酥陀飯白日心如般若空永脫苦輪須利物行登寶所不施功前時預受菩提記尚待莊嚴勢力克

第十一位畢利颺訶瞿羅羅怛羅尊者

畢利颺瞿羅海上洲神通不礙往來遊真心本自離生滅大道何曾假證修西竺幻人擎麈尾上方仙子藝牛頭六時唱禮黃金像無相須從有相求

第十二位半度波山中迦那犀那尊者

半度波山插太空白雲掩映碧玲瓏名標五伯聲聞

卷十四

梵音譯錄卷十四

三

上道彼三千世界中定起影斜金殿月齋餘香景玉

爐風有時走入軍持浴須信沙彌亦具通

第十三位廣脇山中因竭陀尊者

廣脇名山處處聞其中別是一乾坤雨龍聽講天花濕野鹿依禪砌草溫萬化皆從無相出十處但有假名存了然此理超生歿何用他求解脫門

第十四位可住山中伐那波斯尊者

萬古山坐可住名隨時坐臥與經行身雖屬幻須脩幻果證無生在度生犀柄頻搖花片落寶書試展月輪明自從五結消亡後煩惱菩提悉等平

第十五位鷲峯山中阿氏多尊者

如來已滅鷲峯處千五百人龍象居定慧圓明猶日月身心清淨似芙蓉奇禽異獸來圍繞瑞靄祥雲復卷舒此地時時鐘梵作儼然佛轉濃輪初

第十六位持軸山中注茶半托迦尊者

持軸山中大士家明珠絕類玉無瑕晝披般若千行偈天雨曼陀四色花捷推遠傳僧布薩香煙濃染佛袈裟白牛自可兼羊鹿先引兒童駕小車

第九祖伏獸蜜多贊

從曠大劫來未嘗譚一字誰道五千年方纔啓唇齒

卷十四

梵音譯錄卷十四

四

有說與無說且莫謗祖師折筋攪大海燈心柱須彌

口不搖舌足不逾戶五十年宴坐一牀三千界禪門

九祖諸佛非道父母非親若心若行何偽何真山頭

翻白浪井底起紅塵

布袋贊

花衢柳巷任經過虎穴魔宮不奈何背上忽然揩隻眼幾乎驚殺蔣摩訶

烏藤只麼往來挑布袋雖輕未肯拋無盡重重華藏

海都將一箇肚皮包

十字街頭等箇人不知滿面是埃塵重重破紙包乾

冀一度拈來一度新
靠着布袋打瞌睡百千萬年只一忽娑婆界上無此
僧龍華會中無此佛

寒拾贊

閭丘未到國清前誰識文殊與普賢三寸舌頭輕漏
泄有何伎倆掣風顛
大圓覺海是伽藍到了何曾有聖凡兩箇頭隨高拍
手從教人道太褻褻
國清寺裡豈無人只話寒山拾得貧若帝堦真常在
手可憐淨地却生塵

一

楚石語錄卷十四

五

遙望東南紫氣堆崩雲洩雨轉崔嵬聖賢面目分明
在莫道斯人去不回

智者大師贊

眉分八彩目曜重瞳灑本無得辯何有躬太虛絕兆
赫日方中銀地佛窟玉泉神工總持稟戒灌頂承風
禪河香象救海大龍瞻之仰之極天高而地厚名也
實也非鼠啣而鳥空夫是之謂祖龍樹宗北齊師南
岳靈慧禪師之幻容

清涼國師贊

無明本空瀟界如幻誰爲普賢圓滿行願十地鳥跡

二覺波文凡聖平等迷悟同羣稽首清涼洞明智理
疎毗盧藏稱真佛千千龍發浪四海流慈十大願王
七帝門師遺像現前塵尾在手常住世間太虛不朽
達磨大師贊

初辯寶珠半文不直次破六宗全無旨的離南印來
入震旦國再對梁王還云不識一住少林九年面壁
堪笑神允分明是賊及乎安心覓心不得看他什麼
奇特未免許多狼藉葱嶺那邊逢宋雪破履至今遺
一隻

長江一蓑大地一華廓然無聖到處逢他且道他是

二

楚石語錄卷十四

六

阿誰香至親子神允老爺

誰云打落當門齒椎殺深深掘害埋自是梁王不啣
嚼放他走入魏朝來

當時我若作神允三拜無疑是詐降側立看他開口

縫進前推倒葛藤搭

少林冷坐幾經春鼻孔依然搭上唇只爲鄉談改不

得被人喚作婆羅門

西天二十八頭驢踏碎支那獨有渠後代兒孫多執

拗箇強一箇背盧都

三年之海神通力一蓑浮江鬼怪多將謂末梢遮得

盡依前不奈朱雲何

因陀羅所畫十六祖聞上人請贊

初祖

易掩當門齒難藏蓋膽毛神允三拜後熊耳一峯高

六祖

惹起風幡話流傳卒未休有人來問我六耳不同謀

牛頭

盤陀石上坐幾度見春來百鳥無消息山花落又開

鳥窠

太守名居易禪師號鳥窠相逢休話險一片好山河

跋

楚石語錄卷十四

七

南岳

試問曹溪印令人下口難只因無染汚突出萬重關

馬祖

磨礪不成鏡坐禪不成佛泥牛鬪折角虛空揣出骨

百丈

從他鼻頭痛不是祖師機日日江湖上紛紛野鴨飛

趙州

南泉王老師有此寧馨兒勘破臺山話回來人不知

雪峯

對眾輓木毬當陽拈觴鼻明明出曾襟一一蓋天地

玄沙

拋却釣魚船走上飛鳶嶺觸著脚指頭當下便心肯

雲門

打佛乞狗與知恩方報恩後來真淨老又要審雲門

慈明

骨董箱兒裏拈來幾百般白金歸壽母覷著骨毛寒

楊岐

踢出一頭驢只有三隻脚寸步不曾移踏徧長安陌

白雲

雲門上大人白雲丘一已從此化三千清風來未已

跋

楚石語錄卷十四

八

圓悟

奇哉認得聲有意却無情一片碧巖集閒將肝膽傾

大慧

華擎首山禪深爲衲子冤竹篴生鉄鑄石火迸青天

因陀羅所畫諸聖聞上人請贊

空生

寂寂巖間坐喃喃口更多只言無灑說爭奈雨花何

豐干

寺裏隨僧住山前跨虎過閭丘太守到道你是彌陀

寒山

不居妙喜界不戀清涼山箇箇求成佛輸他道者閒
拾得

當初因拾得便以此爲名欲識這箇意無生無不生
寶公

刀尺杖頭懸時時走市鄺蕭家菩薩子只解說因緣
布袋

浪走草鞋穿長挨布袋眠天宮衣鉢在歸去是何年
懶瓚

爐中煨羊火香不到青霄世主緣何事頃令教使招
船子

楚石

楚石語錄卷十四

九

曉出天連水昏歸月滿舟錦鱗如不遇坐釣幾時休

趙州和尚贊

參見南泉早會得平常道行脚債已酬住山年益老
隨機說灑不用思量信口答禪何勞尋討古佛重來
羣魔盡掃庭前栢樹子鼓風打雨滿目森森徇子佛
性無照雪吹毛殺人草草至今道播乾坤非獨話行
燕趙

雲門大師贊

候睦州三日開門空樓折脚被雪峯一問杜口便低
却頭靈樹會中人天眼目大唐國裏衲子冤讐用護

鑿鑽穿虛空作窟籠因乾屎橛回平地起戈矛得路
塞路看樓打樓若是眞淨老師見你必然殺殺且問
丹青妙手畫他著甚來由

臨濟大師贊

龍驤虎驟馬領驢肥黃髮室中三度親遭打出大愚
肋下三拳便被托開老婆心當時太切風顛漢特地
回來未續佛祖慧命先結宗門禍胎痛棒白日雨契
喝青天雷正漚眼藏既滅盡大千沙界無纖埃

楊岐祖師贊

從來不會說禪隨例紙弄麻纏坐斷楊岐雲蓋賣弄

楚石

楚石語錄卷十四

十

栗棘金圈一轉公案欺謾大眾三脚驢子踉蹌上天
荷慈明重擔喜白雲卸肩神仙無秘訣父子不相傳

五祖和尚贊

鄧師翁多漚喜愛念聰明呪慣唱囉囉哩咬破鐵酸
賺却是雞冠花一首詩拈起好怕人誰信白額蟲九
條尾攤世界作棋盤把虛空書祖意紅粉佳人風流
公子見神見鬼說道說理眞非眞是不是天上人間
知幾幾

圓悟祖師贊

維鳥飛上闌干驀地打失布袋開口動舌披露此聲

截鐵斬釘發揮下截裏不雕之心印迴絕言詮是本
分之宗乘初無向背納須彌於芥中擲大千於方外
七處妙敷揚九重親奏對若論正眼流通直至盡末
來際咄

大慧祖師贊

湛堂室中跣跳滿口談禪佛果句下掀翻從頭改轍
悟既無悟說卽不說精金爐鞴火迸星流黑漆竹篋
雷司電掣師子踞地哮吼野干從腦迸裂十八年衡
梅游戲趙壁本無瑕數千里川陸歸來生薑不改辣
再上凌霄峯重行臨濟喝小釋迦云一人指南吳越

數部

楚石語錄卷四

十二

令行也是證龜成鼈

日本淵默菴畫二十二祖請贊

初祖

三周寒暑汎重溟撞著蕭家有髮僧對朕者誰云不
識爲誰辛苦到金陵

二祖

幸是巍巍好丈夫却來少室受塗糊雖然拜了知慚
愧索得娘生一臂無

三祖

握節當曾懺罪人罪從何起要知因遠來更不論僧

俗一句無私達本真

四祖

脇不沾牀三十秋初無心濃訓人求黃梅一上逢童
子昔日冤家又聚頭

五祖

母子師資也是閒分明此道播人間後來話柄憑誰
舉多種青松滿四山

六祖

多少黃梅會裡僧一時放過嶺南能至今大庾山頭
石歲歲春風長葛藤

數部

楚石語錄卷四

十二

南岳

何物堂堂與麼來人皆不識起疑猜電光石火分縈
素無限勞生眼豁開

馬祖

卽心卽佛口喃喃非佛非心轉不堪八十四人門戶
別何曾一箇是同叅

百丈

坐鴨高飛落遠汀嫌人扭得鼻頭疼思量箇樣無滋
味笑不成兮哭不成

黃檗

大機大用顯家風坐斷乾坤獨此翁後代兒孫皆有耳如何十箇五雙聾

臨濟

無位真人在面門阿師太似弄精魂臨行滅却正塵眼何止三千海岳昏

興化

紫羅帳裏撒真珠今日分明驗過渠說得自知行不得更言還識老僧無

南院

啐咏同時立話端當人總是自欺謾極頭突出摩醯

楚石語錄卷十四

十三

眼付與諸方子細看

風穴

祖師心印鐵牛機早是重安眼上眉對陣不能擒縱得令人千古笑盧陂

首山

有口何妨誦灋華無端繼祖事如麻楚王城畔東流水曾與時人掛齒牙

汾陽

十智同真一句收魚龍鎖戶向汾州夜來逾覺風霜緊佛祖聞名也縮頭

慈明

一劍橫安水一盆草鞋委地杖臨門西河師子生憐甚來者須教喪膽魂

楊岐

不因堂上鼓聲震爭得慈明出晚叅住後栽田博飯喫方思說夢老瞿曇

白雲

要識茶陵落髮師須還除夕夜胡兒一莖草上春風轉玉殿瓊樓幾箇知

五祖

楚石語錄卷十四

十四

鐵酸賺子向人誇拈出雞冠一朵花常爲先師言語拙盡拋弓冶立生涯

圓悟

金鴨香銷錦繡幃風流全在一聲雞如今處處逢昭覺野鳥山花不更迷

妙喜

背觸俱非驗學人竹篋三尺沒疎親年來此話憑誰舉日炙風吹又過春

徑山寂照先師元叟和尚贊

這慈尊真滅門是非盡剗佛祖平吞藏雲克家之子

妙喜四世之孫用首山竹篋全提正令瞎摩醯頂目
巨闢重昏二十年天下徑山綿裏泥團錦包特石千
七百堂中衲子棒如雨點喝似雷奔掀翻海岳震動
乾坤把斷牢關一句子金香爐下鐵崑崙

道場晉翁和尚贊

胡達磨不是祖老枯禪何必數若非滅族子孫誰紹
潑天門戶石從空裏立徧界絕遮欄火向水中焚大
地無寸土言其體也誰論生滅去來當其用也不離
聲色言語卽性卽相全規全矩直下分明現前薦取
受業先師天寧訥翁和尚贊

楚石禪師語錄

卷十四

十五

問此陋質從何而生一漚巨海片雲太清本來無體
描邈難成舉筆卽錯覲面相呈燒却燈子我要話行
五十年住院三千里行脚撞著破龜墮勘破一宿覺
白首看雲山是身隨飲啄夜來風雨過壁上胡蘆落
透頂透底徹骨徹髓體不離用用不離體勉強形容
初無倫比打成一片五十年擬議相隔三千里
虛空爲口萬象爲舌一句全提六時常說約住德山
棒拈却臨濟喝別別烈燄爐中撈得月
有口無舌三緘不發露柱燈籠替他演說和南不審
君子可入所額看魚焚香祭懶

楚石禪師語錄

卷十四

十六

大道體寬虛堂響答面目現在人天交接破草鞋走
五十四座軍州轟坐具禮不可思議祖塔南海瘴重
重北山雲疊疊旣了行脚大事盡見諸方老衲開荆
棘之地而作寶坊化屠沽之人而修淨業單傳直指
之妙非文字所可形容潜利陰益之心如虛空自然
周匝夏復夏臘復臘要識天香子孫且看少林花葉

自題

臨濟本叅黃檗向大愚肋下築拳雪峯承嗣德山在
鼇山店上成道可使千古流芳未免一回落草觀此
形骸具何眼腦入門那箇得升堂三尺竹篋如電掃

日面月面蘇州常州全無本據却有來由刹竿頭上
翻筋斗三十三天築氣毬
正瀆眼藏瞎驢滅般若妙心全體空佛祖相傳只遮
是亘塵沙界振宗風
萬寶坊中睡起崇天門外鼓鳴拾得紅爐片雪日午
恰打三更

古鼎和尚遺像祥符林長老請贊

四坐道場一生孤硬具眼宗師超方拈匠三玄三要
擘破完全一抑一揚背馳駁向傳列祖之燈息六宗
之諍身非身相非相天教擎在千峯上

紹興崇報行中和尚壽像上乘明長老請贊

以一毫端智徧量瀟界空佩文章正印於肘間魔外
窺覷無路握黑漆竹篋於掌上佛祖甘立下風淮山
以西淝河以東踞三禪刹伏諸鉅公譬如秋月在水
下非升而上非降春風扇木葉自紅而花自紅賢哉
上乘似而有之迷而明之庶不愧於奚家之祖翁

西白禪師壽像祇園文長老請贊

道邁古今學兼內外白牙香象蹴踏而截流金毛師
子哮吼而踞地機用可謂逸羣文章乃其遊戲青天
白日放古佛之瑞光開市紅塵闡南湖之祖意直得

楚石禪師語錄卷十四

一七

大海波翻須彌粉碎少林不識曹溪不會却淨慈道
逾高笑諸方進為退乃古鼎之的傳妙喜之六世者
也

佛日普照慧辯楚石禪師語錄卷第十四

音切 迸波神切 瀑蒲報切 潏仕山切 批補履切 旖於緩切 旆於緩切

顙刀胡切 訃胡古切 瞋古合切 伎倆切 二音切

檻力三切 參所今切 客古考切 揣初委切 罽於檢切 輾上徒切

下力卸先夜切 辣力達切 啐倉慣切 啄角切 賺胡斬切 鼃音切

肘張柳切 蹴七六切 踏臨蓋切

嘉興會建康 先德龍 周菊 卜門西 曹敬龍 北寺施實刻此 楚石禪師語錄卷十四 昆明沙彌與玄對 眞州王國策書 建陽黃國斌刻 萬曆庚寅秋五全山妙德寺藏

佛日普照慧辯楚石禪師語錄卷第十五
法語

侍者善成等編

示覺音座

不與萬法爲侶者是什麼人這裏悟去一生參學事
畢只麼饑餐渴飲閑坐困眠雖涉百萬阿僧祇劫如
彈指頃更論什麼諸佛菩薩畜生驢馬瓶盤釵釧都
來鏽作一金酥酪醍醐盡與攪成一味不遷不變無
始無終喚作常住法身受用惟心淨土以至紅塵開
市枯木寒灰逆順縱橫卷舒出沒又何拘礙者哉永

嘉所

楚石禪師語錄卷十五

一

嘉所謂非但我今獨達了恒沙諸佛體皆同

示觀提點

昔日楊岐老人放下金剛圈拋出栗棘蓬吞跳得者
固多吞跳不得者亦不少如今去聖逾遠舉此話者
漸稀要在大力量人能成大力量事廓然自省非狂
別求方知自己便是金剛圈更教誰跳自己便是栗
棘蓬更教誰吞管取楊岐老人不勘自敗

示辯長老

既稱長老出世爲人喻如金錐刮眼膜非是小事若
傷鋒犯手未免破睛危乎險哉間不容髮豈可恣矜

袋掉三寸舌說脫空謾人你看他夾山初住京口寺已有發明到垂手處不無滲漏後往華亭覓船子及船子向他道離釣三寸子何不道道不得劈口一橈竿頭絲線從君弄不犯清波意自殊始大徹所以道參禪須是悟始得悟了須是見人始得若不見人只成杜撰禪和說拍盲禪到處破壞人家兒女去也第一本領要端正履踐須明白院子大小正當置之度外臨濟下風穴首山何嘗聚三百五百眾來至今道行天下所謂山不在高有仙則名也

此宗示弘首座

嚴師

楚石禪師語錄卷十五

二

釋迦不出世達磨不西來眾生鼻直眼橫世界晝明夜暗蜜甜藥苦鵠白鳥玄風不待月而涼火不待日而熱一一見成公案頭頭本分生涯喚什麼作此宗此宗作何面目石頭南岳啓口不得臨濟德山袖手旁觀聚百千萬雷爲一喝是甚契枕鳴聲束無邊虛空作一棒當甚蓬蒿箭子淨保保絕承當赤洒洒沒可把奴呼菩薩婢視聲聞高揖釋迦不拜彌勒直饒與麼未稱此宗若解舉一明三日機鉢兩未言先領未舉先知如斯品格不凡略有少分相應此宗門下難得其人只許俊流不論懵袋選佛若無如是眼假

楚石禪師語錄

卷一三

饒千載亦奚爲首座勉之

示觀藏主

黃面老子深入雪山冷坐六年只餐一麻一麥不以爲苦忽於臘月八日夜半子時仰觀明星忽然大悟歎云奇哉一切眾生具有如來智慧德相但以妄想執著而不證得我當教以聖道令離諸著是以有偏圓半滿之說充塞塵區然猶未愜本懷乃至靈山會上拈花示眾方了末後大事是皆從曠劫積習而來誠不容易所以教中云我法海中無有一文無有一句非是捨施轉輪王位而求得者非是捨施一切所

嚴師

楚石禪師語錄卷十五

三

有而求得者謂之無上法寶兩手分付與人自宜頂戴奉持不可返生輕慢天寧曾有一問且道雪山得底與靈山傳底是同是別若道同一是教一是禪若道別亦無初亦無末試着一轉語看
偈頌一

侍者文斌等編

送智維那往江西

智不到處道一句生鐵稱錘被蟲蛀南北東西參學人莫教踏着無生路無生路上荆棘多將心覓佛還成魔閑伸兩脚睡一覺任他日月如飛梭誰管你天

誰管你地說妙談玄弄粥飯氣馬祖出八十四人問着無有不曾直饒歸宗較些子也是瞎驢起大隊如今好箇太平時佛法兩字誰論之堂前青草深一丈往往口角生膠黏却德山棒不用臨濟喝寒則普天普地寒熱則普天普地熱要行便行歇便歇切忌逡巡守途轍

送默菴淵首座

默默無上菩提何所得得無所得便歸來錯認藩籬爲閫域陞堂入室見其人若語若默皆非真至於此語亦不受但有纖毫卽是塵德山棒臨濟喝從上

默

楚石語錄卷五

二

門庭巧施設子承父業幾時休太似烏龜喚作鷺不如付與山河說晝夜熾然無間歇就中一句尤直截盡大地人須結舌默菴聞得笑呵呵嚙花百鳥如余何

示善禪人

不思善不思惡十二時中空自縛善亦思惡亦思老僧使得十二時問渠善惡何頭面逆順縱橫千百變只因不識主人公所以臨機少方便善師善師聽我言從古至今無聖賢着衣喫飯只者是不然去學諸方五味禪

送中竺月首座遊江西

珊瑚枝枝撐着月南北東西興難過五千餘里到不到八十四人徹不徹夜來桂子飄天香此意分明難覆藏天宮畢竟說何法至今雙澗流湯湯去亦可住亦可麒麟不帶黃金鎖草鞋索斷雲路深拾取龜毛穿耳朵

送福州諾禪人再參天童

主人翁惺惺着潦倒瑞巖自呼自諾蛇吞鷺鼻口生煙虎咬大蟲頭戴角會不會知不知大唐國裏無禪師玲瓏巖主七十四優鉢羅花第一枝送君此去君

默

楚石語錄卷五

五

知麼莫把草鞋輕踏破前頭更有竄高峯不獨飛猿嶺難過

送朗藏主禮梅檀像文殊聖師

如來身相非聲色目連謾自勞神力幾回往返切利天剛把梅檀細雕刻當時匠人三十二盡道梵音雕不得既是梵音雕不得十分相似終何益邇來流落托人間南北東西隨意看不識如來真實相人間無處無梅檀如來身誰不有挑囊負笈空奔走未了之人聽一言只這如今誰動口心亦不是佛佛亦不是心清涼山裏萬菩薩流水落花何處尋

送圭侍者歸天台

靈隱山中圭侍者骨目風神甚蕭洒入門要我送行
蒲句短句長隨意寫一句短雖眼裏着不滿一句
長偏處空界莫能量國師三喚露肝膽侍者三應合
水霜趙州古佛更饒舌暗中著字文彩彰以此送行
須記取若到諸方休錯舉家在赤城千嶂溪夜來木
葉吟風雨

送贊禪人遊台雁

菩薩子百歲炎陰一彈指尚無剪爪閒工夫而況尋
山并翫水雖然山水有何過剎剎塵塵皆可喜擡頭

支那

楚石錄卷五

六

擡着自家底方知因我得禮你我聞天台之衆峯五
百聖者栖其中又聞詎那在鴈宕坐看瀑雪飛晴空
青蘿直上寒松樹花落鳥啼猿掛處山前一片古寺
基直至如今沒人住沒人住處不可行從教千古萬
古青苔生與其孤峯頂上訶佛祖曷若十字街頭踏
塵土

送顯侍者遊四明

學佛被佛魔叅禪被禪礙不學又不叅孤有這皮袋
祖師門下客志氣何慷慨撥動濟人舟了偈行脚債
去去只麼去路在紅塵外來來只麼來眼上雙眉蓋

任你萬重關鐵鞭都擊碎一切但平常莫作平常會

送昇禪人遊金陵

達磨未來東土前白雲片片在青天達磨既來東土
後黃鳥雙雙啼翠柳蕭公作帝知幾秋度僧造寺何
悠悠金鱗透網不透網可惜三度空垂鉤官路崎嶇
行不得後代兒孫轉荆棘尺鷃徒能掠地飛大鵬謾
有垂天翼長江南北浙西東一花五葉當秋風深山
無人大澤靜但見孤兔栖蒿蓬昔年遺下一隻履不
獨無頭亦無尾如今颺在垃圾堆贏得清風來未已
昇禪昇禪胡為哉遠自鳳山登鳳臺欄竭節有頂門

支那

楚石錄卷五

七

眼解笑吾師特地來

送能仁顯首座遊金陵

君不見天禧之塔高復高下視剎海如塵毛人家處
處見塔影塔影家家行一遭一一家中有一塔以手
遮影終難逃人家不遷塔不動去地非遠天非遙東
江首座江東去鐵錫橫飛留不住石頭城中亦不多
一人越州館內亦不空一處去不去今來不來衲僧
行止無纖埃一番雨過寒侵骨江上諸峯翠作堆
用南楚和尚韻送改書記往天童禮寶陀
如來禪祖師禪文字禪是何禪一筆勾下白日青天

笑殺湖南長老。大書指字深鑄。不見毗耶居士。旁勞擊小彈。偏及乎被。人問着直得杜口。無言禪。禪靈石書記作麼流傳。竹月生寒。嶺松風入夜。絃既善。騎登蓋色。何妨說妙談。玄潮音洞裡。敲金輕太白。峯頭駕鐵船。

送印禪人

印泥印水印空。當頭錦縫重重。靈利衲僧。構得何拘。南北西東。有把柄。無背面聽之。不聞覲之。不見通方。作者知機。變一任蒼苔生古殿。透青眼不瞬。照物手寧虛。百鍊精金出大冶。南詢步步超毗盧。

雙石

卷十五

送大梅元維那

卽心卽佛。非心非佛。目機鉢兩講。若畫一大梅山中。忽相逢耳朶。卓朔頭鬢。鬆克賓維那法戰。勝饋飯之香熏。太空無不無。有不有。黑黑明明。三八九。幸是金毛師子兒。叅方志氣衝牛斗。

送祥禪人

諸方舊話無人舉。舉者直須眉卓豎。木馬雙雙帶月行。泥牛對對臨風舞。從閩入浙。叅訪誰直下。便是休狐疑。界粥了也。洗鉢去。趙州古佛曾提撕。

送延聖世首座還日本

兩堂首座齊下喝。當時臨濟正饒舌。傳來此話知幾年。到底依前用。邪鐵昔者乘桴遊大唐。如今挾纓歸扶桑。到家拈出賓主句。針眼魚吞金翅王。

送淨慈妙藏主

龍河老師巧方便。再索侍者。犀牛角。永明門前水一湖。忽然迸出摩尼珠。扇兮珠兮俱颺却。瘡病不假驢。跌藥好箇翔空五色麟。如何絆得黃金索。活滾滾明落落。無限清風滿寥廓。

送天寧教藏主

看底是甚麼。經經中說甚麼。義遠辭萬里。扶桑近別。

雙石

卷十五

九

四明雙檜低頭問訊。叉手殷勤。一一明妙。一天真。不妨提起坐具。且與茶濕口唇。走偏大唐。無佛法金香爐下。鐵是齋。

送觀藏主還里

對一說倒一說。佛祖從來無祕訣。更問靈山付囑誰。葛藤未免生芽。藥道人放下。馳求心當念。廓然超古今。直上扶搖九萬里。大鵬不比尋常禽。

送報本禧都寺

鼓山一隻聖箭子。射入九重城裏去。却被老字輕把住。雪峯未免從頭註。因思古德老婆心。瓦礫拈來要。

作金後人但隨聲色轉千里萬里徒參尋自家識取
天真佛碧眼黃頭恣輕忽

送中竺偉藏主

大藏五千餘卷卷皆說自心不是語言文字徒勞
紙上搜尋中天竺有善知識兩眼明如秋水碧閑時
只是看雲山纔見僧來便面壁如來禪祖師意藏主
聰明會不會百萬人天擁從時香花飄滿階前地

送一禪人

江東西湖南北一條古路如絃直出門綠水繞青山
脚下麻鞋生兩翼無位真人沒處尋秋高落葉飄山

楚石

楚石錄卷五

十一

林叅方帶眼不帶眼是處法堂青草深老宿見來多
指註與他掀倒禪牀去

送了禪人

甚麼物恁麼來蝦蟇吞却月鐵鋸舞三臺拄杖頭邊
草鞋底一聲雷震清森起相逢不用口切勿踏着無
非自家底譬如雁過長空影沈寒水機先透徹祖師
關坐見千花生碓嘴

送雲禪人回仰山

小釋迦大禪佛四藤條下甘埋沒撐天拄地好男兒
肯學狐狸戀窠窟誰不頂門眼正人皆肘後符靈因

楚石禪師語錄

卷二五

甚濕濕漚漚更待丁丁寧寧直下是直下是早涉流
沙十萬里撞着知音舉似伊何須待問廬陵米

送喜禪人

藕絲窠中世界闊大鵬挨落天邊月山僧半夜驚覺
來此意茫茫向誰說十箇五雙行脚伴叅方不帶叅
方眼德山挾複見為山多少葛藤多截斷兩口無一
舌千車同箇轍道士倒騎牛烏龜嚼生鐵移取瓢苗
石上栽泥牛滴盡通身血

送宜禪人

舉一不得舉二抹過京三汴四回天轉地何難點石

楚石

楚石錄卷十五

十一

化金亦易無索摸絕忌諱張公弊酒李公醉孤峯頂
上任縱橫鬧市門頭恣游戲當陽點破堅實心水面
捺得葫蘆沉拄杖橫擔千萬里青天白日雨淋淋

送日本東藏主遊台鴈

台山之東鴈山西有一句子無人提忽然蹉口道得
着五百尊者俱掀眉磬下水流峯頭雲起青松瑟瑟
白石齒齒寶頭盧或往或來諾詎那乍彼乍此直饒
回向如來乘也是陳年爛葛藤教外別傳重舉似千
尋海底剔金燈

送徑山空維那

井底蓬塵山上鯉大家坐聽爐邊水三登九到不惺惺
少室誰云有皮髓此事將心謾度量山河爲汝長
敷揚虛空開口笑不已露柱燈籠等放光興化打克
賓叢林如鼎沸須是金毛師子兒一聲哮吼吒沙地
送新侍者叅松月翁

二祖安心三祖懺罪依稀無孔鐵鎚彷彿冬瓜印子
只因祖父相誘殃及兒孫未已拈來糞掃堆頭拋向
洞庭湖裏扶桑有箇衲僧愛弄些兒唇舌暗中一踏
踏看明處一提提起山僧撫掌呵呵畢竟是何道理
論賞也擊碎驪龍明月珠論罰也敲出鳳凰五色髓

楚石語

楚石語卷十五

十三

賞即是罰即是去見松月老人必有方便爲你

送月侍者江西禮祖

但有一月真無非復無是靈山話不出曹溪亦空指
往見馬大師數箕月相似團團無縫罅落落全終如
八十四人中歸宗較此子其餘善知識總在光影裏
自己不是渠渠正是自己逗到光影消吸盡西江水

送義禪人遊台鴈

昔年有箇閭丘老不識豐干空懊惱寒山拾得恁顛
狂走入溪林無處討永嘉得得訪曹溪遶牀振錫呈
威儀松風江月只如舊悟者自悟迷者迷也無迷也

無悟俊鷹不打難邊兔萬里無雲海月高脚頭脚尾
通天路

送徹侍者禮補陀兼省師觀親

寶施大士逢不逢千里萬里圓光中本生父母見不
見動靜去來常會面離師太早古所嗤無師自悟今
其誰看他臨濟省黃蘗是真弟子超於師徹禪好箇
赤梢鯉辰錦砂今未爲比一聲霹靂飛上天蝦蟆蚯
蚓空蟄綠

送捨禪人仗錫省師并東仲默和尚

仗錫老師七十八眼如點漆眉如雪分明畫出須菩

楚石語

楚石語卷十五

十三

提坐聽孤猿吟落月深山古寺天正寒葉深一尺堆
林前地爐燒火簾不捲長炭黑似爐中煙客來只恐
放煙出爭奈山林藏未密喧喧道價滿江湖負笈挑
囊固非一千里東歸頻寄聲乃翁終是有鄉情目連
驚子神通妙何必區區圓相呈

送淨慈明侍者回東山

南屏山中五百眾大有神通并妙用可憐辛苦賓頭
盧無時不赴檀門供就令侍者托鉢歸眼上不惜長
長眉問渠扇子在何處臨風更索犀牛兒犀牛兒怎
描貌王維筆下丹青薄西湖煙雨漫遮藏日出東山

露頭角

送拾載主省師

正月六日初得春千花百草皆精神壽山拄杖活鱗
鱗敲風打雨尤驚人拈禪得之不妥用臨機殺活能
擒縱洞山五位敢施呈臨濟三玄休賣弄尋常放在
臥牀頭直與佛祖爲冤讐頂門眼照大千界是何起
滅同浮漚一卓卓碎驚湖雪一點點開鄮嶠月與師
平出固難爲見過於師豈虛說却因拄杖思壽山翻
然又逐春風還

送均禪人禮祖

上及部

楚石語錄卷五

十四

佛法不怕爛却一任填溝壑壑普天匝地漫漫直是
無人說着而今舉起又何妨也勝供養燒楓香一大
藏教閑故紙信手拈來聊拭瘡震旦雖闊無別路四
七二三面相覷馬駒踏殺天下人般若多羅休寐語

贈智浴主誦經化柴

好箇金剛正體廓然無表無異從來不受一塵畢竟
如何澡洗既不洗體亦不洗塵沒蹤跡處切忌藏身
却來聲色堆頭坐枯木花開別是春藥王昔日然兩
臂一念道心終不退正體堂堂忽現前後人不省焚
身意七軸蓮經豈在多只將者箇化檀那時時打鼓

邀僧浴免使無柴閣冷鍋

送石霜在首座歸國

家住海門東扶桑最先照迷即天陰性地昏悟來日
出心光耀玉柱山而木潤珠沈淵而媚川時後符靈
今掃除佛祖頂門眼正今開鑿人天風颯颯時寶華
座無說而說冷湫湫地枯木堂不禪而禪袖中取出
唐朝物兔角龜毛一串穿

送彭禪人歸里

一二三四五甘草甜黃連苦新羅國裏會上堂大唐
國裏未打鼓五四三二一黑似漆明如日牧羊海畔

上及部

楚石語錄卷五

十五

女貞花拒馬河邊望夫石妙中更妙玄中更玄現成
公案白日青天天上天下三指七馬釋迦彌勒是空
名不知誰是安名者大海一滴水須彌一寸山若將
心放捨處處是鄉關

送的藏主歸里

日本師僧皆可喜不憚鯨波千萬里捐軀爲法到南
方如此出家今有幾的禪的是禪家流密證潛符更
奇偉從來佛祖是生冤肯認山河爲自己五千餘卷
紙上語却笑癡蠅鑽未已自家寶藏無一物盡大地
人提不起提得起歸去來東風入律梅花開

送天寧證藏主回淨光

永嘉老子錯行脚被人呼爲一宿覺曹溪只是箇樵夫佛法何曾解參學三千威儀入萬行一撥清風頻銷鑠偶然撰得文字成被人喚作真丹經泥裏洗土不啻嚼畫蛇添足空丁寧看渠兩著渾未是學者焉能出生死如來藏裏本無殊萬古虛名掛唇齒證禪之口吞諸方爲我殺勤問淨光有殊無殊要渠答永嘉老人應著恁說與如今甚時節莫戀松風與江月

送因維那省親

人人有箇生緣快馬只消一鞭達磨不來東土二祖

支那

聖旨錄卷十五

十六

不住西天道人生緣在何處萬水千山任來去去來曾不隔纖塵日用堂堂全體露蓋天蓋地亘古亘今不是正法眼藏亦非涅槃妙心諸佛非我道虎頭戴角出蒼草父母非我親掣斷金鎖天麒麟出門隨步清風發千里萬里阿剌刺

送澤禪人

神鋒戍削荆山之璞雖是後生甚堪雕琢鳳凰臺上鳳凰兒羽翼解笑雲鵬遲諸方往往羣不住要識弟子觀其師南岳磨輓不成鏡打牛是中當時病馬駒踏殺天下人具眼方能辨邪正古今得道如雲煙上

人齒少宜勉旃但盡凡情無聖解饑餐渴飲且隨緣

送興藏主游金陵

春山青春水綠一枝兩枝梅花開十里五里村路曲石城雲影聚復散草店雞聲斷復續描也描不就畫也畫不成檢盡五千四百人更無一字能品評道人笑我虛開口天上加尖成漏透背却法堂穿草鞋并深便短終難構

送心禪人

心不是佛知不是道南北東西何處尋討稀復稀少復少二千年事只虛傳三寸舌頭胡亂掃麥浪堆中

支那

聖旨錄卷十五

十七

釣得蝦紅戶跋上拈來草

送蔣山蛟藏主

鐘山龍蟠石城虎踞觀面相呈更無回互笑他多口老瞿曇乘之二兮乘之三眾生根器既不等往往玉軸堆琅函道人見處天然別四句皆離百非絕纖網忽捲滄溟乾珊瑚枝枝撐着月

送源維那

羣靈一源假名爲佛春雨濛濛春風拂拂梨花淡白柳深青滿目江山如畫出觸體常干世界鼻孔摩觸家風會得地吞鼉鼻不會虎咬大虫會與不會者甚

或急道人行處火燒水萬仞峯頭獨立

送森藏主

鐘樓上念讚牀脚下種菜猛虎當路坐雞嶼洋無益
森禪日東來意氣何慷慨開口吞佛祖不嫌牙齒礙
諸方奇特語無一念心愛只是舊時人方能明下載
山僧却喜渠早晚付鉢袋

送基禪人

現成基業不用安排直下構取好箇生涯寒即著衣
饑與飯梵行已立所作辦若將知解汗胃襟如象溺
泥深更深却須叅扣善知識百城煙水逢知音山僧

楚語

楚語錄卷十五

十八

略爲施方便楚越既吳會歷徧笠下清風只自知杖
頭明月無人見

送道場傅維那

佛祖不傳之祕訣百草頭邊俱漏泄海神怒把珊瑚
鞭須彌燈王痛不徹等閒驚起蒼弁峯走入傳禪懷
袖中金鎚一擊百襍碎散爲七十二朶青芙蓉拋向
面前人不薦更饒抖擻裙衫看猛虎依巖百步威目
光燦爛如飛電却憶大雄山下客狹路相逢曾築着
廟勝將軍坐碧油聽他猛士施籌策

送寧禪人禮祖

青山白骨非祖師脚下過去都不知覓得伽陀要何
用穿雲度水空奔馳阿魏無真水銀無假本自現成
徒勞知解長慶走出僧堂門捲起簾來見天下

送性禪人

色不到耳聲何觸眼靈利衲僧切忌擔板便與麼去
猶欠一槌光前絕後流俗阿師眨上眉毛早蹉過擦
起便行成滯貨孟嘗門下客三千檢點將來無半箇

送清禪人之九江

近離浙右遠屈江西我有一機覲面親提舡過鄱陽
湖裏浪却來五老峯頭望靜耶動耶試甄別心也境

楚語

楚語錄卷十五

十九

也俱凋喪和羅飯骨董羹隨家豐儉暢于平生如何
南北馳求者本有光明却面牆

送吉禪人

道道道紅爐燄上一莖草禪禪禪河裏盡是木頭船
出世遇人不著苦口勸渠行脚衣內自有明珠晝夜
光燭烜赫會即便會慎勿沉吟墻壁瓦礫總是知音
不見廣額屠兒業識全無本據放下手中屠刀我是
千佛一數

送直藏主

宗門下事如鐵壁使盡神通入不得拈起吹毛一口

劍西天此土血滴滴天寧豈是超諸方凡聖同居常寂光各有生涯無欠少大千捏聚一毫芒如來藏裏珠呈似山僧有拂袖出門去迅雷閃閃雷泥塑金毛師子兒野干之輩何能爲

送珠藏主回廣

廣南鎮海明珠當甚泥搓彈子拋向垃圾堆頭直得價增十倍與麼齷齪君顛倒欲樂不樂兮足不足自家屋裏奇特事回天輪今轉地軸囉囉哩囉囉哩故外別傳有什麼一狐疑了一狐疑

送方禪人回仰山

懷遠

要百錄卷十五

二十一

譬如室有六窻內外獼猴相喚忽然一箇睡着兩箇同得相見仰山親到中邑來淨潔地上飛塵埃大丈夫兒殺活手逢人拶着青天雷多處添此子少處減此子不論是不是對面三千里

送福禪人回閩

玄沙不出飛狼嶺大地拈來作胡餅兩箇泥人努眼睛從他一肯一不肯秋到菊花黃蝦蟇着錦襠叢林鬧浩浩徧界絕遮藏甘草甜黃連苦五五從前二十五鼻孔人人搭上唇貓兒箇箇捉老鼠

送觀禪人禮五臺

五臺山裏文殊坐斷清涼世界幾回劫火洞然畢竟燒他不壞舉頭便見攝身光南北東西古道場利劍分明截人我普天而地何茫茫牽牛老子如相遇又手進前輕把住前三三與後三三歸到南方無間處

送道禪人

四七二三無授受一一面南看北斗利竿頭上仰蓮心風攪叢林師子吼真不掩偽曲不藏直拄杖昂頭草鞋生翼百煉精金無變色善財行處無荆棘東平撲碎爲山鏡臨濟未是白拈賊

送慶禪人

懷遠

要百錄卷十五

三十一

要識無位真人尋常少喜多嗔遇夜鼾眠一覺起來及處藏身喫粥了洗鉢去太分明休弄箇大地撮來無寸土南泉不打鹽官鼓

送幸禪人

從上祖師鬼門貼卦後代兒孫千變萬化訶釋迦慢彌勒金剛取泥處屋裏人知得好不資一毫醜不資一毫虛空釘鐵橛平地覷波濤心心吃口勞勞殊不知我王庫內無如是刀

送密禪人

通身是眼不見自己罵之則嗔贊之則喜呵呵呵好

大哥知恩者少負恩者多江上青山不改天邊白日
如梭開浩浩靜悄悄直須當處解脫不被塵勞纏繞
管甚諸方五味禪羹其茗帚從頭掃
佛日普照慧辯楚石禪師語錄卷第十五

音切
鐸正迷切刮古骨切撓如昭切藕丑知切鵝烏間切拉力合切櫛
力葛切輕多鄧切鑽子旦切舶捕格切檜古會切藥魚列切焱音標切
鐸呼嫁切嗤尺之切鄧五斤切弁皮孝切烜丁達切

楚石

楚石語錄卷十五

三尾

佛日普照慧辯楚石禪師語錄卷第十六
偈頌二

侍者文斌等編

送全首座回仰山

須彌槌打虛空鼓萬象森羅齊起舞驚倒南泉王老
師疎山失却曹家女寬時漏法界窄處不容針短綆
四五尺古井千萬尋莫謂仰山年代遠天宮正說摩
訶衍不知誰是白槌人夢裏覺來空眨眼大道體寬
無好無惡離心意識叅出聖凡路學鐵牛背上括龜
毛石女腰邊裁兔角

楚石

楚石語錄卷十六

一

送宗禪人回雪峯

天地與我同根萬物與我一體好箇脫洒衲僧切忌
坐狂這裏不慕諸聖不重己靈解粘去縛拔楔抽釘
翻身烏石嶺觸目望州亭到家記取叮嚀問訊曾郎
萬福輓動三箇木毬嚇殺叅方瞎禿

送普禪人還闍

青山青白雲白欲識一貫兩箇五百福州名品荔枝
多是鶻鶻吞却玄沙築破脚指頭直得通身白汗流
如今所謂善知識接物利生沙壓油脚未跨門先勘
破何須待踞燈王座五湖四海覓知音一曲陽春少

嘉興優婆塞張明廣男張科會勸曾智洪 吳德純 張廣贊 黃真達 李道瓚 葉標
沈暉共施銀刻此 楚石禪師語錄第十五卷 昆明沙彌真之一對
眞州王國英書 渠水端學刻 萬曆庚寅秋五臺山妙德菴識

人和

送一禪人禮補陀

稽首補陀大士只這語音便是與麼接響承虛如何
出離生處鈍鳥逆風飛一日三千里鐵樹夜開花朝
來還結子西瞿耶尼睡覺東弗于逮經行南瞻部州
打鼓北籌單越擲筆且道是何曲調聽時却又無聲

送俊禪人

初祖見僧便面壁被人打破成狼藉壽山門戶向南
開件件現成殊省力要坐便坐要行便行譬如平地
掘甚溝坑眾生即是諸佛諸佛即是眾生不出一念

散語

楚石錄卷十六

二

心徹頭又徹尾茫茫市地普天往往離波求水

送可禪人

卽心是佛無心道不覺全身入荒草語拙令人笑古
人古人却笑今人巧後生晚長忌聰明且要低頭學
老成却憶南泉好言語要渠癡鈍過平生初三十一
中九下七四溟東海流般若波羅蜜

送理禪人

如來無禪祖師無意枯木石頭泥團土塊老臊胡既
道不識賣柴漢又云不會鳥窠初不離鳥窠打地一
生長打地跳出漫天網子名爲了事衲僧百尺竿頭

進一步壽山手裏有烏藤

送已禪人

過去諸佛已滅未來諸佛未生現在中間無佛且放
天寧話行天寧有甚麼長處業識茫茫無本據昆明
池裏失却劍却向西江撈得鋸拈來又是鐵蒺藜自
南自北隨風吹扶桑天子呵呵笑尺二眉毛頷下垂

送性禪人之江湘

秋雨垂垂秋風颯颯或彼或此乍離乍合湘江那畔
鴈初來漁唱穿雲笛韻哀更有蘆花飛似雪遠山重
疊錦屏開咄哉漆桶不快喚作真如境界闍黎幸自

散語

楚石錄卷十六

三

可憐生莫向宗門立知解

送匡禪人

三世諸佛不知有大地山河顛倒走狸奴白牯却知
有火中迸出紅蓮藕朝看東南暮西北落落盤珠無
影跡長連牀上飽界飯坐臥經行不費力說妙談玄
也是癡本來無事出家兒江西湖南與麼去不須更
問毗盧師

送證禪人省親

父母未生以前追風木馬如煙無量劫來未悟任他
寒暑推遷萬年一念一念萬年神通妙用大道處玄

頂上摩醯亞目途中道伴交肩總是發明這箇事金鳥長出海東邊

送淨禪人

繩牀走入枇杷樹須彌蹕跳上天去不參及句參活句活句蹉過河沙數無所說師子吼有所說野干鳴坐斷兩頭梁着鼻孔打開八字刺破眼睛水牯牛兒甘水草從他岐路亂縱橫

送化禪人

本色道人行履處千人萬人把不住湘南潭北恣游行拄杖一尋生鐵鑄所至解針枯骨吟秋風蕭索秋

跋

楚石錄卷六

四

雲陰諸方殺有善知識要辨龍蛇須訪尋君不見潦倒趙州年八十行行尚爲叅方急又不見馬祖一喝大雄峯百丈聞之三日聾

送中竺恭藏主回東浙

近從中竺來却往四明去玲瓏巖接玉几峯揔是尋常行履處大梅卽心卽佛寶陀聞熏聞修岳林一箇布袋天台五百比丘寒山子往來華頂話詎邪坐斷龍湫一大藏教陳葛藤自餘是甚脫脫丘火本無火承言者紛紛自我龔山店上喚師兄黃蘗樹頭生蜜果

送天童證侍者再叅

鳥窠吹布毛侍者便悟去天童親切句不要重指注十月天漸寒早過西興渡相望一千里往復行大路人室再叅特喚奉須照顧

送應侍者禮補陀

眼聽聲耳觀色清冷雲中飛霹靂此是圓通自在門衲僧幾箇知端的昔年未出扶桑時親見寶陀之聖師再到海山淡處覓須彌頂上戴須彌

送瑛維那禮補陀

興化打克賓罰錢趁出院諸方舊話子反覆叅詳看

跋

楚石錄卷六

五

有耳誰不聞有眼誰不見露柱掛燈籠山門朝佛殿橫拖拄杖去却繞鄞江轉築着脚指頭通身流白汗宝陀巖上人日夜長對面咄

送高卧蘭禪人禮補陀

道人且以何爲道切忌區區外邊討外邊討得枉勞神只箇心珠常皎皎吳水碧越山青白雲三片四片黃鳥一聲兩聲三世如來提不起歷代祖師難下觜要見家家觀世音分明因我得禮你

送俊禪人浙東叅禮

學人自己遊山翫水雲門大師事不孤起此去浙東

尋訪誰肩橫七尺烏藤枝初登玉几謁舍利更向寶
陀參聖師一二三四五六七八九四三二一傑出
叢林俊衲僧何須特地從人覓

送徑山英首座歸鄞

凌霄峯頭第二座摩訶衍法會明破百非四句俱已
離白雪陽春有誰和直得含暉亭蹕跳上堦天東坡
池吞却四明山驀然倒騎佛殿出門去疊疊石任苔
痕斑君不見寒山子歸太早十年忘却來時道又不
見明覺老無處討十洲春盡花凋殘珊瑚樹林日杲

送炬首座遊台温

飲光論劫坐禪未免把纜放舡文殊三處度夏大似
遼天索價英俊道流去住自由朝遊檀特暮往羅浮
天宮說法了也知是般事便休人人釋迦爾勸箇商
寒山拾得走徧天台雁蕩抹過山城海國從來鼻孔
大頭垂莫道相逢不相識

送孚侍者之浙東

新昌彌勒佛脚不離地走夜半過扶桑面南看北斗
却入天台雁蕩又到清涼補陀撞着寒山拍手聽他
拾得高歌阿呵呵阿呵呵依舊堂中疊足坐不勞萬

里跋鯨波

送信首座參禮育王寶陀

難四句絕百非摩訶衍法誰當機能今寂子縮頭去
可使吾道生光嶺東浙西州恣探討箇中誰了誰不
了果然識得本來人萬別千差俱一掃法身元無設
利羅方便示現降魔魔謂思大士應應刹至竟不曾
拘實陀讓道石橫方廣寺未容薄地凡夫至瓊樓玉
殿緣雲間正眼觀來何足貴手點雲華亭上茶最先
勤破盞中花幾人麻上生繩想又復將繩認作地背
却天台遊徑蕩詎邪尊首座遺像大龍湫與小龍湫

瀑雪翻雲千萬丈盡塞沙界一般天歷歷分明在目
前未動步時卻歷徧誰能空費草鞋錢

送寶陀羅維那

浙東山浙西水五湖四海皆自己明月高挑拄杖頭
寒雲亂踏芒鞋底從門入者非家珍勤破寶陀巖上
人蓋色騎聲也奇特一枝古洞窺花春此行迤邐回
天育去去優曇遠山綠爲我寄聲二尊宿出門未免
重叮囑

送順禪人并東乃師

蘇州有常州有兩兩不成雙三三亦非九有一句子

到你禿却我舌無一句子到你啞却我口靈利衲僧
知不知汝師自是真宗師如何棄却甜菜樹只管沿
山摘酸梨

送萬年楚藏主回日本

萬年一念一念萬年不在天台南岳亦非東土西乾
會得則風行草偃不會則紙裏麻纏本來無一物教
外有何傳昔入大唐來眼不見鼻孔今歸日本去脚
不跨船舷入海泥牛奔似電沿江木馬走如煙

送汀州文禪人

達磨西來不立文字見性明心落在第二還他出格

無題

楚石語錄卷十六

八

道流坐斷報化佛頭眼裏着沙不得水中捉月何由
諸方老宿河沙數學者擔簦如蟻慕拈却那吒第一
機其餘總是閑家具四海叅尋善知識談玄說妙空
勞力當陽勘破老毗耶一句了然超百億丁泉福建
明越溫台門門巨闢法法全該老鼠滿地走抱取猫
兒來

送昱禪人回三平

父母未生已前好箇本來面目日用何曾入少誰云
是事不足山又青水又綠早便起晚便宿鳥不日黔
鷄不日浴拄杖但喚作拄杖屋但喚作屋莫問如來

禪祖師禪下里曲陽春曲昔日三平見大顛斷絃須
待鶯膠續

送弘藏主還徑山兼東西白首座

上上上上到氣高高處望望見青山起白雲雲山出
沒如波浪大華藏海知幾重重重重圍繞凌霄峯須彌
絕頂只這是耳聞迦葉敲金鐘百千萬億四天下信
手拈來無一把束作龜毛一管筆經頭一字如何寫
寫得分明說得親還他眼目人天人

送高詒順禪人歸國

普賢身中行一步超過恒河沙佛土昨日方離海岸

無題

楚石語錄卷十六

九

來今朝便往高詒去我此浙江何異汝鄉冬寒向火
夏熱乘涼達本心者頭頭是道昧真性者處處迷方
父母未生有甚麼與他辛苦擔皮囊効善財叅知識
禮文殊謁彌勒不知放下馳求心內外中間絕消息
或遊山或面壁或垂手入鄽或韜光晦跡煅凡成聖
只須更拄地撐天也奇特順禪人須委悉紅日照中
春清風生八極

送欽首座南還

六祖到廣州寓正法性寺因舉風幡話略與二僧議
從此引葛藤蔓延南海地後人不解剗一歲多一歲

珍重欽禪老頗有英靈氣
我保任此人高踞佛祖位

送參侍者

參須實參悟須實悟好箇師僧更忘家
人總是天麒麟百千年滯貨拈弄起精神
祖道他文遠笑翻劣不關勝驢糞中着到
因思老古錐節外更生枝一筆都勾下方
爲跨龍兒吾家白雪曲且要高人和佛祖
出頭來與渠都按過

送寧侍者參方禮祖

佛祖叢中無位次參方行脚誰家事隨興
一念便乖

張

聖旨錄卷十一

十一

張莫向禪門求意旨須知真正道人家到處
自他欄外浮漚盛滿鉢却來石上種蓮花
國師三呼侍者三應呼今應今頭正尾正尋
師必是達其源密意明明在汝邊他日歸來
無折合必須痛舉老爺拳

送雪竇榮藏主歸國

心地法門匪從人得便與麼去天地懸隔師
子教兒能近擲於羊掛角無蹤跡以字不是
八字非覺天日月增光燭百尺竿頭五兩垂
大唐又向扶桑歸人熱風動搖水濕地堅固
打破鐵圍山古今無異路臨行何待重分付

送參侍者參方

佛法偏在一切處華蓋園河沙數萬剎相逢
得回字雲度水從君去頭上笠腰下包清風
明月杖頭挑不曾咬破一粒米萬兩黃金也
合消開却門須識主彼此相知何必舉背靠
法堂着草鞋初非密室中私語山未高今海
未深趙州文遠沒絃琴當時公驗分明過四
海誰人識此心

送越藏主

一大藏教只說這箇東土西天分明勘破我
今以百千萬億閻浮洲拈來掛在牯角頭揀
甚麼新羅日本

張

聖旨錄卷十一

十一

佛普流求開浩浩令湫湫有時放有時收收
放縱橫了無礙卷舒出沒常自由誰道客來
無供養不妨滿鉢似浮漚

送志禪人

道人三次到來今始索吾長偈此事直下分
明問渠何須特地十方只在目前大道初非
物外若也會即便會于木逢場作戲不會亦
無欠少總自自家活計踏着諸佛頂門拽脫
祖師巴鼻四大海水壁立五須彌山粉碎好箇
大丈夫兒可與禪林增氣

送吳中滋禪人

蘇州有常州有歷歷面南看北斗主伴參隨與麼來
象王回旋師子吼與鹽聞鹹與醋聞酸一有多種二
無兩般口中說食終不飽身上著衣方免寒不見道
家山好家山好家山內有無根草時當臘月正春風
五葉一花香未了

送中竺海維那

當念不生空諸有海坐斷釋迦文全超觀自在中峯
頂上鳴樾椎盡大地人俱絕疑陳如尊者有長處一
句分明舉似誰坐臥經行卷舒出沒齧齧之機如同
電拂三十三天築氣毬兩手扶犁水過疎

送廣南慧藏主

鎮海明珠只一顆如來藏裏深高鎖忽然突出拄杖
頭照見山河千萬朵若問此珠作何色圓陀陀分明
歷歷南山之南北山北直截示人人不識歸去來歸
去來依然高掛越王臺

送進禪人之浙東

百尺竿頭進一步家家門口長安路浙西之水浙東
山鵲眼龍睛多罔措是佛不識佛騎驢更覓驢我今
獨自往到處得逢渠畫蛇不必重添足六六元來三
十六

送東侍者之天平

天平卓筆峯最奇入門便看浮山碑其中九帶不到
十讀者未免心狐疑上人來自扶桑國慣見瑠璃浸
天碧夜半金雞啼一聲鼻孔眼睛俱打失走徧東西
與南北依然無處尋行跡

送常上人

秋風涼秋夜長井梧飄敗葉巖桂噴清香莫作世諦
流布切忌佛法商量便與麼玉殿瓊樓初無蓋覆不
與麼銀山鐵壁特地遮藏兩頭截斷十字縱橫却笑
長眉老尊者跏趺曾不下禪牀

送萬壽通侍者

通身是偏身是拈却無位真人坐斷空劫自己向上
一路不許商量討甚空花陽燄更尋地足鹽香仲冬
嚴寒孟夏漸熱自古自今誰巧誰拙鳥窠吹起布毛
直下斬釘截鐵道人若也有疑歸家問取禪月

送淨慈道藏主還景德

黃面瞿曇不動舌縱橫四十九年說葛藤往往疊成
誰畢竟天無第二月一菴近日離南屏驀割問渠看
甚經只麼默然叉手處青天白日轟雷霆龍灣老龍
灣老叔姪相忘情更好鎮海明珠待索時與他傾出

一榜棧

送愚叟如西堂

本色住山人且無刀斧痕如斯三十載道譽塞乾坤
到下從前諸佛祖須彌槌打虛空鼓却完全揭示當
陽主中主亦不必論賓亦不必誇妙喜竹篋分背
觸誰能撒土更拋沙遇飯喫飯遇茶茶弟兄相見
豐儉隨家露地白牛甘草水不妨到處納些些

送宗藏主

大士揮尺一下趙州繞牀一轉古今多少葛藤二老
當頭截斷寶華藏主飽叢林訪友尋師年歲深臘月

藏部

楚石語錄卷十六

十四

夜開無影樹陽春曲奏沒絃琴東風急東風急上下
四維挨不入水底青天盡踏翻何曾亂打鞋頭濕

送聖壽政維那

不用低頭思量難得真不掩偽曲不藏直流出音聲
佛事豁開賢聖閫域洞山麻三斤雲門乾屎橛曾勤
諸方來必竟如何說拄杖如龍活鱗鱗橫拈倒用乾
坤濶

送淨慈壽首座還日本

富士山頭月祖龍溪上水月既不來此水亦不往彼
正當水月交綢時萬里何曾隔一絲石女裁成火浣

市尼牛踏斷珊瑚枝有佛無佛俱是証即心非心盡
同誘教網高張未入微宗門直指還流浪所以道正
法眼破沙盆古今此道喧乾坤黃金滿國難酬價付
與休居的骨孫椿庭提起百禪碎不要被渠相負累
鄰過那邊更那邊尋常只守閑閑地便與麼實奇哉
諸方大可笑嚼飯喂嬰孩但恐空中釋梵來墨華又
爲無心開

送延壽梓知客

臨濟大師賓主司趙州見僧喫茶去旋風頂上屹然
慢走偏天涯不移步九九從來八十一尋常顯示尤

藏部

楚石語錄卷十一

十三

綿密撐天拄地丈夫兒手眼通身赫如日

送蔣山澄知客

獨龍頭頭跳珠峯下客來須看賊來須打還上古之
風燒黃升平之法社師子之爪既呈羚羊之角斯掛
吾能和其光同其塵目可忘其情絕其解離照吞却
妙高山草庵卸下瑠璃瓦

送日本易上人

已躬下事元明白動念却成雲水隔老胡謾自度流
沙不會當頭箇一看日日東上日日西沉何用
有口說無絃方是琴道人拄杖握在手是聖是凡劈

春樓撥轉扶桑作大唐驚起法身藏北斗

送靈隱福藏主

三業清淨佛出世步步踏着黃金地三業不淨佛滅度黃金地上難移步與麼與麼當陽明皎皎不與麼不與麼徧界黑漫漫兩處牢關打脫千里藏海枯乾阿那箇是菩提煩惱喚甚麼作生灰涅槃盡大地人齊斫額飛來峯月照人寒

送亮侍者叅方

國師三喚侍者侍者三應國師蚯蚓抹過東海藕絲穿却須彌從來此道無今古不動纖塵超佛祖迷也

一

楚石禪師語錄

六

悟也何必云語今默今自看取春風日夜吹天地是處園林變紅翠一一交羅帝網珠頭頭揭示靈山會

送觀首座

雲門未到靈樹已見知聖大師首座悟道了也一對無孔鐵鎚前無釋迦後無彌勒聖固難知凡安可測且道悟箇什麼面赤不如語直七月八月秋風涼千山萬山客路長太平庵中疊足坐任運施爲無不可

送雙林湛侍者

來也與麼來去也與麼去佛祖不爲人古今無異路

尋常喫飯喫粥何待說性說心端坐受他供養日消萬兩黃金打破大唐國覓一箇會佛法底了不可得我見兩箇泥牛鬪入海直至如今沒消息

送靈隱聚藏主

冷泉湯湯廣長舌無畫無夜無間歇必竟不知何所說卷盡五千四十八塞却耳根作麼聽聽得分明心路絕心路絕處正眼開燈籠公壁上天台

送默維那

雲峯見翠巖投誠而入室豈無娘生口不肯爲渠說一朝桶箍爆通身白汗出披衣上方丈且喜大事畢

一

楚石禪師語錄

七

汝自象山來問吾宗旨訣置之襍務中擾擾經歲月拋却土木場使就維那職職滿要叅方須依善知識西川復東浙畢竟承誰力

送隆侍者

此事分明非授受靈光一點從來久釋迦迦葉同虛空以室神光亦何有吾負汝今汝負吾侍者三應國師呼我狂大唐汝日本半夜飛出金老鳥

送四明瑞巖潤藏主

從來無一法海口莫能宣霜風卷黃葉喚作止啼錢若遇明眼人且拈放一邊撲碎摩尼珠大海浮鐵船

能可空兩手不爲物所纏經行及坐臥在處莫非禪
送久藏主游天台雁蕩

佛佛授手面南看北斗祖祖相傳鑿石種紅蓮一氣
轉一大藏教水流濕兮火就燥萬里風溥海上鵬幾
年霧隱山中豹益無所益爲無所爲拔苦與樂興慈
運悲黃檗樹頭得蜜果沒底籃子盛將歸直下是休
揀擇新羅在東日本多商舶發弓飲羽兮兩岸俱
玄鞭石吼升兮纖毫隔台岳雲浮點點青巖江月
汎茫茫白

送玆侍者還里

雙石錄卷十六

十八

爲寒吹布毛便有人悟去而今作麼生弄箇河沙數
玆禪旣磊落須會超方句見色與聞聲不可第二度
秋風吹木犀鬢鬆開滿樹夢裡忽聞香覺來無覓處
翻身摸著枕元是木頭做便與麼承當重疊關山路
答道場清遠禪師

吾姪僧中龍爲人施法雨根雖有利鈍心本無差互
壁立萬仞表青山常獨露誰言師弟子此事須密付
達磨不會禪妙喜亦非祖處處是道場何勞辨能所
勉之從今日高步追前古

寄尼孫靜山主

我有一機同上全提起佛越祖海裡須彌天上天下
知之者裏擬議不來劈脊便打五祖鄧師翁掃除臨
濟宗圓悟與大慧一一龍生龍有箇尼無著至今流
正脉古今常現前看是何標格

送道場潛藏主

心不是佛智不是道天上人間何處尋討西齋今年
六十八分明一老一不老慚愧青山人相看寂寞濱
問余有甚奇特處追追風鐵馬戴麒麟昨夜月輪如火
熱晒得烏兒白似雪天真靈妙不思議一語標宗言
下徹

雙石錄

卷十七

十九

送智門斯道

眼有三兩頭峭五岳枯木慘花炎天飛電旣善解粘
去縛不須續鳧載鶴斯人斯道兮千載一時日月
面今古之今之句後聲前竟莫測棒頭喝下終無私
君不見老智門彈一曲斷絃更待何人續蓮華荷葉
甚分明也是訓君顛倒欲

示徒弟心安叅方

一人所在亦須到半人所在亦須到入門休問主是
誰看渠開口提綱要一言相契便叅堂不憚辛苦克
街坊縫箇布袋馱齋糧朝叅暮請聽舉揚出家只要

了心地終不啻他名與利古德皆從怎麼來後生晚
長須踰驢泰山之石涵滴穿蟠窠著花三千年忽然
水底火燒天那時歸來契痛拳

送日本春侍者

七佛已來皆有侍者輔弼宗師作成法社香林在韶
陽聞指示暗抄臨濟驗洛浦拽拄杖便打拚性命斷
知解豈肯認奴作郎隨他指鹿爲馬近來車載斗量
漫說雲興餅瀉春禪幸自英靈見地須交脫洒忽然
光明盛大可見風流儒雅何也阿魏無真水銀無假
送進付者

文部

卷十六

二十

疎山賣却布單三千里外行脚忽然打破漆桶恰似
虎頭生角進禪得待來中州三萬里截滄溟流解笑
瞎驢趁大隊倒拈拄杖風颼颼扶桑那畔一輪日直
至黃昏後方出截瞎摩醯頂門眼東土西天無祖佛
送用首座

送權維那

道人日本來將甚麼過海有語涉商量無言成窒礙
譬如金翅鳥王須彌頂上翱翔不學栖盧鈍鳥單飛
只戀池塘摩訶衍法如何說四句皆離百非絕楊柳
絲絲舞碧煙梅花片片飄香雪

三世諸佛不知有一一面南看北斗狸奴白牯却知
有拈得鼻孔失却口袖裏金鎚未舉時分明超過毗
盧師忽然一下百鍊碎石虎吐出木羊兒渠渠我
我我折旋俯仰無不可識得西來祖意傳白雲影裏
青山采

送志侍者

短歌數十丈長句三兩言不長又不短石火迸青天
圓悟作侍者何曾參得禪當時鄧師翁未免所見偏
法久乃成弊須忘魚與筌後生逐隊走紙墨仍麻纏
決擇要明白卷舒機用全道人日本來可拍佛祖肩

文部

卷十六

二十一

駿馬不受羈長途自騰騫日馳三萬里頃刻撫八埏
妙喜鼻皮襪楊岐金剛圈臨濟正法眼滅向瞎驢邊
鼻孔略彷彿諸方誰敢穿

贈前西隱王礪血書華嚴經

毗盧性海無邊表非古非今非大小有時捏聚一毫
頭血滴滴地從揮掃有時伸作廣長舌一卷百番宣
未了玉澗老金溪寶如來樣向心中造善財童子未
知歸度水穿雲謾尋討當砌華映簾草雪白菟旣香
裊裊自然覺者處其中終不隨他打之繞

次韻贈西隱白石

釋迦掩室金粟無言同條共貫拔本塞源聞無聞見
無見如投師子一滴血六斛驢乳皆星散藏中自有
摩尼珠須知不在龍宮殿襟懷蕩蕩眉宇津津滄溟
半勺大地纖塵直得飛來峯踣跳堅雷亭下雨翻盆
佛日普照慧辯楚石禪師語錄卷第十六

音切

綆古杏切 擲楚九切 鄣王斤切 詎郎計切 迤徒計切 運力殿切 黔巨炎切 矜魯丁切 屹魚乞切 舶抽格切 晞許換切 驥居放切 挺府切

支那

楚石禪師語錄卷十六

三三

嘉興侯氏書張明廣男科會勳家信云子仁
壽明宗徐元陸顧維益錢民慧徐氏
郝仁共施銀刻此
楚石禪師語錄第十六卷 昆明沙彌真玄對
真州王臣之著 上元梁城玉刻
萬曆庚寅秋五臺山妙德菴識

佛日普照慧辯楚石禪師語錄卷第十七
偈頌三

侍者文斌等編

贈五臺體法師

惟一文殊無二文殊百千萬億徧滿塵區或作老人
或爲童子或在山林或居塵市或乘獅子跨空行或
現光明從地起法師久矣駐五臺一雙淨眼長舒開
黃金雖貴者不得六凡四聖皆塵埃如今更莫思量
者六用門頭空索索不坐禪不看經白雲自白青山
青飯罷繞廊行一轉剎邪圓滿菩提願

支那

楚石禪師語錄卷十七

一

送徒弟獻書記參方

當年洛浦辭臨濟不比尋常赤稍鯉未落夾山壑獲
中好將一喝重扶起獻禪卓錫秦水濱再涉寒暑忌
艱辛何獨叢林重名節灼然父母非我親黃龍只是
南書記道德文章可名世還他直截老楊岐流出習
襟益天地

送有侍者游天台

天台一萬八千丈正眼觀來平似堂不待崎嶇走路
岐塵塵剎剎皆方廣頭上笠腰下包青山綠水長道
遙衲僧本自無羈絆萬兩黃金也合消

送虎丘應藏主

真參第一著妙悟第一藥若是過量人其心自昭廓
虎丘掃蕩邪見師電光石火舒先機伶俐僧俱直
截不須更問今何時大藏小藏從此去豈有意根椿
立處十字街頭沒底鞋千年石上無根樹

送淨慈海藏主

永明門前一湖水更有荷花香十里三世如來說不
到一大藏教提不起禪和未許亂承當却是虛空解
舉揚塞却耳根何處聽舌頭不動語琅琅諦觀堂上
老師偈勿以區區情識會昨日下午今日晴張公喫

楚石語錄卷十七

二

酒李公醉

送印侍者遊南岳

君不見馬祖坐禪圖作佛奈何無事尋窠窟讓師渾
不費鉤錐平白家財遭籍沒又不見五百比丘常在
定彌猴各佩菱華鏡問君底處是語訛切忌逢人說
邪正盤陀石上青松根日輪卓午天無雲曜古騰今
只這是跏趺印出莓苔痕放即收收即放天下衲僧
爲榜樣新羅依舊海東邊門口不在舌頭上七十二
峯皆可游異花靈草無春秋石橋踏斷成兩截方見
橋流水不流

送心姪參方

慈明窺身火隊中只要勤辦汾陽翁半夜凶親索祭
祀明朝大嚼盃盤空其時在座多象龍未免散去隨
西東滾滾百川流入海皮膚脫落眞實在將軍疋馬
過袁州臨行記荊增光彩如今滿地皆兒孫未有一
人能滅門壽山但道看脚下佛祖不勞開口吞

送雲居玉維那禮補陀

玉禪南方轉一遭會佛法底如牛毛拄杖頭邊撥得
着爲渠畫斷天雲高撲滅祖燈掃除胡種諸聖不慕
已靈不重連城白璧本無瑕滿掬摩尼爲誰捧嘗愛

楚石語錄卷十七

三

疎山老解云肯諾不得全又聞雲居翁閨閣中物須
棄捐破家散宅作活計透出威音王以前天台南石
橋北觀音院裏有彌勒發揮二十五圓通屋角旒花
露春色

送義藏主

你問訊了一邊立地不是如來禪亦非祖師意用時
便用沒商量說甚了義不了義衆生本來是佛更要
靈山授記七縱八橫遠問近對如此師僧果然伶俐
等閑撒出摩尼珠直得神光照天外

送玄禪人之江西

馬祖自從胡亂後分明對衆揚家醜來來去去是龍
公吸盡西江不開口方外八十有四人搖頭擺尾皆
金鱗却從平地起波浪大坐當軒據要津幾羹飯
不知數縱展炊巾無着處好提古劍彌樓前日炙風
吹全體露

送成侍者參方

侍者參得禪我未敢相許職滿說游方臨行求贈語
後生真可畏老僧全望汝諸方善知識說法如雲雨
行脚要帶眼入門須辨主壽山一句子請分明記取
送大藏主歸里奔喪

五

楚石語錄卷七

四

父母俱亡覓偈奔喪誰是報恩者何處是故鄉行偏
天涯海角沒參學處參學十方不離目前只麼寂寥
寬廓君不見荷澤師走向僧堂裏白槌摩訶般若未
開口露柱燈籠已哮吼

送晨侍者

秋風處處飄黃葉正坐蒲團縫壞衲道人別我去游
方三度問渠渠不答試看如今是甚時千鈞祖道懸
於絲師求弟子固未暇可有弟子求其師君不見投
針徹底驚龍猛叉手向前參瑞像拈得山僧兔角杖
他年卓在孤峯上

送桑藏主

一大藏教是切脚平上去入切不着釋迦老子口門
幸煩惱菩提盡拈却所在叢林黃葉落生天癩狗翔
雲鶴從他夷岳而盈堅且把烏藤束高閣

送淨慈顏藏主游廬山

拈起一片木華移來一座廬山古人道實相爲且免
區區往還草鞋拖拄杖游州獵縣極意妄想若是
出格道流必然別有伎倆恁麼中不恁麼擊木無聲
不恁麼中却恁麼敲空作響欲知廬山高更聽廬山
謠百億瞻部洲都盧入秋毫東西二林在江北自古

五

楚石語錄卷七

五

遠公標勝跡結社同修十八人臨終盡向蓮華國南
則歸宗開先萬杉栖賢羅漢慧日六利相連五老峯
明月泉香爐師子金輪玉淵逢瞻瀑布不可近迸雪
崩雷崖石穿千樹萬樹青松交加屈曲一箇兩箇白
鶴鼓舞踴躍滿地嘉華美草隨時瑞靄祥煙可消尊
宿開口但管森羅說禪不是長行短偈亦非直指單
傳華五宗之舊轍掃諸祖之頽傳針眼魚吞大千界
扶桑人種陝西田

送聰禪人

出門步步清森起一棹鐵船三萬里大魚剛被小魚

吞縮却龍頭展蛇尾未到中原俱歷偏浙山如黛江
如練臨風側耳聽鄉談故國依然海西岸佛不論先
後道不揀精麤禪不屬迷悟智不得有無釋迦彌勒
是他奴那箇男兒不丈夫

送大慈讓維那

折旋俯仰須臾頃抹過普超三昧頂靈利衲僧終不
凡徧參豈爲觀風景一毫端上慈雲峯韋鞋踏破山
重重當年法戰旣得勝後來自可與吾宗陷虎之機
險崖句何待西齋再分付

送中天竺三藏主還日本

數語

楚石語錄卷十七

六一

初來大唐國此道已圓成而況歲月多煅煉金愈精
添不得減不得應用恒沙有何極莫問凡流與上賢
誰論大智并情識西湖之水西湖山動靜不離方寸
間月在中峯夜將半天香桂子誰能攀亦不喚作心
亦不喚作佛亦不喚作半滿偏圓亦不喚作照用權
實撥轉船頭是故鄉龍吞不盡瑤璃碧

送儀侍者游天台鴈蕩

前釋迦後彌勒心不見心無相可得出門綠水青山
到處花紅草碧如斯舉似魚魯叅差直下承常天地
懸隔寒山子道千年石上古人蹤萬丈巖前一點空

此一點空不可取天台鴈蕩隨西東衲僧行脚休輕
議略以虛懷標此位非凡非聖强安名高踏毗盧頂
上行

送伊藏主游四明天台

出門拈起拄杖子不擇山林與城市第一穿過玲瓏
巖先聽主翁敷妙音翻身直上玉几峯踏着從前自
家底八萬四千設利羅須知不在金壇裏好風穩送
寶陀船剎剎塵塵逢大士訪雪竇游清涼觸目無非
聖道場天寧定水善知識師子哮吼羣狐藏霞城豈
獨觀風景五百聲聞須喚醒一一教他出世來關中

數語

楚石語錄卷十七

七一

不礙身心靜直饒茶盞現奇花也待衆生心自肯國
清三聖誰不知興發到處題新詩虛空作紙大海墨
稻麻竹葉皆毛錐諸方說禪浩浩地解舉此話今其
誰滑石橋難措足下有龍蟠無底谷多少游人不取
窺懸崖日夜飛銀瀑舉頭更望華頂雲千里萬里長
相逐摩拏拄杖又向西州還一毫頭上忽然突出須
彌山

送諸侍者游天台鴈蕩

台山青雁山碧滿眼滿耳非聲非色先過嵎縣禮彌
勒莫道通身是崖壁撐天拄地更有誰往往示人人

不識試點五伯羅漢奉一枚盞現一枝花分明拈出
這壹著多少師僧踉蹌過他游華頂了國清去各蓋正
在幽深處豐干寒拾面目真屈曲寒藤上高樹款款
行入芙蓉村奇峯峭壁雲吐吞靈巖左右十八寺寺
寺皆有山當門詎那終日抱膝坐仰觀瀑布從空墮
勿云聳者不說法撒出驪珠千萬顆逐事與君提話
頭如今不了何時休大唐國裏無佛法看取鐵船水
上浮

送壽禪人

真正舉揚誰辨的白雲鎖斷寒山色叅方衲子太惺

瘦石語錄卷十七

瘦石語錄卷十七

八

惺剔起眉毛雙眼碧有祖以來提唱多而今莫問如
之何饑餐渴飲無餘事脫却龍頭却角獸

送吾禪人

古藤橫瘦肩兩屨踏殘雪陽鳥啼未休春山苦爲別
朦朧睡眼何處開應向前途指明月

送日本建長佐侍者之廬山

大唐國裏宗乘未有一人舉唱信手拈起布毛慚愧
鳥窠和尚此話傳來幾伯秋五雙十箇徒悠悠登籠
露柱太饒舌萬象森羅齊唱酬此行舟過湓城口峯
頂已聞獅子吼五老同時笑展眉瀑布不瀝青山走

除却平常與奇特逢人作麼通消息倒騎鐵馬上須
彌贏得清風生八極

送明禪人叅徑山兼東古鼎和尚

近離何處來曾到此間否不許俊衲僧人前亂開口
天寧拄杖子未免劈脊撲決不至三十但打二十九
畱一棒自與諸方若爲割凌霄老宗匠管取橫點首
不作野干鳴亦非師子吼若人會此意堪續牟尼後

送日本侍者

大唐日本東西國一樣眼橫并鼻直海底泥牛摘角
牽雲中石女拋梭織日禪幸自可憐生卻道西來有

瘦石語錄卷十七

瘦石語錄卷十七

九

消息西來本也無消息平地茫茫種荆棘文遠何曾
見趙州善財亦不叅彌勒

送天寧元首座

靈山第二座不與諸方同解笑小釋迦夢昇兜率宮
百非及四句落落開談叢說處却成默塞時無不通
毒蛇吞龜鼻猛虎咬大蟲坐斷佛祖舌初非修證功
三冬枯木秀九夏雪葉紅待此似老僧將以明已躬
直下他一喝未免三日聾三日聾尚可嚇殺東村翁

送中竺宏侍者

大機大用無傳授誰解金毛獅子吼千歲巖頭七十

翁通身是眼通身手若道今年已涅槃男兒終不受
人謾犀牛扇子依然狂直得清風滿座寒

送徑山一藏主

一大藏教開葛藤盡大地人跳不出夢庵本是奇衲
子夜半扶桑吐紅日拈起凌霄峯頂茶却是洞庭湖
上橘三千世界庵摩勒放開捏聚誰能詰松風礪水
自談玄却笑區區論權實權非權實非實白雲道箇
鉢羅娘帶累兒孫空受屈

送中竺岳藏主

道人特地咨參我有我有人成話墮纔跨門來別起

妙語

楚石語錄卷十七

十

看分明寶藏開金鎖唐國之西日本東都盧攝在微
塵中珊瑚樹林知幾幾照見海日三更紅釋迦四十
九年說貴買朱砂畫明月中竺果然機用別金剛寶
劍當頭截

贈遠侍者

佛佛授手祖祖相傳黃頭碧眼白日青天動念卽乖
開口卽錯不用續鳬截鶴何必夷岳盈壑參之者難
心意識參學之者出聖凡路學昔年日本來紅爐一
朵芙蓉開此日諸方去鐵鞭擊碎珊瑚樹東西南北
任縱橫贏得清風布地生

送靈隱文藏主

古釋迦不先今彌勒不後兔角不用無牛角不用有
何人同得入與誰同音吼叨叨四十九年說帶水拖
泥裙半截出格還他俊衲僧打刀須是邠州鐵眼對
眼機對機冷泉收得摩尼歸逢人傾出一桮棬白日
青天雷電飛

送慧藏主

入門便棒德山老人入門便喝臨濟師子孫一一滅胡
種曠大劫來曾絕疑此行正值風帆便吹落梅華三
五片一大藏教只說這箇法趙州老人空繞禪牀轉

妙語

楚石語錄卷十七

十一

且喜南湖職已圓拈華百萬人天前飲光笑眼自開
合良馬不用珊瑚鞭

送日本丘侍者之金陵

十月朔風號古木金陵遠也行何速菩提達磨未來
前淮北淮南山簇簇不立文字直指人心盲龜值木
輟芥投針從本以來無佛祖了知此事非今古國師
侍者意如何汝負吾兮吾負汝

送端侍者

趙州文遠侍者白雲清凝二師相與作成法社象王
獅子交馳靈山幸自龍鐘了左右無人話懷抱慚愧

端禪日本來鐵牛不喫欄邊草朝來問訊客至燒香
上一畫短下一畫長若更近前求指示山僧正值接
官忙

月庵

天上月水中月惟一月無二月再三潑澆也無端十
五團藥又何別億着當年馬大師軍家共翫清秋時
南泉拂袖便歸去豁開戶牖當軒誰數伯年來無此
作遇夜纔昇曉還落自家屋裏暗昏昏向外馳求都
是錯喚回頭爲伊道靈光一點同昏曉爛天鑑地如
未知江北江南問王老

楚石語錄卷十七

楚石語錄卷十七

十三

雲海

未明雲海直截且就一波上說一波動則萬波生一
波止則萬波滅所以衆生煩惱不離生滅一法到得
諸佛之地煩惱翻爲智慧智慧煩惱本虛衆生諸佛
皆如却向其中指出浩浩滔天沃日滔天沃日也無
端未審流從何處畢或時作伯億洲中盡潮落或時
乾三千界內起波瀾海雲大士觀雲海但見重重無
障礙我觀雲海初不同顛倒日月吞虚空聲聞不是
馬兔菩薩亦非象龍釋迦老子謾多口欲談雲海詞
先窮謂之雲非五色謂之海絕涓滴碎須彌消劫石

盡未來時不可測不可測對現分明有何極

雲庵

雲兮飄忽太虛出沒謂其出也本無心謂其沒也離
窠窟或從龍千里萬里長相逢或抱石一片兩片不
可覓水邊林下露出奇好手丹青誰貌得收來直是
沒纖毫放去從教吞八極一有多種二無兩般遠在
方寸近隔大千凡夫不證法雲地聖人不住無雲天
德雲長在妙峯頂海雲普應衆生前百市千重是何
人境界左舒右卷乃列聖機權君不見關西子沒頭
腦假號雲庵顯其道佛手未伸驢脚開灼然孤負黃

楚石語錄卷十七

楚石語錄卷十七

十三

龍老汝今亦復號雲庵此義蒼茫吾未了三問渠儂
三不知白雲依舊連芳草

鏡庵

有一物黑似漆明如日六憲無處着塵埃萬象不能
逃影質東平盡力撲不碎靈利師僧欠靈利獼猴各
佩古菱花落落神光照天地胡來漢現幾經春認主
人人是甚人更問中間并內外無塵未免又生塵

古航

陰陽未判形殼未離上無片瓦下無卓錫敢與龍王
鬪富從教衲子生疑不此岸不彼岸不住中流隨機

應變揚清敷蜀兮浪靜風恬滅跡收聲兮雷奔電轉
三世諸佛知不知六代祖師見不見擬議隄防焉口
繞逡巡賣弄竿頭線便與麼涉波瀾不與麼隔關山
兩頭坐斷乾坤闊一棹江西十八灘

無文

始從鹿野苑終至跋提河未嘗談一字笑倒病維摩
維摩大士默然處演出演入河沙數三十二說徒紛
紛一切數句非數句缺齒老禪面壁九年分皮擘髓
漢語胡言直饒以龍龕手鑑唐韻王篇從頭註解解
不得自攜隻履歸西天冬瓜印子傳來入古篆分明

楚石錄

楚石錄卷十七

十四

拈在手上人一擊百稜碎露柱燈籠盡哮吼錢塘十
月天風高示余頌軸如牛腰白者是紙黑是字香墨
何曾離紫毫

斯道贈萬壽由藏主

佛佛授手祖祖相傳直下便是不涉言詮所以匠徒
領眾因而說妙談玄譬如接竹打月又似膠柱調絃
分明日用中逼塞虛空內築着又磕着誰會誰不會
貴如土賤如金須彌山未高大海水未淡東西南北
謾叅尋塵世幾人知此心

梅隱

七伯年前老古錐松花爲食荷爲衣人皆欲見不可
得茆屋四面青山圍採藤衲子忽然到口縫纔開遭
怪笑從此惡名傳世間誰知出語無玄妙卽心卽佛
錯承當非心非佛也尋常殘羹餽飯誰肯與好肉更
來剗作瘡有佛處不得住無佛處急走過勸君莫學
守株人七箇蒲團空坐破

大徹贈中竺藏主

大徹投機一句子突出咽喉與牙齒藕絲竅裏騎大
鵬蟪蛄眼中放夜市片言不爲少全藏不爲多燈籠
見露柱拍手笑呵呵虛空撲落在地上鉢盂開口吞

楚石錄

楚石錄卷十七

十五

山河蜜但哩孤蜜但哩智一字不看畫兄弟添十字
當年黃檗太無端六十蒿枝打臨濟

松石贈中竺真書記

青松落落白石鑿鑿上摩星漢下帶雲壑若使爲棟
爲梁爲政事之堂爲珪爲璋爲公侯之光不如道人
無事日與松石相忘清風起而龍吟芳草映而虎踞
紅塵鬧市任喧譁家在青山更深處

無相贈日本訥藏主

法身無相直下分明眼不見色耳不聞聲雖是不聞
不見却解隨幾應變自從打破太虛空舜若多神常

對面

龍淵贈驪藏主

龍無龍句淵非淵句要問龍淵在甚麼處盡大地是浪忽青天起雷日月陡黑山岳傾摧散四海五湖之甘澤活三草二木之枯荻葉公不解描貌未免將錯就錯赤手誰來得領珠古今不露真頭角

無外贈日本嚴藏主

有不有空不空聖凡總在圓光中浮幢王刹香水海莫問南北并西東一卽一切一切卽一亘古亘今誰得誰失都盧只在毫端却向那邊尋覓縱然覓得亦

楚石語錄卷十七

楚石語錄卷十七

十六

非真直下分明能幾人諸佛假言三十二切須體認本來身

鼇山贈仙巖金長老

有鼇山兮甚奇特鎮黃巖兮浮翠色峭崔嵬兮高巖另直上雲端望何極君不見雪峯昔遇巖頭老三十九年來盡傾倒流出曾襟益天地龜山店上方成道龍鱗鱗魚鱗鱗幾番滄海飛紅塵吡嵐猛風鼓不動十洲三島長如春

古木贈榮藏主

天地未分時槎牙第一枝閭浮雖有樹爭奈結根遲

幾回寒幾回熱柯似青銅葉如鐵挺立何愁動地風高標可怕連山雪梗楠杞梓總凡材莫不皆從尺寸我不是千年萬年物轉頭便化爲塵埃莊生之椿今已朽少林之桂君知否撐天拄地是何物一一面南看北斗

心源贈悅維那

三點如流水曲似刈禾鎌佛祖莫能說餘人誰解拈吾聞寒山子有偈非極談徒然掛唇齒秋月照碧潭更誰知無物比冷涵空兮清徹底回光返照剎那間一脈本從何處起

楚石語錄卷十七

楚石語錄卷十七

十七

碩林贈中竺果首座

睦州老人識臨濟陰涼大樹親授記果然蓋覆天下人今日兒孫鋪滿地一一高枝撐太空重重密葉來清風碩林挺出萬物表非與尋常花木同徧界冰霜渠不受隨時變異渠不朽等閑鳥獸那敢栖長有金毛獅子吼

大機贈日本全藏主

大機須兼大用說機用直教心路絕德山一棒山岳崩臨濟一喝虛空裂君不見長沙岑大蟲作用不與諸方同寂子親曾舉到此被渠一踏傳無窮道人素

有冲霄志發明宗門向上事等閑拈起蒺藜槌百億須彌成粉碎

無盡贈登山主

百億三千大千界拈來地上土一塊虛空尚有消損時塵世光陰易凋謝不滅不生唯此心縱經曠劫長如今如今直至未來際却笑目連窮佛音

智隱贈愚禪人

有無但較三十里晦跡韜光樂於已詔書飛出鳳凰樓三度入山徵不起聖人具足凡夫法凡夫具足聖人心非凡非聖盡超絕路在白雲深更深

跋

楚石語錄卷十七

六

無隱贈吾禪人

日用堂堂全體露着衣喫飯朝還暮靈山拈起一枝花伯萬人天皆罔措色且不是色聲且不是聲描也描不就畫也畫不成只在目前休外覓青山綠水轉分明

思遠贈日本聞侍者

一念普觀無量劫無去無來亦無住三際求之不可得生鐵稱鎚被蟲蛀達磨度流沙特地到中華雖云十萬里畢竟不離家饒君走徧浮幢刹南北東西沒差別寒則普天普地寒熱則普天普地契這一處心

行滅虛空包不盡千聖莫能說靈利衲僧知不知不知却問天邊月

桂巖贈日本淨居月長老

月中桂子飄巖幽長成一樹三千秋風吹開枝上花花所及處清香浮月公本是管公裔道譽之香塞天地金粟如來夢幻身不須更受菩提記

絕照贈用首座

淨俾保絕承當赤洒洒沒可把龍潭吹滅紙燭時眼光燦破四天下日月不到處乾坤難覆藏三千大千界正體露堂堂緣見因明暗成無見明暗兩忘心靈

跋

楚石語錄卷十七

九

百變目前無閑梨座上無老僧一念不生三際斷扶桑夜半日輪昇

香山贈果長老

五分法身收不得非梅檀也非薝蔔妙峯孤頂露堂堂少室真機明歷歷嗅着能令鼻觀通白雲掩映碧玲瓏花開葉落年年事依舊須彌聳太空

中山贈穎首座

乾坤之內宇宙之間丹青莫狀手足難攀通上既孤危直下尤峭絕曠劫無動搖羣峯自環列君不見混沌開闢分七金須彌坐斷滄溟心衲僧不解中山義

只管區區向外尋

大岳贈日本積首座

除却須彌山總小只消芥子都吞了與他拈起一微塵富士嵯峨接蓬島中國岱衡華霍膏寶刀削出青芙蓉回光返照方寸裏積塊浮漚三界中捏不聚吹不碎是何物在乾坤外臨崖望海海茫茫觸石起雲雲隊隊

大心

摩訶兩字如何譯不落時人情與識上秉菩薩信無疑中下之流豈能測古釋迦今彌勒是處分身千百

建石師語錄卷十七

二十

二十

億恒恒切切空費力爲人曲指何曾直饑食渴飲任天真便是降魔轉法輪

無方

一牽打破虛空一脚踏翻大地東西南北不分上下四維安寄大華藏界雲水寬伯千刹土秋毫端放開捏聚總在我左拋右擲胡爲難既非襍染與清淨畢竟如何辨邪正直下全提摩竭令繁興永處那伽定

南隱

五十三人善知識善財無處尋踪跡又妹指示太分明踏破草鞋空費力不住山林不住塵非凡非聖非

疎親衲僧了了見得徹大道茫茫沒却身謂之有離棄曰謂之無塞塞區間浮夜半日卓午只在目前何不覩

實菴

棒打虛空鳴剝剝石人木人齊應諾十方惟一堅密身鐵壁銀山難入作無形相亘古今不除妄想覓真心牛頭自見四祖後百鳥銜花何處尋

笑雲

山中人笑雲來去幾度欲留留不住一片西兮一片東爲誰掛在青松樹有時卷不論高低并近遠有時

建石師語錄卷十七

二十一

二十一

舒南北西東滿太虛本自無心休問跡悠揚散漫隨風力白衣蒼狗任縱橫返寂還空何處覓却恐山中雲笑人區區未免走紅塵但能放下便安樂所以長將雲喻身

少林

達磨面壁可祖安心二株嫩桂布影垂陰上撐天兮下拄地往不古今來非今自從隻履歸西域歲歲春風添翠色莫道庭無立雪人一花五葉香何極

西源贈遠首座

阿耨達池分四河四河競注同其波不獨魚龍與蝦

解大身復有阿修羅天台遠也待吾久出紙乞我西
源歌歌西源無滴水佛也祖也徹頭徹尾今今古今
透頂透底更說甚麼三乾震且南岳石頭馬大師龐
居士只因一口吸西江無限波濤從此起

一源

羣靈一源假名為佛佛既假名源從何出釋迦老子
曾未悟四十九年曲流布誰言敘外有別傳百萬人
天空同措先聖道流泉是命湛寂是身從本不清不
濁即今非古非新四大海收歸涓滴五須彌卷入微
塵徧界金波常市市與他凡聖無交涉

楚石錄卷十七

楚石錄卷十七

三

海屋

音門道人索我謨未免平地生風波屋為海耶海為
屋海屋之義當如何百千瀛渤從此起起亦不離涓
滴水沃日滔天也大奇卷舒只在軒窗裡我觀觀音
心海空一一佛屋羅其中接影連綱寶樓閣珠幢玉
樹光玲瓏及乎欽念元無有試問道人知此否不下
禪牀徧十方春風自裊金瓶柳

谷隱

龍以角聽蟻以身聽人聽在耳風鳴谷應聽到無聲
谷自空山河石壁遙相通直饒千手掩不得所以人

楚石禪師語錄

卷二

面俱玲瓏雖然隱也何曾隱白日青天雷轟轟

閒閒

終日忙忙那事無妨行住坐臥一絲不掛看經費眼
力作福受奔波饑寒來喫飯困來睡如此閑閑快活何
佛日音照慧辨楚石禪師語錄卷第十七

音切

歎通壘徒含切摩上莫羅切嵒實證切溢公益切拷林直切
錄力磨切管古管切窳古久切陡當口切荻古來切崩當口切劣林直切

楚石錄卷十七

楚石錄卷十七

三

嘉興優婆塞張明廣男張科會勸眾信周名恭
陸智旭 潘德本 宋文 平鶴 程淵 陸氏
張瑞中 施顯刻此
楚石禪師語錄第十七卷 昆明沙彌真玄對
真州王國英書 進賢馬子美刻
萬曆庚寅秋五臺山妙德庵識

佛日普照慧辯楚石禪師語錄卷第十八

偈頌四

侍者文斌等編

明真頌二十八首

我有摩尼一顆埋在五蘊身田昨向泥中取出光明
照燭無邊所為莫不如意日用尋常現前世上誰無
此寶昏迷未脫蓋纏眾生未紫絳果報或人或天
一旦逢善知識豈非有大因緣
只這言語聲色非根非塵非識釋迦親見燈燈故號
能仁寂默平治自家田地淨除瓦礫荆棘身光充徧

楚石語錄卷十八

楚石語錄卷十八

一

十虛豈止百千萬億一念成佛不疑多方轉化何極
雖云妙行莊嚴畢竟歸無所得
觸目無非此道莫揀精麤大小眾生與佛何殊總是
自心所造修善天堂化生受用珍奇異寶地獄皆由
作惡鐵牀銅柱圍繞臨終罪業現前方恨悔之不早
覺悟煩惱菩提迷惑菩提煩惱
禪師不假多知饑食渴飲隨時將心用心大錯在道
修道堪悲內外推尋不見中間亦絕毫釐眾生別求
智慧諸佛何異愚癡一等黃金作器瓶盤釵釧環兒
自體元無改變千般任用爐鎚

貪嗔癡號三毒三毒起於一心本來空寂三毒三毒

自此平沈頓獲金剛正體親聞大覺圓音了然不生
不滅解者非古非今智士現前究竟愚人向外推尋
妄情造業難斷如象溺泥新深

觀心常坐習定便欲此生親證證得常住法身堪續
如來慧命若也沈空滯寂墮於二乘禪病澄潭不許
龍盤大象豈游兔徑隨處逍遙快樂洞明自己真性
可中不亂不定向上非凡非聖

法難言語文字返着文字言語假使精進三藏何如
直截根源巡行數墨不悟轉讀令人轉昏心地本無

楚石語錄卷十八

楚石語錄卷十八

二

一物澄空迥絕羣衆自起隨曉日夜隨他六根
一念空諸所有魔外窺覷無門
昔有維摩大士示疾毗耶城裡三十二箇菩薩各談
不二玄旨文殊請問維摩維摩一默而已如今博地
凡夫未學音聲三昧剛把公案批判妄將賢聖訶毀
若非了悟自心般若妄談招罪
末法比丘不讓多因忿怒鬪諍既依大戒出家須稟
六和為尚羅漢深證無生未曾與人相抗善哉圓頂
方袍便是當來佛樣心內坦然平夷世間靡不歸仗
莫起一念嗔火赫赫燎原難向

眾生業識茫茫心裏渾如沸湯只當隨聲逐色何由
返照回光參禪發明自性譬如遠客還鄉曠劫收歸
當念當念含攝十方觸境逢緣不變着衣喫飯如常
無明從此消滅契機自然清涼

右十

不了第一義諦因茲名曰無明我親無明無性無住
無滅無生菩薩雙亡理事聲聞怕怖色聲一苦逍遙
樂土一在解脫深坑離却二邊中道洞然清淨光明
人間天上隨意廣度恒沙有情

右十一

靈空元自無像不用斷除妄想妄想即是真心何須
分一作兩水消爲水溫和水結爲水巖令濁惡眾生

楚石語錄卷十八

三

可化清淨諸佛堪仰諸佛眾生本性豈同外物消長
金剛座上剎那永絕從前影響

右十二

法身不見邊表日用何曾欠少語默動靜施爲無心
自然合道但有絲毫罣礙便遭魔境纏繞大海普納
百川須彌合成四寶到頭難免無常徒自汪洋峻峭
一悟真空妙理涅槃生灰俱了

右十三

眾生本來自佛甘墮無明窠窟若悟無明本空輪迴
從此超出譬如一點明燈能破千年暗室決了貪瞋
體性空華陽燄非實直須立志參究不可隨情放逸
惟有禪門捷徑別無入道要術

右十四

佛口初無言說法身豈有生滅只因隨順世間便見
千差萬別細辨凡夫因果廣標諸聖旨訣玄門歷歷
開張教綱重重施設末上拈花示眾盡除方便直截
譬如十斛驢乳散在一滴御血

右十五

大有世間癡漢隨他聲色流轉不知萬境縱然總是
心靈所變隨在塵勞海中無由脫離魔網牢車即是
牢車我面何殊佛面直下回頭便是不勞苦口相勸
一朝颺下皮囊免到閻公業案

右十六

小小如螢之火能燒大地叢林莫教一念嗔起滅盡
無邊道心佛祖令人保護防他境界來侵眾生與佛

楚石語錄卷十八

四

何別棄却真如外尋流出蓋天蓋地本來非古非今
要知般若靈驗入海鐵瓶不沈

右十七

覺道無過自悟參禪不要他求却來心外覓佛如向
沙中取油演若達多發笑也曾棄鏡尋頭白雲千里
萬里黃葉前秋後秋要了即今便了未休何日當休
拍手浩蕩歸去倒騎露地白牛

右十八

古今得道賢聖當念無脩無證煩惱菩提兩亡涅槃
生灰俱淨境風飄鼓不動常處那伽正定應佛圓如
太虛臨機湛若明鏡堂堂世出世間在在法王法令
一切凡夫本同不離法界體性

右十九

愚夫背惡向善佛道轉求轉遠放下身心便休一時
善惡俱遣天堂快樂不思地獄煎熬亦免好箇天真
古佛十方法界充滿既無生滅去來寧有是非長短
性地自然坦平塵勞何用除斷

右二十一

法王出現世間方便談空破有有者必歸於無是為
聖師子吼玉毫金相莊嚴前取涅槃非入天地至時
崩壞誰論貧富好醜可憐外道愚癡妄執梵天長壽
八萬大劫既終難免輪迴不受

右二十二

擬進

楚石錄卷十八

五

邪道放之未免昏蒙身心直下透脫如鳥飄然出籠
無病何須服藥愚癡智慧雙融

右二十三

任你多般取捨如同水上浮漚漚生漚滅難止念去
念來不休努力要須猛省回光更莫他求一間空舍
無主傾壞何勞再修饑把鉢盂啗飯睡時塊石枕頭
十二時中快樂誰能似我無憂

右二十四

幻士化成大宅園林花果爭鮮其中羅列男女車馬
往來市纏取性歡呼鼓舞乘時放逸任顛狂生骨骸
盈地婚嫁笙歌滿前愚者執為實有不知幻化使然
至竟都無一物雲開依舊青天

右二十五

法性本無造作且非內外中間聲色何須苦欲塵根
亦不相關斷除煩惱轉遠求證菩提即難有念便沈
生或無為自弊涅槃兩途俱是障礙中道又隔河山
打破鏡來相見身心索爾虛閑

右二十六

悟向迷中尋悟迷從悟裡發迷被他二法纏縛何日
解成菩提佛祖元無指示癡狂妄有思惟常情執著
不捨斷見由來自欺智者不求解脫一言可破羣疑
貪瞋即是大道肯捨心王問誰

右二十七

擬進

楚石錄卷十八

六

回頭便合騎聲蓋色盡未來時度生分身百千萬億
即今揭示龍華一切人間周測

右二十八

欲識自家寶藏六時常放光明本非青黃赤白不離
坐臥經行三世如來骨髓歷代祖師眼睛大似水中
月影還同色裡膠青灼然不可取捨畢竟難論壞成
在在逢緣利益塵塵救度迷情

右二十九

招提德嚴法師講首楞嚴經說偈一十八首寄
之

得道應須廣度生度生必使性心明闇浮提有梵天
咒捺洛迦無姓欲情慶喜出遭魔網縞文殊來護法

并頗多聞未可爲奇特曠劫薰修在力行
外泊虛空內色身都盧不出此心真浮漚未足窮瀛
渤葉指須當認月輪聽法緣心非本性掌亭實主豈
浮人雜聲與色無分別石上栽花井底塵
手開手合寶光飛左右回觀是阿誰須信此頭搖動
處不妨全體寂然時明心見性無紆卷認物隨流妄
覺知無上法王眞實語豈同虛假末伽梨
波斯匿性未嘗遷老見恒河似幼年莫景不須悲白
髮浮雲終是散青天來從曠古人何在去作荒土骨
已捐劫火洞然無一物分明父母未生前

卷一

老石禪師語錄

七

七處微心心不有人還辨見見元無壁開秘密千重
鎖迸出圓明一顆珠從此聖凡知解絕有何生滅性
情向話頭拈起知音少畱與人間作楷模
地水火風空見識徧周法界本來圓當知實義非言
說妄計因緣與自然起滅無從常住體羶浮不悟此
經詮眾生那箇不成佛與作當來得度緣
根塵識是如來藏於一毫端洞十方大地無時相助
發虛空有口自敷揚眾生不守真如性諸佛皆居常
寂光生滅去來何所礙鳥飛不盡碧天長
覺明明覺異還同畢竟山河大地空演若多心狂自

老石禪師語錄

歌塵登伽女呪難龍直教根本無明斷便與如來妙
理通三世有爲皆有滅十虛無始定無終
一六義生圓湛中一六盡使六銷鎔脫粘內伏心非
有勞發前塵性本空自在浮沈魚出網無妨去住鶴
離籠根根互用如何說正與花巾解結同
良哉二十五圓通各各熏降不滯空證入法門雖有
異悟明心地本來同思惟妙德言充審選擇觀音耳
最聰堤畔綠楊新過雨數聲黃鳥轉春風
斷姪除殺又難偷成佛難將妄語求此四律儀持不
染彼諸魔事及無由道場既立心身淨神呪弘宣利

卷一

老石禪師語錄

八

每周無量金剛來護法願將杵破惡魔頭
八萬四千顛倒想想爲十二類生因妙明覺性如開
悟虛妄浮心卽本真龍鬼天仙紅肉髻羽毛鱗甲紫
金身誰能靜坐思量看內外中間絕點塵
三界眾生依食住永除酒肉斷姪心相生相殺既無
業外境外魔終不侵刻骨銘肌持淨戒隨方觀佛奉
玄音瑠璃中更懸明月一片光華耀古今
智慧初明欲習乾位從四十四心安信初中道純真
性灌頂如王付國看利行度生心愈曠回真向俗道
何寬欲登十地須加行行覺重重復又單

卷一八

吾聞地獄元非有十習纔成六報來惡念轉教爲佛
福刀山喝使作金臺不貪天上歡娛事肯受人間愛
慾胎本性彌陀常顯現蓮花一朵待時開
十類元從十鬼分命終報盡復爲人十仙徒此短長
壽三界不離生死身色究竟天居有頂大阿羅漢出
凡塵窮空大道無歸處未免從頭再入輪
旋消五陰十禪那十五重重破惡魔明目不愁暗
隔堅水爭奈沸湯何自心了悟非登聖如水平流豈
異波直至菩提無少乏大家稱贊阿難陀
五陰由來體是虛五重妄想待消除不離本覺妙明

楚石語錄卷十八

楚石語錄卷十八

九

性要識根元生起初多劫受熏嗟莫算六根互用咸
無餘盈空寶施微塵佛若比弘經福不如

示諸禪人九首

四七二三何所傳分明佛祖是生冤拈來的約無差
子點破區區在一言猶自將心求悟解不須特地覓
根源晝明夜暗尋常事屋角風鈴語更繁
都緣昧却自家心只管茫茫向外尋不識綵雞呼作
鳳還將黃葉認爲金求師跋涉山川遠逐境因循歲
月深有問却須向伊道誰家屋裡沒觀音
而今謾說普通年此話無人舉得全臨濟何曾見黃

葉趙州亦不到南泉追風木馬來如電入海泥牛去
似煙船在須彌山上泊一篙撐破水中天
立處孤危用處親不知踉蹌過那邊人宗師未免拋機
境學者須令辨主賓契喝喚拳同門電普天市地盡
揚塵果能著者超方外十影神駒五色麟
喃喃唱道固非真默然酬機也未親却是山河大地
說徒勞文字語言陳敲牀豎拂休稱妙簇錦攢花枉
闢新可信吾宗無此事分明不認本來人
樹周葉落正斯時體露金風幾箇知未入玄門難下
口從來大悟不存師吹中謾爲叅方展掣電猶嫌佇

楚石語錄卷十八

楚石語錄卷十八

十

思遲五十三人爐鑪煅鑄成一箇善財兒
不除妄想不除真也是朱砂畫月輪脫體承當能幾
箇將心湊泊有多人寒山直忌來時道布袋橫拖滿
眼塵世出世間常快活從他物我競疎親
瑞巖自喚主人公口與心違道不同千里持來須粉
碎滿盤托出盡虛空隨聲逐色龜投網得意忘言鶴
脫籠何必升堂求指示現前無法不圓通
日用分明問阿誰談玄說妙謾多知新新固是無停
識念念何曾有住時若遣眾生修定慧還令諸佛起
愚癡五雙十箇難吞透自作金圈與栗皮

閱藏諸僧求偈六首

以字不成八字非普天而地解人稀生禪師子纔開口忿怒那吒頓失威三寶圓珠言下得十方法界目前歸如來禪許師兄會還我宗門向上機
教外別傳傳底事言前便領領何遲纔求妙悟心昏昧未透玄關眼搭睡佛字道來須漱口禪牀掀倒不容師偏圓半滿何須舉盡是空拳誑小兒
案頭故紙已多年中有摩尼耀大千了了示人人不會明明標旨旨難宣牛欄馬廐如何說海藏龍宮作麼詮一句包容無量義閻浮樹在海南邊

藏

聖石語錄卷十八

二

覓心不得便心安因甚禪流入作難往古來今多少樣改頭換面百千般須教兔子離窠窟更逼鮎魚上竹竿自己靈臺如未悟藏經只爲別人看
拈來更問是何經寶藏玲瓏夜不扇露柱伸眉萬象說須彌合掌太虛聽雲門特地攬拄杖百丈無端指淨瓶頂上撥開三隻眼知君猶自大惺惺
心是光明妙法幢照今照古信非雙公塔凍蟻空尋穴撲紙癡蠅未透窻達磨大師輟轢鑽釋迦老子葛藤椿尋常只麼閑閑地可使波旬外道降

送僧住菴九首

楚石禪師語錄

卷一八

住菴門戶發天開且豎拳頭接往來方便許人呈漆

器等閑垂釣得黃能是窻是壁心心現非聖非凡法該佛祖位中留不得從教金殿鎖蒼蒼
大隋燕坐木華時問答何曾巧設施拄杖挑蛇付猛火草鞋信手蓋烏龜無論正定兼邪定盡使深疑頓絕疑東土西天無佛祖說禪不動口唇皮
滿屋黃金眼不開山居豈是大癡呆鉢中飯少枯堪翠身上衣單紙可裁日出道人鉏地去夜深童子點燈來須知佛法無高下悟了方堪養聖胎
白雲深護碧巖幽成現生涯免外求一箇衲衣聊掛

藏

聖石語錄卷十八

三

體三間茅屋且遮頭長松片石閑無事淡飯麤茶飽卽休拈出白溪長柄杓不風流處也風流
昔人久矣住巖阿撞着燒菴施主婆十字街頭無向背孤峯頂上却論訛侵晨自拾枯柴去向晚還衝猛虎過妙用神通只這是來人未免問如何
走徧禪林却住庵臨行別我語喃喃揮毫寫偈寧非錯杜口吞聲轉不堪萬法空來知有幾十成蹉過問前三古人爲佛垂慈切不厭城隍人開藍
四祖當年訪懶融牛頭山下忽相逢一言見性方成道百鳥銜花便絕踪不怕菸菟號永夜長煨檮拙過

梁冬流泉疊嶂分明語要引禪流達此宗

青山影裡鑊頭邊爲法求人也可憐打地初非開打
地磨磚却是亂磨磚直教桶底和牆脫要把繩頭繫
鼻牽分付威胡真種草大家明取未生前
穿雲渡水又何疑轉腦回頭更是誰粟米粒中機世
界藕絲竅裡挂須彌把茅不換千間屋一飽能忘萬
劫幾若問住山何境界人人鼻孔大頭垂

示華嚴會諸友八首

正覺山前大雪中明星夜照青天紅慈掌正眼既打
失覺花從頭談脫空裏與古今爲榜樣直教凡聖絕

卷一

楚石隱師語錄

三

羅籠依然廣大門庭在豈假潛鞭密煉功
大千經卷在微塵剖出還他過量人無始眾生盡反
佛本來大果不難因溫生溫滅重重海茫茫落花開樹
樹香可信入荒田不揀橫枯倒用總奇珍
開題七字甚分明早隔西天十萬程未長霞條先領
會何勞玉軸更施呈花枝朵朵分紅白溪水條條間
濁清觸目無非真法界都收有識與無情
騎聲蓋色大毗盧可惜男兒不丈夫枉去蓋田尋美
玉誰知布袋裏真珠口頭宣假多言說經裡元來一
字無拋却殘羹與餽飯趙州東壁掛葫蘆

於剎那特覺道成了無一法可留情十方法界從心

現大地山河以掌平鐵樹枝頭紅果熟泥牛領下白
毛生分明指出通天路南西北西東自在行

知識門庭五十三一針鋒上悉包含心能昇理無難
事脚不沾塵是偏參谷口黃鶯聲啞啞簷頭紫燕語
呢喃玄門畢竟如何人向道西川出漏蓋

彌勒殷勤慰善財一聲彈指闍闍開身心俱向此時
捨境界却從何處來皎皎青天飛霹靂茫茫白晝觀
塵埃看他無手人揮快石上蓮花取性哉

文字雖多義一般眾生骨體佛心肝何勞經卷開時

卷一

楚石隱師語錄

四

讀但就香煙起處看後鵲常思空外翫癡癡只向紙
中讀直饒讀得天花墜不達斯宗盡自謾

送僧入蜀四首

西川五十四軍州滿目風光欄不收一笠一包行脚
去好山好水任君游昔年大士居昭覺今日何人接
勝流道路八千如咫尺還同自己屋簷頭

去去哦肩禮普賢莫教錯認妬羅綿華嚴會上咨參
在妙德空中主伴圓側耳但聞菩薩現回身仍見象
王旋區區不用從他覓密意分明在汝邊

此行須到大隋家照顧潭中龍鼻蛇十箇五雙俱踉

過一千七百謾周遮悟來大地山河窄迷去他鄉道
路賒纔有纖毫須刻却免教人道摘楊花

嘉州大像接青雲猶是如來小小身正體虛空可
盡眾生肉眼見何因有緣處處逢彌勒無語琅琅轉
法輪合掌低頭三拜起方知全假即全真

送僧之廬山

簡寂觀中甜苦笋歸宗寺裡淡醎薑廬山面目分明
露初子身心特地迷秋到樹頭黃葉落夜深峯頂白
猿啼參禪若也求玄妙十萬流沙更在西

寄雙林東溟

教訓

楚石語錄卷十八

十五

門椎拍板付禪翁衣鉢長留觀史宮禱樹兩株爲佛
事竹筵三尺展神通泥牛嶺上吞黃犢石虎山前咬
大蟲我有家書無處寄金刀剪破太虛空

寄聖壽千巖

伏龍山上老頭陀轉覺無明業識多堪笑古人施棒
喝却成平地起干戈傳來一道聰明呪寫出平生快
活歌謝事尋常懶開口聽他石曰念塵訶

悼焦山道元

我在錢塘住兩年幾回同買過湖船張家寺裡春方
半楊子江頭月屢圓只望先師公案了皆稱寂照子

孫賢誰知轉眼成千古淚灑伽陀唱和篇

悼江心石室

幾年石室老師兄今日胡爲哭不磨入萬塵勞空蕩
蕩三千刹海今澄澄摧殘世上無根樹撲滅人間不
夜燈末後光明難蓋覆紅爐猛火結寒氷

賀徑山永首座

摩訶衍法若爲宣五髻崢嶸高插天一喝虛空成粉
碎重提佛祖舊因緣分明劍向眉間掛豈待瓢從地
上旋彈壓滿堂龍象衆方知法社有英賢

示僧四首

支那

楚石語錄卷十八

十六

不是風兮不是幡祖師一擊破重關自心又把心來
認無手重將手去扳金屑徒勞增臂膜劍峯直下斬
癡頑可憐滯句承言者也道尋常語默間

不是幡兮不是風癡人特地受羅籠張良謾立安邦
計李靖休誇所陣功十影神駒猶礙道九苞祥鳳不
離空如今要識曹溪旨舉足西行却向東

一切衆生有佛性如何狗子獨言無趙州善用吹毛
劍衲子全抛待兔株門外雪深人跡少渡頭風緊浪
花轟富陽若更求玄解笑倒西天碧眼胡

一切衆主無佛性觸礙箇箇有龍吟東平解撲爲山

鏡龐老曾彈馬祖琴曠劫本來無背面古人真箇好
知音癡兒也道忘言路平地翻為荆棘林

答浮慈和尚韻送壽藏主三首

一氣轉一大藏教却來北斗裏藏身撥開猛烈紅爐
焰拈出清涼白月輪觀面相呈全體露到頭不出此
心真宗師有語皆超卓多少拈匙指人
一氣轉一大藏教塵毛利海現全身洞明自性無生
理能轉如來正法輪三句劈開玄與要兩頭坐斷爲
和真狂機大似藍田石誤殺彎弓射虎人
一氣轉一大藏教金毛獅子解翻身聖凡頓現高臺

文淵

卷一

一

鏡魔外橫飛契鐵輪繩法語言皆是矣但隨聲色便
乖真如今却憶長汀老十字街頭等箇人

宗鏡錄華嚴十種無礙成十偈示僧

一理事無礙

真性皆同刹相殊廓然清淨大毗盧香被箇箇十重
葉影現摩尼五色珠法界森羅元不有宗乘畧唱亦
非無憑君更莫論心境荆棘從來是坦途

二成壞無礙

空中佛國壞還成水面漚花滅又生體用何須論彼
此根塵不必較虧盈三千刹土隨心變二八蟾光逐

候明古往今來手翻覆黃河知是幾回清

三廣狹無礙

廣狹須知不滯形聖凡迷悟在心靈諸般水入方圓
器一等空隨大小瓶菩薩天人依法界修羅蚊蚋飲
滄溟自來平等真如體就急移寬也只寧

四一多無礙

十虛捏聚一毫頭百億毫頭刹海周習習和風薰草
木茫茫大海攝川流綵絲直把明珠貫金像都將寶
鏡收細看目前相入處盡歸方寸莫他求

五相即無礙

文淵

卷一

一

萬法圓成一念中衆生世界盡牢籠光明大小珠相
似赤白青黃色不同畢竟未知何處起如今方信本
來空平常一句如何會日出西方夜落東

六微細無礙

由折皆能一一隨躡幽極取固安移纖毫密洞蜂吞
處九曲珠穿蟻度時芥子孔中藏大海藕絲裏着
須彌際原起自如螢火智者猶因取喻知

七隱顯無礙

千差萬別任縱然不落高低深淨邊聖處即凡凡即
聖圓時能缺缺時圓節文並似初生笋因果渾如未

割蓮但屬自心非外境陰晴同是本來天

八重現無礙

一塵一刹一如來刹刹塵塵靡不該帝釋殿前珠作網梵王宮裏鏡臨臺風休巨浸星辰入日照芳池齒齒開包裹虛空只這是靈明廓徹信奇哉

九主伴無礙

大華藏海舍那身眷屬莊嚴處處真列宿光明瞻玉兔諸王富貴屬金輪江河浪動無非水草不花開總是春一念十波羅蜜滿此中誰我復誰人

十三世無礙

楚石禪師語錄卷十八

十九

水中葫蘆捺得沈非來非去亦非今空花亂落隨流水石笋新抽出遠林林把此言論妙道待將何物比真心永明老子輕饒舌輸我西窓茗椀深

澄靈散聖山居偈如寶藏主求和

因僧問我西來意我話山居是幾年佛祖位中休着脚凡愚社裏且隨肩三間屋子藏山塢萬樹松花照石泉曠大劫來無改變阿難依舊世尊前

寄天童亭中和尚

長庚峯頂白雲間棒劄西來笑展顏幾疊巖巒圍丈室萬株松樹繞禪關當年金碧誰將去今日天龍合

楚石禪師語錄

卷一八

送還老我恰如窺豹者管中時復見斑斑

寄大慈晦谷和尚

靈巖又復轉花巖數到慈雲恰好三我望鄉關千里隔君將佛法一肩擔金毛踞地誰能近玉塵生風不倦談握手未知何處是晚天涼月出東南
佛日普照慧辯楚石禪師語錄卷第十八

音切

椶丁容切 絹古流切 壁偏重切 眠示之切 鮎乃讓切 能奴臺切 音音切 菸於去切 菟徒候切 咤知加切 袂彌銳切 蕭之厚切 檣使力切 磨公恭切 苞博交切 鮓丁回切 舐神兩切

楚石禪師語錄卷十八

三尾

嘉興優婆塞張明廣等張科會勸衆信范應元
俞成民張和道沈紹陶化顏傑金鑑
瑞觀共施張如武
楚石禪師語錄第十八卷見明沙彌真玄對
真州王國英書上元許一科刻
萬曆庚寅秋五臺山妙德菴識

佛日普照慧辯楚石禪師語錄卷第十九
偈頌五

侍者文斌等編

四料揀

奪人不奪境三竿曉日千門靜
桃花樹樹近前池不見佳人來照影
奪境不奪人玉鞭金鐙賞殘春
千紅萬紫歸何處驀地風來卷作塵
入境兩俱奪漠漠長蛇圍偃月
誰敢當頭犯太阿直教萬里人蹤絕

一

楚石禪師語錄卷十九

一

入境俱不奪上下四維春似潑
聖主垂衣日月明將軍放馬乾坤潤

總頌

一具枯骨成牙齒兩片薄皮爲耳
朵昨夜三更失却牛天明起來失却火

四賓主

賓中賓魚目將爲無價珍
瞎眼波斯來打合一般病痛一般貧

賓中主東西不辨喃喃語
手中杖子不曾離錯認燈籠爲露柱

主中賓德不孤今必有隣
玉殿瓊樓無草蓋不知誰是帝鄉人

主中主大用現前沒規矩
金毛獅子一滴血迸散驢兒十斛乳

總頌

何門不向此門歸萬般爐中鐵
疾梨不是山僧多指注大家惜取兩莖眉

四喝

一喝如金剛寶劍劈面揮時難彈閃
不論佛祖與天魔纔有纖毫短痛斬

一

楚石禪師語錄卷十九

二

一喝如踞地師子古塚野狐逢
卽成若是金毛師子兒展開四足搖雙耳

一喝如探竿影草可中誰了誰
不了碧眼胡兒舉鐵鞭玉門關透長安道

一喝不作一喝用十月黃河連底凍
小小孤兒掉尾行這回不要虛驚恐

三玄三要

第一玄釋迦彌勒有何傳人間天上來
還去古井茫茫把雪填

第二玄未曾開口在言前電光石火
親提得鼻孔張

然被我穿

第三玄胡孫上樹尾連顛只因掣斷黃金鎖便把心肝樹上懸

第一要了無奇特并玄妙未曾噉飯肚皮空久不喫茶唇舌燥

第二要門外讀書人來報烏有先生作狀元子虛聽得呵呵笑

第三要只爲慈悲成落草非我非渠也大奇難螟眼裏山河繞

首山綱宗偈

文部

楚石錄卷十九

三

郎君拙非拙體瑩如冰雪背挽兔角弓射落天邊月女兒巧非巧一老一不老騎却水牯牛莫教入荒草

汾陽三訣

第一訣佛祖曾超越莫話未生前休論心路絕

第二訣動靜誰甄別龜毛扇子扇泥牛一點血

第三訣江南并兩浙春和萬樹花冬冷千巖雪

十智同真

其人同得入俊鷄趁不及打破鳳林關穿靴水上立與誰同音吼面南看北斗猴愁樓搜頭狗走抖擻口作麼同生殺向上一路滑潘閻倒騎驢梵志翻著襪

其人同得失判官手裡筆冷水浸冬瓜大家厮濕滑

那箇同具足如賊入空屋拾得麗水金却是藍田玉

什麼同偏普難螟吞却虎船子下楊州大地無寸土

何人同真智無是無不是雪峯曾覲毬俱胝亦豎指

孰與總同叅特地口喃喃苦瓠連根苦甜瓜徹蒂甜

那箇同大事山形拄杖子北人不相鼻南人不相耳

何物同一質三九二十七年是好年日日是好日

黃龍三關

我手何似佛手兩兩三三九九李公醉倒街頭元是

張公喫酒

文部

楚石錄卷十九

四

我脚何似驢脚這裏踏他不著合眼跳過黃河徧界紅輪鐶赫

人人有箇生緣不知誰後誰先趙州八十行脚謝郎只在漁船

寄高麗檜巖至無極長老

當年自說游高麗近日人傳住檜巖曾下不知多少

衆前三三與後三三

五冠山上看飛瀑下有寒潭萬丈深見說神龍降已

久全身入鉢大如鉢

真身舍利無方所東國西天共一家不見彥陽通度

寺神光長繞佛袈裟

聞道江陵有五臺放光石寄一枝來文殊大士分明
現莫道迷雲掃不開

鳴沙灘上試揚鞭無數琵琶自動絃一色玫瑰三百
里渾將錦繡裹山川

金剛一萬二千峯遠近高低各不同那箇峯頭堪着
我他年縛屋隱其中

千重暗室萬年冰喚作瑠璃是假名不隔弟兄相見
眼扶桑夜半日輪明

和梁山十牛頌

文冊

楚石語錄卷十九

五

尋牛

天涯海角徧參尋直入萬重煙嶂深得今朝與明
日綠楊隄畔聽鶯吟

見跡

東西南北路頭多踏踏遺蹤可是麼仔細看來無兩
箇便從今去莫疑他

見牛

隔牆認角又聞聲雨過前村草正青一對眼睛烏律
律通身毛色畫難成

得牛

遶天鼻孔要穿渠直待金繩爛始除向去不須分皂
白和泥合水且同居

牧牛

從來一箇不羈身滿眼雲山滿眼塵今日稍能知觸
淨肯教苗稼犯他人

騎牛歸家

前坡只尺是懷家疊疊春山橫暮霞好箇歸來時節
子一鉤新月掛簷牙

公牛存人

千重雲樹萬重山倒臥橫眠任我閑此景畫圖收不

文冊

楚石語錄卷十九

六

得誰言身在畫圖間

人牛俱亡

返身踏破太虛空一處纔通處處通市地普天無影
跡不知誰解立吾宗

返本還源

一一根門自有功聞聲見色不言聾晨昏總是尋常
事睡起三竿海日紅

入鄺垂手

珍御全拋與麼來分明烏背與魚腮爛天鑑地能奇
特盡使勞生眼豁開

十二時頌

子時大地黑漫漫不待重將正眼觀
枕子忽然拋落地須彌崩倒海枯乾

丑時遠近盡鷄鳴萬想千思睡不成
身在世間閒不得又穿衣服下塔行

寅時邪箇是閒人貴賤賢愚總爲身
只管喧嚷呼不起奴兒婢子也生嗔

卯時漸見日輪高已向塔前走幾遭
鼻孔眼睛恁似鑽千般不顧是眉毛

辰時未免去烹煎火涇柴生滿竈
煙四隻鉢盂三隻

楚石禪師語錄卷十九

七

破一雙匙筋不完全

巳時作務也奇哉門戶支持客往來
對坐喫茶相送出虛空張口笑哈哈

午時赤日正當中五色摩尼耀太空
撲碎都來無一物依然赤白與青紅

未時樹影過窻西覲面相呈剗地迷
從曠劫來無間斷今朝何事隔雲泥

申時一日幾光陰早被桑榆暮景侵
抖擻精神休瞌睡啾啾鳥雀滿園林

酉時紅日下西山草屋柴門及早關
幾箇老烏松

泊清晨飛去夜方還

戌時無事莫開門靜臥寥寥四壁昏
自有光明看不見見時生歎不能吞

亥時洗脚上牀眠生在閻浮大可憐
眠不多時天又曉未知休歇是何年

送玆上人禮祖

珠不曾穿玉不磨渾崙句子絕
誦訛江西特地尋靈骨却是無風雨而波

送道場馨維那

堂裏宣揚十號時陳如尊者亦開眉
轉身問訊出堂

一鼓頌

楚石禪師語錄卷十九

八

去不覺踏翻瑤席池

送立禪人還七閩

玄沙不度飛鳶嶺百億山河拄杖頭
子若歸鄉須驗看秤錘到井忽然浮

送遂藏主歸靈隱

從來佛祖碎玄關萬論千經下口難
未動舌頭俱吐露白蓮峯月照人寒

送賢禪人

聖賢有甚麼奇特鼻孔元來搭上唇
若起一毫增損見當知不是箇中人

送英禪人

英靈衲子久無聞一句當陽三石分不把草鞋輕晒却吳山紅樹越山雲

送玄侍者

學道叅玄俊衲僧千山萬水一枝藤始終不墮人窠臼他日方堪繼祖燈

送虎丘定藏主

睡虎元來是大虫翻身跳出草窠中是凡是聖俱吞却方見揚岐正脈通

送玉泉昌侍者

楚石樵師語錄

楚石樵師語錄

九

布視赫赤紙衣鮮不寫文殊與普賢抖擻更無塵一點肯將淨解汚心田

送虎丘順侍者

白雲飛落劍池傍紙襖新糊玉一方塔影忽然顛倒卓爲渠懸筆寫提綱

送問禪行者

鳳凰山下劄一寨拳旗斬將軍逢人饒伊出得長蛇陣頂罩燒鍾一萬斤

送徑山志書記

山上鯉魚生一角忽然踣跳上青天俱胝道者無尋

處却把龍王鼻孔穿

送容禪人

未別便行多少好須將白紙問人求鳳山未有工夫答且聽松風裏話頭

送昌禪人

一片寒雲海上橫道人正泛鐵舡行夜深珠向龍宮出無限光明動地生

送興禪人之天台

秋風剪剪葉飄飄去天台度石橋一踏便須成兩截昔通年事在今朝

楚石樵師語錄

楚石樵師語錄

十一

謝人送炭

晚來燒起滿爐紅潦倒無能一病翁因憶古人生意在正當臘月有春風

夜坐

地爐兀坐燒殘葉童子酣眠喚不醒空盡大千無佛祖老蟲翻下夜龕燈

送一禪人

出叢林又入叢林渡水穿雲路轉深誰謂他鄉元不隔草鞋步步踏黃金

送日禪人遊南岳

南岳召堯揮太虛道人獨往果何如老猿啼在雲深處
露滴松梢月上初

送明禪人遊天台

五百聲聞不住山何拘天上與人間只消一盞黃茶
水供罷依然舊路還

送有禪人遊南岳

古路迢迢往復回白雲終日令成堆半千尊者無尋
處石上幽花帶露開

送空禪人之姑蘇

洞庭一望水漫漫去路遙隨眼界寬紅蓼白蘋秋正

好不知誰把釣魚竿

翫月

兔有形兮桂有枝何如光影未生時古今翫月人無
數獨許南泉王老師

送清禪人叅方

雪盡莎根轉舊青幽房宿火響空瓶吳山越岫知多
少那取工夫到祖庭

聞子規

啼來啼去一聲聲却笑離人不解聽何處故鄉歸未
得白雲空鎖亂山青

送已禪人

露濕長松曉未乾殷勤送別下層巒前途有問山居
事但道冬來十月寒

因僧請益五祖演和尚語示之

滿城開盡牡丹花未免逢人撒土沙拈起庭前柏樹
子趙州門戶隔天涯

寄憲使士敬王公

綉衣直指向東南百郡趨風盡聳瞻長羨昔年裴相
國解從黃藥句中叅

此事當機覲面提休將祖意問東西相公判筆丘山

重誰謂昇天別有梯

贈南岳山禪人

舊結茅菴岳頂居年深且與世人疎曾坐一釣千峯
上得箇黃鱗綠尾魚

寄同叅

試把虛空打一量虛空只抵一絲長一絲摘斷重量
看赤脚波斯走大唐

祖師留下一隻履東土西天誰往來拋向洞庭湖裏
了却教滄海起塵埃

漁者

釣魚船上謝三郎只在蘆花深處藏高枕綠蓑歌二
曲不知蓬背有嚴霜

因雪示眾

長空片片雪花飛眼底青山見亦稀最是禪庭消未
得五雙十箇不知歸

道童叅政見訪

草庵光裏昔曾培人我山高喝使摧記得省堂重會
面禾城又是第三回
祖意明明百草頭長江自古向東流須知此物非他
物坐臥經行免外求

卷十九

楚石錄卷十九

十三

寒夜寄友

欲問平安半字無天寒夜冷坐圍爐因思熊耳堂前
客謾有青青桂兩株

用韻答國清夢堂和尚

從來眼不見鼻孔東土西乾無祖師八十老僧頭雪
白蒲團禪板且隨時
天人日日雨易施怪爾空生默坐何無夢老禪憎愛
盡新豐曲和莫徭歌

答東山楚材和尚

我苦與君叅徑塢罕逢弟子過於師一千七百浩浩

楚石錄卷十九

卷十九

地翻億大平無事時
鉢盂到覆四天下拄杖橫吞諸佛師不用說頭些子
力放開捏聚總臨時

答妙菴玄首座

飲光不得阿難施續談聯芳奈老何千里同風一句
子漁人舞棹野人謠
好與法燈三十棒却將公案謗先師幸然寂照無傳
授誰記枯龜豎拂持

答瓊西堂

同叅寄我妙伽陀不問如何與若何白雪陽春無此

卷十九

楚石錄卷十九

十四

曲一回擊節一回歌

題船子夾山圖

劈口一橈天在水離釣三寸水連天夾山不解抽身
退尚待率亭覆却缸

同山云直道本來無一物亦未合得他衣鉢頌

云

主人手裏秤高低買賣商量總不齊直是無人酬價
數黃金白壁賤如泥

有僧下九十六轉語末後云設使將來他亦不
受頌云

一路通時路路通誰分南北與西東春風不管鄉談
別到處莠花似舊紅

送傳禪人

傳到無傳是正傳千鈞大法一絲懸當人不費纖毫
力烜赫靈光滿目前

送舜禪人

參見諸方尊宿來草鞋不枉踏塵埃深村古院無奇
特慚愧高人到一回

送瓊禪人之天台

百煉爐中鑄鐵牛一莖草上現瓊樓豐干拍手寒山

支那

楚石語錄卷十九

五

笑誰似渠僂得自由

送因禪人之江西禮祖

百億須彌鞋袋裏無邊刹土鉢囊中叅方若具叅方
眼列祖齊教拜下風

送圓禪人

九夏功圓正此時鉢囊花綻一枝枝東西南北從君
去頂後神光幾箇知

送敬禪人叅方

九到洞山雙眼碧三登投子兩眉橫家家門外通霄
路莫向古人行處行

楚石禪師語錄

卷一九

送初禪人禮五臺

百城初友是文殊行脚叅方信不虛休問清涼山遠
近有緣處處得逢渠

送德禪人之南岳

拈來拄杖化為龍吞却乾坤不見蹤有問又須向伊
道萬年松在祝融峯

送福知客之江西

誰是主人誰是客入門一着已先知馬駒踏殺人無
數只有歸宗眼似眉

送省侍者省母

支那

楚石語錄卷十九

十六

空花要覓生時蒂陽艷須尋起處波不是出家恩愛
重夢魂偏在故鄉多

送安禪人往叅天童

誰道葫蘆醋不酸衲僧帶眼若爲謾長松一望二十
里脚未跨門先膽寒

送先禪人用蔣山韻

曾在獨龍岡上住寶公刀尺合將來將來呈似山僧
看何故囊藏不肯開

送勤禪人禮白塔梅檀像五臺文殊

紫梅檀把黃金裹喚作如來丈六軀端的要知真與

安五臺山頂問文殊

送人禮寶陀十首

大士分明立險關黑風裏面浪中間
拚身入得翻身出潮到沙頭日上山
重重綠樹坐肩髮片片紅霞覆足裙
合掌向前稱不審大千沙界一時聞
海澄爛銀千萬里山堆濃綠兩三重
要知大士深相爲聽取朝朝暮暮鍾
恒沙菩薩盡同名唱出一聲千萬聲
充却舌頭啞却口青山盡處白雲橫

文殊

楚石語錄卷十九

十七

補陀巖是石頭堆日夜潮聲到兩回
莫道觀音不曾現山高海濶賺人來

竺堂

西土大仙門戶別古今能有幾人登
黃頭碧眼藩籬外入室輸他俊衲僧

鐵壁

千尋峭石勢崔嵬總是純剛打就來
碧眼胡僧覩不破春風日日綉蒼芒

友巖

最難知是結交心鐵壁銀山百萬尋
生歟兩岐俱識

文殊

楚石語錄卷十九

十八

破石頭大小盡黃金

寶山

空手入來空手去黃金堆垛玉玲瓏
等閒提起一根草萬劫千生用不窮

無住

機輪轉轉見應難盤走珠兮珠走盤
猶怪盤珠有痕跡暮雲飛盡碧空寒

汝海

楚王城畔水東流未入滄溟不肯休
到了何曾分爾我一般波浪拍天浮

文普門曾不隔天涯

有一觀音在面門舒光烜赫照乾坤
曉風吹上盤陀石東望扶桑特地昏
觀音頂上戴彌陀心法何曾歇琢磨
莫道聖凡相去遠須知大海本同波
萬種千般在一心寶陀巖上覓觀音
直饒見得分明了依舊雲遮紫竹林
上人發足往南方大士眉間已放光
記取重重相爲處海濤推日上扶桑
五更日上金鏤海萬里朝來雪滾沙
一念信心知是

流出曾襟蓋天地小爲一滴大無邊明知不是他家
事只者波濤漲百川

太虛

內外空空無一物山河大地盡包藏踏翻有海塵勞
息打破乾城劫數長

元菴

三間茅屋從來住百鳥銜花幾度春戶底門頭雖換
了依然不改舊時人

大經

釋迦老子口門窄般若華嚴小脫空將謂涅槃包得

題

楚石齋集卷十九

十九

盡摩訶兩字未開封

大愚

用巧人多用拙稀心如木石太無知就中自有分明
處懵懂元來不是癡

無盡

祖祖相傳只這是佛佛授手亦如新海波乾又須彌
碎不見虛空有爛時

定山

屹然常在白雲中不比飛來小小峯幾度毗嵐翻海
岳何曾動着一株松

楚石齋師語錄

卷一

竹所

香巖一擊便忘知大地平沈正此時打雨敲風千萬
箇青青總是歲寒枝

春泉

東風浩浩水潺潺不隔千山與萬山識得根源何處
起任流花片落人間

梅叟

看到南枝又北枝從教兩鬢白如絲幻華滅盡留眞
實正是青青著子時

無旨

題

楚石齋集卷十九

二十

世尊何法可教揚迦葉從來不覆藏且自栽田博飯
喫說禪浩浩任諸方

蓬隱

圓嶠方壺深更深白雲一色蓋瓊林從來不與時人
隔却笑人來海上尋

道林

本因言語顯無言不住中間與兩邊荆棘梅檀俱剗
却免教枝葉惹風煙

無得

石女腰邊裁兔角鐵牛背上刮龜毛草菴忽卸瑠璃

瓦古井蓬塵十丈高

道山

無心尚隔一重關險峻方知到頂難試問六年成底事凍雲深鎖雪漫漫

竺隱

五天居處絕埃塵只見青天不見人畢竟藏身沒蹤跡沒蹤跡處莫藏身

正宗

掀翻海岳振乾坤南北東西此道尊臨濟德山無棒喝不知將底付兒孫

楚石語錄卷十九

楚石語錄卷十九

三

大綱

四海都將一網收不須重下釣鼈鉤看他衆目分張處無限魚龍在裏頭

翠庭

歲寒常愛色青青曾是神光立到明階下任堆三尺雪祖師門戶未常局

劍關

一握吹毛凜似霜揮來那箇敢當場與君放出其中主百萬魔軍總被降

大千

百億須彌方捏碎恒沙世界又搏成藕絲竅裏挨紅日一片山河似掌平

靈仲

虛明一點從何起只在尋常日用中畢竟難護破靈墮但將泥瓦合虛空

別峯

峭魏巍地插天青峻壁懸崖有路登莫謂此中山勢險前頭更有最高層

象外

有形有相落凡塵無相無形未是真不在範圍天地

楚石語錄卷十九

楚石語錄卷十九

三

內數聲清磬一閑人

無邪

偏中正與正中偏仔細推來着兩邊和這二邊都掃却一輪明月掛中天

一初

纔舉此心成第二寂然不動也非親須知佛法無多子坐斷乾坤日見真

實菴

拈却虛頭一着子入門不要問西東單單只把空拳豎大坐當軒振祖風

天然

昔日丹霞騎聖僧馬師方便為安各人人具足如斯體不是因緣造作成

鏡堂

鑄出元非百鍊銅照持方信本來空白銀為壁黃金延試問何人住此中

復初

返本還源一句子恰如混沌未分開明明數一為千萬千萬重歸一上來

佛日普照慧辯楚石禪師語錄卷第十九

音切

楚石語錄卷十九

三

音切

鐙

鐙

鐙

閃

閃

閃

閃

閃

閃

閃

閃

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

鐙

嘉興陳氏 沈氏 楊氏 濮氏 陶氏 共 施 刻
楚石禪師語錄第十九卷 昆明沙彌真玄對
真州王國英書 宋水端鑿
萬曆庚寅秋五臺山妙德恭錄

佛日普照慧辯楚石禪師語錄卷第二十
禪著 水端鑿及行狀卷終

侍者中端正參等編

入上人血書華嚴經跋

夫常住真心舉一塵而塵塵顯現難思妙德修一行而行行全彰喻眾色之依空若干波之市海始從信地無位不周終至覺場本體何別然眾生迷於妄念不知即妄以明真諸佛照於圓宗所以唱玄而設教事非報化之末跡理絕凡聖之常談今古熾然物我交徹此禪華之大旨為羣經之元首也與比丘悟入

音切

楚石語錄卷二十

一

證十法界入重玄門泯性相而不無示身心而非有

刺血為墨書寫是經下筆時親見普賢彈指處已叅

慈氏積劫求之而不足半偈得之而有餘當令神物

護持廣作世間饒益

血書蓮經跋

妙理虛玄真乘湛寂念而無念甘露沃其心持而不持金印封其口所以分身佛集多寶塔來遠近同歸古今共貫三世如來法施之式十方菩薩悟入之因謾勞歷劫證修不出剎那圓具然鐘鼓非禮樂之本而器不可去文字非宗乘之極而書不可無因筌以

得魚藉指而觀月昔藥王然身於淨明德佛釋迦屈體於阿私陀仙卽以不堅之身了於常住之法慧光蘭若比丘德慧刺血而書此經畢命以弘斯道毫端散綺諸天莫不雨花紙上流金大地爲之震動譬夫膏油相續而燈不滅條甲無間而木向榮慎厥終惟其始佛法無多子久長難得人勉之

經王尊貴祕藏幽深究竟絕於名言方便令其悟入自如來開演出彼千齡及羅什再翻成茲七軸受持讀誦如飲海以無邊書寫流通若量空而不盡潛利陰益妙用恒沙隨喜讚揚神功匠測粵有比丘惟德

藏師

楚石語錄卷三

二

者丹誠貫日素檢懷霜念得度之緣非師不具臻報恩之極捨佛何由由是發起行雲煉磨心地歷十指血終七軸經以報師恩以酬佛蔭推此志也豈小緣哉凡我同流宜加讚歎

書楞嚴經

性覺妙明亘古今而不變本覺明妙在迷悟而皆如假喻虛空而不空發揮羣相而非相超乎聞見異彼因緣交光相羅彌滿清淨十方諸佛同宣了義之玄旨一切衆生咸具圓通之正體只爲客塵擾擾豈知日用昭昭耳目所拘執解騎聲益色根塵未脫安能

息慮忘緣墮情想之樊籠感昇沈之業報譬如青目暈此明燈宛若漚花發於巨海外列山河世界中分鬼畜人天本因緣妄而成莫匪燈勞而現四三宛轉十二輪環生死成生有無無有直下斷除愛欲還他調御丈夫自今疾至菩提教我多聞弟子超越五蘊區宇廓清十種禪那如能宣此呪心乃可制諸外道利人利己世出世間證不動尊成無上覺未城澄照冰彌智祚少年苦行銳志禪門具足燦迦羅心書寫首楞嚴典一誠注相十咏奏功警畢世以受持命讚才而稱述姑伸梗槩甚愧荒蕪云爾

藏師

楚石語錄卷三

三

題十六羅漢畫卷

梵語阿羅漢此翻殺賊應供無生中含三義故東土不翻殺賊者是殺無明賊應供者應天上人間之供無生者了自性涅槃本自不生今亦非滅般若云斷順上分五結永盡名阿羅漢上五結者一色愛謂色界愛二無色愛謂無色界愛三無明謂心不了四掉謂心躁動五慢謂心自高華嚴云上品十善以智慧脩習心狹劣故怖三界故關大悲故從他聲聞而解了故名聲聞乘此阿羅漢唯佛一人能訶責之令其進修不已而圓佛果餘小衆生不宜輕忽但當恭敬

供養求福世出世間而爲津梁外書云千里之行始於足下九層之臺起於累土夫豈不然哉

大悲像記

大悲千手眼者觀音大士應化之身也恭惟大士因地行願可得而言者已備載於諸經若曰神功聖德千變萬化益不可得而思議也假使有人以百億須彌山爲筆以百億大海水爲墨以百億娑婆世界爲紙始從今日盡未來際大書特書屢書不一書以摺撫之於百千那由他恒河沙不可說不可說轉分中未能書一分也復次有人以十方空諸佛國土稻麻

楚石語錄卷二十

楚石語錄卷二十

四

竹菁草木叢林悉爲微塵一一塵悉化無量身一一身悉具無量舌一一舌悉縱無量辨始從今日盡未來際顯說密說晝夜說無間歇以贊詠之於百千那由他恒河沙不可說不可說轉分中未能說一分也雖然多之所宗之謂一一卽一切一切卽一其小無內其大無外若然者雖以一丸之土一指之木一銖之金爲之像設亦何異於百萬三千大千世界之身座乎至正四年秋予來主壽山明年與衆議建萬佛寶閣又明年閣成又明年而得耆舊比丘若欽施財造大悲像明年而功就於戲法身固不可以數測今

139 楚石禪師語錄

示其小者特丈六之軀耳其面二十有一其手一千有八其目則如其手之數而加面焉其四十二手各有所執光瑛於座座承於足由足下座石至頂上化佛高凡四十尺有奇木用楠桐髹用朱漆金用純金日光在左月光在右善財龍女常天大權以次列侍驟開戶而望之晃晃乎若七金之山來從海上而屹立於前也大哉施心固不可以物計今標其信者特緡錢一萬餘耳亦豈易耶嘗歎欽之積財儉不爲已既重飾大殿佛像而復力爲此像人方口之而不置欽獨謙之而不伐斯人也將欲警夫後人也故有作

楚石語錄卷二十

楚石語錄卷二十

五

焉後人也將欲繼夫斯人也宜有述焉若無作又無述雖有此記誰無此記若有作又有述雖無此記誰有此記是不可不記也龍集己丑至正九年春住持梵琦撰

重修釋迦如來真身舍利寶塔頌

諸佛如來出現於世莫不皆示八種之相從初降神誕生乃至出家修道降魔成佛轉法輪最後入涅槃碎紫金軀爲八萬四千舍利使天人龍鬼造塔供養罪滅福生終在菩提我本師釋迦牟尼如來此云能仁寂默當現在賢劫第四佛住兜率天爲護明大士

卷二〇

滿足天尊四千歲補處時至於是下生迦維羅衛國淨飯王宮乘日象入摩耶夫人胎十月滿足從右脇而誕當東震旦國周昭王二十四年甲寅歲四月八日也至四十二年二月八日遊四門踰城出家時年十九歷試邪法摧伏外道穆王三年癸未歲二月八日明星現時成道爲憍陳如等五人轉四諦法輪皆證道果住世說法四十九年後告上首神足摩訶迦葉云吾以清淨法眼涅槃妙心實相無相微妙法門分付於汝汝當護持并勅阿難副貳傳化無令斷絕又付金縷僧伽梨衣轉授慈氏付囑訖卽於熙連河

文部

楚石語錄卷二十

六

側娑羅雙樹間右脇累足泊然而逝實穆王五十二年壬申歲二月十五日也閻維火滅八王共分舍利歸國建塔競畱供養滅度一伯年有王名阿育此云無憂取諸塔中所有舍利八萬四千顆造八萬四千塔閻浮聚落滿一億家者耶舍尊者遣鬼神以一塔鎮之按宣律師感通錄震旦塔凡十三所劉薩訶所禮者獨明州阿育王寺舍利光明特盛至誠祈禱必彰感焉梵琦生緣象山九歲出家便聞建塔功德最大往往默感於心天曆元年戊辰歲二月三日住持海鹽州天寧永祚禪寺時年三十四壬申歲建千佛

閏元統二年甲戌歲夢龍王獻寶因募塔緣檀施日臻後至元二年丙子歲春龍化蜿蜒之形於丈室五彩畢備四方來觀之凡兩月而去及塔成復來隱見非一至今祀爲應夢龍王夏填築塔基三年丁丑歲九月二十三日子時起手建塔至辛巳歲奏功凡七層八面高二十四丈莊嚴綺麗見者皆悅越十二年兵興已亥秋失寶瓶計白金二伯兩當是時謝事嘉禾天寧結庵閑居衆請再領寺事乃造鑰石寶瓶取至正二十四年甲辰秋九月二十四日奉瓶修塔天雨寶花明年乙巳歲七月泥葢方畢自丁丑至乙巳

文部

楚石語錄卷二十

七

凡二十有九年矣梵琦年七十瞻禮旋繞歡喜踴躍百拜稽首而說頌言如來舍利無有邊不啻八萬四千顆天上人間所造塔其數過於恒河沙金銀真珠與瑪瑙車渠琥珀及瑪瑙或用玻梨水晶等并黑沈水赤梅檀種種雜鏤巧嚴飾所獲妙果不思議或奉一花供一香或但低頭合指爪或繞一巾禮一拜莫不皆坐菩提場或以香水洒其地或磨香泥塗其壁或燒油燈作光曜無有不圓佛智者已去釋迦滅度久塔爲第一之福田益如棗葉剎如針其影巍然至梵世譬如虛空平等

入不離塵隙芥子孔我今興建大浮圖亦有先佛眞身住廣博嚴麗包法界一切如來處其中諸大菩薩及聲聞莫不俱來受供養天龍八部咸詞護凡有目者悉觀瞻明月寶珠置其頂寶篋眞言實其腹入夜銀缸射星斗熾然花開天樹王八角風鈴演妙音七層欄檻共圍繞普爲衆生作饒益功德高厚若須彌亦如大海納百川亘古亘今鎮長在願共法界諸合識同得往生極樂國

韋陀尊天贊

妙高四埧南有提婆其下將軍名曰韋陀位在童眞

聖石經卷二十

護我支那兜鍪鎖甲持旂降魔二十八部三十二將將中最賢帝釋所仗坐則爲起背則爲向護善遮惡積德修行末世比丘稟戒不全起居食息實賴尊天如跛得杖如渡得船受佛付囑願海無邊

水陸陞座

洪武元年九月十一日欽奉

聖旨於蔣山禪寺水陸會中陞座

師云眞如淨境界一混未嘗杼能隨染淨緣遂成十法界法界者衆生心也衆生心卽佛心大哉心乎無形無相充徧十方亘古亘今包含萬有但在

衆生分上一向深用謂之無明諸佛分上一向淨用謂之佛性無明佛性是二俱空然而衆生不了於空無明所惑從無量劫而至今世因身口意起貪嗔癡貪行多者二萬一千嗔行多者二萬一千癡行多者二萬一千等分行者二萬一千共造八萬四千諸煩惱業生羅王憲死在地獄動經劫數未有出期古德有言一切苦果因業而受受盡還無何苦之有豈不見梁朝傳大士心王銘云觀心空王微妙難測無形無相有大神力能滅千灾成就萬德體性雖空能施法則觀之無形呼之有聲

聖石經

聖石經卷二十

九一

爲之法將心戒傳經水中鹽味色裏膠青決定是有不見其形又云欲求成佛莫染一物心性雖空貪嗔體實入此法門端坐成佛豈起拂子云還見麼無量壽世尊卽今在拂子頭上放大光明普照十方盡虛空徧法界不可說不可說又不可說極微塵數三千大千世界百億日月百億四天下百億四大海百億五須彌百億欲界天宮殿百億色界天宮殿百億無色界天宮殿於中一一世界天宮殿內皆有菩薩海眾圍繞隨機說法各各不同頓說漸說實說權說縱說橫說顯了說蓋覆說凡

有所說皆說此心何一理而不圓何一事而不備
何一塵而不攝何一刹而不收這裏見得未度令
度未解令解未到彼岸者令到彼岸未證涅槃者
令得涅槃

皇恩佛恩一時報畢其或未然更添注脚去也擊拂
子云還聞麼這裏聞去諸人耳在一聲中一聲普
徧諸人耳此是觀音大士圓通法門十方俱擊鼓
十處一時聞此是圓真實隔垣聽音響遐邇俱可
聞此是通真實聲無既非滅聲有亦非生生滅二
緣離是則常真實是故諸佛於此得之徧十方界

支那

楚石語錄卷二十

十一

成等正覺菩薩於此得之圓滿六度萬行獨覺於
此得之洞明十二緣生聲聞於此得之三明六通
證八解脫諸天於此得之高超十地人倫於此得
之具足衆善修羅於此得之永絕憍慢地獄於此
得之咸脫苦輪乃至餓鬼旁生并及四生九類一
切含識於此得之莫不悟自心佛成自心佛金剛
般若云過去心不可得未來心不可得現在心不
可得心既不可得佛亦不可得菩薩亦不可得獨
覺亦不可得聲聞亦不可得諸天亦不可得人倫
亦不可得修羅亦不可得餓鬼旁生四生九類一

切含識亦不可得此不可得亦不可得永嘉大師
道了了見無一物亦無人亦無佛大千沙界海中
區一切聖賢如雷拂所以二祖神光叅初祖菩提
達磨曰我心未寧乞師安心初祖云將心來與汝
安神光云覓心了不可得初祖云與汝安心竟以
拂子劃一劃云劃斷葛藤正與麼時果滿功圓一
句作麼生道將此深心奉塵刹是則名爲報
國恩欽惟

皇帝陛下英武仁聖制平海內子育兆民九夷八蠻
罔不賓服是以梯山入貢航海獻琛元年大赦天

支那

楚石語錄卷二十

十一

下洽以寬恩無辜冤枉亦蒙濟拔

特賜銀帑命善世院就蔣山禪寺修建冥陽水陸

大齋一晝夜於中作諸佛事供佛賢聖天地神祇

三界鬼神并召臣僧梵琦舉唱宗乘所集功勛並

用超度四生六道無辜冤枉悉脫幽冥往生佛土

成就菩提所願如意珠爍破無明窟智慧劍截斷

生歟根因大法以悟心趣樂邦而見佛復舉梁朝

武帝請傳大士講經大士登座揮尺一下寶公菩

薩謂帝曰陛下還會麼帝默然菩薩云大士講經

竟師拈云今日

聖恩令臣僧梵琦陞於此座舉揚第一義諦普願還流同成佛道釋迦老子四十九年說不盡底細大法門盡被傳大士一時吐露了也且道節文在什麼處冥陽水陸大齋緣徧滿三千與大千東走金烏西玉兔上竊碧落下黃泉永拋業識無明海高坐如來妙寶蓮恩重須彌何以報祝延

聖壽萬斯年

洪武二年三月十三日欽奉

聖旨於蔣山禪寺水陸會中陞座

師云震法雷擊法鼓布慈雲今洒甘露即今法雷

一

楚石錄卷二十

十三

麼生會良久云不起纖毫修學心無相光中常自在又云不是心不是佛不是物是箇什麼明白道了也更解註那此事不在言語上十雙五箇作言語會苦哉屈哉香嚴和尚道如人上樹手不攀枝脚不踏枝樹下忽有人問祖師西來意若答他則喪身失命若不答他則違他所問答則是不答則是大慧和尚云我這裏禪如一團火相似若觸他則燒殺你若背他則凍殺你只如永嘉大師有兩句子與賊過梯道什麼鏡裏看形見不難水中捉月爭拈得平如鏡面險似懸崖金剛取泥處是

一

楚石錄卷二十

十三

已震法鼓已擊慈雲已布甘露已洒且道山僧說甚麼法說向聲聞乘法耶說向獨覺乘法耶說向菩薩乘法耶說向阿耨多羅三藐三菩提法耶說向凡夫界法耶教中道法界中無有法名向聲聞乘向獨覺乘向菩薩乘向阿耨多羅三藐三菩提無有法名向凡夫界無有法名向洙向淨向生向向涅槃何以故諸法無二故譬如虛空若去來今求不可得然非無虛空據實而論只遮虛空早是釘橛了也雲門手中扇子踣跳上三十三天觸著帝釋鼻孔東海鯉魚打一棒雨似盆傾諸人又作

我屋裏人知得更饒箇古話吾宗第四祖優波鞠多尊者因一族姓子出家夜投天寺宿尊者乃作方便化一夜又擔一死人來更有一夜叉空手而至二鬼共諍一言我擔死人來第二者言我擔死人來前一鬼言我有證人此人見我擔死人來時此人念言我今必定死應作實語語後鬼言此死人者前鬼擔來非是汝許後鬼大瞋拔其一臂前鬼以死人臂還續如故後鬼復拔一臂前鬼更拔死人臂還復補處後鬼拔其兩脚前鬼悉以死人脚補之如本如是二鬼共食所拔新肉即便出去

此族姓子豁然大悟今日

聖天子普度幽冥令臣僧楚琦說法度諸佛子所與一言之下泮然無疑知一切法卽心自性成就慧身不由他悟如夢忽覺如蓮花開正恁麼時如何舉似一百五日近清明上元定是正月半復舉昔有士人撰無鬼論鬼現身云我輩士人無對後來五祖演和尚代以兩手合作鵝鵲云谷谷呱師拈云五祖和尚可謂是千聖頂上拈來萬人叢中指出語默所不到情解所不及向上一句作麼論量常憶江南三月裏鷓鴣啼處百花香

楚石語錄卷二十

楚石語錄卷二十

十四

楚石和尚行狀

師諱楚琦字楚石小字曇曜明州象山人姓朱氏父杲好善有隱德母張事佛惟謹以大元元貞二年丙申之歲六月丁巳夢日墮懷中而生師師在襁褓中有神僧來見之謂其父曰此兒佛也他日必當振佛法照曜濁世宗族鄉黨因以曇曜字之四歲失怙恃祖母王氏鞠之口授以論語輒能成誦或問書中所好者何語卽應曰君子喻於義六歲善屬對七歲能書大字詩書過目不忘一邑以奇童稱之九歲抵西泚從海鹽天寧訥翁模公受

經業又依從族祖晉翁洵公於湖之崇恩趙文敏公以先隴在崇恩數往來其間每見師異之爲鬻僧牒禮訥翁得度年十六於杭之昭慶受具戒爲大僧是時文采炳蔚聲光藹著兩浙名山宿德爭欲招致座下徑山虛谷陵天童雲外岫淨慈晦機熙各有龍象數伯更稱譽之年二十晉翁遷道場命爲侍者旣又俾典藏鑰一日閱首楞嚴經至緣見因明暗成無見不明自發則諸暗相永不能昏因有省入由是閱內外典籍宛如宿習然於佛祖向上一着終有滯礙元叟端和尚主徑山道望重

楚石語錄卷二十

楚石語錄卷二十

十五

天下師往參次卽問如何是言發非聲色前不物叟遽云言發非聲色前不物速道速道師擬進語叟震威一喝師乃錯愕而退會英宗皇帝詔善書者赴闕金書大藏經師在選中辭叟遂行旣至館於萬寶坊近崇天門一夕睡起聞綵樓上鼓鳴豁然大悟徹見徑山爲人處述偈曰崇天門外鼓騰騰驀剗虛空就地崩拾得紅爐一片雪却是黃河六月水實甲子正月十一日也是歲東歸再參元叟於徑山叟迎笑曰且喜汝大事了畢自是師資徵決佛祖機緣渙然笑叟遂以第二座延之而學

者多諮扣焉未幾以行宣政院命出世海鹽州之福臻一香供元叟是爲妙喜五世云天曆戊辰遷州之天寧至元乙亥遷杭之報國至正甲申遷嘉興郡之本覺丁亥帝師錫號曰佛日普照慧辯禪師丁酉遷郡之天寧己亥有退休志以海鹽天寧有山海之勝遂築寺西偏以居引自號西齋老人癸卯寺主者祖光告寂州大夫強師復主寺事戊申舉得法上首景獻自代而復老於西齋焉

皇明啓運混一海宇

天子念將臣或及於戰民庶或歿於兵宐以釋氏法

楚石錄卷二十一

十六

設冥以濟拔之於是以洪武元年九月十一日徵

師說法於蔣山廷臣奏其說

上大悅明年三月復用元年故事再徵於蔣山說法

上聞其說又大悅十五日

賜宴文樓下親承

勞問

詔館於天界寺十日及行出內府白金以

賜又明年秋

上以鬼神之理甚幽意先佛必有成說宜徵其徒之

嘗爲師德者問焉於是荆水東西被

召者凡十有六人予與師泊夢堂噩公與焉七月十二日至天界館於方丈

上命禮部官勞又命膳部賜薪米等物尋以所問命講究明白候齋日奏對而師以二十二日示微疾然與諸師援據經論辨嚴其理自若也二十六日忽索浴更衣跏趺書偈曰真性圓明本無生滅木馬夜鳴西方日出置筆謂夢堂曰師兄我去也堂曰何處去師曰西方去堂曰西方有佛東方無佛耶師乃震威一喝而逝禮部官以遺偈聞

上爲嗟悼久之翰林學士宋公景濂危公太樸與師

楚石錄卷二十一

楚石錄卷二十一

十七

爲方外友尤痛惻焉龕奉四日顏色愈明潤緇白

瞻禮如佛涅槃天界住持白菴金禪師乃古鼎銘

和尚嗣法上首師之法門猶子也凡後事莫不盡

禮同召諸師咸以法供養焉時例禁火化

上以師故特開僧家火化之例是日天宇清霽送者

千餘人火餘牙齒舌根數珠不壞舍利五色紛綬

遺骸參學弟子文晟奉其遺骸及諸不壞者歸海

鹽以八月二十八日葬於西齋而塔焉師平日度

人或以文字而作佛事六會語梓傳已久外有淨

土詩慈氏上生偈北遊集鳳山集西齋集又有和

天台三聖詩永明壽禪師山居詩陶潛詩林逋詩
總若干卷竝行於世師所在施者雲集凡所營建
咄嗟成功在海鹽天寧建大毗盧閣範銅肖毗盧
遷那佛千佛文殊普賢大悲千手眼菩薩等像位
置上下相好殊勝又建寶塔七層高計二百四十
餘尺塔成忽偏倚欲仆師懼禱于佛一夕大風雨
州民聞空中有聲曰急往天寧救塔明日塔乃四
正如初及師再來塔以兵燹殆廢且失頂之寶瓶
師復鳩施完葺之時景獻為徑山書記以錢命鑄
寶瓶補之上瓶之曰天花紛雨異香滿空州民聚

跋

楚石錄卷二十

六

觀駭嘆無已在本覺建大閣上以奉萬佛下以奉
大悲菩薩十地菩薩閣之雄偉像設之莊嚴殆冠
西泐師為人身短小而忘器弘大體無為而神應
莫測熾然作用無非以實相示人俾之悟焉證焉
而後已故雖有營建之美辭辨之富而實無作也
無說也譬猶春之於花月之於水所可形容者影
與色香耳道化所被薄海內外高麗日本學者尤
欽慕焉世壽七十五僧臘六十有三得度者若干
人嗣其法者若干人景獻文晟將謁辭於當代大
手筆以銘其塔以昭示來學請予錄其行實予始

在徑山與師交甚厚又同稟法於元叟和尚其後
往來東西浙得師出處為詳洎師示滅又親覲其
光明之妙不可辭也第以衰病紀次繁陋然立言
君子於斯或有所稽焉洪武庚戌九月初吉前住
紹興府崇報禪寺法弟至仁謹狀
佛日普照慧辯禪師塔銘有序
皇帝即位洪武之元年端居穆清憫念四海兵革將
卒民無多歿於非命精爽無依非佛世尊不足以
度之秋九月
詔江南大浮圖十餘人於蔣山福壽寺作大法會時楚

跋

楚石錄卷三

十九

石禪師實與其列師升座說法以聳人天龍鬼之
聽竣事近臣入奏

上大悅二年春三月復用元年故事

召師說法如初錫燕於文樓下親承

顧問暨還出內府白金以賜三年之秋

上以鬼神情狀幽微難測意遺經富有明文妙東僧

中通三藏之說者問焉師與夢堂璽公行中仁公

等應

召而至館于大天界寺

上命儀曹勞之既而授據經論成書將入

師教秦師忽示微疾越四日趣左右具浴更衣索筆書偈曰真性圓明本無生滅木馬夜鳴西方日出書畢謂夢堂曰師兄我將去矣夢堂曰子去何之師曰西方爾夢堂曰西方有佛東方無佛耶師厲聲一喝泊然而化時七月二十六日也天界住持西白金公法門猶子也為治後事無不盡禮特制火葬有禁禮部以聞

上特命從其教荼毗之餘齒牙舌根數珠咸不壞設刊羅粘綴遺骨粲然如珠其弟子文晟奉骨及諸不壞者歸於海鹽卜以八月二十八日建塔于

天寧永祚禪寺葬焉既葬祠法上首景徽復偕文晟以仁公所造行狀來徵銘仁公博通內外典文辭醇奧有西漢風其言當可信弗誣謹按狀師諱梵珙楚石其字也小字曇曜明州象山人姓朱氏父录母張氏張夢曰墮懷而生師方在襁褓中有神僧摩其頂言曰此佛日也他時能照燭昏衢乎人因名之為曇曜云年七歲靈性穎發讀書即了大意或問所嗜何言即應聲曰君子論於義至於屬句做書皆度越餘子遠近號為奇童九歲棄俗入永祚受經於訥翁模師尋依晉羽洵師於湖之

崇恩洵師師從族祖也趙魏公見師器之為高僧牒得難染為沙門繼住杭之昭慶受具足戒年已十有六矣洵師遷住道場師為侍者居區何命司藏室閱首楞嚴經至緣見因明暗成無見處恍然有省歷覽羣書不假師授文句自通然膠於名相未能釋去纏縛聞元叟端公倡道雙徑師住問云言發非聲色前不物其意何如元叟就以師語詰之師方擬議欲答叟咄之使出自是羣疑塞會如填鉅石會元英宗詔粉黃金為泥書大藏經有司以師善書選上燕都一夕聞西城樓鼓動汗下如

雨拊几笑曰徑山鼻孔今日入吾手矣因成一偈有拾得紅爐一點雪却是黃河六月水之句翻然東旋再入雙徑元叟見師氣貌克然謂曰西來密意喜子已得之矣遽處以第二座且言妙喜大法盡存於師有來參叩者多命師辯決之元泰定中行宣政院稔師之名命出世海鹽之福臻遂升主永祚永祚師受經之地為創大寶閣範銅鑄賢劫千佛而毗盧遮那及曼殊師利普賢千手眼觀音諸像竝置其中復造塔婆七級崇二伯四十餘尺功坐就勢將偏壓師禱之夜乃大雨風居氓聞鬼

神相語曰天寧塔偏垂往救之運明塔正如初遷杭之報國轉嘉興之本覺更構萬佛閣九楹間宏偉壯麗儼如天宮下移人世帝師嘉其行業賜以佛日普照慧辯禪師之號佛日頗符昔日神僧之言識者異焉會報恩光孝虛席僉謂報恩一郡巨刹非師莫能居之師勉徇衆請而往尋退隱永祚築西齋爲終焉之計至正癸卯州大夫強師主其寺事時塔燬于兵師重成之景獻爲代復歸老于西齋云師爲人形軀短小而神觀精明舉明正法滂沛演述有不知其所窮凡所蒞之處黑白衢墓

〔文淵〕

楚石語錄卷三十

二十三

如水歸壑一彈指間湧殿飛樓上插雲際未嘗見師有作君子謂師縱橫自如應物無跡山川出雲雷蟠電掣神功收歛寂然無聲由是內而燕齊秦楚外而日本高麗咸各決心要奔走座下得師片言裝潢襲藏不翅拱壁師可謂無愧妙喜諸孫者矣師世壽七十五僧臘六十三得法者若干人受度者若干人其說法機用則見於六會語其遊戲翰墨則見於和天台三聖及永明壽陶潛林逋諸作別有淨土詩慈氏上生偈北遊鳳山西齋三集通合若干卷竝傳于世余慕師之道甚久近獲執

手護龍河上相與談玄因出贍語一編求正師覽已嘆曰不意儒者所造直至於此善自護持之師善誘推此一端亦可槩見及聞師歿與國史危公哀悼不自勝危公亦深知師者也銘曰
大鑒密旨餘十傳妙喜起蹴龍象筵有如大將據中堅鐵卒十萬佩褰轡或觸之者命髮懸誰欺五世稱象賢佛日曉出瀛海暝紅燄閃閃行中邊派光所至無幽玄憶初飛錫來北燕彤樓畫鼓金星纏一擊三際皆廓然火中新敷清淨蓮紺色涵空絕羣牽自茲口噴百丈泉洗滌五濁離腥羶內而

〔文淵〕

楚石語錄卷三十

二十三

諸夏外朝鮮紛紛來者人駕肩示以實相非空言塔廟赫絕名山川一佛能變萬與千會萬歸一道則全不識誣爲有漏緣
帝勅中使來傳宣鍾山說法絕流緣萬人瞻依曲兩拳一朝入滅同蛻蟬西方彈指即現前白玉樓閣瑠璃田金鈴寶樹演眞詮師之往矣神弗遷寂光常定無偏圓我作銘詩翠琰鐫昭朗盛烈坐年年翰林學士亞中大夫知

制誥兼修

國史金華宋濂撰并書

翰林侍講學士中順大夫知

制誥同修

國史臨川危素篆題

佛日普照慧辯楚石禪師語錄卷第二十

音切

瞪直井切 譚徒甘切 拈徒甘切 運徒甘切 撫徒甘切 縣徒甘切 蛇徒甘切 涎徒甘切

醞徒甘切 割徒甘切 璞徒甘切 璣徒甘切 璣徒甘切 璣徒甘切 璣徒甘切 璣徒甘切

醞徒甘切 割徒甘切 璞徒甘切 璣徒甘切 璣徒甘切 璣徒甘切 璣徒甘切 璣徒甘切

醞徒甘切 割徒甘切 璞徒甘切 璣徒甘切 璣徒甘切 璣徒甘切 璣徒甘切 璣徒甘切

醞徒甘切 割徒甘切 璞徒甘切 璣徒甘切 璣徒甘切 璣徒甘切 璣徒甘切 璣徒甘切

醞徒甘切 割徒甘切 璞徒甘切 璣徒甘切 璣徒甘切 璣徒甘切 璣徒甘切 璣徒甘切

卷第二十

三

了堂惟一禪師語錄

元
·
了堂惟一
宗義
撰
編

了堂和尚語錄總目

卷一

慶元路延慶寺語錄

台州路紫羅山廣度寺語錄

卷二

慶元路天寧寺語錄

天童寺語錄

頌古

讚語

自讚

卷三

偈頌

小佛事

卷四

後錄

了堂和尚語錄卷第一

初住慶元路延慶寺語錄

門人 宗義 省端 編

師於至順元年庚午秋八月初四日在本路萬壽禪寺首座寮受請次日入寺指山門云頂門具眼未舉先知水到渠成雲開月現

佛殿燒香云主佛已前一段奇特大事今朝覲面相呈便禮拜

據室明鏡當臺物來斯照錦鱗躍浪鈍鳥棲靈陞座拈香云此香端爲祝延

今上皇帝聖躬萬歲萬歲萬歲陛下恭願金輪統御壽等乾坤玉燭均調明踰日月次拈香云嗅之則全無氣息用之則炙地熏天人言價重婆娑我謂分文不直燕向爐中供養前住平江路薦嚴禪寺楊岐第十一世竺元道和尚用酬法乳之恩歎衣就座上首白椎云法筵龍象衆當觀第一義師云機先覓妙空裏栽花語下求玄水中捉月如有作家禪客不妨

對衆決疑 僧問一人有慶兆民賴之學人上來請師祝

聖師云劫石有消日君恩無盡時進云祝 聖已

蒙師指示向上宗乘事若何師云鐵牛對對黃金角

進云解吹無孔笛天下總聞聲師云伸手不見掌進

云若不登樓望焉知滄海深師云寶八布衫穿進云

與麼則感恩有分師云八花毯子上不用綉紅旗僧

禮拜 師乃云罷訪諸方知識來歸古鄆城中土面

灰頭養問四壁其奈宿緣難避來主江干叢爾禪林

水遶千村槎橫斷港數聲柔櫓一曲漁歌頌佗真正

舉揚直是超情絕謂無端擊動法鼓緇素駢臻更欲

山僧爲蛇畫足法昌對泥像說法事急計生風穴單

丁七年巧盡拙出汾陽弄西河獅子神頭鬼面楊岐

栽田博飯喫鐵心石腸者一隊老古雖熏天富貴裝

出徹骨貧窮新延慶則不然豎拂子天上有星皆拱

北人間無水不朝東 復舉趙州因僧問狗子還有

佛性也無州云無師云趙州狗子無佛性古今多少

錯商量自從六國平來后蕩蕩無爲化日長上首白

高僧口占

惟云諦觀法王法法王法如是

上堂風不鳴條雨不破塊洞山於金剛嶺上栽松爲

山到國清寺裏受戒東海烏鰂南山笙筍總是自家

買賣更問如何漆桶不快拍禪床下座

上堂建法幢立宗旨明佛敎曹溪是永嘉大師雖

□□豎降旗大似偷鈴掩耳以拂子畫一畫一把柳

絲收不得和烟搭在玉蘭干

開爐上堂衲僧活計無多子放下諸緣緩作程品字

柴頭煨正暖不知紅日又東昇

上堂舉汾陽和尚示衆云識得主丈子行脚事畢三

角云識得主丈子入地獄如箭射師云二尊宿總被

主丈子穿却延慶則不然拈主丈冬不寒臘后看

除夜小參僧問一年將盡夜萬里未歸人如何是未

歸人師云眼似鼓椎進云誰知遠烟浪則有好思量

師云碧落碑無寶木進云一言截斷千江口萬仞峰

頭始得玄師云錯認定盤星 乃云纔見冬至又逢

歲除兩曜奔忙萬物代謝浮生若此榮枯得失徒自

紛紜我沙門釋子無饑寒之迫無征役之勞二六時

●沙上發說
求字

●後發說

●沙上發說
也字

中合作麼生支準求玄妙枉費精神無事無爲又或
莽鹵臨濟大師道有一無位真人常在汝等諸人面
門出入未證據者看看怎麼說話也是萬里崖州夏
久明年更有新條在惱亂春風卒未休

復舉投子因僧問如何是十身調御投子下禪牀立
又問凡聖相去幾何投子下禪牀立師云大小投子
將官路當人情傷鹽傷醋過犯彌天

上堂雞銜燈殘走龍吹釣魚竿寶剎當空輝神光照
瞻寒以拂子畫一畫波斯嚼碎三斤錢莫向金剛腦
后看

元宵上堂叢林中纔見說燈籠與露柱交參便作奇
特商量及乎尋常說話是對面踉蹌過以拂子畫一畫
今朝正月十五今夜處處放燈

佛誕上堂如來降誕在今朝摩耶夫人是其母指天
指地語□々拈得□□□□□□□□□□□□□□
孫幾箇能知有令行□□□□□□□□□□□□□□
競將惡水薰頭澆大地山河顛倒走

上堂僧問金剛眼中著得什麼師云著得什麼則且

置汝喚什麼作金剛眼進云學人不曾師云問取燈
籠進云十二時中如何用力師云無汝用力處曾禮
拜師乃云臥病丈室久不上堂然語言有問此法
無問日夜惟憑惡業羅萬家牆壁瓦礫爲衆敷揚所以
道惡說利說雖然說三世一切說擊拂子若將耳聽
終難會眼處聞聲方始親喝一喝

示衆龜毛拂子兔角杖拈向人前任度量昨日前村
行一轉田田水滿稻花香擊拂子下座

解夏上堂聲聲嚴參和尚示衆云一夏與師僧東語
西話看取翠巖眉毛還在也無師云多財善賈長袖
善舞檢點將來也是賊過後張弓

上堂學教中道知見立知即無明本知見無見斯即
涅槃拍禪床世事但將公道斷人心難與月輪齊

祖忌拈香命坐九年和麤糲麵手攜隻履賈衡懸羊
年年十月初五日多費兒孫一瓣香

上堂昨日有一僧自羅浮來一僧自南嶽來一人頭
長脚短一人額闊眉低總有佛法身心且道那一人

合受人天供養以拂子畫一畫已輕微隔霜月曉斷

賜何必待三聲

佛成道上堂釋迦老子生在王宮鼻孔大頭向下雪山苦行六年鼻孔大頭向下夜觀明星悟道鼻孔大頭向下擊拂子幾多杜撰巡官只管敲磚打瓦

歲旦上堂舉黃龍南禪師因僧問舊歲已去新歲到來不涉二途請師指示龍云東方甲乙木師云者僧大似向繡針眼裏躍出衝浪錦鱗其奈黃龍向冷灰堆中撥出亘天紅燄且道涉二途不涉二途有指示無指示拈拄杖卓一下李將軍有嘉聲在不得封侯也是閒

上堂昨日歸自城中道傍田翁相邀少憩眼見耳聞無非清淨性中流出成得一頌今朝舉似諸人小圃新薑露紫芽荳綠籬落半乾花兒童總角赤雙腳釣得錦鱗歸自誇便下座

上堂前半夏已過堂前鐵鋸舞三臺后半夏未來眼裡腫人吹木叫即今中夏糊繇上樹尾連頭洞山五位臨濟三玄拈向一邊久雨乍晴各宜曬眼皮草解夏上堂九夏安居事已圓百千億劫亦如然獼猴

撲碎軒轅鏡出草莽菟角指天

上堂僧問有言有說皆是世諦之談無言無說未是衲僧行履處幸對人天請師垂示師云數聲清磬是非外一箇閒人天地間進云專爲流通師云無油不點燈僧禮謝師乃云萬法是心光諸緣惟性曉本無迷悟人只要今日了西天四七東土一三天下老和尚總是未了底漢擊拂子水流黃葉來何處牛帶寒鴉過別村

上堂拈拄杖喝一喝卓拄杖云了便下座

上堂菩提涅槃真如解脫是諸佛之所證無明煩惱妄想塵勞是衆生之業惑只如世界未成無佛名無衆生名如上許多絡索畢竟向甚處安著良久任從滄海變終不爲君通

台州路紫籙山廣度禪寺語錄

門人 思齊 思靜 編

師於至正二年壬午冬十月初一日入寺指山門云入此門來莫存知解泥牛吼月木馬追風佛殿燒香云百千諸佛向一毫頭上識取金屑雖貴

落眼成翳

據室我此法印爲欲利益世間故說拈主丈道得也三十棒道不得也三十棒卓主丈車不橫推理無曲斷

拈衣雞足山中翻成特地黃梅夜半愈覺乖張今日鐸峰親授受披來非短亦非長

院割此是當今

聖君賢相密護大法底句子度割云不妨對衆宣揚三宗諸山疏說而默默而說喚鐘作鑾證龜成鼈珊瑚枝枝撐著月

江湖疏越山吳水春樹暮雲威鳳祥麟自出群

指座法空寶座人人共登須彌燈王猶較一級登座拈香祝

聖罷歛衣就座護聖和尚白椎云法筵龍象衆當觀第一義師云有問有答未出常情無事無爲猶存知解莫有獨脫無依底麼不妨相見僧出問崑山那畔肯笑堂前歸源正印早已親傳今日鐸峰祝聖開堂願聞法要師云須彌頂上擊金鐘進云迥然

一句超今古高蹈毗盧頂上行師云不打者鼓笛進云昔日保壽開堂三聖橫身相爲臨濟住院普化盡力扶持畢竟明箇什麼師云兩頭俱坐斷一劒倚天寒進云與麼則五位君臣齊裂下三玄戈甲一時收師云錯下名言僧喝一喝禮拜歸衆師云亂統禪和如麻似粟乃云如我按指海印發光古佛堂前敲空竟響非風旛動仁者心動曹溪路上好肉剜瘡直饒別有生涯也是和泥合水今日新廣度爲國開堂畢竟合談何事新羅與占波關額燈籠與露柱交參一切智智清淨無二無二分無別無斷故正怎麼時且道腦后一句是第幾機良久好把一枝無孔笛等閑吹出萬年歡復舉夾山因僧問如何是夾山境山云猿抱子歸青嶂裡鳥銜花落碧巖前法眼云我二十年只作境會師云夾山放去太著法眼收來太儉檢點將來總未有出身之路護聖和尚再白椎云諦觀法王法法王法如是

當晚小參僧問言前薦得猶爲滯殼迷封向下承當未免觸途成滯學人上來請師方便師云牡丹花下

睡貓兒進云。只如疏中有語。非惟事理圓融。且喜師資會遇。又且如何。師云。堂前鐵鋸舞三臺。進云。與麼則青山不鎖長飛勢。滄海合知來處高。師云。嘉州大象。喫鹽多。陝府鐵牛。添得渴。乃云。安洲管內。紫羅峰頭。昔混沌密禪師。泊屢代名德。唱道之地。實東南之覺場。龍象之淵藪。無似之蹤。祇奉院命。繼席茲山。誠爲叨忝。賴有暮翁老和尚。在上伏望壽同趙州。以永佛祖慧命。寅夕得遂。咨扣幸莫大焉。然叢林小參。謂之家教。其間鍋子大小。杓柄短長。未暇檢點。諒惟我此一衆。猶百鍊精金。價調良。驥見超量。外不待繁詞。復成一偈。舉似大衆。長庚鐐頂半千里。多士偕行不憚勞。主丈且將留靠壁。同看千嶂起波濤。謝首座藏主上堂。人天眼目。堂中上座。通人分上。未舉先知大藏小藏。全提半提。是甚熱碗。鳴聲青蘿。貪緣直上寒松之頂。白雲淡泞。出沒太虛之中。擊拂子下座。上堂。舉明招示衆云。者裏風頭稍硬。且歸煖處商量。衆隨至方丈。招云。纔到煖處便瞌睡去。以主丈一時。

打散。師云。老明招拋出一機。不妨奇特。當時一衆若是靈利。祇管待他道。且歸煖處商量。便好一時散去。教他獨眼龍有理難伸下座。

上堂。夜繩不動。疑之爲蛇。暗室本空。怖之有鬼。昆明池裏。失却劒曲。江江上撈得鋸呵呵。囉囉哩。鵝鵝舌頭三千里。

上堂。與麼與麼。得之於心。伊蘭作旃檀之樹。不與麼不與麼。失之於旨。甘露乃蒺藜之園。鐘樓上念讚床脚下種菜。勝首座道猛虎當路坐。又作麼生擊拂子下座。

冬至小參。僧問。還丹一粒。點鐵成金。至理一言。轉凡成聖。學人上來請師一點。師云。頭長脚短。進云。只如僧問古德如何。是冬來事。古德云。京師出大黃。又作麼生。師云。舌上覆金錢。進云。初心後學。乍入叢林。和尚豈無方便。師云。秤鎚鋸解。血淋漓。乃云。教中道法。離見聞覺知。若行見聞覺知。是則見聞覺知。非求法也。天左旋地右轉。日東上月西落。寒來暑往。陰極陽生。鐵樹開花。冰河發燄。君子道長。小人道消。喚作。

見聞覺知得麼。不喚作見聞覺知得麼。如斯解會。正是認影迷頭。所以道。放行則恒薩舒光。把住則泥沙匿耀。拈主丈野色。更無山隔斷。天光直與水相連。上堂。深山巖崖無佛法。石頭大底大小底。小一冬二冬。叉手當胸。籬頭吹簫。栗元是夜來風。

上堂。舉趙州一日在井樓上。見南泉過。以手抱樓柱。叫云。相救。泉以主丈擊樓柱。五下而去。州便具貳儀。上方丈謝云。適來謝和尚相救。師云。殺人刀活人劍。除夜小參。一年三百六十日。今夜歲盡年窮。諸方說妙談玄者。裏應時納佑。西天四七。東土三三。天下老和尚。總是打淨潔毬子。抱不哭孩兒底。漢譬如琴瑟。箏篴雖有妙音。若無妙指。終不能發。納僧分上。不在多端。地凍天寒。伏惟珍重。復舉僧問古德。年窮歲盡時如何。古德云。東村王老夜燒錢。師云。東村王老夜燒錢。江上漁翁把釣竿。多少徧參雲水客。含元殿裡覓長安。

元旦上堂。元正肇祚。萬物咸新。恭惟兩序大衆。各各起居多福。三九二十七。菩提涅槃。眞如解脫。是甚哉。

門瓦子擊拂子。但得雪消去。自然春到來。

元宵上堂。舉教中道。一切衆生。具有如來智慧德相。只爲妄想執著。而不證得。乃云。燈籠松壁上。天台寒山拾得笑哈哈。自有一雙窮相手。不曾容易舞三臺。上堂。拈一莖草。作丈六金身。將丈六金身。作一莖草。好大衆。不是苦心人。不知便下座。

上堂。舉三聖道。我逢人則出。出則不爲人。與化道。我逢人則不出。出則便爲人。師云。耳朶兩片。皮牙齒一具。骨無人過。價打與五伯。

上堂。僧問。文殊與普賢。萬法悉同源。文殊普賢。即不問如何。是同源底法師云。胡張三黑李四。進云。一毛吞巨海。於中更何言。師云。不勞懸石鏡。天曉自鷄鳴。進云。是非不到處。還有句也。無師云。誠知你亂會。乃云。小乘錢買大乘井。索有漏策。箇無漏木杓。東卜西卜。七錯八錯。辱不辱足不足。樂不樂。雪峰覓木毬。普化搖鈴鐺。

上堂。十五日已前。師子不咬麒麟。十五日已後。猛虎不食伏肉。正當十五日。水上掛燈毬。良久。但得螺螄。

吞大象。泗洲出現在揚州。

浴佛上堂。豎起拂子。即今釋迦世尊在山僧拂子頭上誕生。頂上灌九龍香水。足下敷百寶蓮華。汝等諸人還見麼。直饒見得。個黨分明。也是迷頭認影。擊拂子。

結夏小參。釋迦老子二千年前在靈山會上。事不獲已。立箇法門。謂之禁足護生。剋期取證。迨今天下叢林。遵行莫違。西天以蠟人爲驗。東土以鐵彈子爲驗。竹山今夜擊鼓集衆。初無許多閒家。撥具只向諸人道。參須實參。悟須實悟。今日是三明日四。雪霜容易上人頭。

復舉古德云。道不得底句。不在天台。定在南嶽。師云。一句明明定。古今天台南嶽。謾追尋。子期去後。人何限。流水高山孰賞音。

上堂。倒跨楊岐。驅踏翻華藏海。又殊普賢。窺覷無門。狸奴白牯。放光動地。會醫還少。病知分不多愁。上堂。舉長慶後道者。廿年坐破七箇蒲團。只管看驢事。未去馬事到來。因卷簾大悟。說箇頌云。也大差也。

大差。卷起簾來。見天下有人問我。解何宗。拈起拂子。劈口打師云。有般底。聞與麼道。便將情識。搏量刺腦。入膠盆。殊不知我王庫內。無如是刀。便下座。

上堂。古澗冷冷。亂蜂蠱蠱。拈得鼻孔。失却眼睛。喝一喝。

進退兩序。上堂。或進或退。或左或右。扶已墜之綱宗。碎衲僧之窠臼。敵勝還他師子兒。驚群須是英靈手。擊拂子下座。

上堂。古德云。譬如牛過窓。樞頭角四蹄都過了。只有尾巴過不得。師云。且道。請訛在什麼處。良久一言已出。驢馬難追。

上堂。有物先天地。無形本寂寥。能爲萬象主。不逐四時凋。拈主丈。古人忍俊不禁和盤托出。爭奈美食不中飽。人喫卓主丈下座。

解夏小參。一夏九十日。今已告圓。山僧未嘗蹉口道著佛法二字。諸人每日著衣喫飯。何曾欠少一絲毫。好箇古佛家風。直是超情絕。謂今夜鼓寂鐘沈。無端諸人上來。剛要畫蛇添足。古德云。我若真正舉揚法。

堂前草深一丈。隨汝頭到所欽。南斗七。北斗八。竹山則不然。今年桃李實。一顆直千金。

上堂三世諸佛。舌頭無骨。六代祖師。眼裏無筋。古廟香爐。雖冷燒却。諸人面門。莫言不道。更下座。

中秋上堂。龜教中道。修多羅教。如標月指。若復見月。了知所標。畢竟非月。拈主丈。恁麼說話。大似磨數錢。嬰孩面皮。厚多少。卓主丈下座。

上堂。釋迦拈室於摩竭。淨名社口。於毗耶。賓客是數。間宴坐。天帝釋空中雨花。古今日月。古今山川。大鵬一舉。九萬里。蟠桃結實三千年。

上堂。舉雪峰示衆云。盡大地撮來。如粟米粒大。拋向面前。漆桶不會打鼓。普請看。師云。老雪峰。不妨賣悄悄。拋向面前。會與不會。則且置。打鼓普請看。是什麼。開爐上堂。普請。萬慮不干。張妙用。頂頭自偶。諸婆夜地爐無宿火。明朝山上有生柴。

上堂。佛眞法身。猶若虛空。應物現形。如水中秋。月滿拈主丈。釋迦世尊。卽今走入露柱裏去也。汝等諸人。因甚。鼻孔失却半邊。冀主丈下座。

上堂。僧問。智不到處。切忌道著。道著時。如何。師云。文不知點。進三與麼。則無處容身也。師云。貴賤賤賣。進云。官不容針。私通車馬。師云。七差八錯。僧禮拜。師乃云。三界二十五有。是幻。四大五蘊。六入十二處。十八界。是幻。樓臺殿閣。人畜草木。凡所有相。悉皆是幻。畢竟。與什麼作實。相。良久。一盤天外。鴈孤客。已先寒。上堂。舉雪門示衆云。乾坤之內。宇宙之間。中有一寶。秘在形山。拈燈籠。向佛殿。懸將山門。安燈籠。上師云。中有一寶。秘在形山。大小雲門。避過也。不知拈燈籠。向佛殿。懸將山門。安燈籠。上竹山。要斷不平。拈主丈。大盡三十日。小盡二十九。

佛或道。上堂。逾城出家。六年苦行。夜觀明星。戒無上覺。顯顯頂頂。奔奔。國國。發轉。南辰。向北。看五。五。依然。二十五。

上堂。三。道無難。准。嫌。陳。遷。但。莫。憎。愛。同。然。明。白。以。拂。盡。一。盡。寒。則。向。火。熱。則。乘。涼。

元旦上堂。新年頭。無佛法。可說。惟願。皇圖永固。佛日增輝。四海晏清。萬民榮業。我衲僧家用。捨有時。進。

退合禮頭頭妙用。物物全彰。良久臥龍纔奮迅。丹鳳便翱翔。

元宵上堂。最初一句末後一機。直下懽得。燈籠露柱。動地放光。其或未然。竹山今日失利。

上堂。我此間也無禪也無道也無立也無妙。只有一口劍。佛來也斬。魔來也斬。衆中忽有人出來。道。僧和尚。劍看只向他。這三年一問五年再問。

佛涅槃上堂。諸佛不出世。亦無有涅槃。但以假名字。引導於衆生。昨夜南山虎咬大蟲。蛇吞鼈鼻。畢竟是第幾機。喝一喝。

上堂。三分春光二分過。衣單之下事如何。勞生只有僧無事。莫教蹉跎兩鬢霜。

上堂。舉趙州一日在東司頭。見文遠侍者。過乃喚文遠。遠應諾。州云。東司頭不可與汝說佛法。師云。趙州謾文遠侍者。卽得。若是眼睛定動底。教它。罵也不了。侍者。醫士至上堂。一十八年紙襖上抄來底。好箇陳年藥方。若是攢簇不得底病。總用不著。拈主丈。昨夜洞庭湖火發。燎却嘉州石像。眉毛卓主丈下座。

佛誕上堂。華道釋迦老子二千年前於淨飯王宮摩耶夫人右脇誕生。又道未離兜率已降王宮。未出母胎度人已畢。拈主丈。虛空裡釘橛底有甚數。飯籬裡撒屎底有甚數。卓主丈。

上堂。舉教中道。見明之時見非。見暗之時見非。是暗見空之時見非。是空見塞之時見非。是塞見見之時見非。是見見離見見不能及。師云。金剛與泥神。背燈籠與露柱。交參處處綠楊堪繫馬。家家門戶透長安。

聖節。邑中陸座問答罷。乃云。雲從龍。風從虎。坐人作而萬物覩。是以山河藉聖人而永固。日月藉聖人而長明。百官藉聖人而祿位常居。萬民藉聖人而耕桑樂業。四時適序。五穀豐登。資俊挺生。鳳麟呈瑞。編鰥乎不可尙矣。巍巍乎莫能名焉。且道林下衲僧。畢竟如何。慶讀良久。但見皇風成一片。不知何處是封疆。復說偈云。大哉萬乘尊。天下蒼生父。神聖越唐虞。謨烈超文武。百億須彌盧。壽山高莫比。無邊香水海。福海亦如是。

上堂一塵飛而翳天一芥墮而覆地。般若經翻悉證圓通。牆壁瓦礫常宣妙義。枯主丈大田多稼。飽甘露喜色。歡聲滿寶宇。

上堂。日往月來。星移斗換。一夏九十日。如今已過半。馮山水牯牛。拽脫鼻圈。則且置。馮山草。牌於關市。畢竟在於何。喝一喝。

上堂。舉盤山續禪師示衆云。心月孤圓。光毛萬象。光非照。境亦非存。光境俱亡。復是何物。師云。天台則有南嶽。則無趙州。東壁掛胡盧。

上堂。十五日已前。即心即佛。十五日已後。非心非佛。正當十五日。不是心。不是佛。不是物。三求。付與三言。帶十字街頭破草鞋。

解夏小參。僧問。千峰頂上。善法堂前。聖制告圓。請師提唱。師云。家家門前。赫日月。人人手裡。明月珠。蓮云。文殊三處度。夏達磨九年面。壁畢竟是同。是別。師云。斷頭船子下揚州。乃云。仰山一夏不空過。錫得一片。會種得一籬粟。馮山一夏不空過。日中一度夜間一寢。竹山一夏不空過。波波擊。擊百轉千迴。古今山。

何。古今日月古今人。偷阿誰無分。是期百二十日中。期百。日下期八十日。總是癡狂子之方。復舉。羅居士問馬大師云。不昧本來人。請師高著眼。大師直下覷。士云。一等沒聲。惟師彈得妙。大師直上覷。士乃作禮。大師誦方丈士。隨后入云。弄巧成拙。師云。馬大師當時見居士作禮。好勢。骨便。弄非。唯勸。絕。羅公亦使天下。請僧亡。聲。結舌。

上堂。今朔八月初一。諸方旦。過門開。我此萬仞峰頭。亦有。請僧來。往。雅則。雪。寒。水。冷。誰云。接納。無。方。雲。門。胡。許。趙。州。茶。契。著。從。教。殺。鷄。牙。

中秋上堂。舉寒山子詩云。高峯頂上。四顧極無邊。獨坐無人知。明月照寒泉。泉中且無月。月自在青天。吟此一曲歌。歌中不是禪。師云。竹山未免下箇註脚。蘇。盧。盧。懸。懸。刺。刺。便下座。

上堂。古。釋。迦。不。前。今。彌。勒。非。后。雪。峯。親。出。木。毼。晉。化。打。翻。筋。斗。堪。笑。霄。請。僧。東。西。競。頭。走。蘇。州。有。常。州。有。連。雲。和。尚。并。藏。主。都。寺。至。上。堂。善。知。識。者。是。大。因。緣。打。開。寶。藏。運。出。自。己。家。珍。津。濟。四。生。梯。航。九。有。如。此。

連雲和尚六坐道場。以無文印印破天下。稍僧面門。直得龍驤虎驟。嶽壁波騰。且道同風句子。畢竟如何。舉唱良久。楊岐牽犁九峯。拽耙。

上堂。一月普現一切水。一切水月一月攝。拈主文。卓一下。空山秋半老。萬木正凋黃。下座。

行者落髮。體性圓明。諸法無我。一呼善來。髮髮自墮。沙彌付衣。龍披一縷。金翅不吞。盜匪家間。鬼神莫近。此是解脫服。汝等應受持。

上堂。舉世尊在靈山會上。拈華示衆。爾時大衆默然。惟迦葉尊者破顏微笑。世尊云。吾有正法眼藏。涅槃妙心。實相無相。微妙法門。不立文字。見性成佛。付囑摩訶迦葉。師云。眼裡著不得。沙耳裡著不得。水十字街頭。握手三家村裏。逢渠風吹柳絮。毛毬走雨打梨。花蝶飛。

祖忌拈香。不露蓋膽毛。唯缺當門齒。無端歷魏遊梁。剛道單傳。直指插香云。殃害叢林。猶未已。

上堂。生佛已前。有一句子。三賢十聖。窺覷無門。一大藏教。詮註不及。竹山真不掩偽。直不藏曲。拋向諸人。

面前貴在大家知。有以拂子畫一畫。窮驢欠一尺。富狗剩三寸。下座。

上堂。報化非真佛。亦非說法者。釋迦世尊。降誕於迦毗羅城。說法於波羅奈國。且道是真佛耶。非真佛耶。以拂子畫一畫。當門不用栽荆棘。後代兒孫。惹著衣。冬至上堂時。臨長至。陰極陽生。樹上鯉魚。產子庭前。石筍抽萌。法性海中。湛然常寂。塵勞界上。雨施雲行。拈主丈。天高地下。鼻直眼橫。下座。

施主齋僧。并藏主至上堂。盡大地是王老師。檀越盡大地是自己光明。藏若能於食等者。於法亦等於法。等者於食亦等。且道不落古今。不傷物義。一句又如何話。會長久幾度。黑風翻大海。未嘗聞道釣舟傾。上堂。舉永嘉云。損法財。滅功德。莫不由斯心。意識師云。喚什麼作法。財喚什麼作功德。喚什麼作心意。識拈主丈。黃河三千年一度清。

佛成道上堂。諸佛證菩提。衆生徇煩惱。菩提與煩惱。非一亦非二。展手卽成掌。握手卽成拳。水動卽成波。波澄卽是水。六年往雪山。垂範示后昆。午夜觀明星。

目眩生花爾普告諸仁者諦審復諦觀於此剎那間
證成無上覺

上堂各各照管自己田園自然時清道泰物阜民康
釋迦出世不出世達磨西來不西來了沒交涉拈主
丈卓一下

除夜小參虛空不動無古無今歲月遷流有新有舊
家家門戶祭鬼燒錢竹山今夜無佛法可說無世法
可說只舉一則古話供養大眾舉手云囉囉招囉囉
搖囉囉送莫怪空疎伏惟珍重

歲旦謝新舊兩序上堂舉教中道一切賢聖皆以無
爲法而有差別今朝是正月初一舊兩序已退新兩
序依次出班大眾隨例問訊一一天真一一明妙畢
竟喚什麼作無爲法擊拂子如今要見黃頭老利利
塵塵在半途

先師暮翁和尚入祖堂無異堂前展兩手處識得根
源被人鈍置不少紫籜峯頂一十七年敲空作響還
佗位次安排置牌云大家團圓頭共說無生話
元宵上堂眼若不寐諸夢自除心若不異萬法一如

人天交接兩得相見須彌山上走馬大洋海底挑燈
上堂善逐情生如珠放光還照珠體惡從心起似鐵
孕垢自設鐵形所以道天堂與地獄皆由心所造拈
主丈芍藥花開菩薩面後翻葉散夜叉頭

佛涅槃上堂舉世尊入般涅槃日迦葉尊者最後而
至世尊於繡內露雙趺示之迦葉尊者乃作禮請如
來以三昧火而自闍維即時金棺出七寶林昇翠繞
梅尸羅城七而却還本處化火光三昧而自焚之師
云榔露雙趺示迦葉化三昧火自闍維面皮知是厚
多少慣把空拳誑小兒

上堂僧問名假法假人空法空謂師直指師云曾問
幾人來進云無根樹子向什麼處栽師云更深猶自
可午后更愁人進云只在目前爲什麼再三不覩師
云千年常住一朝僧乃云竹山無可款待來賓只
有木井水澆塘茶且喜人人舌頭具眼滿鉢吸了便
道好水好茶良久勞生萬事正如麻擊拂子下座
九巖道純和尚至上堂祖師心印狀似鐵牛之機一
印印空一印印水一印印泥者箇說話直饒機如掣

電眼似流星未免坐在葛藤窠裡拈主丈踏斷天台
石橋笑倒新昌石佛

上堂千峯頂上絕諸緣水枯何妨痛著鞭啼鳥落花
春已老莫教荒却自家田

浴佛上堂佛是了事底人因甚年年將惡水潑佗擊
拂子不經一事不長一智

結夏小參心法無形通貫十方在聖不曾在凡非滅
蓋爲從生至生從劫至劫不覺不知枉受輪轉勢佗
古聖向第二義立箇法門謂之棲足護生剋期取證
證又證箇什麼若是靈利衲僧課殺餓殺終不著渠
鷄臭布衫直饒朝遊羅浮暮歸檀特於一毫端現寶
王刹坐微塵裡轉大法輪也未是衲僧分上事拈主
丈一切智通無障礙主丈子亦無障礙卓主丈

聖節上堂四海妖氛咸肅靜 九天舜日自高明

衲僧願祝 無疆壽一炷清香一卷經

上堂旋嵐偃嶽而常靜江河競注而不流野馬飄空
而不動日月歷天而不周豎拂子肇法師卽今在山
僧拂子頭上轉大法輪良久隔葉黃鸝空好音

邑中歸謝齋上堂談真則逆俗順俗則違真十字街
頭闊浩浩千峯頂上靜悄悄食輪與法輪俱轉菩提
與煩惱無差露柱燈籠齊起舞狸奴白牯念摩訶
燭午上堂今朝五月五門門懸艾虎繡衣公子飲香
醪黃金滿盤堆角黍頭上面請僧家無端也要知
時序一盞菖蒲茶大家溼唇觥擊拂子下座

縣令袁公至上堂舉韓愈侍郎問大顛春秋多少顛
提起數珠云會麼韓云不會顛云晝夜一百八明日
復來門首見首座云晝夜一百八意旨如何座扣齒
三下及至方丈問大顛晝夜一百八意旨如何顛亦
扣齒三下韓云元來佛法不別顛云侍郎見何道理
韓云適來門首首座亦恁麼祇對顛請首座主云適
來恁麼祇對是否座云是顛乃打趲出院師云大顛
打趲首座出院則不問且道大顛扣齒三下何似首
座扣齒三下雖然苦瓜那堪待客

上堂善言言者言所不能言善默默者默所不能默
所以道我宗奇特當陽顯赫佛及衆生皆承恩力若
是增上慢五千退席者又爭怪得伊下座

示衆佛祖話頭須妙會。魔宮虎穴要親逢。拈到用從渠。牌七出入沒元自。同少室木人見花鳥。黃梅獨犬吠。亦叢當陽拋出任。吞吐一箇楊岐栗棘蓬。

解夏上堂。洞山萬里無寸草。劉陽出門便是草。昨夜三更失却牛。天明起來拾得。實呵呵。好不好。令人特地開懷抱。倒拈鐵笛順風吹。驚動五湖山海。島喝一喝。

慧因愚仲東堂主上堂。昔黃龍南禪師。閉居積翠。有云。雖老不敢寧居逸體。唯談禪病。以警來蒙。今我前席。慧因和尚養閒西隱。以千聖不傳之妙。普應群機。且道。今人與古人相去多少。拈主丈。有時乘好月。特地過滄洲。

上堂。舉古德問僧。看什麼經。僧云。維摩經。古德云。我不問你。維摩經看底是什麼。經其僧有省。師云。古德大似歷良爲賤者。僧雖則有省。也是刺腦入膠盆。檢點將來。總未具看經眼在。

復田土并藏主。至上堂。舉五祖演和尚偈云。山前一片閒田地。叉手叮嚀問祖翁。幾度賣來還自買。爲憐

松竹引清風。好大衆一大藏教橫說豎說。何曾說到者裡。以拂子畫一畫。只爲分明極。翻令所得遲。中秋上堂。古人看此月。今人看此月。人有古今。月無別古人。看此月。今人看此月。月中仙桂何人折。焉拈主丈。文殊普賢。起佛見法見。見。見。向二鐵圍山。靠主丈。門外有讀書人。却來便下座。

上堂。僧問。昔日湛源密禪師。住此山。示衆云。紫雲峯頭。鐵鵝飛。饒君急著眼。已喪目前機。如何是紫雲峯頭。鐵鵝飛。師云。遊魚不上鉤。進云。如何是無毛鐵鵝飛。師云。打鼓弄琵琶。進云。如何是饒君急著眼。師云。擺手出長安。進云。如何是已喪目前機。師云。鄴學唐步進云。四句已蒙師指示。向上更有事也。無師云。毒蛇頭戴角。乃云。重重無盡華藏海。重重無盡樓閣門。是聖是凡。同出同入。只爲情生智。隔想變體殊。於三界二十五有。枉受輪轉。良久。來朝奉衆。古廟看經。便下座。

上堂。太末蟲處處能泊。不能泊於火燄之上。衆生處處能緣。獨不能緣於般若。擊拂子。昨夜清霜重。堂前

草又黃

開爐鴻福和尚并藏主至上堂高提鋤斧。颺下柴片。衲僧分上了。沒交涉。地爐槽榼高燒起。且自垂簾護煖煙。

祖忌拈香。冷坐九年空著忙。西歸隻履好。懶墮報恩。一句無人會。徒仰聲光遍八荒。

上堂。識心達本。故號沙門。當知山河大地。日月星辰。人畜草木。種種物象。從何發現。終日行住坐臥。喜怒哀樂。種種施爲。承誰恩力。良久。只知開口。易不覺舌頭長。

冬至上堂。逢來一夏又一夏。過了一冬還一冬。身世難將金石固。頭顱易見雪霜蒙。泥牛夜吼滄江月。鐵鶴晨飛碧嶂風。四七二三諸宿德。曾無一法可流通。上堂舉教中道。燈能顯色。如是見者。是眼非燈。眼能見色。如是知者。是心非眼。師云。釋迦老子。抑下威光。曲垂方便也。只道得一半。便下座。

淵西堂至上堂。倒却門前刹竿。著兄呼弟。應久無聞。住山鋤斧輕拋下。喜見西丘嬾骨孫。

佛成道上堂。逾城出家。拔劍斬髮。雪山六載。麻麥充飢。夜觀明星。或無上覺。復長安風月。貫今昔。那箇男兒。摸壁行。

藏主維那至上堂。顯藏主對李殿院側身而立。水到渠成。克賓維那法戰不勝。落了罰錢。雲開月現。以拂子畫一畫。石牛闌古路。一馬生三寅。

除夜小參。似地擎山。不知山之孤峻。如石含玉。不知玉之無瑕。不可以智。知不可以識。識不可以語。言造不可以寂。默通一年三百六十日。諸人每日穿僧堂。入佛殿。拈香。擇火。渴飲飢食。或語或默。或喜或嗔。種種施爲。何嘗欠少。逗到歲盡年窮。聞鼓聲。上法堂。厲行而立。圖箇什麼。山僧據曲。彖木床。說黃道黑。指東畫西。也是畫蛇添足。麝拈主丈卓一下。葫蘆棚上掛冬瓜。黃檗樹頭懸蜜果。復舉六祖大師示衆云。吾有一物。無頭無尾。無名無字。無背無面。諸人還識麼。時荷澤神會出云。是諸佛之本源。乃神會之佛性。祖乃打一棒云。我喚作一物。尚不中。豈況本源佛性。此子向後設有把茆蓋頭。也只成得箇知解宗徒。師云。

誰解當陽斬萬機。將知解亂誠。雖木人把板雲中。
拍石女含筌水底吹。

歲旦立春謝兩序上堂。百年難遇歲朝春。便覺乾坤
氣象新。海底泥牛翻折角。峰頭鐵錫舞翻身。掌知金
穀公廉。士表率叢林道德人。願祝無疆。

聖人壽一爐沈水正氤氲。

元宵上堂。舉僧問趙州。一燈然百千燈。未審一燈從
甚處發。趙州躍出一隻履。又云。作家即不與麼問。師
云。前箭猶輕。後箭深。雖然要見一燈從甚處發。猶
未可在。擊拂子。

城中歸上堂。古德道王官苦拘束。佛法不流行。拈主
丈且道。鳬脰自短。鶴脰自長。又作麼生。車主丈。三家
村裡神樹子。十字街頭石敢當。

上堂。山花開似錦。湖水湛如藍。物物全真智。何勞更
指南。前三三。后三三。可憐昔日毗耶老。只許文殊是
對談。

雙林首座。至上堂。傳大士同七佛行道於雲黃山頂。
仰山夢第二座說法於兜率天宮。二由一。有一亦莫。

守終日茫茫。那事無妨。焉拈主丈事。一下心地不生。
閒草木。自然身故白毫光。

佛誕上堂。舉世尊纔生下。隻手指天。隻手指地。周行
七步。目顧四方。云。天上天下。唯我獨尊。拈主丈。且道
主丈子與釋迦世尊是同是別。車主丈云。彌。

上堂。舉龐居士云。日用事無別。惟吾自偶。諸頭頭非
取捨。處處勿張乖。朱紫難爲競。丘山絕點埃。神通并
妙用。運水及搬柴。師云。龐居士與麼說話。古今徹證
者。如麻似粟。古今錯會者。如麻似粟。以拂子畫一畫。
修羅掌中。擎日月金龍背。上員須彌。

上堂。僧問淨名杜口行私路。和尚如何爲舉揚。師云。
的僧云。恁麼則一出一沒。師云。水上掛燈。毬僧便喝。
師云。打野漚。漢僧云。莫道不逢人。師云。錯。乃云。諸
佛證大涅槃。衆生流浪生死。拈諸佛底向衆生面前。
得麼。拈衆生底向諸佛面前。得麼。然則諸佛衆生。非
一非二。到者裡也。須明白。始得。擊拂子下座。

上堂。四月十五日。結却布袋頭。千兵易得。七月十五
日。解却布袋頭。一將難求。且道不結不解。一句作麼。

生道擊拂子。雲在嶺頭閒。不徹水流湍底太忙生。
解夏小參。百千法門。無量妙義。但向己求。莫從人覓。
所以臨濟大師道。一念清淨心。光是你屋裡法身佛。
一念無分別心。光是你屋裡報身佛。一念無差別心。
光是你屋裡化身佛。如斯見得。鎔瓶盤。釘銅爲一金。
攪酥酪。醒醐爲一味。明月堂前。時時九夏。太陽門下。
日日三秋。誰管你長期短期。克念攝念。攝念說什麼。
鵝護雪。蠟人冰。鐵彈子。然雖如是。若是飯籬裡坐餓。
死漢。水裏沒頭浸渴死漢。又爭怪得。拈主丈卓一下。
一把生鍋。拈未罷。六環金錫響遙空。復舉昔有一。
老宿。一夏已來。並不與師僧說話。有僧自歎云。我只。
與麼空過。一夏不敢望和尚說法。得聞正因。兩字。
也得。老宿聊聞。乃云。關梨莫暫。速若論正因。一字也。
無與麼道了。叩齒云。我適來不合與麼道。隔壁有老。
宿。聞云。可惜一盞羹。被兩顆鼠糞汗却。師云。老宿。
一夏不與師僧說話。末後又道。正因一字也。無檢點。
將來鼻孔在者。僧手裡。且道。隔壁老宿與麼道具什。
麼眼。良久。不入洪波裏。爭顯弄潮人。

上堂。應眼時。若干日。萬象不能逃影質。應耳時。若幽。
谷大小音聲。無不是拈主丈。一大藏教。詮註不及達。
磨西來。是證明底人。卓主丈。九衢公子。遊花慣。未第。
貧儒感慨多。

中秋謝侍者上堂。不是禪。不是道。南北東西。覓尋討。
昨夜日輪飄桂花。今朝月窟出芝草。阿呵呵。好不好。
是聖是凡。俱靠倒。犀牛扇。破索犀牛。老婆心。切鹽官。
老

首座至上堂。舉大慧和尚在雲居作首座。一日到西。
嶺莊。遇一。暫到從圓通來。云。因看首座頌。女子出定。
語有箇悟處。特來求首座印證。大慧云。你去。你去。不。
是。僧云。某甲未說見處。爲什麼道不是。大慧再三搖。
手云。你去。不是。不是。其僧慍懣而退。師云。者僧看頌。
女子出定。話有箇悟處。陳年曆日。妙喜老人再三搖。
手云。你去。你去。不是。土上加泥。惹拈主丈卓一下。牛。
胎生象子。碧海起紅塵。

示衆。樵歌來。疊嶂帆影落汀洲。胡孫戴紙帽。直上樹。
梢頭。七星劍。五雲樓。綵打人。分人打。毬萬事難把玩。

魚吞水面漚

開爐山主藏主侍者至上堂山高。暴寒凍結如蠟竹。山無佛法可說。只舉火爐頭話。也要大家知委。茶。陵郁和尚過橋。與纈解道明珠絕類。則且置。婆子請轉藏趙州遶禪床。一而德山纔浴出。郭侍者度一盃茶。畢竟是何道理。拈主丈。阿呵呵囉囉哩。一抽三二添。四臨濟大師無本據。卓主丈。

上堂。百億四大海。在汝諸人頂門上。百億須彌山。在汝諸人脚跟下。要住。即住。要行。即行。眼頭各自看風。煙。莽莽。鹵鹵。河沙數。薦拈主丈。卓一下。

佛成道上堂。六載雪山。修苦行。無端畫虎。反成狸。明星出現。不出現。總是勞生證道時。

行者落髮頂額。一著千聖不傳。剗草殿前。翻成特地。沙彌付衣。向袈裟下。得人身者。如爪甲上土。向袈裟下。失人身者。如大地中土。良久。滄海非深。黃連非苦。除夜小參。天地最靈。猶三年一閏。乃成其功。今年三百九十日。正當極盡之夜。未免與大眾家話片時。德山示衆云。今夜不答話。有問話者。三十棒。時有僧出。

禮拜山便打。僧云。某甲話也未問。爲什麼便打。山云。你是甚麼人。僧云。新羅人。山云。未跨船舷。好與三十棒。竹山若作者。僧當時見他道。今夜不答話。有問話者。三十棒。便與掀倒禪床。非唯免者。老漢和泥合水。喚蓮作藕。亦使天下。將僧有出身之路。且道。據箇什麼道理。便解。恁麼拈主丈。機關不是。韓光作。莫把臂襟當等閒。復成一偈。勸僧日用事。何如鳥兔奔忙。歲又除。法法由來本空寂。三千剎海一蘊蘊。

上堂。畢。仰山問。爲山如何。是真佛。住處。爲山云。以思無思之妙。返思靈識之無窮。思盡還源。性相常住。事理不二。真佛如如。仰山於言下頓悟。師云。大小。爲山錯下名言。真佛住處。了沒交涉。仰山於言下頓悟。大似認驢鞍橋。作阿爺下頤。喝一喝。

上堂。春種一粒種。秋收萬顆子。四海無閒田。農夫猶餓死。我等沙門。釋子。飢則喫飯。熱則乘涼。莫謂曩劫修來。非從今日。良久。大海若知足。百川應倒流。結夏小參。九旬無虛棄之功。黑牛臥死水。百劫在今時之用。賴馬繫枯椿。西天以蠅人爲驗。一犬吠。虛東。

土以鐵彈子爲驗。千緣唯實。殊不知禪僧分上如擊石火閃電光。講得講不得。未免喪身失命。然雖如是。猶是無風而雨之波。更須知有向上一路。拈主丈主丈。且將留靠壁草屨。乾龜待秋風。

上堂。佛法遍在一切處。一切處不可作佛法商量。拈主丈。薰風自南來。殿閣生微涼。古人於言下頓悟。又作麼生。卓主丈。禹力不到處。河聲流向西。

解夏上堂。十五日已前結得解。不得十五日已后解。得結不得。正當十五日。結也。結得解也。解得雲門。獅子踰跳上三十三天。築著帝釋鼻。扎東海鯉魚打一棒。雨似盆傾。拈主丈。朝悠悠暮悠悠。一葉落天下秋。上堂。僧問。一喝分賓主。照用一時行。離此二途請師別道。師云。壁上安燈盞。堂前置酒臺。進云。從來疑著和尚。師云。汝是甚處人。事進云。作家師云。老僧失利。乃云。凡夫實謂之有二。乘拆謂之無。菩薩謂之當體。卽空拈主丈。卓一下。二期事畢。萬行功圓。不須觸地覓青天。

中秋上堂。四時遷謝。轉眼不同。方見火雲燒碧漢。又

逢丹桂落秋風。拈主丈。多向天邊看皓月。不知身在廣寒宮。

上堂。聞說如來頓教門。恨不滅除瓠瓦碎。古人說破。驗在今日。哭不得。笑不得。落霞與孤鶩齊。飛秋水共長天一色。

開爐上堂。出家端爲究心。宗爲鬼弄。忙夏又多。莫管萬山寒氣重。地爐檮杌夜通紅。拈主丈。無神通菩薩。爲甚足跡難尋。靠主丈下座。

祖忌拈香。梁王殿上滿口含霜。少室峰前皺眉嘗醋。拈香云。夜暗畫明。西天東土。

上堂。言而足。終日言而盡。道言而不足。終日言而盡。物以拂子畫一畫。道物之極。一畫盡。斷楚王城畔。汝水東流。

冬至小參。實際理地。不受一塵。佛事門中。不捨一法。山僧住此。深雲已是一十三年。與大衆同。逢至節。凡曰小參。未嘗不舉古談。今多是掉在無事甲裡。只知洞山與素首座喫果子。次洞山云。有一物上拄天下拄地。黑如漆。常在動用中。動用中收不得。未審過在

什麼處泰首座云。過在動用中。洞山令侍者。還退泰首座。果卓恁麼說話。若作佛法商量。有甚交涉。不作佛法商量。有甚交涉。明眼人一點也。費陀不得。其或尙留觀聽。未免領主丈子。分明說破。卓主丈復或一偈。舉似大眾。誰看。葭管動。飛灰管取。陽和地底。同鐵樹。樛花橫古壑。虛空供笑滿。驢肥。

上堂。善財深入毗盧閣。帝釋高昇善法堂。紫霧峰頭日卓午。破沙盆。煮菜根。香擊拂子下座。

除夜小參。謝首座維那。舊歲已盡。新歲將臨。萬仞峯頭。水枯雪老。無可與大眾分歲。未免炊鐵釘。飯煮木札羹。等閒一飽。能消萬劫之飢。且道。仰山夢昇天宮。第二座說摩訶衍法。克賓維那法戰不勝。變化了罰錢畢。竟是同是。別拈主丈。西天胡子。沒髭鬚。昨夜面南看北斗。

上堂。舉僧問。虎丘隆禪師。如何是大道真源。虎丘云。和泥合水。僧云。便與麼去。而如何。丘云。截斷草驢跟。師云。大道真源。問最親。答云。截斷草驢跟。茫茫宇宙。人無數。幾箇知恩解報恩。

上堂。山下炎如。孤山間涼似秋。得居山上者。知是幾生修。我等沙門。釋子。自合知慚。識魂退步。就已究明。千聖不傳者。一著子。所以道。將此深心。奉壘利。是則名爲報佛恩。

上堂。舉東山和尚示衆云。百鍊黃金鑄鐵牛。十分高價與人騎。庭前不有花含笑。又是東山一夏休。亦成一偈。舉似大眾。觀索俱忘。露地牛有何價。數可相酬。碧梧庭際。初懸素誰肯言休。即便休。

了堂和尚語錄卷第一

了堂和尚語錄卷第二

慶元路天寧禪寺語錄

門人 妙淨 無我 等編

師於至正二十三年癸卯六月廿七日入寺。指山門云。千人排門。不如一人拔關。夜暗晝明。天高地厚。佛殿燒香云。三世諸佛。不知有。狸奴白牯。却知有。日。

午打三更面南看北斗

祖堂西天東土談續芳聯不與凡聖同羈超然名之曰祖

據室拈主丈從上老骨袒向者裡揭示第一義諦如青天白日卓主丈須彌頂上浪滔天

拈割寶印當空妙重重錦縫開雲山付驪駒在今日山門疏屋裏生涯有甚難見聲和響順形直影端

三宗諸山疏各乘願輪各闡宗猷嶽巒波騰龍驤虎驟

指座更不作禮須彌燈王便乃高陞此座羣足下足惟我自知陞座拈香祝

聖罷歛衣就座湖心和尙白椎云法筵龍象衆當觀第一義僧出問赤水求珠猶是人間之寶和雲唱出固非格外之機學人上來請師祝聖師云舜日高懸億萬春進云祝聖已蒙師指示宗乘端的事如何師云旛竿尖上鐵龍頭進云二六時中畢竟如何體會師云月裡仙人巧畫眉進云將謂少林消息絕一花重綻劫前春師云切忌亂針雖乃云摩竭法令

披沙揀金少室家風守株待兔二途不涉別有條章所以道法不孤起仗境方生有時拈一莖草作丈六金身有時將丈六金身作一莖草不是神通妙用亦非法爾如然直得萬家叢裡古佛場中人人常光現前箇箇壁立萬仞義風與慈風並扇舜日與慧日長明堪報不報之恩以助無爲之化然雖如是猶僧分上猶是半提更須知有全提時節豎拂子祝融峰頂上露滴萬年松復舉保壽開堂三聖推出一僧保壽便打三聖云與麼爲人非但瞎却者僧眼瞎却鎮州一城人眼去在保壽擲下主丈便歸方丈師云有者道三聖起平地風波保壽具超方眼目檢點將來鼻孔總在者僧手裏拈拄杖若無舉鼎拔山力千里爲難不易騎湖心和尙再白椎云諦觀法王法法王法如是

當晚小參僧問近離萬松深處來據雙檜要津少室宗乘請師舉唱師云十字街頭石敢當進云一言迥出青霄外四衆雲臻笑點頭師云月似彎弓少雨多風進云德山小參不答話洞山小參不點燈意旨如

何師云七棒對十三進云可謂了了時無可了玄
玄玄處亦須訶師云胡人飲乳反怪良醫乃云山
僧道慚先哲在萬高年飯蔬飲水幸安林下伏承省
院大人諸山知識誤探虛聲俾主城隍古寺辭不獲
已祇奉命數乍到此山爲衆小參此乃叢林古式既
無玄妙可說何妨據實而論從上若佛若祖無非爲
一大事因緣故出現於世所謂大事因緣者乃聖凡
共有之靈智也在聖不增在凡不減只爲情生智隔
想變體殊於三界二十五有枉受輪轉善提心中皆
爲淨虛妄想凝結拈主丈如上許多葛藤拈向一邊
且道西天那闍陀寺後卽今有幾人修行卓主丈雲
藏無縫襖鳥宿不萌枝復舉蓬磨大師偈云吾本
來茲土傳法救迷情一花開五葉結果自然成松源
老祖云羲之字畫入石三分李杜文章光燄萬丈師
云松源老祖用黑豈法換人眼睛則不無要明達磨
大師此偈猶未可在以拂子畫一畫路從平處險人
向靜中忙

中秋謝首座藏主都寺侍者上堂仰山夢昇天宮第

二座說摩訶衍法壓沙覓油鳥窠吹起布毛通侍者
更乃悟去構角取乳且道倒跨三脚驢蹈翻華藏海
畢竟又如何話會以拂子畫一畫人間秋半天上月

上堂五千教典一句全該一擊金鎚十方震動蝦臺
跳上蒼天蚯蚓抹過東海可憐憐大士處處失樓閣
開爐爇謝諸山江湖上堂世界闊一丈古鏡闊一丈
火爐闊一丈額有明宗知識具眼象龍未學先知拈
主丈三面狸奴腳踏月兩頭水牯手擎煙

上堂車馬喧闐利名捷徑紅塵浩浩酒色樊籠汝等
諸人要識文殊普賢大人境界更莫外求拈主丈朝
悠悠暮悠悠欲窮千里目更上一層樓

冬至小參僧問時節若至其理自彰時臨亞歲節屈
書雲如何是自彰底理師云閉目食蝸牛一場酸澀
苦進云莫是魯公臺上書雲漢女宮中測日麼師云
汝自己事合作麼生進云自是不歸歸便得五湖煙
景有誰爭師云十八十九癡人夜走乃云無邊刹
境自它不隔於毫端十世古今始終不離於當念無

空劫已前自己無日用現行自己皓老布襯赫赤慈明揭榜堂前總向鬼窟裡作活計觀世音菩薩將錢買胡餅放下手元來却是饅頭無事晚來江上望三三兩兩釣魚舟復舉嚴陽尊者問趙州一物不將來時如何州云放下著師云趙州放下著日午打三更樓至拳頭大波斯鼻孔長

上堂舉須菩提尊者嚴間宴坐諸天雨花讚歎尊者云空中雨華讚歎復是何人云何讚歎天云我是梵天敬重尊者善說般若尊者云我於般若末嘗說一字天云如是尊者無說我乃無聞無說無聞是真說般若師云者箇說話大似把髻投衙抱賊叫屈檢點將來總不得無過拈主丈卓一下

佛成道上堂我佛世尊棄萬乘金輪之位逾城出家拔劍斬髮雪山六載麻麥充飢夜觀明星成無上道好大衆我等沙門釋子在佛光中不得孤兒先聖不得埋沒自己以拂子畫一畫三十三天撲帝釋淫奴倒上菩提樹

上堂舉傳大士云夜夜抱佛眠朝朝還共起起坐鎮

相隨語默同居止纖毫不相離如形影相似欲識佛性義只者語聲是玄沙云大小傳大士只認得箇昭昭靈靈蓋拈主丈卓一下雪后始知松栢操事難方見丈夫心

上堂魯祖面壁禾山打鼓秘魔擎叉金牛舞者一隊漢竊得些子鬼家活計各要大開門戶我此一衆乘鄴上西廊下山門頭合掌佛殿裡燒香切忌撞著露柱擊拂子下座

元旦上堂僧問師子出窟時如何師云南山起雲進云出窟后如何師云北山下雨進云欲出未出時如何師云手執夜明符幾箇知天曉進云如何是新年頭佛法師云青絹扇子足風涼進云萬法歸真真歸何所師云三脚蝦蟇著錦襦乃云年新月新日新時新不見道三陽交泰萬物咸新拈主丈山僧主丈子不得不新車主丈

元宵上堂以十鏡喻十法界以一燈喻一真心老真歇說道理則不無未免旁觀者哂且道誰是旁觀者喝一喝下座

上堂祖師心印狀似鐵牛之機有時拈向人前便道現成買賣今朝二月初一喜見天晴日出拍禪床下座

佛涅槃上堂諸佛心內衆生流浪生死衆生心內諸佛證大涅槃涅槃生死無二無二分無別無斷故以拂子畫一畫屏因翫月文生角象被雷驚花入牙

上堂舉靈雲見桃花悟道頌云三十年來尋劍客膠柱調絃幾回葉落又抽枝風恬浪靜自從一見桃花後眼似眉毛直至如今更不疑有甚用處擊拂子下座

結夏小參纔見元正啓旦又逢法歲斯臨衲僧家便道以大圓覺爲我伽藍身心安居平等性智又道護生須是殺殺盡始安居殊不知者般殘羹餽飯喫了吐不得底如麻似粟吐了喫不得底如麻似粟拈主丈耳裡著不得水眼裏著不得沙卓主丈

結夏上堂舉天平漪禪師因到西院居常自言莫道會佛法今時覓箇學話人也無西院知一日逢見乃召云從漪漪舉頭院云錯漪行兩三步院又云錯漪

○
○
○

近前院云邇來兩錯是西院錯是上座錯漪云某甲錯院云錯錯漪休去院云且在者裏過夏待共上座商量者兩錯漪當時便行住院后謂衆云我當初行脚時被業風吹到汝州思明長老處被它連下兩錯更留過夏待共我商量我不道與麼時錯發足南方時早知道錯了也師云留僧過夏尋常事兩錯商量也大奇幾度桑田變滄海從來畫餅不充飢

聖節上堂河洛呈瑞聖人出興萬國歌謠均陶至化入荒賓貢共樂昇平林下衲僧感恩有分一聲清磬一聲佛願祝吾皇億萬春

上堂舉馬祖大師因百丈南泉西堂三人翫月次大師云正與麼時如何西堂云正好供養百丈云正好修行南泉拂袖便去大師云經歸藏禪歸海惟有普願獨超物外師云叢林多以刁刀相似魚魯參差理論三大士翫月話殊不知馬大師鼻孔失却半邊上堂昨日出郭迎接

御香聞得兩家說話一家云東行不知西行價爭得買賣一般一家云騎馬不若乘船爭得往來相似拈

主丈生鐵昆侖舞柘枝笑倒東村王大伯

上堂僧問不重已靈求解脫往來消息爲誰通師云
盲人喝賊虎進云一言已出驢馬難追師云靈利師
僧天然有在進云旁觀者哂師云乞兒見少利進云
慣從五鳳樓前過手握金鎗賀太平師云分明記取
乃云華嚴會上一箇善財法華會上一箇龍女涅槃
會上一箇屠兒總是立地成佛底樣子良久甜瓜徹
蒂甜苦瓠連根苦此土西天十萬程冬至寒食一百
五

上堂舉古德偈云頻頻喚汝不歸家白壁無瑕貪向
門前撒土沙枯木抽牙每到年年二三月蠟食生鐵
滿城開遍牡丹花鼈咬蝦蟇擊拂子下座
解夏小參盡十方世界是圓覺伽藍盡十方世界是
摩醯正眼汝等諸人於九十日內豎起脊梁端坐時
焚香禮佛誦經時觀樓閣市井種種物象時聞鐘鈴
鑼鼓種種音聲時乃至拈匙放筯語默動靜種種施
爲時還見得親徹也無若也見得前無釋迦後無彌
勒擲大千於方外納須彌於芥中西天蠟人冰東土

鐵彈子到者裏總用不著其或未然無孔鐵鎚成隊
走可憐滅却少林宗復舉雲門大師因夏末問僧
云夏末秋初不觸平常道將一句來僧無對自代云
初三十一中九下七師云盡道雲門大師賣寶撞著
瞎波斯殊不知無端道箇初三十一中九下七笑破
土地口擊拂子下座

上堂開靜爲正宗憒忘爲兼修古聖至言驗在今日
以拂子畫一畫泥金剛既不汗流石鳥龜何曾解語
上堂舉禾山德普禪師講席有聲兩川以義虎稱之
參方首謁黃龍便問阿難問迦葉世尊傳金襴外別
傳何物迦葉云倒却門前刹竿著意旨如何龍云上
人出蜀曾到玉泉不山云曾到龍云曾掛搭不山云
一夕便發龍云智者道場關將軍打供與結緣幾時
何妨山良久復理前問黃龍俛首山趨出豁然有省
大驚曰兩川義虎不消此老一唾師云義虎重詢不
自欺黃龍俛首益人疑只將日用金剛杵要碎多年
鐵疾藜咄

開旦過示衆叢林古式八月初一方開旦過蓋爲四

海禪流者。邊過夏那邊。經冬擇友求師。決擇已躬大事。今則不然也。無夏也無冬。要住即住。要行即行。忽然走入荒村古院。覓飯喫。撞著鼻涕垂頤。老凍膿。問云。上人來自大方。如何。是上人已躬大事。被它輕輕問著。直得眼似鼓椎。口如木突。返生異見。增長無明。所以道業識茫茫。無本可據者。是也。者等師僧也。喚作出叢林。入保社。異日閻羅老子。索飯錢有說在我。此一衆不待繁辭。暑退涼生。伏惟珍重。

中秋上堂。貪觀天上月。失却室中燈。古德與麼說話。面皮厚多少。薰拈主丈卓一下。有來由。無本提黃梅。山中墜腰石。龍朔元年老盧記。

上堂。久病方起。擊鼓陞堂。口吻遲鈍。無可舉揚。新請藏主。日本國裏高士。侍者燒香問訊。未知落處。上大人丘乙巳。化三千七。十士可知禮也。擊拂子下座。九日上堂。今朝九月九。那箇不知有一瓊茱萸。茶從它酒可賒。五湖真衲子。未學心先死。天寧與麼告報。直是真實相。爲擊拂子。有意氣時添意氣。不風流處也風流。

上堂。舉神鼎鑪和尚。舉南泉道我十八上。便解作活計。趙州道我十八上。便解破家散宅。神鼎云。且道破家散宅底。好解作活計底。好初心底。人且依前語。若是久參宿德。直須破家散宅。更云。萬里崖州師云。有者道。神鼎和尚。縱奪可觀。抑揚有準。殊不知錯下名言。天寧門下。解作活計底。好與二十棒。破家散宅底。好與二十棒。不見道。齊之以禮。

開爐上堂。今朝十月初一。叢林是處開爐。我此城隍古寺。其奈柴炭全無。陳如尊者。一場懺懺。走入露柱裡去。山門頭金剛神。合掌讚云。好箇古佛家風。直是超情絕謂。薰拈主丈卓一下。知音知后更誰知。祖忌拈香。逾沙越漠。歷歷遊梁。九年面壁。皮髓分張。以香扣爐云。殃害叢林話轉長。

施主至并謝藏主。都寺上堂。三界二十五有。因塵勞而生。六波羅密度門。以布施爲最大藏教。具有明文。拈主丈揚岐栗棘。蓬切忌渾淪吞。

上堂。四大色身。不解說法。聽法。肝膽脾胃。不解說法。聽法。虛空不解說法。聽法。惟人人分上。歷歷孤明底。

解說法聽法。古人與麼道。抑下多少。或光天寧則不然。擊拂子下座。

冬至上堂。舉瀉山和尚示衆云。仲冬嚴寒。年年事暑。運推移事。若何。仰山近前叉手而立。瀉山云。誠知你答不得者。話又問香嚴。嚴云。某甲偏答得者。話瀉山再問香嚴。嚴亦近前叉手而立。瀉山云。賴遇叟子不。會師云。有者道。問既相似。答亦一般。因甚。肯一不肯一。殊不知瀉仰家風。父子雖親。及乎話到。誦訛。猶隔海在天寧。要斷不平。拈主丈卓一下。

上堂。僧問。如何是向上關。振師云。賊不打貧兒家。進云。青山隱白雲。行人遊未到。師云。馬瘦毛長。僧禮拜。師喝一喝。乃云。言無展事。語不投機。承言者喪。滯句者迷。拈主丈南天台北五臺。總在山。僧主丈頭上卓主丈。雨下墻頭。溼天晴又沒泥。

佛成道上堂。六載雪山成底事。長空午夜觀明星。金烏玉兔昇還。墜換却幾多人眼睛。

上堂。舉水潦問馬祖。西來的意。被馬祖當胸踏倒。水潦忽然契悟。起來撫掌呵呵大笑云。也大奇也大。

奇百千三昧。無量妙義。只向一毫頭上。便一時識得。根源去。乃作禮而退。師云。叢林中盡道水潦被馬祖踏倒。有箇悟處。殊不知馬祖當時被水潦塗糊一上。至今無地逃羞。拈拄杖。千年田八百主。卓主丈。

除夜小參。欲識佛性義。當觀時節。因緣時節。若至其理。自彰。不見僧問古德。年窮歲盡時。如何。古德云。東村王老。夜燒錢者。箇說話。叢林中多是隨語生解。且喜沒交涉。只如僧問楊岐。和尙。如何是佛。楊岐云。三脚驢子弄蹄行。汝又如何商量。直饒向金不博金。水不洗水。處道得。個個分明。也是厨中拭盜帛。壽拈主丈卓一下。塞北千人帳。江南萬斛舟。復說偈云。五天奮箭攪支那。雪老冰枯事若何。明日三陽交泰後。不妨同唱太平歌。

元旦上堂。元正肇祚。鳳曆更新。擊鼓陞堂。合談何事。天得一以清。地得一以寧。君王得一文明至。治。諸僧得一鼻孔遶天拈拄杖。且道。拄杖子得一。畢竟有何奇特。以拄杖畫一畫。截斷鄞江水。分開鄞嶺雲。示衆。叢林在在正蕭然。末法今當一萬年。活計多知。

藏鬼窟全威誰解按龍泉已降我虎不須坐未出睡
蛇那可眠一句投機播寰宇杖林山下竹筋鞭

元宵上堂一二三四五新羅與占波圖額五四三二
一燈籠與露柱交參以拂子畫一畫井底蝦蟇吞却
月無言童子口喃喃

上堂春山疊亂青春水漾虛碧寥寥天地間獨立望
何極有者道雪竇大師因慈悲之故有落草之談天
寧未免爲它從頭註破春山疊亂青春客來須看春水
漾虛碧賊來須打寥寥天地間阿魏無真獨立望何
極水銀無假擊拂子下座

結夏上堂文殊三處度夏達磨九年面壁且道意在
於何以拂子畫一畫於斯見得變大地作黃金攬長
河爲酥酪供養上座未爲分外其或未然且捋一夏
推尋看待到秋風別問津

上堂毛吞巨海芥納須彌則且置千光王靜住如來
在天寧拂子頭上禁足九旬今已過半且道功不浪
施一句畢竟又如何舉唱良久氣似繡袋令人可愛
上堂舉古德云佛從無依生若悟無依佛亦不可得

佛從無依生築著磕著若悟無依佛亦不可得三十
二相八十種好向什麼處去也以拂子畫一畫青原
白家三盞酒喫了脣道未沾唇

上堂舉僧問白水本仁禪師如何是不遷義仁云落
花隨流水明月上高峯師云大好不遷義白水盡力
只道得八成有問天寧如何是不遷義只向道彩鳳
舞丹霄烏龜鑽破壁

解夏上堂桑田成海幾番枯昨夜西風到井梧浩浩
塵中須辨主釋迦彌勒是佗奴

上堂舉教中道居一切時不起妄念眼裡著不得沙
於諸妄心亦不息滅耳裏著不得水住妄想境不加
了知蝦蟇跳上梵天於無了知不辨真實蚯蚓抹過
東海拈主文釋迦老子來也卓主文龍門無宿客龜
鶴自成仙

示衆埋頭玄妙語言間掉臂幾人能過關夢境風波
空險惡覺天日月本寬閒定光金地遙招手迦葉靈
山獨破顏我欲從頭重勘過免教一向管窺斑
重陽謝永相施財修佛殿并謝西堂監收上堂柱石

皇家金湯佛法還。佗大力量入田中稻熟及時收。願粒圓成免外求。此是衲僧用處。且道文殊是七佛之師。因甚在釋迦會下聽法。以拂子畫一畫。三年逢一閏。九日是重陽。

上堂。舉羅漢南禪師示衆云。紅霞穿碧落。白鷺點滄洲。不是寒山子。時來古渡頭。騎駿馬。驟高樓。萬里銀河。靦玉毬。別明真解。脫撥火。覓浮漚。亦和一偈。學似大衆直下。蒼龍窟。踢翻鸚鵡洲。波斯入關市。幾箇不回頭。擊鐵鼓。臥龍樓。八十翁翁。輾繡毬。娘生雙眼活。莫認海水漚。擊拂子下座。

上堂。一月普現一切水。一切水月一月現。永嘉大師盡其神力。只道得一半。拈主丈物見主眼。卓豎鳳棲。不在梧桐樹。

退院上堂。古德云。住則孤鶴冷。翹松頂去。則片雲忽過。人間天寧則不然。識得自家觀自在。塵塵刹刹可投閒。

天童禪寺語錄

門人 文暉 雲澹 等編

師入寺指山門云。重重無盡華藏海。重重無盡樓閣門。不勞彈指一超直入。

佛殿燒香云。佛身無爲不墮諸數。石牛闌古路。一馬生三寅。

祖堂鐵額銅頭驢。馬頭若謂傳佛心。宗一一重須勘驗。

據室拈主丈摩竭法令。少室真規把住。則泥沙匿耀。放行則烓薩舒光。靠主丈。

拈剎百千法門。一印印定大功。不宰大方無外。

山門。疏建法幢立宗旨。四海象龍一家桃李。

諸山疏。各各具大眼目。各各扶樹宗。乘六月黃河徹底水。

江湖疏。地北天南。收管罷釣。龍象蹇踏。非驢所堪。

指座。此座高廣。吾不能陞。與麼說話。謾新天童不得。

遂驟步登座拈香祝。

聖罷歛衣就座上。首白椎云。法筵龍象衆。當觀第一。

義師云。我宗無語句。亦無一法與人放。一線道有可商量。莫有迥脫根塵。獨超言象者麼。僧問。九龍屹半。

空雙池漾。廣碧絕勝古。覺場高指同。棲息欣逢爲。國開堂極則。宗乘請師提唱。師云。西天胡子沒髭鬚。進云。與麼則。皇恩佛恩。一時報畢。師云。獅子不咬麒麟。進云。祇如三聖道。我逢人既出。出即不爲人。與化云。我逢人即不出。出即便爲人意。旨如何。師云。千聞不如一見。進云。可謂蒲團時倚。無餘事。永日寥寥。謝太平師云。不是弄潮人。爭入洪波裡。僧禮拜歸衆。師乃云。法隨法行。法幢隨處建立。有時向十字街頭。拋沙撒土。有時向千峰影裏。瞞月披雲。喚作建立法幢。埋沒自己。不喚作建立法幢。孤負先聖。衲僧家機如掣電。眼似流星。到者裏也須明白。始得天左拖地。右轉日東。上月西落。黃河三千年。一清。蟠桃三千年。結實。且道不拘凡聖。不落古今。畢竟又如何。話會豎拂子。天高群象正。海闊百川朝。復成一偈。舉似大衆。真空妙有不相干。盤走珠兮珠走盤。豎亞摩醯頂門。眼大千沙界掌中。觀上首復白椎云。諦觀法王法。法王法如是。

當晚小參。僧問。承教有言。止止不須說。我法妙難思。

如何是難思底。法師云。一二三四五。進云。怎麼則。昔日五千增上。優今朝大衆。釋疑情。師云。專爲流通。進云。急水江頭。須下釣。如何釣得。巨鼈歸。師云。你祇要勘破新長老。進云。與麼則。師于窟中無異獸。象王行處。絕孤蹤。師云。你眼似鼻孔。乃云。似地擎山。不知山之孤峻。如石含玉。不知玉之無瑕。達磨大師來自五天竺國。便云。吾本來茲土。傳法救迷情。一華開五葉。結果自然成。金不博金。六祖大鑑禪師云。菩提本無樹。明鏡亦非臺。本來無一物。何處惹塵埃。水不洗水。自后宗風。廣被天下。德山棒如雨點。臨濟喝似雷奔。秘魔擎叉。禾山打鼓。俱胝豎指。雪峰。轉毬。汾陽。莫妄想。趙州。喚喚喫茶者。一隊老僧。查鬼面。神頭。千差萬別。爭奈鼻孔。總在新天童手裡。拈拄丈。千年桃核裏。元是舊時仁。復舉前住當山啓禪師。因僧問。學人卓卓上來。請師的的。禪師云。我者裏一柄便了。有甚卓卓的的。師云。者僧好箇問。端大似眼中著屑。啓禪師作家手段。不能腦后抽釘。

開爐上堂。舉此菴師祖偈云。開爐今歲無柴炭。潦倒

情懷實不安寒氣四山來得重。大家收足上蒲團。亦成一偈。舉似大眾。無柴無炭尋常事。懶把家私說向人。撥著冷灰重發。三冬和氣。藹如春。

祖忌拈香。得得西來有何奇特。一葦渡江。九年面壁。奴呼釋迦。婢視彌勒。若謂分皮分髓。隻履西歸。檢點將來。分文不直。遠諱之。長蘇此枯木。聊表世義。

上堂。舉長沙本和尚因張拙秀才看佛名經。乃問百千諸佛。但聞其名。未審居何國土。長沙云。黃鶴樓崔顥題后。秀才曾題否。秀才云。未曾。題長沙云。得閒何妨。題取一篇好詩。云。張拙秀才被長沙一坐。直至如今。起不得。天童今日爲張拙秀才雪屈去也。拈主丈。蘇廬蘇廬。靠主丈下座。

上堂。山中往年曾有更。或陰或晴。晝起密密。夜作專爲報更執爨者。有準以致雲堂海衆禪。誦食息不失其時。新禪師作記。文辭奇古。石刻猶存。第未知更壺廢弛之餘。今留何所。此乃爲住持者檢點家私之一端。不可作佛法商量。不可作世諦流布。擊拂子下座。上堂。三條椽下七尺單。前提箇話頭。密密體究。忽然

穿透虛空。亦非分外事也。其或未然。有寒暑兮促君壽。有鬼神兮妬君福。

上堂。毗盧藏海清淨湛然。一擊金槌。聖凡罔措。龍吟霧起。虎嘯風生。八十翁翁。輓繡毵草。薙卸下瑠璃瓦。冬至小參。僧問。群陰剝盡。一陽復生。小人道消。君子道長。納僧分上。畢竟如何。師云。猛虎口中撐玉筯。進云。恁麼則一氣不含有。象萬靈何處謝無私。師云。攻乎異端。斯害也矣。進云。學人未曉其中旨。請師方便。再宣揚。師云。博桑人種。陝西田進云。便恁麼去。而如何。師云。拔劍攪龍門。進云。謾某甲一人。卽得爭奈。大眾。眼何師云。合取狗口。乃云。靈光不昧。萬古微猷。智鑑洞明。十虛普應。時臨亞歲。節屆書雲。擊動法鼓。大眾雲集。一天眞。一一明妙。更待說箇什麼。若說有法。又被有礙。若說無法。又被無礙。若說不有不無法。又被不有不無。礙若說不有不不無法。又被不有不不無礙。雲從龍。風從虎。聖人作而萬物覩。日可冷。月可熱。衆魔不能壞。眞說以拂子畫一畫。黃檗樹頭懸蜜果。無言童子唱巴歌。復成一偈。舉似大

而一作時

衆塵嬰自己光明藏。法法何曾有去來。謾道一陽生。地底競觀鼓管動飛灰。

上堂冬至月頭賣被買牛。冬至月尾賣牛買被。此是三家村裡田庫翁底言語。雖然其意如神。不見道。機言及細語。皆歸第一義。若謂第一義。納僧門下。正是誑嚇闍闍。拈主丈三邊不用安。戈甲萬里歌謠謝太平。

看藏經上堂。今人看古教。未免心中鬧。欲免心中鬧。須知看古教。古德與麼說話。也有權。也有實。也有照。也有用。未免有一處。誑訛良久。阿釋達池深四十丈。闊四十丈。也要諸人共知。

上堂僧問。如何是佛。師云。八角磨盤空裡走。進云。如何是法。師云。赤腳踏冰梭。進云。如何是僧。師云。井底種絲禽。進云。如何是一體。三寶。師云。驢驢將捕鼠。不及跛猫兒。僧禮謝。師乃云。佛祖向上。已鼻諸人。本地風光。覩得破者。銀山鐵壁。覩不破者。銀山鐵壁。且道一大藏教。是箇切脚畢竟。喚什麼作正文。拈主丈。興化棒頭知落處。笑看千嶂起風雷。

竊入上堂。六年修道。魚投網。午夜觀星。鶴出籠。嚇鬼。謾神。二千載。塵毛剎海。撼腥風。

上堂。未達境。惟心已種種。分別達境。惟心已分別。則不生者。箇說話。老僧三十年前。得受用。三十年后。不得受用。蟪蛄蠳。春即踏。前下馬臺。則不問汝等諸人。長年喫飯。還曾咬著一粒沙麼。擊拂子下座。

上堂。舉僧問雲門。如何是雲門。一曲門云。臘月二十五。師云。臘月二十五。喚作雲門。曲聞者耳。須臾唱者。舌須禿。南地竹。牙北地木。六六依然三十六。

除夜小參。僧問。爆竹聲中。殘臘盡。請師直示少林宗。師云。潘閬倒騎驢。進云。心是根。法是塵。兩種猶如鏡。上痕痕垢盡。時光始現。心法雙忘。性即真。如何是性。即真。師云。劍去久矣。汝方刻舟。進云。與麼。則野老不知堯舜力。鑿鑿打鼓祭江神。師云。螺螄吞大象。乃云。古來吾宗。旺化不拘院之大小。不分職之東西。非特長連床上一念。萬年。至於開田燒畚。負春運薪之際。未嘗不互相激揚。實乎發明。千聖頂額上。不傳之妙。上至王公卿士。下及耕牧樵漁。徹證向上。已鼻者。

比比有焉。今則不然。雖千變萬指之利。以西來單傳直指之宗。視爲枉措。縱有言說。罕究根源。懈於夙興。多缺參會。禮法囿於世故。不明因果。愆尤我此一衆。智識不凡。敢望卽事卽理。同德同心。支大厦之將傾。回狂瀾於既倒。不踐今時。近跡堪躡。古聖遺蹤。不見北禪賢禪師。歲夜小參。云年窮歲盡。無可與諸人分歲。且烹箇露地白牛。炊黍米飯。向槽枥火唱村田樂。何故。免兒倚佗門戶。傍佗牆。剛被時人喚作鄆下座。歸方丈。少時有倚遇上座。入方丈。喚云和尚門外有公人來。禪云作什麼。過云道勾和尚。納筋角禪。遂捋下頭帽。拋在地。過乃從地拾之。禪便擒住云。捉賊捉賊。遇卽將帽覆禪頂。云天寒且還和尚禪。呵呵大笑。大小北禪。雖則大開東閣。未免與賊過梯。遇上座無端。禍出私門。也是壞生。招箭檢點。將來總欠悟在天童。今夜歲盡。年窮。不惜口業。牽枝引蔓。鼓動臍輪。無非真實相。爲切希。勉旃。復成一偈。學似大衆。西祖意如何。年光飛箭過。撥波求火少。擔草棄金多。妙湛非它佛。塵勞卽自魔。莫教開却眼。鷄子過新羅。

歲旦上堂。舊歲已去。新歲復來。長空雪霽。大地春回。垃圾堆頭。真燈發。荊棘叢裡。智慧花開。萬法雖云一理。該三臺。還是大家催擊拂子下座。上堂。空萬法於一心。了衆味於一舌。不見有異相。衆生同成學。般若眷屬。拈主丈。摘楊花。摘楊花。長慶有願不撒沙。元宵上堂。不裁無影樹。不吹無孔笛。牛角長三寸。兔角長八尺。且道一燈然。百千燈。燈燈無盡。畢竟又如何。限量良久。唱歌須是帝鄉人。上堂。僧問。昭昭於心目之間。而相不可覩。晃晃於色塵之內。而理不可分。既於心目之間。爲什麼不覩其相。師云。前行不到末。后太過。進云。恁麼則雲散家家。月師云。令我攢眉。進云。學人不會。師云。脚下泥生。乃云。長嘴鳥。芳樹不棲。摩斯迦滄溟。不入龍泉。與刀斧同。鐵利鈍。懸殊良驥。與鷲駘同途。遲速有異。以拂子畫一畫。花須連夜發。莫待曉風吹。上堂。學僧問。西堂有問有答。賓主歷然。無問無答時。如何。西堂云。怕爛却去。那僧問。長慶有問有答。賓主

金欄之外傳何物三昧由來各不知倒却門前剎竿
著阿難從此釋狐疑

舉維摩經云其施汝者不名福田供養汝者墮三
惡道

一溪流水自忙萬疊青山不老戴嵩牛臥夕陽歸幹
馬嘶芳草

舉菴婆提女問文殊云明知生是無生之法爲甚
却被生死之所流轉文殊云其力未充

生死所流其力未充蛇吞鼈鼻虎咬大蟲

舉僧問趙州如何是祖師西來意州云板齒生毛
西來有甚意板齒不生毛喫粥洗盂了茅檐日又高

舉臨濟大師凡見僧入門便喝

當陽一喝似轟雷也是重添醉后杯今古罕逢穿耳
客與誰攜手上高臺

舉藥山儼禪師因遵布衲作殿主浴佛次藥山云
汝只浴得者箇且浴不得那箇布衲云把將那箇
來藥山便休去

者箇那箇總成滯貨眨上眉毛早已蹉過藥山休去

太顓預今日分明重說破

舉文殊所說般若經云清淨行者不入涅槃破戒
比丘不入地獄

一心了了元非有萬物芸芸不可齊泉領藕花歸洞
口月移松影過溪西

舉丹霞到一荒院遇夜取木佛燒火向院主乃呵
實曰何得燒我木佛霞以主丈撥灰云燒取舍利
院主云木佛何得有舍利霞云若無舍利更取兩
尊燒院主嗣后眉鬚墮落

丹霞行脚投荒院正是天寒地凍時木佛拈來燒火
向無端院主墮眉鬚

舉南陽忠國師因唐肅宗皇帝問如何是無諍三
昧師曰檀越蹈毗盧頂上行帝曰寡人不會師云
莫認自己清淨法身

君王出語世無如拶倒南陽老古維清淨法身云莫
認也將魚目換明珠

舉僧問古德年窮歲盡時如何古德云東村王老
夜燒錢

東村王老夜燒錢。五鳳樓前學鐵鞭。笑殺太原平上座。角聲吹徹獨歸穿。

舉德山凡見僧入門便棒

宗師一等太垂慈。白棒逢人盡面揮。走遍江南與江北。滿身煙水孰知歸。

舉僧問鴻山。如何是百丈真山。下禪床叉手立。僧又問。如何是和尙真山。復上禪床坐。

清溪道士人不識。上天下天鶴一隻。洞門深鎖碧窓寒。滴露研朱點周易。

舉達磨大師自梁涉魏。至洛陽少林面壁而坐。經九年二祖傳法。

觀音示跡。梁王罔識。折葦渡江。少林面壁。直指單傳。太險巇。一華五葉成。假藉。

舉昔有一座主。常念彌陀號。有小師喚云。和尚主。回首小師不顧。如是數四。主叱之。小師云。和尚幾年喚。佗卽得某甲纔喚便發惡。

幾年喚佛。渾無事。數度喚師。還發嗔。誰握龍泉還天下。當陽能報不平人。

舉六祖大師因風颺剎。騰二僧對論。一云。風動一云。幡動。往復曾未契理。六祖云。不是風動。不是幡動。仁者心動。二僧悚然。

非風搖動。仁者心動。拈得眼睛。打失鼻孔。祖師真是好知音。多向枯椿舊處尋。

舉南泉和尚云。心不是佛。智不是道。

昨日種冬瓜。今朝栽茄子。生涯勝舊年。何樂到如此。

舉本平道禪師因僧問。如何是祖師。西來意。平云。

石羊頭子向東看。

臨機開口不相讓。要使醍醐透頂寒。有問西來祖師意。石羊頭子向東看。

舉香林和尚因僧問。如何是衲衣下事。林云。臘月火燒山。

衲衣下事。臘月燒山。問來語。則答去機。開千里參玄。士徒教賣布單。

舉僧問首山。如何是佛法的大意。山云。楚王城畔汝水東流。

首山和盤托出者。僧喚不回頭。日日楚王城畔。滔滔

汝水東流

舉盤山一日出門見昇喪歌即振鈴云紅輪決定
沈西去未委靈魂往那方幕下孝子哭云哀哀山
忽有省

訶郎聲未絕孝子哭哀哀大小盤山老無端落賺來
舉紫湖門下立一牌牌上書云紫湖有一狗上取
人頭中取人心下取人腳擬議即喪身失命新到
相看便喝云看狗纔回首湖便歸方丈有問如何
是紫湖狗云噉噉

紫湖喝僧看狗是誰親遭一口莽莽走遍西天得
藏身北斗

舉僧問智門蓮花未出水時如何門云蓮花出水
后如何門云荷葉

蓮花與荷葉自古到如今出水未出水何勞著意尋
舉僧問古塔主如何是佛主云莫莫又問如何是
祖師西來意主云莫莫

莫莫祥麟只有一隻角黃頭碧眼笑欣欣八臂那吒
空發惡

舉僧問巖頭浩浩塵中如何辨主頭云銅沙羅裡
滿盛油

眼中著屑腦後抽釘金不博金水不洗水挽之不後
推不前獼猴上樹尾連頭

舉鄂州無等禪師謁王常侍辭退纔出門王乃召
云和尚師回首王遂敲露柱三下師以手作圓相
撥三撥便行

嚇鬼喪神橫該豎抹露柱三敲圓相三撥拈起死蛇
解弄也活咄咄咄

舉五臺秘魔巖和尚常持一木杈凡見僧來遂提
起杈云什麼魔魅教汝出家什麼魔魅教汝行脚
道得也杈下死道不得也杈下死速道速道

秘魔巖下老魔精立箇門庭鐵膽驚好似霍山親到
後至今四海樂昇平

舉黃檗因南泉問黃金爲城白銀爲壁此是甚人
居止處檗云聖人居處泉云有一人居何國土檗
近前叉手泉云道不得何不請王老師道檗云有
一人居何國土泉云可惜許

可惜許可惜許和音不在頻頻尋當年黃藥與南泉
全身親在草窠裡

舉曹山因僧問世界恁麼熱向甚處回避曹山云
鑊湯爐炭裡回避僧云鑊湯爐炭裏如何回避曹
山云衆苦不相到

世界恁麼熱誰云回避難鑊湯爐炭裏著得老曹山
舉僧問趙州承聞和尚親見南泉是否州云鎮州
出大蘆葦頭

南泉何曾親見好手還它趙州拈出鎮州蘆葦頭
訶僧咽喉

舉盤山垂語云三界無法何處求心
三界本空一心何有水上捺葫蘆空中翻石臼鐵牛
不怕獅子吼

舉僧問趙州萬法歸一一歸何處州云我在青州
作一領布衫重七斤

萬法歸一一何歸誰將圓木逗方孔趙州曾在青州
時作領布衫七斤重

舉馬大師不安院主問和尚近日尊位如何大師

云日面佛月面佛

院主問來元自易大師答去亦非難無縫一曲天然
到地北天南誰解彈

舉僧問雲門如何是法身門云六不收

雲門六不收土宿倒騎牛踢翻四大海直上五雲樓

舉僧問趙州如何是趙州州云東門西門南門北

門

鳥飛并毛走清曉復黃昏趙州如來讓東西南北門

舉俱抵和尚凡有所問只豎一指

豎一指老俱抵電光匪急石火應遲從來佛法無多

子只許狸奴白牯知

舉僧問香林如何是祖師西來意林云坐久成勞

訶僧門下不在切切西來祖意坐久成勞

舉僧問百丈如何是奇特事丈云獨坐大雄山僧

禮拜丈便打

有問如何奇特事便云獨坐大雄山待它禮拜劈脊
打也似波斯念八還

了堂和尚讚語

門人 宗遠 思廉 等編

無量壽佛

稽首樂邦大導師。曠劫乘茲大願輪。猶如累日昇虛空。群生蒙益無窮已。演暢微妙最上乘。舌相遍覆三千界。羣生迷妄久迷逝。廣開攝受方便門。一志誠心二深心。三者同向發願心。塵勞業謝閻浮提。九品咸生安養土。七重樹幢諸般樂。重重珠網光交羅。四色華敷八德池。池中香水恒充滿。白鶴孔雀鸚鵡等異口同出和雅音。物我互融宣法化。實非罪報之所生。導師功德難思議。我說持尺量虛空。樂邦殊勝難思議。我說持蠡測巨海。徹見本性自爾陀諦了。惟心自淨土。十方刹海悉銷殞。十方如來同證明。

維摩居士

我觀古聖出興無非不思議。力居士示疾毗耶。允非世智能測。借寶座於燈王。請盞飯於香積。如置菓葉鍼鋒。斷取妙喜佛國。彈偏擊小。兮眼觀東南。歎大褒圓兮。意在西北。願展纖毫神通。頓釋群生蒙惑。既云文字性空。何對文殊一默。

普賢大士

稽首普賢大士。大行大願度生無邊法界微塵一一塵中。偏入塵中。所有寶刹刹利。或有居士手執妙蓮經卷。端坐雪色象牙羣生一念相應。大士即見其前。群生業海未空。大士行願無盡。十方虛空爲口百億須彌爲舌。讚揚大士功德功德云何讚揚。

觀音大士

三界群有自昧已。靈見不超色聽不出聲。大士示見非一方。便宴坐觀空。空何所見。十方擊鼓聞無不圓。縛脫無二根塵同源。眞慈非慈。眞說無說。萬國行春。千江印月。十四無畏刹刹全彰。四無量心。塵塵普應。衆生界上幾曾迷。剛道圓通耳根證。

虛空可量鐵壁可入。大士示見言思莫及。或定或慧。或慈或威。不違本誓。普應羣機。

手裡輪珠脚下蓮。天邊明月水中天。度生悲願自無盡。那箇衆生覺未圓。

全身是此。經有口道不得。大啓圓通門。端坐盤陀石。大士經文不即不離空覺。極圓匪同匪異。一毫端上。

示圓通午夜金烏海底紅

玉貌雲鬟貌不如。閻浮界上示真慈。紅塵浩浩人如海。籃裡金鱗賣與誰。

布袋和尚

蔣公無事越慈僧。背上何曾有眼睛。盡謂長汀出獵勒。至今流水洗難清。

無人背覓一文錢。走街頭擔條主丈龍。華會上翻處尊。弄出許多窮伎倆。

不在威音前。不落迦文後。打開破布囊。裏面般般有。鼻孔分明失半邊。噴嚏也成師子吼。

金陵真覺大士

弊衣徒跣髮垂肩。誰謂僧繇畫不全。別有示人奇怪處。剪刀鏡尺杖頭懸。

戒香啞女

長廊生帚掃塵埃。曠劫深乘悲願來。滯句承言滿寶宇。故將啞口向人開。

描金渡水羅漢

毗盧藏海湛然恒寂。一念警覺昇沈罔極。粵有聖師。

四果極位應供十方親承佛記。少長神通涉海騰空。鞭笞兩笠風虎雲龍。誰把黃金幻描異相。載禮載贖。捫空追響。

自達磨大師至歸源老人凡二十八代天台

比丘嗣曇藏主命工各繪真像請讚

初祖達磨大師

西天毒種東土妖孽。直指單傳千差萬別。對梁王道。箇不識。畫虎成狸。逢宋雲手携隻履。證龜成鼈。大千沙界。絕行蹤。高圓熊耳峰頭月。

二祖可大師

望真丹有大乘器。立雪齊腰。斷臂人了了。常知言莫。及擊開鐵樹不干春。

三祖粲大師

覓罪不可得。與汝懺罪。竟匿跡皖公山。無私大圓鏡。

四祖信大師

是誰縛汝來求解。脫腦後抽釘。死中得活。我今無心。諸佛豈有撥轉。南辰移來北斗。

五祖忍大師

問法未由栽松無暇七歲歸來翻成話。囑傳承祖父
舊家私。剛向人前索高價。

六祖能大師

倩人書壁。半夜傳衣。從頭怪異。徧界光輝。

南嶽讓和尚

修證則不無。汙染則不得。磨磚作鏡時。平地生荆棘。

馬祖一禪師

卽心卽佛。非佛非心。袖頭取頭。腋下剌襟。剛被龍翁
閒指註。妙彈一等無絃琴。

百丈海禪師

野鴨飛過去。鷺鼻拽教回。伯牙與子期。不是閒相識。
明朝馬祖陞堂。無端卷却拜席。

黃蘗運禪師

捧却一副盃。孟坐在南泉位上。有問幾時行道。便云
威音已前。硬如生鐵。軟如綿。遇著知音。笑揭天。

臨濟玄禪師

黃蘗堂前。曾喫樹高安灘上。始翻身。分明一箇白拈。
賊大樹陰涼天下人。

興化獎禪師

平欺受德。痛打克賓。鉤頭有眼。眼裡無筋。

南院顯禪師

特來禮拜。和尚恰遇。寶應不在。倦鶴投林。靈龍戲海。

風穴沼禪師

空山古寺。單丁七年。乞付落。以活命。對萬象而談禪。
祖祖相傳。正法眼。竟教滅在瞎驢邊。

首山念禪師

迦葉不聞聞。世尊無說說。者箇閒公案。何勞強分別。
幾多明眼人。一片紅爐雪。獨許念法華。笑它老風穴。

汾陽昭禪師

逆行順行。天莫測。父母亡靈祭。一回座下。六人成大
器。胡僧請法。不虛來。

慈明圓禪師

遠道阻重兵。易衣類。養大法。既悟明。高名滿穹壤。
泉大道極口。稱揚楊大年。傾誠推獎。咄。

楊岐會禪師

電激鸞馳。言外旨。天荒地老。憑誰學。三脚驢子弄蹄。

行脫口水霜滿寰宇

白雲端禪師

撥草瞻風尋玄覓妙。擡著整頭大發一笑。鏡觀無門。思量莫到。直饒脫體承當。也是望空啓告。

東山演禪師

鷄冠華鐵。酸餚多處。添少處。減落。落。和秋。開口見。雞

圓悟勤禪師

金山熱病方甦。醒五祖。回。歸正。此時。待者。多得。禪了。也。憐兒。不覺。報人。知。

虎丘隆禪師

摩鹽眼。活妙。琢無痕。般若。顯深。大功。不幸。落落。叢林。話。轉新。耽耽。睡虎。全威。在。

應菴華禪師

虎丘室中。得法。洋嶼。菴中。付衣。俯視。禪流。雲。還水。地。高。提祖。令雷。厲風。飛。

密庵傑禪師

問正法。眼答破沙盆。欺。淺佛祖。震動乾坤。

松源岳禪師

提金剛。翻破邪師。見。翻用黑。豈法。橫。將僧。眼。睛。揭。破。之。衣。把。住。少。林。之。旨。愈。明。

天目禮禪師

大。疑。四。衆。三。督。黃。牙。量。滿。巨。海。機。驗。懸。崖。拈。出。南。山。望。爭。東。海。爲。翻。愛。向。叢。林。驗。作。家。

橫川拱禪師

磨。鏡。就。圓。示。成。功。於。粥。子。去。華。取。實。任。大。法。於。已。躬。掃。空。言。時。弊。習。恢。復。上。古。醇。風。萬。象。森。羅。齊。試。目。輝。峰。高。出。大。江。東。

竺源道禪師

乾。屎。概。悟。在。一。朝。爛。蒲。糞。話。行。四。海。一。具。鐵。面。皮。到。死。也不。改。

豐干禪師

騎。虎。出。松。門。爲。人。機。用。別。間。丘。太。守。前。天。機。都。漏。泄。都。漏。泄。金。剛。腦。後。三。斤。鐵。

寒山拾得二大士

掣。風。與。掣。顛。非。凡。亦。非。聖。颺。下。菜。查。筒。放。來。甚。帶。柄。答。豐。干。不。游。五。臺。嚇。瀉。山。同。出。松。徑。爲。盡。天。下。心。長。

吟并短詠。倒握鐵蒺藜。擊碎軒轅鏡。拍肩大笑太無端。森羅萬象齊歡慶。

靈巖了庵和尚。其嗣法弟子梨洲與長老參侍山行像。

半杯醇酎分。賴膽九曲神珠穿。驪睛日侍游松下。路誰云父子不傳持。

先師歸源和尚

古鄮峰前曾失脚。無端蹈著死蛇頭。兒孫不是揚家醜。毒氣傷人卒未休。

仗錫默堂和尚。小師安長老請。

目光電掣氣宇淵。澄衆禪風。靡群魔膽。驚大七峯如五嶽。漲西江於東溟。非智能測。何真可呈。因思普化翻筋斗。何獨盤山有寧馨。

天童元明和尚

乃翁雙谿大父歸源。冰枯雪老。談續芳聯。執峯室中訶佛罵祖。道臻衆妙。太白峯頂。羅龍打鳳。機透重玄。起宗綱於委地。動宸衷於九天。三關不用立。直透威音前。

自讚

泰岳端長老請

從上傳持。曾無別旨。虎嘯風生。龍吟霧起。彈指圓成。八萬門。還許早已三千里。

回峯遠長老請

四處住山三十載。惟思佛祖報深恩。曉來照影清池上。頭髮莖莖白到根。

染山主請

無傳之傳。此菴家風。無授之授。歸源宗旨。不是嫡骨孫。亦非克家子。指出羚羊掛角。蹤要看平地波濤起。

多福淨長老請

千峰頂上十字街頭。半響半啞。全放全收。破沙盆。鏗金戛玉。乾屎橛。塞壑填溝。大恩未報。雙鬢先秋。妙筆最難描。貌處愛同。稱子結冤讎。

小師集福思靜長老請

四處住山百醜千拙。石上栽花。水中捉月。描貌將來。家風迥別。別師子教兒迷子訣。

小師思謙藏主請

佛祖是緣敵。群魔爲弟昆。金圈胡亂擲。栗棘渾淪吞。
死蛇拈起弄得活。方是歸源真子孫。

中首座請

祖翁恩大似難酬。歷盡風霜白盡頭。歲晏江空無著
處。獨騎駿馬驟高樓。

莊藏主請

掀碎破沙盆。掃除黑豈法全無。巴鼻傳持惟有空拳。
惡辣摘楊花。摘楊花。阿刺刺。阿刺刺。

我侍者請

心直語拙齒疎髮蟠。罷遊江海投老煙蘿百丈再參。
馬祖一喝。晴空霹靂。國師三喚。侍者三應。平地風波。
話落叢林已久。師僧錯會尤多。莫把生綃描貌。我儘
畔鷄子過新羅。

諱藏主請

療餒何須炮鳳髓。續絃自合取龍筋。黃梅衣付負春
客。妙解徒聞七百人。

了堂和尚語錄卷第二

了堂和尚語錄卷第三

了堂和尚偈頌

門人 文度 文朗 等編

次頌贈昭藏主再參靈巖了菴和尚

摩尼珠自圓轉。舍之則近取還遠。大洋海底靈龜生。
須彌頂上洪濤卷。不是心兮不是佛。頂門放出遼天
鵬。長空雲淨月三更。倒持鐵杵敲冰骨。既明密意自
已還。何須再買三吳船。靈巖老人太饒舌。令行好擊
三百鞭。

靈巖歌次無言和尚韻

靈巖靈巖吾爲歌。無風自起滔天波。回頭已覺滄溟
窄。朝宗萬派如渠何。源遠流來自摩竭。銀山鐵壁俱
通徹。六月陰生火聚涼。三冬燄發冰河熱。靈兮非內
壑。非外古。往今來絕停待。月明歌罷夜堂空。天風撼
動千年檣。

次中竺古鼎和尚韻贈尤藏主

展開佛手伸出驢脚。露柱燈籠築著。疏著。特爲此事

參尋布單枉教賣。却一顆如來藏裡珠。日用靈光常
烜赫。

贈明首座

一字字一句句。覲面提持誰云密。付永嘉到曹溪。韶
陽見靈樹子真。師子兒機。先知落處。七九六十三。逢
人休錯舉。大地春敷五葉華。老胡徒自涉流沙。

大義號

上人號大義。大義難形諭。不在隔江舉火時。不在開
田展手處。父母非我親。黑漆昆侖遭指註。諸佛非我
道。狸奴倒上菩提樹。三千刹海一一全彰。八萬法門
頭頭顯露。竹山有口莫敷宣。從教舉向諸方去。

送奉藏主江西禮祖

大藏小藏全提半提。騎聲蓋色帶水拖泥。三登投子。
一宿曹溪。天明錫犬吠。夜半木鷄啼。動靜寒溫宜自
愛。祖師何獨在江西。

次無際和尚韻示問禪行者

雲鎖萬峰巔。苔徑無人跡。淨人從何來。貌古雙瞳碧。
自言多記古機緣。徧歷諸方叩知識。我宗無法與人

傳。交馳問答。誠何益。袖裡真金用不親。徒將瓦礫閒
相擲。臨風不覺成太息。般若叢林長荆棘。

次平石和尚韻贈大雲曇藏主

遊徧諸方。歸石床。薜花碧。掀翻五千卷。六門頓清適。
佗觀非正觀。無得是真得。自媿仍自悔。誰會復誰識。
用舍在當仁。古路如絃直。易乾生死海。不須金翅翼。

寄台城盧白居士

西祖門庭。單傳直指。聖不慕。佗靈不在。已微言妙語。
滿慶雲。總是無用。瘡疣紙打破。鳳林闢。却斲牛尾。
毗耶城裡。老維摩。拍手呵呵笑不已。

次了菴和尚韻送木菴藏主見潛卿先生爲
歸源老人求塔銘

深院無人正岑寂。追慕先師慘愁色。先師遷化何所
之。萬疊雲山鎖寒碧。木菴淵默聲如雷。令我頓覺孤
懷開。持來了菴法兄。偈明珠白壁。無纖埃了菴分。遠
屢更。歲大法千鈞。能負載。休居死后到先師。傷悼宗
門意。有在死。存生存事若何。波不離水水卽波。黃君
當今廊廟器。詞源浩浩傾天河。盛聞書言與書事。筆

力不減董狐史了庵指子求塔銘叢林有講或增喜
會看勒石成豐碑請訛句子難形書每怪古德真指
註如驢觀井井觀驢

贈藻維那

一了一切了一見不再見霜劍倚天寒發活分手面
興化打克賓臨機少方便出院仍罰錢恩多返成怨
若是大冶金百鍊色不變放去與收來何管不成見
茫茫只解問長安不知身在含元殿

題王真人月舟圖

皎皎天上月汎汎水中舟月或翳雲霧如心紫白憂
舟或厄風濤如身困馳求當淨心如月湛然渡素秋
當以舟喻身洞視生若浮月本無明暗舟還任去留

示小師思齊參方

出家入道非小緣當紹先宗明自己汝年十五事參
尋臨行囑汝無佗語勿翫山水費光陰勿厭穢腐慕
甘美勿輕實德貴虛名勿效無知狎庸鄙吳楚叢林
知識多晨參暮請羅萬指捧喝交馳掣電機直須薦
取言前旨后生可畏古聖言五十無聞我身是佗日

歸來似古靈我亦致書慶讚汝

題無著染上人芬陀利華室

瑞世白蓮華梵語芬陀利瑩絮玉雪同馥郁沈檀異
觀之色非色嗅之鼻非鼻所以古聖言是法難思議
無著染上人視世如幻寄取花以名室是真無著義
於中或宴安於中或遊戲此華與此室不即亦不離
無邊法界中誰淨復誰穢雪被太虛空花生眼中翳

贈聰藏主遊台廬

僧來問字惟一默金鉤玉線空拋擲狸奴白牯暗嗟
嗟羅古騰今有何極杖挑日月來天台萬八千丈登
崔嵬五百聲聞無處覓石橋飛瀑鳴如雷幡然又欲
尋焉蕩莫把工夫事遊賞詎那猶自未回頭到時好
鼓攔腮掌拈僧用處言不難轉地軸兮回天闢大家
拗折主丈子笑看千蟬起波瀾

性元號爲資藏主賦

見性成佛佛卽性獼猴撲碎軒轅鏡直截根元性非
元脫殼烏龜飛上天佛卽性也護甄別性非元也尤
親切黑漆昆侖舞柘枝赤脚波斯囈主鐵道人自是

僧中龍揭翻藏海。咸護雄八萬四千。塵勞荆棘叢中。
高懸惠日。三百六十骨節。旃檀林裡。普散香風。頓空
語默。迴脫羅籠。使夫一類。斷善根。聞提知有千聖。頂
額上不傳之正宗也。

示小師妙智參方

智過於師。方堪傳授。大抵相似。終不啣。汝丁壯年。
我趨衰謬。勿以名率。勿以利誘。廢寢於夜。忘餐於晝。
如渴求援。如焚求救。知識門庭。徧宜咨叩。入蘆菴林。
餘香不嗅。至道淵曠。終可成就。語默行藏。色色仍舊。
佗日歸來。禁得罵詬。無媿古人。吾宗良胄。

立立號

立固非立。立亦奚立。爲萬化之母。豈言思而可及。
卽真空成。妙有兮亦情塵之妄執。如是則窮天地亘
古今。明如日。黑如漆。取不得。捨不得。而強號之曰立
立。

次南堂和尚韻贈清禪客

開口卽錯。端的不容一句道著。喪我門風。直饒壁立
萬仞也。須末磨粉春。釋尊推微細禪病。明言五蘊初。

祖具真正知見。大破六宗。五葉花開。震日。萬年松在。
祝融狸奴。剝上菩提樹。午夜金烏。海底紅。

送天寧章藏主歸開元省師

姑蘇城中古法窟。西竺浮來二石佛。聞道曾經劫火。
餘鼻孔依然高突。兀道人遠自浮佛來。探立有志非。
凡才掀翻教典五千卷。笑觀雙續青崔嵬。師老歸覲。
誠尤確脩途不憚風塵惡。到時圓相不須呈。側身立。
侍禪床。角鷹問孤蹤。事若何。宗乘無補鬢先皤。太湖
三萬六千頃。雪浪翻空入夢多。

次芭蕉泉禪師示衆韻

三界擾擾何時休。窮其起處無端由。從迷積迷。歷塵
劫。吾徒自合思回頭。晝食餐夜食臥。米未經篩糠未
簸。巧飾言詞顯已長。安生枝節求人過。野干兒何所
宜。師子之皮不易披。自己田園荒廢了。它家物務總
能爲苦奔。奔波多懣懣。深種煩惱根。寧結菩提果。一朝
蛇入布裩。魂膽飛。怎眠坐。叫菩薩誰憐我。

送思上人之西州

妙年思訪道。決志尤宜堅。未會入門款。須防劈面拳。

沙彌有主無主。趙州曾見南泉。信手拈來。分水河發。
談當頭坐斷。分地生蓮。若是咬人師子。等閑拶透。
機先。知識門庭。好咨叩三吳煙浪。接遙天。

次保福一菴和尚韻送鄭侍者遊金陵

鑠石流金不我熱。折膠墮指不我寒。男兒奮志邁往。
哲挾珠驪。領會無難。壺中但覺日月。永量外須信乾。
坤寬世尊拈花示海。衆迦葉當時獨破。灝金聲玉振。
二千載撼動天上並人間。靈鋒寶劍常在握。自然破。
敵還斬。關此去金陵古城下。無事爲我拈撥看脫體。
承常都在汝莫教只管弄疑團。

贈隱侍者

道人索我書長歌。尺水誰能興丈波。肚裡不留元字。
脚當知文彩猶嫌多。長歌縱書成底用。打破虛空重。
覓縫。若人一念自知。非六月黃河連底凍。從來無妙。
亦無立萬象森羅舉不全。昨夜南辰移向北。阿難依。
舊世尊邊。

送方上人遊天台

日高蘿窻睡方起。道人袖出玉蘭紙。自言江海久曾。

遊未到天台。心未已天台。古今人共遊。幾人能解竊。
清幽育崖窻。谷金響響玉芝瑤。草天香浮半千尊者。
樂空寂或隱或顯。人不識。有時瓊裡現。茶花有時松。
根坐苔石。稍僧用處天然奇。高擗七尺烏藤枝。一挨。
一拶。儻不解。臨機慎勿輕饒伊。

大海錄都寺焙藏經

有大經卷難言說。四聖六凡俱洞徹。海藏龍宮五百。
函眼裡無端著。金屑楊岐用處人罕同。要覓挂角羚羊。
蹤紅爐談上舒復。卷墨花香霧翻晴。空眼觀東南。
意西北。錦標更向何時得。彈指圓成八萬門。何待佗。
生問彌勒。

清心堂

雅志遠塵滓。深雲構虎堂。水澄石磊磊。月白山蒼蒼。
琪樹落秋影。瑤草生異香。孤坐四檐靜。天風透微涼。
萬慮不相到。一片凝水霜。人生貴知止。歲月奔風檣。
誰能苦膏火。置身聲利場。

勾龍道人每口中道咩咩三字述此以贈

道人道箇咩咩。頃空言義真奇怪。若是驚群師子。

兒。拶透機先。何痛快妙乎。此道絕疎親。猶恐從前認識神。直饒一念空三際。也是悵悵摸象人。回僊不見黃龍老。燕石那知非至寶。當時牙齒欠關風。彼此全身入荒草。同中異也異中同。消息由來不易通。昨夜泥牛闢入海。天明鐵鷁舞翻空。

示小師思敏侍者再參育王雪竈和尚

鄧峯有宗工。迅機如電掣。鍛聖與鍛凡。竹筵三尺鐵。汝欲追再參。決志宜猛烈。目前事萬端。一刀須兩截。當年老韶陽。何嘗有言說。紙襖上抄來。重添眼中屑。老我籛峯頭。百醜復千拙。臨行覓贈言。一口無兩舌。自家本有靈光。直要觀教通徹。其或如存若忘。恐無會底時節。

次韻贈昱上人

吾宗論實不論虛。毫釐有差天地殊。南山起雲北山雨。東家作馬西家驢。江河爲舌義難演。鐵石作膺恩未孤。不許夜行須曉到。誰知更有赤鬚胡。

次東州和尚答古林和尚眞蹟韻

舜若多神發惡剛。把虛空穿鑿。木馬奔脫四蹄泥。牛

驚折兩角。爭似鳳臺虎丘。傑出叢林。高作參徒。水赴雲趨。迅機雷轟電鑠。當陽撼碎破沙盆。瑞氣祥光騰碧落。

贈彌陀昱長老

至道無難。惟嫌揀擇。山高海深。烏玄鵠白。若是具眼衲僧。自然超宗逸格。曠大劫不消一瞬。何古何今。無邊界全在一塵。非寬非窄。叢林有此出群才。何慮聲光不輝赫。摩挲老眼碧峯前。要觀九萬翔鵬翮。

韜侍者血書蓮經

經名妙蓮花。如來眞秘訣。方便演三乘。有語非干舌。道人用處尤親切。歷盡娘生指尖血。一毫端上見神通。百億毫端亦非別。讚歎莫及歡喜。不徹一會靈山巖。然切忌眼中著屑。

贈天元達書記

當年大覺依圓通。主賓契合恢吾宗。文字不卽亦不離。高懸慧日開羣蒙。圓通道大動。天子大覺誠爲天下士。銀瑤小使頒給音。舉賢代己人罕似。淵才雅思自古今。宗乘麟猷眞知音。男兒奮志邁往昔。金聲

玉振傳叢林

送仙巖華石瑛長老

古德心。心貴相契。出世不忘悲願。海叢林是處沾恩。
波瀾萬聲光。至今在。誤讀楞嚴思老。安唐言梵語何。
相干。非惟無佛亦無已。災災六月水霜。寒道人氣岸。
天然別。驪嶺明珠手親扶。祖翁一箇破沙盆。倒用橫。
拈自超越。

次韻送振侍者參方

只是無師。不是無禪。斬釘截鐵。謬解悞傳。若謂超今。
邁古。開口蚤成墮負。更言別有生涯。對面拋沙撒土。
直饒納大千於一塵。打三更於日午。正好拶教面紅。
知有少室真宗。翠巖不得善侍者。那明真際分頑空。
參遍江南與江北。須知不假它家力。一念回光見得。
親達磨九年空面壁。

次韻贈晟維那

祖令高提。欺胡謾漢。越聖超凡。轟雷掣電。變化打克。
賓風穴見。南院機用。隔天淵誰云可同傳。直饒靈源。
湛寂絕滲漓。吾宗那可稱傳。持指蠅垤爲太華。認蹄

脊爲歸壘。對談爐而受凍。坐飯糲而忍飢。男兒奮志。
從師決擇。此道非自欺闇。浮身世膠膠擾。擾轉眼成。
衰遲。

送天童東岡所書記住天王

老南見慈明。良遂參麻谷。拈起鐵蒺藜。擊碎無瑕玉。
教苑初遊。眼中已刮金。錢禪林晚歸。兮腦後更抽。
金線。寂寥非內兮。素範還還。寬廓非外兮。真規復復。
挹雙沼之淵澄。大雙溪之正續。普施法雨。勿遲遲無。
限焦枯待霑沃。

宗元號

恢宗郭元。呵佛罵祖。尋流得源。上馬見路。了無朕跡。
正好推窮。千差萬別。入達七通。不礙前蹤。寧彰後位。
烈燄銷冰。迅雷破柱。

天台竺曇瑞首座扁所居室名四華世界徵
伽陀以證

無邊刹土。本清淨淨土。何獨稱西方。羣生妄覺。淪有。
海情波。識浪何茫茫。娑婆釋尊運慈。薄隨機演法多。
門戶。十六禪觀。乘願輪面奉彌陀。子歸父。入德池開。

四色花其地布以黃金沙大如車輪絕傾側微妙香
潔分光華天台道人竺曇瑞四華榜室超言義優益
曇與拘物頭波斯迦及芬陀利經行坐臥於其中淨
生萬念春水融淨名不忘修淨土明知佛國從來空
我宗孤危何取舍問著痛棒和聲打滄溟月白吼泥
牛大野風生嘶木馬於一毫端洞十虎割波限域徒
區區拈却風前案山子不妨潘閬倒騎驢

示莊侍者

不慕諸聖不重已靈機如掣電眼似流星敲唱雙行
有準師資會過非輕野鴨飛過時護它百丈侍鄧有
省處不打三平聲前破的腦后抽釘拋鐵網於秦華
捉麒麟於滄溟幾多癡狂外邊走兩耳卓朗頭鬚髻

贈日本俊藏主

單傳直指絕學無爲頓空華藏海抹過毗盧師無量
法門都來在汝百千億劫不出今時逆施倒用見教
徹德山臨濟還堪追

示淨藏主

活寔寔明落優心早已成纏縛一毫端上識根源

八萬法門頃昭廓是不是非不非徒將情解窮玄微
黃龍拈出新貫索兩川義虎方知歸最初機末后著
瘥病不假馳乾藥藏裡摩尼自古今天邊日月何輝
赫

示度藏主

參至無參學至無學是聖是凡全歸掌握七十二汀
鄧水透入東溟萬八千丈台山高齊南嶽豈有路而
可行笑無繩而自縛毗盧藏海盡掀翻回頭好截蒼
龍角

次韻贈初侍者

出格言到家句古往今來幾人舉如來禪祖師意大
抵難傳竟腹器釋尊詳說對阿難正倒只輪金色臂
不在推窮尋逐時擡眸早已三千里瀉山只收水枯
牛不用手中三尺箠男兒參叩勿遲遲昨夜金風生
玉宇

次韻贈守侍者

潦倒雲門云念七接響承虛至今日拈得七兮失却
一運斤須還受斤資迦葉明明不覆藏始信如來語

非密陳年一等葛藤窠。對衆何勞重拈出。毛翹金毛
師子兒。頂門正好施一錘。祖域高深不易到。欲成大
智先成愚。臨濟會下亦梢鯉。誰道千非博一是。末后
非逢老夾山。翻身爭入洪濤裡。

贈中竺傑侍者

覺海澄圓性天朗。耀照而常寂寂而常照。倒握烏藤
蘸面揮誰知。特地開懷抱君不見。世尊拈起一枝花。
金色頭陀獨微笑。惟敲瓦鼓唱巴歌。看佗合出陽春
調。有放復有收。自起還自倒。

次韻默菴歌贈唯維那

我宗從來無語句。金春玉應何差互。巖間宴坐老空
生。雨花天帝尋無路。南海波斯吹鐵笛。泥牛側耳知
端的。紛紛覓妙參玄人。幾箇能禁惡拳。踢裙衫抖擻
尤難知。無端太阿成倒持。醖發冰河自閃鑠。參花枯
木徒芳菲。莫教守住英靈窟。直須東涌復西沒。伽陀
書罷倚危闌。天風磨出蒼崖骨。

于石號介侍者求

上人志道堅于石。石堅貴韞無瑕璧。良工剖琢石非

堅。志堅道可窮。立極落落當從自己求。碌碌休向它
山覓。生公說法曾點頭。五百力士空施力。

次韻贈閩侍者

東土隔西天。何妨密相付。覓妙與尋玄。邯鄲學唐步
頭頭總見前。法法成差互。達磨老臊胡。元來不是祖。
神光乞安心。來機曾不副。從頭點檢看。五五二十五。
當爐能不避火熱。誰謂同途不同轍。看它赤手坐重
關。把斷何曾通水泄。一機瞥轉威音前。拈起死蛇活
潑潑。百萬人中輒出來。自然用處天然別。因憶金巒
善侍者。翠巖親遭痛摧折。當時不得老慈明。滿懷冤
屈憑誰雪。

贈日本登侍者

香林遠侍者。久入韶陽室。韶陽道不涉言詮。紙襖無
端浪傳出。悞它學語禪流。轉增煙霞痼疾。吐得氣轉
得身去却。七三存一百尺竿頭。進步時。搏桑日上珊瑚
枝。

答龍華穆菴法姪康長老韻

四海禪流自旁午。少室宗乘待人舉。南堂嫡子鳳臺

孫地福善於長袖舞。迅機一喝如雷奔。要使正眼開。
頂門焦枯溥沃會有日。黃河九曲來崑崙。

次蘿月臺公墨蹟

後以智拔先定動。自然空靈壘勢夢。捧喝交馳建法。
門直教喪膽還驚魂。妙喜舌底風雷卷。點鐵成金丹。
九轉蘿月道人何所參。馬頭北也牛頭南。我之所說。
譬時雨塞却耳根。須聽取古今談。續與芳聯佛祖會。
無一法傳。

次韻送我藏主再參中竺季潭和尚

未明三八九難踰。古皇道白壁鑿石終自逢。青天掘。
地從渠討。是藥探將來拈起。一莖草機先領旨。何疑。
可疑量外。明宗弟好也好。五千餘卷葛藤窠。十聖三。
賢俱絆倒。要作德山臨濟下兒孫。更須參叩千歲巖。
前老。

用韻寄道純西堂

濟北宗風江西法。道電激雷奔不覆藏。龍睛鵠眼難。
探討鞭起石麒麟。毒蛇驚出草咬破鐵酸鉛。萬象齊。
稱好。泥金剛直得汗流雪。師子爭教推倒靈機洞徹。

威音前天香桂子秋光老

如山號恩監寺求

道人號如山。山卽如如。體上屹萬象。前下根九淵底。
巨靈力大無所施。恩公歲久那能移。號風老樹化蛟。
鱗。雲怪石蹲熊。羅恩大或云山可。比道大未許形。
言語三脚驢子弄蹄行。狼藉冰霜滿寰宇。

法華圖爲鹿苑天鼓閣法師題

現瑞舒光靈鷲峯。宣揚妙法啓羣蒙。三周七喻何親。
切。百界千如本互融。更雨天花香。藹藹彌羅帝網影。
重重。還它鹿苑扶宗手。凡聖咸歸海印中。

寓幻室

眞不留兮妄本虛。室名寓幻竟何如。乾城影裡飛金。
鳳。石火光中見梵廬。以有相空爲戶。隔從無住法立。
屏。除休聞吾語生疑。訝三界均同一夢居。

遊景星

巨靈何年施斧鑿。巖崖巉峻千青旻。銀河橫界可隣。
壁。翠巘周羅猶從賓。五更先見海底日。三月未覺人。
間春。香光毓勝古淵。叢穢公貫公僧鳳麟。

答方巖大林和尚二

慢幢疑網已冰銷。佛國魔宮幾許遙。玉筍好撐師子口。麻條偏繫呂公腰。尺圓寶鏡容千里。六結花巾止一條。用捨總行安樂法。則微誰謂異層霄。覺性圓明事若何。凡兮非少聖非多。一金豈礙持投井。三獸奚勞險渡河。寶劍空中還自擲。鈐刀石上任渠磨。永嘉早已欠緘默。今古猶傳證道歌。

答南堂和尚見寄韻二

萬古穹崇少室峯。是誰能復九年風。不空佛病并祖病。那得宗通與說通。文豹惟知藏霧雨。彩鸞終不受樊籠。好將袖裡吹毛劍。截斷千差到大同。鋤斧拋來湖上峰。閒居力振古宗風。非惟睡虎全威在。別有靈犀一點通。夜坐沈檀浮寶鼎。卯齋菱藕滿筠籠。祥麟掣斷黃金鎖。天外出頭誰與同。

答會翁和尚

久客同登巾子峰。滿軒江月桂華風。年光易逐星霜換。祖意難將語默通。縛虎直須探虎穴。養鷄何必閉雞籠。萬機休罷頭如雪。琴到無絃調自同。

巖頭雪嶺宿龍峯。抖擻肝腸不露風。抹過三玄并五位。掃空密證與潛通。驀驀豈待金鞭影。驚鷺寧堪鐵網籠。太祖西丘多胤胤。胄家風不約自然同。

次夢堂和尚韻。贈國清斂侍者再參。

侍者參得禪了也。洞徹威音大劫前。鐵馬奔程揮折筈。冰河連底打焦鞭。明知心外元無佛。剛道壺中別有天。百丈當年再參話。虛空爲口舉難全。

次石屋和尚雜言韻五

浮生多是強名模。放下情緣道可圖。雲影谿光清入座。藏牙菰米旋供厨。穠花勿謂春難老。童叟當知寶易枯。萬物古今紛變化。難逃天地一洪爐。老我年來事事休。爲它猶自動閒憂。林泉勝絕好遊翫。烏兔奔忙難駐留。作佛何須生竺國。成仙多是慕蓬丘。有爲須極無爲地。幾箇工夫得到頭。空階行蟻上生臺。紅日三竿門始開。抖擻裙衫無法說。提攜瓶錫有僧來。雨餘觀瀑非常好。月下聞猿分外哀。鷄脰自長鳬脰短。是誰續也是誰裁。慕道專誠要決疑。當如勝負局中碁。圓成般若空情。

誠根本無明立見知。自合探珠投赤水。幾多拾磔向
春池。秋雲滿目頻搔首。覺苑荒涼正此時。
萬化趨功不少停。懽將大藥制頽齡。纔逢露冷江楓
赤。又見春回野燒青。供佛自持生鐵盞。汲泉誰用古
銅瓶。天風一陣松濤惡。高枕南窗午睡醒。

贈俊上人

生佛已前奇特事。須知用不出今時。蒲帆遠別吳城
畔。鐵錫東遊越海涯。進步孤來三事訖。回頭惜取兩
莖眉。紅爐新出黃金彈。驚落天邊白鳳兒。

答宗聖首座

弟兄南北總成翁。何日開懷話此宗。本有靈源常湛
湛。顯玄法喻自重重。見須見月休觀指。聞貴聞心謾
嚮鐘。若約衲僧門下。令烏藤三十未輕容。

答天童元明和尚

力闡宗猷九隴前。當陽無黨亦無偏。輝騰自己光明
藏。燭破佗家默照禪。聖解競推憐末學。靈機獨脫慕
先賢。煙霞老我千峰頂。喜見雙溪有正傳。

寄則中度首座

宗綱委地起無因。敲唱深期過量人。果卓掇時機自
別茶。瓢跳處話重新。群生在在投迷網。諸聖塵塵乘
願輪。拈起毫端風雨快。優曇花綻不干春。

贈莊上人

趙州十八見南泉。心印無傳是正傳。木馬驚嘶新脫
鞅。鐵牛酣臥久忘鞭。雙眸掣電觀不破。滿口含霜道
得全。萬古碧潭空界月。何妨歡碎水中天。

答玄一隱君韻二

彤霞暖影照人醺。水遶平坡竹遶庵。道極玄微元不
二。教隨名相自分三。雪花浮碗雨前茗。金顆堆盤霜
后柑。童子無端事遊歷。滿身煙水百城南。
如基世事慶更新。脫屣功名貴葆真。蓬島跨來千歲
鶴。桃源別是一家春。玄琴黃卷爲佳侶。老石長松作
近隣。珍重盤溪玄一子。竿頭百尺解翻身。

答夢堂和尚見寄韻時重修僧傳

簡修僧史甘露威。刪集傳燈楊大年。重喜西菴擅妙
解。廣揚列祖顯真傳。陰涼大地闔浮樹。饒益群生忍
辱僊。四海叢林遍菜菔。高堂何忍事安眠。

悼南堂法兄和尚

說法洞庭湖外寺。重來智韻識嘉期。雲隨水赴三千
里。玉應金春十二時。沙竭龍歸無底。盜賊風風撼不
萌。枝東西失此人。天。眼情與無情總皺眉。
癸卯八月廿五日南堂。冀倒涅槃臺。浮幢王刹毫端
現。優盃羅花火裡開。妙解玄言都掃蕩。真規素範順
追回。嘉禾鄞水七百里。側耳時間震法雷。

次中竺用章和尚韻贈咨侍者

我宗無語亦無法。寧許胡沙與亂抄。回首群魔皆近
侍。擡眸千聖匪同交。噉空鐵盃休安柄。載月金船好
把梢。吹起布毛方悟去。分明屎塊向人拋。

次韻贈日本敬藏主

參玄東走復西奔。求劍刻舟徒記痕。眼正龍蛇元易
辯。氣高佛祖可平吞。掃空藏教五千軸。抹過塵勞八
萬門。獨上城樓望鄉國。海天寒日湧金盆。

謝事雙檣答天元師姪韻

閒居四壁甘吾分。鳴鼓無由逼晚參。一任角聲來枕
上。慵將草色問城南。鐵牛電眼難留屑。石女雲鬢易

受。誓因憶慈明見神鼎。江河爲舌向誰談。

題大禪安西堂。繼休居歸源二老人及南堂
之後。重拈雪寶所拈古德公案一百則。

百章古德閒公案。五色摩尼耀大千。多訝雪林藏玉
槽。廣觀雪寶擊金鞭。鳳臺光吐星中月。崑阜香浮火
裡蓮。珍重南堂施敏手。今逢法喜繼前賢。

寄夢堂和尚時在大慈

閒居湖寺談禪病。還如積翠在江西。霜藤靠壁蛻龍
骨。磨納擁肩行蠟。隙句裡藏鋒全殺活。機先失照隔
雲泥。空王浩劫至今日。大化無私物物齊。

用韻贈靈隱密藏主

未舉烏藤知落處。不虛依我古巖西。罕逢赤手扶驪
額。多向枯椿尋兔。蹊水可結冰冰卽。水泥能成像像
非。泥毗盧藏海空諸。有一念不生凡聖齊。

用韻示左右二

大家相聚喫莖。盡莫話趙州東院西。黃檗樹頭無蜜
果。懸崖險處有平蹊。袒肩未荷千斤擔。著脚先防三
尺泥。廓徹摩醯頂門眼。劣形殊相本來齊。

此心無悟亦無迷。多是東行却向西。如信大虛堪覓。縫從教古路。自分蹊。疾雷破獄似摧。朽利劒刺鐘如。切泥老我煙霞底。用天時。人事固難齊。

答天王東岡所長老

雲壓千峰路欲迷。雪欹老栢斷橋西。榮枯自信無纖。念明珠誰云有二。蹊守默癡禪油入。麵尋文狂慧絮。沾泥暮翁善唱無生曲。喜見諸孫和得齊。

贈日本謙藏主

祖域高深到未曾。多誇密授與親承。人心本自無今古。法運其如有廢興。罷向千門持鐵盞。空圍萬象舉霜藤。何期斫額搏桑曉。枯木花開六月冰。

示暲藏主省師

人人本有光明藏。無受無傳古到今。易領解時休領。解難推尋處好推。尋曹溪祖派稱南嶽。積翠孫枝讓寂音。得度有師歸禮覲。尙期看我老雲林。

送大基丕長老住補陀

浮幢王刹香海界。古佛圓通門大開。翠嶽峨峨參碧漢。鯨濤濤濤震晴雷。瀉山踢倒淨瓶去。黃檗取將禪。

可道二字

版來一句迴超千聖外。叢林氣象追回。

送定上人參方

探玄須具眼。列祖備機深。但莫隨佗語。終能見自心。磨難作鏡。點鐵易成金。太古無絃曲。相期發至音。

次韻留道中藏主

至道關懷重。浮生繫念輕。行藏無別法。語默總真情。翳盡空元淨。塵銷鏡自明。風光清溢目。何處問歸程。

送來上人參方

子來需贈語。展紙復沈吟。塞淺時流議。寬洪古聖心。無瑕稱美玉。出鑛是精金。道匪從人得。專誠且訪尋。

次韻悼藻藏主

有志探玄士。牧牛師嬾安。聖凡情若盡。生死海能乾。鸞鷺徒呈瑞。芭蕉不耐寒。百年真一夢。萬事付三歎。

至正己亥謝事竹山歸圓明庵。因閱眞淨和尚語。有一身終有限。萬事畢無時之句。析其

十字爲首成雜言十章示諸左右

一庵鄰木井老我。合投閒砌石成蓮。沼開軒面藥闌。亂峰青峯吼幽澗。瀉瀉潏潏。別有生涯在無絃。琴好彈。

身居千嶂裡。幾見歲華更。壁裏過頭杖。爐裡折脚鐺。
禦寒麝布褐。註腹老藜羹。路轉溪回處。是誰來共行。
終日倚巖隈。閒雲去復來。未明心即佛。說說說非臺。
濁水珠還現。淤泥蓮可栽。吾宗多異見。有口亦慵開。
有身還有累。無嬌是無求。隨事能通達。何人不自由。
花生因翳眼。岸住爲停舟。法道常超勝。祇園自晚秋。
限時登聖果。特地執愚情。彈指三祇劫。還眸十萬程。
石牛耕曠野。芻犬吠空城。真正舉揚處。堂前草盛生。
萬法何曾有一心。元自無虛空。終不壞滄海幾番枯。
妙難毗城老。單傳碧眼胡。怪來木解庵。忘却石荃菰。
事理已圓融。何妨話此宗。深來都是藥。捧上不成龍。
楊廣山前草。金剛嶺上松。大哉穹壤內。千古慕靈蹤。
畢竟難傳授。胡爲喚作禪。呈機非句裡。領旨豈言前。
喝下分賓主。棒頭明正偏。祖翁田地。在水枯好加鞭。
無事可思惟。隨緣度歲時。案頭閒寶鴨。壁角挂軍持。
雨歇谿聲壯。月高松影遲。真空并妙有一。一洞靈知。
時光有今古。佛性無悟迷。表法名何別。還源理自齊。
直教分水乳。未免隔雲泥。一舉四十九。趙州東院西。

次所庵首座韻二

隨處成嘉遁。神珠耿夜光。茅廬殊迫窄。法界總含藏。
上國蒲輪召。深爐芋火香。竇窺循迷妄。那可秘靈方。
覺皇如按指。海印自生光。火不鏡中出。珠非衣裡藏。
夢顛浮雪乳。石室藹天香。妙達真空理。規圓炬自方。

閣古軒

歷深先聖意。臺榭本無差。未盡眼中竊。那除空裡花。
涼風生几席。白日照窗紗。掩卷或枯坐。真觀豈有涯。
答天童平石和尚見寄韻五

不肯高居兜率天。逢人要覓一文錢。更言彌勒眞彌。
勒。搬土拋沙百衆前。

泐水禪如藥。承銀黃龍聞著。卽生噴。當時不是慈明。
老鐵網難收一角鱗。

三尺竹筵長在。渠肯將佛法當人情。巍然照雪軒中。
坐。衲子教它眼自明。

旃檀樓閣翠嵐中。水鏡襟懷鶴髮翁。石鼎香銷定初。
起。金烏拍翅海門東。

頭頭物物總天真。誰請今人塊古人。慶喜何曾徇根。

識霍曇徒自縮花巾

贈的維那

化米歸來仍化炭。堂司一織輒相煩。要明的的西來。
意只在尋常日用間。

贈西上人

子到問吾西祖意。老來有口只宜闌。趙州曾指庭前。
栢千古叢林作話端。

贈靜知客

動靜寒溫合自知。江淮閩浙浪奔馳。大陽寺裡顯知。
客乳竇蜂頭百世師。

懷古十首寄大宗西堂

鶴衣百結不掩肝。篝火堆中有芋魁。寒涕垂頤曾不。
管紫泥書自九天來。

語非難也。識真難。臨濟腰包上徑山。汝自問它何欠。
少一堂雲侶半抽單。

頭上青灰三五斗。趙州誰謂太疎慵。等閑剔起眉毛。
看老虎斑斑是大蟲。

飢餐渴飲不多爭。不向如來行處行。怪底當年顧普。

化飯床。踢到大龜生。

白雲昔日見楊岐。問及茶筵受業師。不是當家真種。
草如何一笑會懷疑。

慈明參罷老汾陽。短髮肩挑骨董箱。神鼎老昏相見。
語叢林多是錯商量。

芭蕉庵中泉大道。禪子來參無異談。直示汾州奇特。
事。解懷抖擻破裙衫。

古德示人閒露布。看時容易會時難。不因兩轉合頭。
語。船子那能得夾山。

談辯對人無抵牾。自家無事動干戈。從前一等偷心。
死。選佛場中得甲科。

三督黃牙竅到天。鶻僧蹉過萬千千。字經三寫烏焉。
馬。疊妙重玄競說禪。

次了菴和尚雜言韻八

吾祖深慈豈易量。要成大樹作陰涼。看它五葉花開。
後。萬紫千紅敢鬪芳。

胡僧得得飛金錫。曾爲汾陽罷夜參。未許南堂樂閒。
寂。要弘法道播東南。

一塵不立萬緣空。夜半陽烏海底紅。出窟金毛不求
伴。度河香象更誰同。

有生有死心源混。無聖無凡性地平。客至休嫌太疎
懶。白雲流水自將迎。

赤手須探火裡冰。自家活計勿它營。德山白棒橫揮
處。卽是昏衢智慧燈。

觸目遇緣無刹法。何須要透未生前。三冬喜有生柴
火。且自垂簾護煖煙。

担沙終是不成團。斷臂安心話已圓。真正惡場宗教
事。草深何止法堂前。

眼見耳聞無別旨。手握烏藤行復倚。菩薩聲聞曾未
知。各證圓通二十五。

信庵

只箇無疑便入門。其中別是一乾坤。拳頭對客何勞
豎。日日茅檐挂白雲。

台州天寧音都管塑觀音。知客寮起樓淨僧
髮施草鞋。

觀音示現比丘身。樓閣門開接受津。制了頭光飽喫

飯。草鞋重著見何人。

寄紫巖絕學和尚

莫厭荒涼古道場。吾宗只責話頭行。趙州曾住觀音
院。夢醋沙鹽土塌床。

示禪客

問來汝須啞却口。答去我須禿却舌。堂前露柱笑掀
眉。達磨西來無妙訣。

析雪竇迷悟相反偈

霏霏梅雨灑危層。一句分明絕愛憎。末法師僧少万
便多。將知解當宗乘。

五月山房冷似冰。不教容易啓柴廚。口邊白醭生來
久。且喜渾無問法僧。

莫謂乾坤乖大信。古今毫髮不曾差。趙州猶自婆心
切。凡見僧來喚喫茶。

未明心地是炎蒸。縱已明來也只寧。栽了冬瓜種茄
子。一條百納補難成。

答靈隱竹泉和尚

摩醯正眼耀乾坤。物曰禪翁六世孫。倒握竹筵全殺

活當陽擊碎鐵窠

建三塔

潭北湘南草正青。敲簫打瓦見功成。一非三也三非一。那箇獨體無眼睛。

華頂光菩薩製紙龕於爐上禦寒坐禪

溪藤裁製禦寒。就六面虛明。定起時。東栢當年惟造論。火爐頭話幾曾知。

山居

深深爐內煨黃獨。爛爛鍋中煮蕨薇。曠劫不殊今日事。今年不似去年飢。

綠蘿溪畔啓荆扉。自浣襤衫布衲衣。乾鵲鳴來又鳴去。多年江海故人歸。

尋玄覓妙正紛然。誰解回光究本源。大地衆生銷妄見。百千諸佛本無言。

法社凋衰心欲寒。諸緣空寂更何言。山窗睡起日卓午。一樹杪樞花正繁。

平面似床松下石。偃枝成蓋石邊松。無心道者眉如雪。煮得茶香分外濃。

雲銷陰崖寒意早。枯枝收拾兩三堆。不教葉葉隨流去。恐悞高人訪道來。

定起蘿龕偶獨行。不知人世歲華更。閒拋藤子清池裡。無限魚兒水面爭。

三箇柴頭煨正煖。三竿寒日尚高眠。明知有口可挂壁。萬象森羅營說禪。

總是娘生一箇身。任它富貴任它貧。石床坐落三更月。風揭松濤滿耳根。

山高纔寒便積雪。三冬少有無雪時。庭前齊腰憶二祖。床上縮項思楊岐。

題祖會圖

聖賢瑞世示冥權。妙筆如何畫得全。賴有陳年斷貫索。將它鼻孔一時穿。

獨庵

單單結構箇茅廬。玉殿珠樓總不如。非特與人難共住。更無人可作鄰居。

勉中姪侍者參方

千聖頂額一著子。決擇莫辭途路長。雪嶠三回到投

子慈明易服見汾陽

贈僧書楞嚴法華圓覺華嚴四經

直取華巾成六結。曲垂根器演三乘。其如深入光明藏。破一微塵出大經。

贈峴維那爲法會化緣掃海塘

興化棒頭知落處。東西南北任縱橫。靈山一會巖然在。滄海桑田幾變更。

悼愚仲和尚

諸方宿德死殆盡。死到慧因愚仲翁。法道衰寒端可卜。典刑誰復繼高風。

頓悟心宗空萬法。尤專密行化人天。輪珠手裡一百八。綻作火中金色蓮。

無疑

何須東卜與西卜。自信從來不覆藏。見得一番親切了。著衣喫飯只如常。

悼壽昌別源法兄四

平生慣用黑荳法。松源五世的骨孫。信腳踏翻生死海。當陽指出鐵崑崙。

有口不吞三世佛。十方刹土任遨遊。死來隨例成顛倒。舍利勞人滿兩收。

心存聖解道還殊。藥有神功病莫除。劫火從教燒海底。涅槃生死本如如。

川陸動踰千里遠。弟兄十載不承顏。遺音昨到紫雲寺。骨石已葬丹霞山。

國清索天封竹作水篲

雙開當陽輕借問。天封直下便相酬。同將百尺竿頭意。萬仞懸崖接上流。

答清涼寶庵法兄六首時在太白前嶺

黃金世界清涼國。演說無邊舌廣長。太白峯前分半座。端如靈樹待韶陽。

擔頂幽居百念灰。意前明月幾番來。昨朝僧向臺山去。接得羅浮一信回。

吾知捉象與捉兔。一等須教用力全。日用現行明歷歷。從來無得亦無傳。

根器未湛禁惡辣。明意之下且安排。一聲看狗狼忙走。門外紫湖空立牌。

大小雲門奇特事。曾無一法可當情。問渠諸佛出身處。便道東山水上行。不羨超宗并逸格。何勞廣學與多知。空來佛國三千界。使得人間十二時。

悼紫巖絕學和尚

晚年歸老千峯頂。發來蒙念未休聞。道秋來遷化了。何人重舉過窓牛。

染藏主天童持淨

茗帚放來拈鐵剗。淨邊功業穢邊修。剛籌撥出光明藏。笑倒天童老隰州。有甚卓卓與的的老禪。不覺舌頭長。掃空教典五千卷。糞壤堆頭自舉揚。

示朗侍者

野鴨分明飛過去。馬師鷲鼻拽教回。徒將鐵杵敲冰骨。花在不萌枝上開。

行者福嚴歸葬父母

父母非親孰最親。報恩須是負恩人。活埋黃土深三尺。確甯花開劫外春。

悼前清涼松隱和尚二

八十五年能事畢。跏趺合掌示真歸。闍維重使人驚訝。繚亂天華雪片飛。直下西丘四世孫。倒騎鐵馬上崑崙。清涼山裡萬苦。薩無相光中添一尊。

覲侍者歸省松岡和尚

剎海三千彰妙用。塵勞八萬洞靈知。鳥窠吹起布毛處。普化打翻筋斗時。

送希聖彥長老住温州仙巖

此去仙姑巖畔寺。烏藤橫按接禪流。安公破讀楞嚴句。直得須彌笑點頭。

宗綱

少室峰前拋鐵網。振振盡是玉麒麟。一從五派分來后。赤手提持有幾人。

次松巖恕中和尚山居雜言四

菩薩圓修與佛鄰。退身三界拯孤貧。茫茫角力趨程者。頂罩燒鐘一萬斤。雲頭按下守空知。坐對飯籬甘受飢。桂櫂蘭舟誇好。

心江等二句
一作讀上白
盤招不來門
生前流水不

手未聞奪得錦標歸

一句了然超百億。更疑何事待丁寧。怪來昔日緩師

叔蒲伏洞山床下聽

江海歸來齒髮疎。一庵移入深雲住。獼猴成隊摘酸

梨。見人走上懸崖樹

拜和天目老祖四題真蹟韻

香山湯禪師濯足亭

上牢添器費工程。巧處偏於拙處呈。濯足溪流頭盡

異。當時那辨濁中清

石橋五百羅漢

五百聲聞受記來。神通手面走風雷。石橋陷斷不陷

斷。且向深雲靜打隈

瑞巖惺惺石

怪石破陀讓薛苔。老禪危坐不傾搖。長年報道惺惺

著。那箇出它機境來

龍湫詎那尊者

詎那抱膝古崖阿。萬斛觀傾設利羅。我欲爲渠施痛

掌。奈渠不肯轉頭何

題列祖傳法正宗標目

金春玉應。擲出認。發續芳聯。心印心。真淨界中無位

次。闊淨世上有知音

答傳首座二

汾陽有語。莫妄想。想長慶。應云也太差。踢倒飯床頭。普

化。藥來脚指老玄沙

竭世極機。固可。哩。窮。結。立。辯。亦。徒。爲。確。坊。盧。老。不。識

字。六代傳衣。還是伊

招國清東席不庵和尚

皮膚脫盡唯真質。一片虛懷水鏡開。正好清狂伴寒

拾。陽州古佛望歸來

聞謁有。寄。國清東席了空和尚

倒指從頭數故人。音書處處隔風塵。杜鵑啼上三更

月。一箇空山老病身

招前明慶堂中法弟

音容動別半千里。黃落已驚三十秋。細大法門無可

說。欽山有語。啓巖頭

析舊作成四章。示淡維那

化米歸來仍化炭。殺人劍也活人刀。誰知恩大難酬處。海未爲深山未高。

堂司一職。輒相煩。傲骨冰寒者。一番東破桶。盆雙眼。碧黑花貓子。面門斑。

要明的的西來意。塞却咽喉須出氣。無言童子念摩訶。釋迦不受然燈記。

只在尋常日用間。須知觀面隔千山。句中有眼終難會。琴上無絃正好彈。

送僧持盃

覺皇三界獨稱尊。法化宣流在子孫。喜觀雲堂容海衆。高擎鐵盃向檀門。

贖翁

娘生兩耳聾。來好老去無聞萬念如。每見傍人開笑口。仰天閒撚白髭鬚。

謝事太白偶閱東石和尚語。其間有賀能仁。

仲南東堂退居偈。析成四章。示諸左右。

占得溪房最上層。省來赤脚踏冰稜。縱饒著我千金價。不賣平生百不能。

山中拋却一堂僧。總可它年繼祖燈。萬象森羅熾然說。何須勞我舉烏藤。

小園移在闌干下。屋角天風鳴鐵馬。今無良遂來咨參。麻谷鋤頭對誰把。

自摘青藜雜飯蒸。飽餐毛孔有餘馨。笑它昔日毗耶老。演出如來最上乘。

贈日者

壽夭榮枯底用推。定於哇地一聲時。先生妙縱談天舌。本命元辰合自知。

製衣沈氏求

引線行針無別法。量長較短在臨時。工夫純熟自省力。手段精奇人共知。

修鞋鮑氏求

破柴床下埋塵久。妙手重修在此時。初祖親攜返西竺。大陽轉付續宗枝。

季曇

二千年后法末世。優盞羅華遍界春。飲光獨得正法眼。謾盡靈山百萬人。

閉居雜言同韻六首

瘦藤孤倚碧池頭。照影空驚兩鬢秋。祖道流通滿寰海。負春盧老出新州。
有口何勞舉話頭。萬松聲撼四時秋。夜明簾外排班立。惟底當年老隰州。
敲出麒麟拄杖頭。機如激電橫秋。旋陀臨濟參黃檗。徹底婆心是睦州。
翻身只在一毫頭。凜若神山碧海秋。打失眼睛手上座。角聲吹徹古楊州。
牧牛善解掣繩頭。祖父田園會有秋。不見嵩山傳寂子。宗乘大闢在袁州。
一室空山白盡頭。祇園無處不凋秋。東腰豈易追棄。矯行脚尤難學趙州。
悼玄一隱君
埋玉平原草樹荒。隱君玄一未嘗亡。清涼傳與補陀傳。千古名山有耿光。
圖書四壁貫晴虹。方外猶明少室宗。那料藏舟移夜壑。丹霞無處訪龐翁。

圓中

萬曉曉地如盤走珠。向外尋覓。天地懸殊。

一言

只箇露源旨。分明不二談。機先見。眞諦何用口喃喃。

主上人禮補陀

大士靈間出。見勞生日。用相逢。楊柳枝枝甘露。旃檀葉葉香風。

凝碧亭

群峯鎖煙靄。方池漾蘊藻。遙空結靜色。一片清瑤瑤。

溪謳十首贈無著山主

小小一溪水。雄雄四面山。道人栖止處。茅屋兩三間。
壁角破沙鍋。洗來猶可用。撥雪挑蒼牙。夜深營茗供。
溪居樂性情。誰云大孤絕。脫脚濯清流。開窗待明月。
四畔多山家。朴古忘彼此。共樂鐘磬聲。隨時送山果。
洗衣一片石。闊可四五尺。崖根著脚牢。溪湍任春激。
鹽從山市賒。麥寄隣家磨。所得生柴歸。日頭擔外過。
茗盞對爐香。同參引話長。西風上衡岳。夜雨宿瀟湘。
溪雲弄晚晴。飛起碧蜻蜓。西園看梨棗。何處唱歌聲。

寒日已卓午。柴扉猶未開。飢鳥如有約。成隊下生臺。
夜來寒氣濃。天明雪沒屋。化糧人未歸。充飢有黃獨。

小佛事

爲曉上座火

提起火汝是超生。越死曉事底人。隔牆見角。便知是牛。隔山見煙。便知是火。擲下火。

仁藏主火

生也不道。死也不道。一大藏教。詮註不及。仁則榮。不仁則辱。般若如大火。聚近之則燬。却面門。

勤都管火

上士聞道。勤而行之。生死到來。總用不著。動絃別曲。葉落知秋。摺折聖箭。子撥火覓浮漚。

寂都管火

逼慈明晚參。對白雲發笑。照而常寂。寂而常照。擲下火。火蛇鑽汝。觸體退後。退後。

能都寺火

能所俱亡。生死路絕。楊岐金剛圈。栗棘蓬。拈向一邊。金將石試。玉將火試。

仁都寺火

楊岐輔慈明。石窻輔宏智。仁者必有勇。勇者不必有仁。顧衆云。夜來何處火。燒出古人墳。

昌都寺火

透得金剛圈。吞得栗棘蓬。大昌吾道死。款活供擲下。火南山。燒炭北山紅。

規都管火

打破生死關。摺折聖箭子。未爲好手。要見真規。復復。真須火裏蓮。開。

琦典座火

如麟如鳳。如琦如瑰。敵不得死生。何益。明日喫甚菜。二年同一春。擲下火。紅爐焰裏好翻身。

堯首座火

不譽堯而非桀。不喜佛而增魔。不捨妄而求真。不貪生而畏死。摩訶衍法。離四句。絕百非。撥波求得。火燒却五須彌。

宗首座火

我宗無語句。亦無一法與人。仰山夢昇天宮第二座。

禪上座火

了堂和尚語錄卷第三

了堂和尚後錄

門人編

重刊法華經印施珠山志長老請題

覺。皇。誓。願。丘。山。重。大。事。因。緣。信。者。歸。現。瑞。啟。光。嚴。萬。德。開。權。顯。實。被。群。機。毗。盧。正。印。當。空。妙。般。若。真。燈。遍。界。輝。一。會。靈。山。儼。然。在。閭。浮。日。月。過。如。飛。

讚觀音大士

心聞洞十方。大哉觀自在。爲度苦衆生。恒深悲願海。
我述讚詞不自量。徒繪虛空絕五彩。

六根互用。萬行齊修。吹香風於旃檀林裏。灑甘露於

圓相文殊大士悟上人禮五臺後請

大智七佛。誨勸利成。歸命不現妙色身。示此大圓鏡。直饒凡聖本來同。也是幻藥醫幻病。

布袋和尚

背負布囊。肩橫藤杖。閒時討忙。痛處抓癢。落魄長年走市。擲却上方兜率天。

豐干隱居

騎虎出松門。爲人機用。別閭丘太守。前家風都漏泄。都漏泄。金剛腦後三斤鐵。

寒山拾得一大士

擊風與擊顛。非凡亦非聖。颺下菜。查箇放來蒼帶柄。
答豐干不遊五臺。赫瀉山同出。松徑寫盡天下心。長
吟短詠倒握鐵。英葉豐碎軒轅鏡。拍肩大笑太無
端。森羅萬像齊歡慶。

還照女

悲願度生無盡時。道施到用討便宜。滿船家計沈湘。

朝陽穿破衲

空山寒日當簷喜有竹針麻線此時不下工夫驢年
會成一片

對月了殘經

天邊桂月娟娟。爐上檀煙裊裊。曠劫曾看底。經未展
卷時都了。

跋妙喜老祖與監務大夫手帖

門館亦老

見故帖中也

妙喜百世師。機鋒萬夫敵。如日行閭浮。群有咸蒙益。
惠書監務君。意眞語尤直。大海揚風帆。高山落圓石。
幻住深道交。臥病詢端的。遠寄鎮心丹。備陳調服食。
堂堂大乘人。寧忘悲願力。或示易中難。或施順中逆。
上賢猶罔知。淺智那能識。持尺量虛空。我謂徒疲劇。

石窻和尚語錄寶都管重刊印施求語

曹洞家風尙綿密。末學那窺萬中一夜明。簾外擊金鐘。珊瑚枝頭昇杲日。石窻端可恢先宗。眞俗二諦尤圓融。荷衆處已潔冰雪。陞堂開室揮天龍。四會有錄。

行世久。舊板無踪。歸蠹朽。永嘉上人捐已資。重刊印。施世希有勝侶。著眼觀非覲。立言妙語何相干。咬人還他師子。子澄潭不許蒼龍蟠。

化緣造石塔奉藏拭經舍利獎藏主求

如來藏裏摩尼寶。勝義空中設利羅。香吐煙雲凝翠
蓋。光沆星斗燦銀河。金陵應禱康僧會。玉几專誠劉
薩何。高壘雲根成空塔。廣資福聚到檀那。

閱藏經化糧供衆

古佛應身揚化地。長庚橫曉在東南。重延雲侶三千
指。旋展霞幃五百函。意在鉤頭緣般若。春生筆底綻
優曇。要教滿鉢盛香飯。當聽維摩不二談。

雪竇華國和尚九峯芳長老請

松源遠孫枝分派列竺西嫡嗣焰續芳聯妙用全彰
輟綉毬於萬家叢裏眞機罔測垂金鈎於千丈巖前
證先宗卽心是佛憐末學待悟爲禪夫是之謂華國
和尚乘夙願輪饒益乎人天者也

天童平石和尚東山言長老請

冰雪其懷。風雷其舌。道被人天。令行吳越。起祖父欲。

墜之宗掃魔外架空之說竹筵三尺長用處尤親切
松濤飽聽樂高年一甌清茗三更月

無際和尚

東歐勝絕間出名師祥麟遁跡瑞鳳來儀探驪領挾
璽珠精窮奧旨入虎穴掠虎尾弗畏雄威濟中川之
舟楫匡大法之綱維此是無際和尚丹青描貌不得
底真相非相之希奇者也

題仲謀和尚語錄後

虎丘晉祖法道六傳而至鄮峰此菴師祖其峻峻之
機純全之旨咸稱復古而增輝焉此菴之傳得鳳臺
佛性叔父東禪圓明先師又能大其家世佛性之傳
得仙巖仲謀靈巖了菴猶景星鳳凰世不多見今觀
仲謀三會說法語颯馳電激玉應金春蓋其化去後
門人結集綴梓流通庶乎覽者咸領旨於言前譬若
塗毒之鼓一過聞者皆喪

悼楚石和尚

扶得龍淵珠九曲當陽能把蟻絲穿京城別業搖金
鐸法海憑誰駕鐵船傑閣那容留橘李浮圖永喜鎮

秦川超生超死光明藏舌卷風雷學不全

悼無夢和尚

宗教東南冷似灰扶持全藉出群材萬言書動
龍顏悅列祖傳驚魔膽摧熊耳老胡歸竺國鴈門大
士赴蓮臺本來無地容生滅要使人天正眼開

悼大千和尚

茫茫苦海法舟傾不復垂慈利有情祖室真燈輝太
白師門的派出雙清盤陀石上名先重妙喜泉頭話
太行無位真人赤骨律分明日午打三更無位真人
赤骨律辭
世顯

育王大千和尚火化後四物不壞其徒弟安

侍者請語謁

無相居士宋公求塔銘

玉几夢菴醒大夢了知幻有即真空輪珠不壞闍維
日設利收來般善功擇法眼睛終燦電談玄牙齒尚
關風求文刻石垂千古洞徹吾宗無相翁

歸源老人示衆析成四首

問佛與問法石頭路尤滑生柴帶葉燒苦瓠和根拔

馳求轉更狂。須信不尋常。彈指超三際。舒光洞十方。
語言并動用。謾覓虎空縫。三冬寒氣濃。黃河連底凍。
只欠自承當。猶多錯較量。挨身入鬧市。紅日上扶桑。

禪人寫師真請讚

深隣末學。遐仰先宗。面赤不如語直。耳聾爭似心空。
倒握竹筵。三尺鐵金烏。飛上海門東。
心宗不可傳。開口成話。墮壓沙。謾覓油。敲冰難取火。
五色天麒麟。掣斷黃金鎖。

次韻澄散聖山居真蹟

樂道自然忘世緣。崖根結屋屢更年。霜華燦爛蒙雙
鬢。雲葉參差擁半肩。百丈再能參馬祖。趙州早已見
南泉。誰來同撥地爐火。話到威音大劫前。

奉答無相大學士宋公見寄

本無自性金剛寶。那有他家藥汞銀。寶樂昇平佐
明主。詞鋒筆陣肅天人。
善言言所不能言。一句當陽明正偏。珍重金華傳大
士。掃空疊妙與重玄。

答赴

詔京城諸高僧見客韻二首

官驛涼生八月初。承

恩入對

御庭除河清海晏。開天統虎踞龍蟠。壯

帝居。報國已闢千里志。匡宗應上萬言書。特裁雲錦

遙相寄。慰我林泉齒髮疎。

奉

詔新編佛樂成。萬靈趨會彩雲輕。經翻貝葉開龍藏。

燈燦金蓮滿。

禁城抗海梯山懷德厚。歸牛休馬賀時清。當年大覺

啓

仁廟宸諭鑄我在四明

淨慈壽首座日本人持危宋二學士所作南

堂和尚行道記語錄序見示書此以贈

仰山說法兜率天。扶桑人種陝西田。舌頭不覺添三

寸。鼻孔無端失半邊。道人氣岸真奇絕。腳踏金船載

明月。慈雲堂前喫菜蕒。滿懷冤屈憑誰雪

京城特謁老維摩。雄詞妙辯翻銀河。持來長庚試一

展光燄萬丈輝松蘿事理全彰容物我纖塵不立難
肯可優鉢華敷劫外春祥麟聖斷黃金鎖

次了菴和尚韻題臥雲軒

深谷構層軒紛華不到眼一榻臥白雲長年遂疎散
聖賢出沒如浮雲須彌百億皆幻塵香雲樓閣遍塵
刹彌勒一一能分身坐即臥卧即坐誰管光陰曠
旋磨勞生界上機巧萬端臥雲軒中不消一睡

光明室爲天淵和尚題

我此光明室廣博容大千方便開戶牖悲願堅墻垣
毗耶離城真規未泯摩揭提國勝軌儼然交羅從誇
寶絲網四色覆說金池蓮馨香味觸常三昧經行坐
臥空諸緣

次天界季潭和尚韻送韞中宣首座

萬八千丈華頂峯祥光貫日如晴虹間生如識到全
室不離幻有談真空匡衆龍河吉祥處廣揚佛祖同
風句韞中傳誦無少差妙手不動中間樹逆施倒用
侶難識量外機先好尋覓一毫端上洞根源日用現
行明歷歷君不見古有永嘉眞覺師曹溪證道誠希

奇又不見雲峰曾參翠巖老意在驚蛇先打草不是
佛兮不是心亦非禪也亦非道坐來如靠須彌山折
筯護攪滄溟乾從空放下從空看轉地軸兮回天關

追和古德雜言同韻五首

釋尊示跡度娑婆正法難留像法過易樹慢幢大力
鬼甘榮疑網小根魔頂門眼活觀何遠肘後符靈驗
自多萬一身心堅鐵石終成砥柱障顛波
一千七百閑公按何處誦訛透不過脫體承當魔即
佛從頭執著佛成魔心存厚德推恩廣藥奏全功識
病多莫使毗盧清淨海無風匝匝湧金波
老屋深雲養宿病黃連石蜜幾嘗過罷拈藤杖勘禪
侶閒把茶甌敵睡魔一刹那間猶是久盡恒沙數未
爲多翠岩一見慈明後便有滔天逆水波
鐵杵宜將石上磨要教明試一翻過證非證也三乘
果空可空兮五陰魔撥火覓溫愚不少檐泉帶月智
何多宗綱力振諸知識骨冷雲山翠堵波
塵沙刹海事如何六十小劫風雨過焰續智燈追列
祖鋒藏慧劍怖群魔機先與奪眞觀妙格外提持錯

會多。眨上眉毛。回首看分明。金水即全波。

心上人求舍利禮寶陀

玉几峯前求舍利。寶陀巖畔禮觀音。要教瑞相時時現。空却塵勞種種心。

次韻送域侍者就東廼師仲齡和尚

佛祖向上關。過在強描貌。有路不吾行。無繩還自縛。攀竹老香巖。曾謂無誰卓。竟油漫壓沙。取乳期搆角。國師喚侍者。直截何差錯。望空穿鑿多。平地風波惡。道交仲齡翁。每思觀盛作。真乘好舉揚。叢林正衰落。數師禮覲復。南詢彈指聲。中入樓閣。

次木菴和尚韻示鑑維那

心外非佛。佛外非心。無邊界不問毫髮。曠大劫何分古今。翠岩用處。諸訛將蝦釣。驚雲峰悟時。端的握土成金。楮小自難懷大。綆脩終堪汲深。師子翻身。兮威憚罔。測羚羊掛角。兮踪跡何尋。雖云悟解。隨類當知。演說一音。行待搖鞭。匪良馬。棲能擇木。真靈禽。

用恕中和尚韻送寄侍者參方

千差萬別。消歸已咳唾。揚眉契真理。道人欲作諸方。

遊一步當知。始於此密意。明明在汝邊。塵勞妄覺空。鑿煎烏藤倒。握遍深。討抉珠須造。驪龍淵。偷心未死。成癩疾。神醫拱手何由痊。望真丹有大乘器。老胡得。得來西乾布毛。吹起無別旨。侍者悟去。良有以竿頭。百尺解翻身。越聖超凡。都在汝。

虛室謔爲莊藏主賦

虛也何室。室也何虛。虛兮匪曠。室兮匪拘。鑑世間如影響。了聖道如蘊盧。直下忘能忘。所自然。無欠無餘。與麼與麼。塵毛利土。隨緣遊戲。不與麼。不與麼。蝸牛殼裏。妄自安居。當臺明鏡。歷掌神珠。頓空摩竭。法令掃蕩。毗耶真規。赤脚波斯。尋戶入無言。童子笑軒渠。

樵菴

斧在腰兮。柴在肩。三間茅屋。斷橋邊。盧能養母。終傳法。王質觀棋。已得僊。煨芋日高。開宿火。煮茶月下取寒泉。當年懶瓚。欠周密。惹動坭書下。九天。

雪崖

隆冬瑞雪。豐年兆先積。高崖也自奇。雲蒸半空。騰素。疎風生四野。奮寒威。神光獨立。齊腰處。會祖忘眠。縮。

項時平地不無千仞險。足心酸澁洞靈知。

答前保福仲邪和尚

虛空不掛一絲頭。滄海能浮萬斛舟。廣學多聞都掃却。橫拈倒用有來由。松華堂上揮談麈。玉几峯前下釣鉤。雲侶憧憧問禪病。機先好舉過葱牛。

送舜西堂省親

天台南望青海邊。白髮慈母延高年。古寺編蒲作後範。隔江挈火超先賢。滔天恩波自枯竭。慈劫愛網空縈纏。洞明眞智全眞孝。銀山鐵壁堅非堅。

示離相儔長老

夾山早住一院未得親承。作家不知千里懸隔。謬在毫釐有差。僧問法身便答法身。無相僧問法眼便答法眼。無瑕道吾爲客。聽法一笑。路露爪牙。茶邊慙慙致問。未免撒土拋沙。夾山器量本奇偉。卽住華亭見船子。兩篙打時已點頭。一橈呈處心全死。陳年爛葛藤何用重新舉。旣以披衣握麈。要稱祖師門下士。當知吾宗顯赫利益人天有如此。

示師孫法雷藏主

瑞光圓照陞高堂。鼓輿墮地聲愈揚。有僧指鼓謂衆曰。法雷震地何其祥。弘荷大法果莫及。霽風縹白如雲集。天子賜坐御榻前。茶甌三蕩仍長吸。汝師調汝名。法雷有意遠期成大材。四海叢林正衰落。波流風靡追難回。汝丁壯年宜奮勵。毗盧藏海空三際。一句無私鄺頂門。歸源五葉眞苗裔。

送邁藏主

心不是佛。智不是道。丹霞騎聖僧。馬祖踏水潦。五千教典盡掀翻。百億須彌俱靠倒。後非遲也。先非早。碎啄之機難恰。好木鷄啼處。月黃昏。獨犬吠時天大曉。絕承堂離膠擾。明知不覆藏。却許自探討。吳楚叢林知識多。臨機無吝擔懷抱。

定山

大定如山不傾動。山非大定還消磨。惟聞虛空不爛壞。七金五嶽徒塞表。鷲嶺衣付大迦葉。龍華待傳阿逸多。大洋海底遭火熱。須彌頂上翻金波。道人妙齡聽吾語。聞浮鳥兔如飛梭。定起空山口。無舌何能與子歌。長譚。

信中

信是道原功德母。善根長養在其中。玄微已向言前薦。端的何妨格外通。誠實功夫能保惜。偏邪情解自消融。還他親到不疑地。空有雙忘顯正宗。

樵隱

旋作生柴帶葉燒。白雲丹嶂樂陶陶。
九天曾遣蒲輪召。不出頭來盡自高。

野牛

長林豐草臥雲煙。鼻孔遼天不受穿。消得乾坤閑歲月。荒來祖父舊田園。

韞中

上人字韞中。此義難部拚。不是珠沉淵。亦非玉藏石。自家一寶秘。形山古今無。價堪酬直明。明不離日月。間向外馳求。徒費力。

梓巖

吾聞梓是木中王。托根層巖愈堅久。繁柯上徹碧雲高。重陰下覆蒼苔厚。秋老風傳錦瑟鳴。夜闌電掣金蛇走。空生宴坐天雨華。無說無聞獅子吼。

無言

維摩牀上示疾。善現巖間坐禪。一句何曾脫口。舌覆三千大千。

自明

非從他得。本有靈光。不離當念。洞徹十方。

清白軒爲天寧原上人題

玉壺貯水銀碗盛雪。物理自彰。清白誰說。四時遷謝。兮有古有今。六憲虛明。兮無二無別。經行既從。容宴坐允超絕。門外黃塵沒馬。深毫端辯的方親切。

送秀書記遊台鴈

掃空積翠三關語。便有經天緯地謀。五百聲聞都勘過。詎那爭敢不低頭。

次韻贈興藏主

佛祖最上乘。非空亦非色。參之詎可參得也。竟何得不有寸心丹。難逢雙眼碧。道人精進。幢終當造立極。

送日本生禪人禮寶陀遊天台

生緣辭絕域。參禮到中洲。妙相從心現。眞乘匪力求。白華嚴洞曉。紅葉石橋秋。直下明端的。艱難志可酬。

妙禪人求

何用談玄并說妙。亦無密授與親傳。渾命一箇鐵錢。細嚼方知百味全。

借韻勉陟藏主

眞誠納子陟藏主。來伴閒居三兩年。處已肯摸今日樣。探玄期拍古人肩。良駒豈待搖鞭影。瑞鳳終知飲醴泉。佛祖話頭千七百。直須一一薦言前。

借韻示諱藏主

牧來水牯得純時。何用施呈嚇嚇機。藏裏無珍應失色。籬根瓦礫自生輝。本無凡聖成階級。那有乾坤受範圍。黃蘗當年打臨濟。烏藤六十不知歸。

借韻示朗長老

列祖大開方便門。迅機殺活落頭分。長鯨吸盡百川水。健鶻衝開萬里雲。佛自佛兮居佛位。魔難魔也墮魔群。莫嫌老我無傳授。纔涉纖塵染汚君。

示徒弟楚長老

古有至人善施法。令似空曠空如鏡。照鏡赴齋大士提。起門縫掃地寒山放下帚。柄百千劫未始拋離二。

六時自然相應修。也何修證亦非證。無言童子念摩訶耳根塞却分明聽。

借韻示徒弟思隱

大陽傳法付皮履。曹洞宗風墜還起。滄溟枯竭須彌低。千聖之手堪同攜。頂門正眼如未明。黃金無色蘭無馨。楊岐垂派到崑阜。看他各展扶宗手。折膠墮指猶未寒。扶珠驪頤方爲難。祖城荒涼正此時。危如九鼎懸一絲。汝能遠來慰空寂。打汝罵汝都無力。一句分明向汝談。前三三與後三三。

乾峯乾長老字象初

指乾曰象初。乾也從何起。未聞太虛空。形其有終始。古德曾有言。實在明自己。有物天地先。無頭亦無尾。不逐四時凋。認著還不是。道人曾主乾峯來。未開口前早已明斯旨。

英藏主字大珪

試玉要須經烈燄。纔纔形纖弱成疵玷。不分眞僞開眼人。非惟燕石藏來賺。難逢至寶出人間。能別至寶尤爲難。下和三獸遭別足。煙雲結恨遺荊山。當知至寶

得非得。倘分美惡成仇敵。明明不離萬像中。鵝眼龍睛曾莫識。

無我字照上人求

大寄諸緣。或炎或熄。水流於下。隨曲隨直。風動搖而成聲。雲去來而絕跡。乳和水而易分。膠隱色而難識。諸法何紛紜。當體本空寂。自家拶倒。須彌盧一句了。然超百億。

贈靈隱迅藏主

堂堂古德。凜凜真規。美流萬世。清振一時。秉起金剛。慧劍撒出海藏。摩尼不有龍睛。鵝眼難窺。電激鸞驪。與麼與麼。得之於心。剖石逢玉。不與麼不與麼。失之於旨。蓋虎成狸。莫辜三事。稍惜取兩莖眉。閻浮光陰迅疾。不少駐。究明已躬大事。毋自欺。

次韻贈淨慈達藏主

虎丘直下到西丘。派列枝分多勝流。萬指雲堂曾弗顧。孤村草店肯遲。惡機先中的同非。別句裏藏鋒各有由。信手揭翻華藏海。還他全放復全收。

贈四明廉長老

佛祖門庭。海嶽深出家。自合遍參尋。研窮至理。楔出楔透。脫玄關。金博金。垂棘連城。難著價。陽春白雪。罕知音。德山一見龍潭。後傾息從前種種心。

次韻示奧侍者

有見非真見。無傳即正傳。頭頭開智眼。法法離情緣。未解抽令。蹊休云打鐵。船布毛吹起處。不是祖師禪。

虎丘繼藏主。嘗到太白山中。請舉話。因寄偈見謝。故答以示之。

開口無非觸祖翁。難教金翅不吞龍。陳年酸餚咬得破。颺向離根糞壤中。

贈輔侍者

少室真規。摩竭法令。照乘神珠。當臺明鏡。言思莫及。處拄杖生根。心手相忘。時鉢盂安柄。國師三喚侍者。侍者隨聲三應。不是量外。施功亦非機先。取證南海波斯念八還生。鐵崑崙側耳聽。

贈觀上人

靈踪聖跡滿區寰。東南四處尤殊特。設利靈光或可求。觀音妙智終難測。石橋瀟若供聲聞。南冥焚檀禮。

關勒喜公操心絕比倫。願我有口那。撼默歌去向外。
妄聽求成來自己。真功德。

隱翠軒爲劉振道題

隱翠於空兮。翠豈非空。隱空於翠兮。空亦是色。隱顯
無二兮。殊魄蒼穹。空色不分兮。那臻玄極。闌干獨倚。
時萬像明歷歷。

題倒騎牛

三五兒童鬢兩角。笛中吹得落梅華。牧來水牯路頭
熟。顛倒騎時也到家。

示左右同韻二首

細嚼東山鐵酸餚。蔗漿冰碗讓甘涼。北齊荷法思龍
樹。投子傳宗嗣大陽。

旃伽非鼻可聞香。壁月無風亦自涼。空手教人放下
著。趙州特地啓嚴陽。

宗淨頭求

東司不可說佛法。趙州此話播叢林。屎腸抖擻不出
底。休向威音那畔尋。

亨淨頭求

水糟每日積來滿。湯邊及時燒得溫。炙地熏天乾屎
。齩娘生鼻孔。幾曾開。

示道者智實參方

梵語頭陀。此云抖擻清淨。本然塵垢。何有大千界不
妨。山高海深。無量劫一任鳥飛兔走。奉衆勤勞。宜力
行律。已規繩。要堅守。未能追攀入室之象龍。莫負捨
透出家之父母。不見老欽光。常居萬人後。知識門庭
好。遍參王臺。橫揮獅子吼。

得淨人火

聽誦金剛經。豁開死眼。解下懸腰石。半夜傳衣。撥波
求得火。燒却五須彌。

了堂和尚後錄終

萬峯和尚語錄

元
•
普 萬
壽 峯
時 蔚
編 撰

用萬峰和尚語錄舊序

萬峰和尚蚤歲於虎跑室中得其肉壯歲於伏龍室中得其髓自是通身爽快徹骨清涼無一絲毫爲障爲礙爾後張鋪席於蔚嶠開飯店於嵩山下設文字不資語嘿單單以一色本分草料接人而四方來者如歸不舍晝夜室中得指明心者莫知其數嗣法立宗者列布山川化緣既終其徒齡山壽上人捧此帙過茗溪之上見示於葦室葦室卽合爪加額焚香三復既而掩卷而謂齡山曰老師已和盤托出盡在此書矣正是活人之丹殺人之藥故其胸中流出一一

萬峰和尚語錄序

一一

高妙使天目正宗伏龍的派二十年後話當大行或問余何以知之曰我知言洪武癸亥秋季月吉日前淨慈菴室翁弘智題

語是謗嘿是誑語嘿向上有事在今觀萬峰蔚禪師舉古驗今語錄所謂言言見諦句句朝宗一一皆是曾標流出凌天目正派之深得伏龍心髓之奧如金翅擘海直取龍吞燃龍猛膏變連山石斯之謂歟然語嘿向上事非頂額具眼者莫能辯之其嗣法弟子茲欲刊行於世遠來請題於上余見其誠故書之阿育王山弘辯崇裕時年八十

從二系語應接不置是斬釘截鉄初不以言句示人至如雲門大師說法如雲如雨猶不許記錄其語懼屬流布也今萬峰蔚公禪師出天目之門八伏龍之室一出世住山卽菴居中吳垂三十年履踐實吳人多服其化而登其門者可謂駢肩累迹但隨機開導未嘗以言句形於紙筆其徒肇首座私錄其語間以示予請識其後予聞此老末後一段光明尤爲卓異宜乎吳人家繪其像而敬事之所錄之語特其土苴緒餘耳雖然道本無言因言顯道讀是錄者忽然築着磕着洞見此老心肝五臟未必無其人也故

支那

萬峰和尚語錄序

一一

爲書之

洪武癸亥春前往天界全室叟宗泐書

姑蘇信士萬應鵬捐資重刻

萬峰禪師語錄一冊計字一萬七千六百板刻增書三項共銀六兩二錢所冀見聞披讀咸悟祖心獲福無窮傳燈不盡

板藏鄧蔚萬峰禪院流通

萬峯和尚語錄

叅學比丘

普壽

集

萬峯十一世嗣法嫡孫法藏 較重梓

住蘭溪州嵩山開堂上堂拈香祝聖云此香熟向爐中端為祝延 今上聖壽恭願三千大千世界盡屬華封百億萬億須彌成歸正化次拈香云奉為伏龍山聖壽禪寺佛慧圓鑒千巖和尚用酬法乳之恩就座于聖雖明不了因代代相傳古到今今日嵩山重舉似鐵樹花開別是春向無影樹下打眠宏開飯店於虛空背上經行大闢宗乘塵塵糾糾全彰物物

支那

萬峯和尚語錄

二

頭頭合散擊碎魔王窠臼斷送衲子命根不作奇特商量不作玄妙解會直得淨名杜口共贊昇平巖頭密啓咸宣至化正恁麼時開堂祝聖報恩句子作麼生道良久云一片定光輝宇宙直教萬國奉君恩上堂舒兩手云大開方便門便從這裏入復握雙拳云閉卻牢關說家裏話且道不開不開一句又作麼生道良久歛僧伽黎下座施主請說大法陸座良久云三世諸佛如是說歷代祖師如是說天下老和尚如是說嵩山道者亦如是說若有不如是說者與他三十棒若有如是說者亦

萬峯和尚語錄

與他三十棒何故卓拄杖一下云嵩山門下今不虛行下座上堂現成公案不肯承當卻向嵩山追求何物若言求佛汝即是佛若言求道道無可道若言求法法本無法切莫妄想時有僧問佛法即不問如何是嵩山境師云四面好山擎日月一湖秋水浸青天問如何是境中人師云三仙指不流終不與君傳問如何是日前事師云眉毛眼上橫問如何是後事師云錯認定盤星進云爭奈觀山觀水何師云觀外如紅觀內亦然去此二途汝作麼生觀僧問師乃云只如老子道四觀其心無其心外觀其心

支那

萬峯和尚語錄

二

形無其形遠觀其物物無其物三者既悟唯見於空亦是吾宗金鎖玄關之難何況觀山觀水觀佛觀法所以道不是目前法亦非目前事且道是個甚麼喝一喝卓拄杖下座示眾舉古德云溪聲便是廣長舌山色無非淨法身堪笑古人猶在聲色裏作活計要見清淨法身太遠在既不在聲色裏畢竟在甚麼處會麼良久云須知更在青山外設齋示眾舉古德云不見三頭六臂卻能拈匙放箸也大奇也大奇拈拄杖指左邊一指云這裏是山那

裏是水又指右邊一指云。遮裏是水那裏是山。舉拄杖云。這箇是拄杖子。主在甚麼處。向這裏一一見得。明白。許你有口堪喫飯。然雖急麼。亦未見他三頭六臂。在且道。那裏見得。拈拄杖一齊打鼓。

正月初一示衆云。月頭是初一。光明漸漸出。月尾是三十。光明何處覓。數轉老釋迦。也道拈不出。拈得出。萬事畢。大眾若有人道得出來。道看如無。高山與你。諸人露箇消息。針兩手云。我見燈明佛。本光瑞如此。下座。

一日有二僧來。參師。問云。那裏來。僧云。隴西來。師云。

三

三

三

我聞隴西有鸚鵡。是否。進云。是。師云。還會吟詩作賦。進云。會。師云。吟甚麼詩。試道看。僧無對。師打一棒云。妄語。漢汝不從隴西來。師云。第二員道看。僧作舞勢。師云。是。即是爭奈上大人丘乙巳。

示衆。師云。天地未分。日月未明。這一着子。觀時。無物。聽時。無聲。無色。無聲。如天常清。如空常明。聖凡俱泯。生滅全沉。動靜不生。非假非真。了無邊表。亦無昇沉。空空寂寂。絕見絕聞。你還識麼。若向這裏。得箇消息。便可與三世諸佛。同一眼見。同一耳聞。歷代祖師。一口所宣。一音演暢。放光動地。亘古亘今。開迷情。

之眼目。先執垢之塵心。轉萬物爲自己。轉自己爲萬物。神通法界。變化山川。說凡說聖。說有說空。說權說實。俱無障礙。亦不帶於空寂。亦不沉於有無。亦不墮於凡聖。亦不落於生死。放行把住。機輪互換。出沒捲舒。縱橫妙用法法。全彰建立。也在我。掃蕩也在我。我爲法王。於法自在。若也悟處不真。見處不實。執凡執聖。說是說非。沉空守寂。盡是生死。垢心輪迴。根本如今。多見叢林中。有一等兄弟。家終日說禪。自不識禪。終日說法。自不識法。終日說般若。自不識般若。諸仁者。還要識般若麼。莫是德山棒。臨濟喝麼。莫是香嚴。

四

四

四

上樹雲峯觀。總麼。莫是雲門胡餅。趙州吃茶麼。所以道。是法非思量。分別之所能解。大丈夫漢。不可匆匆草草。迷頭認影。埋沒自己靈光。辜負先聖垂慈之妙。佛祖無傳。而傳之法。無得而得之心。此心比法頭頭合轍。處處逢源。何以將心捉心。以佛覓佛。若能如是。轉無交涉。如今要得徹去。高山與汝露箇消息。是佛。是法。是心。是道。是照。是用。是主。是賓。非佛。非法。非心。非道。非照。非用。非主。非賓。馬大師云。卽心卽佛。不是心。不是佛。不是物。正爲此也。向這裏見得明白。方是吾家種草。臨濟兒孫。只如法眼和尚問修。

山主毫釐有差天地懸隔師兄作麼生會修云毫釐有差天地懸隔法眼云恁麼會又爭得修云某甲只與麼和尚又作麼生法眼云毫釐有差天地懸隔修於此有省保寧勇禪師頌云石城親切問同叅不語東西便指南明暗兩條來往路依稀屈曲在煙嵐二大老一人面南看北斗一人步行騎水牛高山卽不然以佛相打圓相云寥寥自在本無說寂寂空空豈礙留蕩蕩悠悠無可立心心不易絕玄鉤

因僧論禪教示衆云如來妙道難解難知靈山會上五千退席大覺世尊慈物垂慈開演三車誘引諸子

文庫

草堂和尚語錄

五

出離火宅然後但以大乘而爲度脫若總不說不爲衆生普施妙道若別有說反令衆生隨於諸有經云一切諸世尊皆說一乘道我有方便力開示三乘法世尊如是剖露太煞老婆心切後學初機不知聖意往往沉於語言之下不能體會玄微徒觀標月之指不覩當天之月遂以語言文字爲礙醍醐上味翻成毒藥豈不聞世尊云爲了此事更無餘事爲你學人不明自己是佛向外馳求先聖以慈悲故遞相出與遞相傳授開方便門示真實相或威或慈或擒或縱或隱或顯或棒或喝頭頭顯露處處全彰卽要當人

直下領會玄旨不得已而爲之卽將蜜棗于換汝苦葫蘆水潦和尚見馬大師欲伸問問被馬祖一腳踏翻起來呵呵大笑百千法門無量妙義卽同一毫頭上識得根源了了分明若也住心觀靜舉心外照攝心內澄凝心入道總是無風市市之波我此一門只貴利根上智領之於二言之下苦也世智辯聰縱然通得一大藏教乃至九經十七史諸子百家只覓得口頭滑於本分事遠之遠矣士大夫有留心意於此者多謂佛道懸曠久受勤苦乃可得成又謂千生學或叢萬劫學細行如何博地凡夫便得入手此皆自

文庫

草堂和尚語錄

六

推一座須彌山一墮墮了豈不見黃山谷道人問道海堂因論吾無隱乎爾山谷於是督地張無垢居士初見靈隱明善權清久之不契及登妙喜之門因論但知格物不知物格頓悟厥旨世出世間得人憎無出遮些子如水行地中無往而非水若謂水專在是此澄清大海惟認一浮漚目爲全潮若果得此事入手只消一滴便可興波作浪全卷全舒全起全滅盡浮幢王剎海皆具吾一滴中矣倘或不然只守澄澄湛湛未免死水裏淹殺大丈夫漢向威音王以前空劫那時擔負得行何處有許多周由者也豈不見臨

濟在黃檗會下問祖師西來的大意三度問話三遭痛棒不領玄旨。後至大愚和尚處被他一拶豁然大悟。便道黃檗元來佛法也無多子。大愚云你適問有過無過。便道黃檗佛法無多子。畢竟有多少。速道。濟於大愚脇下墜三拳。到這裏一點子也謾他不得。自後開堂演法。顯大機發大用。開鑿人天眼目。發揚佛祖宗猷。機鋒如石火電光相似。實難近傍。凡見學人入門便喝。示衆云。有時一喝是金剛王寶劍。有時一喝是踞地獅子。有時一喝是探竿影草。有時一喝不作一喝。用敢問諸人道。阿那一喝是金剛王寶劍。

古那

萬峰和尚語錄

七

阿那一喝是踞地獅子。阿那一喝是探竿影草。阿那一喝不作一喝。用向這裏細素得出。許爾具一隻眼看破臨濟祖師。會麼。會麼。喝一喝云。是金剛王寶劍。是踞地獅子。是探竿影草。是一喝不作一喝。用。又喝一喝云。是照是用。是照用同時。是照用不同時。又喝一喝云。是賓是主。是賓主同時。是賓主不同時。遮裏會得。亦未全提。如臨濟會下兩堂首座齊下一喝。且道那喝是主。那喝是賓。遮裏見得徹去。便見臨濟老人立地處。便見汾陽白雲慈明楊岐祖師立地處。便見自己立地處。便見大地眾生立地處。懷藏智鑑。鑑

在機先顯發大用。用超格外。以至東家杓柄長。西家杓柄短。無不知之。如今叢林參學高士。至死不明此。事病在何爲。堪嗟學人不了。妄自執法爲病。以病攻病。致使佛性愈求愈遠。轉急轉遲。伶俐漢眼光返照。直下知非。染病兩忘。眼睛突出。燦破山河大地。耀開百億須彌。全卷全舒。全殺全活。捉敗德山門戶。看破臨濟家風。是則是要見德山。卽易要見嵩山。卽難何。故須知死句中有活句。活句中有死句。死句中有死句。活句中有活句。爲枯枝葉會麼。善財到此無行路。有在渠儂彈指間。示大衆云。

支那

萬峰和尚語錄

八

示衆從上佛祖剖露單傳。開權顯實。說玄說妙。契理契機。只要學人識取自心。累他先聖曲垂方便。誘進斯門。所以道。摩尼珠。人不識。如來藏裏親收得。六般神用空不空。一顆圓光色非色。此珠人人具足。箇箇圓成。非特如來藏中。三世諸佛歷代祖師。何嘗少欠。若佛若祖。是聖是凡。莫不皆有此珠。汝等諸人。六根門頭。放光動地。因甚不見。卽爲情生智隔。想念體殊。無端雜毒種在八識田中。醍醐上味。翻成惡水。埋沒自己靈光。決定無由得見。若是決烈丈夫。直下一刀。兩段不被邪師惑亂。不受塵緣繫縛。具大眼目。具大

手股直入斯門得獲大寶。豈不見大梅常禪師。參馬祖問云。如何是佛。祖云。卽心是佛。便向大梅一住二十年。馬祖令僧去探其是否。僧到便問云。和尚見馬大師得何道理。便住此山。常曰。向我道。卽心卽佛。我便向這裏住。僧云。馬祖佛法近日又別。常曰。作麼生別。僧云。又道非心非佛。常曰。這老漢惑亂天下人。未有了日在。任他非心非佛。我但卽心卽佛。看他一得永得了。無退失遮箇便是。參禪問道底。美靈種子。一見便了。更不狐疑。如百丈問長慶云。如何是佛。慶云。騎牛覓牛。僧問西明和尚云。如何是佛。尚云。卽汝便。

支那

萬峯和尚語錄

九

是便是自家珍寶。更莫他求。如斯會得。看破馬大師心肝五臟。苟或不然。更聽一偈。一對眉毛。眼上橫。莫問渠儂短與長。八字打開。全剖露。分明遍界雨花香。示衆。禪無可參。道無可證。無證無參。是爲禪定。定無所定。所定非定。欲得真定。但莫誣說。誣說既忘。不存心境。道本無修。從茲而證。如斯證者。方知無三界可出。無涅槃可證。無禪定可修。無輪迴可脫。無染無淨。不生不滅。古云。不斷煩惱而證菩提。煩惱卽是菩提。菩提卽是煩惱。離菩提卽無煩惱。離煩惱卽無菩提。菩提煩惱出乎心。更無別法。明只明自本心。見卽見。

自本性見。又難見。難見之見。卽見本心。本心非心。非心之心。卽見真心。此名爲正悟。此名爲精進。亦名爲解脫。亦名般若。若其如佛性。大覺金仙。總是假名。如是悟者。方知佛與衆生。性原平等。無二無別。只因迷妄。不能修禪定智慧。淪墜生死苦海。無有出期。大覺世尊。方便誘進衆生。假說六度萬行。而施持戒忍辱精進禪定智慧。若無禪定智慧。布施持戒忍辱精進禪定智慧。煩惱賊劫奪功德法財。若無貪瞋癡更無言說。五千餘卷。如某止帝相似。達磨大師自西天十萬八千里道遠來至此。上教外別傳。不立文字。直指人心。

支那

萬峯和尚語錄

十一

見性成佛。自後神光止雪斷臂。說法安心。從此問答爲禪。頓契明心。爲道高。山到這裏。怎麼也三十棒。不怎麼也三十棒。怎麼不怎麼。亦與他三十棒。一棒夜來風捲殘雲去。一輪明月照天心。示衆。大凡參禪做工夫者。不得安然靜坐。忘形死心。澄空守寂。昏沉散亂。須是抖擻精神。猛著精彩。急下手。腳剔起。眉毛咬定。牙關提起。話頭立地。要知分曉。不得今日也。怎麼明日也。怎麼。便就萬法歸一一歸何處。上大起疑情。疑箇一歸何處。卽將此一則公案。盡平生氣力。提在手中。如一柄鉄掃帚相似。佛來也。

掃塵來也掃邪來也掃正來也掃是也掃非也掃有也掃無也掃掃來掃去掃到無下手處無着力處正好着力無掃蕩處正好掃蕩忽然掃破虛空突出一箇若帚柄來因元來卻在這裏在這裏依前即是箇張上座一翻翻轉山河大地明暗色空盡是自家珍寶草木碌盡是自己法身到這裏說甚麼一歸何處只這一柄鉢掃帚亦乃和身放下坐斷常寂光超出生無生界喚作無爲無事人也若是打不徹透不過切莫匆匆草草道我會禪會道不用參疑我問你臘月三十日到來從前會得底道禪用得著麼所以參

支那

萬峰和尚語錄

十一

須實參悟須實悟不可弄虛頭認光影不求正悟須向遮裏將本參公案三百六十骨節八萬四千毫竅併作一箇疑團頭在眉毛眼睫上看定通身是箇萬法歸一一歸何處行也如是參坐也如是參靜也如是參動也如是參來來去通身是箇話頭物我俱忘心識路絕澄澄湛湛寂靜無爲豁然疑團子爆地一聲直得須彌粉碎大地平沉迸出一輪果日照耀山川遮藏不得那時卻來嵩山門下喫痛棒中夏示衆云達磨的的西來直指人心見性成佛且道性作麼生一喝於此直下死團百雜碎便見青青

萬峰和尚語錄

翠竹顯真如柳綠花紅明皎潔風生虎嘯石龍吟燕語鶯啼爲汝決衲僧家活潑潑滿懷撒出夜明珠獻寶波斯難辨別放倒和衣打覺眠一任天崩與地裂其或未然參

解制上堂云一葉落天下秋一塵起大地收解開布袋口衲僧得自由腳頭腳底風雲起撒土揚沙毘入流逼塞虛空無影像啼鶯元在柳梢頭畢竟作麼生取用喝

本淨居士入山求語示衆

達磨至金陵惟傳一心之法面對梁王廓然無聖只

支那

萬峰和尚語錄

十二

此一句已爲諸人說破聖量凡情悉皆掃蕩自後德山舉棒又是節上生枝臨濟下喝亦乃無風起浪禾山打鼓石鞦張弓卓鳥懸拈麈尾總不出維摩一默巖頭密啓何況嵩山靈長篇書短偈喚作開示初機明今檢古正是勝量未忘餘心不息違背少林直肯迦葉別傳淨居士如今要得徹去但卽放教育次中空勞勞地虛豁豁地一絲不掛一念不生恰如皎月含空照而常寂寂而常照自然爲道相應某自從至正十五年禁筆不書頂相不寫法語單單一味杜田將古人一則無滋味話八字打開兩手分付方來學

者不肯直下承當。卻在那邊咬嚼。這邊穿鑿。被這些子銀牆鐵壁。礙在面前。銷鎔不得。若是了事丈夫。英靈傑士。於未舉以前。一拳打透。一腳踢翻。誰敢向你諸人。潔淨地上。撒土拋沙。居士特入山禮拜。設齋求語。以爲入道津梁。爭是我宗無語句。無一法爲人。居士既信得及。便就父母未生已前。看道那箇是我本來面目。二六時中。折旋俯仰。靜鬧閑忙。心心無間。念念相續。卽恁麼來去。卽恁麼疑去。忽然泥團子爆地一聲。撞破面前銀山鐵壁。踏着本地風光。土塊泥團。呵呵大笑。方知此事不在語言文字上。絕之也。

又云

萬善和尚語錄

十一

之

又云

四十餘年除糞來。清清淨淨。絕纖埃。如如寂寂。那伽定。壯衰無病。口懶開。

頌古

門人 普華 普慈 集

世尊曾在靈山會上。拈花示衆。衆皆默然。唯迦葉破顏微笑。世尊乃云。吾有正法眼藏。涅槃妙心。付與摩訶迦葉。師拈云。世尊也是無風起浪。捏目生花。迦葉亦乃承虛接響。無事生非。正法眼藏。涅槃妙心。阿誰欠少。且作麼生分付。既以迦葉破顏微笑。直下承當。此一枝花。付與迦葉了也。只今花在世尊手裏。迦葉手裏。試道看。

瞬目揚眉。只此枝栽。培深處。幾人知。傍觀苦不揚。

又云

萬善和尚語錄

十四

宋魏無限香風。付阿誰。

世尊陞座。文殊白。觀云。諦觀法王法。法王法如是。世尊下座。師拈云。世尊也是起模畫樣。文殊亦乃見境生情。出來道箇諦觀法王法。法王法如是。且道此語落在文殊處。落在世尊處。

輕烟薄霧。實難描。更有何人手段。高驚起。暮天沙。上。鴈雙雙飛去。入雲霄。

阿難問迦葉云。世尊臨滅度時。傳金襴之外。別傳何物。迦葉喚阿難。阿難應諾。葉云。倒卻門前剎竿着。師拈云。迦葉喚阿難。暗號私通。倒卻門前剎竿。依。

前不會。若問嵩山世尊傳金襴外別傳何物。只對他道：低聲低聲。且道：古人是同是別。

金襴傳外別傳何物。應云：呼。連指南。倒卻刹竿。緣底事。免教南北競頭參。

達磨西來。初見梁武帝。帝問云：如何是聖諦第一義。磨云：廓然無聖。帝曰：對朕者誰。磨云：不識。帝不契。磨遂折簋渡江。至魏。帝後舉問志公公曰：陛下識此人否。帝曰：不識。公曰：此是觀音大士。傳佛心印。至此帝遣使詔之。公曰：莫說陛下詔。闔國人去。他亦不聞。師拈云：達磨大師當時何得道。廓然無聖。卻被梁

支那

萬世和合錄

十五

武帝進後語。若問嵩山如何是第一義。吾即又手默然。有教梁王進後語。不得。且道畢竟如何。是第一義。

廓然無法。而梁王無地容身。踏渡江。直入少林巖下。坐無端。又賺老神光。

二祖可大師。初至少林。參達磨。立雪斷臂。悲淚求法。磨知是法器。乃曰：諸佛最初求道。爲法忘形。汝今斷臂求法。亦可在。可曰：諸佛法印。可得聞乎。磨云：諸佛法印。不從人得。可曰：我心未寧。乞師安心。磨曰：將心來與汝安。可曰：覓心了不可得。磨曰：與汝安心。覓可即。

於此悟入。師拈云：九年面壁。踏地藏刀。立雪齊腰。

泥中有刺。神光踏發毒箭。射中泥牛。卻道覓心了不可得。和賊捉敗。磨云：吾與汝安心。覓。血濺梵天。且道覓心了不可得。如何話會。

神光立雪。夜渡寒。達磨天明轉面看。斷臂安心。流血。隨至今。塗子未曾乾。

達磨大師將返西天。謂門人曰：時將至矣。合各言所得。時門人道副對曰：如我所見。不即文字。不離文字。而爲道用。師曰：汝得吾皮。尼總持曰：我今所解。如慶喜見阿閼佛國。一見更不再見。師曰：汝得吾肉。道育

支那

萬世和合錄

十六

曰：四大本空。五陰非有。而我見處。無一法可得。師曰：汝得吾骨。最後慧可禮拜合掌。依位而立。師曰：汝得吾髓。師拈云：至道無難。惟嫌揀擇。達磨大師分皮。分髓。分別不少。且道有法付神光。無法付神光。若道無。少林因甚麼付囑。若道有。且道付箇甚麼。勘破少林端的意。了無一法付神光。近前合掌施三拜。好肉無端剝作瘡。

文殊一日。令善財採藥去。善財普觀大地。無不是藥。卻來報云：無不是藥。殊云：是藥者。採將來。善財拈一枝草。度與文殊。殊提起。示大衆云：此藥草能殺人。亦

能活人。師拈云。善財拈起藥草。求醜無端露盡文。
殊舉示諸方丈。殊扁逗不少。高山不令而行。且道。
有何玄妙。千年松下。茂林得者。自然不少。
大地普觀。都是藥。枝葉草總。譬乃拈起。口宣言。
殺活。直至如今。藥道行。

五祖演禪師示衆云。釋迦彌勒。猶是他叔。且道他是。
阿誰。師拈云。你還識他麼。不離這箇。卽這箇。我是。
阿誰。誰是我。不審。不審。差過。差過。
三箇奴郎。總是一家。幾多。幾多。度路頭。差。虛空撲落。呵。
呵。笑識得他。今莫問他。

無名

無名和尚語錄

十七

唐憲宗迎佛舍利。現五色光。百僚皆賀。惟禪念端立。
帝問曰。百僚皆賀。卿爲甚。不賀。念曰。臣嘗看佛書來。
佛光非青黃赤白等光。此是龍神資助之光。帝曰。如。
何是佛光。念無對。古宿代云。陛下問處。便是。師拈。
云。帝迎佛舍利。現五色光。眉毛。蹙裏。羅古。騰今。念。
曰。佛光非青黃赤白等光。見卽成。卽可。惜。韓愈。末。後。
無對。若問。嵩山。佛光。作麼。吾卽。噤。兩。噤。
帝王法王。口放常光。一統乾坤。此土西方。
宣州安國提禪師。因僧問五祖云。真性緣起。其義云。
何。祖默然。時師侍次。乃謂大德正典。一念問時。是真。

性緣起。其僧於言下大悟。師拈云。這僧只知開口。
問人。不知真性緣起。果他。挺。禪師。道大德正典。一。
念。問。時。是。真。性。中。緣。起。其。僧。打。失。鼻。孔。雖。然。得。箇。
悟。處。畢竟。費。力。不。少。且。道。未。問。已。前。緣。在。何。處。
寒。夏。孤。月。掛。寒。空。天。地。山。河。寂。照。中。開口。便能。成。
話。隨。緣。風。吹。入。九。霄。宮。

僧問雲門云。如何是佛門。云。乾屎橛。師拈云。雲門。
大。而。不。妨。奇。特。看。他。更。然。一。句。子。疑。殺。天。下。衲。僧。
苦。道。不。疑。此。屎。橛。汝。作。麼。生。會。
雲門。公。案。親。提。起。便。便。通。身。冷。汗。流。不。知。何。

無名

無名和尚語錄

十八

處去。虛空落地。笑無休。
趙州到一菴。王提問。有麼。有麼。王豎起拳頭。州云。水。
浸。不。是。伯。駝。處。便。行。又。到。一。菴。王。處。問。有。麼。有。麼。王。
亦。豎。起。拳。頭。州。云。能。縱。能。奪。能。殺。能。活。便。禮。拜。師。
拈云。趙州。劈。開。古。鏡。兩。處。分。明。學。人。不。識。好。處。特。
地。驚。殺。汝。還。知。趙。州。兩。次。入。門。便。問。有。麼。有。麼。破。
這。菴。主。豈。箇。菴。頭。州。便。禮。拜。豈。不。是。趙。州。失。却。一。
隻。眼。然。雖。如。是。因。甚。肯。一。不。肯。一。
趙州當路掘深坑。卻要行人自酌量。透得重關無。
別路。頭頭物物總家鄉。

洞山到雲門門問曰。那裏來。山云。查渡門曰。今夏在甚麼處。山曰。湖南報慈門曰。幾時離彼。山云。八月十五日。門云。放汝三頭棒。山明日卻上方丈。山云。昨日蒙和尚放某甲三頭棒。某不知過在甚麼處。門曰。飯袋子。江西湖南便恁麼去。山於言下大悟。師拈云。雲門把住放行。洞山不知失禮。來朝案款重供。當下一槌擊碎。雖然得箇悟處。未免落在雲門坑裏。當時震聲便喝。不致來朝結罪。雲門太殺老婆心。放過烏藤。未是征。明日再來重案。過果然頭角出羣英。

支那

萬峰和尚語錄

十九

南泉因兩堂首座爭箇猫兒。泉乃提起猫云。道得卽。收取猫兒。道不得卽。斬卻。衆皆無對。泉遂斬之。至晚趙州外歸。舉似趙州。州脫草鞋頂在頭上而出。泉云。子若在救得猫兒。師拈云。兩堂首座無定亂之機。南泉乃有安邦之手。看他正令纔行。誰敢當場開口。趙州救得猫兒。來遲未爲好手。嵩山拂袖便行。且道。救也不救。自外全提。觀而揲。縱橫殺活。逞玄機。命根落在渠儂手。救得來遲。總是非。首山和尚拈竹篋示衆云。汝等諸人若喚作竹篋。則

觸。不喚作竹篋。則背。且道。喚作什麼。師拈云。首山和尚兩頭截斷。中道不安。爭奈傍觀自有出身之路。且道。那裏是他出身之路。就手奪來。劈面便打。且道。喚作什麼。道道。拈來。劈面便相呈獻。寶還他。罷子孫。捧出摩尼光。閃爍。人間天上最爲尊。鄧州芭蕉清禪師示衆云。你有拄杖子。我與你拄杖子。你無拄杖子。我奪卻你拄杖子。師拈云。芭蕉雖曰。能縱能奪。能殺能活。要且不識拄杖子。若是這條拄杖子。阿誰欠少。渡水登山。挑包過澗。倒用橫

支那

萬峰和尚語錄

二十

拈隨身受用。且道。卽今拄杖子在什麼處。以手畫一畫云。扶過斷橋水。伴歸明月村。與奪縱橫顯此機。拈來渾不涉思惟。揭開佛祖無私眼。突出寒光滿太虛。爲山在百丈會。充典座。百丈將選大瀉主人。乃請首座對衆下語。出格者可之。丈拈淨瓶置地上。問云。不得喚作淨瓶。汝喚作什麼。座云。不可喚作木突也。丈卻問山。山趯倒淨瓶而去。丈笑云。第一座輪卻山子了也。丈遂命山住瀉山。師拈云。百丈滿地刀鎗。瀉山通身是劍。一踢大地俱傾。直得雲開霧捲。海嶽

山川倒逆流。觀出摩尼光閃電。高山即作眼中花。
是非休向瓶邊辯。疾步歸來作者知。不將家醜傍
人見。

乾坤一踢不留踪。大智堂前暗號通。頭角崢嶸藏
不得。英靈千古顯宗風。

子胡示衆云。子胡有狗一隻。上取人頭。中取人腰。下
取人腳。往來者各自防避。照管喪身失命。人至喝云。
看狗。師拈云。入門一喝。頭正尾正。擬議思量。喪卻
性命。且作麼生。入得他家門戶。喝一喝。阿耶阿耶。
一喝門前三轉身。儂家犬子。沒疎親。朝昏倚卧門。

又那

萬善和尚語錄

三

限下踏著迴頭咬殺人。

瑞巖彦和尚。每日自喚主人翁。復自應諾。乃云。惺惺
著諾。他時後日。莫受人謾諾諾。師拈云。瑞巖翁。自
起。自倒。主人翁。阿誰不識。何須抱賊檢賊。聲裏尋
聲。如未喚之時。主在什麼處。

惺惺喚省。更惺惺。苦苦拘龍。入鐵瓶。觸著自聲聲。
裏諾。乾坤翻轉。作滄溟。

僧問趙州。黑豈未生芽時。如何州云。好合醬。

趙州活計。得能忙。黑豈渾淪入醬缸。今日有來篩
磨過。破砂盆裏響瑤瑤。

龍潭吹燈

輕輕點出這些兒。耀古騰今。樂太虛。兩眼明明無
別物。方知宮殿有龍居。

百丈野狐

落球都盡在半途。一掌分明脫野狐。夢眼豁開無
一物。不將罪福問孫吳。

僧問雲門。如何是教外別傳。一句門云。野來。將來僧
云。直得恁麼時。如何門云。照從何立。師拈云。雲門
大師。一放一收。累及學人。疎分不下。若問高山。如
何是教外別傳。一句。當時振聲一喝。直教學人言。

又那

萬善和尚語錄

三

下悟去

教外無言。號別傳。別傳心印。訥無言。馬師一喝。輕
拈出不屬。瞿曇話。正偏。

黃龍三關

我手何似佛手。無端播揚家醜。乾坤都在掌中來。
光射翻半斗。

我腳何似驢腳。伸縮無非踏著。掀翻於菟草。巢其
皮。獲于脫卻。

人人有箇生緣。大道不涉言詮。開口便欺佛祖。抹
過東土西天。

生緣斷處無羶脚。羶脚繞行佛手伸。要識二開端。
的意。鷄鳴處。自花新。

行住坐卧

去年春風起。碧天脚跟不動。到平田。自從踏著。遮
些子。那管人閒歲月邊。

滿目青山看不休。白雲流水自悠悠。那菴占斷蒼
崖底。一片丹青盡未周。

幽然兀兀若知來。禪道經書口。懶開有客過門休。
閒話葫蘆無地與君栽。

老朽終朝卧石床。了無閑夢到諸女。轉身不覺天

邊日。又向紗窓透入房。

靈光

一點靈光起。內空風吹。飄動走西東。遍生遍滅。原
無動。漸破還當覺性同。

昔有三玄頌。其語絕非老人面目。且與濟宗不
侔。聞爲後人攙改。茲姑去之以附卷尾。

法語

寄雪山熙長老

我正閒時。汝未閒話頭。今已落人間。高提鉈斧。萬鈞
重付與新羅熙雪山。

寄仰山無念學首座

五派傳來。臨濟宗入門。一喝露機鋒。老婆心切。能容
易試看。疑蛇變化龍。

又

竹筴倒握。辯龍蛇。佛祖場中有作家。兩手展開。親付
囑。佳聲羸得震中華。

支那
撰述

萬峯和尚詩集

二四

寄日照慧首座

金雞啼省覺。心王杲杲圓。明耀十方昇。騰不息。緣何
事。要與衆生作眼光。

寄寶峰真首座

呂仙飛劍斬黃龍。一喝當前入地中。長老收看無用
處。拈來分付與禪翁。

示虎丘圓首座

等閑坐斷死生關。寂寂如如得自閒。三十年來圓道
者。清名從此落人間。

示應侍者

如寂寂絕思惟無古無今越太虛會得箇中端的
意夕陽元不落山西

送如大海

洪波浩浩廣無邊潮去潮來納百川昨夜冷光浮海
底澄澄湛湛水連天

示上人

金鞭在手莫遲疑進步逢人即便揮冷地一鞭知落
處山河大地發光輝

示淨慈性海真藏主

慧日峰前轉法輪永明宗旨又重新試看百千香水

支那

萬聖和尚語錄

二五

海只消輕放一毫吞

示虎丘現藏主

海湧峰頭笑轉身五千餘卷若爲論遶床三匝敷揚
處堪作龍峰派下孫

示徑山照藏主

靈光洞徹剎塵周世界河沙海一漚萬象森羅藏裏
許明明晃耀碧天秋

示因禪人

竹篋觸背妙難藏分付渠儂孰可當信隱居山恁麼
去自然道價遍諸方

示悟首座

徹悟心源達本源學無前後悟爲先室中黑漆竹篋
子續燭聯芳千古傳

示靈隱妙藏主

六十烏藤顯大機三玄三要絕思惟大愚脇下施三
聖萬像森羅展笑眉

寄海舟慈首座

龜毛付囑與兒孫掛角拈來問要津一喝耳聾三日
去箇中消息許誰親

寄天界華首座

支那

萬聖和尚語錄

二六

寶劍全提劈面揮祖師心印鐵牛機高山今日重拈
出分付渠儂繼祖衣

贈陸鑽龜

汝鑽龜下我鑽心鑽透靈源直萬金爆地一聲又象
露六爻平靜絕追尋

示正菴主

正信參禪且學呆通身疑起震如雷情忘意寂高提
話鐵作心肝頓豁開

示普祥居士開肆

家珍剖出與君看萬戶千門實一般賣與買人誰信

價須知靚面不相謾

示就上人

涅槃心藏有何傳七百千師總被穿五葉花敷春爛
慢汝今休問棒頭禪

示普明尼

百草明明佛祖機黃花翠竹展忻眉便從箇裏承當
去超越當年尼總持

示本果尼

一花開發眾花鮮花謝菩提果自圓肯向給孤林下
坐清香拂拂滿祇田

支那

萬峰和尚語錄

二七

贈瑛首座

妙明真性本天然箇事何曾有靜喧問著西來端的
意烏藤六十顯三玄

贈清首座

傳衣表法獄囚枷無底籃乘死活蛇撞着知音開痛
口同生同死會龍華

寄源首座

鐵蛇管日透龍門吐霧興雲日月昏掣電光中轟霹
靂騰身普雨潤乾坤

寄寶藏首座

大愚脇下痛還拳三要三玄絕正偏臨濟窟中獅子
子燈燈續燭古今傳

寄果林首座

傳衣表法爲人師不是閒人說是非實地來心自
悟何妨語默涉離微

寄懶牛菴主

得來與我結生冤老牯當年懶向前大地靈苗耕種
熱呵呵活弄手中鞭

寄光寂照

覺性無生五蘊空真如頓息幻包容無同無異如如

支那

萬峰和尚語錄

二八一

體照用俱忘法法通

示本澄尼

澄源湛寂絕痕瑕妙在其中會也麼若向那邊明辯
得不萌枝上散金光

示信上人

三遭發問顯三玄六十烏藤話未圓卻被大愚親說
破至今不用棒頭禪

示徒十首

內第二首即示正
卷上見前不錄

參禪猶似下弓窩莫放他行蹉路過寂靜徑來還是
發忽然驚覺笑呵呵

安然坐定困茫茫滯寂沉空正念忘未待放參開雜
話可憐空過好時光

一箇話頭參到底不須更做別生涯若能念念心無
退智慧花敷不二家

掉轉面皮爺不識情忘意寂好參疑平湖湛水波中
月萬里寒光擁翠微

道人誓不越人情截斷恩緣與愛憎大戒不違心寂
寂真名三界福田僧

不用相拘自坐禪如初月出新團圓經行坐卧心無
間定證如來大涅槃

一文邪

萬善和尚語錄

二九

聞板方思去坐禪若能成佛待驢年死生大事何曾
舉此等愚人莫與言

打板拘他不坐禪不憂大事縱心猿披毛戴角都拚
了警策徒勞結死冤

安然體健好參玄大道何拘身少年看他七歲黃梅
老歸來松栢已天然

示出家十首

出家堅戒精專禮佛燒香習坐禪佛祖也知無妄語
依行父母盡生天

出家人發真心一寸光陰一寸金莫把世間閒骨董

等閑埋沒少林心

出家戒諸病瘥貪與頭息超三界堅持戒律等金剛
那魔外道不能壞

出家客達宗風古今佛法沒西東一句了然超百億
萬象森羅轉笑容

出家主無散聚色身外相分男女赤白青黃體上衣
靈通佛性皆相似

出家難中玄關難中有易易中難兀兀頓忘塵世念
呵呵一笑悉超凡

出家人莫因循物物頭頭合本真運水搬柴覓得
真

支那

萬善和尚語錄

三十一

鐵樹花開別是春

出家守莫遊走既是參禪施毒手鐵壁银山盡打穿
草木叢林獅子吼

出家僧任騰騰大道玄玄息智能了了明明無可立
心心無法續傳燈

出家仙達無傳西來祖意宜何宣棒喝交馳談般若
永祝皇圖萬萬年

佛祖讚

釋迦佛

如來誓願化三塗鎔降王宮出路無不得淨居天子

力至今同我是凡夫

釋迦牛身

依舊無端下雪山將何憑據示人間全身不立乳坤
別破盡有情生死開

出山相

雪嶺堆堆坐六年無風起浪出入前未拈花已先微
笑教外何曾有別傳

又

衆生未度出雲霞一見明星眼裏砂大地雪山春色
轉人間何必更拈花

支那

萬壽宮語錄

三一

魚籃觀音

西來祖意竟無縱盡在盈盈信手中授破魚籃真好
笑白鵝飛過海門東

童真觀音

信上

善財敬禮觀音相碧玉巖碧事大差要見童真端的
處廣寒宮裏笑梅花

又

三十二應神頭鬼面喚作觀音童真示現善財龍女
喪家風碧玉巖前通一線

涌壁觀音

南大師
師求

萬壽和尚語錄

碧玉崑前寒波浪起鳥啼花笑風生竹尾圓通極處
了無聞龍女善財齊側耳

梵相觀音

改頭換面三十二應喚作梵相虛空安柄要見大悲
觀世音全身坐斷大圓鏡

觀音

白浪生神足衣珠汎海風普陀山頂月無處不圓通
妙音觀自在海月印無心龍珠光奪夜善財仔細尋

盡大地人無覓處浪花堆裏聽潮音

支那

萬壽宮語錄

三一

碧玉巖前妙觀自在大圓鏡裏了無罣礙驚啼柳眼
舞春風兒童更在乳坤外

人人有箇觀音相童子何勞向外看當處必然開活

眼梅花影裏逼人寒

海底泥牛翻白浪善財龍女禮慈容若將此是觀音

相頂上圓光又一重

玉石未分明皎皎妙觀自在體如如巖前已有花含

笑翠竹搖風拂太虛

源上人讚

東州敗闕過西州兀坐柴床得自由想汝別無奇特

處一生偏愛杜田頭

壽上人讚

也不讚也不罵有耳如聾有口如啞萬古一青松蓋覆四天下

昱上人請讚

遮頭陀有甚德不是寒山亦非拾得手握竹篋口生荆棘胡揮亂打佛也不識咄面目分明是什麼物

維摩

不二門誰能道老維摩入荒草頓嘿然未為妙把住云道道道

支那

萬世和尚語錄

三

達磨

西來特地見梁皇不了依前暗渡江面壁九年無活計豁然雙眼遍神光

童真五祖

面如滿月困似泥團童真非五祖法界一齊觀泥牛無覓處爐香只葉逼人寒

五祖

有孃生無爺姓一點心明似鏡濁港灘頭記宿歸青松以滿東山嶺

六祖

擔橫肩入市塵春米白鏡非妍三更得後成何事演上風光不亂傳

布袋

愁布袋覓人錢祖師意亂相傳將席鋪開市塵伶俐漢見不見

又

彌勒笑嘻嘻問渠知不知全身倚命笑兩眼掛須彌率陀宮裏到人稀隨處花開香滿衣

朝陽

破衲襖沒兩般穿得透補得完抖擻看青毛寒

支那

萬世和尚語錄

三

對月

心戀倦意朦朧本無字讀不通回首看日東紅蜺子和尚

笨籬日向江邊攆不得蝦兒未肯休人問西來祖師意酒臺推出冷相酬

船子和尚

一桡打落洪波裏即要男兒自點頭掩耳得來獨歸去踏翻船子一齊收

趙州

趙州直徹開口見舌擬議得來虛空迸裂

安師

終策

天凡參學做工夫者先將平日所知所見人我利害盡情掃卻然後將本參話頭頓在目前行住坐卧時也參著衣喫飯時也參屙屎送尿時也參靜鬧閒忙時也參喜怒哀樂時也參但於十二時中心心無間念念相續不忘這箇話頭頂是大起疑情大疑即大悟不疑即不悟悟即悟自本心明即明自本性古人云佛見法見是二種鐵圍山若有所見盡成其障所以證道歌云心是根法是塵兩種猶如鏡上痕痕垢盡除光始現心法雙忘性即真此事不論根性利鈍

馬

馬

三五

只要信得及行得切時節到來忽然觸著磕著洞明大事祖師云我本求心不求佛法界元來無一物佛者覺也如何是覺因呵呵方知此語實無妄也且道笑箇什麼經云心生大歡喜自知當作佛然雖如是須經大善知識懺懺將來方可續佛慧命謹按西來直指正單傳自念參疑意廓然今古上乘無別法盡皆心悟未生前

破衣歌

野禪和超因果把茅蓋頭癡呆坐肌寒體露不知羞八面狂風峭直過赤洒洒淨裸裸孌衫著久風吹破

真如面目本天然笑道修行求佛做有因果無因果

疑是疑非招殃禍著衫脫袴露真常靈通實性難包裹孤峰頂隱泉坡無常老病誰能躲或寒或熱任交煎且自長伸兩腳卧披白雲風吹疎寒灰撥散無星火人間多少好担那仰面看渠誰識我比榮華少什麼寸絲寸線煩難捨不用千羅萬兩綿青州布衫只一箇忽有緣撞著喫眼光迺出天來大手中執顆爍光珠大地山河皆照破東峰行西峰坐諦觀日月穿梭過未曾折亂三斤麻著破孌衫知幾箇南州生北州大父母木生誰是我恩愛頓忘真出家忍衣法空

馬

馬

三六

如來座建法幢立香火堪笑堪悲老達磨九年面壁向西歸不得神光至今坐拋隻履露齒牙身衣縵縷往圓家香至國王多富貴且歸宮裏受榮華通智勝坐道場梵眾衣祴奉殷香體煖安和心意樂千生萬劫不思鄉曠大劫未爲長繫珠何啻七斤裳傳布種麻栽石上毳衣從棄火中央經行坐絕思量隱山誰笑破衣裳熱即捲簾寒放下西天此土統家鄉師平常三等接人凡人來便云在那裏來或云吃飯也未或云幾時到此道道道此語三十年未曾有人道得若於此語一一道得明白許你親見萬峰和尚

慈光寂照圓明利濟萬峰大禪師塔銘

茗溪花城隱士海安同知沈貫撰

一真法界萬象無跡妙有不有真空不空寂而常知無機不脩洞照十方今也天地故名大覺吾佛證斯開方便門示真實相迦葉得斯破顏微笑越正法眼少林得此面壁九年與可安心以三即一以一一即三四七二三皆證此也佛佛相印祖祖相傳衣鉢可藏而法不容泯曹溪付與南嶽微授與馬祖祖得百丈海海得黃檗運運得臨濟玄一花五葉從此而分臨濟得仰雲門曹洞法眼濟得黃檗親傳古云臨濟正

支那

萬峰禪師塔銘

三

宗一十八世至高峰妙公公得雪巖欽公心印居天目山獅子巖三十年不出死關四方從者雷動海湧鮮有昇其門者唯中峰本公溪造關與以得其訣通博無礙以大辯才息三教之有破六宗之執王臣慕仰帝道施恩入室弟子以數十計惟千巖長公得其法爾巖得其傳居義烏伏龍山建大伽藍學徒恒數百人攪動江山各領宇宙齊魯燕趙秦隴閩蜀外而日本三韓八番羅甸交趾琉球莫不奔走膜拜咨決惟萬峰禪師一人最爲上首師諱時蔚號萬峰温州樂清縣金氏子母鄭氏夜夢白氣亘天因時懷妊癸

卯八月二十九日午時生母晚年生師數子師得弟二母欲棄之有姊金氏鞠以爲子年始七歲父母俱喪忽一夜自覩白光滿室賢愚莫能知之十三歲依本縣演慶寺昇講主出家十六歲爲僧因看法華經安樂行品云在閑處修攝其心師有省問講主此語如何解說講曰世尊教你向山間林下結庵靜道師聞其語不勝欣喜長時打坐兀兀如癡講曰汝非吾宗人也令師遊方問道年十九歲更衣學禪受具足戒遊於兩浙至杭州聞虎跑止巖和尚道譽遂往禮拜請益巖曰因甚參禪人不悟真性逐日區區打

支那

萬峰禪師塔銘

三八

開過了也或三五成羣說長老如何或三五成羣說叢林好惡一向不在已躬下做工夫若要了悟上乘切要真參實學從頭開發一遍就付三不是公案巖云便從這裏晝三夜三心心無間念念相續參去師得開示夜不寢席日不涉絲以經數月未得其決復回朔州達達佛跡山卓居辦道正在疑網中忽聞寺中宗律師舉百丈問瀉山云不可喚作淨瓶喚作甚麼山踢倒便行觸發疑情不覺因地一聲打破疑團直得虛空粉碎大地平沉非一切世間境界可比不是心不是佛不是物咄這鈍漢正好爲渠三十棒本

來見成何有許多周折頌曰如來臘八觀明星也是將殿作眼睛爲有逮孫明悟處日輪當午豁然明自厥之後徑往華頂峰無見和尚處求其決擇見問萬法歸一一歸何所師上前問訊又手而立又問如何是道師云道無可道見云不道又不道箇甚麼師云正要和尚疑着見云疑着卽錯師云不疑亦錯見便喝師亦喝見又喝師亦喝拂袖而行見云侍者侍者你雖悟得箇真性年紀小在未可印證你來汝且居山十年二十年我自令人來取你也其年二十六歲復回達蓬較載自後竟無消息師忽聞虎跑止巖和

萬峰禪師塔銘

元

尚同寂久時師遂往掃塔偶宿靈隱旦過忽聞方殿主舉千巖和尚一頌云斷崖和尚春圓寂無見知翁夏亦亡畢竟有生還死千巖不久也無常兩輪日月如梭過一合乾坤是磨忙寄語諸方參學者莫教蹉過好時光一聞便知來意一同本僧直造伏龍相見和尚纔入門便問不是心不是佛不是物是箇甚麼師將坐具打一圓相叉手面立問答不錄偈呈南泉不是惱人心有要將心去捉心不是我心不是佛性空寬廓有何尋師允諾就命堂中第一座辭不獲已。龜勉祇領忽一日和尚陞堂舉無風荷葉動必定

有魚行師出衆震聲一喝拂袖而行和尚示偈云鬱鬱黃花滿目秋白雲端坐碧峯頭無賓主句輕拈出一喝千江水逆流師見偈從此退職遂往蘭溪州嵩山結菴辦道奈何十方雲水交叅四海高賢咨決于巖令人持書相招前日堂中大衆問老僧首座如何不來走遭以見衆人之心歡喜老僧門下得人你如何執坐於此以知斯意師念愚魯於宗無補不敢妄爲擔荷大法後於壬辰三月二十四日和尚令源藏主送法衣頂相來巖云老僧袈裟一頂送與嵩山蔚長老畧表叢林之道念非諸方梵法子者也呵呵師

文那

萬峰禪師塔銘

聖

得法之後因浙東田少山多不堪着衆又遭三年亢旱繇是行錫蘄州遊覽水山乃見光福鄧蔚山山水相拱龍虎盤旋朱雀導而玄武從陰陽合而子午正初建道場鋪舒厥志三十餘年道風遍布如谷應聲往來雲水靡間賢愚駢集座下致無虛日於洪武辛酉正月十五日告衆曰吾今時節至矣大衆切莫遠去門人駭然不散後於當月付囑衣法與衆弟子門人行宗問曰和尚會中幾人得法弟子師示偈曰慈悲無念華開果熟因地分明慧寶致囑清徹源源一派流千古萬古來相續付法已訖此日京都西天師

父令慶侍者來報師。欲以奏聞請師相見。一應答酬謝以畢。明日二十九日乙卯午時。付囑門人曰。如今已得。須向山間林下。鑽頭邊接引一箇半箇。闡揚吾道。報佛恩德。不可攀高接貴。輕慢下流。逐利追名。迷真惑道。如今末法將沉。汝等切須仔細。道了結跏趺坐。說偈曰。七十九年一味杜田。懸崖撒手。杲日當天。語畢而逝。春秋七十九。僧臘六十夏。停龕十三日。肢體溫如。形容儼若。門人普鑑等取二月十三日巳時。門人普鑑等奉全身瘞於院西涅槃山之永光塔。西衆弟子哀聲動搖。山水師一生清苦。其能言之。納

支那

萬峯禪師塔銘

聖

衣蒲履錙銖。不蓄數處。開山畧無。顧盼學徒。皆稱苦薩。不呼名諱。受化僧俗。莫知其數。室中舉古驗今。直截根源。並無剩語。所有示衆語錄。送行法語。不肯留傳。但曰。從上佛祖種種言說。句句朝宗。言言見諦。後學初機。畧不聽從。況吾區區杜田話柄乎。悉付火爐。門人記錄畧成文卷。仍行於世。門人普壽敬持行實。勉余請銘。余才輕德薄。不敢汗禪師之德。自念爲師。嗣法弟子。海丹和尚座下。參學久矣。況吾祖父亦授天目中峰和尚戒諭。往來不徹。余一日請問海丹曰。圓覺經云。修多羅教。如標月指。若復見月。了知所標。

畢竟非月。此理如何。丹舉手云。經也。月也。指也。余惜然。丹拍案一下云。月落寒潭。因而有省。乃知月指不別爲經。從此知師之道。非凡情之所測也。了知一月。當天本無標指。無指恐觀者不覩。真月直指之言。智者觀之。有進。故述其銘。銘曰。

天目穹隆。大道盤宗。至高至妙。本乎其中。千巖一頂。卓然萬峰。夢感母姪。瑞應童蒙。爰自落髮。性智圓融。一聞妙義。聲入心通。虎跑回首。歸隱達蓬。機獨百丈。頓悟真空。靈隱達方。道契伏龍。遍歷殊勝。罔克愜衷。

支那

萬峯禪師塔銘

聖

相彼平江。山水之邦。蔚山秀拔。群峰頽頽。登臨一覽。終焉允臧。坎離中正。龍虎超驤。大展厥志。洪肇道場。天人擁護。聖凡讚揚。徒衆雲集。躋躋踰踰。援溺扶蹶。道念遄遄。寒之裘裳。飢之膏粱。汲引將來。山海梯航。維踵接跡。靡聞遐方。卅有餘春。其道大昌。爲人天師。宜壽無量。八旬相將。偶說無常。瘞院西傍。涅槃之陽。位正玄堂。梵瑜全藏。維石昂昂。松栢蒼蒼。石爛松枯。斯塋永光。

萬峯禪師塔銘

聖恩禪菴開山祖師萬峯蔚公傳

承德郎刑部主事永嘉陳亢宗述并書

師諱時蔚字萬峯。出温州樂清金氏。母鄭。夢儒釋二人入其竅。覺而生二子。師居末。適有光燭室。鄭懼欲弗舉。其姑保而育之。襁抱中見僧輒微笑。作合掌態。父母度不可留。使禮越之永慶寺。昇講主爲師。時年十一。嘗誦法華經。至諸法從本來。常自寂滅相。忽有者送入杭。受具。叅止巖禪師於虎跑。示以南泉三不。是語別入達。遂山卓。佛跡寺古址。晝夜究竟巖語。至忘寢食。一日寺主宗律師舉似瀉山淨瓶公案。觸

支那

萬峯禪師傳

四三

所參卽說偈云。顛顛倒倒老南泉。累我工夫卻半年。當下若能親薦得。如何不進劈脊拳。遂往見巖。詰前語。獻偈云。南泉正是惱人心。更要將心去覓心。不是心兮不是物。性天寬廓有何尋。復之華頂。訪無見親。公見問從何處來。師云。從杭州來。曾見何人。師云。止巖和尚有何指示。師云。南泉三不是。見云。我這裏南泉三不是。卽不問。如何萬法歸一。師云。從生至死皆無一。又問如何是一。歸何處。師近前叉手云。不審見云。且居山保守。還返達蓬。獨處者十稔。已而往伏龍山中謁千巖禪師。初入室。問將甚麼與老僧相見。師

豎拳頭云。這裏與和尚相見。巖問死了燒了向何處安身立命。師云。漚生漚滅。水還在。風息波平。月映潭。巖復云。其要請益受戒麼。師卽掩耳而去。明日巖請衆所松。師拈圓石作獻珠狀。云。請和尚酬價。巖云。不直半分錢。師云。瞎。巖云。我也瞎。你也瞎。師云。瞎瞎。卽說偈云。龍宮女子將珠獻。價直三千與大千。卻被傍觀人決破。誰知不值半分錢。巖顧昭首座曰。蔚山主頗有衲僧氣味。煩請歸堂。比佛誕日。巖上堂云。今日有三種好事。一者世尊降誕。二者天道晴明。三者有大施主設齋。若向此三種好事上。識得老僧舌頭落

支那

萬峯禪師傳

四四

處。日消萬兩黃金。師從西過東。一手指天。一手指地。云。天中天。天中天。釋迦彌勒。誰後先。巖云。大師子吼過了也。還有小師子麼。未幾復還佛跡巖。遺以衣拂各一。并偈一首。見千巖語錄中。旣而移居嵩山。閱九載。巖三爲手書招之。所以愛重期待者甚厚。比至請與分座。尋返嵩山。巖囑云。汝緣在浙西。可往化導。大振吾宗。遂以元末己丑年入吳。凡三築精藍。卒之袁墓。鄧蔚山中卓錫半山。斬蒙叢結菴居之。久之四衆歸嚮。乃構爲大伽藍。號曰聖恩。自是緇素奔轅。遠邇雲集。師隨機開道。俾滿意欲。初不爲雕琢語。故人益

慕而信之。一日忽沐浴更衣召眾訣別書偈曰。七十九年。一味杜田。懸崖撒手。杲日當天。遂跌坐而逝。時洪武十四年正月二十九日也。龕留十有三日。顏色如生。傾城聚觀。膜拜瞻嘆。其徒普壽等奉全身合二。正座。菴之西。崗遵治命也。師貌古而清。髭鬚疎秀。寡緣飾。千巖稱其純粹質樸。有古人氣象。漢得之矣。師歿。番四十年。吳人無少長咸知遵慕其行。嘉湖諸郡。至有繪像而事之者。其生卒之辰。遠邇畢集。如其生時。而傑閣重樓。逾增舊觀。焚修之徒。數常滿百。歸然為一大叢林。雖宿號名山。盛制。或未之能先焉。巖所

支那

萬峯禪師傳

四三

萬峯語錄後跋

嗚呼三百年來天下老和尚之真精神不得見其大全也。審矣何則。自元迄今。義學橫出。遮障宗風。每歲語錄不應出自身。前故多後人竊錄。漫附己意。稍于一字一語差池。則毫釐千里。於文或妙。於宗則失。故國朝語錄宗旨不備。多致湮沒。間有好事者。翻刻舊錄。又以改削宗旨為自任。妄意增損。無從訂正。則傳燈一脉。漸為微弱。良可慨也。茲萬峯禪師語錄。二百年餘。幾經重鐫矣。觀其三玄頌。不以臨濟之三玄而蹈玄沙三玄之名。則悞矣。至若第三玄。則曰。本來無

支那

後跋

四六

屬者。益又驗矣。師平生未嘗讀書。惟以漢悟自得。其形諸語。熟者俱能刊落浮華。而一踐乎實。其徒普壽等輯為萬峯語錄一帙。鋟梓流行。然非師志也。其所度弟子若干人。得法弟子若干人。而勝學無念者。獨號能紹其傳云。贊曰。管中峯。普應國師。以臨濟正宗振耀天目。得其心印者。弟子千巖也。千巖再傳而師實承之。厥後無念學公復親受師衣法之付。受知

太祖高皇帝。龍章寵錫。雲漢昭回。天目淵源。遂為有托。師所付得人矣。嗚呼盛哉。

永樂十七年八月二十九日。徒弟比丘智璿立石。

一物。萬象盡獨顯。若此。正六祖未徹悟時語。通身坐主見解也。豈臨濟第三玄之旨哉。予詢其來。則草本傳自他家。種草。不得不辭。特因始蘇脫塵。萬居士施貲重付諸梓。而出其疑案於卷尾。為後之明眼者證所真。宗旨載明。玄風永扇。為祖燈之光燦。不替云時。崇禎三年庚午元旦。鄧蔣天壽。

聖恩。禪寺住山比丘法藏志。



附出三玄原頌

句中玄孤雁喚長天。寫出無生曲。隨方解逐圓。
體中玄無正亦無偏。容光吞萬象。獨露水中天。
玄中玄維摩頌。雖然本來無一物。萬象盡蠲蠲。
翰林院侍讀學士王公達善復銘師塔尋出補刻

三玄原頌

畢

附刻東明寺虛白慧昌禪師塔銘

資德大夫正治上卿禮部前太子賓客兼國子祭酒
昆陵胡澂撰

中順大夫京府丞前翰林編修東吳朱孔陽書

中憲大夫太常少卿經筵待書廣平程南雲篆額

師諱慧昌字東明號虛白姓王氏其先湖廣人也

父爲丹陽稅課司副使遂家焉母黃氏方娠一夕

夢僧頂包入門及產師有異質警悟不凡經書過

目卽能成誦甫七歲嘗夢坐稠人中揮麈談論醒

以告母母曰此僧家說法象也他日令汝出家年

支那

東明禪師塔銘

吳

十四卽禮邑之妙覺寺僧性某湛然爲師湛然問
曰汝爲何事答曰作佛然大奇之旣爲落髮受戒
晨夕精進服勤三載值湛然轉江西疎山住持時
聞松隱唱導雲間卽往咨叩其心印至一小庵自
誓曰我今若不徹證决不復回遂禪定至六日方
出定舉首覩松豁然有省自此晝夜無睡坐如鐵
幢故諸方號之爲呂鐵脊尋又至蘇之玄墓山見
果林和尚針芥相投然後指示見寶藏持禪師師
具陳悟因藏斥之曰佛法如大海轉入轉深那裏
泊在此處師遂親炙於座下藏一日問曰心不是

佛智不是道汝云何會師向前問訊又手而立藏呵之曰汝在此許多時還作遞個見解師乃發憤忘寢食至第二夜豁然做法源底遂呈偈曰一拳打破太虛空百億須彌不露踪請問個中誰是主扶桑湧出一輪紅藏垢曰雖然如是也須善自護持時節既至其理自彰師受囑別去至永樂甲申歲登天目結千日期期滿至昭慶受具戊子訪安溪古道場道通禪師遺踪師見其峰巒秀拔遂有終焉之意山之先住靜人恐其侵據勢促不樂夜夢神人告曰汝不可輕慢此僧後當大建道場弘

友那
釋述二

東明禪師塔銘

見

法度人師於山中入關一住三十餘年影不出山道風揚播緇素信向四方請益者接踵雖耆年宿衲亦爭趨座下蓋其誨迪獎勵未嘗少倦有疑而決者所以片言莫不泠然省解是致檀施填委學徒雲集恒至數百因居所狹隘不能容衆宣德丁未遂拓基營繕不二年間殿堂門廡禪室方丈鐘樓庫宇僧寮庖廩凡所宜有者靡不畢備遂成一大叢林宣德乙卯欽蒙

賜額爲東明禪寺復爲度僧俾奉香火至于己未聲以檀那獻施羨餘財帛重建淨慈佛殿辛酉六月

廿有七日命寄僧眾衆知師意不久住世請師留偈師曰一大藏教無人看管罕用得幾句閑言語至二十九日辰時聞衆衆踴躍而逝停龕七日顏貌如生官貴僧俗扶送者數千人依法茶思蓮設利無數明瑩如珠衆西遺骨并設列筵於山之東塢而塔焉師世壽七十僧臘五十有五弟子僅百人受戒者請誨益者數萬人蓋師平昔訓海學徒無分高下隨機設變各以其病藥之若遇切機則和顏宛色輕語恬言使人醉心快意如坐春風中及其較勘宿學務必辭其淺深究其源委毫髮

友那
釋述一

東明禪師塔銘

五十一

不容虛偽苟有果能進道者解衣推食而勉之至于屠獵之輩遇師訓誨無不改惡遷善唯其道力強固解行兼全以身任道務在闡揚宗旨志在利他如有知即應故能致人信向皈依如是之多今其上首本寺住持覺明令僧智宗智鑑費大竺靈山住持臨川妙品狀師行業徵余爲銘余於宗門未嘗究竟固措頌美之辭特摘狀所實爲銘庶幾不失其實俾末學得以瞻承遺範云爾銘曰

大雄宗教 昉於西域 流入中華
四海洋溢 初祖達磨 單傳直指

返照迴光	佛即在是	惟師克紹
挺然負荷	監立法幢	作大依怙
四眾學徒	川奔雲集	化如時雨
因不濡及	頓慈方便	人咸信向
各領奧要	得意忘象	卓哉東明
大元吸宗	世緣既盡	委順而終
山之東塢	崇崇宰堵	勸離頑珉
垂休萬古		
己巳秋七月望日本寺徒弟比丘	覺澄	覺明
覺泉	覺淨	覺曇
	覺圓	覺海
		覺真

東明禪師塔銘 聖

智林	智誠	智滿	智宗	智庚	智鑑
智茂	同立石				

真聖和尚語錄